


31762/c

31764

31765

LA CAILLE, Nicolas Louis de

280
280, 283



75751
CLARISSIMI VIRI
D. DE LA CAILLE,


ACADEMIÆ REGIÆ SCIENTIARUM PARISIÆ, SUECICÆ, ET BORUSSICÆ,
NEC NON INSTITUTI BONONIENSIS MEMBRI, AC PROFESSORIS
MATHESEOS IN COLLEGIO MAZARINIANO PARISIIS

LECTIONES ELEMENTARES
OPTICÆ

EX
EDITIONE PARISINA ANNI MDCCLVI
IN LATINUM TRADUCTÆ

A
C. S. E. S. J.
QUIBUS AUCTARII LOCO ACCESSIT
BREVIS THEORIA
MICROMETRI OBJECTIVI

A
R. P. ROGERIO JOSEPHO BOSCOVICH, E. S. J.
IN COLLEGIO ROMANO MATHESEOS PROFESSORE
CONCINNATA
M. DCC. LVII.



VIENNÆ AUSTRIÆ
TYPIS JOANNIS THOMÆ TRATTNER, CÆS. REG. AULÆ
TYPOGRAPHI ET BIBLIOPOLÆ.



LECTORI BENEVOLO.




Lectionibus Astronomiae Clarissimi Authoris, quas nuper Gallici sermonis ignari tironis commodo Latinas effeceram, has quoque, Opticam universam pulcherrimo compendio complexas, jungere visum est. Neque enim satis aequum existimabam, ut, quas privatis meis exercitationibus percommodas experirer, eas aliorum utilitati non perinde aptas redderem, apud quos id genus institutiones, ut latina lingua fiant, usus poscit. Ceterum ita habe, Lector Benevole, amplissimam esse Authoris laudem, quam tametsi praefixam libro non legas, tu tamen, ubi evolveris, ni prorsus iniquus sis, pronunciabis.

Illud autem tibi non injucundum fore existimavi, si perbreve **Micrometri Objectivi** descriptionem, atque ex Opticis rationibus concinnatam theoriam, auctarii loco adjicerem, quam R. P. Rogerius Josephus Boscovich, cum his diebus apud nos degeret, petente R. P. Carolo Benvenuto, conscripserat, mihi pro sua humanitate communicaverat. Utriusque nomen apud litteratos notius est, quam ut a me ad eorum laudem quidpiam adjici possit. Committendum scilicet non putavi, ut isthic, suoque adeo loco, praestantissimum, atque recens inventum taceatur, quod cum commoda non exigua in Astronomicis spondeat, in usu tamen suas sibi deposcit cautelas. Vale.

Addidi etiam in hac editione tractatum de Perspectiva, quod quamvis plures longe apud nos libri extent in hanc Optices partem conscripti, quam in alias; nullus tamen, quod sciam, sit omnium, qui methodo satis generali principia illius tradat. In plurimis non nisi regulæ quædam in praxi servandæ sparsim occurrunt, cæque verbis obscurioribus propositæ, & ordine, & demonstratione destitutæ. Usus autem sum in principiorum, quæ adfero, ac methodorum, quæ in eorum applicatione sunt tenendæ, expositione, stylo paullo fusiore, quam ceterum adhibeam, quod scilicet non agamus hic de Theoria quapiam, quæ vel *Prælectionibus* evolvi primum debeat, vel studio & meditatione Lectori familiaris possit reddi; sed de Arte, quæ diuturnam potius normæ ac circini tractationem desiderat, duce methodo, quæ nusquam ad intricatiorem aliquem casum adhærere sequacem patiatur.





I N D E X

CAPITUM ET ARTICULORUM.

PARS PRIMA.

OPTICA PROPRIE DICTA.

	Pag.
ARTICULUS I. De principiis, quibus demonstrationes Opticæ innituntur	2
ARTICULUS II. De proprietatibus generalibus luminis	3
ARTICULUS III. De proprietatibus Umbrarum	8
ARTICULUS IV. De proprietatibus luminis, visionis & colorum causa spectatis	11
ARTICULUS V. De ideis, quæ ex visu in anima nostra consequuntur	17
ARTICULUS VI. Varia phænomena objectorum procul visorum	20

PARS SECUNDA

COMPLECTENS CATOPTRICAM ET DIOPTRICAM.

CAPUT I. Notiones Generales Catoptricæ & Dioptricæ.	
ARTICULUS I. De imaginibus & focus	28
ARTICULUS II. Leges & principia ab experientia deducta, quæ demonstrationibus in Dioptrica, & Catoptrica fundamentum præbent	29
CAPUT II. De Catoptrica.	
ARTICULUS I. De imaginibus, aut focus per reflexionem	31
ARTICULUS II. De loco, situ, & motu imaginum per reflexionem ortarum	33
ARTICULUS III. Applicatio Theoriæ superioris ad specula plana	37
ARTICULUS IV. De speculis cylindricis, conicis &c	41
CAPUT III. Dioptrica.	
ARTICULUS I. De imaginibus sive focus ex simplici refractione	43
ARTICULUS II. De motu imaginum respondente motui objectorum, quando lux ex aere in vitrum transit & vicissim	44
ARTICULUS III. De imaginibus, quæ per duplicem refractionem efformantur	46
ARTICULUS IV. De motu & situ imaginum, quæ e duplici refractione oriuntur	50
CAPUT IV. De visione.	
ARTICULUS I. Descriptio Oculi, & imaginum, quæ in eo depinguntur	53
ARTICULUS II. De visione distincta. De diversis vitiis visus, & remediis, quæ Dioptrica suppeditat	55
ARTICULUS III. De visione, quæ fit ope vitrorum, vel speculorum	58
CAPUT V. De Telescopiis, & Microscopiis.	
ARTICULUS I. Notiones præviæ	60
ARTICULUS II. De Telescopiis Dioptricis, sive refringentibus	62




ARTICULUS III. De Telescopiis Catadioptriciis	- - - - -	65
ARTICULUS IV. De Microscopiis	- - - - -	67
ARTICULUS V. Animadversiones Generales in Telescopia, & Microscopia	- - - - -	70
CAPUT VI. De Obstaculis, quæ in constructione Telescopiorum & Microscopiorum se produnt, & eorum perfectionem necessario minuunt.	- - - - -	74
ARTICULUS I. De obstaculis a figura sphaerica superficierum pendentibus, & ratione iis occurrendi	- - - - -	74
ARTICULUS II. De Obstaculis, quæ resolutio lucis in diversæ naturæ radios opponit	- - - - -	75
ARTICULUS III. Quæ de proprietatibus lucis dicta sunt, universim ad Telescopia, & Microscopia applicantur	- - - - -	78
ARTICULUS IV. Applicantur eadem ad Telescopia, & Microscopia dioptrica	- - - - -	78
ARTICULUS V. Applicatio dictorum de proprietatibus lucis ad Telescopia & Microscopia Catadioptrica	- - - - -	83
CAPUT VII. Diversæ quæstiones Opticæ	- - - - -	85

P A R S T E R T I A.

P E R S P E C T I V A.

CAPUT I. Notiones, & principia Generalia, quibus universa Perspectivæ Theoria superstruitur	- - - - -	92
CAPUT II. Describuntur præcipuæ Methodi Perspectivæ Practicæ	- - - - -	99
I METHODUS per craticulam Perspectivam	- - - - -	99
II METHODUS sine craticula Perspectiva	- - - - -	102
III METHODUS per margines scalares	- - - - -	103
PROBLEMATATA ope marginum scalarium solvenda	- - - - -	108
CAPUT III. Exemplum, & Observationes Generales pro delineationibus perspectivis omnis generis	- - - - -	119
CAPUT IV. Apparatus necessarius, quando magnus objectorum situ, & magnitudine datorum numerus est delineandus	- - - - -	125
CAPUT V. De perspectiva Umbrarum	- - - - -	129
ARTICULUS I. De proprietatibus Umbrarum, quarum ratio in Perspectiva habetur	- - - - -	130
ARTICULUS II. De umbris corporum, quando sol vel luna est in eodem plano cum tabula	- - - - -	132
ARTICULUS III. De umbris corporum, quando sol vel luna est post planum tabulæ	- - - - -	133
ARTICULUS IV. De umbris, quando sol est a tergo spectatoris	- - - - -	134
ARTICULUS V. De umbris corporum, quando lucidum vicinum est, uti candela ardens	- - - - -	135
ARTICULUS VI. Varia Problemata de Umbris	- - - - -	139
AUCTARIUM Theoria Micrometri objectivi	- - - - -	148



LECTIONES ELEMENTARES OPTICAE.



I.

ptica est scientia Physico-Mathematica, de lumine, & visione agens.

2. Lumen tripliciter ad oculum ab objecto venire potest, *primo* directe, & sine flexu. *Secundo* si prius frangatur, vel refringatur. *Tertio* per reflexionem. *Optica proprie dicta* est ea

pars, quæ tractat de visione, luce directe ad oculum veniente. *Dioptrica* dicitur pars altera, explicans visionem, dum lux frangitur, vel refringitur. Et *Catoptrica* denique exponit visionem, quæ fit lumine reflexo.

3. *Perspectiva* itidem ad scientiam Opticam pertinet; estque ars exhibendi in superficie data objecta, qualia apparerent, si e puncto dato conspicerentur.

4. *Medium* dicitur spatium, quod lumen permeare debet. Hoc spatium vel est simpliciter vacuum, aut ejusmodi repletum materia, quæ nullum prorsus obstaculum motui lucis objiciat, tumque *medium liberum* appellatur; vel vero continet talem materiam, per quam lumen majore, vel minore cum facilitate transit, vocaturque *medium diaphanum*. Si materia per totum, quod occupat, spatium, sit ejusdem prorsus constitutionis, sibi que similis, erit *medium homogeneum*; at si constet partibus diversæ indolis, efficiet *medium heterogeneum*.

PARS PRIM A.

Optica proprie dicta.

ARTICULUS PRIMUS.

De Principiis, quibus Demonstrationes Opticæ innituntur.

5. **P**rinicipia, quibus tanquam fundamentis Optica superstructa est, non aliunde quam ex experientia deducuntur. Sunt autem observata quædam in ipsa rerum natura, de quibus inter omnes Physicos convenit. Omnia hæc erui possunt e sequente experimento, si ejus conditiones rite expendantur. Obstruatur omnis omnino lumini in cubiculum aditus, exiguo tantum relicto foramine. Tum tempestate serena in pariete (qui nitidus sit & albus) omnium objectorum extra foramen positorum imagines suis distinctæ coloribus, quamvis languentibus, & obscurioribus, videbuntur. Rerum immotarum figuræ, ut arborum, ædificiorum, & ipsæ immotæ erunt; quæ vero moventur, harum quoque imagines moveri cernentur, uti hominum, equorum &c. Equidem situs horum omnium inversus exhibebitur, quod inde accidit, quod radii per foramen decussatim transeant, quemadmodum uberius in Dioptrica & Catoptrica exponetur. Si lumen solare in foramen incidat, radius lucidus videbitur linea recta a foramine usque ad oppositum parietem, aut tabulatum protensus. Si oculus in hoc radio constituatur, oculus, foramen, & sol in eadem recta apparebunt. Idem censendum de objectis aliis, quæ in pariete depinguntur. Porro imagines in eodem plano efformatæ tanto sunt minores, quanto longius objecta a foramine sunt remota. Cetera, quæ in hoc experimento occurrunt (quod exprimit, quæ in oculo nostro contingunt, dum objecta nos ambientia videmus), alias examini subjiciemus; nunc si debita adhibeatur attentio, sequentia deduci possunt.

6. I. *Lumen semper linea recta de se propagatur.*

7. II. *Punctum quodvis objecti luminosi e loco quovis videri potest, ad quem ex eo recta, nullo interjecto obstaculo, duci potest.* Tamdiu enim rei motæ imago in camera obscura depingitur, quamdiu manet foramini opposita.

8. III. *Punctum quodvis luminosum in omnem partem radiat.* Est velut centrum sphaeræ lucis indefinite quaquaversum extensæ. Et si cogitetur, quod interposito plano aliquo radii non nulli intercipientur, erit punctum lucidum apex pyramidis luminosæ, quam radii illi constituunt; & cujus basis est planum eos excipiens.

9. IV. Imago quoque in camera obscura objecti alicujus superficiem exhibens, est basis pyramidis luminosæ, apicem in foramine habentis; & radii, qui hanc efformant, cum in foramine se inter-

tersecant, aliam huic similem & oppositam efficiunt, cujus vertex est in eodem foramine, & basis in superficie objecti.

10. *Particulæ luminis sunt subtilissimæ* : utpote cum radii e quovis puncto objectorum foramini oppositorum venientes, per aperturam quam minimam, quin sese invicem impedian, vel confundantur, quantum quidem percipi potest, transeant.

ARTICULUS II.

De proprietatibus generalibus Luminis.

11. **PROPOSITIO I.** *In medio libero vis & intensitas luminis per radios parallelas propagati semper manent eadem.* In medio enim libero nihil est, quod motui lucis obstet; nihil, quod impediat, quo minus eodem semper modo agat; nihil, quod ejus celeritatem, aut directionem mutet.

12. **PROPOSITIO II.** *In medio libero vis & intensitas luminis, quod propagatur radiis vel ex eodem aliquo puncto digredientibus, vel ad idem punctum concurrentibus, sunt in ratione reciproca duplicata distantiarum ab illo puncto.*

Nam intervalla inter duos radios ab eodem puncto venientes sunt semper in ratione distantiarum ab eo puncto (sunt enim hæc intervalla bases parallelæ triangulorum isoscelium, quorum crura radii constituunt). Supponamus itaque, per interpositum planum in distantia quapiam a puncto concursus certum radiorum numerum intercipi; removeatur dein hoc planum ad distantiam duplam; tum ad triplam, quadruplam &c; erunt intervalla radiorum binorum quorumvis inter se ut 1, 2, 3, 4 &c. (quæ eadem est ratio distantiarum a puncto concursus); & quælibet dimensio basium pyramidum hac ratione factarum, erit in eadem ratione. Ergo superficies (Element. 608) earundem basium erunt ut 1, 4, 9, 16 &c; ita ut idem radiorum numerus successive distribuatur per superficies, quæ sunt in ratione duplicata distantiarum a puncto concursus, adeoque ut vis luminis eas superficies occupantis in eadem ratione decrescat. Etenim si in basi secundæ, tertiæ, quartæ &c. pyramidis accipiatur spatium æquale basi pyramidis primæ, manifestum est, quod in eo spatio accepto in basi pyramidis secundæ non sit nisi pars quarta luminis totius basis; in spatio accepto in basi pyramidis tertiæ, non nisi pars nona; in spatio sumto in basi quartæ non nisi decima sexta &c.

13. Hinc ergo constat, quod luminis a puncto, unde emittitur, digredientis vis sequatur hanc seriem 1, $\frac{1}{4}$, $\frac{1}{9}$, $\frac{1}{16}$, $\frac{1}{25}$ &c.

14. **OBSERVA.** Quamvis luminis vis adeo velociter decrescat, quando ab origine sua recedit, interim tamen splendor corporis lucidi

ad quodcunque intervallum in medio perfecte libero, & eadem apertura oculi visi manet constans.

Hic enim splendor dependet a densitate radiorum, qui imaginem in oculo depingunt, uti Articulo IV exponetur. Quod si jam oculus ad certam distantiam constitutus dein recedat ad distantiam duplam, in hac dupla distantia imaginis depictæ diameter tantum est dimidia diametri imaginis, quæ in ejus fundo ad distantiam simplicam depingebatur, adeoque spatium imaginis secundæ est subquadruplum spatii imaginis primæ: atqui etiam radiorum tantum quarta pars in dupla distantia recipitur eorum, qui incidebant in distantia simplici; ergo in imagine secunda eadem est radiorum densitas, ac in prima, consequenter idem splendor.

15. Equidem si experientiam consulamus, semper objecta eadem tanto apparent obscuriora quanto longius distant, donec tandem prorsus non amplius videantur; verum hæc obscuritas inde oritur, quod non nisi trans aerem ea videre possimus, qui est medium satis densum, præcipue prope telluris superficiem, & incredibilem radiorum copiam per intervallum inter objectum & oculum dissipat. Quippe secundum calculum a D. Bouguer initum in spatio horizontali 189 hexapedarum, sive $\frac{1}{2}$ leucæ communis, pars centesima lucis perditur; & intervallo 7469 hexapedarum, seu fere $3\frac{1}{4}$ leucarum, pars tertia perit. (Essai d'Opt. p. 76 & 80). Disparent tandem objecta, quod eorum imaginum decrescente semper magnitudine, minor quoque fibrarum nervearum oculi numerus moveatur, donec tam fiant exiguæ, ut sensibilem impressionem facere non possint.

16. PROPOSITIO III. *Lumen per medium diaphanum ejusdem ubique densitatis quomodocunque propagatum, decrescit in progressionem geometricam.*

DEMONSTRATIO. Supponamus densitatem uniformem medii, v. g. frusti vitri, esse ejus naturæ, ut partes illius solidæ radios lucis intercipientes efficiant partem $\frac{1}{n}$ totius voluminis vitri. Supponamus etiam, vitrum in lamellas æquales & parallelas sectum, quarum crassities æquet diametrum particulæ unius solidæ (quas omnes inter se æquales assumo): patet primo in cujusvis lamellæ spatio, per quod lux transit, esse particulas radios intercipientes $\frac{1}{n}$ totius illius spatii. 2do si fascis luminis, qui primam lamellam ingreditur, sit $= 1$, in prima lamella intercipi $\frac{1}{n}$, adeoque lumen in egressu tantum fore $= 1 - \frac{1}{n} = \frac{n-1}{n}$. Pariter ex lumine in secun-

secundam lamellam veniente $= \frac{n-1}{n}$ intercipietur pars $\frac{1}{n}$, quæ est $\frac{n-1}{nn}$; hinc in exitu tantum manebit $\frac{n-1}{n} - \frac{n-1}{nn} = \frac{n^2 - 2n + 1}{n^2}$ $= \frac{(n-1)^2}{n^2}$. Ex hac quantitate in tertia lamella rursus subtrahetur $\frac{1}{n}$ seu $\frac{n^2 - 2n + 1}{n^3}$, ut emergens tantum sit $\frac{n^2 - 2n + 1}{n^2} - \frac{n^2 - 2n + 1}{n^3} = \frac{n^3 - 3n^2 + 3n - 1}{n^3} = \frac{(n-1)^3}{n^3}$; & sic deinceps, id, quod evidenter progressionem Geometricam constituit.

17. PROPOSITIO IV. *In medio diaphano æquabilis densitatis intensitas luminis a puncto lucido intra hoc medium posito divergentis decrescit in hac serie* $\frac{n-1}{n}, \frac{(n-1)^2}{4n^2}, \frac{(n-1)^3}{9n^3}, \frac{(n-1)^4}{16n^4}, \frac{(n-1)^5}{25n^5}$ &c, in qua n exprimit quantitatem radiorum ad singula intervalla æqualia a puncto lucido per densitatem medii interceptorum.

Cum enim lumen divergat, post singula intervalla intensitas lucis decrescit in serie $1, \frac{1}{4}, \frac{1}{9}, \frac{1}{16}, \frac{1}{25}$ &c (13). Et quia etiam medium densum est, decrescit quoque in hac serie $\frac{n-1}{n}, \frac{(n-1)^2}{n^2}, \frac{(n-1)^3}{n^3}, \frac{(n-1)^4}{n^4}, \frac{(n-1)^5}{n^5}$ &c.

18. Exempli causa, quia lux ad distantiam 189 hexapedarum perdit partem $\frac{1}{100}$ suorum radiorum propter densitatem aeris, sequitur, esse intensitatem luminis, qua objectum videtur ad distantiam $\frac{1}{2}$ leucæ, ad intensitatem, qua idem videtur ad distantiam $\frac{1}{3}$ leucæ, sive 756 hexapedarum, in ratione reciproca $\frac{96059601}{1600000000}$

ad $\frac{99}{100}$, sive ut 33 ad 2 fere.

19. OBSERVA I. Cum lumen ab astris ad nos non nisi per atmosphæram, quæ tellurem undique ambit, pervenire possit, eo plus radiorum perit, quo tractu longiore per eam transmittitur; est vero hic eo longior, quo radii magis oblique ad nos pertinent: sit enim A B C (Fig. 1) arcus peripheriæ telluris, *abc* arcus concentricus, atmosphæram terminans, quæ non nisi ad aliquot leucarum altitudinem assurgit. Sit D B radius e zenith observatoris in B constituti perpendiculariter ad horizontem incidens; E B sit alter radius oblique; & F B tertius horizontaliter veniens. Manifestum est, quod radius perpendicularis solam altitudinem atmosphære *b B* permeare debeat; obliquo E B jam longior via,

quam bB , scilicet GB , conficienda sit; horizontali FB denique maximum spatium transeundum sit, ut HB . E quo sequitur, lucem astrorum esse maxime debilem, cum in horizonte versantur; sed semper augeri, dum magis supra horizontem elewantur; esse denique vivacissimam, dum per zenith transeunt.

20. D. Bouguer calculo propriis nixo experimentis reperit, quod e 10000 radiis, qui si atmosphæra non esset, ab aliquo sydere ad nos pervenirent, tot solummodo, quot sequens Tabella exhibet, ad nostros usque oculos propagentur.

Gradus altitudinis apparentis	Numerus Radiorum.	Gradus altitudinis apparentis	Numerus Radiorum.	Gradus altitudinis apparentis	Numerus Radiorum.
0	5	8	2423	30	6613
1	47	9	2797	35	6963
2	192	10	3149	40	7237
3	454	11	3472	50	7624
4	802	12	3773	60	7866
5	1201	15	4551	70	8016
6	1616	20	5474	80	8098
7	2031	25	6136	90	8123

21. OBSERVA II. Idem etiam experimentis ostendit, Primo lumen solare esse circiter 300000^{es} fortius luce lunæ plenæ, cum hæc mediam inter maximam & minimam distantiam a tellure habet. Secundo lumen solis non esse amplius perceptibile, quando 100000000000000 vicibus imminutum est, ita ut corpus sit vere opacum, quod partem tantum 10000000000000^{am} lucis solaris transmittit.

22. Alia lucis affectio, quæ per observationes Astronomicas constitit, est, quod maxima cum velocitate propagetur, ita ut tempore fere 8 minutorum ad nos usque a sole perveniat, hoc est, 27500000 Leucas percurrat. Hinc fit, ut nihil fere videamus in coelo in loco suo vero, astris interea in suis orbitis progredientibus, cum lux spatium inter oculum nostrum, & astra interjectum conficit. Et quia præterea ipse oculus revolutione telluris circa solem abripitur, phænomena ita inter se complicantur, ut astra alio, quam ubi reipsa versantur, referamus. Effectuum horum particularis expositio non exiguam Astronomiæ modernæ partem constituit, quam Theoriam aberrationis luminis appellant.

23. PROPOSITIO V. Si radii luminis ab eodem puncto dimanentes, & per foramen in cameram obscuram admissi, excipiantur plano ad foramen parallelo, efformabunt in plano figuram similem figuræ foraminis, eoque majorem, quæ major fuerit plani a foramine distantia.

Nam

Nam in hoc casu punctum luminosum est apex pyramidis, cujus basis est planum foraminis, & latera constituuntur per radios, qui latera foraminis radunt; hi porro in cameram obscuram producti semper magis divergunt: unde per planum iis objectum pyramis continuata intra cameram secatur ad basin parallele, adeoque sectio est figura luminosa foramini similis, & tanto major, quanto remotior a foramine.

24. Ex natura pyramidis constat, quod si planum non parallele ad foramen, sed oblique opponatur, figura luminosa tot quidem habitura sit latera, quot foramen, verum oblonga magis sit futura.

25. Illud etiam facile apparet, hanc figuram lucidam nil aliud esse, quam collectionem tot imaginum puncti radios emittentis, quot puncta sunt in foraminis plano.

26. PROPOS. VI. *Si lumen solis, vel lunæ plenæ per exiguum foramen cuiuslibet figuræ admissum excipitur plano ad foramen parallelo in exigua a foramine distantia, figura spatii luminosi in plano similis erit foramini; at in maiore distantia erit ad sensum circularis.*

Planum enim foraminis velut infinitis punctis constat, quæ sunt totidem foramina contigua, per quæ singula radii e singulis disci solaris punctis emissi transmittuntur. Quodlibet igitur punctum superficiei foraminis est apex coni luminosi, cujus basis est discus solis, & axis radius e centro veniens; angulus vero ad apicem a radiis ab extimi limbi diametraliter oppositis punctis emanantibus comprehensus 32 minutorum. Hinc radii iidem ultra foramen producti, alium efficiunt conum, cujus idem apex, idem axis, idem ad apicem angulus, & qui in partem soli oppositam indefinite prolongari possit. Quia autem amplitudo foraminis respectu distantiae solis infinite parva, axes omnium horum conorum sunt inter se paralleli; & ob anguli a lateribus ad verticem comprehensi exilitatem, eadem latera cum axibus suis coincidunt fere in exiguo a foramine intervallo. Hinc si planum opponatur prope foramen, lux non aliter in eo excipitur, ac si soli axes conorum radioforum inciderent; qui cum inter se sint paralleli, eundem ordinem & situm habent, quem puncta, quibus superficies foraminis constat, ideoque spatium illuminatum plani figuram foraminis habere debet. At vero si planum longius removeatur, latera conorum luminosorum sensibilibus a suis axibus discedunt, efformantque conos semper latiores, ita ut figura spatii illuminati in plano intervallo maiore a foramine constet meris basibus circularibus conorum. Equidem centra horum circulorum, productis axibus determinata, eundem inter se situm habent in plano, eandem-

demque distantiam ab invicem, quem puncta superficiem foraminis constituentia; attamen peripheriæ eorum inter se confunduntur, & figuram proxime circularem efformant, uti videre est figura 2, e septem circulis, centris A, B, C, D, E, F, G descriptis composita, & heptagonum irregulare exhibente.

27. OBSERVA I. Figura spatii illuminati erit semper ad sensum circularis, si latera foraminis non multum inter se discrepant. At si foramen sit oblongum, uti parallelogrammum, etiam figura spatii luminosi oblonga evadet, terminis oppositis in semicirculos rotundatis. Universim, figuræ luminosæ a sole vel luna factæ in aliqua distantia semper angulis in rotundum versis apparent.

28. II. Si planum lumen excipiens non sit parallelum plano foraminis, figura erit ovalis, basibus conorum luminosorum in ellipses abeuntibus.

29. III. Si parte foramini obstructa ejus figura mutatur, figura imaginis lucidæ non mutabitur, sed solum dilutior, ac debilior videbitur, & minor.

30. IV. Hinc est, quod in ambulacris altioribus arboribus confitis, quæ densis frondibus radios solares arcent, uti sunt castaneæ majores, quandoque in terra circuli lucidi videantur, interstitiis frondium, per quæ lumen solare penetrare potuit, respondentes.

31. COROLL. Si sint plura foramina vicina, v. g. tria, per quæ solaris lux in cameram obscuram admittitur, in minore distantia tres circuli luminosi depingentur; ubi vero tabula, qua radii excipiuntur, magis, magisque removetur, hi circuli ampliores fient, quin tamen eorum centra distantiam inter se mutant; tum sese invicem contingent; tandem in unum abibunt, qui crescente intervallo a foraminibus & ipse semper crescet, & ad accuratiorem rotunditatem accedet.

ARTICULUS III.

De proprietatibus Umbrarum.

32. PROPOSITIO I. Corpus opacum ex una parte illuminatum projicit umbram lineis rectis terminatam, & lumini directe oppositam.

Lumen quippe (6) semper linea recta propagatur, eiusque radii extremam corporis superficiem radentes, umbram ex parte averfa terminant.

33. PROPOSITIO II. Umbra corporis opaci eo sensibilior & nigrior est, quo corpus ex altera parte intensiore luce collustratur.

Tunc

Tunc enim oppositio inter umbram & spatium vicinum illuminatum est sensibilior.

34. OBSERVA. Si corpus illuminetur a diversis lucidis ad eandem fere partem constitutis, totidem diversas umbras in plagas lucidis oppositas projicit, quæ proinde prope corpus opacum partim inter se coincidunt; & ex propositione hac patet, cur umbræ eo sint obscuriores, quo plurium confusione oriuntur.

35. PROPOSITIO III. *Si umbra corporis in plano excipiat, spatiis reliquis medii illuminatis, ea semper cingitur penumbra tanto latiore, quanto lucidum majus est, & corpus longius a plano abest, vel umbra magis oblique in planum incidit; estque hæc penumbra eo dilutior, quo remotior ab umbra vera.*

Sit AB (fig. 3.) sol; ED corpus opacum super solo DI. Ducantur radii BF, CG, AH. Manifestum est, quod si spectator ab I usque ad H accedat, semper videat integrum solis discum. At ubi ex H progreditur, inferior solis limbus A illi obtegetur primum, tum major semper pars, donec in G superiorem solum partem mediam conspiciat. Denique in F ad umbram veram DF pertinet, totusque discus solis ejus oculis eripietur. Ex quo patet, Primo spectatorem eo semper minus clare videre posse, quo umbræ veræ fit propior, ut adeo spatium HF tegatur penumbra semper densiore, quo umbræ veræ est vicinior, cujus limes est in F. Secundo in triangulo FEH latus FH, quod est mensura penumbræ, eo esse majus, quo angulus FEH, qui diametrum apparentem lucidi AB metitur, major est, quo item distantia ED extremi E corporis opaci a plano DI umbram excipiente major; & quo denique rectæ EH, EF magis oblique incidunt in hoc planum.

36. OBSERVA. Hæc causa est, cur limites umbræ corporum a sole illuminatorum semper sint incerti & confusi, maxime quando umbra longius projicitur. Et quia diameter solis sub angulo 32 minutorum videtur; est (Elem. 746) magnitudo penumbræ FH a corpore opaco projectæ ad distantiam limitis umbræ veræ F ab extremo corporis E, sive ad FE, ut sinus anguli 32 minutorum ad sinum anguli EHD, quo limbus inferior A solis supra planum DI, in quod umbra cadit, elevatus est. Ceterum, quæ hic de sole dicuntur, etiam de luna intelligenda sunt, & universim de omnibus corporibus illuminantibus, quorum diameter, quæ causa est penumbræ, sensibilis est. Ut enim penumbra nulla esset, luminosum deberet esse unicum punctum.

37. PROPOSITIO IV. *Longitudines umbrarum verarum corporum a sole vel luna illuminatorum sunt reciproce ut tangentes altitudinum apparentium horum syderum supra planum, in quod umbræ cadunt.*

Nam in triangulo rectangulo EDF, altitudine corporis opaci ED sumpta pro radio, est (Elem. 748) longitudo umbræ DF tangens anguli DEF, complementi alterius DFE qui est altitudo limbi superioris solis supra planum DI. Itaque umbræ veræ sunt ut cotangentes harum altitudinum, sive (Elem. 737) reciproce ut tangentes altitudinis superioris limbi syderis corpus opacum illuminantis.

38. COROLL. Datis duobus e sequentibus tribus: angulo altitudinis limbi superioris syderis; altitudine perpendiculari corporis opaci supra planum, ad quod altitudo syderis refertur; & longitudine umbræ veræ ab opaco projectæ computata a puncto, in quod cadit perpendiculum a supremo corporis puncto in planum demissum; tertium semper reperitur, solutione trianguli rectilinei ut EDF.

39. PROPOSITIO V. Si sphaera lucida radiet in opacam, sitque hæc illa major; pars illuminans sphaeræ lucidæ tanto major, & pars illuminata opacæ tanto minor erit reliqua in utraque sphaeræ superficie, quanto magis opaca excedit lucidam. Contrarium fiet, si lucida superet opacam. Et si sphaeræ sint æquales, superficies dimidia lucidæ illuminabit superficiem dimidiam opacæ.

Sit B (fig. 4) sphaera minor lucida, & C opaca major. Evidens est, partem sphaeræ C, quæ illuminari potest, determinari per extimos radios, qui eam attingere possunt, sive, per radios tangentes. Similiter ultimi radii, qui a sphaera B ad opacam venire possunt, sunt eiusdem tangentes. Itaque tangentes LP, KO determinant & ultima puncta illuminantia L, K, & ultima puncta illuminata P, O. Si porro ad rectam BC ducantur diametri HI, MN perpendiculariter, peripherias globorum B & C bifariam dividunt (Elem. 402); & si e centrīs B & C demittantur ad tangentes perpendicula BL, BK, & CP, CO, hæc in puncta contactus incident. Ergo arcus LRK (major 180 gradibus) exhibet partem illuminantem; & arcus PSO (180 gradibus minor) partem illuminatam. Quod si globus C esset lucidus, globus B opacus; arcus PSO foret pars illuminans, & LRK illuminata. Denique si globi essent æquales, tangentes forent inter se parallelæ, & per extrema diametrorum HI, MN transfirent, ideoque tam arcus illuminans, quam illuminatus contineret 180 gradus.

40. COROLL. I. Ex similitudine triangulorum rectangulorum LBH, PCM; KBI; OCN, arcus LH, PM, KI, ON esse ejusdem numeri graduum, facile apparet. Hinc arcus globi metiens amplitudinem partis illuminantis est complementum ad 360 gradus arcus metientis amplitudinem partis illuminatæ in altero globo.

41. COROLL. II. Ex eadem ratione arcus obscurus globi illuminati est tot graduum, quot arcus illuminans globi lucidi. Et arcus non illuminans globi lucidi habet tot gradus, quot arcus illuminatus globi opaci.

42. Co.

42. COROLL. III. Et quia similia sunt triangula rectangula ABL , LBH , est angulus $BAL = LBH$. E quo sequitur, excessum arcus illuminantis supra arcum non illuminantem; sive differentiam inter partem illuminantem & illuminatam, mensurari per angulum LAK , quem radii tangentes efficiunt.

43. COROLL. IV. *Sphæra lucida opacæ æqualis, semper hujus dimidium illuminat, quocunque intervallo distent; verum si lucida major sit, quam opaca, tanto major hujus pars illuminatur, quanto minor est sphaerarum distantia, & vicissim.* Quo enim sphæra altera alteri propior est, eo angulus a tangentibus comprehensus PAO fit major, & pars illuminata obscuram magis excedit.

44. Hinc globi medietas, cujus diameter excedit diametrum pupillæ, uno oculo simul videri nequit. Et sol plus quam hemisphaerium cujusvis planetæ illuminat; luna plena minus, quam dimidium telluris &c.

45. COROLL. V. *Umbra globi illuminati a globo æquali cylindrica est, & infinita.* Terminatur enim radiis inter se parallelis circumferentiam circuli ambientibus. *Umbra globi illuminati a globo majore est conica & finita, ut KAL .* Et umbra $QPOV$ globi C illuminati a globo minore B in infinitum extenditur forma conici truncati.

46. COROLL. VI. Datis semidiamentris BK , CO , & distantia centrorum BC duorum globorum, facile determinatur axis BA conici umbrosi a globo minore projecti. Ducta enim KD ad BC parallela, cum etiam BK , CO sint parallelæ, est $BK = CD$, & $BC = KD$, & triangula KDO , ACO similia. Hinc $DO : OC = DK : CA$; sive $CO - BK : CO = CB : CA$: subtracta igitur CB ex CA , remanet BA , axis quæsitus. Exhibeat B terram, C solem; sit $BK = 1$, $CO = 80, 5$, & $BC = 17189$; reperietur $BA = 216$, quæ circiter efficiunt 324000 leucas, si scilicet semidiámetro telluris BK tribuantur 1500 leucæ.

47. OBSERVA. Manifestum est, quod pars illuminata, de qua in hac propositione sermo est, etiam complectatur penumbram, & terminetur per umbram veram.

ARTICULUS IV.

De natura & proprietatibus luminis, visionis & colorum causa spectatis.

48. **O**culus, si quædam dempseris, idem nobis præstat, quod camera obscura. Pupilla foramen est, quod radios lucis se in ea interfecantes admittit, ut in tunica fundum oculi vestiente rerum omnium, ad quas visus noster se extendit, imagines in-

verfas depingant, quarum diametri fere sunt ut anguli a radiis ab extremis objectorum punctis venientibus ipso in ingressu in pupillam comprehensi, dum scilicet hi anguli exigui sunt; sive quod idem est, imaginum ejusdem objecti diametri eo sunt majores, quo objectum minorem habet distantiam ab oculo. Quamvis autem situm inversum rerum imagines in nostro oculo acquirant; nihilominus tamen omnia situ erecto videmus. Cum enim radii decussatim ingrediantur oculum, ii, qui ab objecti parte superiore veniunt, inferiorem imaginis partem efformant, & ex opposito. Et quoniam nos non aliunde de situ objecti judicium ferre possumus, quam ex impressione in organum visus per radios facta, necesse est, ut objectum secundum eam directionem collocatum censeamus, qua impressio fit: atqui si radius a superiore objecti parte incidens feriat partem oculi inferiorem, reactio hujus exhibet objectum radios emittens in recta a parte inferiore sursum reducta; igitur, ut reipsa est, superior objecti pars, etiam superius videtur.

49. Licet ratio, & modus, quo per lumen in oculo objectorum imagines depinguntur, sine legum Dioptricæ notitia accurate explicari nequeant; omittere tamen hic non possumus, quæ nos experientia tum de modo, quo lumen visum afficit, tum de consequentibus inde in nobis ideis docet.

50. Lumen est collectio particularum innumerarum materiæ, sive corpusculorum propemodum infinite parvorum, ac inter se distinctorum, summe elasticorum, & maxima cum velocitate motorum, ut cum ad organum visus perveniunt, illud vi suæ densitati, massæ, ac celeritati proportionali feriant, ad motum quemdam tremulum concitent, diversasque impressiones efficiant, quas ex lege unionis animæ cum corpore in mente nostra variæ consequuntur ideæ de præsentia objectorum, e quibus ejusmodi corpuscula, sive atomi luminosæ veniunt.

51. Atomis lucis diversæ sunt indolis, aut saltem proprietates peculiare quibuslibet sunt inditæ, nulli obnoxie mutationi, nec a varia modificatione luminis pendentes, quæ dum propagatur, ei accidere potest.

52. *Radium luminis* cum dicemus, intelligemus viam atomi, vel puncti lucentis; sive potius seriem subtilissimi fili speciem exhibentem atomorum luminosarum, contiguarum inter se, & ejusdem naturæ. Unde tot erunt radiorum diversæ species, quot atomorum, quibus singuli constant. Illæ autem atomi diversæ speciei censendæ sunt, quæ in organo visus diversas sensationes excitant. Denique sensationum discrimen in eo consistere est putandum, quod *colores* appellamus.

53. Quam-

53. Quamvis autem fieri non possit, ut radii lucis in omnes omnino species, quæ re ipsa sunt, distribuantur exacte; solent tamen septem præcipuæ numerari, *colorum primigeniorum* nomine, quorum ordo idem est, ac eorum, qui in iride observantur, scilicet *ruber, aurantius, flavus, viridis, cæruleus, indicus, violaceus*. Hinc cum imposterum sermo de coloribus erit, *radios rubros, radios cæruleos &c.* vocabimus eas lucis atomos, quæ in oculo nostro talem excitant sensationem, ut objectum, quod videmus, rubrum, aut cæruleum judicemus.

54. Objectum visibile redditur, vel quia ipsum directe potest particulas lucis in nostros oculos emittere, diciturque tum *objectum luminosum*, uti sunt sol, fax ardens &c., & lumen illius *lumen directum*; vel quia radiis objecti luminosi expositum eosdem potest in nostros oculos remittere, atque ut diximus, hoc modo occasionem præbere ideæ de sua præsentia: vocatur vero tunc *objectum illuminatum*, & lumen inter hoc & nostros oculos interceptum, *lumen reflexum*.

Quoniam sol respectu nostri est objectum maxime luminosum, quod ad nos radios emittat, illud jam exponemus, qua ratione cetera objecta nobis faciat conspicua. Idem enim de aliis lucidis, velut de flamma candelæ, sentiendum est.

55. Sol versus omnem partem ad immensam usque distantiam, incredibilem copiam radiorum omnis generis in se commistorum emittit*, ita quidem, ut neque ulla horum certa species prædominetur ad sensum, neque in toto universo, qua quidem nobis patet, ullum sit punctum sensibile, quod radios non recipiat, saltem nisi vel a corpore solido occupetur, vel intra umbram veram corporum luci imperviorum sit positum.

56. Radii, quos oculus noster ex omnibus punctis superficiei solis visui objectæ directe recipit, conum constituunt, cujus basis est superficies solis, & apex in apertura, seu pupilla oculi. Idem radii ultra pupillam producti (si inflexionem quandam, de qua in sequentibus dicemus, hic non attendamus) alium conum intra oculum efficiunt, atque in ejus fundo terminatum, qui propterea in spatio circulari hujus fundi impressionem facit, ad quam idea de præsentem objecto lucido, & rotundo, quod solem dicimus, consequitur.

57. *Imagines objectorum in oculo dicemus in sequentibus illa spatia*

B 3

in

* Non isthic illud agimus, ut litem inter Philosophos componamus, an lux consistat in vero, & continuo effluvio particularum a corpore luminoso avullarum; an vero efficiatur motu undulatorio aut oscillatorio materiæ elasticæ per hoc universum diffusæ, quem ei sol, aliaque corpora lucida per se imprimant, aut in eadem conferrent. Quam quisque partem hac in quæstione tueri velit, Phisicis liberum esto decernere. *Nota Authoris.*

in fundo hujus organi, in quæ radii lucis recipiuntur, & ubi consequenter impressio sentitur. Vocabuli ratio est, quod reipsa, si recisis ex parte postica oculi exterioribus tunicis, ante eum objectum lucidum, vel saltem fortiter illuminatum constituatur, objecti imago suis coloribus picta in fundo oculi videatur.

Dum radii solis tantum ex reflexione ad nos perveniunt, sive magis generaliter, dum prius in aliud corpus incidunt, quadruplex casus esse potest.

58. CASUS I. Si particulæ hujus corporis (quod luci impenetrabile suppono) ita sint coordinatæ, ut qua parte radii in illud incidunt, ex integro reflectantur eo situ & ordine, quo advenierunt, * manifestum est, oculum in quem ita reflexi radii incurrun, eodem prorsus modo debere affici, ac si directe e sole venirent. Itaque in oculo solis tantum perceptio orietur, cujus imago quoque in eodem depingitur, & corpus reflectens verum est speculum, oculo non visibile. Sed quoniam radii primam suam directionem amiserunt, sol non apparet in eodem loco, in quo videretur radiis directe ad oculum emissis, quippe cum existimemus objecta sita esse in ea linea recta, quæ est radiorum directio ipso momento, quo ad visus organum pertingunt; quemadmodum si forte ictum lapidis recipiamus, quin eum, cum projicitur, videamus, putamus eum linea recta, atque ea ex parte, qua impressio fit, advenisse, quamvis subsultim, aut linea aliqua curva ad nos delatus sit, cujus tangens in puncto, ubi nos ferit, est recta illa, quam veram lapidis viam arbitramur.

59. Porro experientia didicimus, corpus opacum, & soli expositum eo accuratioris speculi vices gerere, quo ejus superficies magis est polita, hoc est, eo minus a nobis cerni hanc superficiem, sed tanto vivaciorem solis imaginem ab ea ad nos reflecti. Quoniam itaque corpora nobis nota nequaquam tam exacte sunt lævia, sed particulis extimis nullâ certa lege dispositis, atque inæqualiter inclinatis, aliis altius & supra alias assurgentibus, figura diversa &c; supponemus in hoc Articulo, corporum nostratium superficies exacte speculares esse non posse.

60. CA-

* Altera hæc est lis inter Philosophos, utrum scilicet reflexio lucis aliorum elasticorum corporum more fiat sola motus resolutione ad impactum in partes solidas obstaculi, an, quod potius videtur, lux reflectatur ex incursum in materiam elasticam per superficiem corporum diffusam: an denique reflexio hæc fiat repulsione, quæ sit vis quædam activa in lucem appellentem ad corpora exercita. Quin quidquam hac de re statutum velimus, ita loquemur de reflexione, velut si fieret in ipsis particulis solidis corporum. *Nota Authoris.*

60. CASUS II. Si is sit particularum in superficie corporis, in quam lux incidit, situs & ordo, ut sive omnes, sive plurimi radii reflectantur, saltem ut non plures ad sensum ex una, quam ex altera quavis eorum specie absorpti extinguantur, sintque radii inter se confusi & permisti, quaquaversum scilicet pro varia particularum reflectentium inclinatione directi; oculus in directione luminis ita confusi positus radios ex omni parte superficiei reflectentis recipiet, qui formam quandam pyramidis habebunt, cujus basis est superficies reflectens, apex oculi pupilla; producti dein intra oculum secundam efficient pyramidem ad fundum usque pertingentem, cujus basis fere similis basi exterioris. Jam vero quævis particula solida superficiei reflectentis est speculum quoddam minimum, quod exiguum tantum imaginis solis portionem repræsentare potest; situ autem irregulari sit, ut in corpore totidem specilla minima diversimode inclinata considerare debeamus, quot sunt particulae solidæ reflectentes: ideoque etiam totidem diversi situs apparentes erunt cujusvis portionis imaginis solis. Unde necesse est, ut ad impressionem totalem, quæ per totam basin pyramidis luminosæ in oculo efformatæ sit, consequatur idea collectionis cujusdam particularum lucentium, figura huic basi simili circumscriptarum.

61. Quæ jam diximus, exemplo sequente clariora fient. Notum est, diametrum solis apparentem subtendere in superficie sphaeræ cælestis angulum circiter 32 minutorum. Si itaque speculo plano soli obverso ejus imago versus oculum reflectatur, ea videbitur spatium satis magnum in speculo occupare. Supponamus dein hoc ipsum spatium speculi fere totum obtegi, exigua tantum portione relicta, in quam radii cadere possint. Evidens est *primo*, partem solummodo parvam imaginis solis, quæ prius tota videbatur, tum exhiberi posse. *Secundo* hanc ipsam portionem imaginis eadem apparituram figura, ac est spatium speculi non tectum. Idem prorsus contingeret, si loco speculi majoris usque ad exile spatium obtegi adhiberetur specillum exiguum, æquale ac simile parti apertæ majoris. Hoc posito, cogitemus, plura ejusmodi exigua specilla, quorum nullum integram solis imaginem exhibere possit, disponi ita, ut figuram quamlibet regularem, vel irregularem, hexagonam verbi gratia, referant, possintque singula partem imaginis solaris, quam repræsentant, versus oculum eundem reflectere (in sequentibus dicetur, debere ea in diversis planis collocari, ut id præstare possint); liquet, tot in hoc casu ab oculo videri partes imaginis solis, quot sunt specula, quæ omnes simul figuram lucidam efficient, dispositioni speculorum similem, uti hexagonam; & siquidem
vel

vel novum adjungeretur prioribus specillum, vel unum ex iis subtraheretur, etiam nova imaginis solaris portio adderetur, aut dispareret figura illa lucida eundem in modum mutata, quo figura speculorum.

62. Hinc etiam quisque facile videt, *Primo* specilla dicta ita disponi inter se posse, ut nullum inter portiones imaginis solaris sensibile intervallum advertatur, ac figura lucida, quam efformant, continua appareat, & nusquam interrupta. *Secundo* ut quodvis specillum nitidius, aut obscurius, ut polituræ magis, minusve exactæ fuerit, ita partem figuræ, quam efformat, magis minusve fore fulgidam. *Tertio* Figuram hanc luminosam eandem debere in oculo facere impressionem, ac si radii directe e sole advenirent, ideoque ejusdem debere apparere coloris cum sole, hoc est, albi.

63. Quod si igitur superficies corporis, quæ magnam radiorum solarium copiam, atque omnis generis, reflectit, quin plures ad sensum unius, quam alterius speciei absorbeat, consideretur, tanquam quæ constet particulis solidis, totidem polyedra inter se separata referentibus, quorum plana sint specilla exigua, irregulariter collocata, atque diversimode inclinata; extra dubium est, quin tale corpus album debeat apparere, ac figuræ consimilis imagini in oculo efformatæ. Ut autem textura ejusmodi polyedrorum arctior, laxiorve fuerit, pluribus, paucioribusve inter ea relictis interstitiis obscuris; & plana magis minusve lævia, ut eorum situs tum respectu oculi, tum etiam solis opportunior; ita etiam albedo superficiei corporis magis, minusve nitida videbitur.

64. Ex allatis jam sequitur, in præsentē hypothesis illa corpora esse alba, quæ radios omnis speciei inter se permixtos ad nostros oculos reflectunt.

65. CASUS III. Si particulæ solidæ corporis talem situm respectu solis & oculi habeant, aut ejusmodi sint naturæ, ut non nisi paucos radios versus oculum remittant, reliquis omnibus intra poros, vel interstitia sua absorptis, ibidemque per varia obstacula interceptis, ne ad oculum pertingere possint, nisi exiguo numero; oculus tam paucas portiones imaginis solis recipiet, ut vix perceptibilem impressionem faciant, aut saltem ut non faciant aliam, quam quæ requiritur, ut advertatur, oculo objici quasdam particulas exiguum lumen reflectentes. Atque hinc ejusmodi corpus vel prorsus, vel prope est nobis inconspicuum, neque de ejus præsentia & figura idea haberetur, nisi objecta vicina tanto essent lucidiora, ut discrimen fieret manifestius. Id genus corpora nigra dicimus.

66. Ex dictis porro colligitur, in hac hypothesis corpora illa esse nigra, quæ aut nullos, aut paucos radios lucis reflectunt.

67. CA.

67. CASUS IV. Quando particulæ solidæ superficiem corporis constituentes ejusmodi sunt, ut omnes fere radios absorbeant, præterquam unius certæ speciei, quos propemodum omnes reflectunt, oculus, in quem incurrunt radii reflexi, recipiet tot portiones exiguas imaginis solis, quot sunt particulæ reflectentes, eruntque omnes ejusdem coloris, ut simul collectæ excitent ideam corporis præsentis certo colore præditi, quem natura radiorum determinat, atque ejus figuræ, quam situs harum exilium imaginum poscit.

68. Hinc autem apparet I, corpora certo colore prædita esse illa, quæ fere omnes radios aliarum specierum absorbent, ac unius tantum reflectunt.

69. II. Colorum alterius alterum temperantium variationem dependere a radiorum diversæ speciei, qui reflectuntur, combinatione.

70. III. Corpus certo colore imbuere nihil aliud esse, quam vel ejus particulis, seu interioribus, seu tantum superficiem constituentibus alium situm, ac ordinem tribuere; vel in poros ejus materiam quandam extraneam inducere; vel ejus superficiem vernice oblinere; aut quavis simili ratione efficere, ut radii ab hoc corpore non nisi unius speciei reflectantur, aut certe ut una radiorum reflexorum species prædominetur.

71. Si ad allatam hætenus visionis & colorum explicationem advertamus, illud etiam inferemus, quod quævis lucis atomus secum ferat imaginem puncti illius luminosi, e quo emissæ est. Si radius flavus e sole veniens incidat in corpus rubrum, seu ita tinctum, ut rubrum appareat, non reflectetur, sed intra poros penetrabit, ac interceptetur, aut saltem non nisi ita detortus, & post varios flexus iterum emerget, ut ad oculum pertingere nequeat. At si idem radius in corpus flavum incurrat, inde reflectetur, quin in ejus interstitia penetret. Interim tamen hæc non tanto cum rigore accipi volumus, ut putetur nullus omnino radius flavus absorberi posse a corpore flavo, aut a rubro reflecti; verum id solum intelligimus, quod si fascis luminis ingenti numero radiorum, v.g. flavorum, constans incidat in corpus rubrum, valde pauci inde reflectendi sint, si conferantur cum reliquis, qui penetrant, vel absorpti extinguuntur.

ARTICULUS V.

De ideis, quæ ex visu in anima nostra consequuntur.

72. **D**iximus, figuram, & præsentiam objectorum a nobis non aliter percipi, quam per impressionem, quam eorum imagines, cum in fundo oculi depinguntur, faciunt; quin nec eorum

rum magnitudinem, situm, motum, & distantiam aliunde advertimus, quam ex impressionum ejusmodi diversa indole, aut e judiciis quibusdam, quibus assuevimus, etsi persæpe falsis, & per rectum ratiocinium corrigendis.

73. Est quædam visus nostri habitudo & facilitas ad certum intervallum sese extendens, ad quod scilicet res externas tum quando versamur cum aliis, tum in reliquis nostris negotiis conspiciere solemus. Hunc distantiae modum cum objecta habent, quamvis eorum imaginum dimensiones in nostris oculis admodum mutantur, iis paullo propius admotis, vel recedentibus; nos tamen haud advertimus ullam magnitudinis variationem. At vero quando objecta ultra eum terminum sunt posita, ea tanto minora nobis apparent, quanto ab iisdem longius absumus, & ex opposito. In exemplo: si successive ab eodem homine ad intervallum 2, 4, & 6 pedum recedam, extra dubium est (Elem. 415), dimensiones ejus imaginis fore proxime inter se ut 1, $\frac{1}{2}$, $\frac{1}{3}$, consequenter ejus magnitudo eadem ratione decrescere deberet, de qua scilicet judicium ferendum non est, nisi dependenter ab imagine in oculo expressa. Interim tamen ejusmodi diminutionem haud advertere solemus. Atque ut pateat, id non aliunde, quam a dicta jam habitudine provenire, satis erit, si consideremus, magnitudinem hominis ad 120 pedes in eadem, in qua nos sumus, plantie distantis nobis haud videri ad tantam reduci exilitatem, cujus tamen eadem appareret, si ad pedem turris centum viginti pedes altæ constituti eundem hominem in turris vertice videremus. Id, quod non alia ex causa accidit, quam quod præter usum sit, oculos ad tantam altitudinem fere ad perpendiculum attollere, quando alias cum hominibus versamur, neque id genus distantias experientia crebriore cognitae habeamus: ideoque haud amplius e familiari nobis videndi ratione judicare possumus, sed magnitudinem objectorum apparentem præcipue ex imaginibus efformatis in oculo metimur.

74. Quando itaque objectum ad eam distantiam consistit, cui oculus jam assuevit, videtur, quod de ejus magnitudine & intervallo interjecto non aliunde judicemus, quam e notitia usu longo hausta dimensionum rerum ceterarum inter oculum & objectum positarum, neque tum imaginum in oculo efformatarum diversas extensiones attendamus, seu quod idem est, nullam habeamus rationem angulorum, sub quibus objectum apparet. Sed extra hanc distantiam, aut si interpositum obstaculum rerum interjacentium conspectum nobis eripiat, uti si objectum per telescopium videatur, vel microscopium, aut saltem per exiguum foramellum
in

in plano opaco factum; magnitudo & distantia objecti apparens videtur dependere a dimensionibus ejus imaginis in nostro oculo, ita ut si hæc augeatur minuaturve artificio quovis optico, ipsum objectum, licet immotum, appareat magnitudine & distantia mutata; auctum vel imminutum; accedere, vel recedere, quemadmodum in sequente articulo exponetur.

75. Quod ex D. Chesselden, celebri Anatomico Anglo, narrat Smithius, dictis lucem affundet. Ostendit Chesselden, ab iis, quorum oculi vera cataracta laborant, nihilominus discerni posse inter noctem & diem, inter corpora nigra, alba, & intense rubra, cum sufficienter illuminantur, quin tamen figuram eorum dignoscant; tum narrat, se puero tredecim annos nato simili cataracta laboranti oculos confanasse; sed hunc oculorum usum adeptum haud potuisse amplius colorata illa corpora noscere, cum proponerentur, erroneis ideis, quas prius sibi efformarat, ad id non sufficientibus. Ea, quæ antea etiam de nomine norat, cum videret, revera esse eadem, vix credebat. Cum distincte cernere cœpisset, adeo non poterat de objectorum distantia judicium ferre, ut omnia oculis contigua putaret: inter se, & cubiculi parietes intervallum aliquod interesse, res ei erat conceptu difficillima. Omnia apparebant ei sub initium ultra modum grandia: capere non potuit, qua ratione tota domus esset suo cubiculo major, licet perbene intelligeret, hoc illius partem esse. De corporum figura, & mole prorsus diversorum discrimine, nihil certi poterat statuere; neque sciebat, quid esset, quo in rerum aspectu se tantopere affici advertibat. Cum imagines coloribus expressæ exhiberentur, tum vero perplexa videbantur omnia: duorum mensium spatium opus erat, donec comprehenderet, non nisi repræsentationem corporum solidorum per eas haberi. Oculos sub initium versus objecta non dirigebat; imo ut hoc faceret, paullatim & longiore tempore assuescere debuit.

Atque hæc facile cuivis persuadebunt, nequivisse puerum de distantia, & figura corporum judicium ferre, nisi postquam sæpius advertit, imo postquam habitudinem id advertendi contraxit, quod non solum diversitas quædam esset in impressionibus ex mutata figura & situ imaginum in oculis depictarum, sed etiam certa quædam relatio cum ideis ad motus organi tactus excitatis. Oculos versus objecta dirigere haud antea didicit, quam experiretur, hanc ipsam idearum congruentiam esse tum maxime luculentam, cum oculus certum situm respectu objectorum haberet. Denique quisque videt, eum non ante videndi usum ceteris communem obtinuisse, nisi assuetudine contracta dijudicandi quam promptissime, qua ratione id, quod oculum afficeret, in reliquos sensus esset acturum.

ARTICULUS VI.

Varia phænomena objectorum procul visorum.

76. *Angulus opticus* est, quem in pupilla efficiunt radii ab extimis dimensionis objecti punctis venientes.

77. PROPOSITIO I. *Objecta sive æqualia, sive inæqualia, sub eodem angulo visa apparent æqualia*, nisi scilicet aliud adsit, quod in casu peculiari phænomenon mutet.

Etenim ceteris omnibus paribus de æqualitate vel inæqualitate objectorum non aliunde judicare possumus, quam ex imaginibus in oculo formatis: jam vero si duorum objectorum quorumvis dimensiones ad pupillam eundem subtendunt angulum, imagines in oculo æquales efformari debent; videbuntur igitur æqualia.

78. PROPOSITIO II. *Objecta similiter oculo obversa ea ratione videntur minui, qua ab oculo recedunt.*

Nam dimensio quævis objecti est basis constans trianguli, cujus latera sunt distantiae utriusque extremi ab oculo; quod si jam hæc latera augeantur, anguli quoque iis oppositi crescunt, ideoque (Elem. 495) angulus ad oculum, lateri constanti oppositus, decrescit, minoresque semper imagines in oculo formantur.

79. COROLL. I. *Magnitudines apparentes, sive anguli optici objectorum, sunt in ratione reciproca distantiarum ab oculo, quando hi anguli sunt exigui.*

80. COROLL. II. *Partes æquales objecti valde magni, & extra distantiam, ad quam res alias spectare solemus, apparent inæquales.* Partes enim remotiores ab oculo, minorem debent angulum opticum subtendere; & ex opposito.

81. COROLL. III. *Fieri potest, ut pars objecti minor, major appareat, quam altera, quæ in se major est.* Nempe si ita objiciatur oculo, ut angulum opticum majorem subtendat.

82. PROPOS. III. *Lineæ parallelæ ad magnam distantiam productæ, videntur concurrere, & extremis suis angulum efficere.*

Nam lineæ intervallum parallelarum metientes, quod semper idem est, angulos opticos semper minores subtendunt, & tandem insensibiles, cum ad distantiam quodammodo infinitam perventum est: igitur versus extrema intervallum inter parallelas nullum apparet, & parallelæ videntur concurrere.

83. OBSERVA. Hinc manifestum fit, primo, cur turris admodum alta videatur versus illum propendere, qui ejus verticem ex pede spectat. Si enim turris est ad perpendicularum erecta, spectator eam refert ad perpendicularum, quod per ejus oculum transit. Hæc duo perpendiculara inter se parallelæ videntur convergere: igitur murus perpendicularis turris in majore altitudine ad perpendicularum per oculum

lum ductum accedit, ideoque inclinari versus spectatorem videtur velut in eum ruiturus. *Secundo, cur maris superficies eo altius attolli videatur, quo longius a littore distat, & quo magis editus est locus, e quo spectatur.* Eadem hujus est ratio. Nam maris superficies ad libellam composita, refertur ad lineam libellæ, sive horizontalem, per oculum transeuntem; ambæ, cum sint parallelæ, videntur eo magis convergere, quo ab oculo fiunt remotiores: crescit autem hæc distantia, quo longius maris aspectus patet; hicque patet eo longius, quo in altiore loco spectator consistit. *Tertio, cur in longioribus porticibus & ambulacris lacunar videatur deprimi, & pavimentum attolli.* Rursus enim lineas libellæ tam lacunaris, quam pavimenti cum horizontali per oculum ducta comparamus, quæ illa inferior, hac superior est. *Quarto, cur quando prope murum longiorem, vel seriem continuam arborum viam facimus, ea, quæ ad dextram sita apparent, videantur versus sinistram accedere: aut si utrinque sit murus, vel arborum series, cur semper longius a se se videantur recedere, quo propius accedimus? &c.*

84. COROLL. Linea libellæ per oculum transiens, v. g. coronæ murorum, semper talis apparet, utcunque objiciatur oculo; aliæ vero omnes, seu supra hanc, seu infra eam ductæ, ad horizontem inclinatæ videntur.

85. PROPOS. IV. *Figura objecti apparens dependet a situ punctorum, quæ ad oculum radios emittere possunt. Patet per se.*

86. COROLL. I. *Linea recta ita posita, ut producta per centrum pupillæ ad oculi superficiem esset perpendicularis, instar puncti apparet.* A nullo enim ejus puncto, nisi extremo, radius ad oculum venire potest.

87. COROLL. II. *Planum ita situm, ut axis oculi productus in eodem perpetuo maneret, debet tanquam linea videri.*

Sola enim perimetri pars oculo obversa in eundem radios emittere potest.

88. COROLL. III. *Solidum, cujus unicum tantum planum oculo objicitur, non aliter ac mera superficies apparet.*

89. PROPOSITIO V. *Si oculus sit in eodem plano cum linea admodum longa, & ad magnam distantiam descripta; ea, sive regularis sit, sive irregularis, apparet ut arcus circuli, cujus centrum oculus occupat.*

Quoniam puncta G, F, A, B, C, D, E, (fig. 5) curvæ irregularis sunt in plano per oculum transeunte, & extra distantiam, ad quam objecta considerare assuevit, discernere nequit, quænam eorum sint aliis viciniora. Pariter differentiam rectarum OP, & OD haud distinguit, utpote quæ exigua est, si cum alterutra harum linearum conferatur. Itaque cum nullum ei suppetat medium de inæqualitate horum radiorum judicandi, eo connaturaliter propendet, ut eos æquales credat. Idem est de reliquis. Quare se in

centro circuli existimabit, in cujus circumferentia omnia illa puncta sint posita.

90. OBSERVA. Si differentiae radiorum essent admodum magnae, partes viciniores sive ex vivacitate luminis, sive ex magnitudine apparente dignosci possent. Et si oculus haberet magnam distantiam a plano curvae, itidem ejus inaequalitates discerneret; nam cum lineae DP, BL, FI non sint infinite parvae relate ad OD, OB, OF, & ipso situ directius visui exponerentur, sensibiles evaderent.

91. *Linea irregularis parva procul visa, ut ABCDE, instar rectae apparere debet.* Quoniam scilicet videtur tanquam arcus circuli paucorum graduum.

92. Hinc est primo, quod quis in magna planitie variis anfractibus terminata constitutus se putet esse in centro circuli. Secundo quod talis, etsi semper progrediatur, nullum spatium se confecisse arbitretur; quod nempe se adhuc in centro constitutum videat. Tertio quod caelum instar sphaerae cavae appareat, in cujus axe sit oculus positus, & astra ejus superficiei inhæreant. Quarto quod urbes majores, sylvæ latæ in formam amphitheatri flexæ videantur, quando procul conspiciuntur. Quinto quod sphaerae admodum diffusæ, ut sol, luna, tanquam mera superficies circularis plana appareant. Sexto quod polyedrum variis areolis planis terminatum ad distantiam mediocrem instar globi, ad magnam autem distantiam ut circulus videatur. Septimo quod turris quadrangularis, vel polygona rotundæ, aut etiam planæ speciem e majore intervallo exhibeat. Octavo quod non advertatur motus in globo circa axem æquabiliter rotato etiam in distantia parva, nisi quibusdam maculis sit notatus, & motus lentior.

93. PROPOSITIO VI. *Si oculus constituatur in axe polygoni regularis perpendiculariter per ejus centrum transeunte, polygonum advertit esse regulare; sed si ponatur extra hunc axem, polygonum videbitur illi irregulare.*

Oculo in axe constituto, radii ex singulis polygoni angulis ad eum ducti efficiunt pyramidem basis regularis, cujus consequenter omnes anguli plani angulum solidum ad verticem constituentes inter se æquantur, uti etiam omnia plana pyramidem efformantia. Itaque latera polygoni ab oculo sub æqualibus angulis, & similiter posita videntur. At si oculus sit extra axem, latera æqualia polygoni inæqualiter ab oculo distant, ideoque apparent inæqualia, nec eodem modo collocata.

94. COROLL. *Polygonum regulare oblique visum apparet oblongum; & circulus instar figuræ ovalis.* Partes enim remotiores videntur minores, magisque contractæ; viciniores autem majores, & latiores; igitur diagonales aliæ apparent majores, aliæ minores. 95.

95. OBSERVA. Perspectivæ est, phænomena superioribus propositionibus exposita Geometrice determinare.

96. PROPOSITIO VII. *Objecta in regione circumfisa aspectui nostro exposita videntur eo obscuriora, magisque confusa, quo remotiora sunt. Quo autem nobis propiora sunt, eo vivacioribus coloribus, magisque distincta apparent.*

Præcipua hujus phænomeni ratio est, quod visio distincta, & colorum vivacitas dependeat ab intensitate luminis, quæ, quo objectum remotius est, eo magis minuitur ex interjecto aere crassiore inter objectum & oculum.

97. Inde fit *primo*, ut objecta magis in edito collocata, ut quæ in vertice altiorum montium sunt, longe distinctius videantur, quam quæ ad eorum radicem sunt posita, quod aer subtilior, & a vaporibus purior sit in ejusmodi altitudine, quam in locis humilioribus. *Secundo*, ut pictores colores clariores, & illustriores obscurioribus, & languidioribus rite temperando efficere possint, ut corpora depicta extra tabulam emineant, & solidi speciem referant.

98. PROPOSITIO VIII. *Objecta obscura & confusa, simul etiam ceteris remotiora apparent.*

Ratio est, quod cum remota non nisi obscura & confusa videre soleamus, etiam illa judicemus remota, quæ horum more apparent.

99. OBSERVA. Si quavis ratione contingat, ut objectum extra limites collocatum, intra quos de corporum magnitudine ex usu judicare possumus, attamen ejus molis, cui videndæ alias assuevimus, reddatur solummodo obscurius, & magis confusum; illico etiam remotius, quam sit, putabimus. Et quia mansit in eadem distantia, adeoque in oculo nostro imago imminuta non est, existimamus objectum fuisse majus factum.

100. Ex his pronum erit rationem reddere, *primo* cur noctu ignis lucidior appareat propior, ac verè sit. *Secundo*, cur phantasmata, quæ per tenebras sibi quidam effingunt, & ipsa vera objecta, noctu iter facientibus prope occurrentia, uti vicinæ arbores, domus &c, videantur remotiora, quam sint. *Tertio*, cur cælum instar fornicis aliquantum depreffi superne subsidere intuentibus putetur. Nempe luce stellarum horizonti viciniorum decresciente (20), eas magis distare existimamus, quæ ad horizontem propiores sunt. Hinc experimur, distantiam apparentem oculi ab horizonte, esse fere triplam distantiae ejusdem a zenith. Colligimus hanc cæli depressionem ex eo, quod dum oculi judicio punctum cæli inter zenith & horizontem medium designare volumus, illud ad 23 vel 24 gradum altitudinis referamus, cum tamen, si cælum hemisphærii formam referret, ad 45 gradum supra horizontem
idem

idem punctum designandum foret. Quarto cur sol & luna, cum nudo oculo in ortu suo spectantur, longe majores appareant, ea-que ratione decrescant, qua altius supra horizontem ascendunt; licet si eorum diametri instrumentis Astronomicis explorentur, contrarium detegatur. Sit enim AE (Fig. 6) horizon, O locus observatoris; sol in diversa altitudine designetur per BC, DH, FG; superficies apparens cæli sit AMRE. Evidens est, solem in quocunque loco circuli AHGE constitutum, exhibere diametrum sub angulis ad centrum O æqualibus BOC, DOH, FOG: at quia figura cæli depresso apparet, sol cum est in BC, videtur in KI; cum hæret in DH, vel FG, putatur esse in PN vel TS: hinc licet sub iisdem videatur angulis, IOK, PON, TOS; minor tamen creditur, utpote vicinior oculo.

101. PROPOSITIO IX. *Objecta eo remotiora, & majora apparent, quo major aliorum numerus, ampliusque in plano spatium inter ea & oculum interjacet; & ex opposito tanto videntur propiora & minora, quanto pauciora alia corpora, & angustius loci spatium inter oculum & objecta intercedit.*

Amplitudo enim spatii intercedentis, ac objectorum aliorum numerus speciem magnæ distantiae exhibent, ideoque fallitur oculus, ut corporibus justo majorem molem tribuat; & ex opposito.

102. Hæc causa est primo, cur horizon usque ad cæli superficiem procurrare videatur, utpote cum nullum intermedium corpus appareat. Secundo, Cur si quis in planitie constitutus inter oculum & objecta alia interjectam vallem cernere nequeat, ea sibi longe viciniora arbitretur; & distantiam non advertat, nisi jam prope vallem conspicuam positus. Tertio, Cur vesperi objecta paullo in edito collocata, & visui recte exposita, admodum diffusa, & magna existimentur. Cum enim per tenebras non liceat ex interjecto spatio de distantia eorum judicium ferre, ad extremum horizontem ea referimus, ideoque etiam valde magna putamus.

103. PROPOSITIO X. *Si duo objecta inæqualiter ab oculo remota, percurrant spatia temporibus æqualibus æqualia, & parallela, id, quod remotius est, videbitur tardius moveri altero.*

Patet; nam spatium descriptum a remotiore minorem angulum ad oculum subtendit.

104. OBSERVA. Si directiones mobilium non sint parallelæ, fieri potest, ut vicinior appareat tardius moveri remotiore, etsi plus reipsa spatii eodem tempore percurrat, quam alterum. Nempe possunt hæc spatia ita obliqua esse posita respectu oculi, ut minorem angulum radii ab eorum extremis ducti efficiant, quam sit angulus subtensus a spatiis minoribus remotioris mobilis, sed magis directe oculo objectis.

105. PROPOSITIO. XI. *Objectum quavis celeritate motum, si describat singulis secundis spatium, quod in oculo angulum non majorem 15 vel 20 secundis subtendit, immotum videtur.*

Constat experientia, cum astra nudo oculo nullum motum sensibilem habere videantur, licet plura eorum tempore minuti secundi describant spatium angulum 15 secundorum subtendens.

Hinc est, quod in horologiis portatilibus motus indicis per circulum horarium, imo etiam alterius circulum minutorum percurrentis, sit insensibilis.

106. OBSERVA. Ratio spatii percursum a mobili ad distantiam ejusdem ab oculo, quando motus est insensibilis, censi potest 1 ad 1200; hoc est, si corpus tempore unius secundi non describat plus, quam $\frac{1}{1200}$ suæ distantiae ab oculo, immotum apparet, quia tum illud spatium non subtendit angulum majorem, quam 17 secundorum & 12 tertiorum.

107. Ex opposito, si objectum moveatur celeritate summa, uti glans plumbea e catapultâ ferrea vi pulveris nitrati ejecta, videri nequit. Nullibi enim tamdiu moratur, ut visus illic figi posset, & objectum percipere.

108. PROPOSITIO. XII. *Duo aut plura objecta eadem velocitate apparente & directione mota, si referantur ad aliud immotum, quiescere videntur; objectum vero quiescens directione opposita, & celeritate eadem moveri apparet, qua reipsa alia moventur.*

Nam Duo aut plura objecta eadem directione, & velocitate apparente lata inter se situm non mutant; sed quia motu suo vero alium semper situm respectu objecti immoti acquirunt, & ad alias successive, aliasque hujus partes referuntur, videtur istud moveri in partem oppositam, & celeritate eadem.

109. Hinc pendet *Primo*, quod curru vel navi vectus se credat semper in eodem loco manere, & objecta vicina in partem oppositam moveri. Hæc oculorum fallacia eo est efficacior, quo navis major est: tunc enim navis partes, magno numero, & variis distantis spectatorem ambientes, cujus respectu eundem semper situm retinent, haud possunt videri locum mutare, vel moveri. Et certe si spectator immoto persistet capite, imagines partium navis in ejus oculo locum non mutant, sed in eisdem semper spatiis depinguntur, ideoque non solum partes navis immotæ apparere debent, sed etiam aptissimæ, ad quas alia objecta referantur, ut, an moveantur, an quiescant, exploretur. Jam vero ob motum verum navis fieri debet, ut objecta extra navem immota omni momento situm & distantiam ab oculo spectatoris mutant: igitur

tur eorum imagines diversa spatia in oculo successive percurrunt, ut adeo totus motus navis illis videatur tribuendus.

II0. Simili illusione fit, quod nobis persuadeamus, solem & omnia sydera intra 24 horas circa tellurem moveri, & quod revolutio annua solis reipsa circa terram fiat.

III. *Secundo*, quod cum nubes magna celeritate feruntur, luna velocissime videatur in partem oppositam moveri, & nubes absque motu hærere in eodem loco. Hæ quippe simul eadem directione, & celeritate progrediuntur.

II2. PROBLEMA. Datis positione loco spectatoris S (figur. 7), in quo se putat quiescere; quotcunque punctis A, B, C spatii veri mobilis in plano quovis progredientis; & totidem punctis a, b, c, ad quæ spectator iisdem momenti pervenit, determinare viam apparentem mobilis.

Ductis rectis Aa, Bb, Cc, fiant his parallelæ & æquales Sa, Sb, Sc omnes per punctum S transeuntes; erunt α , β , γ , puncta, per quæ semita apparens mobilis ducenda est. Nam cum v. g. recta Sa sit æqualis & parallela rectæ Aa, punctum α respectu S eundem situm habet, ac punctum A respectu a. Igitur spectator, se in S positum credens, existimare debet, mobile esse in α . Idem est de reliquis punctis β , γ &c.

II3. COROLL. I. Locus verus, & locus putativus oculi; locus verus & locus apparens objecti semper sunt in angulis parallelogrammi. Locus verus objecti, & locus putativus oculi, semper sunt in angulis oppositis; locus apparens objecti, & locus verus oculi sunt in reliquis duobus angulis oppositis. Hinc objectum semper apparet oppositum loco vero oculi spectatoris.

II4. COROLL. II. Si objectum sit immobile in A, ejus semita apparens $\alpha\beta\gamma$ (fig. 8) est æqualis semitæ veræ oculi, & in plano parallelo.

Quoniam $\alpha a, \beta b, \gamma c$ sunt parallelogramma, quorum SA est diagonalis communis, simulque intersectio communis planorum eorum, basibus Sa, Sb, Sc, in eodem plano existentibus, in quo scilicet est semita vera oculi; etiam his parallelæ & æquales Aa, Ab, Ac debent in eodem plano ad planum semitæ oculi parallelo existere, angulosque $\alpha A\beta, \beta A\gamma$, æquales angulis aSb, bSc efficere. Ergo puncta α, β, γ sunt in linea æquali lineæ abc, & in plano parallelo, sed situ inverso. Si vero objectum sit in eodem plano cum semita oculi, etiam ejus semita apparens in eodem erit.

II5. COROLL. III. Si objectum quiescat in loco putativus oculi spectatoris, ab eo refertur ad extremum radii æqualis & in directum jacentis radio ex vero loco oculi ad ejus locum putativum ducto.

Itaque si spectator moveatur in circulo, cujus centrum ab objecto occupatur, estque spectatoris locus putativus; videtur objectum

jectum eundem circulum describere, sed semper in punctis peripheriæ illis diametraliter oppositis versari, in quibus est spectator, ideoque eadem moveri velocitate, ac reipsa oculus spectatoris movetur.

116. OBSERVA. Corpora terrestria nos undique ambientia, ac nostri respectu quiescentia, quamvis reipsa una nobiscum circa solem volvantur, ita hac specie nobis illudunt, ut nos credamus in centro universi immobiles, solemque circa nos agi, licet is in se quiescat; Planetas item circa solem latos percurrere curvas mire flexas, ut jam in ortum, jam in occasum progrediantur, etsi de se non nisi ab occasu in ortum moveantur. Ope Problematis præcedentis omnes hi motus apparentes in plano descripti exhiberi possunt. Si enim fiant duo circuli concentrici, quorum alter exhibeat orbitam Telluris, alter orbitam alterius planetæ, exempli causa, Jovis; sintque radii horum circulorum proportionales distantis solis a terra, & Jove, hoc est circiter ut 1 & 5; & denique peripheriæ circulorum dividantur, in ratione celeritatum terræ & planetæ, in casu nostro scilicet 12 ad 1, ita ut v.g. circulus orbitæ terræ respondens dividatur in gradus duodenos; alter, qui orbitam Jovis exprimit, in singulos; si, inquam, his ita constructis, notentur in circulo telluris divisionum puncta successiva *a, b, c, &c*, hisque totidem correspondentia in circulo Jovis *A, B, C, &c* (initio, a quo libuerit, sumpto), centro eorum communi *S*; facile erit omnia puncta curvæ apparentis a Jove describendæ determinare, atque ex iis omnium mirarum illarum variationum rationem reddere.

117. PROPOSITIO. XIII. *Imagines ejusdem objecti, si in fundo utriusque oculi non depingantur ad partes homologas, exhibent objectum duplicatum.*

Quod objectum, etsi duobus oculis spectatum, simplex appareat, non aliunde pendet, nisi quod utraque impressio in fibras homologas, & æqualiter tensas utriusque oculi ad sensum eadem sit; sive, quod plurimis experimentis congruit, quod anima non nisi ad unam e duabus æqualibus & simultaneis impressionibus advertat. Quod si igitur impressiones per imagines in partibus diversis oculorum depictas fiant in fibras inæquales, & non homologas, ipsæ impressiones jam diversæ sunt, ideoque tales, ut duplicis objecti idea consequatur.

118. OBSERVA. Imago in utroque oculo depingitur in fibris homologis, quando objectum videtur per radios ad sensum parallelus, sive quando uterque oculus eodem modo versus objectum dirigitur. Hinc accidit, ut objectum nimis admotum oculis appareat duplicatum, quod nempe axes optici nimium inclinari de-

beant, ut objectum utroque oculo videri possit; & sinistro quidem apparebit ad partem dextram, dextro ad sinistram, quia hæc est eorum axium inclinatio. Idem fit, si alia quavis ratione oculi distorqueantur. Ebrii sæpe objecta duplicata vident, fibris & musculis omnibus ita laxatis, ut motus æquales non recipiant; hinc oculos nequeunt eodem modo versus objecta dirigere. Patebit hoc manifeste, si eorum oculi attentius considerentur.

119. In vehementioribus commotionibus, dum quis affectuum impetu, v. g. ira abripitur; item hominibus furiosis, quandoque objecta duplicata apparent, cum tunc liberum non sit, oculos, ut convenit, in ea dirigere.

P A R S S E C U N D A

Complectens Catoptricam, & Dioptricam.

C A P U T I.

Notiones Generales Catoptricæ, & Dioptricæ.

ARTICULUS PRIMUS.

De imaginibus & focis.

120. **Q**uoniam summa est atomorum lucis exilitas, fieri sane nequit, ut unius, paucorumve radiorum impressionem in organum visus, cujus fibræ cum lucis radiis comparatæ rudes admodum sunt, & crassæ, percipiamus. Majore itaque radiorum numero ex eadem superficiei corporis parte digredientium opus est, ut ea nobis visibilis reddatur. Verum quia radii ex eodem puncto dimanantes continuo a sese invicem divergunt (8), excogitanda fuerunt media, quibus secum iterum conjungi, in puncto quovis dato uniri, quin etiam, ut libuerit, dispergi possent. Atque de hisce adminiculis Dioptrica, Catoptricaque agit; de vitris, inquam, & speculis, quæ eum in finem adhibet.

121. Ope itaque vitrorum, speculorumque ingens radiorum numerus ab objecti parte quavis egressorum, in eodem iterum ad sensum puncto uniri possunt: & cum quisque radius imaginem puncti illius, e quo emanat, secum deferat (71); omnes ad idem collecti spatium imaginem partis objecti, unde emissi sunt, efforment, necesse est, eo quidem vivaciorem, quo major radiorum copia coacta fuerit; eo accuratiorem, magisque distinctam, quo ordo idem, dum colliguntur, servatus fuerit exactius, quem in digres-

digressu ab objecto tenuerunt. Est hæc imago adeo luculenta, ut si planum quodpiam læve & candidum eo in loco, in quo radiorum unio fit, constituatur, suis accurate distincta coloribus appareat, maxime, si dum experimentum capitur, luci cuivis alteri aditus negetur.

122. Punctum illud, in quod ope vitri, speculive luminis radii coguntur, *focus vitri*, aut speculi vocatur; & siquidem vera fiat radiorum collectio, *focus realis*, aut citra additum, *focus nuncupatur*, estque locus, in quo imago objecti lucem emittentis effingitur, ipsumque apparet objectum esse, si plures radii, postquam per focum decussatim transierunt, in oculum incidant. At vero si punctum illud tale modo sit, ad quod, dispersis per vitrum aut speculum radiis, nova eorum directio tendat, *focus imaginarius* appellatur, illicque etiam tunc objectum consistere videtur, si major radiorum dispersorum vis oculum subeat, quæ objecti imaginem satis sensibilem efformet: quippe illic universim objectum existere putatur, unde ejus radii ad nostrum oculum venire videntur (58, & 48).

123. Quod si vero quivis radius imaginem objecti, e quo emanat, secum deferat, sequitur, quod si radii, postquam semel collecti sese secuerunt, ac in concursu suo imaginem depinxerunt, postea seu refractione, seu reflexione quapiam uniti rursus fuerint, denuo imaginem efforment, ac sic deinceps, quamdiu eorum inter sese ordo non fuerit perturbatus. Igitur tot ejusdem objecti imagines fieri possunt, quoties radii ab eo emissi citra confusionem iterum possunt colligi.

124. Illud etiam deducitur, quod quando solum de via radiorum luminosorum agitur, imago vicem objecti subire possit, & objectum vicem imaginis; quin etiam secundæ imaginis respectu prima tanquam ejus causa productrix haberi possit, ac sic de reliquis.

125. Si radii in fasce luminoso ad sese invicem inclinentur, convergentes aut divergentes dicuntur, prout scilicet sive discessus eorum a puncto quopiam unionis, sive congressus consideratur. E quo liquet, focum esse in ipso transitu a convergentia ad divergentiam, & vicissim.

ARTICULUS II.

Leges & principia ab experientia deducta, quæ demonstrationibus in Dioptrica & Catoptrica fundamentum præbent.

126. **L**ex I. Quivis lucis radius per medium quodpiam propagatus, dum in aliud diversæ densitatis aut naturæ incurrit, directionem mutat: Si

novum illud medium penetrare nequeat, in superficie reflectitur; si penetrat, in ingressu frangitur, sive refringitur.

Sit $A C$ (fig. 9) radius, ex aere in superficiem $P Q$ crystalli, aut vitri solidi $P S$ incidens. E puncto C , in quo radius $A C$ in novum hoc medium incurrit, & quod propterea *punctum incidentiæ* dicitur, erigatur perpendicularis $M D$ ad vitri superficiem (vocatur ea nonnunquam cathetus incidentiæ; angulus vero ACM , eive æqualis DCB est angulus incidentiæ). Quod si radius incidens $A C$ offendat in aliquod obstaculum aditum in vitrum prohibens, mutata directione reflectitur, viamque CI tenet; tumque angulus MCI vocatur *angulus reflexionis*: verum si radius incidens $A C$ vitrum penetrarit, deserta priore directione CB deviat, & novam CT sequitur. Atque in hoc casu angulus $DC T$ dicitur *angulus refractus*; CT radius fractus, vel refractus; BE sinus anguli incidentiæ; & TH sinus anguli refracti.

127. Lex II. Si punctum lucidum, postquam in occurſu diversorum mediorum & superficierum diversimode reflexum, refractum, aut inflexum est (uti scilicet mediorum & superficierum occurrentium natura & positio exigat), tandem in obstaculum offendat, quod ei directionem præcise oppositam impertit, eadem accurate via, & celeritate, qua advenerat, regreditur.

Sic radius TC per vitrum PS propagatus, dum in ejus superficiem PQ incurrit, via CA egreditur; sive, quod eodem recidit, si radius AC , refractus sit in CT , & ex T directione TC repelatur, e vitro directione CA exit.

128. Lex III. Angulus reflexionis aut refractionis est in eodem plano cum angulo incidentiæ, estque hoc planum ad superficiem medii perpendiculare. Etenim ejus positio per Cathetum incidentiæ, quæ ad superficiem medii perpendicularis est, determinatur.

129. Lex IV. Sinus anguli reflexionis aut refractionis alicujus radii est in ratione constante cum sinu sui anguli incidentiæ.

In reflexione ea ratio est æqualitatis: & consentientibus omnibus experimentis, differentia nulla est, quæ percipi posset.

130. Quando lux ex aere in aquam pluviam transit, ratio sinus anguli refracti ad sinum anguli incidentiæ proxime est, ut 3 ad 4, aut accuratius, ut 3 ad 4,0076; dum ex aere in vitrum incidit, ut 2 ad 3, vel accuratius ut 20 ad 31; dum e vitro in aquam propagatur, ut 9 ad 8 * &c, & vicissim ratio sinus anguli refracti ad sinum anguli incidentiæ est in transitu ex aqua in aerem, ut 4 ad 3; e vitro in aerem, ut 3 ad 2 &c.

131 Co-

* Newton. Opt. L. 1. part. II. Prop. III. Exper. VIII. rationem anguli incidentiæ ad sinum anguli refractionis suæ ponit ut 80 ad 93; hinc hypothetis numerorum 8 & 9 transpositio in exemplari Gallico adscribenda.

131. COROLL. I. Si radius incidens sit perpendicularis ad superficiem medii, in quod incurrit; vel in se ipsum reflectitur, vel medium sine refractione transit. Cum enim tunc sinus anguli incidentiæ sit $= 0$, sinus anguli reflexionis, aut refractionis pariter est $= 0$; aut, quod idem est, radius tum cum catheto incidentiæ congruit.

132. COROLLARIUM II. Sub quocunque angulo incidentiæ radius occurrat alicui medio luci alias pervio, semper sub eodem reflecti potest, siquidem in casu particulari illud penetrare nequeat; verum quando juxta naturam medii sinus anguli incidentiæ debet minor esse sinu anguli refracti, radius non semper potest medium, facta refractione, penetrare; aut, quod idem est, in angulis incidentiæ certi dantur limites, ultra quos radius refringi nequit, consequenter nec exire e medio, in quo propagatur, ut in alterum, cui occurrit, transeat.

Etenim si lux ex aere in superficiem aquæ incidat sub angulo fere 90° , angulus refractionis erit proxime $48^\circ \frac{1}{2}$, sinu toto, aut incidentiæ, ad sinum anguli refracti existente tunc ut 4 ad 3, quæ ratio angulum refractum præbet $48^\circ \frac{1}{2}$ circiter: itaque si ex opposito radius ex aqua in aerem transire debeat sub angulo incidentiæ $48^\circ \frac{1}{2}$, is ex aqua egressus debebit ejusdem superficiem radere, angulo refracto 90° existente; quod si igitur radius sub majore angulo incidentiæ, quam $48^\circ \frac{1}{2}$, ex aqua egredi deberet, sinus anguli refracti ipso sinu toto major fieret, quod impossibile est: unde neque fieri potest, ut talis radius ex aqua emergat, docetque nos experientia, eum in communi aquæ & aeris superficie reflexum intra aquam manere. Simili ratiocinio in aliis mediis limites refractionis inveniri possunt, data ratione sinuum anguli incidentiæ & refractionis. Deinceps de planis solummodo, & sphæricis superficiebus agemus, quarum scilicet solarum in reliquis artibus usus est.

C A P U T II.

De Catoptrica.

A R T I C U L U S I.

De imaginibus, aut focis per reflexionem.

133. PROBLEMA. Datis puncto, aut objecto quovis O in axe A O speculi cujuscunque sphærici concavi MAB (fig. 10. & 11) aut convexi (fig. 12), & radio incidente O M, axi A O infinite propinquo, invenire punctum axis F, per quod radius in M reflexus transit.

RESOLUTIO. Ducatur ad centrum C e superficie sphærica recta M C, quæ cum (Elem. 459) ad superficiem speculi in puncto

Et si incidentiæ M normalis sit, erit cathetus incidentiæ: hinc angulus OMG , vel CME est angulus incidentiæ; & si fiat $CMF = OMG$, erit radius reflexus MD , axi OA in F occurrens.

Ut jam valor de AF , seu MF (ponuntur enim OM & OA infinite propinquæ) analytice exprimatur, sit OA , five MO , distantia objecti a speculo, $= \pm d$ ($+d$, si speculum sit concavum; & $-d$, si sit convexum: quippe cum hæc signorum determinatio a situ radii incidentis OM respectu semidiametri speculi AC pendeat); sit $AC = r$, & FA , vel $FM = f$. Hinc erit $FC = r - f$ (fig. 10. & 12), aut $= f - r$ (fig. 11); & $CO = -r + d$ (fig. 10), vel $= r - d$ (fig. 11), vel $= r + d$ (fig. 12). Est autem (Elem. 560) $CO : CF = MO : MF$, five (fig. 10 & 11) $\mp r \pm d : \pm r \mp f = d : f$; unde formula generalis pro speculis concavis eruitur $f = \frac{dr}{2d - r}$.

Porro in triangulo CMO fig. 12, habetur (Elem. 746) $CO : MO = \sin CMO$ (vel $FM C$): $\sin MCO$ (five MCF): item in triangulo $FM C$ est $\sin FM C : \sin MCF = CF : FM$; igitur etiam $CO : CF = MO : MF$, five $r + d : r - f = d : f$. Ex quo deducitur formula pro speculis convexis $f = \frac{dr}{2d + r}$. Ut adeo formula utrique speculorum sphæricorum generi communis sit $f = \frac{dr}{2d \mp r}$.

134. OBSERVA I. Hæc formula eo accuratius exhibet valorem de AF , quo radius incidens OM axi OA fuerit propior, five quo AM , inter radium incidentem, & axem AO per objectum ductum, intercepta, minor portio superficiei totius sphæræ fuerit. Sic cum MF (fig. 10 & 12.) semper sit major, quam AF , quo radius incidens a puncto A longius discedit, eo propius ad idem A radius reflexus MF cum axe AF concurrit.

135. OBSERVA II. Si sciatur arcus AM , per Trigonometriam planam valor de AF calculo rigido erui potest. Nam in triangulo OCM , datis OC , CM , & angulo MCO , cujus mensura est AM , anguli COM , & CMO cum latere MO reperiri possunt. (Elem. 760). Dein in triangulo FMO habetur MO , angulus FOM , & FMO , duplus (aut dupli complementum (fig. 12)) anguli CME ; quare per calculum obtinetur latus OF , & inde AF .

Si radius incidens OM fiat parallelus axi OA , hoc est, si distantia objecti fiat infinita, angulus EMC erit æqualis angulo FCM , & triangulum CMF isosceles, utrumvis ejus angulum metiente

tiante arcu AM . Sit exempli causa $CM = 6$ ped. arcus $AM = 1^\circ$; reperietur $AF = 2,99964$ pedum. Si AM ponatur $= 10^\circ$, habebitur $AF = 2,95372$ ped. Si AM sit $= 30^\circ$, fiet $AF = 2,53589$ pedum.

136. COROLL. I. Quoniam tota lux ab objecto O in speculum in exigua a puncto A distantia incidens, per punctum axis F aut saltem admodum prope, transit in speculis concavis; sequitur ad idem punctum F debere imaginem objecti O sensibilem efformari. In speculis vero convexis radii e puncto O venientes reflexione ita disperguntur, ut producti ad F concurrant, & si quidem lux eum in modum reflexa oculum subeat, objectum versus F exhibeat.

137. COROLL. II. Cum imago objecti O sita sit in axe sphaerae per punctum O producto, si quando occurrat obstaculum, quo minus ab objecto ad centrum sphaerae recta duci possit, imago objecti formari nequit. Simili ratione, quocunque situ oculus collocetur, ut imaginem suam in speculo videat, eam semper in recta per centrum speculi transeunte videt.

138. OBSERVA III. Si objectum O tantam vim lucis emittat, ut radii etiam nondum collecti sensum caloris excitent, uti id praestant radii solares, facis, carbonis accensi &c, manifestum est, quod si ope speculi concavi colligantur, calorem tum eorum densitati, tum illi, quem per sese habent singuli incidentes, proportionalem excitaturi sint. Atque hinc nomen *foci* puncto illi, in quod coguntur, impositum est.

ARTICULUS II.

De loco, situ, & motu imaginum per reflexionem ortarum.

139. Si diversae assumantur distantiae, e quibus objectum in superficiem speculi sphaerici reflectentem radiare potest, haud difficile erit, ex formula generali, superiore Articulo tradita, locum ejus imaginis reperire.

Itaque supponamus objectum quodpiam, primo in ipsa speculi superficie positum, dein successive in infinitum ab eodem removeri...

140. I. Si distantia a speculo sit infinite parva, imago objecti est infinite propinqua post speculum. Quippe cum sit $\pm d = \frac{1}{\infty}$, formula $f = \frac{dr}{2d \pm r}$

in hanc abit $f = \frac{1}{\pm \infty}$. Denotat autem signum $-$, in speculo concavo imaginem esse ex parte opposita illi, in qua assumebatur se-

E

mi-

midiameter cavitatis $= +r$, adeoque post speculum: signum vero $+$ ostendit, in speculo convexo imaginem esse ex parte centri convexitatis, cujus semidiameter ponebatur $= +r$; manifestum autem est, in formula $f = \frac{dr}{2d+r}$ semper fore f positivum, quicumque valor de d assumatur: unde sequitur, in speculo convexo imaginem necessario esse ex parte centri convexitatis, in quacunque distantia objectum fuerit; id, quod in sequentibus toto hoc Articulo probe notandum.

141. II. Distantia objecti a speculo a \circ usque ad quartam axis sphaerae, vel dimidiam semidiametri partem crescente, imago quoque post speculum semper recedit; & quidem in concavo a \circ usque ad ∞ ; in convexo vero a \circ usque ad $\frac{1}{8}$ axis. Nam Primo si ponatur $d < \frac{1}{2}r$, seu $2d < r$, patet, esse $2d - r$ quantitatem negativam; ergo in speculo concavo f quoque erit negativa, & locus imaginis post speculum. Secundo. At vero si fiat $d = \frac{1}{2}r$, erit formula pro speculo concavo $f = \frac{\frac{1}{2}r \cdot r}{\circ} = \infty$.

E quo liquet, imaginem ad distantiam infinitam recedere, si objectum ad quartam axis partem collocetur; sive, quod idem est, radios ab objecto venientes reflecti inter se parallelas a speculo, adeoque non nisi ad distantiam infinitam a speculo concurrere. Verum quia nulla est ratio, ob quam lineae parallelae in infinitum utrinque productae ex una potius, quam altera parte concursurae concipiantur, ideoque eodem jure concursus utrinque fieri supponitur; in casu, in quo versamur, dum scilicet objectum $\frac{1}{4}$ axis parte a speculo concavo distat, ejus imago a speculo tam antrosum, quam retrorsum in infinitum discedit.

142. Quod ad speculum convexum, patet, posito $-d = \frac{1}{2}r$, fore $f = \frac{1}{4}r$.

143. III. Distantia objecti a speculo ab $\frac{1}{4}$ axis usque ad $\frac{1}{2}$ ejusdem (hoc est usque ad semidiametrum sphaerae) crescente, imago in speculo concavo est cis speculum, atque e distantia infinita usque ad centrum speculi accedit; at in speculo convexo imago post speculum ab $\frac{1}{8}$ axis usque ad $\frac{1}{8}$ ejusdem recedit.

Manifestum enim est, quamdiu $d > \frac{1}{2}r$, sive $2d > r$, formulam pro speculo concavo non posse fieri negativam, atque adeo imaginem semper fore ex parte concavitatis. Quod si formula solvatur in analogiam $d : 2d - r = f : r$, quia $d > \frac{1}{2}r$, & $d < r$, erit antecedens d majus consequente $2d - r$, atque propterea $f > r$ (Elem. 306): hinc imago est ultra centrum speculi respectu objecti. Si fiat $d = r$, erit $2d - r = d$, & $f = r$. Igitur in speculo concavo si objectum in centro speculi collocetur, imago ibidem erit; at si in speculo convexo fiat $-d = r$, habebitur $f = \frac{1}{2}r$.

144. Ex his petenda est ratio, cur oculus ante speculum intra

tra $\frac{1}{4}$ partem axis & centrum collocatus suam imaginem nulla ratione videre possit, quippe quæ tum post oculum efformatur, atque in infinitum recedit, quando is ad $\frac{1}{4}$ axis constituitur; ex distantia autem infinita usque ad centrum redit, ibique cum oculo confunditur, hoc ab $\frac{1}{4}$ axis ad centrum usque a speculo recedente. Dum autem oculus ejusque imago in locum eundem conveniunt, omnia confusa apparent, oculo se ipsum in quovis puncto vidente.

145. IV. *Distantia objecti a speculo a semidiametro sphaeræ usque in infinitum crescente, imago a centro usque ad $\frac{1}{4}$ partem axis versus speculum accedit, si speculum sit concavum; at si convexum sit, ea post speculum ab $\frac{1}{8}$ axis usque ad $\frac{1}{4}$ ejusdem recedit.*

Nempe in analogia $d: 2d-r=f:r$, posito $r < d$, antecedens d minus est suo consequente $2d-r$; ideoque etiam $f < r$. Quod si ponatur $d = \infty$, formula in hanc mutatur $f = \frac{1}{2}r$.

146. THEOREMA. *si objectum sit arcus circuli OPQ (fig. 13 & 14) speculo sphaerico BAD concentrici, erit PRIMO etiam imago arcus circuli concentrici, SECUNDO radius hujus imaginis circularis, adeoque ipsa imago quoque, major, minorve erit, prout ea a centro speculi C longius, propiusve abfuerit; TERTIO hæc imago erit situ erecto, hoc est, eodem ac objectum, quamdiu ex eadem cum objecto parte fuerit respectu centri speculi; at vero ejus situs erit inversus, sive contrarius situi objecti, ubi inter eam & objectum centrum speculi extiterit.*

Cum enim OPQ sit arcus cum BAD concentricus, rectæ OB, PA, QD, per centrum C transeuntes, in quibus existunt imagines o, p, q , punctorum O, P, Q, æquales sunt inter se: itaque d (quod earum valorem in formula generali exprimit) erit quantitas constans, æque, ac r ; & hinc etiam f constans est; hoc est, rectæ oB, pA, qD sunt æquales: ergo opq, OPQ, BAD sunt arcus concentrici.

147. Ex his evidens est *Primo*, quod dum imago & objectum sunt ex eadem parte respectu centri, uti figur. 14, situs imaginis sit idem cum situ objecti, singulis scilicet punctis imaginis existentibus in iisdem semidiametris, quæ per singula puncta correspondentia objecti ducuntur. Verum si imago respectu objecti sit ultra centrum (fig. 13), cum rectæ, in quibus existunt imagines singularum partium objecti necessario per centrum speculi transeant, eæ, quæ a puncto objecti sito supra axem (qui per medium objectum ducitur) veniunt, postquam per centrum transferunt, deorsum vergunt, & ex opposito. Igitur in omnibus rectis venientibus e parte superiore objecti (quæ hoc ipso supra axem sita esse debet) imago existit inferius, quippe quæ in il-

lis non nisi postquam per centrum transierint, efformatur: est ergo situs imaginis inversus respectu objecti sui.

148. *Secundo* manifestum est, imaginem integram objecti, quæ tota lineis in centro concurrentibus comprehenditur, eo esse debere minorem, quo centro speculi fuerit vicinior, & ex opposito.

149. COROLL. I. *Si objectum sit arcus concentricus speculo convexo, imago illius semper apparet situ erecto, quia scilicet ex eadem parte centri speculi efformatur, in qua objectum est; decrescit vero ea ratione, qua objectum recedit, cum magis semper, magisque tum ad centrum accedat. In speculo concavo imago est erecta, & objecto a superficie speculi usque ad $\frac{1}{4}$ axis recedente, crescit. Hinc vero usque ad centrum promotum objecto, imago decrescit, situmque inversum acquirit: Tandem a centro in infinitum abeunte objecto, situm quidem inversum retinet, sed denuo crescit. Verum quod ad ultimum præcipue casum pertinet, observandum est, quod si objectum non simul augeatur pro ratione majoris semper distantiae, sed solummodo figuram speculo concentricam, quam radius distantiae exigit, acquirat, ejus imago crescente intervallo minuatur.*

150. COROLL. II. *Si cetera omnia paria sint, quo minor est radius sphaerae speculi, eo minor etiam est imago objecti.*

151. OBSERVA. Præsens theorema ad objecta alterius cujusvis figuræ in specula sphaerica radiantia cum rigore applicari nequit. Quod si tamen adeo supponantur exigua, ut eorum latitudo pro arcu speculo concentrico haberi possit, ex iis, quæ præsentem Articulo exposita sunt, intelligi poterit *primo*, cur imagines in speculis sphaericis jam minores, jam majores suis objectis depingantur; *Secundo*, cur earum situs nunc erectus, sit nunc inversus; *Tertio*, cur videantur versus sua objecta accedere, objectis ipsis a speculo cavo recedentibus &c.

152. Similiter intelligitur ex dictis, figuram objectorum, quorum superficies speculo non est concentrica, eo magis deformem reddi debere, id est, imagines eo magis fore dissimiles suis objectis, quo superficies objectorum major, & radius speculi minor fuerit. Etenim si v. g. linea recta opponatur speculo sphaerico, ejus imago curva apparebit, quoniam punctis ejus rectæ inæqualiter a speculo distantibus, etiam eorum punctorum imagines inæquales acquirunt distantias, quarum tamen non eadem est ratio. Ejusmodi imagines eo etiam magis a figura objecti diffident, quo id intra speculum concavum & centrum uni quartæ axis parti propius fuerit, cum tunc imagines admodum magnæ efformentur, & exigua diversarum objecti partium differentia in distantia a speculo, ingens discrimen distantiarum & magnitudinum in imaginibus earum partium efficiat.

ARTICULUS III.

 Applicatio Theoriæ superioris ad specula plana.

153. **E** formula generali proprietates speculorum planorum sponte veluti fluunt, si id genus specula tanquam sphærica considerentur, in quibus diameter dimidia sphærae sit infinita, sive si ponatur $r = \infty$; nam tum formula $f = \frac{dr}{2d - r}$ in hanc abit $f = -d$, quæ ostendit, *imagines in speculis planis visas apparere tanto intervallo trans specula, quanto cis eadem existunt objecta, easque semper esse erectas.* Et quoniam in speculis sphæricis imago cujusvis puncti objecti depingitur in recta per punctum illud, & centrum transeunte, adeoque ad speculorum superficiem perpendiculari; *imago cujusvis puncti objecti ante speculum planum collocati est in perpendiculari ex eo puncto ad superficiem speculi ducta.* Denique, cum perpendiculares ab extremis objecti punctis ad speculum ductæ sint inter se parallelæ, & hinc non nisi in distantia infinita (ad quam centrum ejusmodi speculi remotum est) concurrere possint, *imagines inter has comprehensæ quoad singulas dimensiones objectis suis æquantur.*

154. Simili argumento ceteræ quoque speculorum planorum proprietates deduci possent; verum quia usus horum speculorum frequentior est, quam aliorum, non nullas isthic in particulari indagare juvat.

155. **THEOREMA I.** *In speculo plano horizontaliter collocato, objecta, quorum situs erectus est, apparent inversa, & vicissim. Si speculum sit inclinatum, omnia objecta in contrarium inclinata videntur. Si angulus inclinationis speculi sit 45° , objecta verticalia fiunt horizontalia; & horizontalia acquirunt situm verticalem &c.*

Omnia hæc ex eo consequuntur, quod partium objecti speculo viciniorum imagines post speculum viciniores quoque sint; & remotiorum imagines longius quoque post speculum distent. Quod si pro singulis casibus theorematis schemata construantur, facile ex iis demonstratio elicietur.

156. **THEOREMA II.** *Pars dextra objecti in imagine in speculo plano depicta apparet ad sinistram, & sinistra ad dextram.*

Pendet id ex eo, quod imagines situm objectorum suorum retineant, partesque dextræ ad dextram depingantur &c. Jam vero dum vultum alterius conspiciamus, illius dextra sinistræ nostræ opponitur, & vicissim. Cum itaque hunc in modum alios sine speculo considerare assueverimus, quando nos ipsos in speculo consideramus, dum manum versus dextram movere volumus, eam

re ipsa versus finistram movemus; dum eam antrorsum tendere volumus, retrahimus, ita, ut peculiari habitudine opus sit, ut quis speculo recte utatur.

157. THEOREMA III. *Imago objecti ad superficiem speculi plani paralleli videtur in speculo tantum dimidium spatii illius occupare, quod objectum occupat.*

DEMONSTRATIO. Sit AB (fig. 15) dimensio quævis alicujus objecti ad speculum IG paralleli; sit ab imago de AB . E puncto quolibet P in AB accepto ducantur Pa , Pb , manifestum est, esse IE partem speculi ab imagine ab occupatam: & quoniam IG ab AB , & ab æqualiter distat, pars IE debet esse dimidium de ab , vel AB .

158. SCHOLIUM. Ut itaque se quis integrum in speculo verticaliter posito videre possit, necesse est, ut speculi altitudo & latitudo saltem sit dimidia altitudinis & latitudinis spectatoris situ erecto consistentis. Unde si quis in situ erecto non nisi partem sui conspiciere possit, reliqua imagine sub margine speculi verticalis occultata, non plus videre unquam poterit, seu accedat, seu recedat a speculo.

159. THEOREMA. IV. *Si speculum circa axem suum moveatur, motus angularis imaginis est duplus motus angularis speculi.*

DEMONSTRATIO. Sit primo AB (fig. 17) situs speculi, OE radius incidens, EF radius reflexus: acquirat dein speculum circa axem, per E transeuntem, motum novum situm CD ; erit EG radius reflexus respectu incidentis OE . Ostendendum est, angulum $FE G$, quo motus angularis, seu quantitas, qua radius reflexus EG a priore situ suo EF discessit, exprimitur, esse duplum anguli AEC , five motus angularis speculi. Nam cathetus incidentiæ semper est in medio inter radium incidentem, & reflexum; & quia ad speculum est normalis, eundem habet motum angularem cum speculo. Quod si itaque speculum motu angulari accedat versus radium incidentem, cathetus incidentiæ ab hoc radio tantundem removetur; & simul eadem quantitate radius reflexus a catheto recedere debet, ut inter radium incidentem & reflexum media maneat. Quare peracto hoc motu radius incidens a reflexo dupla quantitate motus angularis speculi recessit.

160. SCHOLIUM. Dum speculum arcum quadrantis describit, radius reflexus integrum semicirculum percurrit. Atque ob hanc causam imago reflexa solis in speculis tanta celeritate moveri potest. Similiter imago solis e superficie aquæ fere stagnantis reflexa videtur admodum agitata, præcipue si in majore a puncto incidentiæ distantia excepta fuerit &c.

161. THEOREMA V. Si speculi vitrei superficies postica stanno sit obducta, duplicem ejusdem objecti imaginem speculum exhibet: alteram viciniorem & debilem; remotiorem alteram & vivaciorem: distantia autem utriusque imaginis æquatur duplæ vitri crassitie.

Phænomeni causa ea est, quod ipsa anterior speculi superficies polita & solida speculi vicem agat, omnes eos radios, qui vitrum non penetrant, reflectens, sicque debilem quamdam objecti imaginem formans, quæ eo videtur clarius, quo magis oblique aspicitur: si quis enim perpendiculariter eam intueatur, alteri vivaciori a postica speculi superficie, quæ stanno obducta est, efformatæ directe incumbit, atque cum ea confunditur. Quod si distantia objecti a superficie anteriore speculi sit $= d$, crassities vitri $= e$; erit distantia objecti ab imagine vivaciore (153.) $= 2d + 2e$; at distantia ejusdem ab imagine debiliore solummodo $= 2d$.

162. THEOREMA VI. Quiscunque sit speculorum planorum in eodem plano collocatorum numerus, unica tantum ejusdem objecti imago efformari potest.

Nempe omnia tunc specula unius vicem agunt; & quoniam imago semper apparet in catheto incidentiæ ab objecto demissa, ac nonnisi unica perpendicularis ex eodem puncto ad idem planum duci potest (Elem. 634), una etiam tantum imago efformabitur.

163. THEOREMA VII. Si oculus I (fig. 16) constitutur intra angulum quemvis ABC, a duobus speculis planis AB, BC comprehensum; tot videbit imagines objecti O intra eundem angulum positi, quot perpendiculara ab eodem objecto, & singulis ejus imaginibus in quodvis speculum intra angulum B duci possunt.

DEMONSTRATIO. Primo. Demissa ab objecto O in speculum BC catheto OD, factaque $ND = NO$, erit punctum D locus unius imaginis. Nam ducta ex oculo I recta ID, & per g (ubi ea occurrit speculo) altera gO, erit gO radius incidens, ejusque reflexus Ig, per quem oculus imaginem in D videt, ob triangula DgN, OgN æqualia, adeoque $OgN = DgN = BgI$.

Secundo. Si e puncto D demittatur in speculum AB perpendicularis DE, fiatque $kE = kD$, erit punctum E locus alterius imaginis, respectu cujus imago in D vicem objecti subit. Etenim quia $ON = ND$, & triangula ONf, DNf itidem æqualia, radius incidens Of reflectitur in fi; & ob triangula rectangula Dki, Eki pariter æqualia, radius fi in iI reflectitur, adeoque ad oculum in I pervenit.

Tertio. E puncto E in speculum BC demissa catheto EQ, sumptaque $QF = EQ$, obtinetur locus F tertiæ imaginis, cujus objectum est imago altera in E. Nam ob æqualitatem triangulorum re-

ctangu-

Etangulorum OdN , NDd ; Drk , rkE ; FQb , bQE , manifestum est, radium incidentem Od reflecti in dr , tum in rb , denique in bI , ubi ad oculum pertingit.

Quarto. Si a puncto F ducatur perpendicularis ad speculum AB , reperietur, quod jam extra speculum in FG cadat, atque adeo non possit amplius esse cathetus incidentiæ, nec imago.

164. Simili ratione ostendetur, esse in H imaginem objecti O , quæ per radium Ih , ex incidente Oh reflexum, videatur; esse imaginem alteram in K , quæ cernatur radio cI , reflexo ex ct , respectu cuius incidens est Ot ; esse tertiam in L , visam per radium incidentem Ol , & primo in la postea in ak , denique in kI reflexum. Tandem non posse esse plures imagines, perpendiculo LM a postrema imagine demisso jam extra speculum cadente.

165. COROLL. I. Ex ipsa constructione facile apparet, imaginem primam videri per radium semel reflexum, secundam per bis, tertiam per ter reflexum &c.

166. COROLL. II. Distantia imaginis cujusvis ab oculo æquatur summæ ex radio incidente, & reflexis, per quos videtur. In exemplo $IF = Od + dr + rb + bI$. Nam $IF = Ib + bF$; & $bF = bE = br + rE$; item $rE = rD = rd + dD$; denique $dD = dO$: ergo $IF = Ib + br + rd + dO$. Atque hinc quo magis multiplicatur imago, eo longius distat.

167. COROLL. III. Prima imago vivacior est quam secunda; bæc, quam tertia, & sic deinceps; tum quod intensitas luminis semper crescat tota ea via, quam radii incidentes & reflexi conficiunt, cum etiam quod ingens radiorum numerus in singulis reflexionibus pereat.

168. COROLL. IV. Quo major est angulus a speculis comprehensus, eo minor est numerus imaginum, quæ efformari possunt. Cum enim catheti incidentiæ eodem motu angulari a sese invicem recedant, quo ipsa specula, semper eæ vertici anguli a speculis intercepti fiunt propiores tandemque extrorsum cadunt, ubi non amplius est locus imagini. Atque hinc quo angulus duorum speculorum magis augetur, eo imagines ad verticem illius propius accedunt, ibique confunduntur inter se, ac tandem sub illo sese occultentes disparent; ita ut quando angulus is fit rectus, nequeant esse plures, quam duæ imagines; dum vero fit infinite obtusus, unica exhiberi possit, quoniam numerus imaginum dependet semper (162) a numero perpendicularum, quæ tum ab objecto, tum ab ejus imaginibus in utrumvis speculum cadere possunt.

169. COROLL. V. Si duo specula sint inter se parallela, atque oculus cum objecto in eadem ad speculorum planum perpendiculari constituatur, infinitæ fiunt objecti imagines, quæ tamen semper remotiores apparent, itaque fiunt debiles, ut paullo post haud amplius percipi possint.

ARTICULUS IV.

De speculis Cylindricis, Conicis &c.

170. Specula cylindrica, conica, prismatica, & pyramidalia vix alium usum habent, quam ut spectatorem oblectent, dum vel objectorum figuram deformem exhibent, vel imagines, quæ ex industria deformatæ sunt, suis objectis confimiles repræsentant.

171. Quoniam specula prismatica, & pyramidalia nil aliud sunt, quam plana verticalia vel inclinata, opus non est, ut de iis in particulari agamus. At cylindrica consideranda sunt tanquam collectio speculorum, quæ tam e planis verticalibus, quam e sphaericis participant; & conica, velut quæ partim plana inclinata, partim sphaERICA sint; ita, ut compositis inter se affectionibus speculorum planorum, & sphaERICORUM, facile sit rationes invenire, cur id genus specula imagines objectorum regulares deformes reddant, & vicissim.

172. In exemplo, si objectum figura debita præditum situ verticali collocetur ante speculum cylindricum, itidem verticaliter erectum, manifestum est, dimensiones verticales objecti haud posse deformari, quæcunque sit ejus a speculo distantia, quippe cum eæ objiciantur speculis planis & verticalibus; at vero dimensiones horizontales debere figuram suam amittere, prout ea plus minusve a concentrica cum speculo abest, atque distantiarum majus est discrimen (152.); etenim dimensiones istæ velut in totidem specula sphaERICA radiant. Cum itaque ejusdem objecti partium aliarum imagines in speculo cylindrico recte exhibeantur, aliarum autem figuræ deformatur, omnium collectio imaginem admodum distortam, in qua objectum vix dignoscas, repræsentat.

173. En autem methodum in plano delineandi imaginem deformatam, ut in speculo cylindrico (cujus radius datur) in ejusdem plani loco certo verticaliter posito, e certa oculi distantia visa, recta, & objecto suo conformis, appareat.

Pingatur in plano separato objectum in speculo exhibendum vera dimensionum omnium servata proportionem, attamen ne maxima ejus latitudo major sit chorda arcus 130, vel 140 graduum speculi cylindrici. Hæc imago parallelogrammo rectangulo (fig. 18) includitur, quod *craticulam prototypi* dicere licet. Hoc parallelogrammum in plura minora quadrata aut rectangula parallelogramma dividitur, ut imago hac ratione in plures partes dispescatur. Dein in plano dato designetur locus, in quo collocanda est speculi cylindri-

lindrici basis, portio nempe circuli $F'TK'$ (fig. 19.) cujus radius æqualis radio basis cylindri; applicetur huic chorda $F'K'$, æqualis lateri FK craticulæ prototypi, pedi imaginis respondenti, atque in totidem partes dividatur, ac ipsum latus FK . Erigatur in puncto bisectionis chordæ H perpendicularis HO , usque ad punctum O producenda, supra quod oculus constituendus est. Agantur ex O per puncta divisionum chordæ rectæ indefinitæ OA' , OG' , OH' , OI' , OK' , atque super una ex istis, v. g. OA' erigatur perpendicularis OV æqualis altitudini oculi supra planum. In eadem recta OA' ex puncto F' , ubi occurrit chordæ $K'F'$, erigatur altera perpendicularis $F'A$, æqualis lateri alteri FA craticulæ prototypi, & in totidem partes secetur. Ex puncto V ducantur per puncta divisionum rectæ $F'A$ lineæ VF' , VE' , VD' , VC' , VB' , VA' , & ubi eæ rectæ OA' occurrunt in E' , D' , C' , B' , A' , fiant parallelæ ad $K'F'$, nempe $E'e'$, $D'd'$, $C'c'$, $B'b'$, $A'k'$; habebitur ex legibus Perspectivæ trapezium $K'F'A'k'$ perspectivum craticulæ prototypi AK , visum ex eo puncto, in quo collocandus est oculus, ut objectum in cylindro cernat, hoc est, in altitudine OV supra punctum O .

Ex centro Q arcus $F'TK'$, super quo pes cylindri collocandus est, per puncta incidentiæ F' , S , T , K' , in quibus rectæ (sive radii) OF' , OG , OI , OK' dicto arcui occurrunt, ducantur catheti incidentiæ QL' , QP , QR , QX , atque indefinitæ $F'a$, Sg , Ti , $K'k$, quæ faciant angulos $aF'L = OF'L$, $gSP = OSP$, $iTR = OTR$, & $kK'X = OK'X$, adeoque radii reflexi erunt (133). In has lineas, sive radios reflexos, transferantur divisiones rectarum correspondentium trapezii perspectivi, nempe rectarum $F'A'$, Sg' , Mh' , Ti' , $K'k'$, & per singula puncta hac ratione reperta ducantur curvæ, quæ parum aberunt ab arcubus circulorum concentricorum, communis centri H , ipsasque rectas Aa , Bb , Cc , Dd , Ee , FK craticulæ prototypi repræsentant, quemadmodum ab $F'a$, $G'g$, $H'h$, $I'i$, $K'k$, rectæ FA , Gg , Hh , Ii , Ka ejusdem craticulæ exhibentur, ac denique a trapeziis mixtilineis parva quadrata vel rectangula craticulæ. Quod si itaque cylinder super arcu $F'TK'$, & oculus in puncto jam determinato collocetur, in cylindro imago craticulæ prototypi recte exhibebitur. Unde si in trapezia mixtilinea partes in singulis correspondentibus areolis craticulæ prototypi delineatæ transferantur, habebitur imago deformata, uti desiderabatur.

CAPUT III.

Dioptrica.

ARTICULUS PRIMUS.

De Imaginibus, sive focus ex simplici refractione.

174. **P**ROBLEMA. Datis objecto O (fig. 20 & 21) positione respectu superficiei sphaericae refringentis BAI dati radii AK , & ratione sinus anguli incidentiae ad sinum anguli refracti, invenire locum imaginis P , quae per refractionem efformatur.

Sit ratio data p ad q . Per objectum O & centrum K ducatur indefinita AO , quae repraesentet axem sphaerae per objectum O transeuntem: incidat radius OI infinite propinque ad axem OA : ducatur e centro K ad punctum incidentiae I semidiameter, quae erit cathetus incidentiae. Ex eodem centro demittatur in radium incidentem, productum, si opus sit, perpendicularis KG , quae erit sinus anguli incidentiae OIN , sive KIG : fiat ut p ad q , ita KG ad terminum quartum, quo tanquam radio centro K describatur arcus, ad quem e puncto I ducta tangens, si producat, secabit axem AO in puncto quaesito P . Si enim ad punctum contactus ducatur recta KH , patet, eam esse sinum anguli KIP , qui consequenter est angulus refractus ex radio incidente OI . Et quoniam manet eadem constructio pro omnibus radiis e puncto O infinite propinque ad A in superficiem refringentem incidentibus, sequitur, eos ita refringi, ut omnium directio sit versus P , in quo adeo focus est seu imago objecti.

175. Ut autem valor de AP analytice exprimatur, sit AO , sive $OI = d$, radius sphaerae KI vel $KA = \mp r$ (adhibito $+r$, quando objectum est ex parte convexitatis (fig. 20); & $-r$, quando objectum est ex parte cavitatis (fig. 21)). Sit AP , sive $IP = f$. Ex constructione praecedente est $p:q = KG:KH$; adeoque $KG = \frac{p \times KH}{q}$.

Quia vero OI supponitur infinite propinqua ad OA , arcus AI pro recta ad axem OA perpendiculari haberi potest, ac propterea similia sunt triangula rectangula AOI , & OKG ; item PAI & PKH . Et hinc $OK:OI = KG:AI = \frac{OI \times KG}{OK}$; item $KH:AI$ (sive $\frac{OI \times KG}{OK}$) $= PK:PI$ (vel PA). Quare $PA = \frac{OI \times KG \times PK}{OK \times KH}$.

Et si substituantur valores literales, ut eruatur f , invenietur $f = \frac{dpr}{dp - q(d+r)} = \frac{dpr}{d(p-q) - rq}$, pro superficiebus convexis; item $f = \frac{dpr}{d(q-p) - rq} = \frac{dpr}{q(d-r) - dp}$, pro superficiebus concavis, quia in his r habet situm oppositum.

176. Quod ad accurationem harum formularum, & imagines, quæ per eas determinantur, attinet, eadem sunt attendenda, quæ superius (135) annotavimus. Quin theorema Num. 146. cum suis Corollariis huc etiam transferri debet; quod factum esse, posterum supponemus.

ARTICULUS II.

De motu imaginum respondente motui objectorum, quando lux ex aere in vitrum transit, & vicissim.

Quoniam maxima utilitas, quam a Dioptrica expectare licet, est accurata cognitio legum, quas lumen observat, dum ex aere in vitrum, vel vicissim, transit, ut conspiciendorum, telescopiorum, & microscopiorum effectus rite percipiantur; exemplum hujus rei in applicatione duarum præcedentium formularum dabimus.

177. Quando radius ex aere transit in vitrum, est $p = 31$, & $q = 20$. Unde formulæ duæ præcedentis articuli ad has reducuntur, $f = \frac{31 dr}{11 d - 20 r}$ pro superficiebus convexis; & $f = \frac{31 dr}{-11 d - 20 r}$ pro superficiebus concavis.

178. Sint duo media indefinite extensa, aer, & vitrum, utrumque in se homogeneous, & communi superficie spherica alterum ab altero separatum. Supponamus primo convexitatem obverti aeri, in quo collocatum objectum lucidum, exiguae extensionis, concipiatur in infinitum recedere, directione ad dictam superficiem perpendiculari. Ope formulæ $f = \frac{31 dr}{11 d - 20 r}$, determinabuntur omnes motus imaginis hujus objecti, quemadmodum supra (Num. 140 & sequentibus) de speculis sphericis factum est, prout alii semper fuerint valores distantiae d , quam exprimemus in partibus, quarum unitas sit r .

Itaque quamdiu d fuerit intra $d = \frac{1}{\infty} r$, & $d = \frac{20}{11} r$, erit f semper quantitas negativa, crescente ejus valore in infinitum, & imago extra vitrum sive ad eandem cum objecto partem apparebit, quia scilicet in formulæ calculo ponebatur f positiva, qua designabatur distantia superficiæ refringentis ab imagine ultra eam superficiem respectu objecti existente: præterea imago semper erit erecta (149), & a superficie refringente in infinitum recedet, ejus locum determinante concursu directionis radiorum, quam in ingressu in vitrum acquisiverunt, minus semper divergentium, donec paralleli evadant existente $d = \frac{20}{11} r$. Ab hoc valore $d = \frac{20}{11} r$ usque $d = \infty r$, f sit positiva, imago existit intra vitrum situ inverso, & ex distantia infinita versus superficiem refringentem accedit usque ad $\frac{31}{11} r$, radiis, qui vitrum transmittunt, a parallelismo magis semper convergentibus.

179. At vero si superficiæ communis, media determinantis, cavitas sit obversa aeri, formula $f = \frac{31 dr}{-11 d - 20 r}$ ostendit, quod quæcunque fuerit objecti ab ea superficie distantia, sive valor de d , f sit semper negativa; atque hinc imago semper est extra vitrum, & erecta. Dum autem d ab $\frac{1}{\infty} r$ usque ad ∞r crescit, f etiam ab infinite parva usque ad $\frac{31}{11} r$ augetur, & imago a superficie refringente usque ad distantiam $\frac{31}{11} r$ recedit, radiis, qui vitrum fubeunt, perpetuo quidem divergentibus, attamen semper minus.

180. Quod si objectum intra vitrum existere, illicque moveri supponeretur a superficie media separante in infinitum, tum vero sumendum foret $p = 20$, & $q = 31$, atque formula pro superficie convexa in hanc abiret $f = \frac{20 dr}{-11 d - 31 r}$; pro concava autem $f = \frac{20 dr}{11 d - 31 r}$.

Unde si objectum ponatur primo in superficie convexa, calculo & ratiocinio priori simili clarum fiet, quod objecto in infinitum recedente imago erecta intra vitrum maneat, a superficie communi ad distantiam $\frac{20}{11} r$ removenda, radiis, qui e vitro in aerem exeunt, semper minus divergentibus.

181. Si denique objectum in superficie concava collocetur, e formula $f = \frac{20dr}{11d-31r}$ deducetur, f semper fore negativam, quicumque sit valor de d , incipiendo a $d = \frac{1}{\infty} r$ usque ad $d = \frac{31}{11} r$: atque hinc imago habebit situm erectum intra vitrum, & a superficie in infinitum recedet, radiis qui in aerem emergunt, semper minus divergentibus, donec paralleli fiant. Verum a $d = \frac{31}{11} r$ usque ad $d = \infty r$, fiet f positiva, imago invertetur, & in aere versus superficiem refringentem ad distantiam $\frac{20}{11} r$ accedet, radiique in aere semper magis convergent.

Eodem prorsus modo, ut ex hoc exemplo liquet, investigari poterit via imaginis alicujus objecti in aliis mediis refringentibus, uti in aere & aqua, vel vitro & aqua.

ARTICULUS III.

De imaginibus, quæ per duplicem refractionem efformantur.

In vitris, quorum usus est, plerumque duplex considerata est refraction, altera in ingressu radii in vitrum; in egressu altera.

182. PROBLEMA I. *Datis dimensionibus lentis vitreæ cujuscunque AB (fig. 22), positione objecti O in communi axe utriusque superficiei sphericæ lentis, quarum centra sunt in C & K, invenire punctum axis F, in quo radius OI axi AO infinite propinque incidens, post duplicem refractionem, alteram in I, alteram in T, eundem secat.*

RESOLUTIO. Sit $OA = d$, $CB = R$, $KA = r$, $FB = x$, $PB = z$; ex inspectione schematis patet, esse P punctum axis, quo dirigitur radius incidens OI post primam refractionem in I; sit AB, quæ vitri crassitiem exhibet, $= e$; & ratio sinus anguli incidentiæ ad sinum anguli refractionis in ingressu radii in lentem, ut p ad q ; in egressu ut q ad p . Sit denique $CD = m$, $KG = n$. Liquet porro ex ipsa figura, esse $p:q = KG$ (sive n): $KH = \frac{nq}{p}$; & $q:p = CD$ (seu m): $CE = \frac{mp}{q}$.

His positis, ob triangula rectangula OAI, OKG similia, est $OK:OA = GK:AI$, sive $d+r:d = n:AI = \frac{dn}{d+r}$; & quia

quia triangula PAI , PKH similia quoque sunt, habetur PA
 $(z+e): PH(z+e-r) = AI \left(\frac{dn}{d+r} \right): KH \left(\frac{nq}{p} \right)$; unde oritur

$$\text{æquatio } \frac{dnz+den-dnr}{d+r} = \frac{nqz+enq}{p}, \text{ e qua invenietur valor } z =$$

$$\frac{deq+eqr+dpr-dep}{dp-dq-qr}.$$

Dein e triangulorum PCD , PBT similitu-
 dine est PD (seu $z+R$): PB (five z) = CD (vel m): $BT =$
 $\frac{m}{z+R} z$. Denique triangula FCE , FBT itidem similia suppeditant

hanc analogiam FC (id est $x+R$): FB (seu x) = CE (five $\frac{pm}{q}$)
 : BT (vel $\frac{mz}{z+R}$), e qua facta æquatione, obtinetur alter va-

lor de $z = \frac{pRx}{qx+qR-px}$; hi duo valores, ut reperiat x , inter se
 comparentur, & factis reductionibus necessariis tandem obtinebitur

$$x = \frac{dpqRr+deqqR-depqR+eqqRr}{dp pR-dpqR-pqrR-deqq-dpqr+2depq-depp+dp p r-eqq r+epqr}.$$

183. Hæc æquatio generalis ad multo simpliciore expressio-
 nem in casibus particularibus reducitur. Etenim si lens suppona-
 tur vitrea, est $p=31$, $q=20$, & formula prior in hanc mutatur

$$x = \frac{620drR-220deR+400erR}{341dR+341dr-620rR-121de+220er}.$$

Et si ponatur $e=0$,
 five vitri crassities negligatur, habetur $x = \frac{620drR}{341dR+341dr-620rR} =$
 $\frac{20drR}{11dR+11dr-20rR}.$

Denique si assumatur $r=R$, five si utraque
 superficies sphærica supponatur ejusdem radii, fiet $x = \frac{10dr}{11d-10r}.$

184. OBSERVA. I. Dato arcu AI , inter punctum axis utrique
 superficiei sphæricæ communis A , & punctum I (in quod ob-
 lique incidit radius OI , e puncto O ejusdem axis emissus) inter-
 cepto, ope trigonometriæ planæ inveniri potest verum punctum
 F , in quo radius OI post duplicem refractionem axi occurrit. Nam
 in triangulo OKI nota sunt OK , KI , & angulus AKI , unde re-
 peritur IO , & angulus KIO cujus complementum est KIG . Por-
 ro in triangulo rectangulo IKG habetur IK cum angulo KIG ,
 & hinc obtinebitur KG . Fiat tum $p:q=KG:KH$, & in trian-
 gulo rectangulo KIH invenietur angulus KIH , habitis nempe
 KI & KH . In triangulo KIP datur jam IK & anguli KIP , KI
 P ; quare dabitur etiam latus KP cum angulo KPI . In triangulo
 PCD ,

PCD , rectangulo ad D , habetur $PC = PK + KA + CB - AB$, & angulus CPD , e quibus reperietur PCD , & CD . Fiat $q: p = CD: CE$. Tum in triangulo rectangulo CTD cognita erunt CT , & CD , e quibus reperietur angulus $TC D$. In triangulo CTE habitis CT & CE , angulus ETC invenitur, cujus complementum est CTF . Unde tandem in triangulo CTF , notis latere CT , & angulis CTF , $FTC = PCD - TCD$, reperitur CF , consequenter $BF = CF - CB$.

Si objectum habeat distantiam infinitam, calculus paullo contractior erit: etenim cum in eo casu fiat radius OI axi parallelus, anguli $KIG = AKI$, mensura est arcus datus AI .

185. OBSERVA. II. E calculo præcedente, imo ex ipsa constructione Geometrica, facile apparet, quod dum radius OI ad aliquam distantiam a puncto A axis utrique superficiei sphaericæ communis incidit, curvitas arcus AI eum citius versus axem inclinet. E quo fit, ut punctum F , in quo axis a radio refracto fecatur, eo propius sit ad B , quo plures gradus arcus AI continet.

186. PROBLEMA II. Datis dimensionibus lentis cujusvis AD (fig. 25.) cujus superficies habent centra in C & K , positione objecti O extra axem BK sed in eadem cum puncto axis B a lente distantia; invenire punctum F , in quo radii ab O emanantes post transitum per lentem concurrunt.

RESOLUTIO Ducatur per O & centrum K recta OK , quæ erit axis superficiei primæ sphaericæ ALD ; & omnes radii (174) ex O in hanc superficiem (quæ per hypothesein paucorum graduum est) incidentes concurrent in aliquo puncto P ejusdem axis, quod per formulam Num. 175 determinatur; quemadmodum etiam omnes radii e puncto B emissi uniuntur in p . Jam vero considerari potest punctum P tanquam objectum aliquod intramassam vitream positum, quod radios in superficiem ATD emittat: itaque ducta recta PC per centrum C & punctum P , quæ erit axis hujus superficiei, radii ex P incidentes ita refringi debent in hac superficie, ut eorum directio tendat ad idem punctum F cis T situm (174), quod per formulam Num. 175 invenitur; quemadmodum punctum p , cum sit prima imago objecti B per refractionem in superficie ALD efformata, objecti vicem agit respectu superficiei ATD , quæ secunda refractione efficit imaginem ipsius p in f , sive imaginem secundam objecti B .

187. COROLL. I. Quod si crassities vitri negligatur, & supponantur B & O æqualiter distare a lente, manifestum est, etiam puncta p & P habitura æqualem distantiam, utpote quæ reperiuntur ex eadem formula, & iisdem datis. Ob eandem nationem F quoque & f eodem spatio sunt a vitro remota.

188. COROLL. II. Quoniam quæ de puncto O diximus, omnibus punctis superficiei objecti applicari possunt, liquet, quomodo imago integra alicujus objecti efformetur, cujus figura proxime similis est superficiei objecti, quæ in vitrum radiat.

189. COROLL. III. Si partes objecti magnam habeant extensionem, vel si plura objecta sint in eadem a vitro distantia, eorum imagines in magna portione sphaeræ, cujus centrum occupat vitrum, distincte depingi debent.

190. COROLL. IV. Itaque sufficit, ope formularum præcedentium quærere locum imaginis illius puncti, quod in axe vitri existit, ut habeatur locus imaginis totius objecti.

191. COROLL. V. Ex ipsa constructione quoque præcedente apparet, quod si tanta sit distantia objecti OB, ut imago depingatur ultra semidiametrum superficiei secundæ refringentis hæc imago habeat situm inversum, hoc est ejus partes contrario situ appareant, quam habeant partes correspondentes objecti.

192. Experientia docemur, campum, in quo imagines objectorum in lentes radiantium distincte depinguntur, esse satis amplum. Etenim si in camera obscura (qualem N. 5. descripsimus) fiat appertura 2 vel 3 digitorum in diametro, atque in eam vitrum convexum inferatur, in charta alba ad distantiam tum semidiametris convexitatis, cum etiam distantiae objectorum proportionatam collocata videbuntur imagines inversæ objectorum per foramen radiantium, quarum colores eo vivaciores apparebunt, quo objecta magis fuerint illuminata: eruntque hæ imagines admodum distinctæ, quamvis illæ præ ceteris, quarum objecta propius ad axem lentis sunt posita.

193. THEOREMA. Si in vitro utrinque convexo, vel utrinque concavo, radii convexitatis vel concavitatis fuerint æquales; e radiis lucis a puncto O extra axem posito (fig. 23 & 24) in vitrum incidentibus ille, qui per punctum I, medium crassitie vitri, transit, in egressu e vitro post duplicem refractionem acquirat directionem TF parallelam directioni OL, quam habuit ante ingressum. Atque hic radius deinceps dicetur radius principalis.

DEMONSTRATIO. Ob arcus ALD, ATD eodem radio descriptos æquales, figura vitri considerari potest tanquam polygonum infinitorum laterum symmetrum, cujus partes in singulis diagonalibus oppositæ æquales sunt, centro in I existente. Unde radius lucis TL per I transiens utrinque in latera parallela & æqualia (quorum situs per tangentes GL, HT determinatur) incurrit; & propterea utrobique æqualem patietur refractionem, hoc est, angulus refractionis ILO debet æqualis esse angulo refractionis ITF, atque adeo (Elem. 434) directiones MC, TF erunt parallelæ.

194. COROLL. I. Si ponatur vitrum ex una parte planum, ex altera convexum vel concavum, radius principalis erit is, qui per supremum convexitatis vel cavitatis punctum vel vitrum ingreditur, quando convexitas aut concavitas obvertitur objecto; vel egreditur, dum planities objectum respicit. Nam supremum superficiei sphaericæ punctum haberi potest pro plano infinite parvo, atque superficiei planæ vitri parallelo.

195. COROLL. II. Neglecta vitri crassitie, radius principalis in eadem recta exit, qua ingreditur; seu quod idem est, radius oblique incidens, qui ad illud axis punctum dirigitur, quod est medium crassitiei vitri, in eadem recta transit per vitrum, quin patiatur refractionem.

ARTICULUS IV.

De motu & situ imaginum, quæ e duplici refractione oriuntur.

196. I. Si supponatur objectum exiguæ extensionis in ipsa superficiei vitri utrinque æqualiter convexi, ubi communis utriusque superficiei axis transit, collocari, dein ab eo in eodem axe producto in infinitum recedere; e formula $x = \frac{10 dr}{11 d - 10 r}$ (183) liquet, imaginem hujus objecti semper fore in eodem axe: & quia in formula quantitas x est negativa, & valoribus omnibus de d , a $d = \frac{1}{\infty} r$ usque ad $d = \frac{10}{11} r$, substitutis, crescit; erit imago erecta, & ab initio in eodem loco cum objecto, postea versus eandem partem a vitro (in quam objectum movetur) in infinitum recedet, radiis, qui e vitro exeunt, semper minus divergentibus, donec paralleli evadant. In omnibus aliis valoribus de d , incipiendo a $d = \frac{10}{11} r$ usque ad $d = \infty r$, quantitas x fit positiva, & decrescit, imago habet situm inversum ex parte altera objecti, & e distantia infinita redit versus vitrum usque ad $\frac{10}{11} r$, radiis eam formantibus, dum e vitro egrediuntur, ab initio parallelis, tum semper magis convergentibus.

197. II. Si vitrum sit plano-convexum, unus e radiis fit infinitus; sit itaque $R = \infty$; formula $x = \frac{20 dr R}{11 d R + 11 dr - 20 r R}$, mu-

tatur in hanc $x = \frac{20 dr}{11 d - 20 r}$. Quod si jam eadem fiant suppositiones, quæ Num. præcedente, diversarum distantiarum objecti ab hoc vitro, reperietur motus imaginis fieri eadem ratione, nisi quod

quod positis æqualibus valoribus de d , quantitas x semper sit major, & imago non acquirat distantiam infinitam, nisi dum d sumitur $= \frac{20}{11} r$.

198. OBSERVA. Dum vitrum est plano-convexum, quæri potest, an perinde sit, siue objecto superficies plana obvertatur, siue convexa? Ad quod respondendum, perinde id esse, si vitri crassities insuper habeatur. At si ad eam attenditur, imago magis distat a superficie convexa, dum objecto superficies plana obvertitur, quam distet a superficie plana, dum convexa objectum respicit. Et siquidem objectum magnam habeat a vitro distantiam, hæc differentia est circiter $\frac{2}{3}$ crassitie vitri. Etenim si in formula $x =$

$\frac{620 dr R - 220 de R + 400 e r R}{341 d R + 341 dr - 620 r R - 121 de + 220 e r}$ (183) fiat $d = \infty$, & $r = \infty$, ut exprimatur superficies plana AI (fig. 22) objecto obversa, hæc formula reducitur ad hanc $x = \frac{620}{341} R$; at si ponatur $R = \infty$, ut

denotetur, quod superficies plana BT sit ab objecto averfa; prior formula mutatur in hanc $x = \frac{620}{341} r - \frac{220}{341} e$. Usus hujus observationis est in Telescopiis dioptriciis, in quibus reticula, siue micrometra applicantur, uti in sequentibus videbimus. Ejusmodi telescopiorum vitra objectiva sæpe sunt plano-convexa; unde dum e tubis eximuntur, ut v. g. maculæ iis adhærentes detergantur, cura adhiberi debet, ut dum reponuntur, superficies utraque parti, cui prius, obvertatur: hoc si negligeretur, fieri posset, ut si vitri crassities $1\frac{1}{2}$ lineam excederet, fila reticuli seu micrometri, plus integra linea extra locum debitum constituerentur.

199. III. Si vitrum est ex utraque parte æqualiter concavum, radius superficiei objecto obversæ KA (fig. 22) cadit ad partem objecti O, ideoque ponendum $= -r$; & radius CB, qui prius ex parte objecti erat, venit ad partem oppositam, adeoque erit $= -R$. Hac ratione formula pro vitris utrinque æqualiter convexis etiam applicari poterit utrinque æqualiter concavis, fietque $x = -$

$\frac{10 dr}{11 d + 10 r}$; e qua simul apparet, quod si objectum primo collocetur in alterutra talis vitri superficie in puncto, per quod communis axis transit, postea ab ea in infinitum recedat, ejus imago moveatur versus eandem partem usque ad distantiam $\frac{10}{11} r$ a superficie

in hoc axe sumtam; quod semper sit erecta; quod radii, a quibus depingitur, e vitro exeant semper minus divergentes. Nam va-

lor de x in hac formula est semper negativus, quæcunque quantitas pro d assumatur.

200. IV. Si vitrum sit plano-concavum, formula erit $x = -\frac{20dr}{11d+20r}$; moto objecto erit similis motus imaginis, ut in vitro utrinque concavo, nisi quod valor de x semper sit major, & distantia maxima imaginis a vitro $= \frac{20}{11}r$.

201. Denique si vitrum sit *Meniscus*, hoc est, ex altera parte convexum, ex altera concavum, ut obtineatur formula ei competens, signum alterutrius radii mutandum est, exempli causa ponendum $-R$, loco $+R$ in formulis Num. 183; & neglecta vitri crassitie obtinebitur $x = \frac{20drR}{11dR-11dr-20rR}$; quod si dein diversi valores de d assumantur, invenietur motus imaginis. Verum hæc singillatim discutere supersedemus, tum quod rarius sit usus ejusmodi vitrorum, tum quod plures occurrant casus, quam nobis præfixa brevitatis ferat. Ex eadem causa nihil adferimus de vitris concavis vel convexis utrinque, quorum concavitates vel convexitates diversos habent radios.

202. OBSERVA. In praxi supponi potest, objecti distantiam esse infinitam a vitro, quando radium sphaeræ millies vel decies millies excedit. Sic si in formula $x = \frac{10dr}{11d-20r}$ ponatur $r = 10$ digit. & $d = 10000$, hoc est, d millies majus, quam r , reperietur $x = 9, 102$ digit. Et si ponatur $d = \infty$, prodit $x = 9, 091$ digit. Ex quo patet, differentiam distantiae imaginis esse circiter $\frac{1}{100}$ dig. quando distantia objecti radium sphaeræ excedit millies, a distantia ejusdem, dum objectum infinite distat. *

CAPUT

* Si $d = 10000$, $r = 10$; fit $x = 9, 107 +$; & si $d = \infty$, est $x = 9, 091 -$, unde differentia est $\frac{16}{1000} +$. Apparet tamen, quod nondum æquet $\frac{2}{100}$.

CAPUT IV.

De Visione.

ARTICULUS I.

Descriptio oculi, & imaginum, quæ in eo depinguntur.

203. **O**culus tribus tunicis vestitur: prima & extrema EDNND E (fig. 26.) *cornea* dicitur, estque figuræ sphaericæ, parte DED minoris sphaeræ segmento existente, quam altera, atque laminæ tenuis corneæ instar pellucida. Altera PIIP *sclerotica* appellatur, apertura ad PP prædita, quam pupillam nominant, quamque annulus niger, griseus, vel cærulescens (iridem appellant) ambit: hic semper figuram circularem pupillæ conservat, seu ea dilatetur, dum oculus ad locum obscurum venit, seu contrahatur in majore luce. Neuter motus nobis non est voluntarius. Tertia *choroides* dicitur, estque textum villosum, nigerrimo colore tinctum, nempe CB s BC, quæ adeo oculo speciem cameræ obscuræ conciliat, atque radios, quorum refractione inordinate fit, absorbet. Choroidi infra pupillam lens quædam, seu *humor Crystallinus* connexus est CC. Ejus convexitas anterior minoris est radii, quam posterior. Retinetur autem duobus musculis BC, BC (sive *ligamentis ciliaribus*), a quibus, dum poscente casu versus B a C trahitur, minus convexus redditur. Fors etiam illud præstant hi musculi, ut eam antrorsum, retrorsumve moveant.

Fundo circa HH reticulum album & subtilissimum, quod *retinam* dicunt, inhæret, ac super choroide sese explicat. hæc retina nil aliud est, quam expansio nervi optici, impressiones usque ad sedem animæ transmittentis. * Spatio intra corneam & humorem crystallinum continetur liquor admodum limpidus, & clarus, cui iris innatat, ac *humor aqueus* vocatur; Intra humorem crystallinum vero & fundum oculi est alter, admodum quidem pellucidus, consistentiæ tamem majoris, quam aqueus & mucilaginosæ: dicitur *humor vitreus*.

204. Radii lucis oculum subeuntes ita in humore aqueo refringuntur, ut sinus anguli incidentiæ sit ad sinum anguli refracti ut 4 ad 3: patiuntur quoque aliquam refractionem in ingressu & egressu

G 3

* Physici non nulli choroidem tanquam immediatum visus organum habent, quod experimentis constet, objecta cessare videri, oculo ita collocato, ut eorum imagines incidant in centrum fascis NN e tenuissimis filamentis compositi, e quo retina incipit se supra choroidem expandere. *Nota Authoris.*

egressu ex humore crystallino, ratione dictorum sinuum existente in ingressu ex humore aqueo in crystallinum ut 13 ad 12; in egressu ex humore crystallino in vitreum ut 12 ad 13. His autem refractionibus efficitur, ut radii ex eodem objecti puncto emissi rursus uniantur, & consequenter ejus imaginem depingant, quæ objectum distincte exhibet, quando in ipsa retina efformatur, confuse autem, si radii citius concurrant, quam attingant retinam, vel etiam quando punctum concursus ultra retinam existit.

205. Verum ut hæc non nihil clarius intelligantur, quodlibet superficiei corporis punctum in omnem partem radios emittens, respectu pupillæ oculi considerari debet tanquam apex coni, cujus basis est ipsa pupilla: per refractionem vero in oculo fit alter conus priori oppositus, cujus basis est eadem pupilla, vertex autem in fundo oculi, ubi radiorum concursu imago puncti illius, e quo dimanarunt, perceptibilis efformatur. Utrique huic cono axis est communis, qui ad sensum est linea recta (nam refraction, quæ in ingressu & egressu ex humore crystallino fit, hic considerari vix meretur): unde supponi potest, omnes radios, utrumque conum constituentes, cum axe communi congruere & hac ratione quodvis objecti punctum distincte depingi, quia ejus imago per radium, centrum pupillæ transeuntem, in fundo oculi formatur.

Hoc posito, *Primo* si punctum visibile sit circa centrum superficiei objecti, velut in R (fig. 26), alterum quodpiam Q ad partem dextram prioris, istud suam imaginem radio Qq in oculum transmittet, qui radium Rr, prioris imaginem deferentem, in centro pupillæ interfecat: unde imago q depingetur in fundo oculi e parte sinistra imaginis r, quæ punctum R repræsentat, atque ideo situs imaginum q & r contrarius est situi punctorum R & Q in superficiei objecti.

Secundo. Quoniam quivis fascis vel conus luminosus e quovis superficiei puncto egressus reduci potest ad unicum radium, qui axem constituit; superficies objecti sit respectu oculi basis pyramidis, cujus vertex est in centro pupillæ: & radii hanc pyramidem formantes e centro pupillæ in oculum producti alteram efficiunt in fundo oculi terminatam, cujus consequenter basis est imago tota objecti, quæ suis depicta coloribus ideam præsentis objecti, ejusque figuræ excitat, ut in prioribus jam diximus.

ARTICULUS II.

*De Visione Distincta.**De diversis vitiis visus, & remediis, quæ Dioptrica suppeditat.*

206. Quoniam radii luminis ab aliquo puncto A emissi secum deferunt imaginem illius (71), atque post transitum per vitrum convexum in foco iterum uniuntur, manifestum est, quod sive cis, sive trans focum in tabula quapiam plana excipiantur, puncti quidem illius A imaginem exhibeant, verum tanto majorem, minusque vivacem, quo major a foco fuerit tabulæ distantia. Ob eandem extensionem imaginis puncti alterius B, priori A vicini, necessario fiet, ut imagines utriusque partem aliquam commisceantur: & siquidem diversi sint coloris, imago e binis composita trium colorum apparere debebit, quia pars utrique imagini communis referet colorem e mixture duorum ortum. E quo liquet, imaginem ita commistam suo objecto nec dimensione, nec figura, nec colore, nec nitore fore similem, sed justo majorem, atque confusam. At si radii in ipso foco excepti fuissent, utriusque puncti imago separatim fuisset suo colore depicta. Atque hunc in modum visio distincta, vel confusa concipienda est. Visio objecti tunc est distincta, quando lumen in ipso concursu radiorum retinam contingit, sive quando apices conorum luminosorum, qui e singulis objecti punctis egrediuntur (supponimus enim objectum esse sufficienter illuminatum), in ipsa retina efformantur. At visio confusa est, dum lux ad retinam pervenit vel ante, vel post punctum concursus.

207. Illud quoque jam diximus (174); imaginem vivacem & distinctam objecti, refractione radiorum in superficie convexa productam, esse in axe per centrum superficiei sphaericæ & objectum transeunte; unde apparet, objecta distincte videri haud posse, nisi oculo versus illa obverso, hoc est, nisi recta per centrum oculi & pupillæ transiens versus objecta dirigatur; quin non aliud punctum, si cum rigore loqui velimus, vere distincte cernitur præter illud, in quo ea recta terminatur.

208. Si objectum a superficie sphaerica refringente convexa, cujus radius sit constans, certo intervallo remotum sit, dein ad eam immotam accedat, ejus imago a superficie refringente recedit (179): unde ut imago in eodem loco perstaret etiam admoto propius objecto, necesse foret, ut vel ipsa superficies refringens a loco imaginis removeretur, vel radius convexitatis minueretur, prout major objecti vicinia exigit: quippe postremum si fieret, imaginis distantia (quæ juxta formulas Artic. II (179) semper est multip-
tiplum

tiplum radii superficiei sphaericæ) ratione magnitudinis novi radii habita major evaderet, quamvis in se prorsus eadem maneret. Atque hoc est, quod bonitatem visus apud quosdam singularem constituit, quibus nempe ita conformatus est oculus, motusque partium adeo expeditus, ut radiis lucis ex eodem puncto emissis pupillam fere parallele ingredientibus (objecto scilicet ad magnam distantiam remoto (202)) focus accurate in ipsa retina efformetur; dum vero accedente objecto radii ex eodem puncto venientes jam ad sensum quoque divergunt, ita pro diverso objecti intervallo possint componere oculum, ut imago nihilominus semper super retina depingatur, seu deinde id efficiant humorem crystallinum versus pupillam admovendo, seu augendo illius convexitatem, seu etiam corneam reddendo magis convexam, aut denique bina ex istis, aut omnia tria simul præstent, ut in quavis distantia objecta distincte cernant, modo ea nec in se nimis magna sit, nec 5, vel sex digitis minor.

209. Verum si contingat oculi vitio (seu id e natura advenierit, seu contractum sit mala assuetudine, seu alicunde infortunato acciderit) ut musculis tum firmitas, tum sese contrahendi, laxandique facultas ad novam oculo conciliandam figuram necessaria desit, tum equidem objecta distincte videri non poterunt, nisi quæ constituta fuerint intra certos distantiae limites, ampliores, arctioresve, pro diversa oculi, ut imagines in retinam incidant, figuram suam mutandi potestate. Exempli causa si humor crystallinus, aut etiam anterior corneæ pars, nimium sint convexa, locus verus imaginum objectorum valde remotorum est humori crystallino admodum vicinus, adeoque intra hunc humorem & retinam; unde non nisi confuse apparere debent, & ut in majore distantia super ipsa retina depingantur, necesse est, ut objecta prope admoveantur. Atque hoc illorum est vitium, qui vicina modo discernunt, & *Myopes* appellantur.

210. Ex opposito, si segmentum anterius corneæ, vel humor crystallinus, tam exiguum habeant convexitatem, ut objectorum multum distantium solummodo imagines in retinam incidant, radii ex objectis vicinis venientes trans retinam suum focus habent situm; quare cum jam intercipientur in retina ante cursum, objecta confuse exhibeant, est necesse; quod vitium eorum est, qui remota tantum vident, & *Presbytæ* dicuntur, quales magnam partem sunt senes, apud quos ipsa ætas humores deficiat, humoris crystallini convexitatem minuit, facitque, ut anterior corneæ pars subsidat aliquantum.

211. Itaque *Myopes* objecta vicina solum distincte cernunt, siue illa, e quibus emissi radii sensibilibiter divergunt; & *Presbytæ* obje-

objecta remota tantum vident distincte, id est, ea, e quibus radii ad sensum paralleli veniunt; insequentibus enim videbimus, quod si accurate loquamur, ad visionem distinctam necessarium sit, ut radii tantillum divergant (323). Jam vero ex theoria vitrorum concavorum & convexorum patet, radios parallele incidentes in vitra concava (sive qui e magna distantia veniunt) ex iisdem egredi divergentes, quia si concavitatis semidiametri utrinque sint æquales, radii in exitu e vitro acquirunt talem directionem, ut versus vitrum reducti concurrant in puncto intra vitrum & objectum sito, quod a dimidio axis parum abest. Quare Myops, in cujus oculum radii hunc in modum divergentes incidunt, objectum illorum discernere poterit; atque id genus vitium ope vitri concavi corrigetur, objectis remotis distincte apparituris, si concavitas conformationi oculi proportionata fuerit. Simili argumento colligitur, a Presbytis objecta vicina distincte videri posse, si in foco vitri convexi constituentur, quod radios e foco divergentes ad parallelismum refringit.

212. Verum nec Myopes, nec Presbytæ defectum ullum sentirent, si pupilla non tam late pateret. Si enim in oculum aditus per unicum tantum punctum foret, ut e singulis objecti punctis singuli tantum admitterentur radii, hi in singula, & separata retinæ puncta inciderent, ideoque imaginem distinctam efformarent, attamen ob paucitatem radiorum admodum debilem. Et nisi hæc debilitas visioni obesset, sanè promptum haberemus tam Myopibus, quam Presbytis remedium, scilicet tenuem & opacam laminam, exiguo foraminulo pertusam: quamvis fatendum, reipsa quibusdam in casibus eos hoc modo juvari.

213. Hinc etiam sequitur, *objecta per admodum parvum foramen visa debere distincte apparere, utcunque exigua eorum sit ab oculo distantia.*

214. Evenit quandoque, ut apud eundem hominem oculus alter sit recte constitutus, alter vitio, sive myopum, sive presbytarum, laboret. Tum vero ut talis objecta recte cernat, necesse est, ut oculus alterum, nulli defectui obnoxium, ea versus dirigat, alterum vitiosum ab iisdem avertat, utpote non recepturum nisi imaginem confusam, quæ alterius imagini distinctæ officeret. Hæc alterna, jam hujus, jam alterius oculi distorsio *Strabismus* appellatur, iique dicuntur *Strabi*, qui hoc vitio laborant. *

H

AR-

* Quod si alter oculus sit rite constitutus, alter presbytarum vitio subiectus, solum vitiosus avertendus est ab objectis vicinis, a nullo vero objecto is, qui vitio non laborat; si vitium alterius oculi sit myopum, & objecta sint justo viciniora, oculus integer averti debet in hoc solo casu. At si uterque oculus suo laboret vitio, alter myopum, presbytarum alter, tum vero alterna facienda est eorum distorsio, ut diversa fuerit objectorum distantia.

ARTICULUS III.

De Visione, quæ fit ope vitrorum, vel speculorum.

215. Cum objecta extra nos posita non aliter, nisi per imaginem in oculo depictam percipiamus, illud imprimis est manifestum, quod ea videamus in directione radiorum, qua imaginem efformaturi oculum ingrediuntur, quemadmodum jam superius est dictum (58). Quod si itaque radii oculum non subeant, nisi post complures refractiones, reflexionesque, quibus prima eorum, quam ab objecto emissi habuerant, directio admodum mutata est, fieri nequit, ut objectum videamus in linea recta, inde ad nostrum oculum ducta.

216. Secundo. Extra dubium quoque est, cum magnitudo apparens objecti, quacunque tandem ratione videatur, semper potissimum dependeat ab angulo ad oculum (77) qui a radiis ab extremis objecti punctis venientibus comprehenditur; si hic angulus sive refractione, sive reflexione reddatur major, minorve, quam citra eam, & nudo oculo objectum inspiciente foret; aut (quod idem est) si angulus inter duos radios ab extremis imaginis ultima refractione, vel reflexione efformatæ punctis ductos comprehensus major sit vel minor, quam qui fieret, si ab extremis objecti punctis radii sine refractione aut reflexione ad oculum pervenirent, objectum auctum vel diminutum pro diversa anguli magnitudine appariturum: atque adeo oculo ad imaginem hanc ultimo efformatam accedente, vel ab eo recedente, objectum crescere, aut decrescere videbitur, etiam tunc, quando accessu ad imaginem oculus ab objecto recedit, & recessu ab imagine objecto reipsa vicinior sit: est enim imago objecti vicaria, non nisi hujus ope videndi. Quod si autem objectum, vel etiam objecti imago, talem situm respectu vitri cujusdam tenuissimi, aut speculi obtineret, ut radii inde egressi, vel illuc tendentes, per refractionem reflexionemve evaderent paralleli, oculus in radiorum directione collocatus objectum, aut imaginem illius, videret semper ejusdem magnitudinis, utcunque ad vitrum vel speculum accederet, vel ab eo recederet; essetque hæc magnitudo eadem, ac si oculus in loco vitri vel speculi constitueretur. Etenim sit RS (fig. 27 & 28) semidiameter objecti vel imaginis ita respectu vitri CB sitæ, ut radii e puncto R digressi (aut ad hoc punctum directi) paralleli inter se exeant; vitri crassitie posita infinite parva unus ex his radiis RC (scilicet principalis) sine refractione transit (195). Sit porro radius SC e centro imaginis vel objecti emissus, qui cum axe vitri congruit: patet, oculo in C posito, ubi est vitrum, objectum, vel imaginem SR, sub angulo SCR apparituram; eodem vero in quovis axis puncto alio E constituto, modo illuc dirigatur radius e puncto R veniens (vel ad R tendens), angulum visorium fore CEB

$CEB = SCR$. Idem eveniet, oculo in foco vitri, vel speculi collocato, in quod radii ex imagine vel objecto quopiam paralleli incidunt: quæcunque sit imaginis vel objecti distantia a speculo, semper ejusdem magnitudinis oculo videbitur.

217. Quod ad distantiam oculi a loco, in quo objecta esse apparent, ea non desumitur a distantia vera oculi a loco imaginis per ultimam reflexionem vel refractionem factæ. Sed quoniam de intervallo apparente præcipue judicium ferimus ex idea, quam de eorum magnitudine acquirimus (74, 101), consequens est, ut cum objecta per imagines refractione aut reflexione auctas vel diminutas videmus, ea ad nostrum oculum accessisse, aut ab eo recessisse existimemus, prout ratio magnitudinis visæ ad magnitudinem, quam aliunde scimus objectis esse, postulat. Jam vero cum superficies corporis directe visi sit basis pyramidis luminosæ (23) cujus apex est in oculo, quando idem apex una, pluribusve reflexionibus, vel refractionibus fit magis obtusus, objectum (quod semper videtur esse basis pyramidis) hoc ipso versus oculum vel apicem novæ pyramidis admotum apparere debet. Oppositum continget, si apex pyramidis auctior evaserit. Ex his sequens constructio pro determinando loco apparente objectorum, quæ per vitra aut specula conspiciuntur, deduci potest. Sit RQ vera dimensio objecti (fig. 29.); O locus oculi; OR axis pyramidis opticæ, qua objectum videtur; OT directio radii ab extremo puncto Q venientis post quotcunque refractiones vel reflexiones in superficiebus sphericis, quarum axes omnes cadant in OR . Ducatur Qq ad OR parallela, donec occurrat radio OT ; erit punctum q locus apparens puncti objecti Q , sive ultimæ illius imaginis; Or distantia apparens ab oculo; qr locus apparens ultimæ imaginis reflexione vel refractione factæ, quam oculus O videt.

218. Hinc porro facile explicatur, cur objecta per vitra convexa aucta, & viciniora; per concava imminuta & remotiora appareant.

219. Denique intelligitur, quod radiis ab objecto emanantibus ita reflexis vel refractis, ut imago a tergo spectatoris depingatur, aut corpus opacum quodpiam inter eam, & oculum interponatur; objectum nulla ratione videri possit, quamdiu oculus in eodem manet loco. Quod si vero radii ita inflexi ingrediantur oculum, ut imaginem non nisi cis, vel trans retinam efformare possint, objectum confuse tantum videbitur.

220. Hæc omnia ut exemplo generali explicentur, sit GR (fig. 30) axis quotcunque vitrorum A, B, C ; QR dimensio objecti cujusvis; E locus oculi excipientis radium $QKIHE$, egressum primum a puncto Q , dein refractione lentis A ad K facta versus F dire-

Tab. III
fig. 30.

directum, verum denuo refractionem in vitro concavo ad I passum, & versus *f* in egressu inflexum; tandem in transitu per novam lentem CH ad axis punctum E refractum, ubi in oculum incurrit. Patet *Primo*, cum ET sit directio postrema radii, qua ad oculum pervenit, ductis Qq ad GR, & qr ad QR parallelis, locum apparentem ultimæ imaginis objecti QR esse qr (217). *Secundo*, distantiam apparentem oculi ab objecto esse Er. *Tertio*, magnitudinem apparentem esse ad magnitudinem veram objecti, ut ER ad Er, quia scilicet ratio angulorum qEr, QER (qui per hypothese sunt valde exigui) eadem est (79). *Quarto*, situm objecti esse vel erectum vel inversum, ut imago postrema cis vel trans centrum ultimi vitri vel speculi respectu objecti vel prioris imaginis, quæ objecti vicem egit, sita fuerit, quod inito calculo focorum pro singulis vitris determinatur. *Quinto*. Si rectæ, quæ medii puncti vitri distantiam ab extimo limbo metiuntur (qualis est CH) instar objecti alicujus considerentur, & earum situs apparens eadem ratione determinetur, qua N. 217 usi sumus, supponendo, quod per vitrum inter eas & oculum situm videantur, illa, quæ minimum angulum ad oculum subtendit, determinat angulum visionis, hoc est, spatium maximum, quod trans omnia vitra videri potest.

Si modo vocibus, *refractio*, *lens* &c. substituantur *reflexio*, *speculum* &c aut universim, *medium diversum*, facile intelligitur, omnia, quæ modo attulimus, Catoptricæ cum Dioptrica communia esse.

C A P U T V.

De Telescopiis & Microscopiis.

A R T I C U L U S I.

Notiones præviæ.

221. **I**llud universim in *Telescopio* (sive tubo optico objectis distitis contemplandis destinato) & *Microscopio* spectatur, ut *Primo* imaginem vivacem objecti, quod quis distincte videre cupit, exhibeat, obverso illi (objecto nempe) vitro utrinque convexo, aut plano-convexo, aut etiam menisco, vel speculo concavo (quod propterea *vitrum*, vel *speculum objectivum* appellatur). *Secundo* ut hanc imaginem nitidam, distinctamque videndam præbeat, imo auctam etiam ope alterius alicujus, pluriumve vitrorum, quæ *ocularia* dicuntur, quod ad eam partem collocentur, cui oculus est applicandus.

222. Duo

222. Duo itaque sunt telescopiorum & microscopiorum genera; alterum eorum, quæ solis vitris constant; alterum illorum, quæ tum speculis, tum vitris sunt instructa, ideoque *catadioptrica* vocantur.

223. *Campus* telescopii vel microscopii dicitur totum illud spatium, quod oculus videre potest, si ita applicetur, ut microscopium, vel telescopium totum suum effectum præstare possit.

224. Quando deinceps *focum* simpliciter, & citra additum nominabimus, semper intelligemus locum concursus radiorum refractorum, vel reflexorum, qui ab objecto ad distantiam infinitam remoto veniunt, sive qui ex eodem objecti puncto digressi parallele incidunt. Idem est, si dicemus, vitrum, vel speculum habere focum tot pedum vel digitorum.

225. Si detur vitrum, vel speculum sphæricum quodvis, longitudo foci experimentando determinari potest hunc in modum.

I. Si speculum sit cavum, & vitrum convexum, obvertatur soli, quæratunque illud punctum, in quo radii reflexi vel refracti, plano quopiam excepti, efficiunt circulum quam minimum, atque luce candidissima & vivacissima, materiamque combustioni aptam quam citissime incendunt. Vel vero tegatur speculum, vel altera vitri superficies, charta nigro colore tincta, & pluribus foraminulis acu factis pertusa; tum quæratur distantia, in qua radii solis per hæc foramella ingressi rursus uniuntur, atque unicum circulum candidum efformant. Vel denique obvertatur speculum aut vitrum candelæ ardenti, & ad magnum intervallum remotæ, ut sit ultra speculi vel vitri centrum; quæratur distantia tum a candela, tum a speculo vel vitro, in qua collocanda est tabula, ut imago candelæ inversa, maxime distincta, quamque minima depingatur; utraque hac distantia habita, ope formulæ calculari potest radius concavitatis speculi, vel convexitatis vitri, adeoque innotescet longitudo foci, quæ in speculo est radii dimidia; in lente utrinque æqualiter convexa, ipse fere radius; in vitro plano-convexo, dupla.

226. II. Si speculum sit convexum, vel vitrum concavum, tegatur rursus speculum, vel altera vitri superficies charta nigra, foraminulis pluribus in circuli circumferentia excisis; radii solis per ea transmissi, atque post refractionem vel reflexionem tabula excepti, divergent, totidemque maculas albas depingent, omnes in circuli eo majoris peripheria sitas, quo tabula longius removetur: dum igitur diameter hujus circuli dupla erit illius, in quo foramina chartæ sunt incisa, tabulæ a speculi vel vitri puncto medio distantia æquabitur longitudini foci quæsitæ.

227. Dum focus speculi convexi quæritur, in tabula, qua radii reflexi excipiendi sunt, excindendus est circulus paullo major illo, in cuius peripheria sita sunt foramella, quæ in charta speculum tegente facta sunt; ut scilicet lux solaris commode in eadem incidere possit.

ARTICULUS II.

De Telescopiis Dioptricis, sive refringentibus.

228. **T**res fere censentur Telescopiorum refringentium, seu speculo reflectente carentium, species, figura, dispositione, & numero vitrorum ocularium inter se diversæ.

229. Prima est telescopii, quod *Batavum*, sive *Hollandicum*, aut *Galilæanum* dicunt, prima quoque circiter annum 1609. reperta, atque quadraginta fere annis una adhibita. Hic tubus vitrum oculare habet unicum vel utrinque concavum, ut PQ (fig. 31), vel plano-concavum, intra objectivum convexum vel plano-convexum, ac ejus focum ita collocatum, ut axes utriusque in eandem rectam Ao, & foci in idem punctum o coincident.

230. Ex hac constructione patet *primo*, quod cum vitrum objectivum longe magis patere possit, quam pupilla oculi, longe quoque majorem radiorum copiam ex eodem objecti puncto emissorum excipiat, quam alias ad oculum perveniret. *Secundo*, quod radii ab objecto O admodum remoto paralleli (ut hic per AD, & duas utrinque parallelas exhibentur) in vitrum objectivum MN incidentes, ac ejus refractione ad punctum o convergentes, in egressu e vitro oculari rursus fiant paralleli (197); & quia vitrum oculare prope o constitutum est, ubi est vertex coni radiosi per vitrum objectivum collecti, atque adeo radii admodum densi; etiam in exitu e vitro iidem adhuc valde densi esse debent. Unde *tertio* si post vitrum oculare incidant in oculum rite conformatum, vel alicujus presbytæ, (211) imaginem objecti sui eo vivaciorem depingent, quo fascis lucidus ex oculari vitro egressus densior est illo, qui in vitrum objectivum incidit, & quo vitri objectivi major est amplitudo, quam pupillæ.

231. Quod reliqua puncta objecti OB, velut B, extra axem telescopii Ao sita concernit, eodem modo patet, quod radii, hic per CD, eique utrinque parallelas designati, ex iis in vitrum objectivum paralleli veniant, dein refracti ad punctum b, puncto o vicinum (187), tendant, ac tandem e vitro oculari PQ ad sensum paral-

paralleli, & valde densi egrediantur, ut in oculo nullo vitio laborante, vel presbytæ, imaginem admodum vivacem efforment sui objecti B. Verum quia fascis hic radiosus puncti B imaginem depingens in egressu ex oculari vitro divergit ab altero, qui imaginem puncti O exhibet, idem oculus utramque imaginem simul excipere nequit, nisi vel pupilla admodum diducatur, vel puncto F, ad quod radii Pc reducti tendunt, sit valde vicina. Ex quo inferitur, ope ejusmodi telescopii eo plures objecti partes simul videri posse, quo oculus vitro oculari propior, & ejus pupilla amplior fuerit. Et quia pupilla non modo per se exigua est, sed etiam nobis nolentibus contrahitur copiosiore luce incidente, consequitur, campum talis telescopii eo fore minorem, quo objectum lucidius, & longitudo foci vitri ocularis fuerit major. Denique quoniam natura lucis focum tam brevem, ac quis cupiat, non patitur; imo vero focos vitrorum ocularium eo longiores exigit, quo longiores sunt foci vitrorum objectivorum, ut in sequentibus videbimus (270), necesse est, ut campus in his telescopiis sit tanto minor, quanto major est tubi longitudo. Atque hoc incommodum fecit, ut usus id genus telescopiorum pene sit abolitus pro objectis admodum remotis, quæ tubos longiores requirunt; nec amplius, nisi valde brevia conficiantur, in quibus augmentum modicum exigitur, quæ vulgo tubulos theatrales appellant.

232. Ipsa quoque hæc constructio indicat, objectorum situm fore erectum; radii enim c , objecti extremum B exhibentes, infra axem AK positum, ad oculum directione cF veniunt, quæ producta infra axem descendit.

233. Si supponatur objectum magis semper, magisque versus vitrum objectivum accedere, consequens est (196), ut imago simili ratione longius removeatur; adeoque etiam oculare, prolongato tubo, in majore distantia applicari debebit, ut ejus focus semper cum imagine per objectivum depicta coincidat.

234. Myops vitrum oculare objectivo propius admoveere debet, ut distincte videat. Hoc enim si fiat, radii, qui prius paralleli egrediebantur, fiunt divergentes. Nam imagine bo (si ea instar objecti consideretur) recedente a foco vitri concavi, radii refracti, & versus alteram partem producti minus divergunt, adeoque ex parte ipsius bo , ubi prius paralleli erant, jam divergere debent versus oculum (199).

235. II. Altera telescopiorum species eorum est, quæ quod observationibus syderum sint aptissima, ideoque sola fere hunc in usum conficiantur, tubi astronomici vocantur. Unica instructa sunt lente oculari utrinque convexa (aut plano-convexa) PQ (fig. 32) quæ

quæ ea ratione collocanda est, ut ejus focus o cum foco vitri objectivi MN inter utrumque vitrum in axe communi congruat.

236. Hæc constructio ostendit *primo*, radios ab objecti puncto O admodum remoto (& per hypothesin in axe producto existente) parallele incidentes (ac propterea per AD & utrinque parallelas exhibitos) sese refractione vitri objectivi in ejus foco interfecare, illicque imaginem o puncti O efformare.

237. *Secundo*. Hanc imaginem vicem objecti in foco lentis ocularis PQ collocati agere, consequenter radios ab ea in lentem ocularem emissores ita refringi (196) ut paralleli inde egrediantur, eo autem densiores, quo focus ocularis brevior est foco vitri objectivi: & hinc in oculo presbytæ (211), vel nulli vitio obnoxio, novam efformari imaginem objecti O , tanto vivaciorem, quanto amplius est vitrum objectivum, sive plus lucis admittit.

238. *Tertio*. Ab oculo in quacunque ab oculari vitro distantia, modo fascis radiorum parallelorum in eum incurrat, æque bene imaginem videri, quam iidem radii in communi vitrorum foco depingunt.

239. *Quarto*. Per radios parallele ab objecti OB extremo B venientes, ac per vitrum objectivum refractos, debere prope o efformari imaginem b puncti B (188); hinc autem incidentes in vitrum oculare, post refractionem inter se parallelos egredi, cumque axe eo propius ad hoc vitrum concurrere, quo major est ejus convexitas, ita ut hic concursus in foco ejus F fiat. Unde ut oculus totam simul imaginem ob videat, necesse est, ut ad punctum F constitutatur, communem nempe intersectionem omnium fasciculorum lucis ex omnibus imaginis ob vel objecti OB punctis venientium.

240. *Quinto* objectum OB videri inversum, quia ejus imago ob , quæ in lentem ocularem radiat, jam habet situm oppositum situi objecti, & punctum illius b per radios divergentes supra axem refertur, existente extremo objecti B infra axem.

241. *Sexto*. Amplitudinem campi hujus telescopi præcipue pendere a magnitudine spatii ad ob , quod in foco communi utriusque vitri esse censetur, cum oculus in F constitutus omnes objecti partes videre possit, quarum imagines in ocularis foco, aut huic valde vicinæ, depinguntur. Atque ob hoc commodum prioris generis telescopiis merito præfertur.

242. *Septimo*. Accedente magis objecto ad vitrum objectivum, imaginem ejus longius removeri (196); & hinc etiam vitrum oculare, prolongato tubo, majorem debere acquirere distantiam, ut imago semper in ejus foco perstet. Quare per hujusmodi telescopia tam objecta diffita, quam vicina recte exhibentur, modo competens utriusque vitri intervallum servetur.

243. *Octavo*, si myopes hisce utantur, lentem ocularem propius ad objectivam admoveri oportere, sive ad ejus imaginem *ob*, ut hac intra focum ocularis constituta, radii ex oculari egressi divergant (196).

244. III. Tertium Telescopiorum genus ad contemplanda objecta terrestria in usu, a priore non differt, nisi quod duæ præterea addantur lentes oculares, ut imaginis *ob* situs inversus erigatur. Ipse figuræ 33 aspectus constructionem docebit. Quatuor vitra MN, PQ, RS, TV habent axem communem Af. Focus cujusvis vitri coincidit cum foco binorum utrinque positorum, solentque ocularia ejusdem fere foci adhiberi. Sit OB objectum infinite distitum, & punctum ejus O in axe telescopii: radii inde paralleli in vitrum objectivum incidentes, per refractionem in ejus foco *o* imaginem puncti O efficiunt, e qua in oculare PQ incurrentes ad parallelismum inter se, & focum F refringuntur; hinc digressi in secundum oculare RS ad ejus focum ω convergunt, alteramque objecti O imaginem depingunt, unde tandem in tertium oculare TV venientes rursus paralleli fiunt, ut oculo recte constituto, vel etiam presbytæ, excepti objectum suum vivace imagine exhibeant. Simili modo radii a puncto B ad vitrum objectivum paralleli venientes in ejus foco *b* prope *o* primam efformant imaginem (187); dein in vitro oculari PQ refracti, paralleli inter se axem eo propius ad PQ interfecant, quo focus hujus lentis est brevior. Hinc in RS delati, atque ad ejus focum inflexi secundam puncti B imaginem β constituunt, donec tandem ab ultima lente TV inter se paralleli ad ejus focum *f* refringantur, in quo constituendus est oculus, ut imaginem $\omega\beta$ videat, uti superius (239) diximus, quæ habet situm erectum, sive eundem cum objecto OB.

245. Telescopia modo descripta, quæ per quatuor vitrorum numerum plerumque designantur, easdem, ut patet, proprietates generales habent, ac Astronomica. Sed ob quæ Astronomica his præstant, & eorum in observationibus præfertur usus, sunt primo, quod tubus Astronomicus ampliorem habeat campum. Secundo, quod lentem ocularem minoris foci patiat, ideoque majoris sit augmenti. Utriusque rationes in sequentibus videbimus. Tertio, quod brevior sit. Quarto, quod in eo minus radiorum pereat, qui non nisi per duo vitra trajici debent.

ARTICULUS III.

De Telescopiis Catadioptricis.

246. Telescopii catadioptrici munus generatim est, fascies lucis ab objecto venientes a via detorquendo colligere, ut in
I oppo-

opposito speculo concavo reflexi convergant, & imaginem sui objecti in axe speculi, vel pone eum, depingant, velut in F' (fig. 35). Situs hujus imaginis intra speculum & objectum impedit, quo minus per unam, aut tres lentes oculares directe videri possit: ad hoc enim opus esset, ut spectator caput inter objectum, & imaginem interponeret, quo fieret, ut lumen nec sufficiens, nec satis prope axem, in speculum illabi posset.

247. Ad hoc incommodum tollendum, specillum exiguum planum IH ad angulum 45 graduum cum axe inclinatum ita collocatur, ut apicem conii radiofi, in quo imago est, ad o reflectat; tum in recta oK , una, tresve lentes oculares applicantur, prout situs objecti inversus, erectusve exhiberi debet; quem in finem latus tubi specula continentis MN perforatur.

248. Præcipuum in hoc telescopiorum genere, quod Newtonianum appellatur, commodum est, quod licet multo breviora sint refringentibus, eundem tamen effectum præstent. Cujus rei causa est, tum quod imago a speculo objectivo formata ab eodem non amplius quarta axis parte absit, si objectum infinite distet, quæ per vitrum æqualiter utrinque convexum in distantia semi-axis depingitur; tum etiam quod imago non intra speculum objectivum & lentem ocularem sit, ut in telescopiis dioptricis primi, ac secundi generis; maxime vero quod speculum objectivum patitur ocularia diversorum focorum, imo brevissimi. Ex quo fit, ut idem telescopium catadioptricum pluribus tubis dioptricis diversæ longitudinis æquivaleat, cum hi effectum debitum præstare nequeant, nisi ocularibus iis instructi sint, quorum foci ad focos objectivorum rationes determinatas habeant, quarum rationum tamen valde arcti sunt limites, ut deinceps videbimus.

249. Cum imago a speculo objectivo recedat, objecto ad illud accedente (145), ut usus sit hujus telescopii, manifestum est, debere specillum IH esse mobile, ut imago semper in focus ocularis incidat. Itaque etiam necesse est, ut moto intra tubum specillo IH simul secundum latus tubi MN ipsum oculare in eandem partem moveatur, ut nempe ejus focus semper congruat cum apice conii radiofi a specillo HI reflexi.

250. Patet præterea, myopes debere specillum planum aliquantum ad speculum objectivum admoveere, ut imagine intra lentem ocularem & ejus focus constituta radii ita divergentes in eorum oculum veniant, ut hujus conformatio ad visionem distinctam postulat.

251. Alterius quoque formæ, paulloque magis compositæ, telescopia catadioptrica construuntur, tam objectis terrestribus, quam cælestibus apta, quæ Gregoriana appellant. En brevem descriptionem. Objecto speculum sphæricum concavum AB (fig. 36) opponitur, & paullo ultra focum F in ejus axe collocatur alterum specillum multo minus itidem concavum CD, sed foci brevioris, ita, ut utriusque axes congruant. Imago F intra hujus specilli focum G, & centrum E posita, ejus respectu vices objecti agit. Quare (143) in eodem axe secunda imago H efformabitur, eo longius ultra centrum E specilli CD, quo prior F foco G vicinior est. Et quia specillo CD ad imaginem F admoto propius, vel ab eadem remoto, imagini H distantia quævis tribui potest, solet ea tantillum intra speculum AB in medio ad I foramine circulari præditum, constitui, ut per lentem ocularem PQ videri possit. Manifestum autem est, hanc imaginem apparituram situ erecto, cum respectu imaginis F, situm objecti invertentis, inversa sit.

252. Quando objectum est copioso lumine illustratum, ut major fiat secunda imago, ea trans speculum AB versus O dirigi potest, & in O focus vitri ocularis PQ constitui, ut radii versus O convergentes e vitro paralleli egrediantur, ac postea lente ultra O excepti iterum colligantur ad punctum, in quo oculus est collocandus.

253. Ex dictis constat, per specillum parvum in utriusque hujus telescopii axe situm intercipi radios lucis parallelos, qui in medium speculi objectivi inciderent. Unde nil refert, seu hoc speculum in medio pertusum sit, seu integrum.

254. Incommoda his telescopiis annexa sunt, quod modicum habeant campum; quod difficulter versus objecta dirigantur; quod multis cautelis tum in constructione, tum in usu eorum opus sit; quod cum magni sint pretii, damnum tamen facile accipiant.

ARTICULUS IV.

De Microscopiis.

255. I. **M**icroscopiorum, quæ in usu sunt, prima species est simplex vitrum MN (fig. 34) vel utrinque, vel una ex parte convexum, quod *vitrum auctorium* generatim appellant. Itaque si objecti considerandi BO punctum O ad focum in axe collocetur, radii inde emissi e vitro paralleli egrediuntur, apti proinde, qui imaginem illius in oculo recte constituto, vel presbytæ,

in quavis distantia efforment, modo oculus in eorum directione reperiat. Myops objectum paullo intra focum constituet, ut imaginem accurate depictam videat. Punctum B ejusdem objecti, axi valde vicinum, ut in lentis foco positum censeretur adhuc possit, pariter emittet radios, qui refractione ad sensum paralleli fiant, eoque magis ad axem inclinati, quo convexitas lentis minoris sphaerae fuerit, sive foci brevioris. Quare si oculus prope o, ubi radius principalis BC axem secat (ideoque in valde parva a lente distantia) ponatur, objectum OB sub angulo BOO tanto magis augmentum videbitur, quanto minore intervallo ab oculo abest, quam soleat illud esse, in quo objecta alias distincte videre consuevimus.

256. Exempli gratia, quia objecta mediocri visu praediti non solent distincte videre nudo oculo, nisi ea 7, aut 8 circiter digitis distent, si haec distantia recta $o\omega$ designetur, & ope lentis objectum distincte appareat, nemo sibi facile persuadebit, ejus diametrum BO esse oculo adeo vicinam, ut reipsa est; sed eam circa ω existere putabit, ideoque in ratione $\omega\beta$ ad OB, sive $o\omega$ ad oO augmentam (79). E quo simul conficitur, *magnitudinem apparentem objecti per lentem visi dependere ex parte ab ipsa oculi conformatione.*

257. II. Sed lente hac in re longe superior est sphaerula vitrea, facile parabilis, si ad flammam spiritus vini ellychnio affusi (ne admista fuligine opaca reddatur) exiguum vitri frustulum colliquefcere sinatur. Resumpta enim formula N. 182, ac posito $p = 3$, $q = 2$, fit $x = \frac{6drR + 4erR - 2deR}{3dR - 6rR - de + 3dr + 2er}$; quae ut sphaerae vitreae accommodetur, sumi debet $e = 2r$; $r = R$, & $d = \infty$; his substitutis habetur $x = \frac{1}{2}r$; hoc est, objecto in axe sphaerae ad distantiam quartae partis diametri collocato, radii prope axem in sphaeram incidentes, egrediuntur inter se paralleli; ergo distincte objectum videbitur, eoque magis augmentum, quo oculo fuerit vicinius, & consequenter quo minor fuerit sphaerae diameter.

258. Vicem etiam microscopii simplicis obire potest globulus vitreus cavus & aqua repletus, qui eundem fere praestat effectum, quem sphaera aquea, tum quod crassities vitri exigua sit, tum etiam quod superficies utraque concentrica eodem modo refringat radios, ac si sola aqua adesset. Verum quia lux minus refringitur in aqua, quam vitro, ratione sinus anguli incidentiae ad sinum anguli refractionis in aqua existente 4 ad 3 circiter, focus, in quo collocandum est objectum, ut radii in sphaeram incidentes refringantur ad parallelismum in egressu, distat a sphaera semidiametro, ut facile invenitur e formula generali pro focus data (182), si fiat $p = 4$, $q = 3$, $r = R$, $e = 2r$, & $d = \infty$. E quo liquet,

quet, horum globulorum non esse tantum augmentum, quam eorum, qui e vitro solido funduntur.

259. Parari quoque potest lenticula mere aquea, si exiguum laminæ tenuis metallicæ foramellum gutta aquæ ope acus imposita repleatur, ne ejus limbis madefactis aqua convexitatem amittat. Major adhuc erit talis lenticulæ effectus, si in lamina $\frac{3}{4}$ lineæ circiter crassa utrinque cavitas sphaerica exigua fiat, axe communi per oppositos utriusque vertices transeunte, & inæqualis radii, ita ut tenuissima laminæ pars vertices separet, quæ dein acus cuspidē perforetur; repletur tum duplex hæc cavitas aquæ gutta.

260. III. Altera Microscopiorum species Telescopiis Astronomicis non absimilis est. Constat duabus lentibus convexis, quarum objectiva MN (fig. 37) est foci admodum brevis, extra quem paullum collocatur objectum OB, ut ejus imago ob, in aliqua distantia, & cum proportionē aucta, efformetur (196): tum, ut distincte videri possit, focus lentis ocularis ad eundem cum hac imagine locum constituitur.

261. Ex hac constructione patet primo, *distantiam imaginis a lenticula objectiva magnas subire mutationes, dum intervallum inter eam, & objectum OB paullum mutatur* (196). Et quoniam difficillimum est, ut quis in distantia data, ac loco eodem objectum certo collocet; in usu hujus microscopii lens ocularis tandiu versus objectivam admovenda est, vel ab ea retrahenda, donec imago objecti distinctissime depingatur; aut vero necesse est, ut in objecto ipso, vel toto microscopio motus, ut res postulat, quam lentissimus effici possit: id, quod pro diverso microscopii apparatu facilius, difficiliusve obtinetur. Secundo colligitur, *objectum debere eo majus apparere, quo ejus imago ob longius abest a vitro objectivo MN; & (cum postea per lentem ocularem videatur) quo oculo est propior, quam sit intervallum, ad quod objecta sine vitris distincte videre solemus.* Tertio manifestum est, *magnitudinem apparentem objecti debere mutari, quando hoc a lente objectiva recedit; nam objecto recedente, ejus imago versus eandem accedit, ac simul minuitur.*

262. IV. Quandoque fere circa medium inter lentem objectivam MN, & imaginem ob, altera ocularis interponitur, ut imago propius multo ad lentem objectivam formetur, adeoque tubus microscopii brevior adhiberi possit. Hac ratione simul campus microscopii amplior redditur, quemadmodum id patebit, si ipsa figura construatur, & quæ N. 220 adduximus, rite applicentur.

263. V. Denique fieri possunt microscopia catadioptrica, objecto inter focum & centrum speculi concavi constituto, ut imago ultra centrum efformata (143), ac lente oculari excepta distin-

te videatur. Apud Smith extat etiam descriptio microscopii e duobus speculis sphaericis compositi, concavo altero; altero convexo, utroque in medio foramine circulari praedito, ut lux liberum accessum habeat. Collocatur autem objectum inter centrum & focus speculi concavi, a quo reflexi radii in convexum incidunt, unde denuo reflexi imaginem prope foramen speculi concavi depingunt, ope lentis ocularis spectandam.

ARTICULUS V.

Animadversiones generales in Telescopia & Microscopia.

264. I. *Tangens anguli, sub quo semidiameter objecti per primæ & secundæ speciei telescopia dioptrica (imo etiam tertiæ, si trium lentium ocularium sit idem focus) videtur, est ad tangentem anguli, sub quo nudo oculo spectatur, ut longitudo foci vitri objectivi ad longitudinem foci ocularis, neglecta scilicet vitrorum crassitie.*

Nam objecti extremitas altera B (fig. 31 & 32) per fascem radiorum parallelorum Fc ; altera vero per fascem oK repræsentatur: angulus igitur, sub quo objectum per telescopium videtur, est ille, quem axes utriusque fascis Fc , & oK comprehendunt. Et quoniam imago ob in foco ocularis PQ existit, radii e puncto b (quod tanquam objectum ab aliis separatum & solitarium considerari potest) in vitrum oculare incidentes, ex eodem cum radio principali paralleli egredi debent (196); ergo angulus $cFK = bKo$. Sed angulus ODB , five huic æqualis bDo (quia radius BD sine refractione per vitrum MN transit (195)) est ille, sub quo oculus in D collocatus objectum sine telescopio videret; quare angulus, sub quo objectum per telescopium apparet, est ad angulum, sub quo nudo oculo spectatur, ut bKo ad bDo . Est autem, sumpto radio bo , in triangulo rectangulo bKo , oK cotangens anguli bKo ; & in triangulo bDo , oD cotangens anguli bDo ; ergo cotangentes horum angulorum sunt ut oK ad oD ; ergo (Elem. 737) tangentes eorundem sunt reciproce ut oD ad oK .

265. COROLL. I. Quia magnitudines apparentes objectorum maxime dependent ab angulis opticis, sub quibus eorum semidiametri videntur; sequitur, *diametrum objecti per telescopium visam esse ad eandem ut nudo oculo apparet, sicut est longitudo foci vitri objectivi ad longitudinem foci vitri ocularis; five, quod idem est, magnitudines apparentes diametri ejusdem objecti per diversa telescopia visi esse inter se in ratione composita ex directâ longitudinum focorum vitrorum objectivorum, & reciproca longitudinum focorum ocularium.*

266. Co-

266. COROLL. II. Et quoniam (79) distantiae apparentes objectorum sunt reciproce ut anguli optici, sub quibus eorum semidiametri videntur; erit *distantia apparens objecti per tubum opticum spectati, ad ejusdem distantiam apparentem, si nudo oculo videatur; ut est longitudo foci vitri ocularis ad longitudinem foci lentis objectivæ.*

267. Quod hic de telescopiis dioptricis ostendimus, verum etiam est de catadioptricis, & microscopiis secundæ speciei, quemadmodum patebit, si quod diximus, ad verbum applicetur ad figuram 35; modo literæ o' , b' , c' , K' , F' , virgula notatæ substituantur literis o , b , c , K , F , & supponatur radius OD axi admodum vicinus, ut triangulum $o'b'D$ pro rectangulo haberi possit; dein dum applicatio ad microscopia in figura 37 fit, loco *longitudo foci vitri objectivi*, positum intelligatur *distantia imaginis a lente objectiva.*

268. COROLL. III. Ut objecta per telescopia quam maxime aucta apparerent, necesse foret, ut *longitudo foci vitri objectivi esset admodum magna, & longitudo foci ocularis valde exigua.* Et propterea eo longiores adhibentur etiam tubi, quo objecta & minora sunt, & magis diffita. Verum figura sphaerica, quæ vitris tribuitur, & natura lucis faciunt, ut effectus, quem quis forte sibi spondeat, expectatione sit inferior. Rationes in sequentibus dabimus.

269. II. Telescopia & microscopia, quæ imaginem objecti in foco lentis ocularis ex altera respectu oculi parte efficiunt, illud habent commodi, quod omnes hujus imaginis dimensiones mensurari possint ope filorum tenuissimorum, quæ per totum spatium, quod occupat, mobilia sunt: ejusmodi fila sumi possunt e folliculo bombycis; machina autem ad motum filorum efficiendum, ejusque quantitatem metiendam, constructa *micrometrum* dicitur. Hæc fila distinctissime videntur, vitro oculari eorum respectu vices microscopii primæ speciei obeunte; & tanto accuratius imaginis dimensiones acquiruntur, quanto eadem majus augmentum a vitro oculari accipit, & simul quo fila exactius in eodem cum imagine plano fuerint constituta: reddimur vero de hoc certi, si filis & objecto immotis, oculus jam in hanc, jam in alteram partem moveatur, & nihilominus eadem objecti pars ad eandem partem fili semper videatur.

270. Quod si moto, ut dictum est, oculo advertatur, objectum non ad easdem filorum partes manere immotum, *micrometrum parallaxin* habere dicitur, qua voce significamus, objectum apparere in diversis locis, ut diversa est oculi positio. Tollitur hic defectus, si margines reticuli, in quibus fila tensa sunt, vel ad vitrum objectivum, vel ad oculare propius admoveantur, prout oculo

oculo recedente objectum vel attolli vel deprimi respectu filorum videtur.

271. *Micrometri usus errori est obnoxius, sive, quod eodem recidit, error a parallaxi filorum pendens fit eo minus sensibilis quo minus est spatium, per quod fila moventur; quo minor est vitri objectivi apertura; & quo longior est focus ocularis.* Ut enim secure, & citra erroris periculum, micrometro utamur, necesse est, ut ejus fila accurate in eodem plano sint posita, in quod foci vitrorum objectivi & ocularis coincidunt: jam vero foci utriusque fiunt in superficiebus sphaericis (189) externe se tangentibus, quæ adeo censerinequeunt in eodem ad sensum plano, nisi quatenus hoc spatium exiguum est, & utriusque superficie radius sat magnus. In sequentibus porro ostendetur (279 & 298), imagines objectorum non formari in ejusdem ad sensum superficie sphaeræ, nisi quando apertura vitri objectivi modica est.

272. III. Si servata eadem vitri objectivi, in eodem telescopio, apertura, diversa successive ocularia adhibeantur ad idem objectum contemplandum, hoc eo obscurius apparet, quo oculare brevioris fuerit foci. Etenim fasciculi radiorum parallelorum omnes sese interfecant in eo axis puncto, in quo collocandus est oculus, adeoque efformant conum aliquem, cujus basis est vitrum oculare, apex in oculo: est vero hic eo magis obtusus, quo focus ocularis est brevior; unde necesse est, ut radii magis a sese invicem separati, ac minus densi, oculum ingrediantur, & consequenter imaginem minus vivacem, licet majorem, depingant. Itaque *obscuritas imaginum est in ratione reciproca duplicata longitudinum focorum vitrorum ocularium.* Nam cum eadem sit luminis quantitas, manente per hypothesein eadem vitri objectivi apertura; eo major est obscuritas, quo minor est densitas luminis; hæc vero eo est minor, quo spatium a lumine occupatum majus est, hoc est, quo areæ, in quibus imagines depinguntur, sunt ampliores, & consequenter (Elem. 608) quo diametrorum apparentium quadrata sunt majora; igitur obscuritas in telescopiis est directe ut quadrata diametrorum apparentium imaginum. Sunt autem (265) diametri apparentes in ratione composita ex directa longitudinum focorum vitrorum objectivorum, & reciproca longitudinum focorum ocularium; ergo longitudine foci vitri objectivi manente eadem, sunt diametri apparentes imaginum in ratione reciproca longitudinum focorum ocularium: & hinc manente eodem vitro objectivo, obscuritas imaginum est in ratione reciproca duplicata longitudinum focorum ocularium.

273. IV. Duo telescopia, vel duo microscopia æqualis bonitatis in suo genere censentur, quando objecta eadem claritate, sive eadem vivacitate luminis ostendunt. Quod si jam vi-

tra objectiva & ocularia in utroque ex materia æque bona elaborata supponantur, si eorum figura, & politura æqualis sint perfectionis, erit *claritas objectorum in ratione composita ex directâ duplicata diametrorum apertura vitrorum objectivorum, & reciproca duplicata numerorum*, qui utriusque telescopii vel microscopii augmentum exprimunt. Sit claritas $= c$, diameter apertura $= d$, distantia vitri objectivi ab imagine $= a$, longitudo foci vitri ocularis $= b$, adeoque (265) ratio augmenti $\frac{a}{b}$; dico esse $c = \frac{b b d d}{a a}$. Nam areæ imaginum in retina depictarum, sunt ut areæ, quas occupant imagines a vitro objectivo efformatæ; hæ vero sunt (Elem. 608) ut quadrata diametrorum, adeoque (265) ut $\frac{a a}{b b}$: quare si areæ imaginum in retina factarum sint eædem, earum claritas erit ut quantitas luminis per vitrorum objectivorum aperturas incidentis, sive ut quadrata diametrorum aperturarum (Elem. 608); ergo quadratis augmenti iisdem existentibus, claritas est in ratione duplicata diametrorum apertura, sive $c = d d$. Verum si ponantur aperturæ objectivorum eædem, quantitates luminis eædem quoque sunt, ideoque claritas imaginum est in ratione reciproca duplicata diametrorum earum, hoc est, $c = \frac{b b}{a a}$. Ergo si nec eædem sint objectivorum aperturæ, nec eadem imaginum augmenta, earum claritas erit $c = \frac{b b d d}{a a}$.

274. V. Telescopia majora, quæ diametros objectorum octuagies vel centies majores exhibent, non possunt objecta terrestria distincte repræsentare, sed usum habent solum in observatione siderum. Lumen enim ex objectis terrestribus diffusum, jam alias longe debilius, quam quod ex astris allabitur, nimium dispergitur in tam amplis imaginibus, quas vitra objectiva talium telescopiorum efformant. Quin etiam radii ex objectis terrestribus ad telescopia prope terræ superficiem, eam veluti perstringentes adveniunt: in progressu ubique fere magnam partem intercipiuntur, aut detorquentur ab occurrentibus crassioribus particulis in atmosphæra perpetuo ascendentibus, & agitatibus; unde imago tremula, & male terminata apparet. Postremum hoc incommodum experimur, si tempestate calida, vel vento vehementiore vapores humidos agitante, quamvis cælum sudum alias & innube videatur, astra spectemus.

CAPUT VI.

*De Obstaculis , quæ in Constructione Telescopiorum
& Microscopiorum se produnt , & eorum perfectionem
necessario minuunt.*

275. **D**uplex obstaculorum genus sese offert in constructione cujusvis machinæ dioptricæ & catoptricæ : alterum a figura pendet, superficiebus refringentibus, aut reflectentibus tribuenda, quæ vel plana est, vel sphærica: saltem perquam difficile, & vix non physice impossibile est, ut iis alia accurate concilietur; alterum a resolutione lucis in diversæ naturæ radios, quando refringitur, vel reflectitur, provenit.

ARTICULUS I.

*De Obstaculis a figura sphærica superficierum pendentibus , & ratione iis
occurrendi.*

276. **E**x calculo formularum, quas adhibuimus (134 & 182) ad determinandas longitudes focorum superficierum sphæricarum refringentium, & reflectentium, manifestum est, nos assumpsisse, curvaturam ab eo puncto, per quod axis transit, usque ad punctum incidentiæ radii ex objecto in eodem axe existente oblique venientis, esse insensibilem. Hac stante hypothese formulæ ostendunt, omnes radios ab eodem objecti puncto egressos, post reflexionem, vel refractionem, concurrere cum axe in uno eodemque puncto: sed quoniam hæc hypothesis geometricè accurata non est, nequit esse unicum punctum intersectionis omnium radiorum ab eodem objecto venientium cum axe, si in superficie sphærica reflectantur, vel refringantur; & hinc quod *focum*, seu locum imaginis vocavimus, reipsa non est nisi locus ille, in quo plurimi radii se intersecant; reliquorum radiorum eo plures erunt intersectiones, quo superficies reflectens, vel refringens plurium fuerit graduum: hujus rei exemplum & calculus N. 135 extat.

277. Cum quodvis intersectionis punctum sit locus alicujus imaginis, eo magis sensibilis, quo plures radii concurrunt; sequitur, quod *omnes ejusmodi imagines principali vicinæ eandem confusam reddere, & ejus figuram turbare debeant.*

278. Dato numero graduum, & extensione superficiei refringentis aut reflectentis, trigonometricè calculari potest longitudo foci radiorum prope limbos incidentium (135 & 184); quæ si com-
pare-

paretur cum ea, quæ ex formulis generalibus deducitur, reperitur spatium ab extremis hisce focus occupatum, quod equidem notabile non est, nisi in microscopiis refringentibus, ubi ob brevitatem foci lentis objectivæ, curvitas etiam in exiguæ aperturæ spatium est admodum sensibilis.

279. His defectibus e figura sphærica provenientius mereri possumus *primo*, si apertura exigua tribuatur vitro, quod objecto obvertitur, ut arcus eam metiens valde paucorum sit graduum; illa tamen cautela adhibita, ne justo minor apertura necessariæ ad claritatem & vivacitatem imaginum luminis copię obsit. *Secundo*, si prope focum constituatur *diaphragma*. Est autem diaphragma planum rotundum, nigro colore tinctum, & opacum, in medio exciso foramine circulari, cujus diameter fere æqualis diametro imaginis, quæ ab objecto maximo, quod per vitrum oculare adhuc distincte cerni potest, depingitur. Limbi diaphragmatis radios inutiles intercipiunt, & absorbent. *Tertio*, si interna tubi superficies colore nigro inficiatur, ut absorbeantur radii ab objectis multum ab axe distitis venientes, qui alias valde oblique incidentes, & a lateribus tubi reflexi ad ipsam usque imaginem, & vitrum oculare pervenirent, ac visionem confusam efficerent.

280. Celebres Geometræ demonstrarunt, cujusnam curvaturæ deberent esse superficies refringentes, & reflectentes, ut radii omnes ab eodem objecti puncto emanantes ad idem omnino punctum rursus unirentur; verum infortunato accidit, ut ex obstaculis, quæ constructioni ac perfectioni machinarum opticarum opponuntur, illud sit omnium minimum, quod a figura sphærica pendet.

ARTICULUS II.

De obstaculis, quæ resolutio lucis in diversæ naturæ radios opponit.

Cum de visione ageremus, sumpsimus interea (51), lumen componi e diversæ speciei radiis, e quorum combinatione colores dependeant: hic igitur paucis præcipua exponenda sunt experimenta, quibus assertum innititur.

281. I. Supponamus in cameram obscuram (ut eam N. 5. constitutam vidimus) per exiguum foramen C (fig. 38) patere aditum fasci radiorum solarium AB, qui seu in objecta charta alba, seu in opposito pariete LK, ad D imaginem albam solis efformet e tot circulis luminosis inter se commissis constantem, quot in foramine C puncta concipi possunt. Si iidem radii interposita superficie QR prismatis triangularis vitrei, cujus axis sit ad axem fascis

luminosi perpendicularis, intercipientur, imago alba solis ad D mutabitur in figuram GF supra D, oblongam, extremis rotundis, lateribus utrinque rectis, septem coloribus distinctam, quos in iride observamus, spatio nempe ad *r* rubro, *a* aurantio, ad *f* flavo, ad *v* viridi &c.

282. Hinc vero patet *primo*, figuram hanc coloratam (quam *spectrum* appellant) efformari non potuisse, nisi radii in fasce A B confusi, & non interposito prisma usque ad D ita perventuri, separati fuissent per refractionem in duabus prismatis superficiebus QR, PR, ad sese invicem inclinatis.

283. *Secundo*, cum imago D sit alba, & spectrum F G omnes ex ordine colores iridis referat, sequitur, *lucem albam nil aliud esse, quam mixturem omnium colorum; singulos vero colores esse certæ speciei radios.* Id vero infinitis aliis experimentis evincitur; ac inter alia sequente.

284. II. Si in loco, in quo spectrum GF depingitur, constituatur lens, ut radii spectrum componentes in foco rursus uniantur, atque ad eundem focum collocetur tabula vel charta, imago alba & circularis apparebit. Si charta propius ad lentem admoveatur, imago versus medium alba manebit, sed inferne rubro, superne cæruleo & indico terminabitur: cum enim ante focum radii nondum sint uniti; versus F rubri, versus G autem cærulei prævalent. Si charta ultra focum ponatur, imaginis medium rursus album erit, sed partem supremam color ruber, infimam cæruleus tinget, quod radii scilicet per focum decussatim transeant.

285. *Tertio* colligitur, *radios rubros omnium minime refringi, sive radios rubros esse minime refrangibiles; paullo magis aurantios; tum flavos &c.* Newtonus mensuris accurate acceptis invenit, luce ex aëre in vitrum transeunte, sinum anguli incidentiæ esse ad sinum anguli refracti (quorum sinuum ratio in radiis ejusdem speciei semper est constans) in ratione, quam sequens tabella exhibet:

Pro omnibus colorum commissuris,
ut sese ordine excipiunt, dum radii sunt adhuc certo

Rubri	ut	}	I, 54	-	-	-	-	I, 5425	}	ad I.
Aurantii			I, 5425	-	-	-	-	I, 544		
Flavi			I, 544	-	-	-	-	I, 54667		
Virides			I, 54667	-	-	-	-	I, 55		
Cærulei			I, 55	-	-	-	-	I, 55333		
Indici			I, 55333	-	-	-	-	I, 55555		
Violacei			I, 55555	-	-	-	-	I, 56		

286 Ex ipso aspectu confusorum limitum colorum spectri, & figuræ oblongæ extremis rotundis, facile intelligitur, eos oriri ex meris ima-

imaginibus circularibus solis, quarum singulæ sint coloris magis minusve splendidi & vivacis secundum ordinem a nobis expositum.

287. III. Si charta, qua spectrum coloratum FG excipitur, ita perforetur, ut non nisi radii, v. g. rubri transmitti possint, iisque novum, aut successive plura nova prismata objiciantur, seu etiam lentes; hi radii manebunt rubri, utcunque reflectantur, vel refringantur, cujuscunque sint coloris vitra, per quæ transeunt, vel corpora, in quæ incidunt. Illud solum discrimen notari poterit, quod hic color ruber radiorum eo sit vivacior, quo color vitrorum, vel corporum reflectentium magis analogus est rubro. Idem sentiendum de radiis alterius coloris, quem, ubi semel a reliquis separati fuerint, haud amplius amittunt.

288. Per lentem vitream duo, tresve colores spectri rursus inter se commisceri possunt, atque color aliquis, ut libuerit, compositus effici; cujus tum claritatis gradus, tum ad primigenios ratio alia, aliaque erit, ut diversa fuerit cujuslibet e componentibus quantitas; idem vero rursus, si visum fuerit, in eosdem ope prismatis resolvetur, quorum commistione est ortus.

289. IV. Sit prisma, cujus duo plana sint æqualia & ad angulum rectum inclinata, adeoque ejus sectio triangulum rectangulum isosceles QTH (fig. 39) exhibeat. In hujus planum TQ incidat fere ad perpendicularum fascis radiorum solarium AK , ut sine refractione per illud transeat: reflectetur pars radiorum DL in basi QH fere perpendiculariter ad planum HT , ob angulum ad T rectum, e quo paralleli ad M pervenient. Objiciatur illis hic fere ad angulum rectum planum GE alterius prismatis GFE , efformabunt spectrum omnium colorum vr , quorum nominum primæ literæ sunt adscriptæ, quamvis hoc spectrum ob exiguum radiorum numerum in QH reflexorum non ita vivax sit futurum. Reliqui radii per QTH penetrantes, refractione itidem spectrum coloratum UR depingent. Vertatur tum lente prisma QTH circa axem suum, ut angulus incidentiæ radiorum AD cum catheto TD paulatim major fiat, quam ut lux transire possit, adeoque reflecti debeat; videbitur primo disparere lux violacea DU , tum coloris Indici DI , dein cærulea DC &c, verum simul colores iidem v , i , c &c. in spectro vr vivaciores fient. E quo intelligitur, radios in spectro UR disparentes successive incipere reflecti a basi QH , atque uniri fasci DM , adeoque radios maxime refrangibiles simul esse maxime reflexibiles. Quoniam autem nunquam differentia aliqua sensibilis observatur inter angulum incidentiæ & reflexionis aliqujus fascis radiosi, videtur, quod radii violacei non possent ante alios reflecti, nisi, dum ad D perveniunt, jam a ceteris essent se-

parati, adeoque quod reflexio non fiat, nisi præcedente aliqua refractione, quæ in exiguo spatulo inter punctum incidentiæ, & punctum reflexionis facta sit, ita ut radii tantillum separati per refractionem, in minimo illo spatulo factam, sub eodem angulo post reflexionem egrediantur, sub quo inciderunt.

ARTICULUS III.

Quæ de proprietatibus lucis dicta sunt, universim ad Telescopia & Microscopia applicantur.

290. **E** diversa radiorum lucis refrangibilitate necessario consequitur, illud, quod superius *imaginem* alicujus puncti lucem emittentis in foco lentis efformatam diximus, nil aliud esse, quam continuam seriem punctorum coloratorum r, a, f, v, e, i, v (fig. 40) ordine colorum iridis sese excipientium, ita, ut focus r radiorum rubrorum a vitro sit remotissimus; focus vero v radiorum violaceorum vicinissimus. Postremi hi radii, ubi secto axe producuntur, vel per imagines a vitro remotiores transeunt, vel extrema earum radunt, quo fit, ut vel confusæ evadant, vel fimbrias coloratas attextas habeant, in quibus lux cærulea & violacea plerumque dominatur, id, quod Optici *iridem* appellant.

291. Evenit hoc plerumque in imaginibus per vitra objectiva telescopiorum & microscopiorum depictis, maxime si *primo* hæ imagines longe a vitro remotæ sint, cum separatio radiorum refractione ad exiguos angulos facta eo sensibilibior evadat, quo majus est intervallum imaginis a superficie refringente vel reflectente. *Secundo*. Si apertura vitri objectivi sit major, hoc est, si superficies radios incidentes excipiens sit plurium graduum: tunc enim angulus radiorum prope limbos incidentium fit major, atque ideo etiam refractione crescit, ut anguli radiorum post separationem divergentium; ut colores a separatione pendentes citius percipi possint.

ARTICULUS IV.

Applicantur eadem ad telescopia & microscopia dioptrica.

292. **S**i in formula generali superius (182) inventa ponatur $q=1$, $p=1$, 54 ab initio, dein $p=1$, 56, scilicet illud pro radiis rubris, hoc pro violaceis; inveniri potest spatium, ad quod spectrum coloratum $r v$ (fig. 40) extenditur in foco telescopii. Itaque neglecta vitri crassitie, si fiat $e=0$, $r=R$, & $d=\infty$, formula

mula abit in hanc $x = \frac{pr}{2pp - 2p}$; & hinc distantia foci radiorum rubrorum elicitur $x = 0,9259r$; violaceorum vero $x = 0,8928r$. Facile autem intelligetur, differentiam inter hos duos focos 331 esse partem 28^{am} proxime majoris, cum 9259 divisa per 331 dent quotum 28 proxime. Quare dum objectum ad distantiam infinitam remotum est, longitudo spectri colorati e diversa refrangibilitate lucis provenientis est $\frac{1}{28}$ longitudinis foci lentis.

293. Et quoniam lux circa medium spectri (ad sensum) prope CD est maxime densa, & minime separata, ubi proinde supponi potest verus locus imaginum objectorum alborum, qualia sunt astra, sequitur primo, quod in telescopio termini visionis confusæ e diversa radiorum refrangibilitate ortæ, a loco vero imaginis objectorum valde remotorum distet utrinque circiter $\frac{1}{55}$ longitudinis foci vitri objectivi.

294. Quia porro triangula vCF , vAG similia sunt, est $CF : Fv = AG : Gv$; itaque etiam $CF = \frac{1}{55} AG$; & hinc secundo, diameter CD fimbriarum coloratarum imaginem F objecti valde diffiti ambientium, est $\frac{1}{55}$ aperturæ vitri objectivi.

295. OBSERVA. I. Si constituatur imago F in CD, ea per imagines singulas singulorum colorum r, a, f, v, c, i, o reddetur quodammodo nebulosa; & per radios, qui transeunt per CD, acquireret fimbrias, sive *iridem*; ita ut singulis alicujus imaginis punctis simul iride cinctis, simul nebula obfuscatis, imago tota objecti confusa esse debeat.

296. COROLL. I. Si objectum per telescopium spectandum sit certi alicujus coloris, v. g. rubri, manifestum est, tubum prolongandum esse, retracto vitro oculari, ut distincte videatur, quia ejus imago reliquis accuratior est ad r . Contrarium faciendum est, si color objecti sit cæruleus vel violaceus. E quo colligitur, *focum telescopiorum vel microscopiorum esse varium, ut varius est objectorum color, quæ per ea spectantur*. Idem verum est, si astra spectentur cælo non perfecte fudo: ut enim vapores, aut raræ nubeculæ hujus vel illius generis radiorum majorem copiam transmittunt; ita etiam imago syderum vel propius, vel remotius a vitro objectivo ad sensum quoque efformatur, quemadmodum id annotavit D. Bouguer.

297. COROLL. II. Si loco vitri albi, e quo objectiva telescopiorum elaborari solent, adhiberetur certo colore tinctum, quod non nisi sui coloris radiis aditum præberet; uti v. g. si foret cæruleum;

ruleum; tum vero imago, per solos radios cæruleos ab objecto emanantes formata nec confusa esset, nec iride cincta; ejusque distantia & magnitudo vera exacte reperiretur, adhibita in calculo formulæ pro telescopiis & microscopiis ratione 1 ad 1, 551667. At enim simul illud eveniret, ut imagines fierent nimis debiles defectu luminis, ideoque nec satis distincte cernerentur.

298. COROLL. III. Angulis, sub quibus radii colorati facta refractione a sese invicem divergunt, iisdem manentibus, patet, CF fore eo minorem, quo minor fit AG. Quin etiam addi potest, Fv quoque tum imminuendam, quod extensio foci, a figura sphaerica vitri pendens, decrescente apertura decrescat (279). Igitur ut apertura vitri objectivi minuitur, ita irides imaginum, & obfuscentes eas nebulae tolluntur. Verum quia hoc genus remedii cum detrimento luminis, & ex hoc pendentis claritatis imaginum conjunctum est, is modus aperturæ statuendus est, ut & sufficiens lucis copia admittatur, & imagines sine iride sensibili sint quam maxime nitidæ; id quod sola experientia, & vitrorum perfectio, quibus quis utitur, determinare potest.

299. OBSERVA. II. Similibus calculis pro microscopiis ex datis dimensionibus, & habita ratione eorum, quæ in casu particulari in considerationem veniunt, institutis, patebit, quandonam irides, & objectæ imaginibus nebulae, plus minusve spatii occupent, ac plus, minusve visioni obturbent. Inde vero determinabitur, quam ampla esse possit objectivorum apertura, ut quantum fieri citra confusionem potest, lucis admittatur. Quod ut certius in quovis casu singulari obtineatur, plura parari possunt diaphragmata, vitrum objectivum tangentia, illudque retineri, quod effectus optimus commendat.

300. OBSERVA III. Radii violacei, & indici spectri colorati sunt maxime debiles, & fere insensibiles, nisi quando objectum est valde fulgidum, uti sol; cærulei item adhuc sunt admodum debiles, uti etiam rubri ad extremum r. Hinc vero sequitur primo, quod in telescopiis & microscopiis multum detrahendum sit a longitudine vera spectri colorati, ut habeatur longitudo hujus spectri, qua sensibile est; item quod tantundem minuendæ sint diametri veræ iridum, ut obtineantur diametri, ad quas irides sensibiles extenduntur. Newtonus invenit, loco $\frac{1}{55}$ accipiendam esse $\frac{1}{250}$ circiter. Secundo quod verus locus CD imaginis F constituendus sit inter focos radiorum flavorum, & aurantiorum, ubi ex experimentis prismatis lumen est vivacissimum. Invenitur vero hoc punctum,

Etum, si in formula pro focis vitrorum ponatur $p = 31$ & $q = 20$ *.

301. OBSERVA IV. Diminuta objectivi apertura non tollit ex integro irides imagini circumfusas, sed solum minuit tum earum magnitudinem, tum colores, seu, ut rectius dicamus, colorum ab objecto propriis discrimen, idque magis, si objectum sit magis lucidum. E quo deducitur, *per irides augeri diametrum apparentem imaginum*. Atque hoc locum etiam habet in objectis nudo oculo spectatis, pupilla idem præstante respectu imaginum in oculo depictarum, quod facit apertura vitri respectu foci. Ex hac observatione complurium illusionum opticarum ratio redditur; exempli causa primo, *cur flamma e longinquo visa sub majore appareat angulo, quam qui distantie & magnitudini illius veræ ex calculo respondet?* sic D. Picard observavit, ignem tres pedes latum noctu ad distantiam fere 32000 hexapedarum, sive 16 leucarum Parisinarum, per tubum visum habuisse diametrum apparentem $8''$, cum reipsa tantum $3\frac{1}{4}''$ esse debuisset. Secundo. *Quare stellæ fixæ, quæ diametrum apparentem sensibilem habere videntur, dispareant momento, quando limbus obscurus lunæ iis motu admodum lento occurrit?* Tertio. *Quare stellarum maxime illustrium diameter minor videatur, si per telescopia longiora spectentur, quam si aspiciantur per breviora, quæ proinde objecta longe minus aucta exhibent?* Notandum isthic, aperturam vitri objectivi in telescopiis majoribus, proportionem longitudinis habita, minorem fieri, quam in brevioribus. Ita in telescopio Astronomico triginta pedes longo, vitrum objectivum non nisi 3 digitos patet; & in telescopio 3 pedum adhuc fere integri digiti aperturæ diameter admittitur. Quarto. *Cur si luna, dum parum a novilunio abest, & per lucem e terra reflexam satis fortiter illuminatur, ut etiam ejus pars, ad quam radii e sole nondum directe pervenire possunt; cur, inquam, si luna tunc per telescopium conspiciatur, semicirculus illuminatus soli obversus sensibilibiter appareat major altero opposito?* Quinto. *Cur limbo illuminato lunæ versus stellam primæ magnitudinis progrediente in occultatione, stella, cujus lumen est multo vivacius lunari, non dispareat, nisi postquam jam tota infra discum lunæ subisse videtur?* scilicet, quando stella tamdiu videtur, quamdiu adhuc est extra verum limbum lunæ, & tantummodo versatur adhuc in spatio transparente iridis lunam ambientis.

302. SCHOLIUM. Ex omnibus prioribus observationibus colligitur, solam esse experientiam, quæ pro diversitate objectorum, tum quod ad copiam lucis, qua collustrantur, tum quod ad colores, decidere possit, quanta sive in telescopiis, sive in microscopiis debeat esse objectivorum apertura, quis sit verus imaginum

L

locus

* Newtonus Opt. L. I. part. I. Prop. VII. Exper. XVI., ubi hæc definit, ponit rationem sinus anguli incidentiæ ad sinum anguli refractionis in his radiis 17 ad 11).

locus, quæ aptissima diaphragmatum diameter, quæ illic ad definiendum visionis campum sunt constituenda.

303. Quod ad rationem longitudinis foci vitri objectivi ad longitudinem foci ocularis, rursus ea non aliunde, quam ex experientia definienda est, utpote cum admodum diversa esse debeat pro diversa vitrorum perfectione & objectorum luce. Sic objectum valde lucidum perquam distincte videri poterit per objectivum accurate elaboratum, si cum oculari exigui foci jungatur; cum enim imago citra sensibilem defectum efformetur, atque sat vivax sit, per vitrum, quod ei magnum augmentum adfert, recte adhuc videtur; verum si objectum per se sit obscurum, cerni distincte nequit, nisi per oculare, quod ejus radios non multum dispergit, cujus consequenter focus adeo brevis esse non potest; similiter, si vitrum objectivum aliquo vitio laboret, quod etiam in imaginem transfunditur, huic spectandæ adhiberi non debet vitrum magni augmenti, ne ejus vitium notabilius evadat. Denique objecta interdum considerata, ocularia minus acuta poscunt; cum enim magna lucis vis tum spectatoris oculum jam prius subeat, atque aciem visus quodammodo obtundat, antequam eum ad telescopium applicet, lumen nimia foci brevitate dispersum haud satis perciperet.

304. Nulla igitur constans regula in hisce rebus statui potest, cui praxis semper sit adstringenda, sed oportet usu ejusmodi machinarum acquisitam experientiam consulere, atque dimensiones earum, quæ pluris apud æquos aestimatores fiunt, tanquam normam & modum novis, quæ construi debent, adhibere. Atque hoc non modo de vitris ipsis, sed etiam de tubis, totoque ad usum necessario apparatu, dictum putetur.

305. Nos isthic dimensiones solum subiciemus, quas meliores artifices in constructione telescopiorum, & microscopiorum magis usitatorum observare solent.

Pro Telescopio quatuor vitrorum.

Longitudo foci vitri object.	Diam. aperturæ vitri object.	Longit. foci vitri ocul.	Diam. diaphragm. in foco vitri object.	Augm. diametrorum apparentium object.
1 Ped. - -	$4\frac{1}{2}$ Lin. - -	16 Lin. - -	4 Lin. - -	9ies
2 - - - -	$6\frac{1}{2}$ - - -	22 - - -	$5\frac{1}{2}$ - - -	13
3 - - - -	9 - - -	26 - - -	$7\frac{1}{2}$ - - -	17
4 - - - -	11 - - -	28 - - -	9 - - -	21
5 - - - -	12 - - -	30 - - -	10 - - -	24
6 - - - -	13 - - -	31 - - -	$10\frac{1}{2}$ - - -	28
7 - - - -	14 - - -	34 - - -	11 - - -	30
8 - - - -	15 - - -	36 - - -	$11\frac{1}{2}$ - - -	32

Sumuntur in hac tabula vitra objectiva accurate elaborata, non tamen excellentia; hæc enim & focum lentium ocularium breviorum,
&

& majorem tam aperturæ objectivi, quam diaphragmatis in ejus foco constitui, diametrum patiuntur.

Pro Telescopio Astronomico.

Longitudo foci vitri objectivi Ped.	Diameter aperturæ vitri objectivi Digit. Lin.	Longitudo foci vitri ocularis Digit. Lin.	Augmentum diametrorum apparentium objecti circiter
1	0. $6\frac{1}{2}$	0. 8	20ies
2	0. 9	0. 10	28
3	0. $11\frac{1}{2}$	1. $0\frac{1}{2}$	34
4	1. 1	1. $2\frac{1}{2}$	40
5	1. $2\frac{1}{2}$	1. 4	44
6	1. 4	1. 6	49
7	1. $5\frac{1}{2}$	1. $7\frac{1}{2}$	53
8	1. $6\frac{1}{2}$	1. $8\frac{1}{2}$	56
9	1. 8	1. $9\frac{1}{2}$	60
10	1. 9	1. 11	63
11	1. 10	2. 0	66
12	1. 11	2. 2	69
14	2. $0\frac{1}{2}$	2. 3	75
16	2. 2	2. 5	79
18	2. 4	2. 7	85
20	2. $5\frac{1}{2}$	2. $8\frac{1}{2}$	89
25	2. 8	3. 0	100
30	3. 0	3. $3\frac{1}{2}$	109
35	3. 3	3. 7	118
40	3. 6	3. 10	126
45	3. 8	4. $0\frac{1}{2}$	133
50	3. 10	4. 3	141

306. Si objectiva vitra præter morem excellant, eorum apertura amplior esse potest, & focus ocularis minor. Sic objectivum a Campani elaboratum foci 34 pedum patitur oculare foci $2\frac{1}{2}$ digitorum, & aperturam 4 digitorum diametri: atque tum 163^{ies} diametros objectorum cælestium apparentes, quæ sufficientem claritatem retinent, auget.

307. Pro Microscopiis trium vitrorum, oculare debet esse foci digitalis, & diametri circiter 9 linearum; quod in medio ad distantiam 8 fere linearum ab oculari collocatur, focum 18 linearum habeat, & diametrum unius digiti. Cum his variæ lentes objectivæ mutabiles conjungi possunt, v. g. foci 1, 2, 4, 6 linearum; sed aperturæ harum admodum exiguæ sint, oportet, atque bonitati vitrorum proportionatæ; distantia autem ob oculari sex circiter digitorum.

ARTICULUS V.

Applicatio dictorum de proprietatibus lucis ad Telescop. & Microscop. Catadioptrica.

308. **E**xperientia docuit, imagines reflexione formatas longe minus esse confusione obnoxias, quam quæ per refractionem

nem fiunt. Et sane intelligitur, radios, cum facta refractione separentur, atque a sese invicem divergant, quo longius progrediuntur, eo magis colorum discrimina prodere. At vero in reflexione separatio radiorum parallelorum non fit nisi (ut ita dicam) in ipso puncto incidentiæ, vel in intervallo inter hoc, & punctum reflexionis. Post reflexionem itaque hi radii quodammodo infinite parum separati, sunt adhuc ad sensum paralleli; unde neque separatio percipi potest, sed illud solum advertitur, quod fascis radiosus reflexus tantillo magis dilatatus appareat, quam fuerit prius. Hinc est, quod in telescopiis catadioptricis irides haud videantur, sed tantum exigua in imaginibus confusio notetur, partim ex dilatatione fasciculorum lucis, partim ex figura sphaerica speculorum orta. Quare longe ampliorem aperturam specula objectiva telescopiorum, & microscopiorum ferunt, quam vitra ejusdem foci; ex quo fit, ut imagines reflexione depictæ multo vivaciores sint, ideoque distincte per lentem exigui foci cerni possint, & magnum acquirere augmentum sine claritatis detrimento. Quod commodum in telescopiis dioptricis haberi nequit, nisi tanto sint longiora (ut e tabulis superioris Articuli liquet), tantoque etiam minus tractabilia.

309. Telescopia catadioptrica primæ speciei, qualia N. 246 & sequente descripsimus, diversa vitra ocularia admittunt, pro modo luminis, quo objecta fulgent, & desiderati in eorum diametris apparentibus augmenti. En dimensiones, secundum quas partes hujus generis telescopiorum construi possunt, ut effectum debitum præstent (vide Smith, Tom. I. pag. 364.).

Longitudo foci Speculi concavi			Diameter aperturæ Speculi.		Longitudo mediocris foci vitri ocularis			Augm. Diametrorum apparentium objecti		
Ped.			Digit.	Lin.	Lin.	Centesim.		Circiter		
$\frac{1}{2}$	-	-	0	11	-	2,	00	-	-	36
1	-	-	1	6	-	2,	39	-	-	60
2	-	-	2	6	-	2,	83	-	-	102
3	-	-	3	3	-	3,	13	-	-	138
4	-	-	4	1	-	3,	37	-	-	171
5	-	-	4	10	-	3,	54	-	-	202
6	-	-	5	7	-	3,	73	-	-	232
7	-	-	6	3	-	3,	88	-	-	260
8	-	-	6	11	-	4,	01	-	-	287
9	-	-	7	7	-	4,	13	-	-	314
10	-	-	8	2	-	4,	24	-	-	340
11	-	-	8	9	-	4,	34	-	-	365
12	-	-	9	4	-	4,	44	-	-	390

Quod ad specillum planum HI (fig. 35) pertinet, id ovale esse debet, cum axem A o' coni D o' D radiorum ad eundem axem paral-

parallele incidentium sub angulo 45 graduum fecet: ejus dimensiones petuntur a spatio, quod radii reflexi occupant in illo loco, in quo collocandum est specillum, dum oculare foci minimi adhibetur, id, quod facili calculo reperitur. Est mihi hujusmodi telescopium, cujus speculi objectivi focus est duorum pedum: speculum minus fere septem lineas in maxima sua latitudine habet; quinque in minima.

CAPUT VII.

Diversæ quæstiones Opticæ.

Inviolabilis in hisce lectionibus brevitatis lex, atque arctior cum Physica Experimentalis a nostris exercitationibus aliena nexus quam plurima non modo scitu jucunda, sed etiam utilia, nos prætermittere cogunt. Interim tamen supplementi instar eorum, quæ minus a Physica pendent, & quibus tirones exerceri possunt, quæstiones non nullas, indicatis modo responsis, subjungere visum est.

310. I. Cur, si cui in tenebris in caput ictus impingatur, tractus quidam lucis videntur?

Ictus omnes partes elasticas capitis concutit, iisque tremorem quemdam, aliquamdiu perdurantem, inducit, adeoque etiam nervi optici fibræ contremiscunt, quod sensationem similem excitat, ac si lux confusa oculos feriret.

311. II. Quare, dum per tabulas vitreas fenestrarum in vicos despicimus, melius videmus transeuntes, quam illi nos trans easdem videre possint?

Qui in vicis sunt, majore in luce versantur; hinc modica illa, quæ e fenestris transit, exiguam facit impressionem: contrarium accidit illis, qui e cubiculo transeuntes spectant.

312. III. Cur, si caput acus prope ad oculum cis chartam exiguo foramello pertusam teneatur, & idem foramellum luci obversum aspiciatur, caput acus videtur esse trans chartam, & situ inverso?

Caput acus non videtur cis chartam, quia oculo nimis vicinum est; & videtur trans chartam & inversum, ob easdem causas, propter quas, si quis extra cameram obscuram positus per ejus aperturam aspicere posset, quin impediretur luci aditus, objectorum exteriorum imagines inversas cerneret.

313. IV. Cur, si carbo ardens admodum velociter in gyrum agatur, videtur taniam igneam exhibere?

Impressio lucis in retinam motum illic quemdam tremulum excitat aliquamdiu perdurantem cum sensatione lucis: hinc si carbo ma-

gna velocitate circulum non magnum describat, tremor ille perseverat integræ revolutionis tempore.

Visus noster est sensus satis lentus & segnis; & diversi colores magna cum celeritate alter alteri succedentes haud possunt satis distinctas impressiones facere, neque oculum simili voluptate afficere, ac experiatur auris, cum sonorum celerrime sese consequentium harmoniam percipit.

314. V. *Quare videntur sæpe nubes albæ magno numero in fascias circulares, modicæ latitudinis, & versus idem horizontis punctum convergentes, dispositæ?*

Si nubes leviores, ideoque satis elevatæ, aliæ ab aliis sint separatæ, a vento in distantia paullo maiore a terra, & directione horizontali spirante, omnes versus eandem plagam impulsæ fasciarum longarum inter se, & cum horizonte parallelarum formam induunt, quæ consequenter (82) debent videri versus idem punctum lineæ libellæ per oculum transeuntis, & ideo in horizonte, convergere. Et quoniam a spectatore valde diffitæ sunt, velut in ipsa superficie sphæræ cælestis sitæ, & circulares apparent.

315. VI. *Si candelabrum pensile, accensis candelis, suspensum e fune longiore & contorto, dein sibi permisso, circa axem rotetur, cur contingit quandoque, ut uni e spectatoribus videatur in hanc, alteri in alteram partem moveri, quamvis uterque ex eodem illud loco aspiciat?*

Candelæ accensæ circulum describunt, & motus candelabri refertur ad diametrum per oculum transeuntem: jam vero in distantia aliqua sæpe non satis discernitur, utra e duabus candelis oppositis sit in extremo hujus diametri remotiore ab oculo (89), præcipue quando planum circuli fere per oculum transit, nec satis attenditur ad phænomena Perspectivæ. Hinc si alter e duabus candelis hanc, alter aliam existimet remotiorem esse; candelabrum illi versus hanc plagam moveri videbitur, huic versus oppositam. Idem contingere potest, si duo videant pinnulas ventorum indices in testorum vertice valde oblique, vel alas molendini a ventis æti in maiore distantia.

316. VII. *Quæ causa, quod si quis e tenebris ad lucem majorem repente veniat, visus tantopere perstringatur; & cum ad locum etiam mediocriter tantum obscurum e magna luce transit, prorsus nihil videat?*

In tenebris pupilla est admodum dilatata, in luce magna valde contracta; jam motus iridis, quo hæc dilatatio & contractio peragitur, non est adeo velox; & lumen repente in pupillam valde amplam incidens majus est, quam ut imaginem distinctam efformare possit (288), sed potius organa visioni destinata subito, & violente concitat, quo fit, ut acies oculi obtundatur. At vero si

ad

ad lucem copiosam pupilla nimium arctetur, & repente in loco obscuro constituatur, sufficiens ad distinguenda objecta lumen non admittit, unde illa cæcitas oritur, quæ non prius desinit, quam pupilla satis temporis ad dilatationem habuerit.

317. VIII. *Quare objectum si prope oculum positum per foramellum ac in chartæ nigre folio factum aspiciatur, eo apparet majus, quo magis ad oculum admovetur, cum tamen si sine eo foramine consideretur, ejusdem ad sensum videatur magnitudinis, quamvis ad diversas ab oculo distantias collocetur?*

Visio per tale foramellum fit accurata (213), & interjecta inter oculum & objectum charta aspectum rerum aliarum circumpositarum impedit, nec admittit, ut aliunde, quam ex imaginibus in oculo depictis de magnitudine judicium feramus.

318. IX. *Quare charta madefacta acquirit colorem quemdam griseum, & fit magis transparens?*

Chartæ siccae pori filis varie implexis impediti sunt; humor aspersus ac in poros penetrans, hæc fila explicat, ac ordinatius componit, ut pori quasi totidem tubuli fiant liquore pleni, aptique ad lucem transmittendam, quod chartam reddit aliquantum transparentem, & simul candorem tollit, quem a radiis intra poros non satis pervios varie reflexis habebat.

319. X. *Quare quidam circa vesperum clarius vident, quam alii?*

Sunt hi præcipue myopes, qui objecta valde vicina distincte, & quin oculis vim inferant, vident; cum ex opposito alii, qui sunt oculis recte constitutis, cogantur pupillam contrahere, quando objecta admodum prope sunt admovenda; unde non recipiunt tantum luminis, ac myopes.

320. XI. *Quare myopibus objecta remotiora apparent plerumque majora, quam aliis visu bono præditis?*

Imagines objectorum non efformantur distincte, nisi in puncto intersectionis radiorum ab eodem objecti puncto egredientium: in oculo myopis hi radii non attingunt retinam, nisi post punctum concursus, adeoque ubi ad retinam perveniunt, jam iterum divergunt.

321. XII. *Quare, qui sunt presbytæ, minuto caractere scripta non possunt, ut prius, legere, nisi exponant radiis solaribus, aut pone candelam ardentem collocent?*

Ad lumen copiosum pupilla contrahitur, & ad exigui foraminis magnitudinem reducitur; atqui per ejusmodi foramen visio debet esse distincta (213).

322. XIII. *Quare etiam ex illis non nulli, qui nullo oculorum vitio laborant, putant se in luna, dum pleno orbe fulget, quamdam faciei humanæ figuram videre, cum tamen, si per telescopium conspiciatur, nullam prorsus similitudinem referat?*

Sunt

Sunt quædam in luna, maxime versus limbos oppositos, maculæ magnæ, aut potius spatia reliquo disco obscuriora (quæ Astro-
nomi plerumque *maria* vocant): majores hæ maculæ non prorsus
ad limbos usque se extendunt, nec etiam ad centrum pertingunt,
& spatio interjecto clariore a sese invicem separantur, per mediam
lunam protenso, quod versus extrema sua maculis longioribus &
exiguæ latitudinis, variisque lucidis apicibus, interruptum est.
Dubium non est, per magnam lunæ a terra distantiam, & lumen
intensius totius orbis, veras spatiorum ejusmodi clariorum, obscurio-
rumque figuras discerni non posse. His si addatur præjudicium quod-
dam, quod facile ex aspectu imaginum lunæ plenæ, quæ ei plerum-
que faciem humanam tribuunt, hauriri potest, fit ut majores illæ, &
obscuriores maculæ spatiis versus limbum clarioribus cinctæ, at-
que simili lucidiore circa medium separatæ, videantur velut ge-
næ; tractus ille splendidior in medio nasum repræsentet, reliquus
orbis variis clarioribus, ac obscurioribus maculis distinctus, reli-
quas faciei partes exhibeat. At vero cum telescopium omnes ma-
culas distincte ostendat, ea faciei figura prorsus evanescit.

323. Hæc occasionem præbent observationi cuidam magni mo-
menti hic faciendæ. Si splendor nimius lunæ esset præcipua cau-
sa confusionis, qua ejus maculæ videntur, promptum esset re-
medium, si per exiguum foramellum aspiceretur (212). Interim
tamen, licet hæ maculæ sint admodum magnæ, & observator in-
signi oculorum acie præditus, nunquam bene terminatæ, nisi
per telescopium apparent. Necesse itaque est, ut distantia lunæ
excedat eam, ad quam visus utcunque excellens sese extendit;
& cum luna circiter 90000 leucis a terra absit, adeoque radii
inde ad nos ex singulis ejus punctis emissi sint quam qui maxi-
me ad sensum paralleli, manifeste sequitur, *parallelismum radiorum*
cum oculum subeunt nullo vitio laborantem, non efficere visionem distinctam,
sed potius ad hanc requiri, ut tantillo divergant. Hoc si non esset, fa-
ne objecta remotissima viderentur maxime distincta, quod eviden-
ter falsum est, experientia teste. Per telescopia radii, quantum
necesse est, ad divergendum cogi possunt, ideoque, ceteris pa-
ribus, objecta semper distincte cerni. Verum ut hoc fiat, fo-
cus vitri ocularis non debet accurrate congruere cum foco ob-
jectivi, five vero loco imaginum, sed tantillo ultra eum consti-
tui, ut radii ex oculari paullulum divergentes egrediantur. Dif-
crimen in telescopiis fere imperceptibile est; at non item in mi-
croscoopiis five simplicibus, five compositis, eoque id magis, quo-
augmentum diametrorum apparentium objectorum majus est, at-
que magis diversa oculorum constitutio apud observatores. Hinc
regu-

regulæ, quas sive pro constructione, sive pro calculando effectu telescopicorum & microscopiorum attulimus, non tanto cum rigore accipi debent, utpote quæ parallelismum radiorum e vitris ocularibus egredientium ad visionem distinctam necessarium supponunt. Retinuimus tamen hanc hypothesein tanquam simplicissimam, eique maxime vicinam, quam natura oculi recte constituti postulat. Itaque præscriptæ regulæ in telescopiis pro satis accuratis haberi possunt; at in microscopiis ejusmodi solum censendæ sunt, quæ possint ita proxime determinare situm debitum vitrorum pro visione distincta, atque magnitudines apparentes diametrorum objectorum, ut perbreui tentamine observator dein facile aptissima vitrorum ac objecti intervalla deprehendere possit, e quorum dimensione in casibus peculiaribus etiam calculos juxta regulas generales factos eadem facilitate corriget.

324. XIV. *Quare, dum lux solaris vel alia satis fortis, in latera interna vasis rotundi radiat, apparent in tali vase duo semicirculi lucidi ita inter se juncti, ut figuram cordis exhibeant, puncto concursus eo viciniore ad axem vel centrum vasis, quo lumen propius admotum est.*

Hæ curvæ lucidæ oriuntur ex intersectionibus valde invicem vicinis radiorum reflexorum a singulis semicircumferentiæ punctis superficiei cavæ vasis, quæ illuminatur, uti figura 41 ostendit. Punctum B est focus hujus semiperipheriæ, ejusque distantia a centro dependet (145) a distantia objecti lucentis a semiperipheria illuminata. Curvæ AB, BC dicuntur *causticæ per reflexionem*.

325. XV. *Quare si gladius nudatus versus speculum convacum protenditur, terreri solent ii, qui se in tali speculo spectant?*

Si gladius sit intra centrum & focum speculi, ejus imago inversa apparet ante speculum, & ex parte spectatoris, hæc imago porro a speculo recedit (143) gladio ad speculum propius admoto, ideoque ejus acies versus spectatorem accedit.

326. XVI. *Quare si sol, luna, aut fax, in aquam fluentem, velut rivum, radiat, videtur in ejus superficie tractus quidam longus lucidus, tremulus & interruptus?*

Partes aquæ aliæ super alias decurrunt instar tenuissimarum lamellarum, quæ vices totidem speculorum planorum varie inclinatorum agunt, atque omni momento magnitudinem, locum, velocitatem & inclinationem mutant, planitiem jam ad spectatorem, jam in partem oppositam vertentes.

327. XVII. *Si tabula vitrea speculi valde oblique aspiciatur, cur quinque vel sex imagines candelæ ardentis pone speculum positæ videntur?*

Tabulæ hujus crassities pluribus stratis invicem sibi incumbentibus, & lamellis constat, quarum superficies singulæ tanquam totidem specula considerandæ sunt.

328. XVIII. Si baculus ad dimidiam longitudinem aquæ immergatur, & oculus spectatoris collocetur in plano anguli refractionis, cur pars submersa propius ad superficiem aquæ inflexa, & brevior apparet, quando oculus ad eam partem constituitur, ad quam baculi pars ex aqua eminens facit cum superficie aquæ angulum acutum, quam si spectator sit ex parte altera?

Ratio facile ex aspectu figuræ 42 colligitur, in qua radii HT , Gr ab extremo baculi T venientes, refracti exeunt directione OH , OG versus oculum, qui eos in T concurrere putat, ideoque hic constitutus partem baculi BT videt, quasi ea esset BT ; at ex altera parte, eadem illi apparet ut Bt .

329. XIX. Quare objecta trans aquam, vel tabulam specularem paullo crassioris vitri visa apparent majora, viciniora, & subinde etiam claviora?

Repræsentet (fig. 43) IK diametrum pupillæ. Objectum O trans vitrum videtur per radios extimos BDI , CEK , qui apparent, velut si e puncto o venirent, angulumque IoK majorem comprehendunt, quam sit IOK , qui fieret ab extimis radiis vitro remoto. Dein si objectum per vitrum spectetur, radii qui ex O inter B & C cadere possunt, ad oculum veniunt; at si tollatur vitrum, ad oculum non pertingunt radii, nisi inter F & G intercepti, adeoque pauciores.

330. XX. Cur urinatores sub aquam demersi objecta tantum confuse videre possunt?

Refractionis radiorum ex aere in aquam incidentium tanta fere est, ac illa, quæ fit in nostro oculo; itaque oculo intra aquam posito exigua tantum fit refractionis; ideoque radii imaginem nequeunt distincte efformare, nisi multum ultra retinam.

331. XXI. Quare humor crystallinus in oculis piscium est ad sensum globulus solidus?

Humor aqueus in oculis piscium inutilis foret; & si humor crystallinus similem a pupilla distantiam haberet, ut in animantium terrestrium oculis, campus visionis nimium parvus esset. Oportuit itaque, ut humor crystallinus infra pupillam illico collocaretur, ut pupilla latius pateret, ut humor crystallinus esset densior, ideoque majores efficeret refractiones, ut denique esset globosus, ne majus inter eum & fundum oculi spatium relinqueretur.

332. XXII. Quare qui nictante oculo, ac lacrymis suffuso, candelam ardentem aspiciunt, fasces radiosos ex ea emitti, maxime ex suprema & infima parte vident?

Pendet hoc a refractione irregulari, quæ fit in humore extremis palpebrarum limbis adhærente, & oculo connivente ad pupillæ aperturam admoto; sive etiam in ipsis lacrymis supra corneam se diffundentibus.

333. XXIII. *Cur imago objecti per vitrum polyedrum visi toties multiplicatur, quot in vitro sunt areolæ planæ?*

Ex radiis ab objecto paulum remotiore in talem areolam fere sub æqualibus angulis incidentibus, complures per duplicem refractionem ad oculum perveniunt, atque fascem luminosum constituunt, satis fortem, qui in oculo imaginem objecti depingat, quæ proinde in axe hujus fascis apparere debet. Jam vero cum inclinatio cujuslibet areolæ alia sit, totidem fasces efformantur, quorum axes alium semper situm ab inclinatione areolarum pendentem habent. Quare tot imagines diversæ, ac in tot locis diversis videntur, quot areolæ radios ad oculum transmittunt.

334. XXIV. *Quare per lucernam magicam objecta tantopere augentur?*
In hac lucerna est AC (fig. 44) speculum sphæricum cavum; B lumen candelæ, vel lampadis crassioris ellychnii paullo intra focum collocatum, ut radii a speculo reflexi convergant; DD lens vitrea, radios tum directos, tum etiam reflexos a speculo, adhuc magis colligit: EF est objectum coloribus transparentibus in tabula vitrea pictum, & situ inverso. Radii per hanc tabulam transeunt, incidunt in lentem GH, a qua refracti convergunt, & imaginem in K efformant, ubi diaphragma radios inutiles, & irregulariter refractos, intercipit. Postquam radii in K sese interfecuerunt, in lentem LM incidunt foci valde longi, e qua egressi admodum divergunt. Tum tandem in tabula alba ad maximam, quæ fieri potest, distantiam excipiuntur, habita ratione vivacitatis, & distinctionis imaginis *se*, quæ situ erecto depingitur. Jam vero patet, ut hæc omnia ita fiant, quemadmodum diximus, focum lentis DD debere esse intra B; lentis autem GH focum alterum constitutum esse inter eandem, & objectum EF; denique lentis LM focum collocandum ultra K versus GH.

335. XXV. *Quare si laminæ metallicæ exiguum foramen gutta aquæ, cui animalcula microscopica innatant, repleatur, atque versus candelæ lumen aspiciatur, quandoque ejusmodi animalculum maximo cum augmento & distincte videtur?*

Superficies interior guttæ respectu animalculi vices speculi sphærici concavi agit. Itaque quando animalculum est intra focum, & superficiem guttæ internam ab oculo remotiorem, ita, ut radii ab animalculo venientes ab ea versus oculum reflexi per alteram guttæ superficiem oculo viciniorem inter se paralleli egrediantur,

tur, videbitur imago superficiei animalculi ab oculo averſæ; atque hæc imago eo erit major, quo animalculum propius ad focum illum fuerit.

P A R S T E R T I A

Perspectiva.

C A P U T I.

Notiones & Principia Generalia, quibus universa Perspectivæ Theoria superstruitur.

336. **O**bjectum ex legibus Perspectivæ delineare in tabula, ultra quam plerumque respectu oculi situm supponitur, nihil est aliud, quam singula puncta tabulæ designare, per quæ radii luminis ex singulis superficiei visibilis punctis ad oculum venientes transfirent. Et similitudo imaginis cum objecto omnibus numeris absoluta est, si ad eadem puncta tabulæ iidem colores applicentur, cujus sunt radii illic transeuntes. Colores autem hunc in modum applicare, est *Perspectivæ Pictoriæ*, quæ ad classem Mathematicam non pertinet.

337. **PRINCIPIUM I.** *Quidquid in tabula optice repræsentatur, ex uno eodemque puncto spectari debet.* Exprimit enim tabula, quod fit actione momentanea, quod adeo unico oculi obtutu videri potest.

338. **PRINCIPIUM II.** *Projectio perspectiva puncti objectivi in tabula illic fieri debet, ubi radius ex eo puncto ad oculum ductus, per planum tabulæ transit.*

339. **PRINCIPIUM III.** *Projectio perspectiva lineæ rectæ objectivæ, quæ producta per oculum non transit, est recta in tabula, in qua eam secant planum trianguli, cujus basis est recta objectiva, & latera radii ab ejus extremis usque ad oculum ducti.*

340. **PRINCIPIUM IV.** *Ut projectio perspectiva figuræ planæ recte intelligatur, cogitandum est, quod radii ex omnibus superficiei aspectabilis figuræ planæ punctis ad oculum ducti efficiant pyramidem, cujus basis figura objectiva est, & vertex in oculo: jam figura, quæ fit sectione hujus pyramidis per planum tabulæ, est projectio perspectiva figuræ illius objectivæ.*

341. **COROLL. I.** *Projectio perspectiva polygoni nequit esse similis polygono objectivo, nisi hujus planum sit tabulæ parallelum.* Elementa enim pyramidis similia esse non possunt basi, nisi fiant sectionibus ad basin parallelis.

342. COROLL. II. *Projectio perspectiva solidi est figura plana composita ex projectionibus omnium planorum solidum comprehendentium, quæ simul oculo sunt conspicua.*

343. THEOREMA I. *Quemcunque situm habeat tabula, projectio perspectiva duarum aut plurium rectorum objectivarum inter se parallelarum convergere debet versus punctum aliquod in plano tabulæ (sive intra hanc, sive extra eam positum), in quod cadit recta ex oculo ad rectas objectivas parallele ducta.*

DEMONSTR. Utcunque duæ pluresve parallelæ objectivæ respectu oculi positæ sint, semper debent videri concurrere (82); igitur etiam earum projectio perspectiva convergere debet. Jam vero oculo per eundem radium repræsentatur punctum concursus parallelarum objectivarum, & punctum concursus earum projectionis; quare necesse est, ut punctum concursus projectionis sit illud in plano tabulæ, per quod transit recta ab oculo ad punctum concursus linearum objectivarum ducta. Sed quoniam punctum concursus parallelarum objectivarum infinite distat ab oculo, recta ex oculo ad hoc punctum ducta est iisdem parallela; ergo punctum concursus projectionis perspectivæ linearum objectivarum inter se parallelarum est illud plani tabulæ, producti si opus sit, in quod cadit recta ex oculo ad parallelas objectivas parallele ducta.

344. COROLL. I. Si parallelæ objectivæ simul sint parallelæ ad planum tabulæ, recta ex oculo ad punctum earum concursus apparentis ducta, nusquam potest occurrere tabulæ plano, utpote cui parallela quoque est: igitur neque dari potest punctum concursus earum projectionis, sive earum projectiones perspectivæ sunt etiam parallelæ inter se. Hinc si tabula sit verticalis, sive ad horizontem perpendicularis, omnium verticalium objectivarum projectiones sunt rectæ verticales; & projectiones omnium horizontalium, sive ad libellam ductarum, simulque ad planum tabulæ parallelarum, sunt rectæ in tabula ad libellam ductæ. Projectiones item rectorum objectivarum cum plano tabulæ parallelarum, sed ad horizontem inclinatarum, sunt etiam parallelæ in tabula, & tantundem ad horizontem inclinatæ.

345. COROLL. II. In tabula verticali projectiones omnium rectorum objectivarum, quæ ad libellam ducuntur, simulque ad planum tabulæ sunt perpendiculares, debent concurrere in puncto visus tabulæ. Dicitur enim punctum visus, in quod cadit recta ex oculo ad planum tabulæ perpendicularis, consequenter ad rectas objectivas parallela.

346. THEOREMA II. Si recta objectiva sit plano tabulæ parallela, & in partes æquales divisa, etiam ejus projectio perspectiva erit recta in partes æquales divisa: at si recta objectiva plano tabulæ non sit parallela, ejus projectio non dividitur in partes æquales.

DEMONSTR. Sit AB (fig. 45) recta objectiva trifariam secta in C, D , & plano tabulae GH parallela; sit O locus oculi; erit ab projectio rectae AB . Manifestum, ductis rectis OA, OC, OD, OB , triacula $AOC, aOc; COD, cOd; DOB, dOb$ esse similia (Elem. 510). Cum itaque bases AC, CD, DB aequales sint: etiam iis homologae ac, cd, db aequari inter se debent. At vero si PQ exhibeat situm tabulae ad rectam AB inclinatae, triacula $\alpha O\beta, \beta O\gamma, \gamma O\delta$ non amplius sunt similia triangulis correspondentibus AOC, COD, DOB ; adeoque cum bases AC, CD, DB inter se aequales sint, bases $\alpha\beta, \gamma\beta, \gamma\delta$ inter se aequales esse non possunt.

347. COROLLARIUM I. Ex similitudine triangulorum sequitur, partes projectionis perspectivae alicujus rectae ad tabulam parallelam & in partes inaequales divisae, etiam inaequales esse debere, verum proportionales partibus homologis rectae objectivae; atque adeo projectionem perspectivam figurae ad tabulam parallelam esse similem figurae objectivae.

348. COROLL. II. Lineae perspectivae, quae in tabula sunt parallelae, sunt in eadem ratione divisae, ac earum objectivae; sed lineae perspectivae in tabula convergentes, non dividuntur in ea ratione, in qua sectae sunt earum objectivae, utpote cum in hoc casu istae (objectivae) nequeant esse parallelae ad tabulam.

349. THEOREMA. III. *Projectio perspectiva ejusdem lineae objectivae semper est ejusdem magnitudinis in tabula, quemcunque situm respectu horizontis habeat, & quaecunque ponatur distantia ab oculo, modo semper sit in plano eodem ad tabulam parallelo.*

Idem intelligendum est de quocunque lineis objectivis inter se aequalibus, & de lateribus polygoni, quemcunque situm in plano eodem tabulae parallelo habeant.

DEMONSTR. Quamvis hoc theorema evidenter consequatur ex dictis NN. 341, & 347; illius tamen veritas luculentior erit e sequente ratiocinio. Cogitetur recta data objectiva circa unum extremum immotum rotari, altero circulum in plano ad tabulam parallelo describere. Radii ex oculo ad omnia hujus circuli peripheriae puncta ducti constituent pyramidem conicam (sive conoides) plano tabulae basi parallelo sectam. Ergo projectio perspectiva basis erit itidem circulus in tabula. Ulterius concipiantur omnem diametri hujus circuli objectivi indefinite produci versus omnem partem, & in eas productas transferri continuo longitudo radii: fiet, ut hac ratione omnes in partes aequales dividantur, & quaelibet talis pars considerari potest tanquam linea objectiva data, in alio semper, alioque situ, quem habere potest. Sed

(346) projectiones harum partium æqualium sunt pariter inter se æquales ; ergo projectio perspectiva rectæ ejusdem objectivæ, quemcunque situm in plano eodem ad tabulam parallelo habentis, est magnitudinis constantis, five ejusdem.

350. PROBLEMA FUNDAMENTALE. *Datis positione plano tabulæ, loco oculi, & puncto objectivo post tabulam, invenire ejus projectionem perspectivam in tabula.*

Pro resolutione Problematis notandum est, situm alicujus puncti in spatio absoluto non posse determinari, nisi per ejus distantias a tribus planis datis diversum inter se situm habentibus. Fit autem hæc determinatio commodissime, si tria plana data sibi perpendiculariter insistant; atque id etiam in praxi Perspectivæ observatur. Supponi enim solet imprimis planum indefinitum HR (fig. 46) per oculum in O positum transiens: situs hujus plani est ad libellam, seu horizontalis, unde etiam *planum horizontale* dicitur. Præcipuus illius usus est, ut distinguantur objecta *superne* & *inferne* posita; quidquid enim in plano hoc existit, cum sit in linea libellæ oculi, nec *infra*, nec *supra* esse dici potest; quæ autem sunt supra hoc planum, oculo altiora; & quæ infra idem sunt, oculo depressiora sunt.

Dein assumitur alterum planum indefinitum VC , pariter per oculum O transiens, & verticaliter, seu ad perpendiculum erectum, ideoque etiam *planum verticale* vocatur. Servit, ut discrimen statuatur inter objecta dextima & sinistima: nam quæ in hoc plano collocata sunt, directe opponuntur oculo. Est hoc planum ad alterum HR perpendiculare; utpote verticale ad horizontale. Tandem sumitur planum tabulæ TB ad aliquod intervallum ab oculo & perpendiculare planis horizontali & verticali, ut adeo omnia tria sint perpendicularia inter se, singula binis quibusvis.

Linea horizontalis tabulæ hr , est interseccio plani horizontalis cum plano tabulæ. *Linea verticalis* tabulæ ut est interseccio plani verticalis cum plano tabulæ. *Punctum visus* tabulæ est punctum a , in quo linea horizontalis secatur lineam verticalem. *Radius principalis* est pars Oa interseccionis plani verticalis cum plano horizontali, quæ metitur distantiam oculi a plano tabulæ.

351. I. RESOLUTIO PER CALCULUM. Sit datum punctum D , cujus projectio d in plano tabulæ TB petitur. Demittantur ex hoc puncto D in planum horizontale HR , & in planum verticale VC , perpendicula DI , DS ; ducatur ex I recta IA in planum horizontale ad verticale perpendicularis; & ex S altera SA in planum verticali ad planum horizontale perpendicularis. Patet, $DSAI$ esse parallelogrammum rectangulum, cujus planum est norma.

normale ad plana verticale VC , & horizontale HR , ideoque parallelum plano tabulæ TB . SA , five DI , est mensura distantiae puncti dati D a plano horizontali, five ejus altitudo supra libellam oculi: & DS , seu IA metitur ejusdem distantiam a plano verticali, seu quantum objectum respectu oculi sit sinisterius. Denique pars Aa intersectionis planorum verticalis & horizontalis, (quæ adeo ad planum tabulæ normalis est) mensura est distantiae parallelogrammi $DSAI$ a plano tabulæ, consequenter etiam puncti dati D . His positis, cum punctum D detur positione, dantur hoc ipso tres distantiae dictæ DI , DS , Aa magnitudine.

Ducantur ex loco oculi O rectæ OI , OD , OS ; habebitur pyramis quadrangularis $ODSAI$, per planum tabulæ basi parallelæ secta in $dsai$. Ergo (340) rectangulum $dsai$ est projectio perspectiva rectanguli $DSAI$, & d puncti dati D . Evidens quoque est, rectangulum $dsai$ esse simile rectangulo $DSAI$, utpote cum sint elementa ejusdem pyramidis sectionibus parallelis formata: hinc latera rectanguli $dsai$ proportionalia sunt lateribus homologis rectanguli $DSAI$; & ob triangula Oas , OAS similia, habetur $OA : Oa = AS : as$; ergo etiam est OA ad Oa , ut quodvis latus rectanguli $DSAI$ ad latus homologum rectanguli $dsai$: ergo (Elem. 686) sequentes duæ habentur analogiæ: OA (five $Oa + aA$): $Oa = AI$ (seu DS): ai five ds : & OA (vel $Oa + aA$): $Oa = AS$ (vel DI): as vel di , ex quibus duæ dantur regulæ, aut analogiæ pro solutione generali Problematis per calculum

I

*Ut radius principalis plus distantia objecti a plano tabulæ est
Ad radium principalem;
Ita est distantia objecti a plano verticali
Ad distantiam sui puncti perspectivi a linea verticali tabulæ.*

II

*Ut radius principalis plus distantia objecti a plano tabulæ est
Ad radium principalem;
Ita est distantia objecti a plano horizontali
Ad distantiam sui puncti perspectivi a linea horizontali tabulæ.*

352. EXEMPLUM. Supponamus oculum distare a tabula 6 pedibus seu 72 digitis; punctum vero objectivum ab eadem remotum esse 15 pedibus, vel 180 digitis; 4 pedibus, five 48 digitis supra libellam oculi elevatum; & 7 pedibus, five 84 digitis versus sinistram a plano verticali dissitum. Oporteat jam hujus puncti projectionem perspectivam invenire.

Sit

Sit (fig. 49) $L T A B$ margo tabulæ datæ, quem rectangulum suppono. Assumatur in tabula punctum a , cui oculus directe est opponendus, sive punctum visus tabulæ: ducatur per idem punctum recta $t u$ ad marginis latera $T A$, $L B$ normalis (quod si margo tabulæ non esset rectangularis, ita ducenda foret $t u$, ut, cum perfecta delineatione tabula loco destinato collocatur, situm habeat verticalem); erit hæc linea verticalis tabulæ; agatur etiam recta $h r$ lateribus $T L$, $A B$ perpendicularis per idem punctum a (vel si margo non sit rectangulus, ut sit normalis ad $u t$), quæ erit linea horizontalis tabulæ.

Fiant tum hæ duæ proportionēs: $72 + 180 : 72 = 48 : x$;

$$72 + 180 : 72 = 84 : y.$$

his rite solutis, obtinebitur $x = 13, 71$, seu 13 dig. $8\frac{1}{2}$ lin. quæ est distantia puncti projectionis d quæsitæ a linea horizontali tabulæ $h r$, & supra eandem accipienda; y autem fiet $= 24$ digitis, quæ est distantia ejusdem puncti d versus sinistram a linea verticali $u t$.

Designatio ipsa hujus puncti d in tabula variis modis fieri potest. Subjiciemus eos, qui commodiores, & exactiores videntur.

353. I. Si margines tabulæ sint rectanguli, accipiantur in lateribus $T L$ & $A B$ puncta E , & e a punctis h & r lineæ horizontalis 13 dig. $8\frac{1}{2}$ lin. remota, & agatur per ea linea cæca $E e$, in qua (per primam analogiam) situm esse debet punctum perspectivum quæsitum. Simili ratione ad partem sinistram lineæ verticalis in lateribus $T A$, $L B$ accipiantur puncta b & K ab u & t lineæ verticalis 24 digitis distantia, ducaturque per ea linea cæca, in qua (per analogiam alteram) pariter esse debet punctum quæsitum, quod adeo erit intersectio d linearum $E e$, $b K$.

In praxi, cum hoc modo utimur, qui pro majoribus tabulis est accuratissimus, opportune latera marginis in digitos, aut etiam in lineas dividuntur, initio divisionum in punctis $t, u; r, h$ sumto; ex t scilicet versus L ; dein versus B pergendo; ex u versus T & A ; ex h versus T & L iisdem divisionibus translatis; ut etiam ex r versus A , & B . Ex his etiam illud commodi emerget, ut facile duci possint perpendiculares, & ad horizontalem parallelæ, id quod fieri frequentissime oportet, quando plurium objectorum delineatio optica facienda est.

354. II Si margines tabulæ non sunt rectanguli, accipiat in linea verticali $t u$ punctum s supra punctum visus a 13 dig. $8\frac{1}{2}$ lin. ac per illud agatur $E e$ ad verticalem perpendicularis. Tum accipiat in linea horizontali punctum i a puncto a versus sinistram 24 digitis distans, & ducatur per illud perpendicularis $K b$; intersectio harum perpendicularium erit punctum d quæsitum. Modus

hic commodè adhibetur pro tabulis minoribus, cum præcipue ope duplicis gnomonis labor excitandi perpendiculares evitetur.

355. III. Potest quoque punctum d determinari, quin ulla linea ducatur, idque ope duplicis circini, hunc in modum. Crura unius circini aperiantur accurate ad distantiam puncti quæsi a linea verticali, alterius ad distantiam ejusdem a linea horizontali. Tum crure unius circini altero in puncto visus a fixo, notetur altero in linea horizontali punctum i ; similiter ope alterius notetur in linea verticali punctum s . Denique circino priore manu altera, altera posteriore prehenso, figatur crus unum illius in i , hujus in s ; ubi reliqua duo crura in tabula conveniunt, punctum quæsitum d esse debet.

356. II. RESOLUTIO GRAPHICA. Sit TB (fig. 47 & 48) planum tabulæ, ut ejus linea verticalis; rh horizontalis; a punctum visus, D punctum objectivum datum. Transeat per D planum horizontale KF , parallelum lineæ horizontali rh ; sit XZ intersectio hujus plani cum plano verticali, quod concipitur per ut & XZ transire; BY sit intersectio plani KF cum plano tabulæ. Ex puncto D demittatur ad BY perpendicularum DE , quod metitur ejus distantiam a plano tabulæ; punctum E , in quod cadit in tabula, dicitur punctum incidentiæ: jungantur puncta visus a & incidentiæ E recta aE ; transferatur distantia DE objecti a tabula in rectam BY , ex E in G ; (perinde est, si punctum G versus B , si versus Y accipiatur): dein in lineam horizontalem hr ita transferatur ex puncto visus a radius principalis aO , ut punctum O in partem alteram respectu puncti G cadat, hoc est, ad partem dextram puncti visus a , si G fuerit ad sinistram puncti incidentiæ E , & vicissim: ducatur OG ; ejus intersectio d cum aE erit punctum perspectivum dati D .

DEMONSTR. Ducatur per d recta LN parallela verticali ut , ac ideo ad horizontalem hr & ad BY perpendicularis; erunt triangula dGE , dAO similia, eorumque altitudines dN , dL in ratione laterum homologorum (Elem. 578); itaque $Oa : GE = dL : dN$, & (Elem. 304) $Oa + GE : Oa = dL + dN$ (seu at) : dL , quæ est prima analogia resolutionis prioris, cum at sit altitudo oculi supra planum libellæ, in quo objectum ponitur, ideoque distantia objecti a plano horizontali. Denique quia parallelas dL , ut secat recta aE , triangula adL (seu asd), & atE similia sunt, & hinc $at : as$ (five dL) = tE (seu DS) : ds . Atqui ostendimus esse $Oa + GE : Oa = at : dL$; ergo etiam $Oa + GE : Oa = DS : ds$, quæ est secunda analogia resolutionis primæ.

357. OBSERVA. Evidens est, constructionem Problematis manere eandem, seu ponatur planum tabulæ perpendiculariter erectum supra planum KF , seu cum eo congruere, modo linea BY repræsentet sectionem tabulæ cum plano KF , & linea verticalis tu maneat in linea ZX ejusdem plani KF . Atque sic rem habere supponendum erit in prioribus duabus methodis, quas sequente Capite allaturi sumus.

Ex hac secunda solutione praxes variæ deductæ sunt, quæ passim in libris de Perspectiva conscriptis traduntur; præcipuas subjungemus.

CAPUT II.

Describuntur præcipuæ Methodi Perspectivæ Practicæ.

I METHODUS

Per Craticulam Perspectivam.

358. **C**onstruitur imprimis quadratum $ABDE$ (fig. 51), quod exhibet planum objectivum tabulæ, hoc est, totum spatium, quod objecta delineanda in plano occupant. Dicitur etiam *planum Geometricum*. Quadratum hoc dividitur in plura alia, quam fieri potest, parva; & posito, quod margo inferior tabulæ AB congruat cum latere AB quadrati AD , ducitur in plano tabulæ linea horizontalis QO ad eam altitudinem, quæ commoda visa fuerit; uti etiam linea verticalis VI , prout oculus spectatoris vel directe medio tabulæ opponendus est, vel ad alterutram partem collocandus, ita, ut S sit punctum visus, SI altitudo oculi supra planum Geometricum. Ex puncto S ad singulas divisiones lateris BA ducuntur rectæ SB, SG, SI, SC, SM, SA . Radius principalis (ejus longitudinis, quæ opportuna judicatur, ut tantundem oculus a tabula distet) utrinque ex puncto S in lineam horizontalem (etiam productam, si opus sit), velut in O & Q , transfertur. Ex utroque hoc puncto ad puncta divisionum lateris AB , aguntur rectæ OB, OG, OI, OC, OM , & QA, QM, QC, QI, QG, QB , quarum intersectiones $e, k, l, n, r; d, t, p, f, h$, cum rectis SA, SB determinant puncta, per quæ ductæ rectæ de, tk, pl, fn, hr cum rectis gG, il, cC, mM constituunt trapezia majori $BdeA$ inclusa, quæ omnia sunt projectio perspectiva quadrati $BDEA$, atque minorum in eo contentorum. Trapezium

BdeA craticula perspectiva vocatur. Pro demonstratione, quod *BdeA* sit projectio perspectiva quadrati *BDEA*, manifestum est (356) punctum *A* esse punctum incidentiæ puncti *E*, & *AB* esse æqualem distantiae puncti *E* a plano tabulæ; igitur intersectio *e* rectarum *SA*, *OB* est punctum perspectivum puncti *E*. Eodem modo puncti *K* punctum incidentiæ est idem *A*, & $AG = AK$; ergo puncti *K* projectio perspectiva est *k*, ubi rectæ *SA*, *OG* se interfecant. Idem est de ceteris omnibus punctis quadrati *ABDE*.

359. SCHOLIUM. Equidem ex constructione patet, craticulam perspectivam describi posse independenter a puncto *S*, ex datis solum *O* & *Q*; cum rectæ ex *O* & *Q* ad divisiones lateris plani Geometrici *AB* ductæ, intersectionibus suis determinent diagonales trapeziorum, quæ in craticula describuntur, adeoque his datis etiam ipsa trapezia construi possint. Verum modus, quem dedimus, accuratior est; cum enim rectæ *Gg*, *Ii*, *Cc* in puncto visus *S* concurrere debeant (345); exactius versus illud tendunt, si ipsum punctum *S* adhibeatur, quam si solum utamur angulis trapeziorum.

Rectæ *dB*, *gG*, *iI*, *cC* &c, quarum divisiones inæquales repræsentant partes æquales rectarum *BD*, *GR*, *IX*, *CY* &c, dicuntur *Scalæ decrescentes longitudinum*, quod ferviant *diminuendis* dimensionibus objectorum ea ratione, qua diversæ eorum partes magis a tabula distant. Et parallelæ *hr*, *fn*, *pl* &c sunt *scalæ decrescentes latitudinum & altitudinum*, cum ad *diminuendas* latitudines, & altitudines objectorum in distantiarum a tabula ratione adhibeantur.

360. USUS CRATICULÆ PERSPECTIVÆ. Quoniam craticula perspectiva exhibet in tabula spatium quadrati Geometrici *BDEA*, manifestum est, quod si planum alicujus objecti, cujus projectio perspectiva petitur, delineetur in hoc quadrato, ita ut divisiones ejusdem spectentur tanquam scala dimensionum plani delineati, facile quoque projectio perspectiva fieri possit. Ut si v.g. quadratum in plano Geometrico oblique ad tabulam situm perspective delineare velim, cujus singula latera sint trium pedum; construo quadratum *BAED* (fig. 52), cujus singulæ divisiones sint unius pedis, aut saltem unum pedem exhibeant, ac intra hoc alterum oblique positum *IMNO*, cujus singula latera æquentur tribus divisionibus lateris quadrati Geometrici, situmque datum habeant. Tum in craticulæ perspectivæ areolis correspondentibus quadratulis plani Geometrici, in quibus sunt puncta *I*, *M*, *N*, *O*, designo puncta *i*, *m*, *n*, *o*, ut singula sint ad areolarum partes homologas. Ductis *mi*, *io*, *on*, *nm* habeo trapezium *ionm* perspectivum quadrati *IONM*, ut per se liquet.

361. Si

361. Si quadratum $IONM$ sit basis cubi perspective delineandi, præterea e punctis i, m, n, o erigi debent perpendiculares ad horizontem iF, mP, nQ, oH ; & quoniam altitudo cubi objectivi est æqualis tribus divisionibus lineæ AB quadrati geometrici; singulæ dictæ perpendiculares fiant æquales triplæ latitudini areolæ illius, cui quævis insistit, & acceptæ ope cricini in lineis horizontalibus, quæ per puncta i, m, n, o , transeunt. Denique ducantur QP, PF, FH, HQ ; habebitur projectio perspectiva cubi. Nam rectæ Plana verticalia cubi objectivi terminantes, plano basis sunt perpendiculares; igitur (344) earum projectiones debent esse rectæ verticales, sive parallelæ ad VK ; & quia earum dimensio objectiva æquatur triplici divisioni quadrati geometrici; earundem altitudo perspectiva æqualis est triplici latitudini trapeziolorum craticulæ, acceptæ in eodem plano (parallelo scilicet ad planum tabulæ), in quo ea altitudo collocari debet.

362. OBSERVA I. Facile apparet, in hisce operationibus supponi quadratum geometricum esse respectu oculi post tabulam; ideoque necesse est, ut objecta, quæ in tabula tanquam anteriora, & oculo propiora repræsentanda sunt, propius ad AB , latus maximum craticulæ perspectivæ, delineentur; quæ vero remotiora apparere debent, constituenda sunt versus latus quadrati DE .

363. II. si in plano objecti, cujus delineatio ex legibus Perspectivæ facienda est, vel in pluribus ejusdem planis, aut in planis inter se parallelis, descriptæ sint plures lineæ parallelæ inter se, uti v. g. sunt membra ornatus Architectonici, tum ut labori parcat, tum ut accuratiōni consulatur, determinandum est punctum earum concursus (quod earum *punctum accidentale* dici solet). Jam vero quando hæ parallelæ sunt simul horizontales, quod quam sæpius accidit, earum punctum concursus est in linea horizontali tabulæ, ita, ut, si habeatur projectio unius ex illis, tantum opus sit hanc projectionem usque ad lineam horizontalem producere; punctum, in quod cadit, est simul reliquarum punctum accidentale. Cum enim supponantur omnes parallelæ simul esse ad libellam ductæ, radius ex oculo ad easdem parallelus debet duci in plano horizontali, ergo tabulæ nullibi occurrere potest, quam in linea horizontali.

Itaque habita semel projectione perspectiva nm rectæ objectivæ NM , eandem projectionem produco in R , quod est punctum accidentale projectionis rectæ objectivæ OI , & duarum basis superioris, quæ sunt ad NM , & OI parallelæ. Idem est de puncto L , in quo concurrere debent projectiones parallelarum ON, IM , hisque correspondentium in basi superiore cubi. At si parallelæ objectivæ non sint ad libellam ductæ, opus est, ut duarum repe-

riantur projectiones, quæ in eam partem, in quam convergunt, productæ concursu suo determinant punctum accidentale omnium reliquarum.

364. III. Ut repleatur vacuum extra latera craticulæ perspectivæ relictum, rectæ *de*, *tk*, *pl* &c (fig. 51) utrinque produci possunt usque ad tabulæ margines, & divisiones lineæ *de* in utramque partem productam transferri; si dein ex puncto visus *S* ad puncta harum divisionum ducantur rectæ, donec occurrant marginibus tabulæ, efficient cum *kt*, *lp* &c productis nova trapezia, sive projectiones perspectivæ quadratulorum, quæ ex utroque latere quadrati geometrici *BAED* adhuc addi possunt, quo spatium plani geometrici capacius reddetur.

365. IV. Quando tabulæ minores faciendæ sunt, & objecta sub diversis obliquis sitibus repræsentanda, usus craticulæ perspectivæ commendandus est. Verum pro magnis tabulis hæc methodus locum non habet, præcipue, si objecta magno numero, & inter se distantia dantur; tunc enim planum Geometricum iis sufficiens construi nequit. Quod si tamen tam magnum haberi possit, ut omnia objecta sub dimensionibus subduplis, subtriplicis, vel subquadruplicis capiat, hæc in craticula separatim perspective delineari poterunt; sed dein in tabula ad id destinata rursus depingenda, lineis, quæ in craticula descriptæ sunt, duplicatis, triplicatis, vel quadruplicatis; eritque objectorum projectio ejusmodi tanto accuratior, quanto minus dimensiones ex craticula acceptæ augeri debuerunt.

366. V. Omitti etiam potest descriptio quadratulorum in plano Geometrico, si accurata tabella conscribatur, quæ dimensiones, situm, & distantiam objectorum in tabula exhibendorum contineat. Tum enim latere infimo tabulæ in tot, quot libuerit, partes æquales diviso, quarum quævis digitum, pedem, hexapedam, aut generatim mensuram eam repræsentet, juxta quam tabella magnitudinum conscripta est, & quæ *modulus* dici poterit, craticula his divisionibus conveniens fiet, cujus singula trapezia digitum quadratum, aut pedem, vel hexapedam quadratam, aut denique *modulum quadratum* valebunt. Unde objecta delineanda eo modo, quo tabella magnitudinum exigit, in craticula collocari poterunt.

II M E T H O D U S

Sine Craticula perspectiva.

367. In hac methodo, ut in præcedente, supponitur planum basis objecti delineandi *EFGHI* (quod in præsentem exemplo est pri-

prisma pentagonum) (fig. 50) in ea distantia a limbo inferiore tabulæ in plano geometrico constructum esse, in qua apparere debet.

Ducatur in plano tabulæ linea verticalis VK , atque paullo ultra planum basis objecti continuetur; fiat item horizontalis SP , in qua accipiatur SO , æqualis radio principali, versus utramque partem puncti S . Tum ab angulo B marginis infimi tabulæ abscindatur BC altitudini prismatis objectivæ æqualis, jungaturque C cum extremo puncto lineæ horizontalis P . Inveniatur per constructionem superius descriptam (356) omnium angulorum prismatis projectio perspectiva: exempli causa pro angulo E , accipiatur circino ejus distantia a linea verticali VK , & transferatur ex K in D , erit D punctum incidentiæ anguli E . Accipiatur præterea ejusdem distantia a margine tabulæ AB , & transferatur ex D in N , in partem scilicet oppositam puncto O respectu D ; ducantur SD , ON ; harum intersectio e erit projectio perspectiva puncti E .

Repertis hac ratione projectionibus reliquorum angulorum pentagoni, excitentur ex iis perpendiculares eT , fL , gM &c, quæ fiant æquales lineis $\epsilon\tau$, $\phi\lambda$, $\gamma\mu$ &c inter PC & PB interceptis ex parallelis ad AB , quæ e singulis punctis e , f , g &c ducuntur. Reliqua peragantur ut priore methodo; erit eadem demonstratio.

368. Observationes, quas priore articulo subjunximus, hic quoque locum habent. Potest etiam fieri exacta distributio objectorum delineandorum, & tabella tum distantiarum a linea verticali, tum a limbo tabulæ AB singulorum punctorum, quorum projectio petitur, conscribi, cujus ope, ut superius dictum est, puncta D & N reperiantur; uti etiam tabella altitudinum pro punctis supra basin objectorum elevatis. Delineatio perspectiva eo erit accuratior, quo ichnographia, & objectorum altitudines exactius fuerint acceptæ; & id quidem, quamvis singulis pedibus dimensionum objectivarum non nisi duæ vel tres lineæ in scala moduli respondeant.

III M E T H O D U S

Per margines scalares.

Hæc methodus priores duas includit, atque alia præterea habet commoda, ob quæ iis merito præferatur, quorum unum e præcipuis est, quod delineatio æque ope angulorum figurarum, ac laterum perfici possit. Unde in ea describenda paullo prolixiores erimus, quam in præcedentibus.

Con-

Constructio marginum scalarium.

369. Constituto in tabula puncto visus S (fig. 53), ducatur per illud linea horizontalis H S Q, atque utrinque, quantum fieri potest, ultra tabulam prolongetur. Fiat etiam linea verticalis V T, in qua accipiatur punctum C seu versus V, seu versus T, ita, ut S C æquetur radio principali. Centro C radio quovis (quo hic fuerit longior, eo divisio fiet accuratior) describatur arcus A B, 60, vel 70 graduum circiter, qui in singulos, vel in denos saltem gradus dividatur, initio ad A facto. Ex C per singula divisionum puncta ducantur rectæ occurrentes lineæ horizontali, quæ hac ratione una ex parte divisa erit. Tum eædem ejus divisiones ex puncto S in alteram partem transferantur, ut utrinque æqualiter dividatur tota ejus longitudo. Compendii causa ad C A applicari potest instrumentum *Transportatorium* in suos gradus accurate divisum, & ope fili tenuis in ejus centro fixi, & per singulos gradus tensi, in linea horizontali puncta divisionum notari.

370. Et quia ex hac constructione manifestum est, divisiones lineæ horizontalis a puncto S computatas esse tangentes angulorum ad C, sinu toto existente C S; eædem multo accuratius reperientur, si construatur separatim scala R D in quotvis partes æquales divisa, ita tamen, ut earum 10 æquantur radio principali, quæ iterum in denas minores subdividi poterunt, & harum quævis rursus in denas alias, quo fiet, ut radii principalis partes millesimæ habeantur. Quodsi si jam e tabula tangentium excerpan- tur competentes numeri, iidem ex scala parata facile in lineam horizontalem transferentur.

371. In margine infimo tabulæ F E accipiantur (incipiendo ab extremo F & pergendo versus E) tot, quot libet, partes æquales, quæ sint *modulus* dimensionum objectorum delineandorum; & ex puncto Q, accepto in horizontali producta ad distantiam a P æqualem radio principali, ducantur ad eas lineæ cæcæ, vel vero applicata regula notentur puncta intersectionum in linea F G, adscriptis notis 1, 2, 3, 4 &c. Eædem divisiones transferantur ab E in latus E K.

372. Denique in marginem F E ex utraque parte puncti T transferantur partes æquales 1, 2, 3, 4 &c illis, ad quarum divisionum puncta prius lineæ cæcæ ex Q ductæ fuerunt, quarum intersectione latus F G divisum est. Quin majoris commoditatis gratia eædem partes æquales transferantur ex puncto V in utramque partem marginis supremi tabulæ, iisdemque numeris notentur. Atque ita constructio marginum scalarium absoluta erit.

Ex

Ex his marginibus scalaribus divisiones lineæ horizontalis serviunt projectioni perspectivæ linearum ad libellam ductarum, quæ ad planum verticale sunt obliquæ. Divisiones marginum dextri & sinistri sunt *scalæ decrecentes* longitudinum proportionatæ objectorum a tabula distantis; & divisiones superioris & inferioris sunt *scala frontis*, sive objectorum in ipsa fronte, sive margine tabulæ FE constitutorum, & ad planum tabulæ parallelorum, modulus.

373. Constructionem marginum scalarium rite factam esse, ut demonstretur, concipiatur *primo* centrum C ita elevari supra punctum visus S, ut planum trianguli SCH sit ad planum tabulæ normale. Liquet punctum C tunc fore locum oculi, atque gradus arcus AB centro C descripti esse mensuram angulorum ad oculum, quos efficiunt lineæ in plano horizontali descriptæ, & ad planum verticale obliquæ; quare recte in linea horizontali notari possunt puncta, ad quæ radii ex oculo per singulos gradus ducti terminantur. *Secundo* cogitetur similiter, quod linea QP elevetur perpendiculariter ad planum tabulæ, ut angulus SPQ sit rectus, linea vero FE sit ad idem planum, sed ex parte altera ab oculo averfa, normalis, atque propterea planum, in quo sunt rectæ ex Q ad puncta divisionum FE ductæ, sit ad planum tabulæ perpendiculare, FG existente communi utriusque intersectione. Patet, divisiones FE fore distantias a tabula in plano Geometrico producto acceptas. Exempli causa, FN designet unitatem moduli distantiae ultra tabulam, erit FI ejus projectio perspectiva; nam ob triangula rectangula QPI, FNI similia est $PQ : FN = PI : FI$; igitur etiam $PQ + FN : PQ = PI + FI$ (seu PF) : PI, quæ cum sit ex primis analogiis resolutionis generalis (351), sequitur, punctum I esse projectionem puncti N. Idem est de aliis divisionibus.

374. COROLL. Ex his constat, quod si nequeat sufficienter produci planum tabulæ, ut divisiones in marginibus dextro & sinistro, quot requiruntur, obtineantur, eæ facili calculo reperiri possint; id, quod faciendum quoque est pro majoribus tabulis. En hujus rei exemplum!

Sit radius principalis SC decem pedum, aut generatim decem unitatum moduli; altitudo oculi supra planum Geometricum 6; ut obtineantur distantiae P1, P2, P3 &c, quarum intervalla singula singulis moduli unitatibus respondeant, faciendæ sunt sequentes proportionēs.

ut	10 + 1	-	-	-	-	5, 45 = P	1
	10 + 2	-	-	-	-	5, 00 = P	2
	10 + 3	-	-	-	-	4, 61 = P	3
	10 + 4	-	-	-	-	4, 29 = P	4
	10 + 5	-	-	-	-	4, 00 = P	5
	10 + 6	sunt ad 10; ita 6 ad				3, 75 = P	6
	10 + 7	-	-	-	-	3, 53 = P	7
	10 + 8	-	-	-	-	3, 33 = P	8
	10 + 9	-	-	-	-	3, 16 = P	9
	10 + 10	-	-	-	-	3, 00 = P	10
	10 + 11 &c	-	-	-	-	2, 86 = P	11 &c.

Unde ex scala in partes decimales (quarum in præsentem exemplo distantia lineæ horizontalis a margine infimo tabulæ contineat 6, 00) facile erit in marginibus lateralibus tabulæ divisionum puncta accurate notare, quotquot delineationi necessaria fuerint.

375. Alter modus dividendi margines laterales, sua facilitate se commendat, estque prioribus duobus expeditior, nisi quod magnam circumspeditionem, ut errores vitentur, exigat; ideoque tum commodissime adhibendus, quando solummodo majoribus divisionibus opus, uti si minores objecti partes paucæ sunt, & tantum præcipua quædam puncta designanda, quæ constituendis ceteris serviant, vel dum res non finit, ut tam minutim sequamur regulas, sed naturali quadam æstimatione rariusve, adumbrandum est objectum.

Mensura, quæ pro unitate moduli assumpta est, transferatur in marginem inferiorem tabulæ ex F in N (fig. 54), & radius principalis ex P in Q ad eandem partem puncti N; ducantur PN, QF: ex puncto intersectionis a demittatur ad PF perpendiculum a1; ducatur Q1, & ex b, ubi fecat PN, rursus demittatur perpendicularis b2 ad PF: tum iterum ducatur Q2, & ex puncto intersectionis c cum PN, perpendicularis c3 ad PF, & sic deinceps, donec tot divisiones habeantur, quot opus est.

376. DEMONSTR. Quoniam QP, NF sunt parallelæ, erunt triangula QPa, NFa similia: itaque PQ:FN = Pa:aN; & PQ+FN: PQ = Pa+aN (seu PN): Pa. Sunt vero etiam triangula rectangula PNF, Pa1 similia; ergo PN:Pa = PF:P1; consequenter PQ+FN: PQ = PF:P1, quæ est analogia, juxta quam divisio facienda erat.

Observanda circa lineam horizontalem tabulæ.

377. Si supponamus spectatoris oculum ita respectu tabulæ collocatum, uti debet, cum projectio perspectiva perfecta est, atque ei per tabulæ quadrum (quæ ideo instar vitri transparens supponitur) patere liberum aspectum plani indefiniti, continui, & ad li-

libellam positi, manifestum est, quod hæc planities ei appareat usque ad circulum procurrere, qui cæli superficiem aspectabilem a tellure separare videtur (*qui horizon cælestis dicitur*). Jam vero projectio perspectiva hujus circuli non potest esse nisi linea recta: cum enim hic circulus habeat centrum in ipso spectatoris oculo, radii ex eo ad omnia circumferentiæ illius conspicuæ puncta ducti sunt in eodem plano: itaque eorum intersectio cum plano tabulæ est intersectio binorum planorum, quæ necessario linea recta est (Elem. 629). Patet igitur, hanc esse lineam horizontalem tabulæ, quæ adeo est projectio perspectiva portionis horizontis cælestis, spectatori visibilis, ejusque divisiones sunt projectio graduum ejusdem.

378. Quoniam oculus centrum est horizontis cælestis, sequitur, quod si duæ lineæ objectivæ in plano libellæ per oculum transeunte convergant ad aliquem angulum in oculo, gradus horizontis, & consequenter divisiones lineæ horizontalis tabulæ, metiantur hunc angulum, ideoque earum ope linearum objectivarum inclinatio optice repræsentari possit. Et quia omnia plana inter se parallela ad distantiam infinitam ab oculo videntur concurrere; planum geometricum, & universim omne planum libellæ convergit cum plano horizontali per oculum transeunte, donec in horizonte cælesti cum eo coincidat. Atque hinc *linea horizontalis tabulæ est linea concursus projectionum omnium planorum ad libellam positorum*.

Planorum omnium ad libellam positorum, quibus insistent objecta delineanda, distantia a se invicem finita est, cum interim horizontis cælestis peripheria infinite ab oculo distat; igitur intervallum inter ea plana infinite parvum est respectu distantiae ab oculo, ad quam concurrere videntur; atque adeo omnia plana ad distantiam finitam supra vel infra oculum ad libellam posita, respectu horizontis cælestis, & consequenter respectu lineæ horizontalis tabulæ, quæ illius projectio est, instar unius cum eodem horizonte cælesti congruentis considerata sunt, verticali per oculum transeunte, seu perpendiculari eorum distantiam inter se metiente, evanescente, & rationem puncti cum centro horizontis coincidentis non excedente.

Unde angulus, qui fit a duabus rectis in plano quopiam ad libellam posito convergentibus, atque verticem in verticali per oculum transeunte habet, non aliter spectari debet respectu peripheriæ horizontis cælestis, sive lineæ horizontalis tabulæ, quam si fieret in ipso oculo: quare ejus mensura erunt etiam divisiones lineæ horizontalis, earumque ope optice delineari poterit.

Denique cum objecta quævis, quæ ab oculo distincte cerni possunt, ideoque in tabula delineari, habeant distantiam tum inter se, tum

ab oculo finitam, horizonte cælesti infinite distante; puncta omnia, quibus objectorum partes constant, censenda sunt infinite propinqua, atque adeo omnes anguli, quos in plano quovis ad libellam posito efficiunt termini eorum planorum, sive latera, ita considerandi sunt, tanquam in centro horizontis cælestis eorum vertices existerent, ut adeo divisiones lineæ horizontalis eosdem metiantur.

379. Hinc sequitur I°. *per divisiones lineæ horizontalis tabulæ mensurari posse, & perspective delineari omnes angulos, in plano quovis ad libellam posito sitos.*

380. II°. *Ut projectio perspectiva anguli cujuslibet objectivi fiat, inveniri debere projectionem illius verticis (qua ratione reperitur, inferius Num. 389 dicitur), atque ex ea rectas ad bina divisionum lineæ horizontalis puncta, inter quæ numeri graduum mensura contineatur, duci; sive ad ea, ad quæ radii ex oculo lateribus objectivis anguli paralleli pervenirent.*

381. III. *Si e quotlibet punctis C, D, E, in tabula acceptis (fig. 55) ducantur binæ ad easdem intersectiones lineæ horizontalis A, B, angulos ACB, ADB, AEB fore projectiones angulorum objectivorum inter se æqualium, quorum mensura est numerus graduum divisionibus inter A & B comprehensis æqualis; in præsentē figura scilicet 30°. Certe, cum CB, BD, BE ad idem punctum accidentale convergant, necesse est, ut sint projectiones opticæ trium parallelarum (363); similiter rectæ AC, AD, AE tres parallelas alias designant: atqui si tres parallelæ inter se occurrant tribus aliis itidem inter se parallelis, eadem debet esse omnium inclinatio, ideoque idem angulus.*

382. Infertur denique, rectam, uti DA, aut EA, ex quovis tabulæ puncto D vel E ad punctum quodpiam A lineæ horizontalis ductam esse projectionem perspectivam lineæ objectivæ in plano libellæ sitæ, & ad planum verticale tot gradibus, & versus eam partem inclinatæ, quot, quæve a puncto A indicantur. In hoc exemplo lineæ DA, vel EA sunt projectiones rectarum ad libellam ductarum, quæ decem gradibus versus dextram a plano verticali declinant.

Problemata ope marginum scalarium solvenda.

383. PROBLEMA I. *Ex dato puncto tabulæ C (fig. 55) ducere rectam, quæ sit optice parallela datæ lineæ perspectivæ DF. Supponitur, quod hæ lineæ sint in planis ad libellam positis.*

RESOLUTIO. Producat perspective data DF, donec occurrat lineæ horizontali in quovis puncto B; tum jungantur CB.

384. PROBLEMA II. *Ad extremum D (fig. 55) lineæ perspectivæ DF, cujus objectiva est in plano libellæ, angulum numerum graduum petitem continentem construere.*

RESOLUTIO. Producta linea perspectiva, donec occurrat horizontali in B, numerentur ex B versus eam partem, ad quam constru-

struendus est angulus, v. g. versus A, tot divisiones lineæ horizontalis, quot graduum esse debet angulus, & ducatur DA.

385. OBSERVA I. Si angulus construendus fuisset 60 aut 80 graduum, eodem modo accipi inter B & A 60 vel 80 gradus debuissent, 20 scilicet, aut 40 gradibus ultra punctum visus S sumtis.

386. II. Si angulus ad partem puncti B debuisset construi; divisionibus ex hac parte non sufficientibus, accipi debuisset anguli petiti complementum ad duos rectos, & gradus ex B verius sinistram A numerari, indeque linea ADR duci; atque ita angulus BDR fuisset petiti numeri graduum.

387. PROBLEMA III. *Ex dato puncto D (fig. 56) lineæ perspective datæ CE, erigere optice perpendicularem.*

RESOLUTIO. Problema hoc ad præcedens redit. Producta CE usque ad lineæ horizontalis punctum B, a B in divisionibus horizontalis numerentur 90 gradus v. g. usque ad A, indeque ducatur AD.

388. PROBLEMA IV. *Ex puncto tabulæ dato ducere perspective perpendicularem ad rectam datam.*

RESOLUTIO. Sit data CE (fig. 56), & F punctum tabulæ pariter datum. Producat CE usque ad horizontalem in B; inde usque ad A numerentur 90 gradus, & per F ducatur ex A recta ad AD, quæ erit perpendicularis quæsitæ.

389. PROBLEMA V. *Data puncti objectivi in plano Geometrico distantia a tabula, & a plano verticali, invenire ejus punctum perspectivum.*

RESOLUTIO. Per divisiones marginum lateralium distantia puncti objectivi a tabula respondentes ducatur linea cæca, & alia itidem cæca ex puncto visus ad eam divisionem marginis inferioris, quæ indicat distantiam puncti objectivi a plano verticali, utriusque intersectio erit punctum perspectivum quæsitum. Exempli causa, si distantia a plano tabulæ esset quatuor unitatum moduli; & a plano verticali trium versus sinistram, punctum perspectivum foret G.

390. Si punctum datum non sit in plano Geometrico, sed vel supra illud elevatum, vel infra depressum, v. g. in fossa quapiam, concipienda est perpendicularis ex eo ad planum Geometricum ducta, quæ seu altitudinem, seu depressionem metiatur; quoniam itaque hæc perpendicularis tam plano tabulæ, quam verticali parallela est, punctum plani Geometrici, in quod cadit, eandem ab his planis habet distantiam, quam punctum objectivum datum. Unde si fiat projectio puncti hujus in plano Geometrico, in quod cadit perpendicularis, & ducatur per illud parallela lineæ verticali, determineturque longitudo perpendicularis eo modo, quem Problema-

blemate sequente præscribemus, extremum perpendicularis punctum erit projectio perspectiva dati.

391. PROBLEMA VI. *Lineam objectivam positione, & magnitudine datam optice describere in tabula.*

RESOLUTIO. Sit longitudo lineæ datæ duarum unitatum moduli, alterum ejus extremum G (fig. 56) distet a plano verticali tribus, & a plano tabulæ quatuor ejusmodi unitatibus: quærat per Probl. Præcedens ejus projectio G. Sed ut alterius extremi punctum perspectivum rite determinetur, triplex expendendus est casus.

392. CASUS I. *Dum linea objectiva plano verticali parallela est.* Ponatur extremum lineæ G esse tabulæ propius. Quia longitudo est duorum modulorum, alterum ejus extremum a tabula sex modulis distat. Ducatur jam ex G ad punctum visus recta GS, & per divisionum marginum lateralium puncta 6, 6 cæca 6 I 6: intersectio I erit projectio alterius extremi.

Quod si extremum G altero magis distaret a tabula, duo moduli ex quatuor subducendi essent, & recta per puncta 2, 2 marginum lateralium ducta abscinderet in recta S 3 extremum quæsitum.

393. CASUS II. *Dum linea objectiva est plano tabulæ parallela.* Vel in hac hypothese extremum G propius est plano verticali, quam alterum, vel est remotius? Si hoc, liquet, alterum extremum a plano verticali distare uno modulo. Unde ex puncto visus S ducatur cæca ad marginis inferioris divisionem 1; hujus intersectio K cum parallela ad horizontalem per G transeunte determinat alterum extremum quæsitum.

At si extremum G lineæ objectivæ sit plano verticali vicinius, distantia alterius ab eodem plano erit 5 modulorum, & recta ex S ad divisionem 5 inferioris marginis duci debebit.

394. CASUS III. *Quando linea objectiva tam ad planum verticale, quam ad planum tabulæ obliqua est; uti si 20 gradibus versus dextram a plano verticali declinet.*

Ducatur per G recta ad divisionem 20° lineæ horizontalis ad partem dextram puncti visus; per idem G, & versus eam partem, ad quam linea objectiva declinat, ducatur quoque GK lineæ horizontali parallela, & optice æqualis objectivæ (393) sive duorum modulorum: ex hujus extremo K ducatur KQ, quæ secet rectam GL ad 20° ex G ductam versus eam partem, ad quam situm esse debet extremum quæsitum, & simul transeat per divisionem illam lineæ horizontalis, quæ indicat dimidium complementi anguli obliquitatis, quem facit linea objectiva cum plano verticali (in nostro

Pro exemplo per 35° , quod est medietas de 70° , sive complementi 20°). Intersectio rectarum KQ , & GL determinat punctum L perspectivum extremi alterius quæsitum. Quod si enim ad ea, quæ fieri præcepimus, attendatur, patebit, factam fuisse projectionem perspectivam trianguli objectivi isoscelis GKL , cujus crura GK , & GL optice æqualia sunt.

395. OBSERVA. Si separatim construatur, vel trigonometrice calculetur triangulum rectangulum, cujus hypotenusæ sit recta objectiva data, & unus ex angulis acutis æqualis angulo obliquitatis lineæ objectivæ cum plano verticali, ex valore lateris huic angulo oppositi reperietur, quantum extremum alterum lineæ objectivæ magis, minusve distet a plano verticali, quam extremum G : & si, ducta ex puncto visus per G recta SM , accipiat in inferiore margine tabulæ linea MP , qua lineæ objectivæ extremum quæsitum L magis, minusve a plano verticali abest, & ducatur ad punctum visus alia recta PS , hujus intersectio cum GH erit punctum L quæsitum.

396. PROBLEMA VII. *Lineam datam perspectivam in quotvis partes optice æquales dividere.*

RESOLUTIO. Sit data PQ (fig. 57) in quatuor partes æquales dividenda. Ex quovis puncto S lineæ horizontalis ducantur per ejus extrema P , Q rectæ SD , ST occurrentes margini inferiori tabulæ. Intervallum DT secetur in partes æquales DM , ML , LG , GT , & ducantur SM , SL , SG , quæ datam PQ in punctis m , l , g , in partes optice æquales dividunt. Manifestum enim est, eas partes intercipi inter parallelas objectivas SD , SM , SL , SG , ST (383) æqualiter inter se distantes, ac rectam TD in partes æquales secantes; igitur per easdem data PQ in partes perspective æquales dividitur.

397. OBSERVA I. Pro majore accuratione, punctum S ita seligendum est, ut quantum fieri potest, distantia ejus ab extremis datæ PQ sint æquales.

398. OBSERVA II. Si recta PQ dividenda sit in partes inæquales in ratione data, in eadem ratione dividatur TD (id, quod ope circuli proportionum expedite fit), & rectæ ex S ad divisionum puncta ductæ secabunt quoque datam PQ in ratione data.

399. PROBLEMA VIII. *Ex dato puncto A in tabula ducere perspectivam AK rectæ, quæ cum plano verticali faciat angulum objectivum majorem, quam ut graduum numerus in divisionibus lineæ horizontalis exhiberi possit (fig. 57).*

Ex dato puncto A ad eam partem, ad quam spatii commoditas admittit, ducatur recta AH horizontali parallela, & æqualis

lis projectioni perspectivæ radii principalis. Ex puncto visus O accipiat OZ designans gradus complementi anguli dati, & conferatur cum divisionibus marginis inferioris, ut sciatur, quot modulus contineat: tum ducatur OH , & ex ea abscindatur HK , tot modulis perspective æqualis, quot continet OZ : recta AK erit quæsitæ perspectiva.

Etenim cum AH sit æqualis radio principali, & AHO projectio anguli recti, sequitur, HK esse tangentis anguli HAK , sive complementi anguli dati, projectionem: igitur AK habet situm, qui quærebatur.

400. OBSERVA. Quod si recta quæsitæ simul debeat esse magnitudinis datæ, accipiendum est in AH punctum N ita, ut AN sit perspective æqualis magnitudine datæ; & ducenda NC ad divisionem lineæ horizontalis, quæ indicat dimidium complementi anguli objectivi dati (394): obtinebitur AV .

401. SCHOLIUM. Allata adhuc Problemata ostendunt, ope marginum scalarium haberi posse delineationem perspectivam plani alicujus objectivi non tantum ex laterum, sed etiam angulorum magnitudine. Atque ut id fiat accuratius, & expeditius, sæpe perutile est, adhibere simul diversarum diagonalium tum situm, tum longitudinem, quarum computus in polygonis regularibus admodum facilis est. Verum res hæc diligens requirit exercitium.

402. PROBLEMA IX. *Rectas ad planum horizontale perpendiculares optice exhibere; sive, quod idem est, linearum altitudinum projectionem perspectivam invenire.*

I RESOLUTIO. Problemati satisfacit per ea, quæ superius N. 357 dicta sunt.

403. II RESOLUTIO. Oporteat ex puncto Q (fig. 57) ad horizontem perpendicularem excitare, $6\frac{1}{2}$ modulus altam. Ducatur ex puncto visus O , vel alio quovis lineæ horizontalis, per Q recta OF usque ad inferiorem marginem tabulæ F , indeque erigatur ad eundem marginem normalis FE , $6\frac{1}{2}$ modulus, in ejusdem divisionibus acceptos, longa: ducatur OE : hujus intersectio I cum QI ad horizontalem perpendiculari ex Q erecta, erit supremum punctum lineæ quæsitæ.

Nam evidens est (381), OF , OE esse projectiones duarum linearum ad libellam ductarum, ac inter se parallelarum, consequenter rectis FE , QI , ab illis interceptis, exhiberi objectivas æquales.

404. III RESOLUTIO. Constat, distantiam lineæ horizontalis a projectione perspectiva alicujus puncti objectivi in plano Geometrico collocati tot esse modulorum, quot assumpta est altitudo oculi

oculi supra planum Geometricum. Exempli gratia, si linea horizontalis ducta est ad distantiam 5 modulorum a margine inferiore, distantia puncti Q a linea horizontali debet continere quinque modulos perspective acceptos. Quod si itaque spectetur QR ut quinque modulorum, in eadem supra R accipi potest punctum I, quod a Q distet $6\frac{1}{2}$ partibus æqualibus, quarum in QR continentur quinque. Executio facilis est ope *circini proportionum*.

405. PROBLEMA X. *Lineas perspectivæ altitudinum in partes æquales, sive inæquales in ratione data, dividere.*

RESOLUTIO. Cum lineæ perspectivæ altitudinum sint ad planum tabulæ parallelæ, in partes æquales, vel inæquales in ratione data non secus, ac lineæ objectivæ dividendæ sunt, idque vel ope *circini proportionum*, vel ex divisionibus rectæ FE, in margine inferiore acceptis, ductis per QI rectis ad O, quibus in eadem ratione, ac FE, secatur QI.

406. PROBLEMA XI. *Determinare in tabula punctum accidentale parallelarum inter se, & ad horizontem inclinatarum, quarum positio datur.*

RESOLUTIO. Cum parallelæ positione dentur, si concipiantur plana verticalia, in quibus singulæ sitæ sunt, evidens est, hæc plana fore inter se parallelæ, ideoque dari eorum situm respectu plani verticalis tabulæ. Jam igitur hæc plana vel sunt plano verticali tabulæ parallelæ, vel ad illud obliqua quantitate data:

407. I. Si sunt parallelæ ad planum verticale tabulæ, punctum accidentale quæsitum est in linea verticali tabulæ, supra, vel infra punctum visus quantitate æquali numero graduum, qui sunt complementum inclinationis parallelarum cum horizonte, & ex puncto visus in divisionibus lineæ horizontalis accipiuntur: & quidem supra punctum visus, si parallelarum extrema superiora a plano tabulæ sint reclinata; infra vero, si versus tabulam vergant.

408. Sit exempli causa delineandum parallelepipedum rectangulum, cujus plana sint ad horizontem sub angulo 39° inclinata, longitudine illius ad planum verticale parallelæ, velut trabs quadrangularis in murum ad planum tabulæ parallelum reclinata (fig. 60). Manifestum est primo, rectas quatuor plana lateralia parallelepipedo claudentes esse omnes ad horizontem angulo 39° inclinatas; dextrimum vero & sinistimum planum esse plano verticali tabulæ parallelum. Secundo Plana basium esse itidem ad horizontem inclinata angulo 51° , complemento scilicet ad 39° , ob rectos angulum quemvis solidum constituentes. Tertio ex octo lateribus basium esse quatuor horizonti parallelæ (quorum projectiones hic sunt *ab*, *dc*, *AB*, *DC*), nempe imprimis latus, cui in plano Geometrico incumbit, eique in eadem basi parallelum (*AB*, *DC*); dein latus,

P

quo

quo innititur muro, & huic in basi illa parallelum (ab, dc): reliqua quatuor harum basium latera ($ad, bc; AD, BC$) esse ad horizontem inclinata angulo complementi ad 39° . Ex his apparet, in linea verticali reperienda esse duo puncta accidentalialia; alterum T supra punctum visus, pro lineis Aa, Bb, Cc, Dd , plana lateralia parallelepipedum terminantibus, quarum puncta suprema recedunt a plano tabulae: alterum P infra punctum visus S , pro lateribus basium AD, BC, ad, bc , quorum superior pars versus tabulam accedit. Itaque ex linea horizontali accipienda est imprimis tangens 39° , & in verticalem ex S in T transferenda; dein tangens 51° ex S in P . Reliqua ex inspectione figurae patent.

409. II. Si plana verticalia, in quibus sunt parallelae datae, faciunt cum plano verticali tabulae angulum, uti si supponamus, parallelepipedum exempli prioris esse reclinatum in planum, quod cum verticali faciat angulum 30° , five cum plano tabulae angulum 60° , tum opus est tribus punctis accidentalibus, uno in T (fig. 59) pro rectis terminantibus plana lateralia parallelepipedum; altero in Q pro lateribus basium, quorum alterum est in plano geometrico, alterum in plano, in quod reclinatur parallelepipedum, atque pro his parallelis: tertio in P pro reliquis quatuor lateribus basium, quorum duo plano geometrico, duo muro oblique insistant.

410. Quod ad punctum Q pro parallelis, quarum una est in plano geometrico, nulla est difficultas, quippe quod sumi debet in lineae horizontalis ea divisione, quae denotat angulum obliquitatis earum cum plano verticali. Sed ut reliqua, v. g. T , reperiuntur, sequens adhiberi potest methodus.

411. In linea horizontali VQ accipiatur VE tangens complementi anguli inclinationis planorum lateralium parallelepipedum cum horizonte; transferatur ex O in perpendicularem OF , sumpto O ad divisionem 45° : jungantur F & V recta, quae secet in R alteram perpendicularem, erectam ad D , ubi notatur complementum declinationis planorum lateralium a plano verticali: transferatur OF ex D in K , & junctis K & R , fiat $DT = KR$; erit T punctum accidentale quaesitum. Eodem modo invenitur punctum P .

412. Ut methodi veritas demonstretur, cogitandum est, quod recta ad horizontem sub angulo v. g. 39° inclinata indefinite producta in superficie sphaerae caelestis pertingeret ad punctum 39° supra horizontem elevatum, aut vero ad peripheriam circuli minoris sphaerae cum horizontali paralleli, & undique ab eo 39° distantis (id genus circulus voce Arabica *Almicantarath* appellatur). Jam vero cum projectio perspectiva horizontis caelestis sit linea hori-

horizontalis tabulæ (377), projectio alicujus Almicantarathi est hyperbola, cujus vertex est in linea verticali, & semiaxis principalis æquatur tangenti altitudinis illius supra horizontem (sive parti lineæ horizontalis interceptæ inter punctum visus, & divisionem numerum graduum altitudinis designantem); semiaxis vero conjugatus radio principali.

413. Circulus enim cælestis horizonti parallelus est basis coni optici, cujus vertex in oculo, & basis coni oppositi aliud Almicantarathum tantundem infra horizontem depressum. Sit A (fig. 58) locus oculi; ABH repræsentet planum horizontis cælestis cum plano geometrico ad distantiam infinitam ab A concurrentis; PT sit planum tabulæ; EGM Almicantarathum supra horizontem angulo HAE elevatum; KNI Almicantarathum infra horizontem. Evidens est, sectiones conorum oppositorum MS_m, NS_n per planum tabulæ PT ad eorum axem CL parallelum esse hyperbolas, quarum centrum est punctum visus tabulæ B, & semiaxis principalis AD, sive SB. Et ut ostendatur, quod semiaxis conjugatus sit AB, esto AD vel SB = a, SD = PC = AB = b (est autem AB radius principalis). AC, vel BP sit = x; hinc SP = x - a; PM = y. In triangulis rectangulis ASD, SEP similibus est AD:SD = SP:EP; igitur EP = $\frac{bx - ab}{a}$; & EC = EP + PC = $\frac{bx}{a}$; item PG = PC + CG = $\frac{bx + ab}{a}$. Jam vero ex natura circuli EMG, habetur (Elem. 565) PM² = PE × PG; igitur yy = $\frac{bbxx}{aa} - bb$, quæ est æquatio ad hyperbolam, cujus semiaxes sunt a & b (Elem. 840).

414. Hinc jam constat, quod si, sumpta VC = VE, notetur in plano (fig. 59) verticali punctum C altitudinis 39°, ac per illud describatur hyperbola CT semiaxibus VC, VO, ea sit projectio perspectiva Almicantarathi 39°, & punctum accidentale quæsitum in eadem existat, ubi a perpendiculari ex D erecta secatur. Restat jam, ut demonstretur, constructione exposita (411) verum punctum T reperiri.

415. Sit itaque VO = b, VC, vel OF = a; VD = y; DT, aut KR = x; ob triangula VDR, OVF similia, est OV:OF = VD:DR, hinc DR = $\frac{ay}{b}$; & DR² = $\frac{aayy}{bb}$. Et quia KD, seu VC = a, est KD² = a². Porro ob triangulum KDR rectangulum, KR² = KD² + DR², sive xx = aa + $\frac{aayy}{bb}$ = DT²: ergo (Elem.

844) D T est ordinatim applicata ad axem conjugatum hyperbolæ, cujus semiaxes sunt V C, V O.

416. COROLL. I. Liqueat (Elem. 833), V F esse asymptotum hyperbolæ C T: hinc dato puncto T almicantarathi 39° , facile est, hyperbolam integram, quæ sit ejus projectio perspectiva, describere (Elem. 874).

417. OBSERVA I. Hæc methodus commode adhibetur, si inclinatio, & declinatio linearum objectivarum 50 vel 60 gradus non excedat: quod si enim major sit, lineas in plano tabulæ admodum producere necesse est, quod non sine incommodo fit. Unde in ejusmodi casu puncto accidentali carere debemus, & quasvis lineas singillatim determinare, quærendo trigonometrice, vel graphice (vide methodum N. 518) punctum plani geometrici, in quod cadit perpendiculum ex cujusvis supremo puncto demissum, nec non ipsam perpendiculi altitudinem; ac punctum illud plani geometrici, una cum perpendiculi altitudine optice describendo.

418. OBSERVA II. Si, quæ adhuc dicta sunt, rite intelligantur, ipsa figura 59 ostendit, quam facilis sit parallelepipedii descriptio optica, quam superius (N. 409) exposuimus.

419. COROLL. II. Ex fig. 58 patet, a esse tangentem anguli inclinationis parallelarum datarum, qui dicatur I; y tangentem anguli obliquitatis, quem faciunt earum plana cum plano verticali tabulæ, qui vocetur O; b vero sinum totum, qui sit R. Igitur

formula $xx = \frac{aabb + aayy}{bb} = (bb + yy) \times \frac{aa}{bb}$ factis his substitutio-

bus in hanc abit $xx = (R^2 + \text{tang}^2 O) \times \frac{\text{tang}^2 I}{R^2}$. Est autem ex Tri-

gonometria $\sec^2 = R^2 + \text{tang}^2$; quare etiam $xx = \sec^2 O \times \frac{\text{tang}^2 I}{R^2}$, & hinc

$x = \sec O \times \frac{\text{tang} I}{R}$. Sed ex iisdem regulis trigonometricis est \sec

$= \frac{R^2}{\cos}$: quare $x = \frac{R^2}{\cos O} \times \frac{\text{tang} I}{R} = \frac{R \times \text{tang} I}{\cos O}$. Unde obtinetur hæc

anologia: Ut est cosinus anguli obliquitatis planorum, in quibus sunt parallelæ objectivæ ad horizontem inclinatæ, cum plano verticali tabulæ, ad tangentem anguli inclinationis earundem cum horizonte; ita est sinus totus ad distantiam puncti accidentalis harum parallelarum a linea horizontali tabulæ.

420. COROLL. III. Hinc etiam sequitur, quod si ex omnibus gradibus in linea horizontali notatis erigantur perpendiculares, eæ sint projectio perspectiva circulorum maximorum horizonti perpendicularium (qui in Astronomia dicuntur circuli verticales), quorum gradus metiuntur inclinationem quamvis rectarum ad hori-

zon-

zontem, & planum verticale obliquarum. Ipsa quoque linea verticalis tabulæ ejusmodi circulum exhibet, qui cum meridiano sphæræ cælestis comparari potest. Quod si quis igitur has projectiones circulorum verticalium in suos gradus dividere voluerit, lineæ verticali tabulæ easdem tribuet, quæ fiunt in linea horizontali; reliquarum divisiones expedito calculo per analogiam præcedentem reperiet.

421. Sed ut divisio hæc peragatur graphice, sit OQ (fig 61) linea horizontalis, SB verticalis, OY projectio circuli verticalis dividenda. Transferatur radius principalis ex O in Q , & distantia OS , verticalis dividendi a puncto visus S , ex O in M . (si linea verticalis tabulæ instar meridiani consideretur, distantia hæc OS voce Astronomis usitata dicetur *azimuthum* verticalis dividendi). Coniungantur M & Q recta, & centro Q , radio QO describatur arcus ON : demittatur ex N ad OQ perpendicularis NL , erit LQ manifeste cosinus azimuthi, ejus tangente existente OM , & sinu NL . Transferatur LQ in partem oppositam ex Q in P , & ducatur per P perpendicularis ad horizontalem PR , in quam, velut in t, u, x &c versus utramque partem puncti P transferantur divisiones lineæ horizontalis ex S acceptæ. Ducantur per puncta t, u, x &c & Q rectæ, quæ determinabunt puncta divisionum quæ sita T, V, X &c. Cum enim Pt v. g. sit tangens 10° radio existente OQ , ex similitudine triangulorum rectangulorum QOT, QPt habetur $QP : Pt = QO : OT$. Quæ est analogia corollarii præcedentis (419).

422. OBSERVA III. Si fingamus sphæræ cælesti, vel terrestri inscriptum esse cubum, ad cujus duo plana opposita axis æquatoris, vel eclipticæ sit perpendicularis, per præcedentes regulas in quatuor planis reliquis, per quæ axis non transit, optice exhiberi possunt omnia puncta superficiei sphæræ, quæ undique ab æquatore vel ecliptica intra 45 gradus continentur. Reliquorum vero projectio eodem modo fieri posset, si supponerentur plana cubi producta. Atque hunc in modum constructæ sunt chartæ cælestes Patris Pardies.

423. PROBLEMA XII. Projectionem opticam facere figuræ in plano libellæ a plano geometrico distante descriptæ.

RESOLUTIO. In margine inferiore tabulæ AB (fig. 62) accipiatur numerus modulorum, quo planum datum supra planum geometricum elevatum est, transferaturque in utrumque marginem lateralem ex B in L , & ex A in K : coniungantur L & K recta, quæ jam instar marginis ipsius inferioris AB consideretur, & spatium $LC DK$ tanquam totum planum tabulæ, veluti si figura, cujus projectio petitur, sita foret in novo hujus plano geometrico. Un-

de LK easdem habebit divisiones, quas AB, eundemque usum respectu figuræ delineandæ, quem AB respectu objectorum in vero plano geometrico sitorum. Lineæ porro horizontalis divisiones immutatae manent, eademque iis utendi ratio; verum quod ad lineas CL, DK, in quibus distantiae punctorum figuræ delineandæ a plano tabulae accipi debent, divisiones non sunt eadem, ac in CB, DA, attamen proportionales. Unde inveniri poterunt vel ope circini proportionum, vel graphice sequente methodo.

Ducatur ad DA sub angulo quovis DF, eique æqualis, atque transferantur in eandem divisiones marginis DA, quarum correspondentes in DK petuntur. Jungantur K, F, & ad KF per singula divisionum rectæ DF puncta agantur parallelæ, quæ determinabunt divisiones quæsitæ in DK. Exempli causa, si oporteat in DK designare distantiam duorum modulorum a tabula, accipiendi sunt duo primi moduli decrescientes scalæ DA, atque ex F in G transferendi; tum ducenda est GH ad FK parallela; erit KH distantia quæsitæ in plano supra geometricum elevato.

Eadem omnino operandi ratio est, si ponatur planum, in quo figura repræsentanda est, supra planum horizontale tabulae, vel infra planum geometricum, uti v.g. in fossa. Nam in priore casu LK supra CD, in posteriore infra AB, velut in lk, constituenda est.

424. PROBLEMA XIII. *Dato puncto perspektivo B (fig. 63) centri circuli radii dati, v. g. trium modulorum, exhibere projectionem circuli.*

RESOLUTIO. Per punctum datum B ducatur ex puncto visus V recta VF, & DC ad horizontalem parallela, fiantque BD, BC trium modulorum optice decrescientium. Per idem B ducantur quoque PG, OL ad divisionem 45 graduum utrinque a puncto visus in linea horizontali. Similiter ex divisione $22^{\circ}\frac{1}{2}$ ex parte dextra ducantur rectæ per C & D, quæ OL secabunt in M & N. Ex eadem divisione ad partem sinistram $22^{\circ}\frac{1}{2}$ rectæ ad C & D ductæ secabunt PG in I & K. Denique per octo puncta inventa C, I, E, N, D, K, F, M, ducatur curva regularis, erit ea projectio perspektiva circuli petiti.

425. Evidens est, projectionem perspektivam circuli esse ellipsin, quemcumque is situm habeat. Radii enim ex singulis circuli peripheriæ punctis ad oculum ducti conum, sive conoides, efficiunt, cujus vertex est in oculo, & sectio per planum tabulae necessario est ellipsis.

426. Descriptio ellipsis faciliior, & accuratior fit, si per E & F ducantur ad lineam horizontalem parallelæ, quæ efficiant trapezium, quod erit projectio quadrati, cui circulus inscriptus est, PLGO. Itaque ellipsis ita erit describenda, ut omnia quatuor la-

tera

tera trapezii in C, D, E, F, tangat. Si ad modum operandi præscriptum attendatur, patebit, eum adhiberi posse ad inveniendos vertices angulorum octogoni circulo inscripti.

427. OBSERVA. Equidem facile apparet, centrum ellipseos non esse B, nec ejus axem majorem DC. Sed centrum est punctum medium S rectæ EF. Nam cum OG, & PL sint tangentes ellipseos, & DC eis parallela, hæc bifecatur in B per rectam EF, quæ per puncta contactus transit; igitur DC est ordinata diametri EF, in cujus medio consequenter est centrum S.

428. Quod positionem axium hujus ellipseos attinet, ea diversa est, pro diversa scilicet circuli objectivi distantia tum a plano verticali, tum a plano tabulæ. Et quoniam id scire pulchrum magis, quam utile in delineationibus, generatim notasse sufficiat, axem majorem ellipseos, quæ sit projectio perspectiva circuli, non esse, nisi projectionem chordæ illius, quæ jungit puncta contactus circuli cum radiis extimis ex oculo ad circulum dictis.

C A P U T III.

Exemplum, & observationes generales pro delineationibus Perspectivis omnis generis.

429. Cum objecti multis partibus constantis designatio optica facienda est, in eo maxime elaboret delineaturi industria, oportet, ut solerter advertat, quænam lineis similiter ductis comprehendantur, quæ inter parallelas easdem, quæ in iisdem verticalibus, in iisdem diagonalibus &c. consistent, ut singulæ in projectione locum debitum fortiantur, ne errorum numerus, quibus praxis a regularum accuratione deficit, etiam ex hoc capite augeatur.

430. Proponatur exempli causa ex regulis Perspectivæ delineatio stylobatæ ordinis Tusci cum plintho baseos columnæ facienda, ita, ut trunci planum alterum aspectabile inclinatum sit ad planum verticale tabulæ sub angulo 40° ex sinistra parte, alterum ex parte dextra sub angulo 50° , sitque distantia anguli quadræ, qui oculo est propior, a plano tabulæ unius, & a plano verticali duorum modulorum versus sinistram. Omnium autem membrorum stylobatæ dimensiones eæ sint, quas fig. 64 notatas exhibet numeris suis, quamvis ipsa descriptio illius utcunque rudis esse possit, quippe cujus nullus usus alius in præsens est, quam ut singulorum membrorum nexum & ordinem monstret.

431. Atque ne difficultatum, quæ in delineatione occurrere possunt, numerus, si simul aspectui objiciantur, tironem absterreat, eas plurium figurarum descriptione partiemur, quo etiam linearum multiplicium confusio occurreret. Unde pro assumptæ tabulæ magnitudine, ubi marginum scalarium constructio perfecta erit, ducatur ex puncto visus V (fig. 73) ad divisionem 2 marginis infimi versus sinistram lineæ verticalis recta $V 2$, & per puncta 1, 1 marginum lateralium altera $1 A 1$, cujus intersectio exhibet punctum perspectivum. A anguli stylobatæ oculo proximi (389).

432. E puncto A ducantur indefinitæ $A 40^\circ$, $A 50^\circ$, exhibentes situm planorum conspicuorum; ex puncto visus V vero ad marginis infimi divisionem 7 recta $V 7$, quæ intersectione sua cum $1 A 1$ determinat $A C$ (393) novem modulorum decrefcentium; tot enim ex stylobatæ dimensionibus quadræ longitudini competunt. Jungatur C cum 20° (medietate 40 graduum, qui complementum sunt ad 50°) ex parte dextra sumtis, habebitur projectio E anguli quadræ dextimi (394). Hinc jam facile positio tota quadræ $A D F E$ absolvetur, ducta ex A ad 5° (quæ scilicet directio diagonalis est) recta, & altera $E F$ ex E ad 40° , intersectio F erit angulus viciniore A oppositus. Denique ducatur per F & 50° recta occurrens alteri $A 40^\circ$ in D .

433. Et quoniam quadræ latera æqualia in ichnographia quadratum efficiunt, & reliqua omnia stylobatæ membra singulorum laterum æquales dimensiones habent; non solum diagonalis quadræ per A & F descripta, sed etiam omnium reliquorum membrorum, quæ in eorum planis concipi possunt, versus 5° ex parte dextra lineæ horizontalis tendere debent, quippe quæ divisio 45 gradibus abest a 40° ex sinistra, & 50° ex dextra sumtis.

434. Præterea manifestum, quod si concipiatur planum perpendiculariter erectum super diagonali $A 5$ projectionis ichnographiæ quadræ, omnes reliquorum membrorum diagonales in eodem sint futuræ.

435. Atque hinc 1° , ut membrorum projecturæ, & retractiones commodius designentur, ejusdem diagonalis portionem oculo propiorem in partes optice æquales dividere consultum est (399). Et ne diversi generis divisionibus marginis infimi usus impeditior fiat, adhibeatur pro novis hisce linea $A C$ margini parallela; cum porro arbitraria sit puncti ad hanc divisionem peragendam in linea horizontali electio (396), assumatur hoc in 40° , ducaturque inde per E (fig. 74) recta, donec $A C$ secet in G , productam, si opus sit. $A G$ dividatur in 9 partes æquales, quoniam lateri quadræ 9

moduli tributi sunt. Primæ duæ partes ad A subdividuntur in minores, uti hic in dimidias. Ad puncta hæc ducantur ex 40° rectæ occurrentes diagonali in H, K, L, quæ constituendis projectionibus, & retractionibus fervient, ideoque iisdem numeris notanda sunt, ac partes in A G correspondentes.

436. Illud vero hic probe notandum, partes AH, HK, KL, non esse projectiones perspectivæ semimodulorum, sed esse eas ad semimodulos, ut est diagonalis quadrati ad latus suum, seu ut $\sqrt{2}$ ad 1. Dimidii moduli decrescentes sunt partes Ah, hk, kl. Divisiones vero lineæ AF deinceps *scalam projectionum* vocabo.

437. II°. Ut dimensio altitudinum expeditior sit, producta diagonali FA, usque dum occurrat margini inferiori in M, erigatur inde perpendicularis indefinita MT, in quam ex divisionibus marginis inferioris transferantur omnes dimensiones altitudinum, quæ in prima situs & magnitudinum constitutione (fig. 64) singulis partibus tributæ sunt, in N, O, P, Q, R, S, T. Rectam MT in sequentibus *scalam altitudinum* appellabo (fig. 74).

438. His ita constitutis, erigantur ex quatuor angulis projectionis quadræ perpendiculares indefinitæ AB, DI, FG, EC, (fig. 75), & jungatur punctum N scalæ altitudinum cum puncto 5° lineæ horizontis: interseccio cum AB abscindit altitudinem perspectivam anguli quadræ in B. Ex hoc eodem puncto B agatur recta ad 40° , quæ determinabit apicem I altitudinis DI anguli quadræ ex parte sinistra conspicui; item altera ad 50° , quæ anguli dextri altitudinem C præbet. Ducantur ex C ad 40° , & ex I ad 50° rectæ, habebitur earum interseccione in G altitudo anguli quadræ, qui angulo A opponitur. Quod si omnia accurate ex regularum præscripto hæcenus facta sunt, interseccio modo dicta G non solum erit in perpendiculari FG, sed etiam in diagonali per N & 5° transeunte: id quod examinis instar esse debet, tum ut errores ita deprehensi corrigantur, tum ut deinceps evitentur.

439. Pro regula ON in (fig. 64) situs & magnitudinum constitutione prima designata, ducantur primum diagonales BG, IC (fig. 76); & quia hæc regula 0, 6 moduli retrahi debet, accipiat in scala projectionum pars AH = 0, 6. Dein erigatur ex H normalis, occurrens, diagonali GB in D, erit D angulus inferior regulæ, qui si jungatur cum 40° & 50° , intersecciones diagonalis IC exhibent ejusdem regulæ angulos K & F. Rectæ porro ex K ad 50° , & ex F ad 40° ductæ, se in ipsa diagonali BG secabunt, atque illic in E habebitur quartus angulus regulæ. Unde quadrilaterum DKEF basin regulæ exhibet, qua quadræ incumbit. E quatuor repertis modo punctis erigantur perpendiculara indefinita;

Q

tum

tum neſtatur punctum O ſcalæ altitudinum, quod regulæ altitudinem designat, cum 5° recta $O 5$, quæ occurrens perpendiculari $D V$ in V angulum ſuperiorem regulæ, qui oculo proximus, designat; in Y vero (ubi alteram perpendicularem ex E erectam ſecat) huic oppoſitum; rectæ denique ad V ex 40° & 50° ductæ determinant reliquos duos L & X . Et ſiquidem conſtructio fuerit exacta, rectæ ex L ad 50° , & ex X ad 40° ductæ ſe in Y interſecare debent, id, quod examinandæ operationi ſerviet. Atque hunc in modum projectio optica regulæ perfectæ eſt.

440. Ut jam truncus ſtylobatæ ſuper his erigatur, fiant diagonales $L X$, $V Y$ (fig. 77); & quia ex prima magnitudinum conſtitutione 1, 2 moduli retrahi debet, in ſcala projecturarum ſumatur $A C = 1, 2$. Erigatur in C perpendicularis indefinita, occurrens diagonali $V Y$ in K , in quo erit angulus inferior trunci, ſi eum apophyge carere ſupponamus. Jungantur 40° & 50° cum K , ut in diagonali $L X$ acquirantur B & D , anguli laterales; & ductis ex B ad 50° , & ex D ad 40° rectis obtinebitur etiam quartus I in diagonali $V Y$, eritque quadrilaterum $K B I D$ projectio perſpectiva plani trunci, quo regulæ inſidet.

441. E quatuor angulis inventis perpendiculares indefinitæ excitentur $K E$, $B G$, $D F$, $I H$, & ut ſingularum altitudo debita abſcindatur, ducatur ex 5° ad Q ſcalæ altitudinum (in hoc enim punctum cadere altitudo trunci ſupponitur) recta $5^\circ Q$, quæ in E angulum anteriorem determinat. Ex E ducantur porro $E 40^\circ$, & $E 50^\circ$, quæ in G & F abſcindunt angulos laterales; rectæ denique ex G ad 50° , & ex F ad 40° ductæ interſeſſione ſua H in ipſa $Q 5^\circ$ dant angulum poſticum, oculo non conſpicuum.

442. Ut apophygis trunci deſcribatur, jungat recta punctum P ſcalæ altitudinum, quod aſſumptam altitudinem apophygis æquat, cum 5° , quæ in k , ubi perpendiculum $C K$ productum ſecat, eandem optice determinat; hinc porro rectæ ad 40° & 50° ductæ, uti ſuperius in projectione regulæ & quadræ factum, apophygis altitudines in reliquis angulis dabunt. Denique deſcribantur curvæ per b & L , per d & X , per k & V tranſeuntes, quarum prima & poſtrema cavitatem parti ſiniſtræ obvertant, cum oculus ad dextram ſtylobatæ ſit conſtitutus.

443. Ventum jam eſt ad coronidem ſtylobatæ, cymatio Leſbio, altitudine $R Q$ (fig. 64) & regula $S R$ conſtantem. Itaque plano ſupremo trunci (fig. 78) rite delineato fiant diagonales $G F$, $E H$, paullum ultra truncum excurrentes, cum cymatium projecturam habeat. Planum porro inferius, quo cymatium trunco inſidet, ex prima magnitudinum & ſitus conſtitutione retrahi debet, 9 modu-

moduli. Unde ex puncto B scalæ projecturarum erigatur perpendicularis BC, occurrens diagonali EH productæ in C; erit C angulus anterior huius plani, ex quo facile reliqui in I & L diagonalis GF, & in K diagonalis EH productæ reperientur.

444. Et quoniam regulæ latera sunt in iisdem planis cum lateribus quadræ baseos stylobatæ, producantur indefinite perpendiculara angulorum V, A, X quadræ, qui scilicet videri possunt. Ex puncto R scalæ altitudinum ducatur R 5°, quæ intersectione in P cum perpendicularo AP, abscindit angulum inferiorem regulæ; quod si altera quoque ex S ad 5° ducatur (est autem RS regulæ altitudo) supremus quoque angulus ejusdem in p habebitur. Ex p & P rectæ ad 40°, & 50° ductæ reliquos nN, oO præbent, ut alias factum.

445. Quia planum supremum cymatii intra regulam o, 3 moduli ex assumptis magnitudinibus retrahendum est, ducta diagonali NO (fig. 79.), atque erecta ex o, 3 scalæ projecturarum perpendiculari, quæ R 5° secat in c, habetur angulus supremus cymatii c; hinc vero rectæ ad 40°, & 50° ductæ, ubi diagonalem NO in i & l secant, alios quoque determinant. Describantur curvæ iI, cC, lL, eæ cymatii projectionem absolvant.

Supereft modo plinthus baseos columnæ. Et cum eadem quantitate, ac truncus stylobatæ, retrahatur, producantur rectæ angulares trunci indefinite. Punctum altitudinis plinthis T in scala acceptum jungatur cum 5° recta T 5°, erit intersectio E cum producto angulo trunci, angulus supremus plinthis, qui si nectatur cum 40°, & 50°, etiam G & F reliquos conspicuos determinabit.

446. Hisce subjungamus observationes quasdam in præcedentes operationes.

I°. Si in prima magnitudinum & situs constitutione sit projectura quædam ultra angulum infimum basis, cui totum objectum infistit, excurrans, ea in scala projecturarum designetur divisione cis punctum A.

447. II°. Si margo supremus tabulæ eodem modo, ac infimus, divisus sit, ut N. 372 insinuatum est, facilis erit omnium perpendicularium occurrentium erectio, quippe quæ fiet, si regula ita ad punctum, ex quo perpendicularis excitanda est, applicetur, ut per easdem utriusque marginis divisiones transeat.

448. III°. In Perspectiva practica diagonalium insignis est usus, tum ut angulorum in polygonis situs ad examen revocetur, tum etiam ut reperiantur polygonorum centra. Sic in allato exemplo operationum bonitas examinari potuit hunc in modum, observando scilicet, an omnium diagonalium, quæ ductæ sunt, interse-

Etiones sint in eadem recta, ad lineam verticalem parallela, cum omnes debeant in axe stybolata, cujus projectio est linea perpendicularis, esse.

449. IV°. Intersectio diagonalium etiam adhiberi potest ad reperiendum in tabula punctum, in quod cadit perpendicularum ex apice alicujus pyramidis, turris campanariæ, alteriusve in cuspidem coeuntis, aut tentorii militaris &c demissum.

450. V°. In diagonalibus commodissime etiam projecturæ, & retractiones diversarum partium objecti determinantur; attamen hic usus, quem præcedente exemplo ostendimus, ad quadrata solum, & polygona regularia restringendus est; projecturæ enim & retractiones ad singula latera æquales quadrata aut polygona regularia concentrica constituunt, ideoque earum anguli sunt in diagonalibus per centra planorum, quibus insunt, transeuntibus.

451. Quod si itaque hæc plana quadrata non sint, sed ut plerumque evenit, parallelogramma rectangula, velut A B C D (fig. 72), ubi A B, C D sunt $3\frac{1}{2}$ modulorum, & B C, A D $4\frac{1}{2}$ decrescientium; accipiantur in projectionibus laterum in se longiorum partes A E, B F; D G, C H optice æquales lateribus in se minoribus, in nostro exemplo $3\frac{1}{2}$ modulorum decrescientium, ut in plano A B C D describantur duorum quadratorum A B F E, D C H G projectiones, quarum diagonales B E, A F; G C, D H, uti superius, ad angulos projecturarum, & partium retractarum reperiendos adhiberi poterunt. Commodum quoque fuerit, si ex his diagonalibus aliqua dividatur, & scalæ projecturarum vices agat.

452. At si planum sit polygonum irregulare, tum loco rudioris illius partium adumbrationis, quæ veras magnitudines, ac situm solis notis numericis indicat, accurata, & geometrica constructio facienda est, projecturis & retractionibus ex veris dimensionibus constitutis, & id quidem ope scalæ exactæ, magnique partium numeri, ac tantæ magnitudinis, ut etiam minores partes rite accipi possint. Præterea binæ perpendiculares in hoc plano ducendæ sunt, quarum altera situm tabulæ, altera plani ejusdem verticalis habeat, ut ope circini singulorum punctorum ab his distantia accipi, & in scalam transferri possit, eorumque projectio perspectiva juxta Problema V vel XII fieri.

CAPUT IV.

*Apparatus necessarius, quando magnus objectorum situ,
& magnitudine datorum numerus optice delineandus est.*

Frontem scenæ appello omnia ea objecta, quæ in tabula ceteris anteriora, & velut in fronte, integra exhibenda sunt.

453. I^o. Cum magnus objectorum numerus est, quæ in tabula exhiberi debent, sive, quod eodem redit, quando objectum representandum ingens est, v. g. ædes magnificæ, palatium quodpiam, vel hortus cum suis ambulacris &c. distantis partium inter se, situ, ac magnitudine constituta, seu rudiori rerum delineandarum adumbrationi adscriptis numeris dimensionum, seu in tabellam ex ordine relatis, primo indagandum est, quantum a tabula frons scenæ remota esse debeat. Hoc ut rite fiat, sumenda est ex tabella magnitudinum parata objecti ceteris vicinioris, magisque eminentis altitudo, & sequens analogia facienda:

Ut altitudo tabulæ

Ad radium principalem;

Ita altitudo objecti

Ad distantiam ab oculo, in qua constituendum est objectum, ut integrum in tabula exhiberi possit.

Exempli causa: si supponamus, A B (fig. 65) esse objectum vicinissimum, simulque altissimum, ad 16 modulos assurgens; altitudinem tabulæ T R continere 5 modulos; radium principalem O T denique 10 modulis æqualem: erit $R.T : T.O = B.A : A.O$. Subductis calculis reperitur $A.O = 32$ modulis, ideoque $A.T = 22$ modulis. Igitur frons scenæ 22 modulis a plano tabulæ distare debet, ut objectum ei proximum, & ceteris altius integrum videri possit.

454. II^o. Ulterius videndum, an ea sit tabulæ latitudo, ut totam frontis scenæ amplitudinem capiat. Quem in finem fiat proportio:

Ut distantia objecti ab oculo per præcedentem analogiam reperta

Ad radium principalem;

Ita est latitudo frontis scenæ

Ad latitudinem, quam tabula habere debet, ut illam capiat.

455. Esto A B (fig. 67) latitudo frontis scenæ = 48 modulis; O locus oculi ob objecto A B 32 modulis distantis = O C; D E latitudo tabulæ. Si tabula totam frontis latitudinem exhibet, radii ex oculo ad extrema utrinque latitudinis puncta ducti per ipsos margines tabulæ ad D, & E transeunt. Sunt autem trianguula A O B, D O E ob parallelas A B, D E similia; itaque perpendiculares O C,

OF sunt magnitudines homologæ; & hinc $OC : OF = AB : DE$.
 Instituto calculo invenitur $DE = 15$ modulis. Ergo latitudo tabulæ 15 modulorum esse debet, ut in ea tota frontis scenæ latitudo & altitudo repræsentari possit. At si v. g. tabula non esset, nisi 12 modulos lata, frons scenæ longius removeri deberet, novaque distantia ex sequente analogia, quæ prioris inversa est, reperiretur:

Ut Latitudo tabulæ

Ad radium principalem;

Ita est latitudo frontis scenæ

Ad distantiam ejusdem ab oculo, ut tota in tabula exhiberi possit.

In priore hypothesei invenietur 40 modulorum, ut adeo a tabula 30 modulis removeri deberet.

456. I. I°. Ut linea horizontalis, & verticalis tabulæ determinetur, eligendum est punctum in fronte scenæ, cui oculus spectatoris directe opponi debet; erit igitur certa quædam ejus puncti distantia a latere alterutro hujus frontis, tum etiam altitudo supra planum geometricum: utraque si e tabellâ magnitudinum ab initio constitutarum sumatur, illa dabit distantiam lineæ verticalis ab alterutro margine laterali tabulæ; hæc vero distantiam lineæ horizontalis a margine inferiore. Hinc duæ, quæ sequuntur, fiant analogiæ:

Ut distantia oculi a puncto in fronte scenæ assumpto

Ad radium principalem;

Ita est distantia ejusdem puncti ab alterutro latere frontis scenæ

Ad distantiam lineæ verticalis a margine tabulæ ad eam partem sumto, ad quam acceptum est latus scenæ.

Est enim $CO : FO = CB : FE$.

Dein

Ut distantia oculi a puncto in fronte scenæ assumpto

Ad altitudinem ejusdem puncti supra planum Geometricum;

Ita est radius principalis

Ad distantiam lineæ horizontalis a margine inferiore tabulæ.

Etenim si CE (fig. 66) repræsentet planum geometricum, CA altitudinem puncti in fronte scenæ assumpti, DF tabulam, patet esse $OA : AC = OT : DT$.

457. Quod si altitudo oculi supra planum geometricum alia commodior visa fuerit, quam puncti in fronte scenæ assumpti, ita ut hoc punctum solummodo ad situm lineæ verticalis determinandum adhibeatur, postrema analogia hunc in modum ex iisdem triangulis AOC, ODT constituenda erit.

Ut distantia oculi a verticali ad planum geometricum, quæ per punctum in fronte scenæ assumptum transit,

Ad

Ad altitudinem oculi supra planum geometricum;

Ita est radius principalis

Ad distantiam lineæ horizontalis a marginē inferiore tabulæ.

458. IV°. Si frons scenæ AB (fig. 69) non sit parallela plano tabulæ, sed quantitate data BAL inclinata; uti si frons ædificii oblique oculo objicienda sit, quæ totam tabulæ latitudinem exæquet; calculi præparatorii non nihil plus difficultatis habent: quæ tamen evitari potest, diversis dimensionibus tabulæ assumtis, dum tentando eæ reperiantur, quæ proposito faciant satis; si scilicet prius quatuor extrema frontis scenæ puncta optice designentur, & ex trapezio inde orto tabulæ altitudo, & latitudo constituatur. Quod si lubeat eas calculo directe invenire, is sequente ratione ineundus est.

459. Ubi punctum F, per quod planum verticale transire debeat, constitutum est (fig. 69), & seu ex calculo trigonometrico, seu ex constructione geometrica scalæ accuratæ subsidio magnitudo linearum AL, FM, AH, FH tenetur, sit OP=r, DE=t, PE=x: est nempe PE distantia lineæ verticalis a tabulæ margine E, qua mox subjiciendo calculo reperta, cetera facile invenientur. Sit præterea BL=b, FM=HL=d, AH=f. Ex triangulis BGL, OPE similibus habetur OP:PE=BL:LG, sive $r:x=b:\frac{bx}{r}=LG$. Hinc HG=d- $\frac{bx}{r}$. Dein ob similitudinem triangulorum HGO, PEO, est PE:OP=HG:HO, vel $x:r=d-\frac{bx}{r}:HO=\frac{dr}{x}-b$. Denique quia similia sunt triangu-
la AHO, DPO, est DP:PO=AH:HO, aut $t-x:r=f:HO=\frac{fr}{t-x}$. Ex duplici valore de HO fiet hæc æquatio $\frac{dr}{x}-b=\frac{fr}{t-x}$, & facta reductione $xx-\frac{drx-btx-frx}{b}=-\frac{drt}{b}$; aut si brevitatis gratia ponatur $\frac{dr+bt+fr}{b}=a$, erit $xx-ax=-\frac{drt}{b}$. Unde $x=\frac{1}{2}a+\sqrt{\left(\frac{1}{4}aa-\frac{drt}{b}\right)}=PE$. Ex PE datur etiam PD; inde PD:OP=HA:HO; est vero PF=HO+HF-OP: igitur habetur quoque distantia puncti visus tabulæ P a puncto F in fronte scenæ, per quod planum verticale transire debet.

460. V°. Circa situm, & altitudinem oculi illud hic advertendum, in tabulis, quæ ornandis cubiculis destinantur, aliisque id genus picturis, altitudinem oculi commode 7 vel 8 pedum supra planum geometricum assumi, nisi quando magnus objectorum numerus

merus in eadem tabella repræsentandus est, v. g. integer hortus. Tunc enim major tribuenda est oculo altitudo, ne partes remotiores nimium contrahi debeant, & confuse appareant. Id genus delineationes opticas Galli ad *visum volucris* factas dicunt, quod tanta assumatur oculi altitudo, quasi ex sublimi cum avibus objectum intueri liceret.

461. Non igitur altitudo oculi ad communem hominis staturam exigenda est, ut 5 vel $5\frac{1}{2}$ pedum sit, nisi tabula ex magna distantia spectari debeat, ac intuentibus illudere, ut planum in ea depictum, cum solo, in quo consistunt, in directum jacere, ac ultra tabulam excurrere arbitrentur. Hujusmodi sunt tabulæ, quæ in fine ambulacri vel horti constitutæ, eorum limites longe ultra protensos exhibent. In theatrorum ornatu oculi locus prope medium amphitheatri sumitur, atque ad altitudinem trium, quatuorve pedum supra libellam illius, ut suggestum theatri directe excurrere, & plano perspektivo continuum videatur.

462. Quod universim hac in re dici potest, illud est, talem semper oculi altitudinem eligendam esse, ut quam distinctissime videantur objecta, quorum projectio tabulæ maximam pulchritudinem conciliat. Hoc autem non aliter determinari potest, quam si prius tota scena diversis modis adumbretur rudius, ut oculo diversimode collocato apparitura est. Etenim certissimum est *ideo delineationem fieri ex legibus Perspectivæ, ut imagines pulchræ sint; at vero non ideo omnes imagines esse pulchras, quod earum delineatio ad leges exacta sit.* Est hæc fors omnium quidem artium, maxime tamen earum, quarum principia ex arbitratu nostro non pendent.

463. VI°. Longitudo radii principalis distantiae objectorum a tabula proportionata esse debet, ne rerum delineandarum partes aut contrahantur nimium, aut a figura sua naturali diffideant. Et si quidem tabula nec nimium procul spectari debeat, nec uni affigi loco, sequens teneri potest regula: *radius principalis nec minor esto dimidia, nec longior integra diagonali tabulæ, si objecta præcipua integra exhibenda sunt.*

464. Nam experientia nos docet, uno obtutu, & oculo immoto, non posse objectum videri integrum, si angulus a radiis ab objecti extremis ad oculum ductis comprehensus sit obtusus, nec satis distincte partes ejus cerni posse, si idem 60 gradibus minor sit. Hinc vero facile patet, quod si oculus F (fig. 68) a medio tabulæ D distet quantitate DF æquali diagonali BC, radii ex oculo ad angulos tabulæ B, & C ducti, FB & FC, excedant diagonalem BC (cum hypotenusa FC major sit catheto FD = BC); atque ideo crura trianguli BFC paullo longiora sunt, quam in triangulo æquilatero; igitur angulus

lus ad oculum minor est 60 gradibus. (Reperitur facili calculo 53° , $8'$).

465. At si oculus E distet dimidia diagonali $BC = ED$, triangula EBD , ECD sunt rectangula, & isoscelia; igitur anguli BED , CED sunt singuli 45 graduum, & totus BEC 90 graduum.

466. In majoribus projectionibus, ut sunt picturæ theatrales, hortenses, ambulacrorum &c, quæ procul spectandæ sunt, nec subtiliore elaborandæ penicillo, nec etiam objecta integra exhibere debent, distantia oculi ex situ loci determinanda est.

C A P U T V.

De Perspectiva Umbrarum.

467. **R**egulis umbras optice exhibendi ars Pictoria nequaquam cārere potest, maxime quando imagines referre debent corpora a sole, aliove vicino lumine collustrata, ut umbrarum nigriorum limites non possint non in spectatoris oculos incurrere.

468. Punctum lucidum (sive a quo corpus opacum illustratum umbram in partem directe oppositam projicit) potest esse vel trans tabulam, vel in ejusdem plano, vel cis istud.

469. Quando punctum lucidum est trans tabulam, fieri potest, ut vel sit ante corpus opacum, vel post istud; si primum, umbra ita exhibenda est, ut intelligatur recedere a tabula, ideoque ejus projectio versus lineam horizontalem dirigetur; si hoc, sitque simul lucidum opaco altius, umbra versus spectatorem cadet, & ejus delineatio versus marginem inferiorem tabulæ verget; at si punctum luminosum sit depressius corpore illuminato, hujus umbra quidem rursus ita exhibenda est, ut appareat versus spectatorem projici, attamen in plano tabulæ versus marginem superiorem delineanda est.

470. Si punctum lucidum sit cis tabulam, aut inter oculum, & tabulam existere intelligitur, aut a tergo spectatoris. In utroque casu umbræ recedunt a tabula, & projectio earum versus lineam horizontalem dirigitur.

471. Si punctum lucidum sit Sol aut Luna, hoc supponi nequit, nisi vel sit trans tabulam post objecta, vel in plano tabulæ, vel cis tabulam a tergo spectatoris: neque enim fieri potest, ut sit trans tabulam, & ante corpus delineandum, aut intra tabulam & oculum, nisi simul sit in ipso zenith alicujus puncti inter tabulam & corpus opacum, vel inter oculum & tabulam siti; at quia distan-

tia horum siderum fere immensa est, hi casus locum non habent, nisi quando simul sunt in zenith corporum delineandorum, tabulæ, & oculi, ideoque in plano tabulæ.

472. Ex his apparet, umbras corporum a sole vel luna illuminatorum facilius determinari, quam quæ ex vicina alia luce, v. g. lampadis, vel cerei ardentis, oriuntur.

A R T I C U L U S I.

De proprietatibus umbrarum, quarum ratio in Perspectiva habetur.

473. **Q**uoniam proprietates umbrarum generales jam Parte I demonstravimus, fatis est, si modo eas hic afferamus, quæ ad Perspectivam attinent.

474. THEOREMA I. *Umbra corporum a sole oriente vel occidente illuminatorum in planum horizontale projectæ; seu universim umbra corporum, quando sol aut punctum lucidum est in eodem plano, cui illa insistant, indefinitæ sunt.*

Nam longitudines umbrarum sunt (37) ut cotangentes altitudinum corporis lucidi supra planum illuminatum; igitur quando hæc altitudo nulla est, hoc est, quando lucidum est in plano, in quo supponitur corpus opacum, cotangens altitudinis est infinita.

475. THEOREMA II. *Umbra corporum ex luce solari intercepta sunt ejusdem longitudinis, ac corpora, sole elevato ad 45° .*

Umbrae sunt longitudinis corporum dimidiæ, partes tertiæ, quartæ &c, ut altitudo solis fuerit $63^\circ, 26'$, vel $71^\circ, 34'$, aut $75^\circ, 58'$ &c. Vel vero sunt duplæ, triplæ, quadruplæ &c sole elevato ad $26^\circ, 34'$, ad $18^\circ, 26'$, ad $14^\circ, 2'$ &c, quæ omnia manifesta sunt ex tabulis tangentium.

476. THEOREMA III. *Umbra rectæ objectivæ cadens in planum quodcunque, est etiam optice recta.*

Nam punctum lucidum est vertex, & radii per extrema rectæ objectivæ transeuntes, sunt latera trianguli, cujus basis est recta objectiva: umbra porro hujus rectæ est planum trianguli ultra basin productum: atqui hoc planum nequit per alterum planum occurrens secari, nisi linea recta (Elem. 629.): & hæc sectio est projectio perspectiva umbræ a linea objectiva in planum occurrens triangulo cadentis; igitur &c.

477. COROLL. *Datis itaque duobus punctis, per quæ umbra a linea recta projecta transit, datur situs umbræ. Et vicissim ut inveniatur situs umbræ*

bræ in planum quodpiam cadentis, reperienda sunt duo puncta illius plani, per quæ umbra transit.

478. THEOREMA IV. Umbra corporis opaci a puncto lucido illuminati est truncus pyramidis, quem complet pyramis verticem punctum lucidum, & basin partem illuminatam corporis opaci habens. Extenditur indefinite in plagam oppositam puncto lucido, donec alterius corporis superficie intercipiatur; & spatium, quod in hac superficie occupat, est umbra projecta a priore corpore illuminato.

Theorematis evidentia demonstratione non eget.

479. COROLL. I. Umbra corporis a puncto lucido illuminati eo latior est, quo lucidum illuminato propius, & superficies umbram excipiens ab opaco remotior est.

480. COROLL. II. Umbra corporis illuminati a lucido infinite distante, ut a sole vel luna, est prisma indefinite longum, cujus basis altera est superficies illuminata corporis, altera superficiei umbram excipientis illud spatium, quod in eadem umbra occupat. Hoc enim in casu radii a lucido venientes sunt inter se paralleli.

481. COROLL. III. Si ad penumbram non attendatur, umbræ linearum rectarum exceptæ plano iis parallelo, sunt rectæ, & lineis, a quibus projiciuntur, æquales. Duo enim radii per extrema ejusmodi lineæ transeuntes sunt inter se paralleli, ideoque cum lineæ & ejus umbra parallelogrammum constituunt. Ex hoc vero deducitur primo, umbras corporum a sole illuminatorum habere eandem latitudinem cum objectis suis directe soli expositis. Secundo: Projectiones perspectivæ umbrarum suis rectis objectivis parallelarum debere (353) ad eadem puncta accidentalia concurrere, ad quæ convergunt projectiones ipsarum linearum lumen intercipientium.

482. COROLL. IV. Perimeter umbræ nil aliud est, quam projectio quædam Perspectiva, pro qua locus oculi est punctum lucidum, objectum perimeter superficiei illuminatæ, tabula illa superficies, quæ umbram excipit.

483. THEOREMA V. Umbra a linea verticali in planum quodvis projecta, si producat, transit per illud punctum plani, in quod cadit perpendiculum a puncto lucido demissum.

Sit (fig. 70 & 71) L punctum lucidum; P vel p punctum in plano seu inclinato, seu ad libellam posito, infra aut supra lucidum, in quod cadit perpendiculum; verticales in hoc plano positæ sint AB, vel CD; dico earum umbras FB, ED productas per P vel p transire. Cum enim rectæ AB vel CD sint verticales, plana quoque triangulorum umbræ FAB, EDC erunt verticalia; atqui hæc si producantur, per L transire debent, ideoque sese in verticali LP intersecant: ergo etiam latera FB, ED producta transeunt per P vel p.

484. COROLLARIUM I. Si lucidum L sit sol vel luna, puncti, in quod cadit perpendicularum in planum Geometricum inde demissum, projectio est in linea horizontali. Non enim, nisi ad distantiam infinitam a tabula, perpendicularis ex sole ad planum horizontale demissum huic plano occurrere potest.

485. COROLLARIUM II. Si plura lucida eandem lineam verticalem illuminant, tot sunt umbræ, quot sunt lucida, quæ singulæ, si producantur in plano, in quo excipiuntur, transeunt per puncta, in quæ cadunt perpendiculara a lucidis oppositis demissa.

A R T I C U L U S II.

De umbris corporum, quando sol vel luna est in eodem plano cum tabula.

486. I°. **D**um sol in plano tabulæ & simul in horizonte versatur, uti dum oritur vel occidit, omnes corporum umbræ in planum Geometricum projectæ, ob debilitatem lucis, sunt dilutiores, simulque infinitæ (474). Quare earum projectiones opticæ lineæ horizontali tabulæ parallelæ protenduntur; & siquidem occurrat superficies quædam supra horizontem erecta, in ea ad altitudinem corporibus lumen intercipientibus æqualem assurgunt. Cetera ex figura hic annexa facile intelliguntur. Vide fig. 80.

487. II°. Quando sol angulo dato supra horizontem elevatus est, situs umbræ determinatur parallela ad lineam horizontalem ex pede corporis illuminati ducta, v. g. (fig. 81) ex a ; dein ad apicem supremum c construatur cum perpendicularo ca angulus æqualis complemento altitudinis solis; recta cb terminabit umbram ab , angulo cba altitudini soli æquali; nisi forte obstaculum opponatur, velut solidum A , vel murus hm . Hoc si fiat, umbra ex d perpendiculariter ascendet in solidi plano de (planum enim trianguli umbræ cab verticale a plano occurrentis solidi itidem verticali non potest aliter, quam linea perpendiculari secari); inde in superiore plano solidi parallele ad horizontem procurret ex e in f ; tum rursus in g priorem situm resumet usque ad i . Hinc in muro verticali hm , usque dum in k pertingat ad lineam cb , assurget. Umbra solidi A eodem modo definitur, quem attulimus pro corpore ca , dum nullum obstaculum occurrit.

488. OBSERVA. Quando altitudo solis arbitraria assumi potest, opus non est angulo ad c , sed definitur longitudo umbræ ex ratione, quam ad corporum altitudinem habere supponi potest.

ARTICULUS III.

De umbris corporum, quando sol vel luna est post planum tabulæ.

489. Si sol oriens vel occidens sit in ipso horizonte, scire oportet (aut si arbitrium est, assumere) quantum planum verticale per oculum & centrum solis transiens a plano verticali tabulæ declinet, hoc est, quoniam divisionis lineæ horizontalis puncto centrum solis sit constituendum. (Id vero punctum *azimuthum solis* vocare licet). Hoc ubi in linea horizontali, etiam producta, si necesse sit, habetur, ipse sol delineari potest dimidio disco supra lineam horizontalem eminens, 24 vel 25 minutis ex illis divisionibus utrinque a centro pro radio sumtis: apparet enim sol major in ortu suo, vel occasu, quam dum supra horizontem elevatus est.

490. Punctum lineæ horizontalis, in quo est centrum solis, est punctum accidentale umbrarum a lineis verticalibus projectarum (483). Umbræ vero istæ debiles sunt, & versus marginem inferiorem tabulæ indefinite extenduntur, nisi quando illis planum aliquod verticale, aut aliud inclinatum, v. g. murus quispian, aut corpus quodvis opponitur.

491. Sit exempli causa azimuthum solis occidentis 40° . Umbra corporis A (fig. 83) terminatur utrinque linea recta ad punctum 40° tendente, ac in plagam huic oppositam indefinite producta. Umbra item cylindri B comprehenditur duabus rectis versus 40° convergentibus, verum ubi ad gradum infimum obstaculi pertingit, verticaliter per *e* ascendit; tum in plano superiore horizonti parallelo directione *io* ad 40° vergente extenditur; ex *o* rursus usque in *l* perpendiculariter erigitur; ex *l* in *u* situm versus 40° iterum acquirit; tandem ex *u* in *r* in plano verticali assurgit, ibique terminatur, linea *rn* optice altitudini cylindri æquali.

492. II°. Si sol sit supra horizontem, sumendum est ejus azimuthum in linea horizontali, ut habeatur punctum accidentale umbrarum a lineis verticalibus projectarum. Tum vero seu ex data, seu ex assumpta (si arbitrio nostro permittitur) solis altitudine ratio longitudinis umbrarum ad altitudinem corporum determinanda est, quæ eadem est (474), ac sinus totius ad cotangentem anguli altitudinis solis. Uti si sol ponatur 20° supra horizontem, & versus sinistram a plano verticali declinet 40° , reperitur cotangens 20° ad sinum totum, ut 2, 75 ad 1, seu longitudo umbræ in plano horizontali æqualis $2\frac{3}{4}$ altitudinis corporis. Esto itaque AC (fig. 82) corpus verticaliter erectum: ducatur ex ejus

basi A recta AB per punctum Z 40 graduum transiens, fiatque perspective æqualis $2\frac{3}{4}$ AC: si nullum objiceretur impedimentum, umbra foret AB. At quia isthic interponitur prisma pk, umbra ex A ad O producta, ex basi prismatis perpendiculariter per OE attollitur: dein directione EI ad 40° servata superius prismatis planum emensa rursus in F comparet trans umbram a prismate projectam, atque ad B usque, situ eodem procurrit, quem primo habuit.

493. Ex figura hac intelligitur, umbram prismatis determinari, ductis primo pG, QN, RM ex puncto accidentali 40°, & indefinitis; tum facta una earum, v. g. QN, $2\frac{3}{4}$ altitudinis QT optice æquali, & ducta MN ad punctum visus S, quod nempe latus prismatis kT ad idem dirigatur (481); tandem facta NG ad lineam horizontalem parallela, cum latus TD situm eundem habeat.

494. OBSERVA I. Si quis locum solis in tabula, producta, si necesse sit, exhibeat, velut in M, terminus umbræ B corporis AC obtinetur, si regula ad M & C applicata secetur recta per 40° & pedem corporis transiens ZB in B. Eodem modo punctum N umbræ solidi pk reperitur.

495. OBSERVA II. Hæc methodus commodissima est, quando altitudo solis nostro arbitrio relinquitur; at si hæc determinata sit, quæri prius debet MZ modo superius (411) exposito, & demonstrato.

A R T I C U L U S IV.

De umbris, quando sol est a tergo spectatoris.

496. Cum sol a tergo spectatoris est, umbræ eodem modo determinari possunt, ac in superiore articulo, si concipiatur esse in puncto diametraliter opposito infra horizontem. Unde notari debet gradus azimuthi solis in linea horizontali in parte opposita illi, in qua reipsa versatur respectu plani verticalis. Tum si res poscat, inito calculo eruitur, seu, si nihil determinetur, assumitur ratio longitudinis umbræ ad altitudinem corporum; indeque longitudo umbrarum optice ex scala decrescente sumitur, situ earum a pede corporum lumen intercipientium semper versus punctum azimuthi directo.

497. Potest quoque locus solis in tabula exhiberi, altitudine arbitraria, si nihil præscribatur, aut Geometrice determinata, si data sit, ut limites umbrarum reperiantur. Sit exempli causa sol
a ter-

a tergo spectatoris ad partem sinistram 40° a plano verticali, & 20° supra horizontem: oporteat invenire umbram perticæ verticaliter erectæ A C (fig. 84). Ex A ducatur ad Z (40° versus dextram in linea horizontali) recta AZ. In Z M, ad horizontalem SZ normali, accipiatur locus M centro solis oppositus, ita ut Z M sit projectio perspectiva arcus cælestis verticalis 20 graduum: jungantur M & C: erit terminus umbræ in B.

498. Etenim umbra ex luce solari a quocunque puncto intercepta, si nullum interponeretur obstaculum, directe projiceretur in punctum soli diametraliter oppositum in cælo: ergo punctum hoc soli oppositum, punctum plani umbram intercipientis, & punctum, in quo existit sol, sunt in eadem recta.

ARTICULUS V.

De umbris corporum, quando lucidum vicinum est, uti candela ardens.

499. I°. *Quando lucidum est post tabulæ planum.*

Ut umbræ expedite inveniantur, in ipsa tabula, producta, si opus est, exhibeatur lucidum ex regulis perspectivæ, una cum projectione puncti in plano Geometrico, in quod perpendiculum a lucido demissum cadit, quod *pedem lucidi* deinceps vocabimus: est enim hoc punctum accidentale omnium umbrarum, quæ ex intercepta luce hujus corporis oriuntur. Ceterum methodus umbras hujusmodi exhibendi eadem omnino est, ac Art. III descripta; illud modo advertendum, quod si lucidum sit humilius, quam corpus opacum, umbra hujus in lacunar (si quod in tabula repræsentetur) projecta dirigatur versus punctum, in quod verticalis ex pede lucidi erecta incidit.

500. II°. *Quando lucidum est in plano tabulæ.*

Rursus lucidum in tabula designandum, quod facile admodum est; quoniam enim nullam a tabula distantiam habet, ejus projectio tantundem a linea verticali, & horizontali distat, quantum ipsum a plano horizontali & verticali. Pes porro lucidi erit in ipso inferiore margine tabulæ, ideoque umbræ eodem prorsus modo, ac prius, determinantur.

501. III°. *Quando lucidum est intra oculum, & planum tabulæ.*

Eadem hic quoque adhibenda methodus, lucido ejusque pede in tabula designatis. Quare in analogia solutionis generalis (351) ponendum est: ut *radius principalis minus distantia puncti lucidi a tabula &c loco plus distantia &c.* Quod si enim sumatur planum A S D I (fig.

(fig. 46) pro tabula, & *as di* pro plano tabulæ parallelo, in cuius puncto *d* sit lucidum, liquet, *A O* esse radium principalem; *A a* distantiam lucidi a tabula; *as*, seu *id*, ejusdem distantiam a plano horizontali; *ai* five *sd* denique ejus distantiam a plano verticali: unde erit $Oa \text{ (vel } OA - aA) : OA = ai \text{ (vel } sd) : AI \text{ (vel } SD) = as \text{ (vel } id) : AS \text{ (vel } DI)$. Observandum verò, lucidum nec debere esse multum supra planum horizontale, nec multum a plano verticali remotum, nec etiam nimis vicinum plano tabulæ parallelo, quod per oculum tranfit; alias illius projectio longe extra tabulæ margines erit: & pedis quidem lucidi projectio semper infra marginem infimum tabulæ cadit.

502. OBSERVA. Quoniam lux hunc in modum incidens non parum decoris imaginibus adfert, si arbitraria sit lucidi collocatio, ea assumatur tum ab horizontali, tum a verticali plano distantia, ut ejus projectio paullo extra alterutrum marginem lateralem tabulæ, ac non nihil supra lineam horizontalem cadat.

503. Quando lucidum est a tergo spectatoris.

Situs hic lucidi commodissimus quidem est, ut objecta aliquantum remota distincte videantur: verum determinatio umbrarum difficillima evadit, quod neque lucidi, neque ejus pedis projectio in tabula fieri possit, ideoque non habeatur punctum accidentale concursus umbrarum. Quare alia quævis lucidi collocatio eligenda. Ne quid tamen hac in materia desideretur, regulas pro umbrarum determinatione subdimus.

504. I°. Itaque quærenda est per calculum distantia puncti visus ab illo puncto lineæ horizontalis, ad quod umbra cujusvis objecti verticalis dirigitur. Si igitur punctum illuminatum & punctum lucidum sint ad eandem partem plani verticalis, inferatur: ut *summa distantiarum puncti illuminati & lucidi a plano tabulæ, est ad differentiam distantiarum eorundem punctorum a plano verticali; ita est radius principalis ad distantiam quæsitam, quæ versus eandem partem in linea horizontali accipienda est, ad quam est punctum illuminatum, si hujus distantia a plano verticali major sit, quam distantia lucidi ab eodem; at si minor sit, ad partem oppositam.*

505. Ex hoc patet, quod si punctum illuminatum, & punctum lucidum habeant eandem distantiam a plano verticali, sintque ad eandem ejus partem, situs umbrarum dirigatur ad punctum visus.

506. Verum si punctum illuminatum, & punctum lucidum sint ad diversas partes plani verticalis, fiat sequens analogia: ut *summa distantiarum horum punctorum a plano tabulæ, est ad summam distantiarum eorundem a plano verticali; ita radius principalis est ad distantiam puncti visus ab illo puncto lineæ horizontalis, ad quod umbra dirigitur.* Et hæc quidem di-

distantia semper ex ea parte sumitur, ad quam est punctum illuminatum.

507. Calculo modo exposito id egimus, ut inveniretur inclinatio basis trianguli umbræ ad planum verticale. Nam sit L (fig. 85) pes puncti lucidi in plano geometrico; GE sit situs plani verticalis; IK tabulæ; B punctum plani geometrici, in quod cadit perpendiculum e puncto illuminato demissum. Sit LD plano verticali parallela; & jungatur BL ; patet, BL esse directionem umbræ in plano geometrico, ad planum verticale angulo DLB inclinatam. Jam vero in triangulo DLB est DL (seu $DF + FL$): BD (vel $EL - GB$) = R : $\text{tang } DLB$; & quia divisiones lineæ horizontalis sunt tangentes, radio principali sumto pro sinu toto (370): habetur $DF + FL$ ad $EL - GB$, ut radius principalis ad distantiam puncti visus ab eo puncto lineæ horizontalis, ad quod umbra tendere debet. Quoniam autem B propius est plano verticali, quam L , situs umbræ inclinatus ad planum verticale vergit in partem oppositam puncti illuminati. Idem ratiocinium facile punctis illuminatis A & C pro casibus reliquis applicatur.

508. II°. Calculanda est longitudo umbræ in plano geometrico inde a pede corporis illuminati accepta, ut ejusdem perspectiva projectio fiat. En vero methodum: distantia puncti visus ab altero puncto lineæ horizontalis præcedente calculo reperta transferatur ex puncto visus in lineam verticalem, nec refert, quam in partem hoc fiat. Mensuretur, quantum punctum lineæ verticalis, in quod translata cadit, distet a gradu 45^{to} lineæ horizontalis, & inferatur: ut factum ex radio principali in differentiam altitudinum puncti illuminati & puncti lucidi supra planum geometricum, est ad factum distantie ultimo repertæ in summam distantiarum puncti illuminati & puncti lucidi a plano tabulæ; ita est altitudo puncti illuminati supra planum geometricum ad distantiam umbræ a pede hujus puncti in plano geometrico acceptam.

509. Supponit hæc analogia, punctum lucidum esse altius illuminato; si sit infra illuminatum, reperietur distantia umbræ accepta in plano parallelo ad planum geometricum, velut in lacunari, a puncto, in quo huic plano occurrit verticalis per punctum illuminatum transiens.

510. Pro demonstratione allatæ analogiæ, advertendum est, quod si in lineam verticalem transferatur recta æqualis tangenti anguli inclinationis lineæ LB , atque ejus extremum jungatur cum
S
gra-

gradu 45^{to} lineæ horizontalis, oriatur triangulum simile triangulo BLD . Unde habetur (Elem. 556) : ut radius principalis (qui dicatur r) ad hypotenusam hujus trianguli novi (quæ d vocetur); ita est in triangulo BLD latus LD (sive $FL + FD$) ad BL : igitur $BL = \frac{(LF + FD) \times d}{r}$.

511. Exhibeat porro LN (fig. 86) planum geometricum; LH altitudinem puncti lucidi H ; BM sit altitudo puncti illuminati M ; ducatur MO parallela ad LN , erit HO differentia altitudinum puncti illuminati, & puncti lucidi; & si recta HM producat in N , est BN distantia umbræ N a pede B puncti illuminati. Est vero ob triangula HOM , MBN similia, $MB : BN = HO : (HL - MB)$ (seu $HL - MB$): OM (vel LB); quare $BL = \frac{(HL - MB) \times BN}{MB}$. Si jam fiat æquatio ex duplici valore de BL , deducetur analogia: $r \times (HL - MB) : d \times (LF + FD) = MB : BN$. Q. E. D.

Quod si situs figuræ inversus exhibeatur, ita ut LN repræsentet planum aliquod plano geometrico parallelum, H punctum lucidum illuminato M depreffius, obtinebitur idem punctum umbræ N , manetque adeo idem calculus.

512. OBSERVA I. Si idem objectum a pluribus lucidis diversimode collocatis illuminetur, singulæ umbræ ex luce singulorum lucidorum intercepta eodem modo calculandæ sunt, ac si quodvis lucidum solum esset. Umbræ porro ejusmodi prope pedem corporis illuminati inter se confunduntur, fitque ea pars tanto nigrior, quanto umbrarum major est numerus. Inde autem singulæ fiunt dilutiores, quo magis inter se separantur, quo a pede longius recedunt, quo superficies eas excipiens ab alio lucido vivacius illustratur. Hæc omnia facile intelligentur, si umbræ a corpore a pluribus candelis diversum situm obtinentibus collustrato projectæ delineentur, ut necesse non sit singula minutim discutere.

513. OBSERVA II. Si duæ umbræ, quarum utraq; in se admodum diluta, & vix perceptibilis, sese interfecant alicubi, id spatium jam longe nigrius est, ut umbra facile distinguatur; & si plures adhuc umbræ illic se secarent, fane multo magis nigresceret.

ARTICULUS VI.

Varia Problemata de Umbris.

514. **PROBLEMA I.** *Determinare umbram veram corporis a penumbra discretam.*

RESOLUTIO. Facta projectione perspectiva corporis luminosi ED secundum omnes ejus dimensiones, determinetur ut supra (494) umbra unius lateris corporis opaci ex radiis e centro venientibus interceptis AG; tum etiam umbræ ex luce ab extremis limbis emissa, & ab eodem latere intercepta, AF, & AG. Eodem modo quærantur limites f, g, h , umbrarum ab altero opaci latere ab projectarum, & ducatur fF , in qua sumantur puncta I & i ita, ut FI sit perspective æqualis cum FG, & $if = fg$. Junctis AI, ai, erit trapezium AaiI umbra vera: AahH vero exhibet limites penumbræ.

515. **OBSERVA.** Si corpus lucidum non sit sphaera, velut si fumatur fax ardens, cujus flammæ latitudo sit ad altitudinem, ut p ad q ; sumendum est FI ad FG, & fi ad fg , ut p ad q .

516. **PROBLEMA II.** *Determinare umbram rectæ AB (fig. 87) ad solum inclinatæ, quando positione & magnitudine datur.*

RESOLUTIO. Quæratr trigonometrice vel graphice punctum D plani geometrici, in quod cadit perpendicularum a supremo puncto B lineæ inclinatæ demissum, ut quantum a plano verticali, & tabulæ distet, sciatur. Tum jungantur B & D, & quæratr hujus perpendiculari BD umbra DE (499). Ducatur ex A recta AE; erit hæc umbra lineæ AB. Quod si intercipiatur plano aliquo verticali FG, liquet, umbram fore AIK, puncto nempe K existente termino umbræ a perpendicularo BD projectæ.

517. Ut trigonometrice reperiatr punctum D, in triangulo BAD ad D rectangulo, notum est AB, & angulus inclinationis BAD; igitur inveniri potest AD. Si porro ducatur AN parallela plano verticali, & ad hanc ex puncto D perpendicularis DN, in triangulo ADN datur AD (ex priore triangulo repertum), & angulus NAD, ob datam declinationem lineæ AB a plano verticali: quare reperitur AN & ND, quibus habitis scitur positio puncti D, respectu puncti A positione dati.

518. Graphice res, sic peragitur. Ad $A d$, (fig. 88) parallelam plano tabulæ, constituatur angulus $d A B$ æqualis inclinationi datæ lineæ objectivæ, cui etiam sumatur $A B$ æqualis. Demittatur perpendicularum $B d$, & erigatur $A N$ ad $A d$ normalis, quæ erit parallela plano verticali. Fiat $N A F$ æqualis declinationi datæ lineæ objectivæ a plano verticali, & accipiatur in $A F$ recta $A D = A d$, ducaturque $D N$ ad $A N$ perpendicularis: rectæ $D N$, $A N$ præbebunt in scala discrimen situs puncti D inter punctum datum A .

519. OBSERVA. Si extremum B rectæ inclinatæ $A B$ sit supra lucidum C elevatum (fig. 90); ut punctum E (fig. 87) nequeat in plano geometrico haberi, accipiendum aliud quodvis ejusdem lineæ punctum L (fig. 90) infra lucidum C , indeque demissi perpendiculari $L M$ umbra $M O$ determinanda. Ducta ex A per O indefinita $A O$ erit umbra quæsitæ, nusquam terminata, nisi incidat in aliquod planum supra geometricum elevatum.

520. RESOLUTIO ALTERA. Quando datur rectæ inclinatæ projectio perspectiva in tabula. Sit ejusmodi projectio $A B$ (fig. 91). Ex duobus quibusvis ejus punctis A , D demittantur perpendiculara $A C$, $D E$ in projectionem plani geometrici, & ducantur ex pede lucidi P per C & E indefinitæ $P F$, $P G$. Concipiatur planum ad horizontem perpendiculare (parallelum, si lubet, plano verticali, vel tabulæ, modo ne nimium ad rectas $P F$, $P G$ sit obliquum), cujus intersectio cum plano Geometrico repræsentetur optice per $F K$. Ex F , G , ubi rectæ $P F$, $P G$ occurrunt intersectioni $F K$, erigantur perpendiculares indefinitæ $F H$, $G I$; & ex puncto lucidi L ducantur per A & D rectæ $L A H$, $L D I$, quæ in H & I plani assumpti determinant umbras punctorum A & D : jungantur H & I recta, quæ secet $F K$ in O : erit O in directione umbræ, cujus adeo situs est $B O Q$.

521. PROBLEMA III. Determinare directionem umbræ a linea recta inclinata $A B$ in plana lucido altiora projectæ.

RESOLUTIO. Ex pede P lucidi L (fig. 96) ducatur per C , in quod cadit perpendicularis ab extremo B rectæ $A B$ demissa, recta $P C M$, occurrens intersectionibus planorum perpendicularem graduum cum plano terræ, in punctis H , I , K , M , e quibus erigantur perpendiculares indefinitæ $H N$, $I O$, $K Q$, $M R$. Ducatur etiam ex puncto lucidi L per B recta $L R$, quæ
exhi-

exhibebit umbras puncti B in singula plana verticalia graduum producta cadentes, scilicet N, O, Q, R. Quærat per problema præcedens situs umbræ Am in plano terræ, quæ occurrat intersectionibus planorum verticalium (productis etiam) in h, i, k, m. Ducantur hN, iO, kQ, mR, quæ determinant situm umbræ in planis iisdem verticalibus graduum. Et si etiam umbræ ipsorum graduum ST, VX, YZ declinentur, facile erit rectæ AB totam umbram AhnostuxR, qua videri potest, exhibere.

522. PROBLEMA IV. *Invenire punctum, ad quod umbræ linearum verticalium in planum inclinatum incidentes dirigi debent.*

RESOLUTIO. Ex pede lucidi P (fig. 92) ducatur (388) ad intersectionem plani inclinati cum plano terræ perpendicularis; aut si planum inclinatum ABC non pertingat usque ad planum terræ, ducatur ex Q tantundem supra terram elevato, quantum latus CB, ad idem CB perpendiculum QR, cujus quantitas modo mox exponendo quærat. Tum fiat: ut sinus totus est ad tangentem anguli inclinationis plani, in quod umbræ cadunt, cum plano terræ; ita est QR ad QT; erit T punctum accidentale omnium umbrarum projectarum a lineis verticalibus ex luce L intercepta: etenim in hoc puncto planum inclinatum ABC productum secat perpendicularem QL ex lucidi puncto demissam.

523. Ut jam graphice inveniatur QT, collocetur in plano figuræ hunc in finem separatim construendæ (vide fig. 93) punctum Q (cujus eadem supra planum terræ altitudo, ac lateris CB) ac recta BC, quæ idem latus plani exhibeat, ita ut figura hæc in plano exprimat verum situm tam lateris BC, quam puncti Q, respectu plani verticalis FG, & plani tabulæ GH. Demittatur ex Q perpendicularis QR ad BC, & ducatur ad eandem BC parallela QV. Fiat BR S æqualis angulo inclinationis plani dati cum plano terræ, & producat S R, donec occurrat parallelæ QV in T; tum accipiatur mensura de QT in scala, & describatur optice in tabula.

524. SCHOLIUM. Ex dictis apparet, quod determinatis punctis T & t (fig. 95), in quibus plana inclinata ABC, ACD, si producantur, secant perpendicularem LT ex puncto lucidi L demissam, facile sit ductum umbræ NEFGHIK a verticali MN projectæ exhibere, ut figura indicat.

525. RESOLUTIO altera, quando umbra fit ex intercepta luce solis. Producat^{ur} latus plani inclinati DC (fig. 94) usque ad lineam horizontalem in I . Ex I ducatur per planum inclinatum quævis recta IL , ut pars KL sit in eo optice parallela cum latere DC . In plano terræ (vel generalius, in plano ad libellam posito, in quo est latus DC) quærat^{ur} punctum A , in quod cadit perpendicularum ab alterutro extremo K vel L demissum; & ducatur per I recta indefinita IN secans perpendicularem KA ; item altera ex F , azimutho solis, transiens per quodvis punctum, v. g. D , lateris DC , & occurrens priori IN in O . Erigatur ex O perpendicularis, usque dum rectam IL fecerit in Q , jungantur Q & D recta, quæ producta concurrat in T cum perpendiculo e sole S demisso: erit T punctum concursus umbrarum a lineis verticalibus in planum inclinatum $E DC$ projectarum.

Etenim manifestum est, triangulum DQO rectangulum ad O , & cujus angulus QDO æqualis est inclinationi plani DCE , esse in plano verticali $OQSF$ per solem S , & perpendiculum ex eo demissum ST , transeunte: igitur producta QD determinat punctum T , in quo planum inclinatum DCE occurrit eidem perpendiculo ST .

526. OBSERVA. Non hic agimus de umbris in superficies corporum alias, quam planas, projectis; quemadmodum nec de ejusmodi projectionibus perspectivis tractavimus, quæ in alia, quam plana superficie delineari possent, uti in cylindrica, conica, sphærica &c, cum rarum admodum sit, ut id necessitas exigat, & res a brevitate nobis proposita sit aliena. Quod si tamen evitari id genus delineatio nequeat, principiorum, quæ attulimus, accurata notitia, & exercitatione firmata, Geometriæ quidam usus, loci, superficierum, corporum delineandorum conditiones, semper peculiares suppeditabunt regulas, quibus id præstari possit.

AUCTARIUM.

THEORIA MICROMETRI OBJECTIVI.

* * *

CAROLO BENVENUTI Soc. JESU.

ROGERIUS JOSEPHUS BOSCOVICH ejusd. Soc. S. P. D.

In meo ex urbe discessu Martio mense postulasti a me brevem aliquam theoriam præclarissimi instrumenti, quod objectivum micrometrum appellant, quod quidem in Anglia accuratissime elaboratum, ac telescopio catadioptrico sane egregio aptatum Pezenas noster, celeberrimus Massiliensis Mathematicus Regius, pro Barberinis Principibus, cultioris litteraturæ amantissimis, ad nos Romam transmiserat, una cum fusiore dissertatione sua impressa, qua theoriam omnem instrumenti, & usum est persecutus, quam ego quidem, in ipso nimirum discessu meo advectam, uti nosti, videre omnino non potui, uti nec Transactionum Philosophicarum locum Tomo 48 pertinente ad annum 1753, in quo de instrumento agitur, quibus nimirum Romæ cum summo nostrorum studiorum damno carebamus.

Ex ipso itinere theoriam, quam ex instrumenti semel visi consideratione erueram, non valde illam quidem complicatam, sed nec omnino simplicem, ad te transmissi, qua alia longe simplicior, & vero etiam elegantior, ac perbrevis mihi nuper in mentem venit, quanquam aliis nunc ego quidem molestioribus sane, & a meorum studiorum ratione, maxima ex parte, alienissimis, & contentiosis hic curis distineor, ac penitus a contemplationibus Mathematicis avertor. Sed occasionem mihi præbuit ea iterum de re meditandi præclarissimus Societatis itidem nostræ Astronomus P. Liesganig, hujus domesticæ Viennensis speculæ præfectus, in qua cum alia instrumenta sane multa partim de novo curat, partim corrigit, atque, ut dicimus, reëtificat, tum in primis secto-

rem

rem pro verticalibus observandis stellis, meo in *Expeditione Literaria* descripto similem, sed multo præstantiorem, adjectis aliis, aliis multo simpliciore ratione præstitis, per hosce dies absolvit, ac hujus ipsius generis objectivum micrometrum eodem tempore confici curat, Newtoniano aptandum telescopio, egregio sane, quo utitur ad observationes plerasque.

Ejusmodi theoriam igitur ita, ut se mihi sponte obtulit (eam enim nusquam alibi mihi adhuc videre licuit), ad te transmitto, in qua ipsam rei summam persequor tantummodo, rationem vero aptandi instrumentum ipsum telescopiis, quæ multiplex esse potest, & est admodum arbitraria, ac investigationem primi ejus inventoris, quæ ad usum nequaquam pertinet, prorsus omitto. Quoniam vero eandem a me petiit tibi sat cognitus P. Scherffer, qui nostros hic in Mathematicis disciplinis instituit, apud quos hæc studia tam Viennæ & domi nostræ, & per nostros in publica Academia, & in Nobilissimo Theresiano Collegio, quam Tyrnaviæ, Græcii, ac per universam hanc Austriacam Provinciam, fervent nunc plurimum maximo cum successu; quique posteaquam Astronomiam Caillii, scriptoris diligentissimi, e Gallico in Latinum translata in usum studiosæ juventutis hic edidit, ac ejusdem Opticam Latine pariter redditam nunc edit; ut nimirum utilissimi Optici instrumenti theoriam per brevem eidem Opticæ adjungat, in eorum gratiam, qui ceteris fontibus, ex quibus ejus notitiam haurire possent, destituuntur in hisce locis; concedendam omnino censui, si tu, cujus judicium nosti sane, quanti ego faciam, non improbes, & hanc ipsam epistolam ad te datam permittas imprimi simul, sine qua eandem theoriam prodire non sinam, ne occasionem hanc elabi mihi patiar, publicam aliquam exhibendi mei animi significationem erga homines, quorum & diligentiae, & doctrinæ specimina in dies habeo quam plurima ob oculos, & quorum incredibilem in me humanitatem experior, cui parem ego quidem gratiam nec referre unquam potero, nec habere. Vale.

Dabam Viennæ 1. Aug.

1757.

DE MICROMETRO OBJECTIVO.

Sint in fig. 1 (Tab. XIII) binæ semi-lentes $L'L$, $l'l'$, derivatæ e sectione lentis facta per axem suum, & constitutæ in summo telescopio quocunque, quarum ipsam sectionem per axem refert hæc figura; & fig. 2 sectionem perpendicularem axi, vel ipsam utramvis superficiem curvam. Sint autem earum centra Q , q , & foci radiorum parallelorum rectæ AD sint M , m , ac possint promoveri altera respectu alterius motu parallelo, & determinari distantia centrorum Q , q , quæ erit æqualis distantiae quorumlibet punctorum thecæ, cui singulæ includuntur, quæ puncta congruant congruentibus Q , q , & simul cum semilentibus moveantur.

Quoniam radiorum HQ , $H'L'$, parallelorum AD , focus est M respectu primæ semilentis, si ducatur MqI , cui sit parallelus radius $I'l'$, satis patet, omnium radiorum hujusmodi parallelorum Iq , incidentium in secundam lentem, focum debere esse ad sensum itidem in M , cum radius IqM transire debeat ad sensum irrefractus, & distantia a lente foci radiorum, parum inclinatum ad axem, in data quavis directione debeat esse ad sensum eadem, ac radiorum axi parallelorum.

Hinc binæ quidem fient in M , m imagines objectorum singulorum in magna distantia positorum ultra $L'l'$, sed existente Qq intervallo, quo lens altera ultra alteram est promota, coincident imagines binorum punctorum objecti, quæ jaceant in directione MH & MI , five quæ habeant distantiam opticam definitam ab angulo QMq , & jaceant in directione Qq .

Si jam addantur aliæ quocunque lentes, aut specula, quæ radios quacunque ratione detorqueant, semper radii paralleli HQ , & radii paralleli Iq , qui nimirum convergebant omnes ad idem punctum M , simul paralleli evadent, vel simul ad eadem puncta convergent, vel ab iisdem divergent; & ubi demum in oculi fundo imago fiet, conjungentur itidem in eadem imagine radii venientes directione HQM per primam semi-lentem cum radiis venientibus directione IqM per secundam. Quam ob rem si innotescat angulus QMq per distantiam Qq , & hujusmodi instrumentum aptetur telescopio cuicunque, ac secunda imago primi puncti objecti congruat cum prima secundi; distantia Qq exhibebit angulum visuale, quo illa bina puncta a se invicem distant, & proinde instrumentum ipsum subibit vices micrometri.

Id fiet, si vel citra Mm collocetur lens convexa, vel ultra lens concava, & fiat vel telescopium dioptricum simplex commu-

ne, vel Galilæanum; vel prætera infra $L' I'$ sit objectiva alia lens foci cujusvis cum toto reliquo telescopia dioptrico: sed in hoc postremo casu focus hujus alterius lentis objectivæ accedet ad ipsam propius, cum nimirum radii inter se paralleli ad sensum profecti ex eodem puncto objecti jam per ipsas semi-lentes convergant ad M , adeoque ocularis lens objectivæ debet ad moveri. Sic si centro C sit speculum cavum $N' O'$, quod rectis $M L'$, $M Q$, $M C$, $D C$, $M q$, M' , occurrat in N' , N , P , B , O , O' , tam radii $H' L' N'$, $H Q N$, quam $I q O$, $I' I' O'$ abibunt ad idem punctum F , quod tamen erit infra punctum G , bifariam secans radium $C P$. Ac si inde vel circa F adhibeatur speculum planum in angulo 45 graduum, quod ad latus deflectat radios ad efformandum telescopia Newtonianum, sive ultra F speculum cavum eodem axe ad Gregorianum; sive citra F speculum convexum ad recentius telescopia catadioptricum Gregoriano simile, sed objecta invertens; semper intra oculum duplicabuntur objecti imagines, & imagines punctorum in ea positione, & distantia positorum congruent.

Porro facile est, data distantia foci $Q M$ radiorum parallelorum lentis bisectione ab ipsa, & data distantia $Q q$, invenire angulum $Q M q$, nimirum distantiam visualem punctorum congruentium. Est enim $M Q$ ad $Q q$, sive distantia illa foci ad intervallum distractionis semilenticum, ut radius ad tangentem, vel sinum, ejus anguli. Cum nimirum angulus $Q M q$ sit accurate, & $M q Q$ quam proxime rectus. Pro lente pedum 40 infertur, angulum unius gradus exhiberi a pollicibus $8 \frac{378}{1000}$, unde fit, ut singula secunda requirant plus quam

$\frac{2}{1000}$ -digiti, sive proxime $\frac{1}{36}$ lineæ, quæ est admodum sensibilis.

Adhibitis autem diversis lentibus, quo minor fuerit convexitas, ut nimirum focus longius debeat recedere, eo major semilenticum distractio requiretur ad eundem angulum exhibendum; & vice versa in magis convexis major angulus respondet distractioni eidem. Hinc ut micrometrum sensibilitatem habeat satis magnam, adhiberi debent lentes admodum parum convexæ, & lens objectiva pedum 40 est admodum ad rem idonea.

Facile patet, scalam valoris distantie visualis punctorum congruentium objecti pro intervallo distractionis semilenticum fore eandem, cuicunque telescopia aptetur idem micrometrum earundem binarum semilenticum, & sive pro myopibus admoveatur lens ocularis objectivæ, vel speculo plano, aut speculum minus majori, sive pro presbytis removeatur. Pendet enim a ratione ejusdem $Q M$ ad eandem $Q q$.

At

At si telescopium adhibeatur pro objectis non ita remotis, tum vero focus M recedit a lente Q. Quare crescit QM, & angulus ad M decrescit. Hinc idem distractionis intervallum indicat minorem distantiam visualem punctorum congruentium, atque id in ratione reciproca distantiae foci radiorum venientium ab objecto. Si distantia objecti a lente objectiva sit $= d$, radius curvaturae lentis bisectæ $= r$, distantia foci respondentis ei objecto $= x$, ratio sinus incidentiae ex aere in vitrum ad sinum refractionis $= p:q$, ex formula generali (181) facto $e = 0$, $R = r$, erit $x = \frac{q d r}{2(p-q)d - qr}$.

Quare mensura distantiae visualis exhibita a data distractione pro objecto habente distantiam $= d$, ad mensuram pro objecto remotissimo (inquo evanescente r respectu d evadit $x = \frac{q r}{2(p-q)}$) erit

ut $\frac{q r}{2(p-q)}$ ad $\frac{q d r}{2(p-q)d - qr}$, sive ut $2(p-q)d - qr$ ad $2(p-q)d$. Invenitur autem r ex ipso loco facile inveniundo per observationem, datis p, q, d, x , cum debeat esse ex formula superiore $r = \frac{2(p-q)d x}{q(d+x)}$. Sunt autem in vitris quam proxime $p = 31$,

$q = 20$, adeoque $r = \frac{11 d x}{10(d+x)}$, & ratio illa superior, ut $11 d - 10 r$ ad $11 d$.

Si per ejusmodi micrometrum aptatum cuivis telescopio determinetur distractio debita, ut imagines duorum punctorum dati objecti, collocati ad perpendicularum in data distantia a semilenticibus congruant, facile computabitur angulus respondens iis binis punctis, faciendo: ut distantia data objecti a semilenticibus ad distantiam veram illorum punctorum objecti; ita radius ad sinum vel tangentem ejus anguli. Hinc pro quavis alia distantia objecti, etiam pro immensa, invenietur angulus ex superiore formula & proportionem.

Ut res illustretur exemplo, sit objectivum vitrum bifariam sectum ejusmodi, ut focum radiorum parallelorum habeat in distantia pedum 40. Adhibita formula $r = \frac{11 d x}{10(d+x)}$, quæ pro radiis par-

allelis evadit $\frac{11 x}{10}$, ob d infinitam, & facto $x = 40$, erit $r = 44$.

Distet objectum assumptum pro anguli determinatione a lente ipsa pedibus 1000, & inveniatur quædam determinata distractio respondens minutis 30, reducetur ea mensura ad usum Astronomicum operationis $11 d - 10 r$ ad $11 d$, sive positis pro d & r numeris 1000 & 44,

ope rationis 10560 ad 11000 nimirum facto: ut 10560 ad 11000, ita 30' (= 1800'') ad 1875''; illa eadem semi-lentium distractio pro objectis remotissimis, nimirum pro omni Astronomia, subtendet 1875'', accedentibus 75'' ad priorem illam mensuram. Unde patet, ubi scala per ejusmodi observationes definitur, habendam maxime in hisce instrumentis rationem distantiae objecti, ut ea determinatio ad Astronomiam traduci possit.

Quoniam autem in objectis non ita multum distantibus mutatio distantiae objecti ab illa lente objectiva mutat distantiam foci præcedentis lentem ocularem, vel speculum minus, & hæc mutatio datur per illam ex Dioptricis, & Catoptricis focorum formulis, facile est etiam pro ejusmodi mutatione lentis ocularis, vel speculi minoris scalam valorum computare adhibendam pro distantis minoribus, quæ tamen in maximis, adeoque in omni Astronomia, constans erit, atque id pro quovis oculorum genere.

Si aptetur ejusmodi micrometrum cum lente bisecta foci dati telescopia catadioptrica datæ curvaturæ, facile determinabitur, quantum debeat admoveri ipsi speculo speculum planum obliquum cum lente oculari, vel speculum minus, sive concavum, sive convexum. Id intervallum erit quam proxime æquale FG, nimirum æquale accessui sui foci ad speculum, inducto a convergentia radiorum, quam præstat lens objectivi micrometri: quod quidem ex Catoptricis formulis facile invenitur. Nam si radius sphaericitatis speculi sit $= r$, distantia puncti radiantis $= d$, erit distantia foci a lente (133) $=$

$\frac{dr}{2d-r}$. Si autem hic dicatur $BD = a$, $BG = b$, erit ob convergentiam radiorum $d = -a$, eritque $r = 2b$, adeoque $BF = \frac{-2ab}{-2b-2a} =$

$\frac{ab}{a+b}$. Quare accessus ille GF erit $= a - \frac{ab}{a+b} = \frac{a^2}{a+b}$. Nimirum si collocetur lens bisecta prope focum speculi cavi $N'O'$, ut sit $a+b$ proxime æqualis distantiae QM foci radiorum parallelorum lentis ipsius bisectæ, erit ille accessus proxime tertius continue proportionalis post distantiam foci radiorum parallelorum ipsius lentis bisectæ, & speculi.

Pro telescopia Newtoniano, cujus speculum distet a foco pedibus $3\frac{1}{2}$, distantia micrometri a speculo sit pedum 4, distantia foci lentis bisectæ ab ipsa pedum 40, erit ille accessus $\frac{3\frac{1}{2} \times 3\frac{1}{2}}{40} = \frac{49}{160}$, sive digitorum $\frac{49 \times 12}{160} = 3\frac{2}{3}$. In aliis telescopiis catadioptricis ob $a + b$

pro-

proxime constantem, erit ut quadratum r , five proxime ut quadratum longitudinis telescopii, & accuratius ut quadratum radii curvaturæ speculi majoris.

Quoniam lens objectiva non colligit radios omnes accurate in M , sed alios propius, ob diversam refrangibilitatem, alios remotius; terminatio in telescopio erit minus accurata, quam esset sine ejusmodi micrometro: verum discrimen erit exiguum, quia ingens etiam mutatio distantiae foci MG ingentis, exiguam mutationem inducit in GF . Cum enim sit ipsa GF tertia post MG & PG , erit GF ad sui mutationem, ut MG ad mutationem sui.

In casu proposito series focorum pertinentium ad radios heterogeneos in M , quæ est pars $\frac{1}{27}$ totius QM , est pedem $\frac{40}{27}$, seu proxime $1\frac{1}{2}$; & cum fuerit FG digitorum fere 4, erit superior ratio mutationum ut 40×12 ad 4, five ut 120 ad 1. Reducetur igitur ejus seriei longitudo ad $\frac{1\frac{1}{2}}{120}$, five ad $\frac{3}{240}$, ad $\frac{1}{80}$ digiti, vel ad $\frac{3}{20}$ lineæ, spatium perquam exiguum.

Eo instrumento ita collocato, ut circa axem telescopii libere moveri possit, facile erit, assumere diametros apparentes in quavis directione. Collocata sectio semilentium in directione quæsitâ, satis erit, ipsas distrahere ita, ut binæ imagines astri se contingant, & habebitur diameter apparens, ut patet, congruentibus ejus extremis punctis, quorum imagines pertinent ad dimidias semilentes.

Si eodem nihil mutato telescopio myopes, & presbytæ utantur, alteri videri poterit major apparens diameter, alteri minor, ob inæqualem terminationem, quæ per radios spurios imaginem auget. Id incommodum evitatur plurimum, si quisque telescopium ita disponat, ut terminatio sibi sit, quantum fieri potest, exacta.

Si alterius oculi plures radios violâceos, alterius plures rubeos ad retinam transmittunt, poterit alteri QM esse brevior, alteri longior. Si id fiat etiam triente intervalli occupati a serie focorum, nimirum in casu proposito semipede, mutabitur angulus ad M octogesima sui parte, nimirum scala distantiae visualis mutabitur in dimidio gradu per secunda $\frac{1800}{80} = 22\frac{1}{2}$. Quamobrem exiguum etiam in eo discrimen pariet discrimen aliquot secundorum. Hinc unusquisque sibi sua observatione scalam debet efformare, vel si alter semel sibi efformavit, debet alter vi-

dere, quod discrimen determinationis sibi obveniat in una observatione quacunque ab illius determinatione, & manente eadem oculorum constitutione, semper omnes reliquæ determinationes erunt in ratione data, adeoque facile admodum ex illius scala inveniet suam.

Idem discrimen habebitur, si aspiciatur eo instrumento jam objectum violaceum, jam rubeum. Quoniam rubeorum radiorum focus est remotior, eadem distractio semi-lentium minorem in iis subtendet angulum. Hinc cavendum, ubi scala per observationem objecti terrestris definitur, ut objectum accipiatur album potius, quam ullius alterius coloris. Præterea si objectum cæleste sit admodum rubeum, ut solet esse luna, vel sol prope horizontem, obtinebitur hoc instrumento diameter vera major, cum ea distantia, quæ pro luce integra exhibet angulum quemdam, exhibeat minorem pro radiis rubeis.

Idem incommodum haberi potest in diametro solis determinanda hoc instrumento per vitra, quæ solem admodum rubicundum exhibeant; cum adhibeantur ii radii, quorum focus ab objectiva lente recedit plurimum, reliquis interceptis; quamobrem vel adhibenda sunt vitra viridia, vel combinatio quæcunque vitrorum, quæ album potius solem exhibeat, quod quidem probe notandum videtur omnino, cum aliter facile admodum sit in errores incidere non contemnendos.

F I N I S.



ERRA.


ERRATA

CORRIGE


Pag.	1	Lin.	22	simile	-	-	-	-	similis
	3		34	pyramydis	-	-	-	-	pyramidis
	6		4 a fine	dimanentes	-	-	-	-	dimanantes
	47		11	+ eqqR	-	-	-	-	<u>+</u> eqqRr
	49		ultim.	MC	-	-	-	-	MO
	53		13	non est	-	-	-	-	est
			22	eam	-	-	-	-	eum
			25	expensio	-	-	-	-	expansio
	59		19	auctior	-	-	-	-	acutior
			25	O q	-	-	-	-	Q q
	80		27	tangentia	-	-	-	-	tegentia
	81		28	pars	-	-	-	-	pars videatur
	119		16	dictis	-	-	-	-	ductis
	132		26	foli	-	-	-	-	folis

정월의 날과 월 6월의 날과



정월	1월	2월	3월	4월	5월	6월
1월	2월	3월	4월	5월	6월	7월
8월	9월	10월	11월	12월	1월	2월
3월	4월	5월	6월	7월	8월	9월
10월	11월	12월	1월	2월	3월	4월
5월	6월	7월	8월	9월	10월	11월
12월	1월	2월	3월	4월	5월	6월
7월	8월	9월	10월	11월	12월	1월
2월	3월	4월	5월	6월	7월	8월
9월	10월	11월	12월	1월	2월	3월
4월	5월	6월	7월	8월	9월	10월
11월	12월	1월	2월	3월	4월	5월
6월	7월	8월	9월	10월	11월	12월



F. 2.




F. 6.



F. 3.


F. 4.




F. 5.




F. 7.




F. 8.




F. 9.




F. 10.




F. 11.














F. 12.













F. 13.



F. 14.
















F. 35.

p. 67. § 251.



Tab. IV.






F.45.

F.49.




F.46.





F.47.


F.48.




F.50.




F.51.



F.52.




F.53.




F.54.

F. 55.





F. 56.




Tab. VI.



F. 57.




F. 59.




F. 60.




F. 62.




F. 63.




F. 64.




F. 65.




F. 67.




F. 68.




F. 69.




F. 70.



F. 71.




F. 72.




F. 73.


Tab. VIII.




F. 74.




F. 75.




F. 76.




F. 77.




F. 78.




F. 79.




F. 80.




F. 81.




F. 82.




F. 84.




F. 83.




F. 85.




F. 86.




F. 87.




F. 88.




F. 90.




F. 89.




F. 92.




F. 91.




F. 93.




F. 94.




F. 95.




F. 96.




F. 1.



F. 2.



CLARISSIMI VIRI
D. DE LA CAILLE,
ACADEMIÆ REGIÆ SCIENTIARUM PARISIÆ, SUECICÆ, ET BORUSSICÆ,
NEC NON INSTITUTI BONONIENSIS MEMBRI, AC PROFESSORIS
MATHESEOS IN COLLEGIO MAZARINIANO PARISIIS
LECTIONES ELEMENTARES
ASTRONOMIÆ
GEOMETRICÆ,
ET
PHYSICÆ,
EX
EDITIONE PARISINA ANNI MDCCLV
IN LATINUM TRADUCTÆ
A
C. S. E. S. J.



A. MDCCLVII.

VIENNÆ & PRAGÆ,
TYPIS ET SUMTIBUS JOANNIS THOMÆ TRATTNER, CÆS. REG.
MAIEST. AULÆ TYPOGRAPHI ET BIBLIOPOLÆ.

THE NEW YORK

ASTOR LENOX

TILDEN

LECTORI BENEVOLO.



*P*aucis te volo, Lector benevole! Si quid causæ fuerit, cur e Gallico in Latinum Sermonem hunc librum traduxerim, roges, omnes eas a me tibi exponi credito, quæ Authorem, ut eum conscriberet, impulerunt; nec illam quidem omiseris omnino, quam de consuetis suis in Collegio Mazariniano exercitationibus refert; locum solum muta, privatum substitue publico. Quod ad stylum, intelligi volui: qui æque omnes oderim libros, quos alieno loco assutæ elegantiae obscuriores reddunt, ut amem eos, qui cum candida simplicitate rem exponunt, Grammaticorum non verentur obeliscos. At tandem cur in tanto etiam apud nos scientiarum nitore aliena offerimus? Fateor, vix a me impetrem, leporem venator ut alta in nive secter, & positum tangere nolim. Denique, ad quæ Lectorem frequenter Author remittit, elementorum citationem, non omittendam putavi, tum quod fieri possit, ut alterius etiam opera Latinitate donata Tironi Astronomiæ Gallicæ linguæ ignaro usui sint, tum quod aliis, qui eo adminiculo non egent, nihil inde incommodi metuerim. Ceterum Algebræ, ac Geometriæ institutiones tot, tamque variæ prostant, ut qui ad Astronomiam accedunt, facile inter ea, quidquid ex Authoris elementis petere jubentur, aliunde supplere possint.

E X T R A I T
DES REGISTRES DE L'ACADEMIE ROYALE
DES SCIENCES DU 20 AOUT 1746.

Messieurs Bouguer & Maraldi qui avoient été nom-
més pour examiner les *Leçons d'Astronomie* de
M. l'Abbé de la Caille, en ayant fait leur rap-
port, l'Académie a jugé cet Ouvrage digne de l'im-
pression : en foi de quoi j'ai signé le présent certi-
ficat. A Paris ce 21 Août 1746.

GRANDJEAN DE FOUCHI,

Secr. perp. de l'Ac. Royale des Sciences.



I N D E X

ARTICULORUM COMMENTATIONIS ISAGOGICÆ IN TRIGONOMETRIAM SPHÆRICAM.

	Pag.
A RTICULUS I. Definitiones & Notiones Trigonometriæ sphæricæ - - -	1
ARTICULUS II. De proprietatibus generalibus triangulorum sphæricorum - - -	4
ARTICULUS III. Formulæ trigonometricæ - - - - -	7
ARTICULUS IV. Analogiæ pro calculo triangulorum rectangulorum sphæricorum - - -	11
ARTICULUS V. Theoria calculi triangulorum obliquangulorum - - -	17
ARTICULUS VI. Solutio omnium casuum, qui in triangulis obliquangulis oc- currere possunt - - - - -	19
ARTICULUS VII. Diversæ formulæ Trigonometriæ sphæricæ - - -	23

I N D E X

SECTIONUM, CAPITUM, ET ARTICULORUM LECTIONUM ELEMENTARIUM ASTRONOMIÆ.

S ECTIO I, complectens partem primam Astronomiæ solaris - - -	31
CAPUT I. De stellis fixis - - - - -	32
CAPUT II. De Planetis	
ARTICULUS I. De diversis planetarum motibus generatim, & eorum natura	35
ARTICULUS II. De legibus motus Planetarum Primariorum - - -	37
ARTICULUS III. De revolutione annua Planetarum - - - - -	38
ARTICULUS IV. De via, quam sequuntur Planetæ - - - - -	38
ARTICULUS V. De causis inæqualitatis motuum planetarum - - -	40
ARTICULUS VI. De figura orbitæ planetarum - - - - -	44
ARTICULUS VII. De hypothese physica ad inveniendam curvam, quam Planeta describit, & determinandam legem inæqualitatum in diversis orbitæ locis	44
ARTICULUS VIII. Principia Mechanicæ, quibus tota Astronomia Physica innititur	45
ARTICULUS IX. De proprietatibus motus compositi ex vi insita, seu æquabi- liter agente, & centrali - - - - -	54
ARTICULUS X. De curvis, ad quas planetarum Trajectoriæ revocandæ	65
ARTICULUS XI. De ratione distribuendi inæqualitates planetarum in diversis orbitæ locis - - - - -	69
ARTICULUS XII. Varia problemata de motu planetarum in orbitis ellipticis	73
ARTICULUS XIII. De lege in genere, secundum quam vis centralis agit in planetas in trajectoriis conicis motos; & peculiariter de iis, quæ orbitis ellipticis sunt propria - - - - -	79
CAPUT III. De legibus motus Cometarum.	
ARTICULUS I. De phænomenis motus cometarum e sole spectatorum generatim, & de hypothese physica, quæ eidem explicando serviat - - -	86



	Pag.
ARTICULUS II. De legibus peculiaribus corporum in trajectory parabolica motorum, quæ simul exemplo illustrantur	89
ARTICULUS III. De ratione distribuendi inæqualitates cometarum in diversis orbitalium parabolicarum locis	93
SECTIO II. Complectens partem primam Astronomiæ Terrestris	100
CAPUT I. De illusionibus opticis a revolutione diurna telluris circa axem suum pendentibus	
ARTICULUS I. De revolutione diurna planetarum in genere, deque ejus causa	103
ARTICULUS II. De phænomenis generalibus a motu diurno telluris pendentibus	105
ARTICULUS III. De motu apparente solis e duplici motu vero telluris proveniente	107
ARTICULUS IV. De phænomenis particularibus, quorum causa est motus diurnus telluris	110
ARTICULUS V. De ratione observandi, & calculandi accuratius phænomena motus diurni astrorum, prout is ad circulos cuiusvis telluris loco proprios refertur	116
ARTICULUS VI. De ratione determinandi positionem syderum respectu circumfixorum sphaeræ cælestis	119
ARTICULUS VII. De obliquitate eclipticæ, & quomodo puncta illius ad æquatorem referantur	122
ARTICULUS VIII. De mensura temporis	123
ARTICULUS IX. De ascensione recta, & declinatione syderum	128
ARTICULUS X. De præcipuis usibus ascensionis rectæ, & declinationis syderum	130
CAPUT II. De Illusionibus opticis in phænomenis Astrorum, quarum causa est motus telluris annuus	133
ARTICULUS I. Theoria motuum apparentium & relativorum; ac de eorum projectione orthographica	133
ARTICULUS II. Applicatio Theoriæ præcedentis ad phænomena pendentia a motu telluris annuo	143
ARTICULUS III. De motu apparente stellarum fixarum, quem efficit motus telluris annuus	144
ARTICULUS IV. De motibus relativis planetarum, quorum causa est motus telluris annuus	150
CAPUT III. De illusionibus opticis in phænomenis motus diurni, quarum causa est situs observatoris in superficie telluris	153
CAPUT IV. De illusionibus opticis, quæ pendent a refractione radiorum luminis in transmissu per Atmosphæram telluris	161
SECTIO III. Complectens partem alteram astronomiæ terrestris; regulas calculi motuum planetarum & cometarum a revolutione diurna telluris non pendentium; & diversas methodos stabilicendi Theoriam ex observationibus in superficie telluris institutis	
CAPUT I. De theoria planetarum, prout e terra videntur	164
ARTICULUS I. De motibus planetarum ad planum eclipticæ relatis, tam solis, quam telluris respectu	164
ARTICULUS II. Expositio generica totius ordinis calculi necessarii ad invenendam longitudinem & latitudinem planetæ e sole & terra visam pro tempore dato	167
ARTICULUS III. Enumerantur elementa necessaria ad stabilicendam theoriam planetarum e sole & terra visorum, & simul exponitur methodus hac in materia observanda	169



	Pag.
ARTICULUS IV. De melioribus methodis stabiliendi elementa theoriæ solis, cum exemplis applicatis ad observationes, quæ ad determinationem horum elementorum sunt institutæ	171
ARTICULUS V. Methodus reducendi omnes observationes planetarum in superficie telluris institutas ad eas, quæ eodem tempore fierent, si observator in sole collocaretur	177
ARTICULUS VI. Diverſæ methodi inveniendi elementa theoriæ planetarum ex observationibus in terra institutis	178
ARTICULUS VII. De lumine & figura planetarum	181
CAPUT II. Theoria cometarum e terra visorum	184
ARTICULUS I. De calculo motus cometarum e terra ſpectati	185
ARTICULUS II. Methodus determinandi omnia elementa theoriæ alicujus cometæ ex observationibus in terra institutis	187
ARTICULUS III. De calculo cometarum in orbitis eclipticis	199
SECTIO IV. Complectens partem alteram Aſtronomiæ ſolaris ſive explicationem legum motus diurni planetarum, ut e ſole ſpectantur	200
ARTICULUS I. De phænomenis generalibus motus diurni	201
ARTICULUS II. De iis, quæ ex allatis phænomenis immediate conſequentur: de diebus ac noctibus, eorumque diverſa longitudine: de viciffitudine tempeſtatum anni: de ſolſitiis & æquinoctiis	204
ARTICULUS III. De cauſa generali horum phænomenorum	205
ARTICULUS IV. De obliquitate eclipticæ: de diverſo ſitu polorum æquatoris reſpectu ſolis: de declinatione & aſcenſione recta ſolis	207
ARTICULUS V. De temporibus rotationis planetarum circa ſuos axes; de tempore vero & medio	210
ARTICULUS VI. De differentia meridianorum; de longitudinibus, & latitudinibus Geographicis; de methodo Geographorum	212
ARTICULUS VII. De altitudinibus ſolis, & earum variationibus	214
ARTICULUS VIII. Phænomena expoſita Geometricè & Trigonometricè determinantur	216
ARTICULUS IX. Quædam obſervanda circa theoriã præcedentem; & de præceſſione æquinoctiorum	219
SECTIO V. Complectens partem tertiam Aſtronomiæ ſolaris, ſive explicationem motuum planetarum ſecundariorum e ſole visorum	220
SECTIO VI. Continens partem tertiam aſtronomiæ terreſtris, ſive explicationem theoriæ lunæ e terra viſæ; & hinc ducta analogia, aliorum ſatellitum, ut e ſuis primariis ſpectantur	
CAPUT I. Theoria motuum lunæ	231
ARTICULUS I. De phaſibus lunæ	232
ARTICULUS II. Enumerantur præcipua elementa theoriæ motuum lunæ ex obſervationibus aſtronicis deducta	234
ARTICULUS III. De natura vi centralis lunæ reſpectu terræ; & ducta hinc analogia, de natura vi centralis planetarum reſpectu ſolis	236
ARTICULUS IV. De cauſis phyſicis, quæ diverſas inæqualitates lunæ in revolutione ſynodica efficiunt	237
ARTICULUS V. De combinatione cauſarum phyſicarum, quæ regularem motum lunæ perturbant	240
ARTICULUS VI. Exponuntur effectus, qui ex viribus tribus allatis, ac inter ſe compoſitis oriuntur	241



	Pag.
ARTICULUS VII. De libratione lunæ	248
ARTICULUS VIII. De inæqualitatibus motus telluris e gravitate lunæ pro- venientibus	249
ARTICULUS IX. Explicatio & calculus inæqualitatum apparentium in motu astrorum, quæ ab inæquali præcessione æquinocetiorum pendent: cum methodo calculandi omnes motus apparentes fixarum, comprehensa etiam earum aberratione	252
CAPUT II. De calculo eclipsium satellitum e superficie planetæ primarii visarum	
ARTICULUS I. De determinatione phasium eclipsium lunæ & solis	258
ARTICULUS II. De usu observationum eclipsium solis & lunæ	269
ARTICULUS III. Determinatio graphica occultationum stellarum per lunam	273
ARTICULUS IV. Methodus construendi schema universale phasium eclipsios solaris	274
CONCLUSIO. Animadversiones in systema Physicum Astronomiæ	278



MONITUM AUTHORIS.



irabilis syderum ordo, stupenda motuum varietas, stellarum fixarum splendor, innumerabilis copia, qua cælum omne collucet, in immensum porrecta spatia, cometarum aspectus, ac phænomena prorsus singularia; paucis, quidquid cælum omni momento nostris offert oculis, nunquam non hominum sciendi avidam mentem tenuit. Verum hæc singula prodigia, quæ etiam animum maxime hebetem percellunt, & quorum notitia vel iis momenti permagni videtur, qui ea carent, eo admirabiliora evadunt, quo in ea penetratur profundius, quo motrices horum corporum causæ evolvuntur magis, quo accuratioribus calculis motus tam varii subjiciuntur, combinatis inter se tot virium effectis, jam conspirantium, jam secum ipsis confligentium; quæ nihilominus duabus modo teneantur legibus adeo simplicibus, ut nemo unquam alias, si quid conjectura assequimur, quæ tot efficiendis rebus aptæ sint, æque planas excogitarit.

Verum spectaculum tam illustre, tam digna capacissimarum etiam mentium occupatio, oblectandis modo animis facta consuevit, si nos non perpetuo incitent, ut conditoris Dei magnitudinem, ac sapientiam admiremur, ut eum celebremus laudibus, ut nostram gratitudinem testatam faciamus; si non sit, quod in humanæ societatis bonum inde derivemus. At enim Astronomia certe arbitra est civilium temporum, fulcrum Historiæ, Chronologiæ & Geographiæ anima, dux unica navigantium.

Mirum est, quantum Astronomiæ limites superioribus duobus sæculis sint prolati, præcipue tuborum optidorum, & horologiorum pendulis instructorum inventis, & quod Europæ Principes peculiari eam favore complecterentur. Nemo sane erit, qui negare ausit, eminuisse ea in re Reges nostros, nec fuisse quidquam, in quo horum vota eruditi Galliæ viri sint frustrati. Et quamvis Galliæ terrarum orbis magnum illud ingenium non debeat, quod legibus cælestium motuum methodo tam sublimi evidentiam conciliavit, attamen illud in acceptis referet, quod observationes eas suppeditavit, sine quibus leges illæ, quas divinando assecutus Keplerus omnis Theoriæ suæ fundamentum constituit, fortassis inter erudita adhuc haberentur commenta; aut earum cum cælestibus phænomenis consensus felici tribueretur in conjectando audaciæ, quam falsi quisvis damnaturus sit, quem cælum spectandum fors præbebit, non visus antea planeta.

Postquam receptis Newtoni calculis usus ille exolevit, quo inter omnes superiorum temporum Astronomos convenerat, ut hypothesis quævis, quæ phænomena salva præstaret, admitteretur; postquam hac theoria duce eo pervenimus, ut inæqualis astrorum motus sola virium in corpora cælestia agentium analysi exponatur, servata illa lege duplici, quam diximus; postquam denique a triginta fere annis in observationibus faciendis quam accuratissime peculiaris adhibetur industria, Astronomia ad novum Indies perfectionis gradum provehitur. Complures magni nominis Geometriæ huc suam contulerunt operam, delectu feliciore, & ampliore commodo, quam non pauci, qui post Newtonum in re eadem sunt versati; etenim Problematum solutionibus universalibus relictis, Theoriam cum observationibus accuratissimis comparantes novas condiderunt regulas, quibus pars Astronomiæ practica, quæ calculis occupatur, non parum

auctior ditiorque est reddita. Verum illud etiam plerumque evenit, ut quo inventa ejusmodi subtilius excogitata sunt, eo plus difficultatis in usu objiciant, nisi jam antea cælestium motuum rationes, calculorum methodi, principia denique Physica, quibus Theoria hæc nova innititur, velut in numerato habeantur.

Quare Lectiones, quas liber hic offert, lectioni eruditorum id genus voluminum, varias Astronomiæ partes pertractantium, quæ magno jam numero in lucem emissæ sunt, viam sternerent. Mihi vero ad eas conscribendas causæ fuit, tum ut consuetis in Collegio Mazariniano exercitationibus præberent materiam, tum quod nulla apud nos alia extarent elementa, quæ Geometricam Astronomiæ partem cum Physica ordine debito conjungerent. Illud autem in iis conatus sum, ut quæ & recens & vetus Astronomia scitu digna suppeditat, complecterentur omnia: tum etiam ut eam tenerem methodum, qua apud lectorem & inquirendi nova desiderium, & altius penetrandi cupiditatem, & ad calculos revocandi singula, ac per se se experiundi amorem accenderem.

At enim, cum, ut explicarentur, lectiones hæc conscriptæ sint, facere non debui, ut per singula discurrerem longius: quin in tanta rerum pertractandarum copia, demonstrationes in arctum contrahendæ fuerunt; quamvis curæ mihi maxime fuit, ut ne quid perspecuitati officerem, dum velut necessitate quadam & rebus per se abstractis, & scribendi generi adeo conciso tenebras offundi nonnullas compertum haberem; quas ut discuterem, præcipuis tum observationum, cum etiam calculorum methodis exempla adhibui; demonstrationes, peculiaria theoremata, observationes illustrationi destinatas, minore exhibenda charactere curavi, tum ne cæptæ jam ratiocinationes interromperentur, tum ne lector alibi quærere cogeretur, quæ ab Astronomia aliena quidem, usus tamen sunt non modici. Et quoniam mihi propositum erat tam modernorum, quam antiquorum inventa, ac methodos praxi Astronomicæ commodiores hoc libro exhibere, facile quisque intelliget, nihil eum complexurum aliud, quam quod e celebriorum Geometrarum, & Astronomorum scriptis desumpsi, adeo ut præter ordinem, rerumque deletum nihil a me quispiam expectet. Nec tamen compilatoris notam ab iis vereor, qui, quid libri Astronomici adhuc proculsi contineant, norunt. Si expositionem physicam motuum lunæ demas, cujus fundamenta Gravesandii sunt, cetera omnia ita accommodavi, ut ab iis, qui elementa mathematica a me tradi solita perceperunt, facile comprehendere possint. Atque hæc, ut ea, quam dixi, ratione præstarem, & rei Astronomicæ notitia, & habitudo, quam viginti annorum tractatione continua acquisiveram, suadebant.

Inter methodos varias hoc libro occurrentes plures sunt, quæ positioni falsi inniuntur; id quod facit, ut indirectæ sint, eaque careant elegantiae specie, quæ tantopere arridet Geometris. Sed quoniam & minus implicatæ, & intellectu faciliores, & usus expeditoris sunt, non exigua Astronomiæ commoda præstant; quin cum via non minus tuta, & brevior ad eadem nos deducant, methodis directis præferri debent, quæ sæpe ad pompam potius, si dicere fas est, & elegantiam excogitatæ videntur, hoc est, quarum theoria pulcherrima, usus haud æque securus, quod eam in observationibus exigant accuratationem, quam frustra expectes.

Quod ad citationes, quas frequentes parentheseos notis inclusas liber exhibet, eæ, si solis numeris fiant, harum ipsarum lectionum Astronomiæ paragraphos notant; quod si vocem Elem. præfixam habent, ad elementa Algebræ & Geometriæ, An. 1747 edita lectorem remittunt, quæ singulis annis prælego.



COMMENTATIO ISAGOGICA
IN
TRIGONOMETRIAM
SPHÆRICAM.

ARTICULUS I.

Definitiones & Notiones Trigonometriæ sphaericæ.



I.

Trigonometria Sphærica est scientia calculandi triangula, quæ in superficie globi ex tribus arcibus circulorum maximorum fiunt.

Itaque circuli minores calculum trigonometricum non ingrediuntur, tum quod non ejusdem sint magnitudinis, uti circuli maximi, sed radiis diversis describantur; cum etiam quod eorum plana non eundem semper axem secant, nec aliud commune omnibus sit punctum, quemadmodum omnes circuli maximi per sphæræ centrum necessario transeunt.

2. Si concipiatur diameter per centrum sphæræ ad planum circuli maximi perpendicularis, ea *axis* circuli; extrema vero illius puncta, ejusdem *poli* dicuntur.

3. Hinc sequitur imo, inter polum & quodvis circuli maximi peripheriæ punctum semper arcum 90° intercipi, mensura hac in superficie sphæræ accepta.

4. 2do: data in sphaera circumferentia circuli maximi, inveniri polos illius: nempe ope circini cruribus arcuatis instructi, qui propterea circinus sphaericus dicitur: cruribus enim ad quartam peripheriae partem diductis, alterum in quovis circuli puncto figitur, altero arcus utrinque in sphaerae superficie describitur. Tum eadem manente apertura, rursus in alio ejusdem circuli puncto fixo crure altero, priores arcus interfecantur. Quatuor horum arcuum duplex intersectio utrumque determinat polum 90° a peripheria circuli maximi dati distantem.

Et vicissim: dato polo circuli maximi, is describitur ope ejusdem circini ad quadrantem peripheriae aperti, ut scilicet ejus crura 90° gradus sphaerae, seu alterius circuli in plano descripti, sed ejusdem cum sphaera diametri, intercipient: crure enim uno in polo dato, tanquam centro, fixo, alterum circumductum in superficie globi petitum circulum maximum describit.

5. 3tio idem esse, sive e polo circino sphaerico circulus maximus, aut quivis ejus arcus describatur, sive circini alius cruribus rectis praediti crus alterum in centro sphaerae figatur, altero autem ad distantiam radii aperto in superficie ejusdem descriptio fiat. Et generatim: ut circulus aut ejus arcus quilibet in sphaerae superficie describatur, circini crus alterum in quovis axis illius puncto A tanquam centro positum esse potest. Tum enim circulus talis velut basis coni recti consideratur, apicem in puncto A habentis, qui proinde a circuli illius peripheria undique aequaliter distat.

6. 4to. Quemvis circulum maximum sphaerae habere polos sibi proprios, ut adeo idem punctum plurium circulorum maximorum polus esse nequeat.

7. THEOREMA I. Duo quivis circuli maximi in superficie Sphaerae descripti se mutuo bifariam secant.

Etenim cum utriusque circuli planum per centrum sphaerae transeat, communis planorum intersectio sit recta oportet, quae item per centrum transit, & utrinque in utriusque peripheria terminatur; atqui talis recta est diameter utrique circulo communis; & omnis diameter fecat circulum bifariam, igitur &c.

8. Hinc infertur: a duobus arcibus circulorum maximorum, qui minores sint 180 . gradibus, in superficie sphaerae spatium comprehendere non posse. Quippe si se interfecent ad aliquem angulum, ab una usque ad alteram intersectionem semicircumferentia intercipi debet: at enim per hypothesein arcus sunt minores dimidia peripheria, igitur spatium in superficie sphaerae claudere non possunt.

9. Definitio. Mensura anguli sphaerici eadem est, ac inclinationis planorum utriusque circuli maximi, qui intersectione sua eum angulum efficiunt.

10. Unde sequitur Imo, arcum FE circuli maximi, e vertice B anguli cujusvis sphaerici EBF (fig. I.) tanquam polo, descriptum esse mensu-

ram ejus anguli. Et universim: arcum quemvis fe , e vertice B descriptum, & inter crura BF , BE anguli cujusvis sphærici FBE interceptum, esse mensuram illius anguli. Sint enim $AEBCA$, & $AFBCA$, plana duorum semicirculorum, qui intersectione sua angulum sphæricum FBE efficiunt: evidens est imo (Elem 630.) radiis EC , & FC in utroque plano ad communem intersectionem AB normalibus ductis, angulum FCE esse æqualem inclinationi planorum, quam arcus FE centro C descriptus mensurat: sed idem arcus (5) e polo B describitur: ergo & arcus circuli maximi polo B descriptus mensurat angulum sphæricum FBE . 2do evidens quoque est, quod si ce , cf in utroque plano ad communem intersectionem AB perpendiculares in quolibet puncto c ducantur, eæ futuræ sint ambæ in plano ad AB perpendiculari, adeoque in plano circuli parallelo ad circulum maximum Polo B descriptum: Hinc AB est communis horum duorum circulorum axis, & angulus ecf æqualis angulo ECF , ejusque mensura fe (arcus centro c descriptus) itidem æqualis inclinationi planorum $AEBCA$, & $AFBCA$ (Elem. 630.). Atqui idem arcus fe e puncto B in axe AB accepto describitur (5): quare quilibet arcus fe e vertice B anguli sphærici descriptus, & inter ejus crura FB , EB interceptus, est mensura ejusdem anguli.

11. Sequitur 2do: si prolongentur arcus angulum sphæricum FBE comprehendentes, donec rursus se interfecent in A , angulum FAE fore æqualem angulo FBE partesque productas esse eorum arcuum complementa. Etenim cum arcus sese denuo interfecare nequeant, nisi in distantia 180° ; uterque arcus BFA , BEA erit 180° . Et quoniam B polus est arcus FE , mensuræ anguli FBE ; arcus hic a punctis A & B 90° utrinque distat: igitur A alter polus est arcus FE , qui (arcus) est adeo communis angulorum FBE , FAE mensura.

12. sequitur 3tio: punctum ab intersectione duorum circulorum 90 gradibus remotum esse punctum maximæ distantie eorum circulorum; & reciproce punctum maximæ distantie 90 gradibus ab intersectione esse remotum.

13. Sequitur 4to: Angulos sphæricos duorum arcuum se interfecantium ad verticem oppositos, esse inter se æquales. Quippe eadem est utrinque duorum planorum se interfecantium inclinatio.

14. Sequitur 5to: si arcus alteri arcui insistat, effici duos angulos, quorum alter alterius complementum est.

Sequitur 6to: quodvis triangulum sphæricum ABC (fig. 8.) considerari posse tanquam basin pyramidis e sphæra sectæ $ABCD$, cujus vertex sit in centro sphæeræ, & plana sint sectores circulorum maximorum radiis DA , DB , DC , & arcubus AB , BC , CA comprehensi. Atque sic apparet, in triangulo sphærico quemvis angulum esse æqualem inclinationi planorum horum; & quod-

vis latus esse æquale angulo sectoris, quem latus illud terminat.

15. THEOREMA 2. *Arcus circuli maximi inter polos duorum circulorum maximorum interceptus, est æqualis arcui, qui mensurat inclinationem eorum circulorum, sive angulum sphæricum, quem intersectione sua efficiunt.*

Quoniam enim axis cujusvis circuli maximi ad planum sui circuli perpendicularis est, & per centrum sphæræ transit; plana duorum circulorum coincidere nequeunt, quin hoc ipso etiam axes coincident; nec alterum ad alterum inclinari potest, nisi tantundem eorum axes inclinentur: igitur angulus ab axium inclinatione factus æqualis est angulo inclinationis planorum. Sed Angulum axium metitur arcus circuli maximi in superficie sphæræ inter eorum extrema interceptus, hoc est inter polos circulorum; ergo arcus inter polos duorum circulorum maximorum interceptus metitur angulum sphæricum ab iisdem circulis factum.

16. Corollarium 1. *Si angulus sphæricus sit rectus, arcus qui cum altero hunc angulum comprehendit, per alterius cruris polum transit; & vicissim.*

Nam si (fig. 1.) angulus FBE sit rectus, est arcus FE 90 graduum: itaque punctum E ab arcu AFB nonaginta gradibus distat, adeoque ejus polus est. Similiter punctum F est polus arcus AEB.

17. Corollarium 2. *ut e puncto dato ad arcum datum ducatur arcus perpendicularis, describendus est arcus circuli maximi, qui per polum arcus dati & punctum datum transeat.*

18. Corollarium 3. *Si duo, aut plures arcus ad eundem sint perpendiculares, omnes sese in illius polo, sive in distantia 90 graduum ab illo arcu intersecant. Et e converso, arcus, qui duos, pluresve alios in distantia 90 graduum a communi eorum intersectione fecat, eosdem fecat perpendiculariter.*

ARTICULUS II.

De proprietatibus generalibus triangulorum sphæricorum.

19. THEOR. *Si e tribus angulis A, B, C (fig. 2.) trianguli sphærici tanquam*
 III. *S* *polis, describantur tres arcus FE, FD, DE, qui novum triangulum FDE constituent, quodlibet latus hujus novi trianguli est complementum anguli illius, quo tanquam polo, descriptum est; & quivis angulus hujus novi trianguli est complementum lateris prioris trianguli ABC, sibi oppositi.*

DEMONSTR. Quoniam A est polus arcus FGHE, distantia punctorum A & E est 90 graduum. Et quia C est polus arcus DMNE,

DMNE, etiam distantia punctorum C & E, est nonaginta graduum: quare E est polus arcus NACG. Eodem modo ostenditur, F esse polum arcus IABH, & D arcus MBCL. His positis

1mo. Tam arcus FI, quam LD est 90 graduum, adeoque $DL + FI = 180^\circ$, aut $DL + FL + LI = 180^\circ$: aut $DF + LI = 180^\circ$: igitur DF est complementum arcus LI, partis communis quadrantum FI, & DL (Elem. 427.). Atqui LI, cum habeat polum B, est mensura anguli ABC, quare DF est etiam complementum anguli ABC. Simili modo demonstratur, arcum GH, mensuram anguli A, esse complementum arcus FE; & arcum NM, qui metitur angulum C, esse complementum arcus DE.

2do. Cum tam arcus BL, quam AH sint 90 graduum, eorum pars communis AB est complementum arcus IABH, qui metitur angulum F: & similiter arcus AC est complementum anguli E, & BC anguli D ad 180° .

20. THEOR. IV. *Duo quævis latera trianguli sphaerici simul sumpta sunt tertio majora.*

DEMONSTR. Arcus circuli maximi inter duo puncta sphaerae est via brevissima, qua ab uno ad alterum in superficie sphaerae perveniri potest; via igitur, quæ inter eadem puncta angulum facit, hoc est duo reliqua latera trianguli, longior est.

21. THEOR. V. *Latus quodvis trianguli sphaerici semicirculo minus est.*

DEMONSTR. Quivis angulus sphaericus comprehenditur duobus arcibus circularibus, qui ab uno intersectionis puncto ducti, antequam se denuo interfecerint, tertio arcui occurrunt; atqui nova intersectio fit in distantia 180 graduum (8); nullus igitur 180° continere potest.

22. THEOR. VI. *Summa trium laterum trianguli sphaerici semper minor est 360 gradibus.*

DEMONSTR. Sit triangulum ABC (fig. 3.) Producantur duo quævis latera AB, AC donec se interfecerint in D. Arcus ACD, ABD uterque est 180° . Jam vero $DC + DB > BC$ (per 20): quare si utrique addatur $AC + AB$, erit $AC + AB + DC + DB > BC + AC + AB$, hoc est duo semicirculi ACD, ABD simul sumpti majores sunt tribus lateribus AC, AB, BD simul sumptis.

23. THEOR. VII. *Summa trium angulorum trianguli sphaerici semper major est 180° ; sed minor 540° , aut sex rectis.*

DEMONSTR. 1mo. Summa trium angulorum trianguli ABC (fig. 2.) una cum summa trium laterum trianguli DEF facit ter 180 gradus aut 540° (19). Sed summa trium laterum trianguli DEF minor est bis 180 gradibus (per 22). Ergo summa trium angulorum trianguli ABC major esse debet 180 gradibus.

2do. Quivis angulus sphæricus minor est 180 gradibus, igitur summa trium quorumvis angulorum minor est ter 180 gradibus.

24. COROLL. I. Triangulum sphæricum potest habere tres angulos rectos, imo tres obtusos.

25. COROLL. II. Datis duobus angulis trianguli sphærici, non datur hoc ipso tertius, ut in planis triangulis.

Observa. Quo arcus, latera trianguli sphærici constituentes, plurium graduum sunt, eo magis etiam summa angulorum ultra 180 accrescit. Tunc enim magis a triangulo rectilineo ejusmodi sphæricum differt.

26. THEOR. VIII. Duo triangula sphærica æqualia sunt, imo si tria latera unius æqualia sunt lateribus homologis alterius, singula singulis; 2do Si duo latera homologa æqualia æqualem angulum comprehendunt. 3tio Si duo anguli homologæ æquali lateri adjacentes æquales sunt. 4to Si tres anguli unius sunt æquales angulis alterius, singuli singulis.

DEMONSTR. Partis primæ, secundæ & tertiæ eadem est, ac quæ in triangulis rectilineis adhibetur. (Elem. 506. & seq.) Pars quarta inferius N. 105. demonstrabitur.

27. THEOR. IX. In omni triangulo isosceli ABC (fig. 4.) duo anguli B & C, æqualibus lateribus AC, AB oppositi, æquales sunt: Et si in triangulo duo anguli B & C æquales sint, latera AC, AB angulis æqualibus opposita etiam sunt æqualia.

DEMONSTR. imo Accipiantur in AB & AC arcus æquales AE, & AD, ducanturque BD & EC. Evidens est, triangula ABD, AEC esse æqualia, utpote lateribus AE, AC; AD, AB æqualibus angulum communem A comprehendentibus (per 26.) adeoque etiam $BD = EC$. Præterea ablatis ex AB & AC per hypoth. æqualibus AE, & AD, manet $EB = DC$; & BC est latus commune triangulorum EBC, DCB; quare cum tria latera tribus, singula singulis æqualia sint, etiam anguli homologæ B & C æquales esse debent.

2do Si angulus B æqualis sit angulo C, erit etiam $AB = AC$. Accipiatur enim $EB = DC$, & iterum ducantur arcus BD, EC. Erunt (per 26) $\triangle ECB$, $\triangle DCB$ æqualia, cum lateribus EB, BC, & DC, BC angulos B & C per hypothesim æquales comprehendant. Unde imo est $EC = BD$; 2do $DBC = ECB$, & consequenter etiam complementum illius BDA æquatur hujus complemento CEA; 3tio $DBC = ECB$, atque hinc, cum $EBC = DCB$ per hypothesin, etiam $ECA = DBA$. Sunt ergo in triangulis ADB, AEC latera BD, EC, angulique adjacentes ADB, ABD æquales angulis AEC, & ACE; ac tertius A communis

ARTICULUS II. PROPRIETATES GENERAL. TRIANGULOR. 7

munis utrique: quare (per 26) tota triangula æqualia sunt, & latus $AE =$ lateri AD ; additisque partibus æqualibus EB , DC , est $AEB = ADC$.

28. COROLL. Triangulum æquiangulum est simul æquilaterum, & vicissim æquilaterum est simul æquiangulum.

29. THEOR. X. In omni triangulo sphærico ABC (fig. 5.) latus BC , oppositum angulo majori A , majus est; & AC , oppositum angulo minori B , minus est.

DEMONSTR. Cum angulus A major sit angulo B (per hypoth.), fiat $DAB = DBA$, erit (per 27) $AD = BD$, & $AD + CD = BD + CD$: sed (per 20) $AD + CD > AC$; ergo etiam $BD + CD$, sive latus BC oppositum angulo majori A , majus est latere AC , opposito angulo minori B .

ARTICULUS III.

Formulæ Trigonometricæ.

30. Cum maxima pars regularum in calculis Astronomicis fundetur in proprietatibus sinuum & tangentium, earum formulas, quarum frequentior est usus, hic subjicere placuit.

Atque ut breviores evadant, his notis utemur: \sin vel \sin significat sinus; \cos cosinus; \tan tangens; \cot cotangens; R vel 1 Radius aut sinus totus.

31. In omnibus hisce formulis A & B designant duos arcus circulorum vel duos angulos quoscunque, quorum major sit A ; supponitur tamen uterque minor 90 gradibus; & hinc in formularum applicatione ad casus particulares nihil in earum signis mutandum est, quamdiu anguli vel arcus infra 90 gradus erunt. Verum ubi hunc numerum graduum aliquis eorum excedit, signum ejus cosinus vel cotangentis mutandum est in contrarium. Etenim ex ipso intuitu figuræ sinum, cosinum, tangentem, & cotangentem alicujus arcus 90 gradibus minoris repræsentantis apparet, omnes has lineas ad eandem partem centri illius arcus sitas esse, contra vero cosinum & cotangentem arcus complementi ad semicirculum ad partem oppositam respectu sinus sui & tangentis cadere. unde inferitur, signa sinuum & tangentium eadem esse, sive acuti sive obtusi sint anguli: sed signa cosinum & cotangentium in acutis esse contraria signis in obtusis.

32. Præterea supponitur radius $R = 1$; unde fere in omnibus formulis sinus totus omissus est. Sed facile est eum in qualibet rursus

rurfus exhibere, si five ipse five ejus quadratum, aut cubus pro coefficiente, aut denominatore cujusvis termini accipiatur.

F O R M U L Æ.

33. I. $fA = \cos A \times \tan A = \frac{\cos A}{\cot A}$
34. II. $\cos A = \sin A \times \cot A = \frac{fA}{\tan A} = \frac{f^2 A}{2 \sin A}$
35. III. $\tan A = \frac{fA}{\cos A} = \frac{R^2}{\cot A}$
36. IV. $\cot A = \frac{\cos A}{\sin A} = \frac{R^2}{\tan A}$
37. V. $\cot A \times \tan A = R^2$
38. VI. $\frac{1}{2} f^2 A = \cos A \times fA = \frac{f^2 A}{\tan A} = f^2 A \times \cot A$
39. VII. $R + \cos A = 2 \cos^2 \frac{1}{2} A = \frac{fA}{\tan \frac{1}{2} A}$
40. VIII. $R - \cos A = 2 \sin^2 \frac{1}{2} A = fA \times \tan \frac{1}{2} A$
41. IX. $\frac{R - \cos A}{R + \cos A} = \tan^2 \frac{1}{2} A$
42. X. $\frac{R + \tan A}{R - \tan A} = \frac{R}{\tan(45^\circ - A)}$ $= \tan(A + 45^\circ)$. si $A > 45^\circ$,
erit $\frac{\tan A + R}{\tan A - R} = \frac{R}{\tan(A - 45^\circ)}$
43. XI. $\frac{\cos A - fA}{\cos A + fA} = \tan(45^\circ - A)$. Et si $A > 45^\circ$,
 $\frac{\sin A - \cos A}{fA + \cos A} = \tan(A - 45^\circ)$
44. XII. $\frac{fA}{\cos A + \sin A} = \frac{R - \cos A}{fA} = \tan \frac{1}{2} A$
45. XIII. $f(A + B) = fA \times \cos B + fB \times \cos A$
46. XIV. $\cos(A + B) = \cos A \times \cos B - fA \times fB$
47. XV. $\frac{f(A + B)}{f(A - B)} = \frac{\tan A + \tan B}{\tan A - \tan B}$
48. XVI. $\frac{\cos(A + B)}{\cos(A - B)} = \frac{\cot A - \tan B}{\cot A + \tan B} = \frac{\cot B - \tan A}{\cot B + \tan A}$
49. XVII. $fA + fB = 2 \times f(\frac{1}{2} A + \frac{1}{2} B) \times \cos(\frac{1}{2} A - \frac{1}{2} B)$
50. XVIII. $fA - fB = 2 \times \cos(\frac{1}{2} A + \frac{1}{2} B) \times f(\frac{1}{2} A - \frac{1}{2} B)$
51. XIX. $\cos A + \cos B = 2 \times \cos(\frac{1}{2} A + \frac{1}{2} B) \times \cos(\frac{1}{2} A - \frac{1}{2} B)$
52. XX. $\cos B - \cos A = 2 \times f(\frac{1}{2} A + \frac{1}{2} B) \times f(\frac{1}{2} A - \frac{1}{2} B)$
53. XXI. $\frac{fA + fB}{fA - fB} = \tan(\frac{1}{2} A + \frac{1}{2} B) \times \cot(\frac{1}{2} A - \frac{1}{2} B) = \frac{\tan(\frac{1}{2} A + \frac{1}{2} B)}{\tan(\frac{1}{2} A - \frac{1}{2} B)}$
54. XXII. $\frac{fA + fB}{\cos A + \cos B} = \tan(\frac{1}{2} A + \frac{1}{2} B)$

$$55. \text{ XXIII. } \frac{fA + fB}{\cos' B - \cos' A} = \cot(\tfrac{1}{2}A - \tfrac{1}{2}B).$$

$$56. \text{ XXIV. } \frac{\sin A - \sin B}{\cos' A + \cos' B} = \tan(\tfrac{1}{2}A - \tfrac{1}{2}B).$$

$$57. \text{ XXV. } \frac{fA - fB}{\cos' B - \cos' A} = \cot(\tfrac{1}{2}A + \tfrac{1}{2}B).$$

$$58. \text{ XXVI. } \frac{\cos' B - \cos' A}{\cos' B + \cos' A} = \tan(\tfrac{1}{2}A + \tfrac{1}{2}B) \times \tan(\tfrac{1}{2}A - \tfrac{1}{2}B) = \frac{\tan(\tfrac{1}{2}A + \tfrac{1}{2}B)}{\cot(\tfrac{1}{2}A - \tfrac{1}{2}B)}.$$

$$59. \text{ XXVII. } fA \times fB = \tfrac{1}{2} \cos'(A - B) - \tfrac{1}{2} \cos'(A + B).$$

$$60. \text{ XXVIII. } fA \times \cos' B = \tfrac{1}{2} f(A + B) + \tfrac{1}{2} f(A - B).$$

$$61. \text{ XXIX. } \cos' A \times fB = \tfrac{1}{2} f(A + B) - \tfrac{1}{2} f(A - B).$$

$$62. \text{ XXX. } \cos' A \times \cos' B = \tfrac{1}{2} \cos'(A + B) + \tfrac{1}{2} \cos'(A - B).$$

DEMONSTRATIO.

Formulæ I, II, III, IV, V, VI, & XIII demonstrantur in trigonometria plana. Fig. II exhibet triangula similia APK, PCD, quorum laterum valor ex sola inspectione facile colligitur. Est autem in iis AP: PK = PC (=2PK): PD, hinc PD = $\frac{2PK^2}{AP}$, quæ est formulæ VII pars prima.

In $\triangle ICD$, APK est porro AP: AK = IC (=2AK): ID = $\frac{2AK^2}{AP}$, quæ pars prima form. VIII.

In $\triangle ICD$, PIH, PCD habetur CD: ID = PI: IH (=2Ah), hoc est: $fA: R - \cos' A = 2R: 2\tan \tfrac{1}{2}A$; quod suppeditat alteram partem formulæ VIII. Deinde est PD: CD = PI: IH, seu $R + \cos' A: fA = 2R: 2\tan \tfrac{1}{2}A$ quod dat alteram formulæ VII partem, atque una formulas IX, & XII. Nempe PD: DC = DC: DI, adeoque PD: DI = PD²: DC² = PA²: Ah² sive $R + \cos' A: R - \cos' A = R^2: \tan^2 \tfrac{1}{2}A$, sive (cum $R=1$) $= 1: \tan^2 \tfrac{1}{2}A$, quod formulam IX exhibet. Formulæ XII pars prima habetur ex hac analogia PD: DC = PA: Ah. Pars secunda ex ista: CD: ID = PA: Ah.

$$\text{Quia (Elem. 740) } \cos^2 = R^2 - f^2; \text{ habetur } \cos'(A+B) = R^2 - \frac{(fA \times \cos' B + \cos' A \times fB)^2}{R^2};$$

$$(\text{est enim } f(A+B) = \frac{fA \times \cos' B + \cos' A \times fB}{R}) \text{ sive}$$

$$= \frac{R^4 - f^2 A \times \cos'^2 B - \cos'^2 A \times f^2 B + 2fA \times \cos' A \times fB \times \cos' B}{R^2}.$$

Atqui est $R^2 = f^2 A + \cos'^2 A$; & $R^2 = f^2 B + \cos'^2 B$; igitur $R^4 = f^2 A \times f^2 B + \cos'^2 A \times f^2 B + f^2 A \times \cos'^2 B + \cos'^2 A \times \cos'^2 B$; qui valor si substituitur, & facta reductione extrahatur radix, formula XIV nascetur.

Ex formula XIII colligitur esse $f(A+B): f(A-B) = fA \times \cos' B + \cos' A \times fB: fA \times \cos' B - \cos' A \times fB$. Dividatur secunda ratio per $\cos' A \times \cos' B$, habebitur $f(A+B): f(A-B) = \frac{fA \times \cos' B}{\cos' A \times \cos' B} + \frac{\cos' A \times fB}{\cos' A \times \cos' B} : \frac{fA \times \cos' B}{\cos' A \times \cos' B} - \frac{\cos' A \times fB}{\cos' A \times \cos' B}$ ($= \frac{fA}{\cos' A} + \frac{fB}{\cos' B} : \frac{fA}{\cos' A} - \frac{fB}{\cos' B}$), & hinc $\frac{f(A+B)}{f(A-B)} = (\text{si pro } \frac{f}{\cos}$ juxta formul. III accipiatur tangens) $\frac{\tan A + \tan B}{\tan A - \tan B}$, quæ est formula XV.

B

Sit

Sit in Fig. 12, KR arcus minor quem B vocavimus, & KD major A. Ducta ad DE perpendiculari RIH, patet arcum RG esse $= A + B$; DR $= A - B$; IG $= fA + fB$; IH $= \cos A + \cos B$; ID $= fA - fB$; IR $= \cos B - \cos A$. Dein dividatur RG bifariam in S, & DR in P, ducaturque tangens RM. Ex constructione liquet, esse RM $= \tan(\frac{1}{2}A + \frac{1}{2}B)$; RL $= \tan(\frac{1}{2}A - \frac{1}{2}B)$; ST $= f(\frac{1}{2}A + \frac{1}{2}B)$; CT $= \cos(\frac{1}{2}A + \frac{1}{2}B)$; RQ $= f(\frac{1}{2}A - \frac{1}{2}B)$; CQ $= \cos(\frac{1}{2}A - \frac{1}{2}B)$; denique HG $= 2\cos(\frac{1}{2}A - \frac{1}{2}B)$; Nam arcus HV $= RK = GSK - DR$; & arcus VGR $= 180^\circ$; igitur arcus GVH $= HV + VGK - GSK = GSK - DR + 180^\circ - GSK = 180^\circ - DR$. Quare chorda HG $= 2f(90^\circ - \frac{1}{2}DR) = 2\cos(\frac{1}{2}A - \frac{1}{2}B)$. His positis ob triangu-
 gula CST, CRM, DIR, HIG similia; (præterquam enim quod omnia sint rectangu-
 la, RS $= \frac{1}{2}RG$, hinc RCS $= RDG = RHG$) item IGR, IDH, CRL (quia PR $= \frac{1}{2}DR$, & ideo LCR $= DHR = DGR$); habentur sequentes analogiæ; ID:IR = CR:RM, seu $fA - fB : \cos B - \cos A = 1 : \tan(\frac{1}{2}A + \frac{1}{2}B)$; & CR:RM = ON:CC $= \cot(\frac{1}{2}A + \frac{1}{2}B) : 1$; ergo IR:DI $= 1 : \cot(\frac{1}{2}A + \frac{1}{2}B)$ five $\cos B - \cos A : fA - fB = 1 : \cot(\frac{1}{2}A + \frac{1}{2}B) = \frac{fA - fB}{\cos B - \cos A}$, quæ est formula XXV.

ID:IG = RL:RM, id est $fA - fB : fA + fB = \tan(\frac{1}{2}A - \frac{1}{2}B) : \tan(\frac{1}{2}A + \frac{1}{2}B)$
 Est enim ID:IH = LR:CR;
 & IH:IG = CR:RM

ex æq. dir. ID:IG = LR:RM. Divid. conseq. per antec. habetur 2da pars form. XXI.

Quia porro semper est $\tan : R = R : \cot$, erit $\tan(\frac{1}{2}A - \frac{1}{2}B) : 1 = 1 : \cot(\frac{1}{2}A - \frac{1}{2}B)$
 & $\tan(\frac{1}{2}A - \frac{1}{2}B) = \frac{1}{\cot(\frac{1}{2}A - \frac{1}{2}B)}$; substituatur hic valor in $\frac{\tan(\frac{1}{2}A + \frac{1}{2}B)}{\tan(\frac{1}{2}A - \frac{1}{2}B)}$, fiet $\tan(\frac{1}{2}A + \frac{1}{2}B) \times \cot(\frac{1}{2}A - \frac{1}{2}B)$, quæ est pars prima ejusdem formulæ.

IH:IG = CR:RM, seu $\cos A + \cos B : fA + fB = 1 : \tan(\frac{1}{2}A + \frac{1}{2}B)$ quæ est formula XXII.

IG:IR = CR:RL, seu $fA + fB : \cos B - \cos A = 1 : \tan(\frac{1}{2}A - \frac{1}{2}B)$; est autem per pau-
 lo ante demonstrata $\tan = \frac{1}{\cot}$; igitur est $fA + fB : \cos B - \cos A = 1 : \frac{1}{\cot(\frac{1}{2}A - \frac{1}{2}B)}$. Et

divid. antec. per conf. habetur formula XXIII.

IH:ID = CR:RL, $\cos A + \cos B : fA - fB = 1 : \tan(\frac{1}{2}A - \frac{1}{2}B)$, quæ est formula XXIV.

IG:HG = ST:CS, $fA + fB : 2\cos(\frac{1}{2}A - \frac{1}{2}B) = f(\frac{1}{2}A + \frac{1}{2}B) : 1$, seu CS:ST = HG:IG; hinc habetur formula XVII.

DI:DR (= 2RQ) = CT:CS $= fA - fB : 2f(\frac{1}{2}A - \frac{1}{2}B) = \cos(\frac{1}{2}A + \frac{1}{2}B) : 1$; hinc elicitur formula XVIII.

HI:HG = CT:CS, $\cos A + \cos B : 2\cos(\frac{1}{2}A - \frac{1}{2}B) = \cos(\frac{1}{2}A + \frac{1}{2}B) : 1$, hinc duci-
 tur form. XIX.

RI:DR = ST:CS; $\cos B - \cos A : 2f(\frac{1}{2}A - \frac{1}{2}B) = f(\frac{1}{2}A + \frac{1}{2}B) : 1$ exhibet form. XX.

Formula XXVI deducitur ex XXII & XXIII. Cum enim sit per illam
 $\frac{fA + fB}{\cos A + \cos B} = \tan(\frac{1}{2}A + \frac{1}{2}B)$; & per hanc $\frac{fA + fB}{\cos B - \cos A} = \cotang(\frac{1}{2}A - \frac{1}{2}B) =$

$\frac{1}{\tan(\frac{1}{2}A - \frac{1}{2}B)}$ (nempe quia per superius dicta $\tan = \frac{1}{\cot}$, erit etiam $\tan \times \cot = 1$, &
 $\cot = \frac{1}{\tan}$) fiet $\frac{\cos A + \cos B}{fA + fB} : \frac{\cos B - \cos A}{fA + fB} = \frac{1}{\tan(\frac{1}{2}A + \frac{1}{2}B)} : \tan(\frac{1}{2}A - \frac{1}{2}B)$

Omissio in prima ratione communi denominatore, & divisio consequentibus per ter-
 minos antecedentes habetur formulæ pars prima; si vero loco $\frac{1}{\tan(\frac{1}{2}A - \frac{1}{2}B)}$ ponatur $\cot(\frac{1}{2}A - \frac{1}{2}B)$, altera pars prodit.

Formula X obtinetur ex XXVI, supponendo $B = 90^\circ - A$; tunc enim $\frac{1}{2}B =$

ART. IV. ANALOGIÆ TRIANGULORUM RECTANGULOR. II

$45^\circ - \frac{1}{2}A$, consequenter $\cos B = fA, fB = \cos A$; & rationes $\cos B + \cos A : \cos B - \cos A = \cot(\frac{1}{2}A + \frac{1}{2}B) : \tan(\frac{1}{2}A - \frac{1}{2}B)$ (scilicet pro $\tan(\frac{1}{2}A + \frac{1}{2}B)$ ponendo

$\frac{I}{\cot(\frac{1}{2}A + \frac{1}{2}B)}$, & pro $\cot(\frac{1}{2}A - \frac{1}{2}B)$ substituendo $\frac{I}{\tan(\frac{1}{2}A - \frac{1}{2}B)}$) abeunt in has: $fA + \cos A : fA - \cos A = \cot 45^\circ (= R) : \tan(\frac{1}{2}A - 45^\circ + \frac{1}{2}A)$ seu: $\tan(A - 45^\circ)$.

Formula XI fequitur ex X. Cum enim ex paullo ante positis habeatur $\frac{\cos A + fA}{\cos A - fA} = \frac{R}{\tan(45^\circ - A)}$, fiet $\cos A + fA = \frac{\cos A \times R}{\tan(45^\circ - A)} - \frac{fA \times R}{\tan(45^\circ - A)}$;

dividantur omnia per $\cos A$, & ponatur R pro $\frac{\cos A}{\cos A}$, ac $\tan A$ pro $\frac{fA}{\cos A}$, habebitur

$R + \tan A = \frac{R^2}{\tan(45^\circ - A)} - \frac{\tan A \times R}{\tan(45^\circ - A)}$. Divisis omnibus per $R - \tan A$, habetur formula X.

Formula XXVII derivatur ex XIV, quæ dat $(\cos(A + B) = \cos A \times \cos B - fA \times fB)$; & $\cos(A - B) = \cos A \times \cos B + fA \times fB$; unde fit $2 fA \times fB = \cos(A - B) - \cos(A + B)$, & consequenter $fA \times fB = \frac{1}{2} \cos(A - B) - \frac{1}{2} \cos(A + B)$.

Formulae XXVIII, XXIX, & XXX eodem prorsus modo ex XIII & XIV deducuntur.

ARTICULUS IV.

Analogiæ pro calculo triangulorum rectangulorum sphericorum.

Pro resolutione rectangulorum triangulorum quorumvis sphericorum, A repræsentet semper angulum rectum: B & C reliquos duos; tum fiant analogiæ, quæ sequente tabella exhibentur

T A B U L A				
Pro resolutione casuum omnium possibilium triangulorum sphaericorum ABC, ad A rectangulorum.				
	Data	quæ sita.	Analogiæ	Quæsiunt 90° minora
53	AB, AC	B C	$R : \cos AB = \cos AC : \cos BC$	si AB & AC sunt ejusdem speciei.
54		B	$R : \sin AB = \cot AC : \cot B$	si AC < 90°.
55		C	$R : \cot AB = \sin AC : \cot C$	si AB < 90°.
66		AC	$\cos AB : R = \cos BC : \cos AC$	si BC & AB sunt ejusdem speciei.
67	AB, BC	B	$R : \tan AB = \cot BC : \cos B$	si BC & AB sunt ejusdem speciei.
68		C	$\sin BC : \sin AB = R : \sin C$	si AB < 90°.
69		AC	$R : \sin AB = \tan B : \tan AC$	si B < 90°.
70	AB, B	B C	$R : \cot AB = \cos B : \cot BC$	si AB & B sunt ejusdem speciei.
71		C	$R : \cos AB = \sin B : \cos C$	si AB < 90°.
72		AC	$R : \tan AB = \cot C : \sin AC$	dubium
73	AB, C	B C	$\sin C : \sin AB = R : \sin BC$	dubium
74		B	$\cos AB : \cos C = R : \sin B$	dubium
75		AB	$\cos AC : \cos BC = R : \cos AB$	si BC & AC sint ejusdem speciei.
76	AC, BC	B	$\sin BC : \sin AC = R : \sin B$	si AC < 90°.
77		C	$R : \tan AC = \cot BC : \cos C$	si AC & BC sint ejusdem speciei.
78		AB	$R : \tan AC = \cot B : \sin AB$	dubium
79	AC, B	B C	$\sin B : \sin AC = R : \sin BC$	dubium
80		C	$\cos AC : \cos B = R : \sin C$	dubium
81		AB	$R : \sin AC = \tan C : \tan AB$	si C < 90°.
82	AC, C	B C	$R : \cot AC = \cos C : \cot BC$	si AC & C sint ejusdem speciei.
83		B	$R : \cos AC = \sin C : \cos B$	si AC < 90°.
84		AB	$R : \tan BC = \cos B : \tan AB$	si BC & B sint ejusdem speciei.
85	BC, B	AC	$R : \sin BC = \sin B : \sin AC$	si B < 90°.
86		C	$R : \cos BC = \tan B : \cot C$	si BC < 90°.
87		AB	$R : \sin BC = \sin C : \sin AB$	si C < 90°.
88	BC, C	AC	$R : \tan BC = \cos C : \tan AC$	si BC & C sint ejusdem speciei.
89		B	$R : \cos BC = \tan C : \cot B$	si BC & C sint ejusdem speciei.
90		AB	$\sin B : \cos C = R : \cos AB$	si C < 90°.
91	B, C	AC	$\sin C : \cos B = R : \cos AC$	si B < 90°.
92		B C	$R : \cot B = \cot C : \cos BC$	si B & C sint ejusdem speciei.

De usu hujus tabulæ.

93. **T**abulæ usus expeditus est, atque ex unius primæ linæ explicatione facile tota intelligi potest. Præscribit nempe, ut si trianguli rectanguli alicujus sphaerici dentur duo latera AB, AC, & queratur hypotenusa BC, fiat hæc analogia: ut radius est ad sinum complementi lateris AB, ita sinus complementi lateris AC ad sinum complementi hypotenusæ BC. Sed quoniam arcus 90° minores eorumque complementa

ART. IV. ANALOGIÆ TRIANGULORUM RECTANGULORUM 13

ta ad duos rectos eosdem sinus, cosinus, tangentes, cotangentes habent (Elem. 727), in ultima columna tabulæ additur: *quæ sita esse minora 90 gradibus* (in exemplo scilicet proposito hypotenusam BC) *si* AB , & AC *eiusdem speciei sunt*, hoc est *vel ambo 90 gradibus majora, vel ambo minora*. Quando vero ex datis determinari nequit, an quæ sita sint minora 90° , vox *dubium* adscripta est.

Demonstrationes priorum Analogiarum.

94. THEOR. XI. *Si in triangulo rectangulo* ABC (fig. 7) *producantur latera* BC *in* G , AC *in* I , BA *in* D , *donec* CG , CI , BD *fiant* 90° ; *ac præterea polo* B *describatur arcus* HED , *ita ut* HE *sit* 90° : *demum polo* C *ducatur arcus* HIG ; *fient duo triangula rectangula* CEF , HIF , *quorum partes vel æquales sunt partibus trianguli* ABC , *vel earum complementa*.

Demonstr. imo enim cum B sit polus arcus FED , sunt BE , BD singuli 90° , & ad FED perpendiculares (per 18); eodem modo cum FED , FCA insistant arcui BAD perpendiculariter, sunt singuli 90° , & communis eorum intersectio F est polus arcus BAD : quare triangulum FCE est ad E rectangulum; ejus angulus ad F , quem mensurat arcus AD , est complementum lateris BA ; latus FE , complementum lateris ED , quod est mensura anguli B ; hypotenusæ CF complementum lateris CA , & latus CE complementum lateris BC .

2do. Quoniam arcus HE , est 90° , & perpendicularis ad arcum CEG , H est polus ejusdem CEG (16), & HIG itidem 90° (3). Rursus CI , CG cum sint 90° , arcui HIG insistant perpendiculariter; igitur HIF est rectangulum ad I ; ejus latus HI est complementum lateris IG , mensuræ anguli BCA ; latus $IF = CA$ (nam CA , IF habent commune complementum CF); hypotenusæ HF est æqualis angulo ABC , ex eadem ratione; nam FE est commune complementum ad quadrantem tam arcus ED (mensuræ anguli ABC) quam arcus HF , atque ideo $HF = ED$: angulus FHI æquatur hypotenusæ BC ; & HFI complemento lateris AB .

95. Theor. XII. *In omni rectangulo triangulo est: ut radius ad sinum hypotenusæ, ita sinus anguli unius ex obliquis ad sinum lateris oppositi.*

Demonstr. Sit triangulum sphæricum ABC (fig. 8) ad A rectangulum arcubus sectorum DCB , DBA , DAC comprehensum. Ex quovis puncto F intersectionis DA planorum angulum rectum efficientium erigatur perpendicularis FG , concipiaturque planum GFE per FG transiens & ad intersectionem DB planorum DCB , DBA normale; erit angulus FEG mensura inclinationis eorundem

planorum, seu anguli sphærici ABG (Elim. 630). His positis, in triangulo EFG rectangulo ad F (cum GF sit perpendicularis plano DAB), est $FG : GE = \sin FEG : R$. (Elem. 747). Et in $\triangle FDG$ rectangulo ad F est pariter $GD : FG = R : \sin GDF$. Igitur etiam $FG \cdot GD : GE \cdot FG = \sin FEG \times R : R \times \sin GDF$ (Elem. 307); & divisa prima ratione per FG , altera per R , fit (Elem. 295) $DG : GE = \sin FEG : \sin GDF$.

Jam vero in triangulo DEG ad E rectangulo est $GD : GE = R : \sin GDE$; quare etiam habetur $R : GDE = \sin FEG : \sin GDF$; hoc est, radius est ad sinum hypotenusæ BC , ut $\sin ABC$ ad sinum lateris oppositi AC .

96. Coroll. I. Atque hæc est Analogia N. 85. posita. Si accipiat obliquus angulus C , est N. 87; invertendo, fient illæ, quæ N. 76 & 79 ponuntur. Et si invertatur analogia N. 87, nascentur N. 68. & 73.

II. Per Theorema præcedens in triangulo rectangulo FCE (fig. 7) est $R : \sin FC = \sin CFE : \sin CE$; & substitutis æquivalentibus ex triangulo ABC , habebitur (94) $R : \cos AC = \cos AB : \cos BC$, quæ est analogia N. 63, & inverse fient illæ, quæ NN. 66 & 75 sunt propositæ.

III. In eodem triangulo est porro: $R : \sin FC = \sin C : \sin FE$. Aut facta substitutione $R : \cos AC = \sin C : \cos B$. Quæ est N. 83, & invertendo NN. 80 & 91.

IV. In triangulo HIF habetur $R : \sin HF = \sin F : \sin HI$, & substituendo æquivalentes, $R : \sin B = \cos AB : \cos C$. hoc est, analogia N. 71; & inverse NN. 74 & 90.

97. Theor. XIII. In omni triangulo rectangulo est: ut sinus totus ad sinum lateris unius angulum rectum comprehendentis, ita tangens anguli obliqui huic lateri adjacentis ad tangentem lateris oppositi.

Demonstr. Manentibus omnibus ut in theor. præced. in triangulo FED (fig. 8) ad E rectangulo, est (Elem. 747) $FE : FD = \sin FDE : R$. Et in triangulo FGD rectangulo in F (Elem. 748) $FD \cdot FG = R : \tan FDG$, quare ex æquo directe $FE : FG = \sin FDE : \tan FDG$. Jam vero in triangulo FGE ad F rectangulo pariter est $FE : FG = R : \tan FEG$, igitur etiam $R : \tan FEG = \sin FDE : \tan FDG$; hoc est, sinus totus ad tangentem anguli ABC , ut sinus lateris AB ad tangentem lateris AC , & permutando &c.

Corollar. I. Hæc est analogia N. 69; Et si substituatur pro angulo obliquo angulus C , N. 81.

II. Invertendo analogiam N. 69 habetur: $\tan B : R = \tan AC : \sin AB$. Et est præterea (Elem. 737): $\tan B : R = R : \cot B$ atque ideo $R : \cot B = \tan AC : \sin AB$, quæ est anal. N. 78.

III. In

III. Invertendo analog. N. 81 fit $\text{tang } C : R = \text{tang } A B : \sin A C$. sed etiam (Elem. 737) : $\text{tang } C : R = R : \cot C$, ergo etiam $R : \cot C = \text{tang } A B : \sin A C$. Quæ est anal. N. 72.

IV. In triangulo FCE (fig. 7) per theor præfens est $R : \sin F E = \text{tang } F : \text{tang } C E$ & substitutis æquivalentibus (per N 94) $R : \cos B = \cot A B : \cot B C$ quæ est analogia N. 70. Quod si jam hæc postrema analogia generaliter exprimatur : ut sinus totus ad cosinum anguli unius obliqui, ita tangens lateris huic angulo adjacentis ad cotangentem hypotenusæ, evidens est, etiam haberi $R : \cos C = \cot A C : \cot B C$. quæ est analogia N. 82.

V. In eodem triangulo FCE est etiam $R : \sin C E = \text{tang } C : \text{tang } F E$: & (per N. 94) substitutis æqualibus $R : \cos B C = \text{tang } C : \cot B$, habetur analogia N. 89. Cum igitur per hanc analogiam fit sinus totus ad cosinum hypotenusæ, ut tangens anguli unius ex obliquis est ad cotangentem alterius, patet, haberi quoque $R : \cos B C = \text{tang } B : \cot C$. quæ est analogia N. 86.

VI. In triangulo HIF (fig. ead.) habetur : $R : \sin H I = \text{tang } H : \text{tang } I F$, & substitutione æqualium $R : \cos C = \text{tang } B C : \text{tang } A C$. quæ est analogia N. 88. Vi igitur hujus analogiæ habetur universim : sinus totus ad cosinum unius ex angulis obliquis, ut tangens hypotenusæ ad tangentem lateris illi angulo adjacentis : quare habetur $R : \cos B = \text{tang } B C : \text{tang } A B$, analogia N. 84.

VII. In eodem triangulo HIF est $R : \sin I F = \text{tang } F : \text{tang } H I$; & substitutis æqualibus $R : \sin A C = \cot A B : \cot C$, quæ est analogia N. 65. Et quoniam ex hac universim patet, esse sinum totum ad sinum lateris unius angulum rectum comprehendentis, ut est \cot lateris alterius ad \cot anguli huic alteri lateri oppositi, erit quoque $R : \sin A B = \cot A C : \cot B$, quæ est anal. N. 64.

VIII. Analogiam N. 70. invertendo habetur $\cot A B : R = \cot B C : \cos B$. Est vero (Elem. 737) $\cot A B : R = R : \text{tang } A B$, ergo etiam $R : \text{tang } A B = \cot B C : \cos B$. Quæ est analog. N. 67.

IX. Invertendo analogiam N. 89. fit $\text{tang } C : R = \cot B : \cos B C$. Jam est etiam $\text{tang } C : R = R : \cot C$. Igitur & $R : \cot C = \cot B : \cos B C$, quæ est anal. N. 92.

X. Denique invertendo analogiam N. 88. obtinetur $\text{tang } B C : R = \text{tang } A C : \cos C$. Sed etiam $\text{tang } B C : R = R : \cot B C$, unde $R : \cot B C = \text{tang } A C : \cos C$. Quæ est anal. N. 77.

Demonstratur ratio magnitudinis angulorum & laterum inter se, quæ in præcedentis tabulæ ultimo laterculo singulis analogiis adscripta est.

98. Theorema XIV. Quivis angulus obliquus in triangulo rectangulo est ejusdem speciei cum latere sibi opposito; hoc est minor 90 gradibus, si
latus

latus ei oppositum minus est; major, si latus oppositum eum numerum graduum excedit.

Demonstr. Sit in triangulo ABC rectangulo ad A (fig. 9) latus AB minus 90° ; dico, angulum C fore acutum. Producat^{ur} enim latus AB in D donec $AD = 90^\circ$; erit D polus arcus AC , & ducto DC , angulus ACD rectus, consequenter pars illius BCA acutus.

Eodem modo patet, posito $AB = 90^\circ$, fore angulum oppositum C rectum; Et si ponatur $AC > 90^\circ$, accipiat^{ur}que $AB = 90^\circ$, & jungatur BC , angulus BCA rectus erit, adeoque ACD obtusus.

99. Theorema XV. Si duo latera angulum rectum comprehendentia sint ejusdem speciei, hypotenusa est minor 90° ; & si sint diversæ speciei, hypotenusa 90 gradus excedit.

Demonstr. Sit primo in triangulo BAC (fig. 7) ad A rectangulo utrumque latus AB, AC minus 90 gradibus, erit etiam hypotenusa BC minor. Productis enim lateribus BA in D ; AC in F , donec singula æquantur 90 gradibus, liquet, B esse polum circuli maximi DF per D transeuntis, & qui (per N. 18) Arcui AC (quoniam ad A angelus rectus) occurrere nequit, nisi in distantia 90° , adeoque extra triangulum ABC . Est igitur $EB = 90^\circ$, & hinc $BC < 90^\circ$.

Sint secundo latera AB, AC (fig. 3) trianguli ABC ad A rectanguli singula majora 90 gradibus, dico hypotenusam BC fore minorem 90 gradibus. Etenim producantur latera AC, AB , donec se interfecent in D , fiet triangulum DCB rectangulum in D (per N. 13) cujus hypotenusa BC est eadem ac trianguli ABC ; quoniam DC, DB sunt complementa laterum AC, AB ad semicirculum, singula minora sunt 90 gradibus; igitur per casum primum in $\triangle DCB$ hypotenusa $BC < 90^\circ$.

Sit tertio in triangulo rectangulo ABC (fig. 10) latus $AB > 90^\circ$, & latus $AC < 90^\circ$, erit hypotenusa $BC > 90^\circ$. Producat^{ur} enim AC in F , ut fiat 90 graduum, quoniam ad A rectus, est F polus lateris AB . Quod si igitur in BA accipiat^{ur} $BD = 90^\circ$, ducaturque DF , liquet, B esse polum arcus DF , adeoque BE est 90° , & per consequens $BC > 90^\circ$.

100. Corollar. I. Quoniam (per N. 98) anguli obliqui sunt ejusdem speciei cum lateribus sibi oppositis, sequitur, hypotenusam fore minorem 90 gradibus, si anguli obliqui sint ejusdem speciei; at majorem, si hi anguli sint diversæ speciei.

101. II. Et e converso: si hypotenusa trianguli rectanguli est minor 90 gradibus, anguli obliqui, & latera rectum comprehendentia ejusdem sunt speciei; sed si hypotenusa 90 gradibus major est, diversæ.

102. III. Si in triangulo reſtangulo hypotenufa & unum latus ſunt ejusdem ſpeciei, latus alterum cum angulo ſibi oppoſito ſunt minora 90 gradibus; ſed ſi hypotenufa & unum latus ſunt diverſæ ſpeciei, latus alterum cum angulo ſibi oppoſito majora ſunt 90 gradibus.

103. Obſerva. Caſus, in quibus dubium eſt de ſpecie laterum, admodum rari in calculo Aſtronomico emergunt, pro quo in triangulis reſtangulis non adhibentur niſi arcus 90 gradibus minores. Dum enim arcus iis majores occurrunt, producti intelliguntur donec ſe rurus interſecent, eorumque complementa ad duos reſtos calculantur. Ut ſi (fig. 3) calculandum proponeretur triangulum ABC, ad evitandam moleſtiam calculus in triangulo BCD inſtitueretur, cujus omnia latera minora ſunt 90 gradibus, uti & anguli præter D. Cognitis autem partibus trianguli BCD, etiam partes prioris ABC cognoscuntur.

ARTICULUS V.

Theoria calculi triangulorum obliquangulorum.

104. Theor. XVI. In quovis triangulo ſphærico ABC (fig. 16) ſemper eſt: ut ſinus anguli unius A ad ſinum lateris ſibi oppoſiti BC; ita ſinus anguli alterius B ad ſinum lateris AC eidem angulo oppoſiti.

Demonſtr. Duſto enim arcu CD ad AB perpendiculari, triangulum ABC in duo triangula reſtangula dividitur ACD, BCD. Quare eſt (per 95) $R : \sin AC = \sin A : \sin CD$,

& $R : \sin BC = \sin B : \sin CD$, igitur $R \times \sin CD = \sin AC \times \sin A = \sin BC \times \sin B$, (per Elem. 300). conſequenter $\sin A : \sin BC = \sin B : \sin AC$. Elem. 302.

105. Corollar. ſi in duobus triangulis ſphæricis omnes tres anguli æquales ſunt, ſinguli ſingulis; etiam latera ſunt æqualia, & tota triangula æquantur; & e converſo. Etenim anguli æquales, & latera æqualia habent etiam ſinus eosdem.

106. Theor. XVII. Si duſto ex vertice C trianguli cujuſvis arcu CD ad BA perpendiculari, triangulum in duo reſtangula, & latus oppoſitum BA in duo ſegmenta AD & BD dividatur, erunt imo ſinus ſegmentorum AD & BD reciproce proportionales tangentibus angulorum adjacentium A & B; aut in ratione directâ cotangentium eorundem. Nam in triangulo reſtangulo ADC (per 96) habetur $R : \sin AD = \tan A : \tan CD$. Et in triangulo reſtangulo BCD eſt $R : \sin DB = \tan B : \tan CD$. Quare $R \times \tan CD = \sin AD \times \tan A = \sin DB \times \tan B$. Et hinc $\sin AD : \sin BD = \tan B : \tan A = \cot A : \cot B$. (Elem. 737)

107. Secundo Cofinus eorundem segmentorum sunt in ratione cosinuum laterum adjacentium AC, BC. Etenim in triangulis reſtangulis ADC, BCD (per 63) habetur $R : \cos DC = \cos AD : \cos AC$, & $R : \cos DC = \cos DB : \cos BC$. Igitur $\cos AD : \cos AC = \cos DB : \cos BC$.

108. Tertio, Cofinus angulorum BCD, DCA sunt in ratione directa cotangentium laterum BC, & AC, vel reciproca tangentium eorundem.

Nempe in triangulis ADC, BCD (per 82) est

$$R : \cot DC = \cos BCD : \cot BC, \text{ \& }$$

$$R : \cot DC = \cos DCA : \cot AC; \text{ adeoque } \cos BCD : \cos DCA = \cot BC : \cot AC = \tan AC : \tan BC.$$

109. Quarto sinus angulorum BCD, DCA, qui fiunt per arcum CD, sunt in ratione cosinuum angulorum B & A. Est enim (per 83)

$$R : \cos DC = \sin DCA : \cos A \text{ \& }$$

$$R : \cos DC = \sin BCD : \cos B. \text{ Ergo etiam } \sin BCD :$$

$$\sin DCA = \cos B : \cos A.$$

110. Theor. XVIII. In omni triangulo sphærico ABC (fig. 4.) est $\cos A = \frac{\cos BC - \cos AC \times \cos AB}{\sin AC \times \sin AB}$.

Nam imo ducto arcu BD ad AC normali, in triangulo reſtangulo ABD (per 88) habetur $R : \tan AB = \cos A : \tan AD$. hinc $\tan AD = \tan AB \times \cos A$ (Radio existente = 1); Est vero (per 33) $\sin AD = \cos AD \times \tan AD$; ergo etiam $\sin AD = \cos AD \times \tan AB \times \cos A$. 2do: In triangulo ABC (per 107), est $\cos DC : \cos AD = \cos BC : \cos AB$. Igitur $\cos DC \times \cos AB = \cos BC \times \cos AD$; sed $\cos DC = \cos (AC - AD) =$ (per 46) $\cos AC \times \cos AD + \sin AC \times \sin AD =$ (substituto valore de $\sin AD$ superius invento) $\cos AC \times \cos AD + \sin AC \times \cos AD \times \tan AB \times \cos A$. Quod si hic valor $\cos DC$ substituatur, fiet $\cos AC \times \cos AD \times \cos AB + \sin AC \times \cos AD \times \tan AB \times \cos A \times \cos AB = \cos BC \times \cos AD$. Divisis omnibus per $\cos AD$, & loco $\tan AB \times \cos AB$ substituto $\sin AB$ (per 33), obtinetur $\cos AC \times \cos AB + \sin AC \times \cos A \times \sin AB = \cos BC$, adeoque $\sin AC \times \cos A \times \sin AB = \cos BC - \cos AC \times \cos AB$, dividendo per $\sin AC \times \sin AB$ tandem fit $\cos A = \frac{\cos BC - \cos AC \times \cos AB}{\sin AC \times \sin AB}$.

111. Theor. XIX. In omni triangulo sphærico ABC habetur hæc proportio: $\sin AB \times \sin AC : \sin(\frac{1}{2}BC + \frac{1}{2}AB - \frac{1}{2}AC) \times \sin(\frac{1}{2}BC - \frac{1}{2}AB + \frac{1}{2}AC) = R^2 : \sin^2 \frac{1}{2}A$.

$$\text{Ponatur } R=1. \text{ Per (40) est } 2\sin^2 \frac{1}{2}A = 1 - \cos A = \frac{\sin AB \times \sin AC}{\sin AB \times \sin AC} - \frac{\cos BC + \cos AB \times \cos AC}{\sin AB \times \sin AC} \quad (110) = \frac{\sin AB \times \sin AC + \cos AB \times \cos AC - \cos BC}{\sin AB \times \sin AC} = (46) \cos$$

$\frac{\cos(AB-AC) - \cos BC}{\sin AB \times \sin AC}$. Ergo per (52) $2 \sin^2 \frac{1}{2} A =$
 $\frac{2 \sin(\frac{1}{2} BC + \frac{1}{2} AB - \frac{1}{2} AC) \times \sin(\frac{1}{2} BC - \frac{1}{2} AB + \frac{1}{2} AC)}{\sin AB \times \sin AC}$. Ex qua æquatione analo-
 gia proposita, omisso coefficiente constante 2, eruitur.

112. Observa. Quoniam hæc duo theorematata universalialia sunt, facile transpositis literis eadem reliquis duobus angulis applican-
 tur: Aut si dentur tres anguli, ope theorematatis III, latera inve-
 niri possunt. (vid. Artic. VII.)

ARTICULUS VI.

Solutio omnium casuum, qui in triangulis obliquangulis occurrere possunt.

Casus omnes, qui in diversis triangulis obliquangulis emergere
 possunt, commode ad 12 problemata revocantur, inter quæ
 octo sunt, in quibus triangulum obliquangulum ad duo rectangu-
 la reduci debet, ducto scilicet arcu ex vertice unius anguli ad la-
 tus oppositum perpendiculari. Jam vero hic arcus vel cadit intra
 triangulum datum, vel extra illud in latus productum. Quare in-
 quirendum est primum, quibusnam in casibus utrumvis contingat.

113. Theor. XX. Arcus CD ex quovis angulo C trianguli spherici in
 latus oppositum AB perpendicularis, cadit intra triangulum (fig. 16), si an-
 guli reliqui A & B sint ejusdem speciei; idem vero arcus cadit extra triangulum,
 si reliqui duo anguli A & B sint diversæ speciei (fig. 14. & 15).

Demonstr. Cadat primo CD (fig. 16) intra triangulum; erunt hoc
 ipso anguli B & A ejusdem speciei, hoc est vel uterque minor, vel
 uterque major recto. Nam (per 98) in triangulo CAD rectangulo ad
 D, angulus A est ejusdem speciei cum latere opposito CD; ex eadem
 ratione in triangulo CBD rectangulo ad D, angulus B est ejusdem
 speciei cum latere eodem CD; igitur quando CD cadit intra trian-
 gulum, reliqui duo anguli sunt ejusdem speciei; adeoque etiam
 conversa vera est.

Cadat 2do arcus perpendicularis CD (fig. 14 & 15) extra trian-
 gulum, erunt anguli A & B diversæ speciei. Etenim rursus
 (per 98) in triangulo CDB ad D rectangulo angulus B est ejusdem
 speciei cum latere sibi opposito CD; & in triangulo CAD angu-
 lus A est ejusdem speciei cum latere eodem CD; quare anguli
 CBD, CAD sunt ejusdem speciei. Sed cum (fig. 14) angulus
 CBD sit complementum anguli CBA ad duos rectos, & neuter
 sit rectus (per hypothesin), sunt inter se diversæ speciei; quare
 cum CBD sit ejusdem cum CAD speciei, debent CAB, & CBA

esse diversæ: Eodem modo (fig. 15) CAB est complementum anguli CAD , qui est ejusdem cum B speciei, adeoque CAB est diversæ speciei ab utroque CAD , CBD .

114. Theor. XXI. Si duo minora latera AC , & CB trianguli ACB sint ejusdem speciei, arcus perpendicularis ex angulo C ad basim AB ductus intra triangulum cadet. (fig. 13).

Demonstrat. Ex maximo latere AB accipiat $AF = AC$, & $BE = BC$, & descriptis arcubus CF & CE ducantur ad eosdem perpendiculares AH & BG . His ita constitutis, in triangulis re-ctangulis FAH , EBG , latera FH , GE necessario 90 gradibus minora sunt, cum æquentur dimidiis CF & CE , a perpendiculis bisectis ob æqualia crura AC , AD , & BC , BE ; integris CF & CE 180. gradibus minoribus existentibus (per 21). Quare si ponantur latera AC & BC , aut his æqualia AF , & BE , minora 90 gradibus, in triangulis re-ctangulis FHA , BGE , hypotenusæ AF cum latere HF , & hypotenusæ BE cum latere GE sunt ejusdem speciei, adeoque (per 102) angulus F & E acutus; & hinc in triangulo FCE arcus perpendicularis ad basim FE ex C ductus cadet intra triangulum (per 113). Si autem supponantur $CB = BD$, & $AC = AF$ majora 90 gradibus, in iisdem triangulis hypotenusæ AF , BE sunt cum lateribus FH & EG diversæ speciei, hinc anguli $A FH$, BEG obtusi uterque (per 102) adeoque iterum ejusdem speciei & (per 113) perpendicularis arcus CD rursus in basim FE incidet.

115. Problema I. Datis duobus angulis & latere uni horum opposito invenire latus alteri datorum angulorum oppositum.

Angulus, cui opponitur latus datum, dicatur A ; alter datus vocetur B , tertius incognitus sit C . Fiat hæc proportio (104):

$$\sin A : \sin B = \sin BC : \sin AC.$$

Ex datis determinari nequit species lateris AC , potestque 90 gradibus vel majus vel minus esse.

116. Problema II. Iisdem datis invenire angulum tertium.

Fiant eadem denominationes, quæ in Probl. I, & ducatur ex C arcus perpendicularis ad AB ; tum fiant hæ duæ proportionēs (fig. 14, 15, & 16)

$$R : \cos BC = \tan B : \cot BCD \quad (86).$$

$$\cos B : \cos BAC = \sin BCD : \sin ACD \quad (109).$$

Quod si A & B sint ejusdem speciei, summa angulorum BCD , ACD ; si vero illi sint diversæ speciei, differentia horum erit æqualis angulo quæsito C .

117. Probl. III. Iisdem datis invenire latus inter angulos datos interceptum.

Iisdem iterum positis denominationibus, & arcu perpendiculari ex C in latus quæsitum ducto, fiant sequentes analogiæ: (fig. 14, 15, & 16)

$$R : \cos B = \tan BC : \tan BD \quad (84).$$

$$\tan A : \tan B = \sin BD : \sin AD \quad (106).$$

Si A & B sint ejusdem speciei, erit summa $BD + AD = AB$; si vero sunt diversæ speciei, erit differentia $AD - BD$ vel $BD - AD = AB$, latus quæsitum.

118. Problema IV. *Datis duobus angulis & latere intercepto, invenire aliud latus.*

Angulus, cui opponitur latus quæsitum, vocetur B, alter datus dicatur C, tertius A. Ex angulo C præterea ducatur ad latus oppositum arcus perpendicularis CD, fiatque hæc analogia: (fig. 14, 15, & 16).

$$R : \cos BC = \tan B : \cot BCD \quad (86).$$

Summa vel differentia angulorum BCD, & dati BCA, prout positio perpendicularis exiget, erit angulus ACD.

Tum inferatur ulterius

$$\cos BCD : \cos ACD = \cot BC : \cot AC \quad (108).$$

Quod si angulus ACD est ejusdem speciei cum angulo B, erit $AC < 90^\circ$. Si ACD & B sunt diversæ speciei, erit $AC > 90^\circ$.

119. Problema V. *Iisdem datis invenire angulum tertium.*

Anguli dati dicantur B & C, quæsitus A, & ducatur ex C arcus perpendicularis in latus oppositum. Tum inferatur (fig. 14, 15, & 16).

$$R : \cos BC = \tan B : \cot BCD \quad (86).$$

Summa vel differentia angulorum BCD & BCA pro diversa perpendicularis positione, dabit angulum ACD. Dein fiat

$$\sin BCD : \sin ACD = \cos B : \cos A \quad (109).$$

Quod si jam angulus BCD sit minor angulo cognito BCA, angulus quæsitus A est ejusdem speciei, ac datus B, sed si $BCD > BCA$, anguli A & B sunt diversæ speciei (113).

120. Problema VI. *Datis duobus lateribus cum angulo uni eorum opposito, invenire angulum oppositum alteri lateri dato.*

Angulus datus dicatur A; comprehensus a duobus lateribus datis vocetur B, tertius C. Inferatur

$$\sin BC : \sin AB = \sin A : \sin C \quad (104).$$

Ex datis constare nequit, utrum angulus C sit acutus, an obtusus.

121. Problema VII. *Iisdem datis invenire latus tertium.*

Angulus datus vocetur B, oppositus lateri quæsito C, tertius

A; ex C ducatur arcus perpendicularis in latus quæsitum, & inferatur: (fig. 14, 15, & 16).

$$R: \text{tang } BC = \text{cof } B: \text{tang } BD \quad (84).$$

$$\text{cof } BC: \text{cof } AC = \text{cof } BD: \text{cof } AD \quad (107)$$

Si jam BC & AC sint ejusdem speciei, summa BD + AD = AB (114); si diversæ, differentia inter BD & AD erit latus quæsitum AB.

122. Problema VIII. *Iisdem datis reperire angulum comprehensum a lateribus datis.*

Dicatur angulus datus B, quæsitus C, tertius A. Ex C ducatur in latus oppositum arcus perpendicularis, & inferatur (fig. 14, 15, & 16):

$$R: \text{cof } BC = \text{tang } B: \text{cot } BCD \quad (86).$$

$$\text{cot } BC: \text{cot } AC = \text{cof } BCD: \text{cof } ACD \quad (108).$$

Si AC & BC sint ejusdem speciei, summa angulorum BCD, ACD; si diversæ, differentia eorundem erit quæsitus C.

123. Problema IX. *Datis duobus lateribus cum angulo comprehenso, invenire alium angulum.*

Angulus datus vocetur B, quæsitus A, tertius C; & ducto ex Carcu perpendiculari fiat: (fig. 14, 15, & 16)

$$R: \text{tang } BC = \text{cof } B: \text{tang } BD \quad (84).$$

Accipiatur summa vel differentia BD, & AB, prout perpendicularis CD intra vel extra triangulum ceciderit, & habebitur AD, Inferatur porro:

$$\sin AD: \sin BD = \text{tang } B: \text{tang } A \quad (106).$$

Jam prout AB majus vel minus fuerit, quam BD; ita angulus A erit ejusdem vel diversæ speciei cum angulo dato B.

124. Problema X. *Iisdem datis reperire latus tertium.*

Angulus datus sit B, sitque BC latus datorum minus, BA majus; ex C ducatur arcus perpendicularis CD, qui fere semper intra triangulum cadet, præcipue si angulus B sit acutus. Fiat (fig. 14, 15, & 16):

$$R: \text{tang } BC = \text{cof } B: \text{tang } BD \quad (84).$$

Subtrahatur BD ex BA, vel si CD cadat extra triangulum versus B, addantur BD & BA; aut denique si CD cadat extra triangulum versus A, subducatur BA ex BD, & habebitur AD. Tum fiat iterum

$$\text{cof } BD: \text{cof } AD = \text{cof } BC: \text{cof } AC \quad (107).$$

Prout jam AD ejusdem vel diversæ speciei fuerit cum CD, aut cum angulo A, ita latus AC 90 gradibus majus vel minus erit.

125. Problema XI. *Datis tribus lateribus trianguli invenire angulum quemvis.*

Angu-

Angulus quæsitus dicatur A, alii B & C. Fiat (per 111)
ut factum ex sinibus laterum A B & B C
ad factum ex sinibus duorum excessuum semi summæ trium laterum supra singula
latera A B & A C; ita quadratum radii ad quadratum sinus dimidii anguli A.

126. Problema XII. Datis tribus angulis invenire latus quodvis.

Latus quæsitum sit B C, angulus ei oppositus A. Inferatur
ut factum ex sinibus angulorum B & C
ad factum ex cosinibus duorum excessuum semisummæ trium angulorum supra
singulos B & C;
ita quadratum radii ad quadratum cosinus dimidii lateris B C.

Hæc analogia supponit triangulum datum A B C intra aliud D E F (fig. 2), cujus omnes partes sunt complementa partium oppositarum trianguli A B C. (per 19).

127. Observa. Triangulum rectilineum considerari potest instar sphærici, cujus arcus ita sunt exigui, ut a rectis non differant, adeoque cum sinibus & tangentibus congruant. Hinc trigonometriæ planæ applicari possunt formulæ trigonometriæ sphæricæ quas cosinus & cotangentes non ingrediuntur, modo pro voce *sinus* vel *tangens lateris* substituatur *latus*. Exempli causa si tria latera trianguli rectilinei dentur, angulus quivis reperiri potest per analogiam Problematis XI. hunc in modum:

ut factum ex duobus lateribus angulum quæsitum comprehendentibus
ad factum ex duobus excessibus semisummæ trium laterum supra singula ea latera;
ita quadratum radii ad quadratum sinus dimidii anguli quæsit.

ARTICULUS VII.

Diversæ formulæ trigonometriæ sphæricæ.

128. **Q**uamvis ex analogiis in præcedentibus allatis omnia trigonometriæ sphæricæ problemata solvi possint, utile tamen admodum est, easdem solutiones diversis modis exhibere; usus hujus varietatis præcipuus est in substitutionibus faciendis, dum in calculi Astronomici regulas algebraice inquiritur; sæpe enim fit, ut deinceps patebit, ut earum ope regulæ multo simpliciores, & elegantiores reddantur. Demonstrationibus sequentium formularum dandis non immorabor, tum quod plurimæ jam in superioribus Articulis demonstratæ sint, tum quod reliquæ nihil difficultatis habeant. Illos solummodo casus generatim indicabo, in quibus maximum usum habent.

In omnibus vero formulis hisce supponuntur anguli & latera trianguli sphærici 90 gradibus minora: quod si itaque casus ferat, ut majora ea sint, ad Notam Articuli III. N. 31 positam recurrendum erit, ut signorum debita permutatio fiat.

I.

In triangulo sphærico quovis ABC ad A rectangulo, semper est.

$$129. \sin B = \frac{\cos C}{\cos AB} = \frac{\sin AC}{\sin BC}$$

$$130. \tan B = \frac{\cot C}{\cos BC} = \frac{\tan AC}{\sin AB}$$

$$131. \cos B = \cot BC \times \tan AB = \sin C \times \cos AC = \frac{1}{2} \sin(C + AC) + \frac{1}{2} \sin(C - AC).$$

$$132. \cot B = \tan C \times \cos BC = \cot AC \times \sin AB.$$

$$133. \sin C = \frac{\cos B}{\cos AC} = \frac{\sin AB}{\sin BC}$$

$$134. \tan C = \frac{\cot B}{\cos BC} = \frac{\tan AB}{\sin AC}$$

$$135. \cos C = \sin B \times \cos AB = \cot BC \times \tan AC = \frac{1}{2} \sin(B + AB) + \frac{1}{2} \sin(B - AB)$$

$$136. \cot C = \tan B \times \cos BC = \sin AC \times \cot AB.$$

$$137. \sin AB = \cot B \times \tan AC = \sin C \times \sin BC = \frac{1}{2} \cos(C - BC) - \frac{1}{2} \cos(C + BC).$$

$$138. \tan AB = \cos B \times \tan BC = \tan C \times \sin AC.$$

$$139. \cos AB = \frac{\cos BC}{\cos AC} = \frac{\cos C}{\sin B}$$

$$140. \cot AB = \frac{\cot BC}{\cos B} = \frac{\cot C}{\sin AC}$$

$$141. \sin AC = \cot C \times \tan AB = \sin B \times \sin BC = \frac{1}{2} \cos(B - BC) - \frac{1}{2} \cos(B + BC).$$

$$142. \tan AC = \tan B \times \sin AB = \cos C \times \tan BC.$$

$$143. \cos AC = \frac{\cos B}{\sin C} = \frac{\cos BC}{\cos AB}$$

$$144. \cot AC = \frac{\cot B}{\sin AB} = \frac{\cot BC}{\cos C}$$

$$145. \sin BC = \frac{\sin AB}{\sin C} = \frac{\sin AC}{\sin B}$$

$$146. \tan BC = \frac{\tan AC}{\cos C} = \frac{\tan AB}{\cos B}$$

$$147. \cos BC = \cos AC \times \cos AB = \cot C \times \cot B = \frac{1}{2} \cos(AC + AB) + \frac{1}{2} \cos(AC - AB).$$

$$148. \cot BC = \cos C \times \cot AC = \cos B \times \cot AB.$$

Nota I. si latus unum trianguli obliquanguli sit 90° , illud litera A designetur, reliqua duo dicantur B & C, anguli vero denotentur per B C, A C, A B, prout scilicet concursu laterum binorum B & C, A & C, A & B formantur: formulæ eædem hujus trianguli partibus inveniendis fervient.

Nota II. liquet, NN. 131, 135, 137, 141, 147, ultimas expressiones constare ex quantitibus sola additione & subtractione connexis, adeoque eas haberi posse sine Logarithmorum subsidio. Verum observandum hic, quod angulus vel arcus, qui priore loco enunciatur, major supponatur, illo, qui subjicitur. Exempli causa in Formula N. 131 supponitur $C > AC$. Quod si itaque contrarium evenerit, ordo terminorum in hisce invertendus erit, & ponendum in allato exemplo $\frac{1}{2} \sin(AC + C) + \frac{1}{2} \sin(AC - C)$.

II.

In quovis triangulo sphærico ABC semper est

$$149. \sin A = \frac{\sin BC \times \sin C}{\sin AB} = \frac{\sin BC \times \sin B}{\sin AC}.$$

$$150. \sin B = \frac{\sin AC \times \sin A}{\sin BC} = \frac{\sin AC \times \sin C}{\sin AB}.$$

$$151. \sin C = \frac{\sin AB \times \sin B}{\sin AC} = \frac{\sin AB \times \sin A}{\sin BC}.$$

$$152. \sin AB = \frac{\sin BC \times \sin C}{\sin A} = \frac{\sin AC \times \sin C}{\sin B}.$$

$$153. \sin AC = \frac{\sin AB \times \sin B}{\sin C} = \frac{\sin BC \times \sin B}{\sin A}.$$

$$154. \sin BC = \frac{\sin AC \times \sin A}{\sin B} = \frac{\sin AB \times \sin B}{\sin C}.$$

$$155. \cos A = \frac{\cos BC - \cos AC \times \cos AB}{\sin AC \times \sin AB} = \cos BC \times \sin B \times \sin C - \cos B \times \cos C.$$

$$156. \cos B = \frac{\cos AC - \cos AB \times \cos BC}{\sin AB \times \sin BC} = \cos AC \times \sin C \times \sin A - \cos C \times \cos A.$$

$$157. \cos C = \frac{\cos AB - \cos AC \times \cos BC}{\sin AC \times \sin BC} = \cos AB \times \sin A \times \sin B - \cos A \times \cos B.$$

$$158. \cos AB = \sin AC \times \sin BC \times \cos C + \cos AC \times \cos BC = \frac{\cos C + \cos A \times \cos B}{\sin A \times \sin B}.$$

$$159. \cos AC = \cos B \times \sin AB \times \sin BC + \cos AB \times \cos BC = \frac{\cos B + \cos C \times \cos A}{\sin C \times \sin A}.$$

$$160. \cos BC = \cos A \times \sin AC \times \sin AB + \cos AB \times \cos AC = \frac{\cos A + \cos B \times \cos C}{\sin B \times \sin C}.$$

$$161. \tan A = \frac{\sin B}{\cot BC \times \sin AB - \cos B \times \cos AB} = \frac{\sin B \times \sin C}{\cot BC \times \sin AC - \cos AC \times \cos C}.$$

$$162. \tan B = \frac{\sin C}{\cot AC \times \sin BC - \cos C \times \cos BC} = \frac{\sin C \times \sin A}{\cot AC \times \sin AB - \cos AB \times \cos A}.$$

$$163. \tan C = \frac{\sin B}{\cot AB \times \sin BC - \cos B \times \cos BC} = \frac{\sin B \times \sin A}{\cot AB \times \sin AC - \cos AC \times \cos A}.$$

$$164. \tan AB = \frac{\sin BC}{\cot C \times \sin B + \cos B \times \cos BC} = \frac{\sin BC \times \sin A + \cos AC \times \cos A}{\cot C \times \sin A + \cos A \times \cos B}.$$

$$165. \tan AC = \frac{\sin BC}{\cot B \times \sin C + \cos C \times \cos BC} = \frac{\sin BC \times \sin A + \cos A \times \cos B}{\cot B \times \sin A + \cos A \times \cos C}.$$

$$166. \tan BC = \frac{\sin AC}{\cot AC \times \cos C - \sin C \times \cot A} = \frac{\cos B \times \cos AB - \sin B \times \cot A}{\cot BC \times \sin AC}.$$

$$167. \cot A = \frac{\sin B}{\cot BC \times \sin AB} - \cos AB \times \cot B = \frac{\sin C}{\cot AC \times \sin AB} - \cos AC \times \cot C.$$

$$168. \cot B = \frac{\cot AC \times \sin BC}{\sin C} - \cos BC \times \cot C = \frac{\cot AC \times \sin AB}{\sin A} - \cos AB \times \cot A.$$

$$169. \cot C = \frac{\cot AB \times \sin AC}{\sin A} - \cos AC \times \cot A = \frac{\cot AB \times \sin BC}{\sin B} - \cos BC \times \cot B.$$

$$170. \cot AB = \frac{\cot C \times \sin B}{\sin BC} + \cos B \times \cot BC = \frac{\sin A \times \cot C}{\sin AC} + \cot AC \times \cos A.$$

$$171. \cot AC = \frac{\cot B \times \sin C}{\sin BC} + \cos C \times \cot BC = \frac{\cot B \times \sin A}{\sin AB} + \cot AB \times \cos A.$$

$$172. \cot BC = \frac{\cot A \times \sin C}{\sin AC} + \cos C \times \cot AC = \frac{\cot A \times \sin B}{\sin AB} + \cot AB \times \cos B.$$

III.

In triangulo quovis sphærico ABC, ubi $A > B$ aut $BC > AC$, semper habetur

$$173. \tan \frac{1}{2} AB = \frac{\sin(\frac{1}{2} A + \frac{1}{2} B) \times \tan(\frac{1}{2} BC - \frac{1}{2} AC)}{\sin(\frac{1}{2} A - \frac{1}{2} B)} = \frac{\cos(\frac{1}{2} A + \frac{1}{2} B) \times \tan(\frac{1}{2} BC + \frac{1}{2} AC)}{\cos(\frac{1}{2} A - \frac{1}{2} B)}.$$

$$174. \cot \frac{1}{2} C = \frac{\sin(\frac{1}{2} BC + \frac{1}{2} AC) \times \tan(\frac{1}{2} A - \frac{1}{2} B)}{\sin(\frac{1}{2} BC - \frac{1}{2} AC)}.$$

$$175. \cot \frac{1}{2} A = \frac{\tan(\frac{1}{2} C - \frac{1}{2} B) \times \sin(\frac{1}{2} AB + \frac{1}{2} AC)}{\sin(\frac{1}{2} AB - \frac{1}{2} AC)} = \frac{\tan(\frac{1}{2} C + \frac{1}{2} B) \times \cos(\frac{1}{2} AB + \frac{1}{2} AC)}{\cos(\frac{1}{2} AB - \frac{1}{2} AC)}.$$

176. Nota. Præter alios usus formulæ primæ & tertię etiam ille est in resolutione horum duorum problematum: datis A, B, & AB invenire BC & AC. Nam ex prima parte primæ formulæ invenitur differentia inter BC & AC; & ex secunda parte eorum summa. Similiratione per tertiam formulam reperitur summa & differentia de B & C, datis AB, AC, & A.

IV.

ANALOGIÆ DIFFERENTIALIALES.

In quovis triangulo sphærico ABC

I Si angulus A & latus AC ei adjacens sit constans, est

$$177. dAB : dBC = R : \cos B = \sin AB \times \sin BC : R \times \cos AC - \cos AB \times \cos BC = R : \cos AC \times \sin C \times \sin A - \cos C \times \cos A.$$

$$\text{si } A = 90^\circ, dAB : dBC = \tan BC : \tan AB.$$

$$\text{si } B = 90^\circ, dAB : dBC = R : \cos dAB = \cos dBC : \cos C D.$$

$$178. dAB : dB = \tan BC : \sin B = \tan BC \times \sin BC : \sin AC \times \sin A.$$

$$179. dAB : dC = \sin BC : \sin B = \sin^2 BC : \sin AC \times \sin A = \sin AC \times \sin A : \sin^2 B = \sin BC \times \sin AB : \sin C \times \sin AC = \sin A \times \sin^2 AB : \sin AC \times \sin^2 C.$$

$$\text{si } B = 90^\circ, dAB : dC = \cot dAB : \cot dC = R : \sin BC.$$

$$180. dBC : dB = \tan BC : \tan B.$$

$$\text{si } B = 90^\circ, dBC : dB = \sin(BC + dB) : R = \sin BC : \sin(B + dB).$$

$$181. dBC : dC = \sin BC : \tan B = \sin A \times \sin AC : \tan B \times \sin B = \sin^2 BC \times \cot AC - \sin BC \times \cos BC \times \cos C : R^2 \times \sin C.$$

$$\text{si } BC = 90^\circ, dBC : dC = \tan dBC : \sin dC = R : \cot B.$$

$$182. dB : dC = \cos BC : R = \cos A + \cos B \times \cos C : \sin B \times \sin C = \cos A \times \sin AC \times \sin AB + \cos AC \times \sin AB : R.$$

$$\text{si } A = 90^\circ, dB : dC = \cot C : \tan B.$$

$$\text{si } B = 90^\circ, dB : dC = \sin dB : \sin dC = \cos BC : R.$$

II. Si

II. Si angulus A, & latus ei oppositum BC sit constans, est

$$183. dAB : dAC = \cos C : \cos B = \cos AB \times \sin AC - \cos AC \times \cos BC \times \sin AB : \cos AC \times \sin AC - \cos AB \times \cos BC \times \sin AC.$$

$$184. dAB : dB = R \times \sin AB : \tan C \times \cos AC = \tan AC \times \cos C : R \times \sin B = \tan AC \times \sin AB : \tan C \times \sin AC = \tan AC \times \cos BC - \sin AC \times \cos AB : \sin B \times \sin AB \times \sin AC.$$

$$185. dAB : dC = \tan AB : \tan C.$$

$$\text{si } A = 90^\circ, dAB : dC = \sin AC : R.$$

$$\text{si } B = 90^\circ, dAB : dC = \cot dAE : \cot dC = R : \sin BC.$$

$$186. dAC : dB = \tan AC : \tan B.$$

$$\text{si } A = 90^\circ, dAC : dB = \sin AB : R.$$

$$\text{si } B = 90^\circ, dAC : dB = \cot dAC : \cot dB = R : \sin AB.$$

$$187. dAC : dC = R \times \sin AC : \tan B \times \cos AB = \tan AB \times \cos B : R \times \sin C.$$

$$\text{si } A = 90^\circ, dAC : dC = \frac{1}{2} \sin 2AC : R.$$

$$188. dB : dC = \cos AC : \cos AB = \cos B \times \tan AB \times \sin BC + \cos BC : R.$$

III. Si duo latera AB, AC sint constantia, est

$$189. dA : dB = \sin BC \times R : \sin AC \times \cos C = R \times \sin A : \sin B \times \cos C = \sin BC \times \tan C : \sin AC \times \sin C = \tan C \times \sin A : \sin B \times \sin C = \sin BC \times \tan C : \sin B \times \sin AB = \sin^2 BC : \cos AB - \cos AC \times \cos BC = \sin AB \times \sin A : \sin AC \times \frac{1}{2} \sin 2C = R : \sin^2 B \times \cos AB - \sin B \times \cos B \times \cot A.$$

$$190. dA : dC = \sin BC \times R : \sin AB \times \cos B = R \times \sin A : \sin C \times \cos B = \sin BC \times \tan B : \sin AB \times \sin B = \tan B \times \sin BC : \sin AC \times \sin C = \tan B \times \sin A : \sin C \times \sin B = \sin^2 BC : \cos AC - \cos AB \times \cos BC.$$

$$191. dA : dBC = R : \sin AC \times \sin C = R : \sin AB \times \sin B = R \times \sin BC \times \sin C : \sin A \times \sin B \times \sin^2 AB.$$

$$192. dB : dBC = \cot C : \sin BC = R \times \cos C : \sin A \times \sin AB = R : \tan C \times \sin BC = \cot C \times \sin B : \sin A \times \sin AC = R : \frac{\cot AB}{\sin B} - \frac{\cot BC}{\tan B} = \cot AB - \cos B \times \cot BC : \sin B = \cos AB \times \sin B - \cot A \times \cos B : \sin AB.$$

$$\text{si } AC = 90^\circ, dB : dBC = \tan BC : \sin^2 B \times \tan B.$$

$$193. dBC : dC = \sin BC : \cot B = \sin A \times \sin AC : R \times \cos B = \sin BC \times \tan B : R = \sin A \times \sin AB : \cot B \times \sin C = R : \frac{\cot AC}{\sin C} - \frac{\cot BC}{\tan C} = \sin AC : \cos AC \times \sin C - \cos C \times \cot A.$$

$$\text{si } AB = 90^\circ, dBC : dC = \sin^2 C \times \tan C : \tan B C.$$

$$194. dB : dC = \tan B : \tan C = \sin AC \times \cos C : \sin AB \times \cos B = \sin B \times \cos C : \sin C \times \cos B.$$

IV. Si duo anguli A & B sint constantes, est

$$195. dAB : dAC = R \times \sin C : \sin B \times \cos BC = R \times \sin AB : \sin AC \times \cos BC.$$

$$196. dAB : dBC = R \times \sin C : \sin A \times \cos AC = R \times \sin AB : \sin BC \times \cos AC.$$

$$\text{si } A = 90^\circ, dAB : dBC = \sin C : \cos AC = \sin B \times \sin AB : \frac{1}{2} R \times \sin 2AC.$$

$$197. dAB : dC = R : \sin B \times \sin BC = R : \sin A \times \sin AC.$$

$$\text{si } A = 90^\circ, dAB : dC = R : \sin AC.$$

$$198. dAC : dBC = \tan AC : \tan BC.$$

$$\text{si } A = 90^\circ, dAC : dBC = \cos C : R.$$

$$199. dAC : dC = \cot BC : \sin C = R \times \cos BC : \sin AB \times \sin A.$$

$$200. dBC : dC = \cot AC : \sin C = R \times \cos AC : \sin AB \times \sin B.$$

Explicatio & usus harum formularum.

201. In triangulo sphærico sex occurrunt partes considerandæ, videlicet tres anguli, & tria latera; formulæ autem differentiales exhibent rationem seu legem, juxta quam ternæ quævis partes ex sex illis mutantur, quando in quarta aliqua mutatio minima fieri supponitur: reliquis duabus constantibus & invariabilibus existentibus. In exemplo, si in quovis triangulo ABC (fig. 6), Angulo A & latere ei adjacenti AC constantibus, supponatur latus AB crescere quantitate minima per BD exhibita, fiet angulus ACB æqualis angulo ACD , & angulus ABC mutabitur in ADC , latusque BC in CD abibit. Ope præcedentium formularum omnes hæ mutationes ad calculum revocari possunt, eoque accuratiorem, quo prima mutatio BD minor fuerit. Uti si quis variationem lateris CB , dum in CD transit, calculare velit, inveniet per primam analogiam N. 177, quod mutatio lateris AB (quæ litera d exprimitur, *differentiam*, vel *differentiale* significante) sit ad mutationem lateris BC , ut sinus totus ad cosinum anguli B .

202. Equidem arculo BD exiguo existente ut a recta non differat, si centro C radio CB describatur arculus BF , habebitur triangulum DBF , quod pro rectilineo haberi possit, & ad F rectangulum: angulus D quam minimum differt ab angulo B , ut eidem æqualis censeatur, latus FD est incrementum lateris BC quæsitum; Est vero (Elem. 747) DF ad DB ut sinus anguli DBF (sive cosinus anguli D) ad sinum totum. Atque hunc in modum omnes reliquæ formulæ demonstrari possunt.

Ratio altera in eadem formula (177) non est nisi substitutio valoris cosinus B e N. 156 petita, nempe $= \sin AB \times \sin BC : R \times \cos AC - \cos AB \times \cos BC$. Idem de tertia sentiendum.

203. Dedimus autem, quot potuimus, rationes diversas, ut, quæ commodissima fuerit, seligatur, quæ scilicet non contineat nisi quantitates datas, vel prius inventas. Ut si in triangulo ABC angulus B foret incognitus, & scirentur tria latera, ratio secunda formulæ, licet magis composita, cæteris præferenda esset. Denique si solum A , C , & AC darentur, eligenda esset tertia ratio. Idem de aliis dicendum.

Observanda circa usum Logarithmorum in calculis trigonometricis.

204. I. In usu Logarithmorum tot decades characteristicæ addi vel ab ea rescari possunt, quot expedire visum fuerit; quemadmodum in formulis Algebraicis semper licet unitatem, vel quamvis ejus potentiam, pro coefficiente, aut denominatore assumere. Exempli gratia, si logarithmus ab alio subducendus major sit illo, a quo subtrahi deberet, characteristica minoris decade aucta supponitur. Quod eodem recidit, ac si ejus valor per unitatem multiplicaretur.

205. II. Quando analogia vel formula quæpiam subtractionem unius vel plurium logarithmorum exigit, ea evitari potest, & commodius in unam additionem mutari. Hinc loco logarithmorum subtrahendorum accipiuntur eorum *complementa Arithmetica*; nomine autem complementi Arithmetici intelligitur differentia alicujus Logarithmi a Logarithmo sinus totius. Exempli causa si subtrahendus sit logarithmus sinus $28^\circ, 12', 10''$, nempe 9, 67449, ejus loco scribatur 0, 32551. Idem de Logarithmis numerorum ordinariorum intelligendum est. Logarithmus Numeri 6053 est 3, 78197, qui subtractus a 10, 00000 relinquit ejus complementum Arithmeticum 6, 21803.

Hæc

Hæc autem subtractio Logarithmi a 10, 00000 &c. ut acquiratur complementum Arithmeticum fit facillime sine scriptione ex sola inspectione tabulæ : nam a sinistra versus dextram pergendo notæ singulæ logarithmi subtrahendi subtrahantur a totidem novenariis, quot sunt zeri in 10, 00000 &c. (excepto ultimo ad dextram, qui decadem valet) etiam characteristica 10, pro novenario habita, & residuum semper scribatur. Idem enim obtinetur, si hac ratione subtractio peragatur, si log. 10, 00000 subscrubatur alter logarithmus subtrahendus, & subtractio lege ordinaria a dextra initio sumpto fiat.

Logarithmus tangentis est complementum Arithmeticum logarithmi cotangentis, & vicissim, nisi quod differentia debeat accipi a logarithmo quadrati radii, cujus characteristica est 20; id quod manifestum ex formula, qua habetur $\text{tang} A = \frac{R^2}{\cot A}$. Simili-

ter ex formula $\text{cosec} A = \frac{R^2}{\sin A}$ (quæ eadem ratione, qua prior, demonstratur) complementum Arithmeticum sinus est logarithmus cosecantis; & complementum Arithmeticum cosinus est logarithmus secantis; adeo, ut dum complementum Arithmeticum sinus alicujus arcus A adhibetur, revera cosecans A pro $\frac{1}{\sin A}$ substituatur.

206. III. Quando in calculo adhibetur aliqua formula ex duobus terminis composita, aut generatim dum logarithmus quæritur, qui summæ vel differentię duorum numerorum, quorum logarithmi solummodo dantur, respondet, sequente methodo procedendum est:

Primo. Ut habeatur logarithmus summæ Numerorum, quorum logarithmi dantur, & characteristicæ eorum æquales sint, atque majores vel minores quam 8 aut 9, reducenda est utraque ad 9 addendo vel subtrahendo tot unitates, quot necesse est, ut 9 adæquent. Dein major eorum logarithmorum considerandus est tanquam logarithmus sinus A , & minor, ut logarithmus sinus B . Inventis jam in tabulis sinuum A & B , colligantur in unam summam logarithmus de 2, logarithmus semifummæ $A + B$, & logarithmus cosinus semi differentię eorundem, & juxta formulam (49) $\sin A + \sin B = 2 \times \sin(\frac{1}{2} A + \frac{1}{2} B) \times \cos(\frac{1}{2} A - \frac{1}{2} B)$ habebitur logarithmus, a cujus characteristica decas additis vel subtractis tot unitatibus, quot characteristicis datorum additæ, vel subtractæ sunt, subtrahi debet.

Exemplum. Sint dati logarithmi 3, 45894, & 3, 79393; addatur 6 ad characteristicas, habebuntur 9, 45894, logarithmus sinus $B = 16^\circ.43'.12''$. & 9, 79393, logarithmus sinus $A = 38^\circ.28'.38''$. Igitur $\frac{1}{2} A + \frac{1}{2} B = 27^\circ.35'.55''$. & $\frac{1}{2} A - \frac{1}{2} B = 10^\circ.52'.43''$.

Log. de 2	- - - - -	0, 30103
Log. $\sin(\frac{1}{2} A + \frac{1}{2} B)$	- - - - -	9, 66584
Log. $\cos(\frac{1}{2} A - \frac{1}{2} B)$	- - - - -	9, 99212
Summa	- - - - -	19, 95899

Subtrahantur $10 + 6 = 16,$

Log. quæsitus - - 3, 95899.

Si characteristica logarithmorum datorum sint inæquales, addatur vel subtrahatur ab utraque idem unitatum numerus, donec characteristica majoris sit 9, reliquus calculus ut in exemplo priore peragatur.

Secundo. Ut inveniatur logarithmus differentie numerorum logarithmis datis competentium, eadem observandæ sunt regulæ, atque ad formulam $\sin A - \sin B = 2 \times \cos(\frac{1}{2}A + \frac{1}{2}B) \times \sin(\frac{1}{2}A - \frac{1}{2}B)$ applicandæ.

Sequens exemplum, quæ in tribus superioribus observationibus dicta sunt, illustrabit. In triangulo sphærico ABC dentur $AB = 35^\circ$, $AC = 40^\circ$, & $BC = 48^\circ$.

Quæraturs angulus A juxta formulam $\cos A = \frac{\cos BC - \cos AC \times \cos AB}{\sin AC \times \sin AB}$. (155)

$\cos AC$	- - -	9, 88425	- -	complem. Arithm.	$\sin AC$	- - - - -	0, 19193
$\cos AB$	- - -	9, 90796	- -	complem. Arithm.	$\sin AB$	- - - - -	0, 23078
Igitur $\cos AC \times \cos AB$		9, 79221	- -				
compl. de BC	- - - - -	42.	0	0			


Summa $80^\circ, 17', 50''$. femif. $40^\circ, 8'.55''$. $\log \cos 9, 88331$

Different. 3, 42, 10. femid. 1.51. 5. $\log \sin 8, 50930$

Log. $\cos A$ - - 9, 11635

Est itaque angelus $A = 82^\circ. 29'. 19''$.

(*) Si complementa Arithmetica in hoc exemplo accipiantur juxta regulam præscriptam ab auctore, eorum ultimæ notæ unitate deficiunt.



ASTRONOMIÆ GEOMETRICÆ ET PHYSICÆ LECTIONES ELEMENTARES.

SECTIO PRIMA.

Complectens partem primam Astronomiæ Solaris.



I.

ta universum hunc tractatum adornabimus, ut præter Geometrica principia ab omnibus admissa nihil nobis postulemus, veluti daretur quispiam (quem observatorem deinceps appellabimus) qui Geometria instructus, sed Astronomiæ hætenus rudis, nihilominus Astrorum descriptionem exactam dare cuperet, idque methodo in observationibus, ac legitimo ratiocinio fundata, quaregulæ cælestium motuum tanta accuratione stabiliantur, ut, quo singula astra loco, temporis puncto quovis dato, seu id præterierit jam, seu futurum sit, oculo in quavis mundi plaga collocato, apparere debeant, reperiri possit.

2. Atque ut ordine progrediamur, supponemus primo observatorem nostrum in ipso solis centro constitutum, indeque ei cælum universum contueri licere, quemadmodum nobis nocte serena dimidii aspectus datur, alterius dimidii intuitum terræ nostræ opacitate prohibente.

3. Quod si itaque observator noster cæli figuram examinet, ea exacte sphærica apparebit, sydera que omnia instar punctorum luminosorum in cava hujus sphæræ superficie hærentium videbuntur, cujus centrum sol, ipseque adeo observatoris oculus occupet. Verum advertet illico, ex hoc apparente cæli statu veram figuram haud quaquam colligi posse, nec propterea solem in centro collocandum, nec astrorum eandem esse ab eo distantiam. Quippe experimur quotidie, non posse nos de diversa objectorum nos ambientium distantia certum judicium ferre, quamdiu in eodem loco immoti perstamus, nisi forte ejusmodi sint, de quibus usu quodam, & experientia scimus, nos in iis dijudicandis alias haud dece-

deceptos fuisse. At enim id genus oculorum iudicium, cui fide-
re possimus, ad perpauca extenditur, ac fere ad prius jam cogni-
tas objectorum dimensiones, ad motum proprium, denique ad mo-
tus eorum objectorum, quorum quæ nobis propiora sint, legiti-
mo aliunde deducto ratiocinio statuere possumus. Accidit certe id
homini in vasta quapiam planitie longius jam spatium progresso,
quæ nulli adsita monti, nihil, qua in omnem partem porrigitur,
oculis spectandum offert, præter arbores, quæ inæquabili, at-
que anguloso ambitu visui limitem ponunt. Hic profecto, si fidem
oculis habeat, spatium hoc omne circulare esse iudicabit, se se in
centro, arbores exacte in circumferentia positas; cum alter quis-
piam ab hoc longiore intervallo remotus simili prorsus ratione ex-
istimabit, se in centro ingentis circuli constitutum, arbores, ho-
minemque illum alterum, in peripheria collocatas. Neque unquam
hi duo ab errore sese expedient, quamdiu in loco eodem persistent,
atque ambientia eos objecta situm præsentem conservant; at ubi
hic mutatus fuerit, alterque eorum, aut ambo moveri cæperint,
ex motuum diversitate, adhibitis Opticæ, Geometriæque regulis,
iudicare poterunt, quænam objectorum ceteris, quantumque vi-
ciniora sint.

4. Ubi observator noster longiore tempore sydera considera-
verit attente, duplex eorum genus notabit; alterum per cælestia
spatia undique disperforum, inæquali præditorum lumine, at
semper immotorum, quæ propterea *stellas fixas*, aut simplici nomi-
ne *stellas* appellabit; alterum eorum, quæ inæquali velocitate so-
lem ambiunt, atque ideo *stellæ errantes*, vel *Planetæ* dicenda sunt.

C A P U T I.

De stellis fixis.

5. **A**ntequam ad alia progrediatur observator noster, illud con-
cludet, imo satis esse, si stellarum fixarum, quoniam mo-
tu carent, exacta fiat descriptio, atque ordo earum, situsque,
quem perpetuo inter se conservant, per observationes determi-
nentur. 2do. Easdem tanquam puncta fixa, & terminos comparati-
vos considerandas esse, ad quos motus Planetarum referantur:
cum enim ex statione unica nulla alia motuum mensura haberi pos-
sit, quam per angulos, sub quibus spatia percurra observatori ap-
parent, necesse est, ut ad hos definiendos stellæ fixæ adhibeantur
tanquam totidem puncta luminosa in cavitate sphaeræ fixa, cujus ra-
dius indefinitus sit, oculo observatoris in centro constituto. At-
que

que hæc hypothesis, quam fingimus, extra erroris periculum est, quod angulorum magnitudo a laterum eos comprehendendum longitudine nullo modo dependeat.

Ex hoc stellarum usu apparet etiam necessitas catalogi accurati, in quo earum positio respectiva quam exactissime fieri possit, sit determinata; unde ab isto conficiendo Astronomiæ initium dandum.

6. Itaque observator inprimis eas in plures classes secundum luminis vivacitatem distribuet, ac maxime quidem illustres *stellas primæ magnitudinis* dicet; paullo his splendore inferiores vocabit *stellas secundæ magnitudinis*, itaque deinceps, ut tandem eas, quæ oculo nullo telescopio adjuto non nisi cum difficultate aliqua percipiuntur, *sextæ magnitudinis* appellet; *septimæ* vero, *octavæ* &c. censeat illas, quæ non nisi tuborum optidorum subsidio cernuntur.

7. Qua in re ut confusioni præcaveatur, possitque deinceps quævis stella denotari, quin opus sit singulis singula imponere nomina, omne cæli spatium in minora quædam certum stellarum numerum comprehendenda tribuet, in quorum singulis figuram quampiam, quæ commoda visa fuerit, depinget, arietem v. g., taurum, draconem, Herculem &c. ita quidem, ut in eam stellæ omnes, quæ in eo spatio continentur, referri possint, certisque figuræ partibus, a quibus nomen fortiantur, respondeant.

Ponamus in tali quapiam area certo cæli stellati spatio respondente taurum depictum esse: stella, quæ cum oculo figuræ hujus congruet, *oculus tauri*; quæ ad extremum cornu collocabitur, *cornu tauri* dicetur, & sic de reliquis. Hac ratione si qua nova inter stellæ illas detegatur, facile erit, regionem cæli designare, in qua visa fuerit, dicendo nimirum, eam esse in cornu, aut versus frontem tauri.

Stellas porro intra aream ejusmodi figuræ comprehensas *constellationem* appellabit.

8. Denique quemadmodum in Geometria Practica, dum regionem aliquam in charta repræsentamus, supponimus, objecta quævis terna in illa existentia triangulum efficere, cujus latera ope catenæ mensoriæ, aliove instrumento investigamus, unumque triangulum alteri per latera communia connectimus; ita quoque observator noster finget, stellam quamvis cum duabus aliis ad libitum assumptis triangulum sphæricum constituere, cujus latera sint arcus sphæeræ cælestis apparentis inter stellæ intercepti: & quoniam ipse in centro horum arcuum collocatus est, eosdem ope quadrantis vel sectoris (cujus radius debitam habeat longitudinem, ut gradus, minuta, & secunda discerni possint) metiri poterit.

Postquam hac ratione arcus determinavit, qui distantias singularum stellarum a duabus, tribusve aliis metiuntur, stellas in superficiem globi transferet, ac in ea constellationes depinget, aut chartas generales, particularesve conficiet: prorsus ut in superficie globi terrestris omnia loca telluris designantur, quorum distantia a sese invicem cognita est, aut chartæ universales, aut topographicæ construuntur.

9. Cum tellus, quam incolimus, plerumque stellarum partem nobis occultet, veteres Astronomi regionem cæli sibi cognitam in præcipuas quadraginta octo constellationes partiti sunt, quarum nomina Ursa minor, Ursa major, Draco, Cepheus, Cassiopea, Andromeda, Perseus, Auriga, Corona Borealis, Hercules, Lyra, Cygnus, Serpentarius sive Ophiuchus, Serpens, Sagitta, Aquila, & Antinous, Delphinus, Equuleus, Pegasus, Trigonum Boreale, Aries, Taurus, Gemini, Cancer, Leo, Virgo, Libra, Scorpius, Sagittarius, Capricornus, Aquarius, Pisces, Cetus, Orion, Eridanus, Lepus, Canis major, Canis minor, Argonavis, Hydra, Crater, Corvus, Centaurus, Lupus, Ara, Corona Australis, Piscis Australis. Sed cum labente tempore navigationis beneficio terræ antiquis incognitæ detectæ essent, maxime a tercentis circiter annis, in quibus stellæ polo Australi, seu Antartico, viciniore, ideoque in Europa non conspiciendæ, videri possunt, eæ in duodecim novas constellationes redactæ sunt, dicunturque Pavo, Grus, Toucan, Phoenix, Dorado, Piscis volans, Hydrus, Chamæleon, Musca, Avis Indica, Triangulum Australe, Indus.

10. Figuræ hisce constellationibus tributæ, non aliunde duxerunt originem, quam a phantasia eorum, qui primi illis imposuerunt nomina. Aliud de priscis illis dicendum, quæ e ceremoniis & ritibus sacris apud Æthiopes, Ægyptios, Phœnices, atque Chaldæos desumptæ sunt. Græci partem earum adoptarunt, partem immutarunt novis nominibus, ac figuris e Mythologia petitis. Qua de re complures eruditæ lucubrationes prodierunt, quas, qui volet, consulat.

11. Antiquissimæ observationes, quæ ad nos usque pervenerunt, a Timochari, & Aristillo, 300 circiter ante Christum natum annis factæ sunt. Post hæc 130 fere annis ante æram Christianam Hipparchus Rhodius catalogum fixarum visibilium confecit, quem post 260 annos Ptolomæus Alexandrinus Astronomus revidit, & publicavit, 1026 stellarum nomina & positionem continentem, e quibus 1022 ab Hipparcho determinatæ fuerant. Atque hoc uno Catalogo Astronomi usque ad sextum decimum sæculum utebantur. Circiter annum 1437 Ulugh-Beig Tartarorum Princeps Ptolomaico accuratiorem confici curavit; ac Tycho-Brahe A. 1600; Hevelius 1670; Flamsteedius 1690 suum quisque catalogum prioribus & ampliorem, & accuratiorem dederunt. Hevelius novis constellationibus lacunas ab antiquis relictas implevit, quem ea in re Flamsteedius, & maxima Astronomorum pars secuti sunt.

Ioannes Bayerus, natione Germanus, chartas cælestes æri incisas publici juris fecit A. 1603, in quibus omnes constellationes schematibus suis exhibentur, stellas, quibus quæque constet, comprehendentibus. Atque ut singulæ stellæ expedite, breviterque indicari possent, iis singulas Græci, Latinive Alphabeti litteras apposuit, vocando unam α , alteram β &c., ordine fere magnitudinis servato. Hanc denominandi rationem moderni Astronomi imitantur, dum frequentissime ita stellas indicant, ut dicant v. g. η Ursæ majoris, γ Draconis &c., dum stellam secundæ magnitudinis in extrema cauda Ursæ majoris, vel lucidam capitis Draconis intelligi volunt.

12. Ut nomina & situs stellarum addiscantur, opus est vel tabulis majoribus cælestibus quales sunt, quas Bayer, P. Pardies, Royer, Senex, Flamsteed in Atlante cælesti ediderunt; vel saltem globo cælesti bene grandi. Tum nocte innubi stellæ quæpiam passim cognitæ quærendæ, quales sunt v. g. quas vulgus *Gallinam Glocitantem* vocat, seu sex stellarum

larum congeries, ab Astronomis Plejades dictæ in constellatione tauri; aut vero quas *tres Reges* appellant, quæ in cingulo Orionis sunt; vel denique septem illæ, quæ plaustrum nominantur, suntque præcipuæ septem ursæ majoris. Ubi ejusmodi in cælo occurrerint, eadem in charta quærantur, quæ ita disponenda erit, ut stellæ in ea depictæ eundem] quam proxime situm referant intuiti, quem in cælo habent: ab his si ad vicinas, indeque ad alias transeat, nomen, situs, ordo, figura constellationum reperietur, dum ea, quæ in cælo apparent, cum charta diligenter semper comparantur.

13. Quod ad locum verum, quem quævis stella in universo occupat, quod ad distantiam a sole, ad naturam, magnitudinem, numerum, utilitatem, ac finem peculiarem, ob quem a Deo singulæ creatæ sunt, attinet, nihil equidem certi observator noster statuere poterit. Cum enim æque immotæ sint, ac sol, nullam basin habere potest, qua data artificio trigonometrico distantiam metiatur. Et cum præterea eo semper plures detegit, quo perfectioribus telescopiis usus fuerit, non immerito de certo earum numero ineundo desperabit. Verum e tanta luminis vivacitate, atque quod solis instar motu careant, conjecturam admodum probabilem ducet, eas totidem esse soles, hoc est, natura, magnitudine, ac lumine huic astro fere æquales, ac propterea, quemadmodum istud, in centris totidem systematum planetarum habitabilium, quorum motus regant, collocatas. In hac hypothesi stellis fixis ea applicare licebit, quæ in sole detexerit; quin etiam distantiarum tum inter se, tum a sole, rationem utcunque inire, idque ex diversa cujusque luminis intensitate, quæ secundum Optices leges rationem inversam quadratorum distantiarum ab observatore sequitur.

C A P U T II.

De Planetis.

A R T I C U L U S I.

De diversis Planetarum motibus generatim, & eorum natura.

14. **D**escriptionem fixarum determinatio motus Planetarum excipiet, quorum quidem

I. Imprimis observator noster sex numerabit, qui omnes versus eandem plagam circa solem moventur, similem fere viam secuti, sed dissimili admodum celeritate. Unde nomina iis sua imponet, certosque characteres seliget, quibus singulos designet. Dicit *Mercurium*, qui omnium movetur celerrime, hacque eum

nota distinguet (☿), reliquos sequentibus signis ac nominibus indicabit: *Venerem* ♀, *Terram* ♂, *Martem* ♂, *Jovem* ♀, *Saturnum* ♀.

15. II. Advertet, *Terræ* semper adesse tanquam comitem exiguum quamdam stellulam, *Jovi* quatuor, quinque *Saturno*, quæ planetas suos jam præcedunt, jam sequuntur: nunc per medium eorum discum transeunt, nunc sub eodem, dum ejus latitudinem emetiantur, latent. Has *Planetas secundarios*, aut *satellites*, aut *lunas* appellabit.

16. III. Observabit, diversis temporibus apparere corpora, quæ cum sub initium exigua, obscura, limbo male terminato, & tardissimi motus videantur, brevi dein crescunt, luce ac celeritate sensibilibiter aucta usque ad certum terminum, post quem iterum iisdem fere gradibus magnitudo, lumen ac velocitas eorum deficit, quibus accreverat, dum tandem penitus dispareant. Atque hujusmodi quidem corpora versus omnem cæli plagam deteget, alia aliis, oppositisque directionibus progredientia. Hæc *cometas* dicet.

17. IV. Superficie planetarum primariorum attentius considerata, notabit in ea partes quasdam ceteris obscuriores (quas *maculas* vocabit): has videbit situm perpetuo mutare, ab uno versus alterum limbum progredi, postea sub planeta occultari, denuo ad priorem redire limbum, itaque constante quadam ratione motum continuare. Præterea animadvertet, hæc maculas, dum a limbo versus medium discum accedunt, semper latiores fieri; contrahi vero, dum inde versus alterum abeunt, in quo constitutæ, servata priore, quam in medio habebant, altitudine, tenuis filii instar apparent. Denique observabit, tempus, quo in disco planetæ videntur, aliquantum brevius esse illo, quo in ejus parte averfa latent, dum a limbo, in quo videri desinunt, ad priorem revertuntur.

Ex his concludet, maculas corpori planetæ inhærere, planetasque globos esse circa axes suos motos, ideoque singulis duos simul inesse motus, alterum, quo circa axem suum exiguo tempore convertuntur; alterum, quo solem ambiunt. Duplex hic motus ita fere peragitur, ac si globulus exiguus in superficie magni cujusdam globi incederet. Prior horum motuum, *diurnus* vel *rotationis* dicitur; alter *annuus* vel *revolutionis*.

18. Antequam telescopia inventa fuissent (quod circa A. 1609. evenit) nemo quidquam de motu rotationis suspicabatur. Keplerus nihilominus, Astronomus Germanus, qui circa ea tempora floruit, in suis hypothelibus physicis eum soli attribuit, id, quod postea ex observationibus confirmatum est. Nam deprehensum est, solem intra $25\frac{1}{2}$ dies circa axem volvi, *Jovem* $9^h 56'$; *Martem* $24^h. 40'$, *Venerem* $23^h. 20'$, *terram* $23^h. 56'. 4''$, Ingens distantia, ac luminis debilitas in *Saturno*; exilitas *Mercurii*, ac solis vicinia impediaverunt quidem adhuc, quo minus hic motus in planetis

netis istis determinaretur; attamen analogia cum ceteris magnam adfert verisimilitudinem, etiam istos motu vertiginis circa axem moveri.

19. Quod macularum naturam concernit, evidens est, quoniam planetæ non, ut stellæ, propria luce fulgent, sed a sole collustrati eam tantum versus nos reflectunt, uti ex sequentibus patebit, evidens, inquam, est, maculas nihil aliud esse, quam partes quosdam superficiæ planetarum minus aptas luci reflectendæ, quales forent maria, sylvarum tractus &c. Et certe quisque facile concipit, terram e magna distantia visam ita apparituram maculis conspersam, uti diversæ eius partes in globo artificiali depinguntur. Sic maria lumen fere totum absorbentia tractus quosdam obscuros exhiberent; insulæ exiguæ, emergentesque scopuli lucidissima puncta viderentur, majores continentes luminosæ apparerent, hinc inde clarioribus, obscurioribusque partibus distinctæ. Nam terræ cultæ, lacubus & diversis aquis interruptæ, sylvis confitæ, minus incidentis luminis remittere possunt; at vero partes ceteris candidiores, majorum montium arida juga, aut perpetuis nivibus rigentia magnam eius copiam reflectant, est necesse. Quin etiam si melioris notæ telescopio, 12 aut 15 pedes longo, lunarem globum confideremus, facile in eo valles ac montes distinguimus. Quapropter verisimile fit, planetas aut habitatos esse, aut saltem habitabiles, telluris nostræ instar. Quo de argumento legi possunt Fontenellius de pluralitate mundorum, & Hugenius in Cosmotheo.

ARTICULUS II.

De legibus motus Planetarum Primariorum.

20. **P**rimum est, dum in leges motuum planetarum inquiritur, ut certa quædam mensura stabiliatur, ad quam eorum velocitates exigantur. Itaque tempus & spatium in cælo quodpiam assumendum est, quoniam velocitas ab his duabus rebus desumitur, eaque major est, qua spatium majus minore tempore percurritur, & ex opposito. Verum Geometra in centro motus orbicularis constitutus spatia reipsa percurra determinare nequit: siquidem ad hoc necesse est, ut corporum in orbem motorum distantia sciatur, id, quod fieri non potest. Quare spatiorum loco observator angulos adhibebit, seu arcus apparentes, quos in cava cæli superficie Planetæ describere videntur.

21. Quod ad tempus pertinet, arbitrarium est, qua quis ratione illud mensurare velit, modo eadem id semper fiat. Unde observator eum in finem revolutiones diurnas Planetæ, cujus libuerit, assumet, v. g. telluris nostræ, cujus unam circa axem rationem, respectu ad solem habito, *diem* appellabit: id tempus rursus in 24 partes æquales, sive *horas* dividet; horam in 60 *minuta*, minutum in 60 *secunda* &c. Denique supponet, tum diei initium haberi, cum certa quædam macula in telluris superficie notata, v. g. quam urbs Parisina efficeret, directe soli opponitur: tum item diem finiri, cum eadem macula ad priorem situm præcise redierit.

22. Duplici itaque instrumentorum genere opus observatori, quibus Planetarum motus determinet, altero quidem circulo, aut portione circuli in gradus, minuta, ac secunda accuratissime divisi, quo angulos, sive arcus descriptos ab iis metiatur; altero horologio, cujus motus quam maxime æquabilis, horas, minuta, & secunda temporis exacte indicante.

A R T I C U L U S III.

De revolutione annua Planetarum.

23. **U**bi observator noster quam accuratissime temporis punctum annotavit, quo singuli planetæ ad certam aliquam stellam fixam venerunt, atque tempus observavit, quo deinceps sæpius ad eandem redierunt, cum qua eos prima vice conspexit, deprehendet, *revolutionum singularum intervalla ejusdem planetæ usque ad eandem fixam æqualia esse, earumque tempora esse, ut in sequente tabella exhibentur.*

Tempus revolutionis annuæ

MERCURII	- - -	87	dies	23	hor.	15 $\frac{1}{2}$	minut.
VENERIS	- - -	224	- -	16	- -	48 $\frac{1}{3}$	
TELLURIS	- - -	365	- -	6	- -	9 $\frac{1}{4}$	
MARTIS	- - -	686	- -	23	- -	30 $\frac{1}{2}$	
JOVIS	- - -	4332	- -	12	- -	0	
SATURNI	- -	10759	- -	8	- -	0	

A R T I C U L U S IV.

De via, quam sequuntur Planetæ.

24. **H**ac in re tria examinanda sunt observatori: *Primo* an omnes partes curvæ, quam planeta aliquis describit, sint in eodem plano, aut vero orbita sit duplicis curvaturæ hoc est, nulli certo plano affixa. *Secundo* siquidem hæc curva in eodem sit plano, videndum, an sit in plano circuli maximi sphæræ cælestis, an alterius minoris. *Tertio* inquirendum, an omnium planetarum orbitæ in uno eodemque sint plano, an potius in diversis, ad se se invicem diversimode inclinatis.

25. Ut

25. Ut his dubiis lumen affundatur, advertet observator, quod si omnes successive stellas (ternas semper, vel quaternas accipiendo) per quas via planetæ accurate transit, comparet, omnes in eadem præcise linea occurrant: qua de re certiores se reddet ope filitensi, & aliquantum ab oculo remoti. Unde inferet, orbitam planetæ esse curvam in plano circuli maximi descriptam: nam plana circulorum maximorum omnia in sphaeræ centro se interfecant; juxta filum vero tensum si aspiciatur, situs talis circuli determinatur: igitur & stellæ, quæ in eo filo positæ videntur, sunt in plano circuli maximi. Atque hac ratione priora duo dubia sublata sunt.

26. Eadem methodo detegit etiam, quod quamvis plana orbitarum diversorum planetarum parum admodum ad se se invicem inclinentur, nihilominus tamen sensibilibus sint diversa: id, quod evidentius adhuc in conjunctione Planetarum apparet: quandoquidem fere semper contingit, ut alter supra alterum transeat, & quidem intervallo aliquot graduum.

27. Ulterius observabit, viam, quam planetæ insistant, successive transire per constellationes Arietis, Tauri, Geminorum, Cancri, Leonis, Virginis, Libræ, Scorpii, Sagittarii, Capricorni, Aquarii, Piscium. Et quoniam ea e senis planetarum orbitis componitur, quæ jam a se divergunt, jam accedunt iterum, ac se interfecant; latiore aliquam fasciam, aut Zonam efformare videtur: fere quemadmodum in terra, dum plures peculiare orbitæ pone invicem ducuntur, quæ nunc parallelæ procurrant, nunc aliquantum a se invicem discedant, dum rursus se interfecent, omnes simul latam quamdam viam currulem constituunt. Fasciam hanc observator *Zodiacum* vocabit, ejusque totum ambitum, initio a stella, qua libuerit, sumpto, v. g. a prima Arietis, in duodecim partes æquales dividet, quas *signa* appellabit. Signum igitur quodvis triginta gradus occupabit, ac nomen ducet vel a numero ordinis quo post stellam illam pro principio divisionis assumptam occurrit, vel a signo correspondente. Ita dicetur signum primum, vel, signum arietis; signum secundum, aut signum tauri &c.

28. Antiqui Græcorum Astronomi, a quibus nomina & figuræ constellationum etiamnum habemus, pro primo Zodiaci puncto stellam γ in auricula Arietis posuerunt, quippe quæ prima erat constellationis, in qua sol in æquinoctio verno versabatur. Et eo quidem tempore quævis constellatio suo signo, cujus nomen gerebat, accurate respondebat: sic constellatio arietis primum, tauri secundum signum &c. occupabant. Verum quoniam punctum æquinoctiale singulis annis 50'' contra signorum ordinem redit, ut in sequentibus videbimus, stellæ omnes tantumdem progredi videntur: ac ab illo jam tempore γ arietis fere integro signo est promota; ex quo fit, ut constellationes non amplius suis signis respondeant, quamvis hæc antiqua sua nomina semper retineant. Sic constellatio arietis modo fere tota est in signo tauri, constellatio tauri in signo Geminorum &c. ut ex chartis cælestibus colligi potest.

Ex modernis Astronomis plurimi motus cælestes a puncto, in quo ipsa æquinoctium fit, computant; aliqui tamen a γ Arietis. Sed isti, ut cum prioribus consentiant, in omnibus suis calculis differentiam inter stellam illam, & punctum æquinoctiale verum addunt.

29. Ad exprimenda commodius signa Zodiaci, certi quidem characteres inventi sunt, quos quisque sibi perspectos reddere debet ac familiares. En illos in sequente tabella

Aries	- - -	V	Leo	- - -	Ω	Sagittarius	- - -	\mathcal{Z}
Taurus	- - -	\mathcal{Y}	Virgo	- - -	\mathfrak{M}	Capricornus	- - -	\mathcal{Z}
Gemini	- - -	Π	Libra	- - -	\mathfrak{L}	Aquarius	- - -	\mathfrak{M}
Cancer	- - -	\mathfrak{C}	Scorpius	- - -	\mathfrak{M}	Pisces	- - -	\mathfrak{L}

Illud etiam opportune hic monendum, vocem *Signi* passim adhiberi ad significandos 30 gradus, quin ad gradus Zodiaci attendatur. Sic cum dicitur, punctum unum cæli ab altero duobus signis distare, nihil aliud intelligitur, quam arcum inter duo illa puncta interceptum sexaginta graduum esse.

ARTICULUS V.

De causis inæqualitatis motuum Planetarum.

30. **U**bi observator noster singillatim Planetarum motus curiosius consideraverit, intelliget illico, eorum celeritatem inæquabilem esse. Atque præcipuam studii sui partem existimabit, ut legem hujus inæqualitatis detegat. Qua in re ut certi aliquid statuatur, ac de causa inæquabilis illius motus securus esse possit, siquidem unica sit, a qua dependeat; aut si plures concurrant, ut singularum actiones separatim cognoscat, ac evolvat; & ut denique modum earum agendi penitus perspectum sibi reddat, constituat singulis diebus hora eadem cujusvis planetæ locum in sua orbita durante saltem una revolutione integra observare. Sic ad eruendam theoriam Mercurii, supponamus ab observatore nostro singulis diebus in ipso meridie loca ejus in orbita per instrumenta ita determinata esse, ut in tabula mox subjicienda exhibentur; hoc est observatum esse numerum signorum, graduum, minutorum, & secundorum arcus cælestis inter centrum Mercurii, & illam stellam intercepti, cum qua in sua orbita conjunctus videbatur, quando signum arietis ingrediebatur, & quidem mensura arcus juxta directionem motus planetæ accepta, id, quod *secundum ordinem signorum* fieri dicitur.

31. Observationibus istis diligenter expensis, acceptaque diffetentia singulorum locorum Mercurii, uti ea a regione binarum quarumvis, exposita est, ut motus diurnus, & celeritas angularis vera, quam quovis die habuit, obtineatur, ulterius observator indagabit *Primo*, an non inæqualitates ejusmodi solum apparentes sint, aut ex eo proveniant, quod Mercurius distantiam relate ad solem tantummodo mutet, quamvis motus in se sit semper uniformis? Etenim experientia docemur, corpus motu æquabili latum videri eo celerius progredi, quo minor est ejus distantia, & ex opposito; adeo ut Lex Optica sit, *inæqualitates apparentes celeritatum æqualium esse in ratione reciproca distantiarum ab oculo spectatoris*. *Secundo*: an inæqualitas ista reipsa haberi possit, ac motus planetæ jam velocior, jam tardior esse, quin propterea distantia ejus a sole mutetur. *Tertio* denique, an non ab utraque hac causa conjunctim proficiscatur?

Ut dubitationes istæ tollantur, observandum est, quod dum corpora ad majorem distantiam, quam prius habuerint, recedunt, eorum diametri apparentes minuantur, ut altera etiam lex sit in Opticis, quod quando anguli, sub quibus objectum videtur, exigui sunt, diametri sint in ratione reciproca distantiae ab oculo. Ex duabus his Optices regulis facile concluditur, celeritates apparentes ejusdem objecti motu æquabili lati esse in ratione directa angulorum, sub quibus ejus diametri videntur. Unde observator noster sequentes duas regulas deducet:

32. I. Si inæqualitas motus planetarum vera est, & unice ex mutatione velocitatis in diversis orbitæ locis dependet, non mutata distantia a sole; eorum diametri sub eodem constanter angulo videri debent.

33. II. Si motus planetarum in se uniformis est, & inæqualitas tantum apparens, quæ solum ex mutata distantia a sole proveniat; eorum celeritates, quas temporibus æqualibus habent, & arcus, quos iisdem temporibus percurrunt, sunt ut eorum diametri.

34. Supereft jam, ut videamus, an aliqua istarum regularum locum habeat. Hinc observator noster diversis temporibus summa accuratione angulos, sub quibus Diameter Mercurii videtur, determinabit, maxime vero tum, quando ejus celeritas maxima est, & minima. Inveniet vero angulum hunc ab illo tempore, quo celeritatem minimam habet, semper crescere, usque dum ad celeritatem maximam perveniat: & vicissim. Ita tempore celeritatis maximæ observabit angulum esse $25''. 23'''$; & quando celeritas minima est, $16''. 37'''$. Ex quo evidenter colligitur, primam regulam locum haud habere; & siquidem orbita Mercurii circulus

fit, solem non esse in ejus centro, quoniam distantiam ab eo perpetuo mutat.

35. Assumpta itaque altera regula fiat hæc proportio: ut diameter minima $16''$. $37'''$ est ad celeritatem minimam $2^{\circ}, 44', 20''$ inter diem 9 & 10 Augusti observatam: ita diameter maxima $25''$. $23'''$ est ad celeritatem maximam, quam aliquando Mercurius habere potest, si secunda hæc regula locum habeat. Reperitur autem quartus terminus $4^{\circ}, 11', 5''$; & ex observatione inter diem 26 & 27 Junii celeritas Mercurii erat $6^{\circ}, 23', 27''$. Igitur infertur primo, inæqualitates planetarum non esse mere apparentes, & unice ex diversa eorum a sole distantia pendere. Secundo, quia celeritas maxima observata excedit $2^{\circ}, 12', 22''$, illam, quæ juxta secundam regulam per calculum deducta fuit, necesse est, ut dum Planetæ ad solem accedunt, motus accelerationem veram acquirant, quæ cum apparente illa, atque ex vicinia majore pendente conjungenda est: atque ita *inæqualitas motus planetarum habet causam alteram Physicam, alteram Opticam; hoc est, partim est realis & vera, partim apparens.*

36. Veteres Astronomi omnes inæqualitatem Physicam & Opticam confuderant in unam, quæ res omnem eorum theoriam evertit, quoniam hac ratione erroneas rationes distantiarum necesse est inferri. Keplerus primus utriusque causæ existentiam demonstravit, ostenditque, utramlibet æqualiter fere in hunc effectum influere. Videatur ejus liber, cui titulus: *Astronomiæ pars Optica*. pag. 341.

*Distantiæ Mercurii a prima stella Arietis, in ipso meridie
observatæ.*

A. 1740. fig. grad. min. sec. differentiaē						fig. grad. min. sec. differentiaē								
Jun. d.	14.	0.	2.	4.	30	0	Jul. d.	30.	7.	15.	8.	57	0	
	15.	0.	7.	7.	7	5		31.	7.	18.	3.	8	2	
	16.	0.	12.	19.	30	5		Aug. d.	1.	7.	20.	55.	23	2
	17.	0.	17.	41.	44	5			2.	7.	23.	45.	50	2
	18.	0.	23.	13.	37	5			3.	7.	26.	34.	52	2
	19.	0.	28.	54.	57	5			4.	7.	29.	22.	37	2
	20.	1.	4.	45.	9	5			5.	8.	2.	9.	13	2
	21.	1.	10.	43.	40	6			6.	8.	4.	54.	57	2
	22.	1.	16.	49.	33	6			7.	8.	7.	40.	5	2
	23.	1.	23.	1.	45	6			8.	8.	10.	24.	48	2
	24.	1.	29.	19.	2	6			9.	8.	13.	9.	12	2
	25.	2.	5.	39.	51	6			10.	8.	15.	53.	32	2
	26.	2.	12.	2.	51	6			11.	8.	18.	38.	5	2
	27.	2.	18.	26.	18	6			12.	8.	21.	22.	53	2
	28.	2.	24.	48.	38	6			13.	8.	24.	8.	18	2
	29.	3.	1.	8.	6	6			14.	8.	26.	54.	28	2
	30.	3.	7.	23.	26	6			15.	8.	29.	41.	32	2
Jul. d.	1.	3.	13.	33.	8	6	16.		9.	2.	29.	49	2	
	2.	3.	19.	36.	1	5	17.		9.	5.	19.	28	2	
	3.	3.	25.	31.	9	5	18.	9.	8.	10.	36	2		
	4.	4.	1.	17.	40	5	19.	9.	11.	3.	46	2		
	5.	4.	6.	55.	5	5	20.	9.	13.	58.	59	2		
	6.	4.	13.	22.	57	5	21.	9.	16.	56.	22	3		
	7.	4.	17.	41.	7	5	22.	9.	19.	56.	23	3		
	8.	4.	22.	49.	28	4	23.	9.	22.	59.	11	3		
	9.	4.	27.	48.	1	4	24.	9.	26.	5.	6	3		
	10.	5.	2.	37.	3	4	25.	9.	29.	14.	26	3		
	11.	5.	7.	16.	49	4	26.	10.	2.	27.	22	3		
	12.	5.	11.	47.	29	4	27.	10.	5.	44.	32	3		
	13.	5.	16.	9.	53	4	28.	10.	9.	5.	56	3		
	14.	5.	20.	24.	26	4	29.	10.	12.	31.	58	3		
	15.	5.	24.	30.	54	3	30.	10.	16.	3.	5	3		
	16.	5.	28.	29.	38	3	31.	10.	19.	39.	41	3		
	17.	6.	2.	21.	47	3	Sep. d.	1.	10.	23.	22.	1	3	
	18.	6.	6.	7.	30	3		2.	10.	27.	10	26	3	
	19.	6.	9.	47.	17	3		3.	11.	1.	5.	46	4	
	20.	6.	13.	21.	19	3		4.	11.	5.	8.	9	4	
	21.	6.	16.	50.	7	3		5.	11.	9.	18.	3	4	
	22.	6.	20.	14.	4	3		6.	11.	13.	35.	52	4	
	23.	6.	23.	33.	24	3		7.	11.	18.	1.	40	4	
	24.	6.	26.	48.	41	3		8.	11.	22.	36	40	4	
	25.	7.	0.	0.	0	3		9.	11.	27.	20	32	4	
	26.	7.	3.	7.	44	3		10.	0.	2.	13.	51	5	
	27.	7.	6.	12.	11	3		11.	0.	7.	16.	45	5	
	28.	7.	9.	13.	42	2		12.	0.	12.	29.	27	5	
	29.	7.	12.	12.	33	2		13.	0.	17.	51.	58	5	

ARTICULUS VI.

De figura orbitæ Planetarum.

37. **E**x ulteriore observationum allatarum examine patebit observatori nostro *Primo*: velocitatem Mercurii inde a maxima, quam 26 die Junii annotavit, usque ad minimam die 9 Augusti observatam regulariter admodum decrescere, ac postea iterum eadem regularitate augeri, qua prius imminuta fuit, ita quidem, ut æquali utrimque ab his duobus terminis intervallo eadem sit. *Secundo* circa eosdem celeritatis crescentis, & decrescentis limites, minorem ejus esse inæqualitatem, magisque ibi accedere ad uniformem. *Tertio* Limites hos sex signis a se invicem, sive orbitæ dimidio distare, ac temporis intervallum, quo ab altero ad alterum pervenit, esse 44 dierum, dimidium scilicet revolutionis annuæ Mercurii tempus. *Quarto* ubi Mercurius primis Septembris diebus, ad eadem loca, in quibus mense Junio observatus fuerat, rediit, eum eadem celeritate in iisdem cæli locis moveri.

38. Hinc autem observator sequentia deducet: *Primo Curvam, a planeta descriptam, regularem esse, & in se redire.* *Secundo* duos celeritatis maximæ & minimæ terminos (quos generali vocabulo *Apsides* dicet; & *superiorem* quidem, vel *Aphelium*, illud orbitæ punctum, in quo celeritas est minima; *inferiorem* vero, aut *perihelium* alterum, in quo celeritas est maxima) *esse respectu solis diametraliter oppositos*, ut linea eos conjungens (quæ *linea apsidum* vocatur) curvæ diameter esse debeat per solis centrum transiens. *Tertio situm lineæ apsidum ad sensum constantem manere, eamque versus eadem cæli puncta semper dirigi*, quandoquidem (23) observatum est, reditum planetæ ad eandem fixam, cum qua observatus prius fuit, æquali semper tempore haberi, ejusque velocitates in iisdem cæli locis æquales esse. *Quarto causam motus planetæ in æquali utriusque a linea apsidum distantia æqualiter agere.*

ARTICULUS VII.

De hypothesi Physica ad inveniendam curvam, quam planeta describit, & determinandam legem inæqualitatum in diversis orbitæ locis.

39. **I**llud nunc restat, ut duce Mechanica, inveniatur hypothesis aliqua physica, in qua Planeta alternis vicibus ad solem accedat, & ab eodem recedat; motum acceleret, & retardet iis legibus, quæ cum observationibus consentiant, ita ut ex hac hypothesi

thesi ope Arithmeticae & Geometriae statutis calculi regulis inveniri possit, quidquid seu lapsis retro temporibus observatum est, seu deinceps in his motibus continget.

40. Quod ut cum methodo fiat, & certitudine, quam possumus sperare, maxima, observator sequentia ex ordine principia Mechanices in mentem revocabit.

ARTICULUS VIII.

Principia Mechanicae, quibus tota Astronomia Physica innititur.

AXIOMA I. *Effectus sunt proportionales suis causis.*

Hoc est: effectus ea ratione crescit vel decrescit, qua actio causae eum producentis crescit, vel decrescit.

42. **AXIOMA II.** *Nullum corpus ex se ipso statum motus vel quietis mutare potest, in quo semel est positum.*

43. Hinc sequitur Primo: Corpus, quod semel movetur, semper motum iri, nisi sit causa aliqua, quae ejus motum extinguat.

44. Secundo: Corpus, cui vis ad motum juxta certam directionem impressa est, semper movendum esse directione & celeritate illi vi competente, quin unquam per se alterutram mutet. Quare Corpus quod vi impressa movetur, de se semper linea recta, & motu aequabili moveri perget.

45. Tertio: Corpus in motu constitutum non posse celeritatem suam minuire, nisi nova ei vis, cum prima magis opposita, quam conspirans, imprimatur; nec posse etiam celeritatem augere, nisi novam recipiat vim, quae cum prima magis conspiret, quam opposita sit.

46. Quarto: Corpus motum non posse describere polygonum aliquod, nisi a causa quadam a via rectilinea detorqueatur, quae tunc in illud semper sub nova directione agat, quando ad extremum alicujus lateris illius polygoni pervenit.

47. **AXIOMA III.** Corpus, quod agit in alterum, vel potentia quaevis agens in corpus, semper invenit resistantiam suae actioni aequalem, & ejus directioni oppositam. Id, quod alias sic efferri solet: actioni semper aequalis & contraria est reactio.

Etenim nequit concipi actio Physica sine obstaculo, hoc est, sine resistantia. Imo nequit cogitari actio major, quam sit obstaculum; si enim vis major, quam ad effectum producendum necessaria sit, adhibeatur, excessus ille inutilis est, nihilque agit: & si actio minor sit, quam obstaculum, effectum non habebit, sed destruetur a resistantia obstaculi aequali, & directe opposita. Si lapidem funi alligatum manu traham, funis tota sua longitudine aequaliter tenditur, manifesto indicio, resistantia lapidis tantundem eum retrahi verius lapidem, quantum versus me a manu trahitur. Nam si funis hic

ita tensus circa medium scindatur, pars, quam manu teneo, versus me elasticitate sua resilit, pars vero lapidi alligata versus lapidem: atqui si a manu sola tractus fuisset, non item a lapide, evidens est, eam partem, quæ lapidi alligatur, non secus ac alteram, versus manum trahentem nifuram, nequaquam autem versus lapidem.

48. Mechanici *vim inertiae* appellant proprietatem illam communem corporum, qua nituntur in statu, quem semel habent, persistere, atque omni ejus mutationi resistunt.

49. Definitio I. *Motus uniformis* sive *æquabilis* dicitur, quem corpus per actionem instantaneam potentiæ alicujus recipit; seu quo temporibus æqualibus spatia æqualia percurrit.

50. II. *Motus uniformiter acceleratus* est, qui in corpore repetitis continuo actionibus æqualibus, celeritatem singulis tempusculis æqualibus æqualiter augmentibus, producit.

51. THEOREMA I. Si corpus motu æquabili fertur, spatia temporibus æqualibus percurfa sunt ut celeritates; quæ vero celeritate eadem percurruntur, sunt ut tempora; & celeritates, quibus spatia æqualia describuntur, sunt reciproce ut tempora.

Patet enim, spatium motu æquabili percursum tempore dato, v. g. uno minuto tanto fore majus, quo major est celeritas mobilis. Quod si altero minuto temporis celeritas sit dupla, vel tripla, etiam spatium, quod describetur, erit duplum vel triplum, adeoque semper in ratione celeritatis. Simili ratiocinio in reliquis theorematis partibus utendum. Ita evidens est, corpus celeritate eadem motum eo majus percursum spatium, quo longiore tempore movetur; & si corpus spatia æqualia describit, celeritatem tanto fore majorem, quo brevior tempore tale spatium percurrit.

52. THEOREMA II. In motu æquabili spatia E & e , corporibus A & B , temporibus T & t , celeritatibus V & v descripta, sunt inter se ut facta $V T$, $v t$, nempe celeritatum in tempora; seu $E : e = V T : v t$.

Demonstratio. Ponamus corpus A celeritate u , æquali celeritati v corporis B , tempore T percurrere spatium ε . Quod si jam hoc spatium ε cum spatio E , quod celeritate V describit, comparemus; quoniam tempus T idem est, habebimus (per 51) $E : \varepsilon = V : u$. Et si idem spatium ε conferatur cum spatio e a corpore B eadem celeritate, sed tempore t , descripto, erit $\varepsilon : e = T : t$. Quare compositis rationibus est (Elem. 307) $E e : \varepsilon e = V T : v t$, seu (Elem. 296) $E : e = V T : v t$.

53. Observa I. Apud Mechanicos rationem constantem mutationis duarum quantitatum heterogenearum, & quæ alias inter se comparari nequeunt, exprimi per simplicem aliquam æquationem. Exempli causa, dum intelligi volunt, spatia esse semper ut tempora, scribunt $e = t$, quamvis in se spatia nunquam coæquari tempori alicui possint, utpote cum illa sint extensio permanens, hoc autem successiva, adeoque prorsus ab illis heterogenea. Verum expressio ejusmodi nihil aliud significat, quam spatia in eadem ratione crescere vel decrescere, qua tempus augetur vel minuitur. Ut denotent, celeritates esse in ratione reciproca temporum, ponunt

nunt $u = \frac{1}{t}$. Nam ratio reciproca directæ instar scribi potest; modo termini illius pro denominatoribus, & unitas pro numeratore sumatur. (Elem. 299). Ut exprimant, quantitatem aliquam nullam subire mutationem, sed eandem constanter manere, eam unitati æqualem faciunt. Hanc methodum si sequamur, ita in compendio Theorema I. exponi potest: *in motu uniformi*, si $t = 1$, $e = v$; si $v = 1$, $e = t$; & si $e = 1$, $v = \frac{1}{t}$. Et Theorema II: *in motu æquabili* $e = vt$.

54. II. Dum in formula aliqua generali quantitas constans, vel quæ talis supponitur, vel factum aut quotus quantitatum constantium occurrit, formula simplicior redditur, quin ratio variarum in ea contentarum mutetur, si in locum quantitatis constantis unitas surrogetur, facta reductione, quam hæc substitutio exigit. Uti v. g. in hoc exemplo $e = vt$; si tempus ponatur constans, erit $t = 1$, pro t substituta 1, erit $e = v. 1$, vel $e = v$, quod ostendit, tempore assumpto constante, spatium esse ut celeritatem. Si sit formula $p = \frac{abx}{qs}$, quæ valorem absolutum quantitatis p exprimit, & supponatur ab esse factum ex duabus quantitatibus constantibus, habebitur $p = \frac{x}{qs}$, quod significat, quod quamvis valor absolutus quantitatis p sit $\frac{abx}{qs}$, variatio tamen de p fiat in eadem ratione, qua quotus variabilis x per alteram variabilem qs divisæ crescit vel decrescit. Ut adeo formula post similem substitutionem factam non nisi rationem variationis de p exprimat.

55. Corollarium. Cum in motu æquabili sit $e = vt$, erit $v = \frac{e}{t}$, & $t = \frac{e}{v}$.

56. THEOREMA III. *Motus quivis utcumque acceleratus vel retardatus, quo curva quælibet describitur, considerari potest, tanquam compositus ex infinitis motibus æquabilibus & rectilineis, qui singuli tempusculis infinite parvis, ex quibus tempus finitum illius motus constat, durent. Supponi præterea potest, omnem mutationem celeritatis & directionis semper fieri in initio talis tempusculi infinite parvi, ita ut per tale tempusculum postea utraque eadem maneat.*

Etenim tempusculis singulis infinite parvis mobile non nisi momentaneum progressum in spatio facit; progressus isti momentanei inter se quidem inæquales esse possunt, & diversas habere directiones, si alter alteri comparetur; at in uno eodemque separatim accepto nihil inæquabile, mutationis nihil concipi potest.

57. THEOREMA IV. *In motu uniformiter accelerato, velocitates sunt ut tempora; seu $u = t$.*

Nam cum mobile quolibet temporis momento æquali novam vim æqualem acquirat, consequenter etiam æqualem celeritatis gradum, summa omnium horum incrementorum æqualis est summæ omnium momentorum, quibus acquiruntur; & ideo velocitates semper sunt ut tempora a principio motus computata.

58. THEOREMA V. *Spatium e tempore finito t motu uniformiter accelerato percursum, est dimidium illius, quod mobile velocitate v quam in fine temporis t acquirit, motu æquabili eodem tempore descripsisset.*

Dividatur tempus t in infinita tempuscula æqualia; celeritates, quas mobile in fine cujuslibet tempusculi habet, erunt ut hæc progressio Arithmetica $1 \frac{\infty}{u}, 2 \frac{\infty}{u}, 3 \frac{\infty}{u},$

$4 \frac{\infty}{u} - - - \infty \frac{\infty}{u}$. Et quia (56) durante quovis tempusculo minimo motus est æquabilis, adeoque etiam spatium est ut velocitas, quam eo tempusculo mobile habet; eadem progressio repræsentat spatia singulis tempusculis percurra, & summa totius progressionis est ut spatium totum tempore t descriptum. Sed summa progressionis (Elem. 280) æqualis est facto ex summa termini primi & ultimi $1 \frac{\infty}{u} + u$ in dimidium

terminorum numerum ducta, sive in $\frac{t}{2}$, id est, in numerum dimidium omnium tem-

pusculorum, ex quibus t constat; igitur spatium totum exhibetur per $\left(1 \frac{\infty}{u} + u\right) \frac{t}{2} = \frac{ut}{2}$, quia $1 \frac{\infty}{u} = 0$ (Elem. 360).

59. THEOREMA VI. *Spatia ab eodem mobili motu uniformiter accelerato percurra, sunt ut quadrata temporum, quibus describuntur; vel ut quadrata celeritatum in fine temporum acquisitarum.*

Si enim in formula $e = \frac{tv}{2}$, substituatur $t = v$ (p 57), fiet $e = \frac{tt}{2}$; vel $e = \frac{vv}{2}$; seu cum 2 sit quantitas constans, $e = uu = tt$.

60. Scholium I. Gradus & incrementa celeritatis, quæ mobile singulis instantibus acquirit, consequenter etiam quantitas spatii percurri, ab intensione vis acceleratricis in mobile agentis dependent. Unde vis acceleratrix minor minores etiam velocitatis gradus producet, quam altera major, & mobile iisdem temporibus spatia minora describet; nihilominus tamen velocitates istæ semper erunt in ratione simplici temporum, & spatia cum iis descripta in ratione duplicata. Itaque si vires acceleratrices diversæ sint, spatia sunt in ratione composita ex simplici virium, & duplicata temporum. Dicatur vis acceleratrix quælibet f ; dabuntur sequentes formulæ generales: $e = ftt$, $f = \frac{e}{tt}$, $t = \frac{\sqrt{e}}{\sqrt{f}}$.

61. Ut generatim demonstretur, esse $e = ftt$, seu spatia percurſa eſſe ut facta ex viribus acceleratricibus in quadrata temporum, ſint duo corpora A & B, quæ ſpatia E & e temporibus T & t , viribus acceleratricibus F & f deſcribant; dico eſſe $E : e = F T T : f t t$. Supponatur primo corpus A moveri vi acceleratrice f tempore T, & deſcribere ſpatium ϵ . Quod ſi jam hoc ſpatium ϵ comparetur cum ſpatio E eodem tempore T a corpore A deſcripto, erit $E : \epsilon = F : f$. Et ſi idem ſpatium ϵ conferatur cum ſpatio e a corpore B vi eadem acceleratrice tempore t percurſo, eſt: $\epsilon : e = T T : t t$. Igitur compoſitis rationibus (Elem. 296) fiet $E \epsilon : \epsilon e = E : e = F T T : f t t$.

62. Scholium II. Experientia conſtat, corpora verſus ſuperficiem Planetæ deſcendentia motu uniformiter accelerato cadere; diciturque vis acceleratrix, quæ hunc effectum producit, *gravitas*. Quin certis experimentis & legitimo ratiocinio detectum eſt, corpora circa Telluris ſuperficiem libere cadentia, & quibus aer ſenſibiliter non reſiſtit, intra primum minutum ſecundum lapſus $15 \frac{1}{10}$ ped. conficere. In formulis igitur præcedentibus poni poſteſt $f = 15.1$ ped. quando t in minutis ſecundis habetur, & corpora prope Telluris ſuperficiem ſupponuntur eſſe.

63. Scholium III. Concipi quoque poſteſt *vis retardatrix uniformis*, quæ quovis tempuſculo æquali in mobile agat æqualiter, & directione contraria ejus motui, ut adeo mobile æqualibus tempuſculis æquales celeritatis gradus amittat. Atque talis vis retardatricis eadem erunt proprietates, ſed oppoſite ſumptæ, ac vis acceleratricis, temporibus & ſpatiis iis computatis, quibus vis retardatrix totum corporis motum extinxit. Ita ſi lapis in altum projiciatur, ejus gravitas fit vis retardatrix, ejus aſcenſum impediens; at poſtquam totum ejus motum ſurſum extinxit, fit ruruſus vis acceleratrix uniformis, qua corpus iisdem accurate celeritatis gradibus deſcendit, iisdemque temporibus, quibus aſcendit.

64. THEOREMA VII. Si duæ vires quæcumque eodem iſtanti temporis impellant idem corpus juxta eandem rectam directione $\left. \begin{array}{c} \text{eadem} \\ \text{vel} \\ \text{oppoſita} \end{array} \right\}$; corpus movebitur motu æquabili in eadem recta verſus plagam directionis $\left. \begin{array}{c} \text{communis} \\ \text{vel} \\ \text{fortioris} \end{array} \right\}$;

& celeritas ejus erit æqualis $\left. \begin{array}{c} \text{ſummæ} \\ \text{vel} \\ \text{differentiæ} \end{array} \right\}$ celeritatum, quas ſingulæ vires ſeparatim communicarent. Idem intelligendum eſt, de viribus quotcunque impellentibus, quæ juxta eandem rectam agerent.

Hæc neceſſario ex I Axiomate (41) conſequentur.

G

65. Corol-

65. Corollarium. Quoniam actiones duarum virium secundum eandem rectam, & directione eadem mobile impellentium in unam summam adduntur, & ex actionibus directe oppositis minor destruitur, ita ut tantum differentia majoris supersit, sequitur, quod si duarum virium directiones sub aliquo angulo concurrant, actiones nec simpliciter conspirent, nec etiam simpliciter oppositæ sint, sed partim conspirent, partim opponantur invicem, adeoque etiam ex parte addendæ sint, ex parte altera ab altera subtrahenda, prout scilicet rectæ directiones obliquas exhibentes partim ex situ eodem, partim ex opposito participant.

66. Lemma. Si (fig. 17) sumatur CB pro radio, qui concurrat oblique cum plano DB (respectu cuius consequenter nec coincidit, nec parallelus est, nec perpendicularis, sed ex utroque situ participat) sinus CA anguli obliquitatis CBA exprimet id, quod radius CB ex situ perpendiculari participat respectu plani DB ; & sinus complementi ejusdem anguli AB , exprimet id, quod habet ex situ congruente, seu parallelo.

Recta BC situm quendam medium inter parallelum & perpendicularem ad planum DB obtinet; & concipi potest, quasi describeretur progressibus momentaneis alicujus puncti, qui alternatim sint perpendiculares & paralleli ad hoc planum DA , ita ut hi progressus figuram graduum seu scalæ cujusdam efforment, quamvis ob exilitatem singulorum eorum collectio unicam rectam exhibeat. In hac hypothese autem liquet, summam omnium progressuum ad AB perpendicularem æquari rectæ AC ; & summam omnium progressuum momentaneorum parallelorum plano, esse æqualem rectæ AB : quare AC exhibet id, quod CB participat ex situ perpendiculari; & AB , quod ex parallelo ad DB habet; & sumpta CB pro radio, est CA sinus anguli obliquitatis CBA ; AB vero cosinus; igitur &c.

67. THEOREMA VIII. Si corpus C impellatur simul a duabus viribus (fig. 18) quæ sint ut AC , & CD , ita ut si a sola vi AC impelleretur, tempore T describeret motu æquabili rectam CA ; & si a sola vi CD impelleretur, eodem tempore percurreret æquabiliter rectam CD ; corpus motu æquabili eodem tempore T describet diagonalem CB parallelogrammi, cujus latera sunt CA & CD .

Quoniam directiones CA & CD angulum aliquem efficiunt, actiones virium impellentium corpus C partim conspiciunt, & per duas rectas congruentes exprimi debent; partim oppositæ sunt, & exhibendæ per rectas ad directionem partium conspiciuntium perpendiculares, sed oppositas. Et quia corpus de se nullam vim habet ad motum vel directionem aliquam, evidens est, primo, illud moveri non posse, nisi partes actionum impellentium oppositæ ex integro destruantur, id, quod fieri nequit, nisi eæ partes inter se æquales sint, & per perpendiculares æquales exprimantur. Secundo corpus nec posse sequi directionem CA , nec directionem CD , sed tantum directionem partium conspiciuntium; itaque prorsus debere in ea directione moveri, ac si ab unica summæ earum æquali impelleretur, & hinc debet etiam tempore T motu æquabili rectam describere, quæ æquatur summæ linearum, actiones conspiciuntium. Quod si jam AD jungens puncta A & D bisecetur in I , & per C & I ducatur indefinita CB , erit hæc directio actionum conspiciuntium.

Nam perpendicula AE & DF ex punctis A & D in rectam CB demissa hac ratione fient æqualia, ob triangula AEI , IFD æqualia, in quibus omnes tres anguli, singuli singulis, & hypotenuse AI & ID æquantur. Quare eadem perpendicula

AE

AE & DF partes oppositas actionem virium AC & DC exhibebunt, ut oportet; & itidem rectæ coincidentes CE & CF repræsentabunt partes conspirantes. Unde si fiat $CB = CE + CF$, corpus C motu æquabili tempore T describet rectam CB. Sed quia $CB = CE + CF$, erit $EB = CF$; & ob triangula FID, IEA rectangula & æqualia, & $FI = IE$, est quoque $CI = IB$. Ductis itaque AB & DB, in quadrilatero CABD diagonales AD, CB se invicem bisecant, & utrinque triangula similia & æqualia efficiunt; quare hoc quadrilaterum parallelogrammum esse debet (Elem. 522).

68. Corollarium I. Cum diagonalis semper sit in plano parallelogrammi, corpus a duabus viribus simul impulsum movebitur in eodem plano, in quo sunt directiones virium impellentium.

69. Corollarium II. Vis unica, quæ corpus tempore T ex C usque in B movere posset, eundem affectum præstaret, ac vires CA & CD simul agentes. Quare illa pro his substitui poterit; & vicissim vi cuilibet duæ aliæ substitui possunt, quarum singulæ corpus per singula latera contigua parallelogrammi eodem tempore impellerent, quo illa per diagonalem. Quando ejusmodi substitutio fit, vis illa, pro qua aliæ surrogantur, in duas resolvi dicitur.

70. Corollarium III. Si vis finita agit directe in planum immobile, vel, quod idem est, in corpus, cujus massa infinita sit, ejus actio in pressionem illi vi æqualem desinit, quin aliquem motum finitum communicet.

Quia enim actio illius vis finitæ distribui debet in partes finitas magnitudine, sed numero infinitas corporis infiniti impellendas, quælibet pars finita non nisi infinite parvum impulsum sentire potest, consequenter non nisi motum infinite parvum, id est nullum, acquirit. Atque sic etiam actio talis vis in pressionem plani immobilis desinit.

71. Sed si vis finita, & per CB (fig. 19) expressa, agit in planum immobile AE directione obliqua CB, illud tantum premit, quantum CB ex directione perpendiculari participat. Atque hinc resolvitur in duas, quarum una CA perpendicularis, altera CD plano parallela, ita, ut CB sit parallelogrammi ACDB diagonalis. Recta CA repræsentat illam, quæ in planum agit, & per ejus resistantiam destruitur; CD vero alteram parallelam, quæ nihil agit, adeoque nec destruitur. Quod si itaque potentia quævis, quæ tempore finito T corpus ex C in B usque moveret, ageret in idem corpus in B super plano immobili AE collocatum, eidem non plus motus communicaret, quam ut tempore hoc T rectam BE, alteri CD parallelam & æqualem, percurreret; attamen illud simul plano vi per CA exhibita apprimeret.

72. Scholium. Diximus quidem in demonstratione hujus Theorematis, partes virium oppositas per AE, DF (fig. 18) repræsentatas ex integro destrui; verum apparet facile, effectum realem harum actionum directe oppositarum esse, ut corpus in diagonali CB retineant: AE nempe impedit, ne corpus versus D descendat, & illud versus A extrudit; per DF vero fit, ne ascendat versus A, sed versus D repellatur: hinc corpus perpetuo in diagonali manere cogitur; & proprie loquendo, nulla pars actionis ita prorsus destruitur, ut nullum effectum realem habeat.

73. THEOREMA IX. Corpus a duabus simul viribus impulsus, quarum directiones angulum efficiunt, describit lineam rectam, si vires impellentes sint ejusdem rationis, hoc est, utraque æquabiliter agat: vel utraque eadem lege acceleret vel retardet; sed si sint diversæ rationis, describet curvam aliquam (quæ generali vocabulo Trajectoria appellatur) cujus natura a virium impellentium ratione, qua singulis momentis agunt, dependet.

Demonstratio. Sint vires duæ quævis corpus C (fig. 20 & 21) directionibus CD & CA impellentes, quarum una tempusculis tribus minimis illud ex C in D; altera ex C in A moveret. Si CD & CA dividantur singulæ in tres partes secundum rationem, quæ inter vires, quas exponunt, intercedit; & parallelogramma GE, HF & AD compleantur, patet primo, corpus in fine primi tempusculi fore in I; post secundum in K, & denique finito tertio in B. Cum enim tempuscula sint minima, utraque vis durantibus singulis æquabiliter agit. Quare cum in primi principio corpus impellatur a duabus viribus, quarum una separatim agente veniret ex C in E, & altera sola impellente ex C in G, eodem tempusculo elapso in I esse debet. Sed quia prima duo tempuscula simul sumpta adhuc tempus infinite parvum constituunt, præscindendo a primo tempusculo supponi potest, corpus impelli in ipso motus initio a duabus viribus, quarum una ex C in F, altera eodem tempore ex C in H illud promoveret, & hinc corpus in fine hujus temporis in extremo diagonalis CK puncto esset. Simili ratione quoniam omnia tria tempuscula non nisi tempus infinite parvum simul efficiunt, insuper habitis primis duobus tempusculis supponi potest, corpus ab initio moveri a duabus viribus, ab una versus D, ab altera eodem tempore versus A, ita ut in fine temporis in B esse debeat.

74. Patet secundo, quod viribus ejusdem rationis existentibus (fig. 20), rectæ CA, CD sint similiter divisæ, adeoque CE, CF, CD sint proportionales partibus CG, CH, CA, & quia in parallelogrammis GE, HF, AD anguli CEI, CFK, CDB æquantur, & latera EI, FK, DB æqualia sunt lateribus CG, CH, CA, consequenter proportionalia lineis CE, CF, CD, triangula CEI, CFK, CDB similia sunt (Elem. 559); & hinc cum eorum anguli ad C æquales sint, & latera CE, CF, CD in eadem recta, etiam latera CI, CK, CB in eadem recta esse debent, adeoque & puncta C, I, K, B. Quare si vires impellentes ejusdem sint rationis, corpus in linea recta movetur.

75. Verum si vires sint diversæ rationis, uti si (fig. 21) CD repræsentet vim æquabiliter agentem; CA vero vim uniformiter motum accelerantem, rectæ EI, FK, DB non sunt proportionales

nales rectis CE , CF , CD ; nam CG minor est, quam GH ; dum CE alteri EF æquatur: hinc etiam triangula CEI , CFK , CDB haud quaquam sunt similia; & angulis eorum ad E , F , D æqualibus existentibus, anguli ad C inæquales sunt. Quare cum eorum latera CE , CF , CD in eadem recta jaceant; latera CI , CK , CB nequeunt esse in una recta, & hinc neque puncta C , I , K , B .

76. Si CA accipiatur pro diametro Curvæ $CIKB$, erunt CG , CH , CA abscissæ, & parallelæ GI , HK , AB semiordinatæ; aut vero si curva ad rectam CD referatur, parallelogramma GE , HF , AD erunt facta ex semiordinatis in abscissas, seu parallelogramma coordinatarum (Elem. 775). Jam vero (Elem. 767) natura curvæ dependet a ratione constante, quam habet functio quæpiam abscissarum ad functionem semiordinatarum; igitur natura curvæ dependenter a duabus viribus simul agentibus, & diversæ rationis, descriptæ pendet a ratione, quæ quovis instanti inter illas vires intercedit.

Exempli causa, in hypothese prior (75) curva $CIKB$ est parabola. Cum enim vis per CD exhibita æquabiliter agere supponatur, spatia CE , CF , CD sunt ut tempora, adeoque eadem, vel æqualia GI , HK , AB exponent tempora ab initio motus elapsa. Et quia vis directione CA agens uniformiter motum accelerat, spatia CG , CH , CA sunt inter se ut quadrata temporum (per 59), seu ut quadrata rectarum GI , HK , AB . Quare Curva $CIKB$ talis naturæ est, ut abscissæ CG , CH , CA sint inter se ut quadrata semiordinatarum GI , HK , AB , sive est Parabola (Elem. 821).

77. Quod ut in exemplo generali magis pateat: sit (fig. 22) corpus P impulsus a duabus viribus, altera æquabili, per cujus actionem corpus nitatur continuare motum eadem directione, quam in fine cujuslibet tempusculi habet; altera, ut libet, variabili, sed perpetuo versus punctum fixum S tendente, versus quod etiam corpus P continuo impellit; describet hoc corpus curvam $PQpO$, quæ semper cavitatem puncto S obvertit.

Nam si tempus quodvis finitum, quo motus iste durat, dividatur, in tempuscula infinite parva & æqualia, supponaturque corpus P primo tempusculo percurrisse spatium PQ , atque in principio secundi recipere actionem versus S , quæ sit ut QG ; evidens est, corpus P , quod sola vi æquabili agente secundo tempusculo descripsisset $QF = PQ$, & in eadem directione, percurrere motu composito diagonalem Qp parallelogrammi $QFpG$, ac in fine hujus tempusculi fore in p . Eadem ratione elapso tertio tempusculo corpus foret in E , ita ut $pE = Qp$, nisi in p nova

va actione, quæ sit ut pH , versus S impelleretur, (est autem $pH = QG$, si vis versus S tendens est constans; sed si variabilis est, pH & QG erunt inæquales) atque ideo diagonalem pO describere cogetur. Hunc in modum vis æquabilis cum altera, corpus versus punctum S perpetuo impellente, concurrens facit, ut curvam versus S cavam describat, cujus natura itidem a ratione harum duarum virium inter se, & directione, qua singulis instantibus agunt, dependet. Vis autem illa, quæ corpus continuo versus punctum aliquod fixum, tanquam centrum, urget, propterea *vis centralis*, vel *centripeta* dicitur.

78. Si v. g. SQ (fig. 23) sit perpendicularis ad PF , five directionem vis æquabilis, & quantitates PI , QG , pH , quibus singulis instantibus corpus P versus S retrahitur a vi centrali, sint æquales quantitatibus QR , pF , OE , quibus sequendo directionem vis æquabilis ab eodem puncto S recedere conatur, manifestum est, Curvam $PQpO$, esse circulum, cum viribus compositis corpus perpetuo in eadem a puncto S distantia maneat.

79. Apparet itaque, motum astrorum circa solem viribus simili ratione inter se compositis posse attribui; unde leges ejusmodi motuum compositorum examinandæ sunt, ut, num phænomenis congruant, statui possit.

ARTICULUS IX.

De proprietatibus motus compositi ex vi insita; seu æquabiliter agente, & centrali.

80. THEOR. **T**rajectoria vi insita & centrali descripta non potest habere punctum flexus contrarii, vel regressus (cum semper cavitatem (77) puncto eidem fixo obvertere debeat) sed ceteris paribus tanto majorem habet curvaturam, quanto majorem rationem vis centralis ad vim insitam habet; & vicissim.

Sic arcus PQp (fig. 22) magis curvus est, quam arcus QpO , cum vis centralis in Q per QG exposita majorem rationem habeat ad QF , quam vis centralis in p per pH designata ad vim insitam pE , consequenter vis centralis in Q magis corpus a recta retrahit, quam in p .

81. Hoc ut universim obtineat, necesse est, ut vis insita æquabilis in omnibus curvæ punctis eadem quantitate exprimat, & ut directio vis centralis cum directione vis insitæ eundem semper faciat angulum. Atque hoc intelligendum est sub conditione in Theoremate adjecta: *si cætera sint paria.*

82. THEO-

82. THEOREMA II. Trajectoria viribus expositis descripta, est semper in eodem plano cum centro S , & prima directione vis insitæ $P F$.

Etenim cum $Q p$ sit diagonalis parallelogrammi lateribus $Q G$, $Q F$ descripti, in eodem cum $Q G$ (seu $Q S$) & $Q F$ est plano. Similiter $p O$ est in eodem plano cum $p H$, seu $p S$, & $p E$, five $Q E$, hoc est in eodem cum $Q p$. Idem est de ceteris.

Observe. Quando dicimus vis æquabilis; vis constans, aut uniformis, vel vis projectionis, aut insita æquabilis vel constans, non intelligimus, eam vim æquali tempore semper æqualem actionem habere: quin manifestum est, rectas $Q F$, $p E$, per quas actiones illæ exponuntur, inæquales esse.

Nam quovis instanti per concursum vis centralis afficitur, & aliter, aliterque determinatur, fitque novi semper parallelogrammi diagonalis. Atque hinc etiam provenit inæqualitas celeritatum. Constantem igitur eo solum fine hanc vim appellamus, ut a centrali, quæ semper est vis acceleratrix, quemadmodum deinceps videbimus, distinguamus.

83. THEOREMA III. Area arcu quovis trajectoriæ, & duobus radiis ex centro virium (qui Radii Vectores dicuntur) ad extrema arcus puncta ductis comprehensa, est semper ut tempus, quo arcus is describitur.

Nam primo areæ triangulorum $S P Q$, $S Q F$, verticem communem S , & bases $P Q$, $Q F$ æquales habentium, æquales sunt. Sed etiam triangulorum $S Q F$, $S Q p$ super basi eadem $S Q$, & inter parallelas $S Q$, & $p F$ existentium areæ æquantur (Elem. 593); Quare etiam triangulorum $S Q P$, $S Q p$ areæ æquales sunt. Eodem modo demonstratur, aream $S Q p$ esse æqualem areæ $S p O$: & hinc areæ, quas æquali tempore radius vector verrit, æquales sunt.

Secundo. Si tertium tempusculum, quo corpus P motu composito percurrit $p O$, esset duplum secundi, quo descripsit $Q p$; tempusculo tertio corpus P vi insita percurreret $p E$, duplam de $Q p$, & hinc area trianguli $S p E$, (vel æqualis $S p O$) esset etiam dupla trianguli $S Q p$. Idem est de quavis alia ratione temporis.

Observe: cum area quævis finita sit summa infinitarum areolarum infinite parvarum, quarum quælibet tempusculo correspondenti proportionalis est, sintque totidem elementa areæ, quot tempuscula, sequitur, aream finitam esse tempori correspondenti finito proportionalem.

84. Corollarium I. Tempus, quo describitur arcus $P Q$ (fig. 24), est ad tempus, quo percurritur arcus $r m$, ut sector $P S Q$ ad sectorem $S r m$. Atque hæc est una ex celebratis duabus legibus a Keplero statutis.

85. Corollarium II. Si arcus $P Q$ est admodum parvus, sector $P S Q$ a triangulo rectilineo non differt, & arcus $P M$, centro S , radio $S P$ descriptus pro eius altitudine haberi potest. Si igitur t representet tempus valde parvum, quo percurritur $P Q$, erit $t = P M. S Q$; vel

vel $t = SR \cdot PQ$. Nam (Elem. 594) facta hæc sunt ut area trianguli SPQ .

86. THEOREMA IV. *Celeritas corporis in quovis trajectionis puncto Q (fig. 24) est reciproce ut perpendicularum SR, e centro virium ad tangentem in puncto Q demissum; id est $u = \frac{1}{SR}$.*

Nam $t = SR \cdot PQ$; & simul, ob t admodum exiguum, est $t = \frac{PQ}{u}$; adeoque $SR \cdot PQ = \frac{PQ}{u}$; inde fit $u = \frac{1}{SR}$.

87. THEOREMA V. *Celeritas corporis in diversis orbitæ MLQ locis L, l, λ (fig. 25) vel uniformiter acceleratur, vel uniformiter retardatur, prout radius vector cum curvâ (vel ejus tangente) angulum acutum, CLS; rectum, CLO; vel obtusum CλR fecerit versus Q, quo tendit motus corporis.*

Demonstratio. Dum radius vector ad tangentem obliquus est, velut CL ad LS, vis centralis per LF designata resolvi debet in duas partes; alteram Fm , five nL , ad tangentem normalem quæ exponit veram vis centralis actionem in loco L, qua corpus in orbita retinetur; alteram Fn , seu mL , cujus directio mL est eadem, cum directione, quam corpus per vim insitam sequitur, adeoque ejus celeritatem auget. Sed in puncto λ pars $\phi\lambda$, vel $\mu\lambda$, vis centralis $\phi\lambda$ directionem oppositam habet directioni corporis ex vi insita; quare ejus celeritas hac parte imminui debet. Tandem in puncto l, ubi radius vector ad tangentem perpendicularis, vis centralis fl non amplius resolvi potest.

88. Corollarium. *Celeritas corporis in circulo revoluti viribus centralibus ad centrum circuli tendentibus, manet semper æquabilis. Nam radii vectores ad hanc curvam sunt semper perpendiculares (Elem. 459).*

89. I. *Velocitas angularis vera corporis tempore dato, est angulus, quem ad centrum virium radii vectores, arcum dato tempore descriptum intercipientes, comprehendunt.*

90. II. *Motus medius, vel velocitas angularis media vocatur, quam haberet corpus, cujus motus respectu centri virium esset semper æquabilis. Invenitur itaque pro tempore dato ex hac analogia: ut tempus revolutionis integræ ad 360° , $0'$, $0''$; ita tempus datum ad motum medium ei competentem.*

91. Lemma I. *Ut angulus quispiam P (fig. 52); arcus, a quo mensuratur, A; & radius hujus arcus R, inter se comparari possint, sequentes habentur formulæ $A = P \cdot R$; $P = \frac{A}{R}$; & $R = \frac{A}{P}$.*

Demonstratio. Sit alter angulus p , ejus arcus a , radius r , erit $A : a = P : p$. Nam si accipiat arcus Q radio R descriptus, qui etiam metitur angulum p , est (Elem.

(Elem. 581) $Q : a = R : r$; jam quia arcus Q & A eodem radio descripti sunt, est quoque $A : Q = P : p$; ergo compositis his duabus utrinque rationibus, fiet $A. Q : a. Q = R. P : r. p$, five $A : a = P. R : p. r$, & hinc $A = P. R$.

Lemma II. Si duæ quantitates habeant exiguam differentiam, media inter eas Geometricè proportionalis est eadem cum media Arithmetice proportionali; & ideo quadratum mediæ Arithmetice proportionalis æquabitur factò extremarum.

Demonstratio. Inter quantitates, x , & $x + \frac{1}{\infty}$, media arithmetice proportionalis est $x + \frac{1}{2\infty}$ (Elem. 274); & media geometricè proportionalis est $\sqrt{\left(xx + \frac{1}{\infty}\right)}$ five (quia $\frac{1}{4\infty\infty}$ est infinitesima 2di ordinis) $\sqrt{\left(xx + \frac{x}{\infty} + \frac{1}{4\infty\infty}\right)} = x + \frac{1}{2\infty}$.

92. THEOREMA VI. Celeritas angularis vera u corporis arcum exiguum PQ tempore eodem admodum parvo describentis (fig. 24) est reciproce ut quadratum distantiae SI puncti I , in quo erat corpus in medio temporis, a centro virium S ; five $u = \frac{1}{SI^2}$.

Demonstratio. Velocitas angularis u exponitur per angulum PSQ , cujus mensura est arcus PM circularis centro S descriptus. Quare (per 91) est $u = \frac{PM}{SP}$. Sed si tempora sint eadem, & admodum parva, sector PSQ in quovis trajectoriæ loco pro triangulo rectilineo ejusdem ubique areæ haberi debet (85); cujus propterea altitudo PM est in ratione reciproca basis SQ (Elem. 596); hoc est $PM = \frac{1}{SQ}$; unde facta substitutione est $u = \frac{1}{SP \cdot SQ}$; atqui sumpto tempore admodum parvo, radiorum SP & SQ differentia est valde exigua; Hinc (per Lemma II) $SP \cdot SQ = SI^2$; & $u = \frac{1}{SI^2}$.

93. Corollarium. Igitur si observentur anguli ad centrum virium a planeta in sua trajectoria temporibus exiguis descripti, qui v. g. sint tantum 500^{ma} vel 600^{ma} pars totius revolutionis periodicæ; ratio distantiarum ab eodem centro inveniri poterit, consequenter figura trajectoriæ determinari.

Manifestum est, rationes distantiarum & figuram orbitæ ea solum accuratione determinari, qua celeritas angularis vera tempore admodum exiguo determinatur. Sed enim fere impossibile est, ut hæc exacte determinetur ex immediata motus Planetæ per tam breve tempus observatione, cum quævis observatio, non obstante quacunque sollicitudine & diligentia, exiguis quibusdam erroribus obnoxia sit, quocumque etiam instrumento fiat. Iam vero error exiguus in angulo exiguo dimetiendo commissus, in distantia magna, quæ inde deducitur, admodum sensibilem producit errorem. Quare in negotio adeo lubrico effectus errorum in observationibus inevitabilium quantum possibile est, diminui debent.

Optima autem methodus, quæ adhiberi possit ad determinandum motum angularem verum alicujus planetæ, est, si per temporis intervalla fere æqualia, uti singulis, vel alternis diebus, observentur tria, vel quatuor loca planetæ, ita ut differentiæ singulorum se se consequentium octo vel novem gradus non excedant. Postea *interpolantur* hæ observationes, vel eorum differentiæ successivæ; hoc est, differentiæ per observationes erutæ in minores & plures dividuntur, minoribus temporis intervallis respondentes, ita tamen, ut sequantur eandem legem, quæ in integris (antequam ita dividerentur) observatur. Hac ratione errores observationum in majorem multo numerum distributi singulas partes minus afficiunt, & fere insensibiles fiunt. Explicabimus itaque hanc methodum, cujus frequens admodum in Mathesi practica est usus.

Methodus interpolandi

95. Methodus, & formulæ, quæ sequuntur, eadem fere sunt cum illis, quas dedit D. Mayer. (vid. Monument. Academ. Petropolit. Tom. 2. pag. 180.)

Sint duæ series quantitatum quarumcunque

m	n	p	q	r	s
a	b	c	d	e	f

Ita, ut cuivis termino seriei superioris respondeat terminus in serie inferiore, certa lege e superiore deductus. Terminos superioris seriei appellabimus *radices*, inferioris vero terminos vocabimus *functiones* superiorum correspondentium. Duplex de his institui potest quæstio, *primo*; si detur radix quævis alia x : quæ sit ejus functio? *Secundo* si detur aliqua alia functio y : quæ radix ei correspondeat? Problema utrumque per methodum interpolandi solvitur.

Quod si daretur lex, qua functiones ex radicibus suis determinantur, omnis difficultas sublata esset; illud igitur hic agendum, ut ipsa lex reperiatur, quam series data sequuntur. Newtonus rem Theoremate generali absolvit: nos viam paucis exponemus.

Ponatur, *primo*, quamvis seriem tantum duobus terminis constare, $\left\{ \begin{matrix} m & n \\ a & b \end{matrix} \right.$ legem-que, qua ex radice functio determinatur, hac formula $g + h x$ contineri, in qua x exponit radicem quamvis; g , & h , quantitates constantes, quarum valor a valore quantitatum a & b dependet, quique sequente methodo instituto calculo determinatur. Fiat primo $x = m$; habebitur æquatio $g + h m = a$. Dein ponatur $x = n$; & altera æquatio dabitur $g + h n = b$. Eruatur per substitutionem ex his duabus æquationibus valor de g , & h , habebitur $g = \frac{a n - b m}{n - m}$; & $h = \frac{b - a}{n - m}$. Unde lex $g + h x$ erit $\frac{a n - b m}{n - m} + \frac{(b - a)}{(n - m)} x$.

Ponatur *secundo*, quamvis seriem constare terminis tribus, $\left\{ \begin{matrix} m & n & p \\ a & b & c \end{matrix} \right.$ & legem formula generali exprimi $g + h x + k x x$.

Eodem modo quæretur valor de g , h , k ope trium æquationum, nempe $g + h m + k m m = a$; $g + h n + k n n = b$; $g + h p + k p p = c$.

Factis debitis substitutionibus reperietur

$$g = \frac{a n - b m}{n - m} + \left(\frac{a (p - n) - b (p - m) + c (n - m)}{(n - m) (p - m) (p - n)} \right) m n.$$

$$h = \frac{b - a}{n - m} + \left(\frac{a (p - n) - b (p - m) + c (n - m)}{(n - m) (p - m) (p - n)} \right) (-n - m).$$

$$k = \frac{a (p - n) - b (p - m) + c (n - m)}{(n - m) (p - m) (p - n)}.$$

Ex

Ex quibus facile lex generalis $g + hx + kxx$ deducitur.

Ponatur *tertio*, quamvis seriem habere quatuor terminos, & legem generalem esse $g + hx + kxx + lx^3$: fient quatuor æquationes, posita x successive æquali radicibus m, n, p, q , ex quibus, ut supra factum est, valores constantium g, h, k, l , deducuntur. Et sic deinceps.

Supponi potest cum Newtono, per quamvis radicem exhiberi abscissam alicujus curvæ, & per ejus functionem designari correspondentem semiordinatam: atque hac ratione resolvetur problema: *Curvam parabolici generis per data quotcumque puncta transeuntem describere.*

Ut usum interpolationum faciliorem redderemus, valorem constantium g, h, k, l , pro diversis casibus, qui emergere possunt, calculavimus, formulasque ad inveniendas radices maximis vel minimis functionibus respondentes, & vicissim, dedimus, juxta methodum de maximis & minimis. En illas

I. Formula pro datis tribus radicibus, & tribus functionibus.

96. Formula generalis est $kx^2 + hx + g$; formula pro maximo vel minimo $x = -\frac{h}{2k}$.

C A S U S I.

$$\begin{array}{l} \text{Si dentur} \\ \begin{array}{ccc} m & n & p \\ a & b & c \end{array} \end{array} \left\{ \begin{array}{l} k = \frac{a(p-n) - b(p-m) + c(n-m)}{(p-n)(p-m)(n-m)} \\ h = \frac{b-a}{n-m} - k(n+m) \\ g = \frac{an-bm}{n-m} + kmn \end{array} \right.$$

C A S U S II.

$$\begin{array}{l} \circ \quad n \quad p \\ \circ \quad b \quad c \end{array} \left\{ \begin{array}{l} k = \frac{cn-bp}{pn(p-n)} \\ h = \frac{bnp-cn^2}{pn(p-n)} \\ g = 0 \end{array} \right.$$

C A S U S III.

$$\begin{array}{l} \circ \quad 1 \quad 2 \\ \circ \quad b \quad c \end{array} \left\{ \begin{array}{l} k = \frac{1}{2}c - b \\ h = 2b - \frac{1}{2}c \\ g = 0 \end{array} \right.$$

II. Formula pro quatuor radicibus, & quatuor functionibus.

97. Formula generalis est $lx^3 + kx^2 + hx + g$; formula pro maximo vel minimo $x = \pm \sqrt{\left(\frac{kk}{9ll} - \frac{h}{3l}\right) - \frac{k}{3l}}$.

CASUS I.

Si dentur

$$\begin{aligned}
 l &= \frac{a(q-p)(p-n)(q-n) - b(q-p)(q-m)(p-m)}{+c(n-m)(q-m)(q-n) - d(p-m)(p-n)(n-m)} \\
 &\quad \frac{(p-m)(n-m)(q-p)(p-n)(q-m)(n-q)}{a(p-n) - b(p-m) + c(n-m)} - l(m+n+p) \\
 k &= \frac{b-a}{n-m} - l(mm+nn+mn) - k(n+m) \\
 h &= \frac{an-bm}{n-m} + lmn(n+m) + kmn \\
 g &= 0
 \end{aligned}$$

$m \ n \ p \ q$
 $a \ b \ c \ d$

CASUS II.

$$\begin{aligned}
 l &= \frac{cnq(q-n) - bpq(q-p) - dnp(p-n)}{npq(p-n)(q-p)(n-q)} \\
 k &= \frac{cn-bp}{pn(p-n)} - l(n+p) \\
 h &= \frac{b}{n} - lnm - kn \\
 g &= 0
 \end{aligned}$$

$\circ \ n \ p \ q$
 $\circ \ b \ c \ d$

CASUS III.

$$\begin{aligned}
 l &= \frac{1}{2}b - \frac{1}{2}c + \frac{1}{6}d \\
 k &= \frac{1}{2}c - \frac{5}{2}b - \frac{1}{2}d \\
 h &= 3b - \frac{3}{4}c + \frac{1}{3}d \\
 g &= 0
 \end{aligned}$$

$\circ \ 1 \ 2 \ 3$
 $\circ \ b \ c \ d$

98. III. Formula pro duabus seriebus - - $\begin{cases} \circ. \ 1. \ 2. \ 3. \ 4. \\ \circ. \ b. \ c. \ d. \ e. \end{cases}$

$$\text{Lex } g + hx + kx^2 + lx^3 + fx^4.$$

$$\begin{aligned}
 f &= \frac{1}{24}e - \frac{1}{6}d + \frac{1}{4}c - \frac{1}{6}b \\
 l &= -\frac{1}{4}e + \frac{1}{6}d - 2c + \frac{1}{2}b \\
 k &= \frac{1}{24}e - 2\frac{1}{3}d + 4\frac{3}{4}c - 4\frac{1}{3}b \\
 h &= -\frac{1}{4}e + \frac{1}{3}d - 3c + 4b \\
 g &= 0.
 \end{aligned}$$

99. IV. Formula pro duabus seriebus - - $\begin{cases} \circ. \ 1. \ 2. \ 3. \ 4. \ 5. \\ \circ. \ b. \ c. \ d. \ e. \ \phi. \end{cases}$

$$\text{Lex } g + hx + kx^2 + lx^3 + fx^4 + \lambda x^5.$$

$$\begin{aligned}
 \lambda &= \frac{1}{120}\phi - \frac{1}{24}e + \frac{1}{12}d - \frac{1}{12}c + \frac{1}{24}b \\
 f &= -\frac{1}{12}\phi + \frac{1}{24}e - d + \frac{1}{2}c - \frac{7}{12}b \\
 l &= \frac{7}{24}\phi - \frac{4}{24}e + \frac{4}{12}d - \frac{5}{12}c + \frac{1}{24}b \\
 k &= -\frac{5}{12}\phi + \frac{5}{24}e - \frac{1}{2}d + \frac{4}{12}c - \frac{1}{12}b \\
 h &= \frac{1}{6}\phi - \frac{5}{4}e + \frac{5}{2}d - 35c + 10b \\
 g &= 0
 \end{aligned}$$

Ex

Exempla, & usus præcedentium formularum.

100. I. Si quærat^r locus orbitæ, in quo Mercurius fuit tempore dato, v. g. die 27. Iunii hora 7; is invenietur per casum primum secundæ formulæ, interpolando observationes 25, 26, 27 & 28 Iunii, & ponendo $m = 25$, $n = 26$, $p = 27$, $q = 28$; item $a = 2^s. 5^o. 39'. 51''$; $b = 2^s. 12^o. 2'. 51''$, $c = 2^s. 18^o. 26'. 18''$; $d = 2^s. 24^o. 48'. 38''$. Posthæc quæritur per casum primum hujus formulæ $l x^3 + k x^2 + b x + g$ functio radici respondens $27 \frac{7}{24} = x$. Verum calculus fit admodum prolixus. Ut igitur brevior reddatur, primo omitti ubique potest 2^s , habita solum graduum, minutorum & secundorum ratione. Secundo quia radices 25, 26, 27, 28 sunt in progressionem arithmetica, iis sequentes substitui possunt: 0, 1, 2, 3, illo probe notato, quod 0 respondeat diei 25 Iunii, 1, 2, & 3, sequentes tres, nempe 26^{um} , 27^{um} , & 28^{um} ejus mensis exhibeant. Tertio compendiosior adhuc fiet, si ponatur functio prima $a = 0$, accepta pro b differentia $6^o. 23'. 0''$ inter primam & secundam functionem; pro c differentia $12^o. 46'. 27''$ inter primam & tertiam; pro d differentia $19^o. 8'. 47''$ inter functionem primam & quartam: his omnibus ad secunda reductis, habetur $b = 22980''$, $c = 45987''$; $d = 68927''$; & res ad casum III formulæ II reducta est. Si substitutiones dictæ pro inveniendis valoribus constantium l , k , h , stant, reperietur $l = 15\frac{2}{3}$; $k = 60\frac{1}{2}$, $h = 22935\frac{1}{8}$, $g = 0$: ita formula legis interpolandi abit in hanc $-15\frac{2}{3} x^3 + 60\frac{1}{2} x^2 + 22935\frac{1}{8} x$; in qua per hypothese^m quæstionis propositæ est $x = 2d. 7h$. vel $x = 2\frac{7}{24}$, aut $x = 2. 29167$; hoc valore in formula substituto, ea reducitur ad $52689''$, sive $14^o. 38'. 9''$. Atque hæc est differentia inter primam & quæsitam functionem: quod si igitur addantur $2^s. 5^o. 39'. 51''$, invenitur locus Mercurii pro tempore dato $2^s. 20^o. 18'. 0''$.

II. Si quærat^r velocitas angularis Mercurii pro eodem tempore, seu, quod idem est, si petatur arcus apparens, quem Mercurius intra tempus breve (cujus dimidium diei 27 Iunii horam septimam præcedit, dimidium sequitur) descripsit, v. g. ab hora 6 usque ad 8^{vam} ; in eadem formula fiat primo $x = 2\frac{6}{24}$, aut $x = 2\frac{1}{4}$; & formula erit $51732''$; postea ponatur $x = 2\frac{8}{24}$, sive $x = 2\frac{1}{3}$; & formula reducetur ad $53645''\frac{3}{4}$; inter has differentia est $1913''\frac{3}{4} = 31'. 53''. 45'''$, quæ est celeritas angularis Mercurii tempore duarum horarum pro die 27 Iun. 7 h.

101. Simili ratione velocitas angularis pro tempore quovis dato reperietur, v. g. pro die 25 Iun. 15 h. Si scilicet primo fiat $x = \frac{1}{2}\frac{4}{24}$, & secundo $x = \frac{1}{2}\frac{6}{24}$: facta substitutione obtinetur uterque locus verus Mercurii in sua orbita pro die 25 Iun. 14 h. & 16 h quorum differentia est velocitas angularis vera competens Mercurio ad d. 25 Iun. 15 h.

102. III. Si quærat^r tempus, quo Mercurius fuit in loco dato orbitæ (quod inversum problematis prioris) v. g. $2^s. 20^o. 18'. 0''$; subtrahenda est prima functio $2^s. 5^o. 39'. 51''$, residuo ad secunda reducto fiat æquatio cubica $-15\frac{2}{3} x^3 + 60\frac{1}{2} x^2 + 22935\frac{1}{8} x = 52689$, cujus radices sunt $x = 2\frac{7}{24}$; $x = 39\frac{1}{18}$; $x = -37\frac{1}{3}$: apparet autem solam primam esse quæsitam; reliquæ ad solutionem nihil conferunt: Quare Mercurius fuit in loco dato $2^s. 20^o. 18'. 0''$ die 27 Iun. 7 h. $0'. 0''$.

103. Si extractio radicum nimis longa videatur; aut difficulter statui possit, quænam ex inventis radicibus solutioni serviat? hoc incommodum sequente ratiocinio evitari potest: cum Mercurius die 27 Iunii in ipso meridie fuerit $2^s. 18^o. 26'. 18''$, distabat tunc a loco dato $1^o. 51'. 42''$; tempus igitur, quo fuit in loco dato, incidit in eundem diem post meridiem, & radix x debet esse 2 plus fractione, quæ invenitur proxime ex hac analogia: ut motus Mercurii $6^o. 22'. 20''$ a die 27 usque ad 28 Iun. ad diem unum, ita $1^o. 51'. 42''$ ad 0. 292 proxime. Quare si ponatur $x = 2. 292$, & in primo æquationis membro hic valor substituatur, prodit 52696. 6, quod secundum membrum 52689 excedit $7''. 6$. Ex quo colligitur, radicem assumptam esse ju-

sto majorem. Unde fiat $x = 2.291$; & facta substitutione fit æquatio 52673. 7, iusto minor. Denique inferatur: ut differentia æquationum duarum ex assumptis radicibus resultantium 22. 9, ad differentiam ipsarum radicum assumptarum 0.001; ita excessus primæ æquationis 7''. 6, ad excessum radice primæ assumptæ 0.00033. Quare hoc excessu a prima radice subtrahito ea reperitur $x = 2.29167$.

104. Observa I. Data radice functio reperitur per solam substitutionem; at si functio detur, correspondens radix non nisi per æquationem invenitur.

105. II. Quando tam radices, quam functiones datæ certa lege & admodum uniformiter crescunt, vel decrescunt, satis erit ad interpolandum, si ex utraque serie tres termini accipiantur, seu dein radices crescant functionibus decrescentibus; seu his crescentibus decrescant illæ. Verum si radicum aut functionum differentiæ sint valde inæquales; aut si etiam sat æquales quidem sint, attamen ab initio crescant, & postea decrescant, vel vicissim; aut denique si differentiæ sint partim positivæ, partim negativæ, tum saltem quatuor radices, totidemque functiones, vel etiam plures ex utraque serie termini adhibendi sunt; id quod, ut vidimus, sæpe per formulas præcedentes fieri potest. Totus enim hic calculus non nisi approximatio quædam est: ex quantitibus æquis intervallis acceptis ratio earum, quæ interjacent inter illas, eruitur ex hypothesi, quod inæqualitas earum certam legem sequatur: qua ratione eo propius ad verum acceditur, quo intervalla minora sunt, & inæqualitas terminorum datorum minus irregularis, aut lex reperta veræ vicinior, quam reipia incrementa illa vel decrementa sequuntur.

106. Interpolari etiam possunt differentiæ radicum datarum, tum ut inveniatur radix temporis dato correspondens, tum ut reperiat maxima vel minima omnium, quæ dari possint, ope formularum pro maximo vel minimo. Hac ratione plures observationes calculum ingrediuntur, quo interpolatio accuratior evadit. v. g. in sequente tabula

Jun.	Loca Mercurii	Differentiæ primæ.	Differentiæ secundæ
die 24.	1 ^s . 29°. 19'. 2''	6°. 20'. 49''	+ 2'. 11'' = a = 0'. 0''
25.	2. 5. 39. 51	6. 23. 0	+ 0. 27 = b = 1. 44
26.	2. 12. 2. 51	6. 23. 27	- 1. 7 = c = 3. 18
27.	2. 18. 26. 18	6. 22. 20	- 2. 52 = d = 5. 3
28.	2. 24. 48. 38	6. 19. 28	
29.	3. 1. 8. 6		

acceptæ sunt sex observationes a die 24 usque ad 29 Junii, cum 5 earum differentiis, quæ *differentiæ primæ* appellantur, & 4 harum differentiarum differentiis, quæ *differentiæ secundæ* dicuntur. Manifestum autem est primo, terminum, quo Mercurius velocitatem maximam habuit, inter hos sex dies contineri. Secundo quatuor differentias secundas respondere diebus 25, 26, 27 & 28 Junii. Tertio quoniam primæ duæ ex his secundis differentiis sunt positivæ, reliquæ duæ negativæ, tempus, quo Mercurius velocitatem maximam habuit, debere illud fuisse, quo differentia secunda fuit æqualis zero, sive 2'. 11'' decrevit. Unde si e regione dierum 25, 26, 27 & 28 Jun. scribantur 0, 1, 2, 3, & a, b, c, d pro differentiis secundis, ponaturque prima = 0, a reliquis autem tribus ejus differentiæ accipiantur; habebitur pro interpolatione per casum III formulæ secundæ Generalis (97) $l = -3\frac{1}{2}$, $k = 15\frac{1}{2}$, $h = -116$, $g = 0$. Quare his in æquatione cubica substitutis, fiet $-3\frac{1}{2}x^3 + 15\frac{1}{2}x^2 - 116x = 131''$; cujus radix $x = 1.286$ dat tempus, quo Mercurius velocitatem maximam habuit, quod itaque respondet diei 26 Jun: 6 h. 52'.

107. THEOREMA VII. Si ex centro virium S (fig. 28) describatur circulus TMN, cujus area æqualis area a trajectoria quavis ANPM in se redeunte comprehensæ; primo dum corpus trajectoriam describens est in punctis

punctis M & N , ubi circulus trajectoriam secatur, ejus velocitas angularis vera est æqualis mediæ: minor vero in omnibus punctis trajectoriæ extra circulum existentibus; major in illis, quæ cadunt intra circulum. Secundo dum corpus circa intersectionum puncta versatur, eo citius ejus velocitas angularis vera a mediâ discrepabit, quo angulus intersectionis major fuerit.

Demonstratio. Quoniam centrum circuli TMN coincidit cum centro virium, & ejus area æquatur areæ a trajectoria comprehensæ; patet (88), quod si corpus moveretur in hoc circulo, eumque describeret eodem tempore, quo trajectoriam, consequenter etiam circuli radius verreret sectores æquales sectoribus, quos eodem tempore radius vector verrit in trajectoria; ejus velocitas angularis vera foret semper æqualis velocitati mediæ: jam vero, quando corpus versatur in punctis N vel M suæ trajectoriæ, idem est, ac si in circulo tum moveretur; quare ejus velocitas angularis vera mediæ æqualis esse debet. Verum dum corpus suæ trajectoriæ arcum NAM percurrit, radii vectores longiores sunt radiis circuli, adeoque cum areæ sectorum trajectoriæ semper æquales sint areis, quas in circulo radius verreret eodem tempore, radii vectores eas areas comprehendentes ad centrum S angulum minorem efficere debent. Unde toto tempore, quo corpus in parte orbitæ NAM versatur, ejus celeritas angularis vera minor est, quam mediâ. Oppositum prorsus evenire debet, dum corpus arcum NPM percurrit. Sunt itaque puncta N & M termini accelerationis & retardationis motus angularis veri respectu motus mediæ. Et hinc velocitas angularis vera nullibi accurate æquatur mediæ, præterquam in dictis punctis N & M ; nec etiam æqualitas inter has velocitates ad sensum habetur, nisi quatenus exigui arcus ad N & M trajectoriæ congruunt ad sensum cum arcubus exiguis circuli: Sed quo angulus curvilineus ANM major est, eo minus trajectoria cum circulo congruit; itaque quo major est angulus, quo trajectoria circulum interfecat, eo citius circa puncta N & M velocitas angularis vera a mediâ discrepet, est necesse.

108. THEOREMA VIII. In omni trajectoria regulari (hoc est in tali, in qua radii vectores SB , SE ; vel SG , SF ; vel SD , SC , (fig. 26) qui cum linea apsidum PSA utrinque ad S angulos æquales efficiunt, inter se quoque æquales sunt) est primo: tempus, quo corpus ab una apside P ad alteram A pervenit, semirevolutioni periodicæ accurate æquale. Nam ob æqualem utrinque a linea apsidum distantiam, celeritas in D & C ; in G & F ; in E & B eadem esse debet, iisdemque momentis per arcum PGA decrescere, quibus per alterum AFP crescit. Secundo tempus, quo a quovis alio puncto E ad oppositum C pervenit, est semirevolutione longius, si interea per apsidem superio-

rio-

riorem transire debet; sed idem est semirevolutione brevius, si per apsidem inferiorem P transit. Etenim quando ex E in C per apsidem superiorem A transit, celeritas motus per totum arcum EGA decrescere debet, & non crescit, nisi per exiguum arcum CA; ex opposito vero, dum ex C per apsidem imam P ad E transit, celeritas per totum arcum CFP augetur, & solum per exiguum arcum PE decrescit.

109. Corollarium I. Hinc eruitur expedita methodus determinandi tempus transitus planetæ alicujus per lineam apsidum, & positionem ejusdem lineæ. Exempli causa, quoniam notum est (38), orbitam Mercurii esse admodum regularem, & ejus motum circa apsidem satis æquabilem, ex inspectione observationum, quas supra (post 36) retulimus, illico apparet, Mercurium fuisse in perihelio circa diem 26 Junii, & in aphelio versus 9 Augusti, quoniam motus diurnus a 26 ad 27 fuit $2^{\circ}. 44'. 20''$, quæ velocitas est omnium minima; & a 9 Augusti usque ad 10 fuit $6^{\circ}. 23'. 27''$, quæ est velocitas omnium maxima. En igitur rationem, qua calculus ineundus.

26 Jun. in Meridie locus	☿	-	-	-	$2^{\circ}. 12'. 21''$
9 Aug. in Meridie	-	-	-	-	$8. 13. 9. 12$
Differentia					$6. 1. 6. 21$

Hæc differentia ostendit Mercurium a 26 Junii usque ad meridiem 9 Augusti ultra sex signa integra confecisse $1^{\circ}. 6'. 21''$. Quærendum jam est, qua hora diei 26^{te} Junii ☿ fuerit in loco opposito illi, in quo fuit 9 Augusti in ipso meridie, sive qua fuerit in $2^{\circ}. 13'. 9'. 12''$. Itaque facienda est hæc proportio: ut $6^{\circ}. 23'. 27''$. ad 24 h. 0'. 0''; ita $1^{\circ}. 6'. 21''$ ad 4 h. 9'. 10''. quare reperitur Mercurius fuisse in opposito puncto meridiani nonæ Augusti die 26 Jun. 4 h. 9'. 10''. Hoc intervallum temporis est 43 d. 19 h. 50'. 50'', quod a dimidia revolutione deficit 3 h. 46'. 56'', existente semirevolutione 43 d. 23 h. 37'. 46''. Itaque hoc temporis intervallo Mercurius non transit per suum aphelium, nec illud nona Augusti in meridie adhuc attigit. Ut igitur sciatur, qua hora ad illud pervenerit, fiat hæc analogia: ut $3^{\circ}. 39'. 7''$, scilicet excessus velocitatis diurnæ Mercurii in perihelio supra velocitatem ejusdem diurnam in aphelio, ad $6^{\circ}. 23'. 27''$. seu ad velocitatem diurnam in perihelio; ita 3 h. 46'. 56'', ad 6 h. 37'. 8'', sive ad tempus, quo die 9 Augusti per aphelium transit. Cum vero Mercurius tunc motum diurnum habuerit $2^{\circ}. 44'. 20''$; sequitur, quod 6 h. 37'. 8'' fuerit in $8^{\circ}. 13'. 54'. 31''$: & hinc aphelium Mercurii est in $8^{\circ}. 13'. 54'. 31''$. 110. II.

110. II. Accuratus inveniretur tempus & locus perihelii per interpolationem observationum dierum 25, 26, 27 & 28 Junii, & dierum 8, 9, 10 & 11 Augusti. Reperiretur quippe die 26 Jun. 4 h. locus Mercurii $2^s. 13^{\circ}. 6'. 46''$; & 8 h. idem inveniretur $2^s. 14^{\circ}. 10'. 41''. 5$, adeoque velocitas angularis vera intra 4 horas haberetur $1^{\circ}. 3'. 55''. 5$, quæ est velocitas maxima Mercurii in perihelio. Eodem modo locus Mercurii die 9 Aug. 4 h. prodiret $8^s. 13^{\circ}. 36'. 35''$; & 8 h. effet $8^s. 14^{\circ}. 3'. 58''$, & hinc velocitas angularis vera intra 4 horas $27'. 23''. 1$, quæ est minima Mercurii in aphelio. Unde concluderetur, transitum Mercurii per Perihelium contigisse die 26 Jun. 6 h. $59'. 27''$; & perihelium ejus esse in $2^s. 13^{\circ}. 54'. 30''$.

111. Quoniam veritas præcedentium theorematum a nullo systemate Astronomico dependet, restat, ut examinemus, quæ nam curvæ a planetis describerentur, si moverentur viribus altera quidem constante & æquabili; altera vero acceleratrice & versus solem tanquam centrum tendente.

ARTICULUS X.

De curvis, ad quas Planetarum trajectoriæ revocandæ.

112. Curva, quæ se prima offert, est circulus; & quia observatum est, (34) planetas singulis momentis mutare distantiam a sole, nequaquam supponi potest, solem in centro existere.

113. Trajectoria itaque Mercurii nequit esse circulus, nisi saltem supponatur solem existere in aliquo puncto S extra centrum C sito (fig. 27), ex quo rectæ ad circumferentiam ductæ exhibeant diversas Mercurii a sole distantias. Ut autem cognoscatur, num hæc hypthesis cum phænomenis congruat, ducenda est *primo* per S & C linea apsidum PA, in qua PS exponit minimam; A S vero maximam Mercurii a sole distantiam; perihelio ejusdem in P; aphelio in A existente. *Secundo* puncto S tanquam centro, radio $= CA$, describendus est circulus MTNIM, cujus area consequenter æquatur areæ a trajectoria assumpta comprehensæ, quique trajectoriam in M & N fecet. *Tertio* summa, qua fieri potest, ac curatione determinanda est ratio rectarum SP, SA, SN vel SM, id, quod independenter ab hypothese trajectoriæ circularis ex solis observationibus hunc in modum fieri potest. Etenim manifestum est, maximam velocitatem angularem Mercurii esse in P; minimam in A, & mediam (107) in N: est vero velocitas angularis maxima tempore 4 horarum inventa $1^{\circ}. 3'. 55''. 5$; & minima

eodem tempore $27'.23''.1$; & ut mediâ habeatur, fiat (90): ut $87\text{ d. }23\text{ h. }15'.32''$, five tempus revolutionis integræ Mercurii, ad $360^\circ.0'.0''.0'''$; ita $4\text{ h. }0'0''$ ad $40'.55''.4$ seu velocitatem angularem mediam tempore 4 horarum.

114. Hinc facile reperietur ratio rectarum SN, SP, SA. Supponatur enim SN 1000 partium, erit (per 92) ut velocitas maxima $1^\circ.3'.55''.5$ ad velocitatem mediam $40'.55''.4$; ita SN^2 ad SP^2 ; invenitur SP partium 800. 111, qualium SN est 1000. Similiter est velocitas minima $27'.23''.1$ ad velocitatem mediam $40'.55''.4$, ut SN^2 ad SA^2 . Hinc SA est 1222. 441 partium ejusmodi.

115. Quod si jam trajectoria PNAM fit circulus æqualis alteri TNIM, summa rectarum SP, SA æquari debet duplo radio SN, quod evidenter cum observationibus pugnat, deberet enim esse $2022.552 = 2000$. Quare trajectoria MPNA circulus esse nequit.

116. Et alias etiam nota circuli proprietas est (Elem. 563) quod segmenta rectarum quarumvis extra centrum se interfecantium sint in ratione reciproca. Sic est $SA : SB = SD : SP$. Et (Elem. 308) $SA^2 : SB^2 = SD^2 : SP^2$. Interpolando jam observationes 16^{ta}, 17, & 18 Julii, reperitur velocitas vera angularis Mercurii pro quatuor horis (quæ nempe ei competit duabus horis ante, & duabus post transitum per $6^\circ.2'.13'.51''$, qui locus versus D situs est) æqualis $38'.11''.5$; & interpolando observationes 9, 10, & 11 Septembris invenitur velocitas vera angularis pro duabus horis ante, & duabus post transitum per $0^\circ.2'.13'.51''$ (qui locus priori ad D oppositus versus B jacet) æqualis $49'.41''$. Quare debet esse (per 92) $38'.11''.5 : 49'.41'' = SB^2 : SD^2$. Sed est quoque $1^\circ.3'.55''.5 : 27'.23''.1 = SA^2 : SP^2$; unde si trajectoria est circulus, habetur hæc proportio: $1^\circ.3'.55''.5 : 38'.11''.5 = 49'.41'' : 27'.23''.1$. Quod evidenter falsum; factis extremorum & mediorum inæqualibus prodeuntibus. Et ut æqualia forent, terminus ultimus esse deberet $29'.41$. Multum igitur abest, ut Trajectoria Mercurii sit circulus.

117. Discrimen ejus a circulo utcunque advertitur, si attendatur, quod cum distantia media SN sit minor, quam semisumma rectarum SP, SA, curva, quam Mercurius describit, ad puncta M & N magis compressa esse debeat, quam versus A & P; atque hæc curvaturæ diversitas magis ellipsi, quam circulo, convenit, cujus eadem semper est curvatura. Hujusmodi argumento utebatur Keplerus, ut evinceret, ellipsem circulo, quo omnes ante eum Astronomi utebantur, substituendam esse.

118. Altera curva, quæ circulum excipit, ellipsis est. Et quia singuli planetæ durante una revolutione tantum semel veniunt ad aphelium, & semel ad perihelium, evidens est, solem non

non posse in centro ellipsis collocari: id enim si esset, dictum phænomenon bis singulis revolutionibus eveniret: nam essent planetæ bis in aphelio, dum per extrema axis majoris transirent; & bis in perihelio, dum extrema axis minoris attingerent. Quare sol alibi collocandus est; & locus, qui velut connaturaliter se offert, videtur alteruter focus esse.

Posito itaque sole in foco S ellipsis P M A N (fig. 28), ex observationibus dimensiones hujus ellipsis deducere oportet, ac videre, an omnes inter se congruant.

119. Liquet autem *primo*, axem majorem A P ellipseos debere esse æqualem summæ distantiarum Aphelii SA, & perihelii SP: quod si igitur centro S describatur circulus T N M, cujus area areæ ellipsis æqualis sit, axis major A P juxta calculum paullo ante (115) initum debet esse partium 2022.552, qualium radius SN 1000 continet. *Secundo* cum area circuli areæ ellipticæ æqualis ponatur, ejus diameter debet esse media proportionalis inter axes ellipseos (Elem. 898). Et hinc reperitur axis minor ellipseos B b partium 1977.699; & parameter K k (quæ (Elem. 817) est tertia proportionalis ad A P & B b) partium 1933.84.

120. His positis, si orbita Mercurii sit elliptica, sequitur, quod dum tribus signis, sive 90 gradibus utrinque a linea apsidum distat, ejus distantia a sole S K & S k inter se æquales sint, & simul sumptæ æquantur (Elem. 801) parametro axis majoris. Cum itaque linea apsidum transeat per $2^{\circ}.13^{\circ}.54'.31''$, & per $8^{\circ}.13^{\circ}.54'.31''$. (109), velocitas angularis vera Mercurii in $5^{\circ}.13^{\circ}.54'.31''$, & $11^{\circ}.13^{\circ}.54'.31''$ æqualis esse debet. Quod si jam observationes 12, 13, & 14 Julii; nec non 5, 6 & 7 Septembris interpolentur, reperitur Mercurius fuisse in $5^{\circ}.13^{\circ}.54'.31''$ die 11 Julii 11 h. $30\frac{1}{2}'$ cum celeritate $43'.44''.7$ intra 4 horas; & in $11^{\circ}.13^{\circ}.54'.31''$ die 6 Septemb. 1 h. $42'$ cum celeritate $43'.44''.5$ intra quatuor horas. Unde si fiat (92) ut $43'.44''.6$ ad velocitatem angularem mediam $40'.55''.4$; ita SN^2 ad Sk^2 vel SK^2 , invenitur $SK = 966.972$, cujus duplum, seu K k, est 1933.94, quæ a 1933.84 non nisi quantitate vix sensibili differt.

121. Si etiam per alterum focum I ducantur semiordinate IR, vel I r, quarum quævis æquatur semiparametro (Elem. 801) sive 966.92 partibus, in triangulo rectangulo S I r vel S I R datur IR, seu I r, & I S (id est differentia inter SA & SP) = 422.330. Hinc reperitur angulus R S I, vel r S I $66^{\circ}.24'.18''$, sive $2^{\circ}.6^{\circ}.24'.18''$. Et quia linea SA transit per $8^{\circ}.13^{\circ}.54'.31''$; linea S r transibit per $6^{\circ}.7^{\circ}.30'.13''$; & S R per $10^{\circ}.20^{\circ}.18'.49''$. Quod si trajectoria sit ellipsis, velocitas angularis in $6^{\circ}.7^{\circ}.30'.13''$, & $10^{\circ}.20^{\circ}.18'.49''$ eadem

eadem esse debet ; & $SR + RI$, vel $Sr + rI$ æquatur axi majori AP (Elem. 795). Interpolando vero observationes dierum 16, 17 & 18 Julii, item 30 & 31 Augusti, ac 1 Septembris, in iis locis velocitas angularis reperitur utrobique $36'. 44''. 5$; & inde distantia SR vel Sr eruitur 1055. 373 partium, cui si addatur $RI = 966. 92$, fiunt 2022. 293; quod ab axe majore 2022. 552 sensibilibiter non differt.

122. Ex his igitur apparet, per observationes licere, omnia puncta A, P, M, N, K, k, R, r in ellipsi collocare, in cujus foco S sol existat.

123. Alter modus experiundi, an præsens hypothesis observationibus conformis sit, est, si accipiantur tria planetæ loca in orbita, & ratio distantiarum iisdem correspondentium a sole per velocitates angulares, quas ibi planeta habet, determinetur; postea sectio conica, in cujus foco sol existat, per illa tria loca transiens describatur (Elem. 882). Quod si hæc sectio ellipsis fuerit, ejusque dimensiones cum dimensionibus jam prius determinatis conveniant, dubium esse haud poterit, Mercurium reipsa ellipsin descripsisse. Verum quia solutio usitata hujus problematis generalis in praxi parum tuta est, quando ellipseos axes parum inter se differunt; nos hac methodo deinceps non alio fine utemur, nisi ad determinandas dimensiones orbitarum planetariorum, ubi jam constiterit, eas ellipticas esse.

124. Postquam observator noster similes observationes aliorum planetarum fecerit, iisdemque eas pertractaverit calculis, concludet tandem: *omnes Planetas primarios moveri in ellipsis, quarum focum communem sol occupat; velocitatum vero inæqualitates ejusmodi esse, ut areae inter radios vectores, & arcus cujusvis ellipsis comprehensæ, sint proportionales temporibus, quibus ii arcus describuntur.* Vide tabulam Artic. XIII, qua dimensiones ellipsium omnium planetarum exhibentur.

125. Observa I. Distantia foci S , in quo est sol, a centro C ellipsis, quam planeta describit, CS , vocatur *eccentricitas* orbitæ: atque æquatur semidifferentiæ distantiarum Aphelii SA , & perihelii SP .

126. In praxi Astronomica semiaxis major orbitæ ellipticæ alicujus planetæ poni solet $= 1$; aliæ dimensiones in fractionibus decimalibus exprimuntur. Hunc morem si sequamur, erit in orbita Mercurii CA seu $CP = 1$, SN sive $SM = 0.98885$; $SA = 1.20881$; $SP = 0.79119$; & hinc eccentricitas $CS = 0.20881$; $CB = 0.977824$.

ARTICULUS XI.

De ratione distribuendi inæqualitates planetarum in diversis orbitæ locis.

127. **D**eterminatis ex observationibus ellipsium, quas singuli planetæ describunt, dimensionibus, nec non eorum apheliis, atque epocha, qua per aphelium quisque transiit, constituta, nihil amplius deest observatori, quo minus locum planetæ cujuslibet in sua orbita pro tempore dato calculare possit, quam ut reperiat methodum assignandi angulum ad solem inter aphelium, & radium vectorem ad locum planetæ ductum, in quo tempore dato existit, comprehensum. Angulus iste dicitur *Anomalia vera*.

128. Ponamus igitur, calculandum esse locum verum Mercurii ad meridiem diei 26 Augusti An. 1740.

Differentia temporis dati & epochæ transitus Mercurii per suum aphelium (quæ est 9 Aug. 1740. 6 h. 37'. 0'') (vid. tabulam Articuli XIII) est 16 d. 17 h. 23'. 0''. Sit AMPHA (fig. 30) orbita Mercurii, cujus axis major AP, minor GH, aphelium in A, perihelium in P, Sol in foco S. Supponamus locum verum Mercurii in sua orbita esse in M: inveniendus est angulus, seu anomalia vera ASM.

129. In circulo ADPE super axe majore AP tanquam diametro descripto, quem *eccentricum* vocabimus, accipiatur arcus AD, qui invenitur ex hac analogia, ut tempus revolutionis integræ planetæ est ad 360°. 0'. 0''; ita tempus ab ultimo transitu ejusdem per suum aphelium usque ad datum elapsum (quod in casu nostro est 16 d. 17 h. 23') ad arcum AD, 68°. 26'. 28''. Hic arcus *Anomalia media* Mercurii dicitur.

130. Ducatur radius DC. Evidens est, quoniam areæ, quarum unum latus æquale, vel idem est, sunt in ratione reliquorum laterum (Elem. 595) esse sectorem ACD ad circulum integrum, ut est arcus AD ad integram peripheriam, sive ut 16 d. 17 h. 23'. 0'' ad 87 d. 23 h. 15'. 32''. Sed cum per hypothesin M sit locus verus Mercurii, area ASM est ad ellipfin integram in eadem ratione temporum expositorum: quare erit etiam area ASM ad aream ACD, ut est area tota elliptica ad aream totam circularem; id est (Elem. 895) ut GH ad PA.

131. Per punctum M ducatur semiordinata MI, quæ producta secet eccentricum in N. Erunt etiam areæ ASM, ASN inter se ut GH ad AP (Elem. 896). Unde habetur ASM: ACD = ASM: ASN; adeoque (Elem. 306) area ACD = ASN.

132. Componitur vero ACD ex sectoribus ACN , & NCD ; & ASN ex sectoribus ACN & triangulo NCS : quare ablato sectoribus communi ACN , manet $NCD = NCS$. Sed $NCD = \frac{1}{2} NC \cdot ND$; & $NCS = \frac{1}{2} NC \cdot ST$; igitur erit arcus ND rectæ ST , ad NC productam perpendiculari, æqualis.

133. At quoniam nec circuli, nec ellipseos quadratura habetur Geometrica, recta ST arcui ND exacte æqualis inveniri non potest: interea per approximationem ad libitum continuandam sequente methodo res utcunque conficitur.

134. Inveniendum est primo, cui arcui eccentrici eccentricitas CS æqualis esset, si quidem in circulum curvaretur. Et quia radius circuli æquatur $57^\circ. 17'. 44''\frac{4}{5}$; (id quod patet ex hac analogia: ut 355 ad $180^\circ. 0' 0''$; ita 113. ad $57^\circ. 17' 44''\frac{4}{5}$) facienda est sequens proportio: $UCA (= 1) : CS (= 0.20881) = 57^\circ. 17'. 44''\frac{4}{5} : 11^\circ. 57'. 50''. 2$. Quartus terminus erit valor CS ad gradus circuli reductæ. Ulterius inveniendus est valor arcus AN talis, ut sit æqualis cum $AD - ST$. Hunc in finem assumatur valor aliquis, qui commodus judicabitur, v. g. ponatur $AN = 60^\circ$; erit in triangulo rectangulo $CS T$ angulus C 60 graduum, & latus CS $11^\circ. 57'. 50''. 2$; reperietur ST (Elem. 747) $10^\circ. 21'. 40''$. Inde porro prodit $AD - ST = 58^\circ. 4'. 48''$; indicio scilicet, arcum AN esse justo majorem assumptum. Ponatur itaque $AN = 58^\circ. 4'. 48''$; & resumpto calculo trianguli $CS T$ reperietur $ST = 10^\circ. 9'. 17''$; hinc $AD - ST = 58^\circ. 17'. 11''$, justo minor; ex quo colligitur, AN aliquantum augendum esse. Hinc si tertio sumatur $AN = 58^\circ. 17'. 11''$, & resolvatur iterum triangulum $CS T$, obtinetur $ST = 10^\circ. 10'. 39''$, & $AD - ST = 58^\circ. 15'. 49''$. Quare in hac tertia suppositione excessu peccatum est. Unde si quarto ponatur $AN = 58^\circ. 15'. 49''$, repetitus calculus dat $ST = 10^\circ. 10'. 30''$, & $AD - ST = 58^\circ. 15'. 58''$, ubi apparet, valorem AN justo minorem assumptum fuisse. Denique arcu $AN = 58^\circ. 15'. 58''$ assumpto, fit $ST = 10^\circ. 10'. 31''$, & $AD - ST = 58^\circ. 15'. 57''$; iterum justo major. Apparet autem, valores assumptitios alternatim excessu, & defectu peccare quidem, sed ita, ut tamen propius semper ad verum valorem arcus AN accedant. Et certe si ponatur $AN = 58^\circ. 15'. 57''$, invenitur $ST = 10^\circ. 10'. 31''$; & $AD - ST = 58^\circ. 15'. 57''$. Qui valor etiam in secundis cum vero congruit; adeoque in ultima suppositione non nisi unico secundo erratum fuit. Arcus hic quæsitus; sive angulus ACN , cujus mensura est, dicitur *Anomalia vera Eccentrici*.

135. Centro M , radio MF describatur semicirculus; cui occurrat SM producta in O ; erit (Elem. 564) SO (sive $SM + MF$)

$MF = 2CA) : SR$ (feu $SF + FR = 2CS + 2FI = 2CI = 2\cos ACN$) $= SF : SQ$ (five $2CS : SM - MF$). Unde est etiam $1 : \cos ACN = CS : \frac{1}{2}SM - \frac{1}{2}MF = CS \times \cos ACN$. Et hinc (Elem. 232) $SM = 1 + CS \times \cos ACN$. Hoc posito est (Trig. 41)

$\frac{1 - \cos ASM}{1 + \cos ASM} = \tan^2 \frac{1}{2} ASM$. Jam vero in triangulo rectangulo SMI habetur (Elem. 747) SM (feu $1 + CS \times \cos ACN$) : $R = SI$ (feu $CS + CI = CS + \cos ACN$) : $\cos ASM = \frac{CS + \cos ACN}{1 + CS \times \cos ACN}$.

Quare $\frac{1 - \cos ASM}{1 + \cos ASM} = \frac{1 + CS \times \cos ACN - CS - \cos ACN}{1 + CS \times \cos ACN + CS + \cos ACN} = \frac{1 - CS - \cos ACN \times (-CS + 1)}{1 + CS + \cos ACN \times (CS + 1)} = \frac{SP - \cos ACN \times SP}{SA + \cos ACN \times SA} = \frac{SP}{SA} \times \frac{1 - \cos ACN}{1 + \cos ACN} = \frac{SP}{SA} \times \tan^2 \frac{1}{2} ACN$. Ex duobus his valoribus de

$\frac{1 - \cos ASM}{1 + \cos ASM}$ inter se comparatis eruitur $\tan^2 \frac{1}{2} ASM = \frac{SP}{SA} \times \tan^2 \frac{1}{2} ACN$. Unde est $SA : SP = \tan^2 \frac{1}{2} ACN : \tan^2 \frac{1}{2} ASM$, hinc $\sqrt{SA} : \sqrt{SP} = \tan \frac{1}{2} ACN : \tan \frac{1}{2} ASM$. Ex hac analogia invenitur $ASM = 48^\circ. 32'. 30''$; & hic angulus additus ad positionem lineæ apsidum SA , $8^\circ. 13'. 54'. 30''$, exhibet locum lineæ SM , five Mercurii, $10^\circ. 20'. 27'. 0''$, qui non nisi $22''$ differt ab eo, qui in tabula post articul. 5 notatur.

136. Observa I. Differentia inter anomaliam mediam & veram vocatur æquatio centri planetæ. In exemplo proposito est æquatio centri $19^\circ. 53'. 58''$; five angulus CKS . Quod si jam supponantur rectæ CD , SM circa puncta C & S ita rotari, ut simul ab aphelio usque ad perihelium perveniant; inde rursus eodem tempore redeant ad aphelium, evidens est, angulum anomaliam mediæ ACK per totum semicirculum ADP fore externum respectu anguli ASK anomaliam veræ; sed in altero semicirculo PEA , angulus PCK anomaliam mediæ erit semper internus respectu anguli PSK anomaliam veræ. Unde si anomalia semper versus eandem partem sumatur, anomalia media excedit veram ab aphelio usque ad perihelium; sed vera excedit mediam a perihelio usque ad aphelium. Ex quo conficitur, æquationem centri, qua cum anomalia media utimur ad inveniendam anomaliam veram, esse subtractivam ab aphelio usque ad perihelium, five in primis sex signis anomaliam mediæ; & eandem esse additivam a perihelio usque ad aphelium, five in posterioribus sex signis anomaliam mediæ.

137. II. Quando eccentricitas planetæ est valde parva, arcus DN sensibilibiter a recta non differt, & sector NCD pro triangu-

lo rectilineo haberi potest; quod cum æquale sit triangulo NCS , eandemque habeat basin, etiam altitudinem eandem habere debet. Itaque DN & ST in tali casu sunt perpendicularia æqualia, & DS parallela ad TN . Unde ducta DS in triangulo DCS nota sunt CD , CS , angulusque comprehensus DCS , qui est complementum ad duos rectos anomalie mediæ ACD , quare in hac hypothesis ex unica analogia inveniri potest angulus SCD æqualis angulo NCA , cujus mensura est arcus AN . Imo ut prolixitas calculi in planetis, quorum orbitæ sunt magis eccentricæ, evitetur, ab hac ipsa analogia initium faciendum est potius, quam ut valor arcus AN fortuito assumatur.

In exemplo: in calculo superiore repertus fuisset angulus SCD seu arcus AN , primo $58^{\circ}. 13'. 0''$, & hinc $ST = 10^{\circ}. 10' 11''. 5$; deinde $10^{\circ}. 10'. 33''$; tandem $10^{\circ}. 10'. 31''$.

Verum ne attentio in tot simul partes distrahatur, quando similes calculi ineundi, observator noster, quidquid superioribus ratiociniis expositum est, sequentibus regulis comprehendat.

Regulæ calculi, sive analogiæ, ope quarum anomalia media reducitur ad veram in orbita elliptica.

138. I. *Ut distantia Aphelii ad distantiam perihelii, ita tangens dimidiæ anomalie mediæ ad tangentem arcus addendi ad dimidiam anomaliam mediam.*

Summam hinc ortam vocabo anomaliam approximata eccentrici. Analogia modo exposita instituitur sequente ratione: logarithmus distantie aphelii subtrahitur a logarithmo distantie perihelii, differentia est logarithmus constans, qui semper addendus est logarithmo tangentis dimidiæ anomalie mediæ, ut reperiatur logarithmus tangentis arcus quæsit.

Si anomalie approximatae sic inventæ & anomalie mediæ differentia non sit major $1\frac{1}{2}$ gradu, eadem anomalia approximata ab anomalia vera eccentrici non differet 1 secundo, ideoque NT & SD quam proxime erunt parallelæ, quippe angulo ACN anomalie veræ eccentrici nequidem 1 secundo integro ab angulo ASD differente. Unde in hoc casu opus non est ulteriore calculo; sed solummodo analogia § VI. facienda.

II. *Ut semiaxis major ad eccentricitatem; ita $57^{\circ}. 17'. 44''. 8$ (sive $20^{\circ}. 254''. 8$, cujus logarithmus est $5. 3144251$) est ad numerum secundorum, quem A voco.*

III. *Ut radius ad numerum secundorum A ; ita est sinus anomalie eccentrici approximatae (§. I. inventæ) ad numerum secundorum, qui subductus ab anomalia media dat alteram anomaliam approximata eccentrici.*

IV. *Ut*

IV. Ut radius ad numerum secundorum A ; ita est sinus anomalie secundae approximatae eccentrici ad numerum secundorum , qui subtractus ex anomalia media dat tertiam anomaliam approximata eccentrici.

V. Hæc analogia tamdiu repetitur , accepto semper pro tertio termino sinu anomalie approximatae ultimo repertæ , donec inveniantur duæ consequenter anomalie approximatae accurate æquales , quæ erunt anomalia vera eccentrici.

VI. Ut radix quadrata distantie aphelii ad radicem quadratam distantie perihelii ; ita est tangens dimidie anomalie veræ eccentrici ad tangentem dimidie anomalie veræ quæsita.

Analogia ultima instituitur addendo dimidium logarithmi constantis (§. I. reperti) ad logarithmum tangentis dimidie anomalie eccentrici.

ARTICULUS XII.

Varia problemata de motu Planetarum in orbitis Ellipticis.

139. **P**roblema I. Datis ellipseos dimensionibus , anomaliam veram datam convertere in anomaliam mediam.

Resolutio. Fiat : Ut radix quadrata distantie perihelii ad radicem quadratam distantie aphelii ; ita est tangens dimidie anomalie veræ ad tangentem dimidie anomalie eccentrici. Fiat secundo : ut radius ad sinum anomalie eccentrici modo repertæ ; ita est eccentricitas orbitæ ad secunda reducta , (existente semiaxe majore $57^{\circ}. 17'. 44''. 8$) ad numerum graduum , minutorum & secundorum , addendum anomalie eccentrici , ut habeatur anomalia media. Utraque analogia inversa est earum , quæ præcedente articulo sunt expositæ.

140. Problema II. Datis dimensionibus ellipseos AGPH , invenire distantiam SM , quæ anomalie veræ datæ ASM competit.

Resolutio. $SM = \frac{\text{distant. perih.} \times \text{distant. aphel.}}{\text{distant. perihel.} + \text{eccentricitate} \times 2 \sin^2 \frac{1}{2} \text{anom. veræ}} ;$
 vel vero $SM = \frac{\text{distant. perih.} \times \text{distant. aphel.}}{\text{semiax. major.} - \text{eccentricitate} \times \cos \text{anom. veræ}} .$

Demonstratio. Jungantur M & F ; erit $\frac{1}{2} SM + \frac{1}{2} SF + \frac{1}{2} FM = SA$. Est vero (Trig. 127) $SF \times SM$, five $2 CS \times SM$: $SA - SF \times SA - SM$, feu $SP \times SA - SM = 1 : f^2 \frac{1}{2} ASM$. Igitur $SM = \frac{SP \times SA}{SP + 2CS \times f^2 \frac{1}{2} ASM}$. Et quia (Trig. 40) $R - \cos = 2 f^2 \frac{1}{2}$; habetur $2 CS \times f^2 \frac{1}{2} ASM = CS - CS \times \cos ASM$: ergo $SM = \frac{SP \times SA}{SP + CS - CS \times \cos ASM}$.

$\frac{SP + CS - CS \times \cos ASM}{K} = \frac{CP - \cos ASM \times CS}{K}$

141. Scho-

141. Scholium. Constructa juxta regulas articulo præcedente tradita tabula æquationum centri alicujus planetæ, si quis etiam tabulam logarithmorum distantiarum a sole condere velit, is commodè sequente analogia utetur: *Sinus anomalie veræ in ellipsi est ad sinum anomalie veræ eccentrici, ut semiaxis minor ad distantiam quæsitam.*

142. Problema III. Datis semiaxibus ellipsis, v. g. (fig. 32) $CA = 1$, & $CG = 0.977824$, invenire punctum M cui competit æquatio centri maxima, ipsamque hanc æquationem maximam.

Resolutio. primo Accipiatur radix differentie quadratorum semiaxium CA, CG, quæ erit eccentricitas $CS = 0.20881$. Ex foco S tanquam centro, radio $SM = 0.98885$, quæ est media proportionalis inter CA & CG, describatur arcus secans ellipsin in M; erit M locus verus planetæ pro tempore, quo maxima æquatio centri ei competit.

Secundo. Ex puncto M ducatur ad alterum focum recta MF, dabuntur in triangulo FMS tria latera; scilicet SF æquale duplæ eccentricitati, SM, & MF, quod æquatur excessui axis AP supra SM: ex his itaque invenitur angulus ASM, anomalie veræ pro tempore æquationis maximæ, $80^{\circ}.57'.26''$. (Trig. 127); adeoque anomalia media correspondens est $105^{\circ}.0'.29''.5$, & utriusque differentia dat æquationem centri quæsitam $24^{\circ}.3'.3''.5$.

173. Problema IV. Ex observationibus alicujus Planetæ invenire ejus æquationem maximam.

Resolutio. Non alia re opus est, quam ut determinentur duo tempora, scilicet ante, & post transitum planetæ per lineam apsidum, quibus erat in duobus ellipseos locis, ad quæ ductus radius vector est medius proportionalis inter semiaxes; id, quod difficile non est, quoniam tunc ejus velocitas vera æquatur velocitati mediæ (107). Exempli causa, ex tempore revolutionis scitur velocitas media Mercurii diurna $4^{\circ}.5'.32''.5$; invenire itaque oportet bina tempora, quibus velocitas vera Mercurii eadem est intra 24 horas.

Ex tabula observationum superius (post articulum 5) relata apparet, motum diurnum Mercurii circa 15 Julii & 4 Septembris fuisse $4^{\circ}.5'$. Interpolandæ itaque sunt differentie observationum dierum 13, 14, 15 & 16 Julii, ut inveniatur tempus, quo differentia esse debuit $4^{\circ}.5'.32''.5$: & reperietur id esse a die 14 Julii, 2h. 49', usque ad diem 15, 2h. 49'; Unde ipsum temporis momentum, quo accurate distantiam mediam habuit, fuit die 14 Julii 14h. 49'. Et si interpolentur loca vera Mercurii observata diebus 14, 15, & 16 Julii, invenitur die 14 Julii 14h. 49' fuisse in $5^{\circ}.22^{\circ}.57'.27''$.

Simi-

Similiter interpolando differentias inter observationes dierum 3, 4, 5, & 6 Septembris, & loca vera Mercurii diebus 3, 4 & 5 observata, invenitur habuisse distantiam mediam die 3 Septembris 22 h. 14' $\frac{1}{2}$, in 11^s. 4°. 49'. 10".

Differentia inter hæc duo loca vera est 5^s. 11°. 51'. 43", quæ est motus verus, five summa velocitatum, quas Mercurius habuit toto intervallo, inter unam & alteram distantiam mediam. Tempus autem, quo hoc intervallum percurrit, est 52 d. 7 h. 25' $\frac{1}{2}$, & quo motu æquabili confecisset 6^s. 29°. 58'. 33" (quippe cum intra 87 d. 23 h. 15'. 32" percurrat 12 signa). Differentia est inter duos hos motus 48°. 6'. 50", cujus dimidium 24°. 3'. 25" est summa inæqualitatum Mercurii a transitu per lineam apsidum usque ad terminum, quo inæqualitas velocitatum mediæ & veræ evanescit, consequenter est æquatio maxima quæsitæ.

144. Observa. Si orbita sit parum eccentrica, interpolatione opus non est, ut momentum temporis obtineatur, quo planeta distantiam mediam habuit: satis est, si ejus motus verus diurnus, quem successive habet, comparetur, quippe diei intervallo celeritate media vix discrepante a vera. In exemplo a meridie 14 Julii usque ad meridiem 4 Septembris motus verus Mercurii erat 5^s. 14°. 43'. 43", & medius 7^s. 20°. 48'. 7"; ex quo maxima æquatio est 24°, 2'. 12". Item a meridie diei 15 Julii usque ad meridiem 4 Septembris motus verus erat 5^s. 10°. 37'. 15"; & medius 6^s. 28°. 42'. 35", adeoque æquatio maxima est 24°. 2'. 50", quæ a priori non differt, nisi propter notabilem inæqualitatem velocitatis Mercurii intervallo inter 14 & 15 Julii: at in orbitis parum eccentricis hæc inæqualitas ab uno usque ad alterum diem vix est sensibilis.

145. Problema V. *Data æquatione maxima planetæ, invenire ejus eccentricitatem, aliasque ellipsis, quam describit, dimensiones.*

Ex calculo Problematis III, & constructione figuræ 30, vel 32, quæ ad inveniendam æquationem centri adhibetur, liquet, quod, dum ea æquatio maxima est, perpendicularum ST fere congruat cum eccentricitate CS, & quod eccentricitas ad arcum circuli reducta paullo minor sit (134) dimidia æquatione maxima, ita, ut quo minor est orbitæ eccentricitas, eo hæc quantitates propius ad æqualitatem accedant. Unde fieri potest hæc proportio: ut 57°. 17'. 44". 8 ad dimidiam æquationem maximam planetæ; ita semiaxis ellipseos major ad terminum quartum, qui in orbitis parum eccentricis sensibilibiter ab eccentricitate non differt; in iis autem, quæ magis sunt eccentricæ, eccentricitate paullo minor est.

146. Ut itaque vera eccentricitas in casu posteriore reperiat, instituendus est sequens calculus, qui deinceps pro norma erit.

Data æquatione maxima Mercurii $24^{\circ}. 3'. 3''.5$, fiat : ut $57^{\circ}. 17'. 44''.8$ ad $12^{\circ}. 1'. 31''.7$; ita semiaxis major ellipsis Mercurii (qui pro 1 assumitur) est ad CS fere. Invenietur 0.209881. Hoc valore de CS tanquam vero assumpto, quærenda est per Problema præcedens æquatio maxima centri, nam si hæc inveniretur $24^{\circ}. 3'. 3''.5$, eccentricitatis CS valor 0.209881 verus fuisset assumptus; sed æquatio illa major prodire debet; & quia æquationes maximæ sunt fere ut eccentricitates, valor assumptus de CS imminuendus est, prout æquatio maxima reperta, & cum vera collata, exiget.

147. Hunc in finem determinetur radius SM, medius proportionalis inter semiaxes CA, CG; quod fiet, si accipiatur $SM = \sqrt[4]{1 - CS^2}$. Nam $CG^2 = CA^2 - CS^2$: est vero $CA : SM = SM : CG$, five $1 : SM = SM : \sqrt{1 - CS^2}$; igitur $SM^2 = \sqrt{1 - CS^2}$ (Elem. 316) & $SM = \sqrt[4]{1 - CS^2}$. Unde si ponatur $CS = 0.209881$, invenietur $SM = 0.9888004$.

148. His positis, reperietur angulus MSF $80^{\circ}. 53'. 32''$, & anomalia media correspondens $105^{\circ}. 4'. 1''$ (139), hinc maxima æquatio prodit $24^{\circ}. 10'. 29''$. Quare fiat denique: ut $24^{\circ}. 10'. 29''$ ad $24^{\circ}. 3'. 3''.5$, ita eccentricitas assumpta 0.209881 ad eccentricitatem veram 0.2088066.

149. Observa. Quamvis hic calculus eccentricitatis indirectus sit, præstat tamen methodo deducendi dimensiones ellipsium Planetarum ex distantis per velocitates angulares cognitis, quoniam errores, qui in observatione velocitatum angularium admittuntur, longe magis influunt in distantias inde deductas, quam errores in observanda æquatione maxima contingentes influant in eccentricitatem. Nam ratio distantiarum aphelii & perihelii Mercurii (114) determinata est ex collatis inter se arcibus $1^{\circ}. 3'. 55''.\frac{1}{2}$ & $27'. 23''$, nempe exiguis, quorum alter vix alterius duplum excedit; cum potuisset reperiri ex inæqualitate 48° , pendente ex sola eccentricitate, tempore dimidiæ revolutionis Mercurii.

150. Problema VI. *Dato tempore revolutionis planetæ, & tribus locis veris in orbita, invenire eccentricitatem, lineam apsidum, & tempus transitus proximi per eandem lineam.*

Loca ad solutionem maxime opportuna sunt, si observentur duo vicina illis, quæ habent distantiam mediam; & tertius prope lineam apsidum.

151. Solutio directa hujus problematis magnis premitur difficultatibus; & quoniam usum non habet, nisi in planetis, quorum theoria satis cognita est, methodum indirectam quidem, sed expeditam, & summæ accurationis capacem adferemus. Fundatur in positione falsi, qua scilicet problema proxime solutum sumitur.

Sint

Sint igitur exempli causa loca data Mercurii ex observationibus sequentibus:

	<i>Locus verus</i>	<i>Differentia</i>
die 15 Julii . . .	5°. 24'. 30". 54"	70°. 24'. 3"
6 Aug. . . .	8. 4. 54. 57 . . .	103. 6. 43.
7 Sept. . . .	11. 18. 1. 40 . . .	

Ex tempore revolutionis periodicæ Mercurii invenitur, quod intervallo 22 dierum, scilicet a 15 Julii usque ad 6 Augusti, motu medio percurrat $90^{\circ}. 2'. 0''$; & a 6 Augusti usque ad 7 Septembris $130^{\circ}. 57'. 27''$. Hoc posito res eo recidit, ut inveniatur eccentricitas, & positio axis majoris alicujus ellipseos, in qua $90^{\circ}. 2'. 0''$ motus medii respondeant $70^{\circ}. 24'. 3''$ motus veri: item $130^{\circ}. 57'. 27''$ motus medii dent $103^{\circ}. 6'. 43''$ motus veri.

152. Sit $I A p$ (fig. 34) orbita quæsitæ, $p a$ linea apsidum; I, A & P loca tria per observationes data, S sol; erunt anguli $I S a, A S a, a S P$ anomalie veræ temporibus singularum observationum respondentes. Manifestum autem est, inventa una ex his anomalis, haberi etiam reliquas, ob angulos $I S A, A S P$ cognitos. Quæritur itaque ab initio circiter situs lineæ $S a$ respectu horum angulorum, five inveniatur, intra quæ ex datis tribus locis cadat aphelium: unde fiat: ut $70^{\circ}. 24'$ ad $90^{\circ}. 2'$; ita sunt $103^{\circ}. 7'$ ad $131^{\circ}. 53'$. Quartus terminus, major quam $130^{\circ}. 57'$, ostendit, $130^{\circ}. 57'$ habere ad $103^{\circ}. 7'$ minorem rationem, quam $90^{\circ}. 2'$ ad $70^{\circ}. 24'$, atque ideo motum verum fuisse tardiores a 6 Augusti usque ad 7 Septembris, quam a 15 Julii usque ad 6 Augusti: & quoniam ex theoria fere cognita hujus planetæ scitur, Mercurium 6 Augusti non procul fuisse ab aphelio, recte inferitur, quod eo die nondum illud transierit, ideoque linea $S a$ intra $S A$ & $S P$ cadere debeat. Præterea notum est, eccentricitatem ellipseos, quam describit Mercurius, esse circiter $= 0, 21$, femiaxe majore supposito $= 1$. Ex quo assumatur primo eccentricitas $= 0, 205$, & fiat duplex hypothesis anguli $A S a$; in una statuatur 8 graduum, in altera novem; erit angulus $I S a$ ex prima hypothesis $78^{\circ}. 24'. 3''$, ex secunda vero $79^{\circ}. 24'. 3''$; & in priori quidem hypothesis 8° , & $78^{\circ}. 24'. 3''$ respondentes anomalie medie facile (139) reperiuntur $11^{\circ}. 50'. 55''$, & $101^{\circ}. 58'. 52''$, quarum differentia $90^{\circ}. 7'. 57''$ excedit $90^{\circ}. 2'. 0''$ quantitate $5'. 57''$, scilicet erroris primæ hypotheseos. Similiter in altera hypothesis angulis 9° , & $79^{\circ}. 24'. 3''$ competunt anomalie medie $13^{\circ}. 19'. 25''$, & $102^{\circ}. 59'. 51''$; & earum differentia est $89^{\circ}. 40'. 26''$, quæ a $90^{\circ}. 2'$ deficit $21'. 34''$, nempe errore secundæ hypothesis.

theseos. Quoniam hi duo errores contrarii sunt, alter nempe positivus, negativus alter; inferatur, ut summa eorundem $27'. 21''$ ad $1^\circ. 0'. 0''$, seu differentiam anomaliarum pro veris assumptarum in duplici hypothese; ita error ex hypothese prima emergens $5'. 57''$ ad $12'. 59''$, qua quantitate angulus ASa augendus est, ut error dictus corrigatur. Hinc facienda est tertia hypothesis, & angulus ASa ponendus $8^\circ. 12'. 59''$, consequenter $ISa = 78^\circ. 37'. 2''$; erunt anomalie mediae respondentes his duobus angulis $12^\circ. 10'. 5''$; & $102^\circ. 12'. 5''$, quarum differentia $90^\circ. 2'. 0''$ accurate, qualem intervallum inter primas duas observationes exigit: atque problema solutum esset, si anomalia vera aSP ad mediam reducta, additaque anomalie mediae $12^\circ. 10'. 5''$, daret $130^\circ. 57'. 27''$ pro motu medio correspondente angulo ASP ; sed quia subtractis $8^\circ. 12'. 59''$ ex $103^\circ. 6'. 43''$, anomalia media residuo $94^\circ. 53'. 44''$ competens invenitur inito calculo $117^\circ. 50'. 13''$, quae addita ad $12^\circ. 10'. 5''$ efficit $130^\circ. 0'. 18''$; sequitur, quod licet primo assumpta quantitas eccentricitatis congruat cum primis duabus observationibus, in tertia tamen errorem $57'. 9''$ producat.

153. Assumatur igitur *secundo* eccentricitas $= 0.21$; & posito ASa prima vice $= 8^\circ$, deinde $= 9^\circ$, calculus in utraque hypothese ad modum prioris repetatur: invenietur, debuisse $ASa = 9^\circ. 12'. 43''$ statui, & $ISa = 79^\circ. 36'. 46''$, ut anomalie mediae prodirent $13^\circ. 45'. 48''$, & $103^\circ. 47'. 48''$, quarum differentia $90^\circ. 2'. 0''$ intervallo temporis a 15 Julii ad 6 Augusti competit. Ut hypotheseos hujus veritas examinetur, subducantur $9^\circ. 12'. 43''$ ex $103^\circ. 6'. 43''$; habebitur $aSP = 93^\circ. 54'. 0''$, cui anomalia media convenit $117^\circ. 28'. 47''$. Huic addantur $13^\circ. 45'. 48''$, fiet $131^\circ. 14'. 35''$, quod excedit motum medium $130^\circ. 57'. 27''$ angulo ASP respondentem quantitate $17'. 8''$: adeoque eccentricas nunc assumpta quamvis satisfaciat primae & secundae observationi, in tertia tamen hunc relinquit errorem per excessum. Qui ut tollatur, fiat: ut $1^\circ. 14'. 17''$ (seu summa errorum ex utraque eccentricitatis assumptitia quantitate emergentium) ad $17'. 8''$, seu errorem ex assumptione secunda enatum; ita 0.005 , id est differentia eccentricitatum assumptarum, ad 0.001153 , id est ad errorem eccentricitatis secundo assumptae; Et ita etiam est differentia anomaliarum pro veris assumptarum in utraque hypothese, nempe $59'. 44''$, ad $13'. 46''$, seu errorem hypotheseos secundae. Hinc ut secunda hypothesis corrigatur, assumenda est eccentricitas $= 0.208847$; & $ASa = 8^\circ. 58'. 57''$. ex quibus reperitur, anomalis $ASa = 8^\circ. 58'. 57''$, & $ISa = 79^\circ. 23'. 0''$, nec non $aSP = 94^\circ. 7'. 47''$, respondere anomalias medias $13^\circ. 23'. 38''$; $103^\circ. 25'. 43''$, & $117^\circ. 33'. 45''$, ex quibus obtinentur $90^\circ. 2'. 5''$ & $130^\circ. 57'. 23''$ motus medii, fere ut ex tempore periodico deducuntur.

154. Quod

154. Quod si itaque anomalia vera $ASa = 8^{\circ}. 58'. 57''$ addatur loco vero $8^{\circ}. 4'. 54'. 57''$, habetur locus verus aphelii in $8^{\circ}. 13'. 53'. 54''$. Et si fiat ut 360° ad tempus revolutionis Mercurii; ita anomalia media $13^{\circ}. 23'. 38''$ est ad 3 d. 6 h. 33'; reperitur, quod Mercurius per aphelium suum transierit die 9 Augusti 6 h. 33'. Denique eccentricitas orbitæ = 0. 28847; quæ omnia cum præcedentibus fere congruunt.

ARTICULUS XIII.

De lege in genere, secundum quam vis centralis agit in planetas in trajectoriis conicis motos; & peculiariter de iis, quæ orbitis ellipticis sunt propria.

155. Quoniam motus planetarum æquabilis non est, vis centralis, qua in orbitis suis retinentur, variabilis sit, oportet. Et quamvis res per se scitu digna sit lex illa, secundum quam in diversis distantis vis centralis agit; ex eo tamen capite præsens disquisitio se se præcipue commendat, quod magnam utilitatem conjunctam habeat, ut diversi planetæ inter se comparari possint. Hac animadversione excitatus observator noster, examen theoriæ virium centralium sequentibus theorematis prosequetur.

156. THEOREMA I. *Vis centralis variabilis quæcunque, tempore admodum exiguo pro uniformi acceleratrice habenda est.*

Hoc Theorema demonstrabitur, si ostendatur, quod spatia, quæ corpus dependenter a vi centrali quacunque versus centrum describeret, sint inter se ut quadrata tempusculorum, ex quibus tempus aliquod datum t (59) & admodum breve, compositum est.

Sint P, Q, p (fig. 33) tria puncta arcus infinite parvi trajectoriæ cujuscunque APD . Cum hic arcus tempore admodum parvo t motu æquabili describatur (56), spatia PQ, Pp sunt inter se ut partes temporis a puncto P computati. Sit PK tangens ejusdem arcus, adeoque directio, quam corpus in P constitutum sequeretur, si vi centrali destitueretur, solaque vi insita constante impelleretur. Ex centro virium S per puncta P, Q, p ducantur radii vectores SP, SQ, Sp , qui producti occurrant tangenti in $R \& F$. Patet Primo, partes QR, pF inter arcum, & tangentem interceptas exponere actiones vis centralis, cum sint spatia, quibus corpus a via rectilinea PK deflexit, & versus centrum S accessit. Secundo quia radii vectores, & hinc etiam particulæ interceptæ QR, pF , sunt infinite propinquæ, esse easdem inter se parallelas.

157. Per

157. Per eadem puncta P, Q & p describatur circulus curvam osculans, cujus arcus cum arcu curvæ infinite parvo congruet (Elem. 468): fit hujus circuli diameter PN ad tangentem communem (Elem. 459) perpendicularis. Denique ducantur per Q & p , QI , pi ad tangentem PK ; tum etiam QE , pH ad diametrum PN normales; & jungantur Np , NQ .

His ita constitutis, triangula PQN , PpN pro rectilineis habenda sunt (Elem. 568), arcubus tam exiguis PQ , Pp a rectis nil differentibus: atque ideo est (Elem. 561) $EP:PQ = PQ:PN$; & $PH:Pp = Pp:PN$: consequenter (Elem. 316) $PQ^2 = PE \cdot PN$; & $Pp^2 = PH \cdot PN$; & $PQ^2:Pp^2 = PE \cdot PN:PH \cdot PN = PE (= QI):PH (= pi)$ (Elem. 296); ut adeo habeatur $PQ^2:Pp^2 = QI:pi$. Sed ob QI , pi , & QR , pF parallelas, triangula RQI , Fpi similia sunt; quare est $QI:pi = QR:pF = PQ^2:pP^2$. Igitur si corpus viribus altera insita æquabili, altera centrali quacumque describit trajectoriam quamvis APD , effectus vis centralis (per QR , pF expositi) per arcum quemcumque admodum exiguum Pp , sunt ut quadrata temporum per QP , pP exhibitorum, quibus partes illius arcus describuntur.

158. Corollarium I. Viribus igitur centralibus applicari possunt formulæ motus uniformiter accelerati (60), & vis centralis f quævis tempore admodum parvo t agens ita generatim exprimi, $f = \frac{e}{tt}$. Et quia isthic pF repræsentat spatium, quo a tangente versus centrum S hæc vis corpus admovit tempusculo descripti arculi Pp , eadem formula ita exhibenda est: $f = \frac{pF}{tt}$.

159. Corollarium II. Unde si tempuscula t sumantur æqualia, erit $f = pF$, hoc est: *tempusculis infinite parvis æqualibus vires centrales sunt inter se ut rectæ pF inter extremum p arculorum descriptorum, & tangentem curvæ in altero extremo P , interceptæ, & ad radium vectorem SP parallelæ.*

160. Corollarium III. Inde porro deducuntur aliæ formulæ generales diversæ, vim centram exprimentes. Nam primo: cum tempora exhibeantur per areas inter duos radios vectores, & arcum descriptum comprehensas (83); tempus infinite parvum quo corpus percurrit arculum PQp , exprimi poterit per triangulum SPp , sive quia tangens PF ob pF infinite parvam ab arculo Pp non differt, per triangulum SpF ; sunt autem (Elem. 594) areæ horum triangulorum ut facta $SP \cdot pM$, & $ST \cdot PF$; hinc $tt = SP^2 \cdot pM^2 = ST^2 \cdot PF^2$; unde habentur formulæ, $f = \frac{pF}{SP^2 \cdot pM^2} = \frac{pF}{ST^2 \cdot PF^2}$.

161. *Secundo* Productis PS & FS , donec occurrant circumferentiæ circuli osculatoris PBN , fiet (Elem. 565) $pF : PF = PF : pB$; & cum pP per hypothesein sit arcus infinite parvus, chordæ PV , pB sunt infinite propinquæ, adeoque $PV = pB$; & hinc $pF = \frac{PF^2}{PV}$. Hic valor in secunda præcedentium duarum formularum

substituatur pro pF , fiet nova formula $f = \frac{I}{ST^2 PV}$.

162. *Tertio* denique in triangulis rectangulis similibus STP , PVN habetur $SP : ST = PN (= 2 PG) : PV$; adeoque $PV = \frac{ST \cdot 2PG}{SP}$; & $PV \cdot ST^2 = \frac{ST^3 \cdot 2PG}{SP}$. Si in ultima formula hic valor

substituatur, ea abit in hanc, $f = \frac{SP}{SP^3 \cdot 2PG}$.

163. **THEOREMA II.** *Vis centralis ad focum sectionis conicæ tendens est in ratione reciproca duplicata radii vectoris.*

Demonstratio. Exhibeat ellipsis $APHL$ (fig. 35) sectionem conicam a corpore P descriptam vi centrali f , ad focum S tendente, *Demonstrari* debet, esse $f = \frac{I}{SP^2}$.

Etenim *Primo* ob trianguia SPT , QPV similia habetur $SP : ST = PQ : QV$; & $SP + PQ : ST + QV = SP : ST$. Est vero (Elem. 796) $SP + PQ = 2CA$; & $ST + QV = 2CK$, quia ob $CS = CQ$, perpendicularis CK est inter perpendiculares alias QV , ST media arithmetice proportionalis: ergo etiam $2CA : 2CK = SP : ST = CA : CK$ seu PD . Porro (Elem. 863) $CA : PD = CN : CB$; quare $SP : ST = CN : CB$; & hinc $ST = \frac{CB \cdot SP}{CN}$.

Secundo. Sit PG radius osculi seu curvaturæ in P sectionis conicæ; erit (Elem. 886) $PG = \frac{CN^2}{PD}$. Est autem $PD = \frac{CA \cdot CB}{CN}$; ergo $PG = \frac{CN^3}{CA \cdot CB}$. His positis

Substituatur valor de ST & PG in formula generali $f = \frac{SP}{ST^3 \cdot 2PG}$, eadem pro sectione conica, ad cujus focum S vis centralis tendit, erit $f = \frac{SP \cdot CN^3 \cdot CA \cdot CB}{SP^3 \cdot CB^3 \cdot 2CN^3} = \frac{CA}{SP^2 \cdot CB^2 \cdot 2} = \frac{CA}{SP^2 \cdot 2CB^2}$ & omiſſis constantibus $CA, 2CB^2$, $f = \frac{I}{SP^2}$.

164. Præcedens demonstratio facile equidem hyperbolæ applicatur; at non item Parabolæ, cui unicus tantum focus. Ne igitur veritas theorematum in parabola sine demonstratione relinquatur, sit (fig. 71.) parabolæ APR semiordinata PO , radius osculi PG , diameter ad punctum P , PQ : erit ex natura hujus curvæ (Elem. 827) $AH = AO$, & (Elem. 807) Anguli QPR , SPH , SHP æquales, adeoque (Elem. 499) $SH = SP$. Et quoniam perpendicularum ST in basin trianguli isoscelis demissum ex vertice HSP , eandem bifecat, est $HT = TP$. Igitur ob $HA = \frac{1}{2} HO$ & $HT = \frac{1}{2} HP$, erit $DP = 2 TS$, & propterea (Elem. 297) $HA : HT = HO : HP$. Unde ducta AT , triangula HTA , HPO similia (Elem. 559) & rectangula sunt, cum PO sit semiordinata ad axem. Est igitur AT perpendicularum ex angulo recto STH in hypotenusam HS demissum; & ideo (Elem. 561) SH (sive SP): $ST = ST : SA$, adeoque $ST^2 = SP \cdot AS$, & $ST^6 = SP^3 \cdot AS^3$. His positis, radius curvaturæ in P , nempe PG , est

$$\text{(Elem. 887)} = \frac{DP^3}{4AS^2} \text{ sive ob } DP = 2ST, PG = \frac{8ST^3}{4AS^2}, \text{ \& } 2PG = \frac{4ST^3}{AS^2}.$$

$$\text{Unde facta substitutione in formula } f = \frac{SP}{ST^3 \cdot 2PG}, \text{ fiet } f = \frac{SP \cdot AS^2}{ST^3 \cdot 4ST^3} = \frac{SP \cdot AS^2}{4ST^6} = \frac{SP \cdot AS^2}{4SP^3 \cdot AS^3} = \frac{1}{4SP^2 \cdot AS}; \text{ \& omissis constantibus, } f = \frac{1}{SP^2}.$$

165. THEOREMA III. Si plura corpora viribus centralibus ad focum communem tendentibus, quæ sint in ratione reciproca duplicata distantiae, sectiones conicas describant circa centrum virium, erunt

I. Areae, quas radii vectores æquali tempore verrunt, in ratione subduplicata parametrorum axium principalium cujusvis sectionis.

Sit enim parameter axis principalis = π , erit (Elem. 817) $\pi = \frac{2CB^2}{CA}$ (Fig. 35). Adeoque $f = \frac{CA}{SP^2 \cdot CB^2}$ reducitur ad hanc expressionem

$f = \frac{1}{SP^2 \cdot \pi}$; quod idem pro parabola ex formula $f = \frac{1}{4SP^2 \cdot AS}$ invenitur, si π pro $4AS$ substituatur (Fig. 71). Est autem (160) $f = \frac{pF}{SP^2 \cdot pM^2}$; adeoque

$$\frac{1}{SP^2 \cdot \pi} = \frac{pF}{SP^2 \cdot pM^2}. \text{ Sed per hypothesin est } pF \text{ (quod exponit vim centram)} \text{ (163)} = \frac{1}{SP^2}; \text{ hinc } \frac{pF}{\pi} =$$

$$\frac{pF}{SP^2 \cdot pM^2}, \text{ \& } \pi = SP^2 \cdot pM^2, \text{ seu } \sqrt{\pi} = SP \cdot pM. \text{ Atqui } SP \cdot pM \text{ est ut sector } PS p \text{ \& c.}$$

166. II. Celeritas corporis cujusvis est in quovis puncto trajectoriæ in ratione directa subduplicata parametri axis principalis, & reciproca simplici perpendiculari ex foco demissi ad tangentem in puncto, in quo est corpus; sive $u = \frac{\sqrt{\pi}}{ST}$ (Fig. 35 & 71.)

Etenim celeritas tempore infinite parvo est ut arcus pP eo tempusculo descriptus; & ob triangula rectangula SPT , pMP similia,

milia, est $ST : SP = pM : pP$, five $pP = \frac{SP \cdot pM}{ST}$. Est autem

$$(165) SP \cdot pM = \sqrt{\pi}; \text{ adeoque } pP, \text{ five } u = \frac{\sqrt{\pi}}{ST}.$$

167. III. Si trajectoriæ, in quibus corpora moventur, sunt ellipses, area tota cujuslibet est in ratione composita ex subduplicata parametri axis majoris, & simplici temporis revolutionis integræ; seu $a = t \sqrt{\pi}$.

Nam tempus t revolutionis periodicæ est tanto majus, quo area tota ellipseos major est, & quo minorem ejus partem tempore dato corpus describit. Quare tempus revolutionis est ut area integra a ellipseos directe, & ut sector s , quem tempore dato describit, reciproce, id est, $u = \frac{a}{s}$. Est autem (165) $s = \sqrt{\pi}$; ergo $t =$

$$\frac{a}{\sqrt{\pi}}, \text{ \& } t \sqrt{\pi} = a.$$

168. IV. Si trajectoriæ sint ellipses, tempus periodicum t cujusvis corporis est ut radix quadrata cubi axis majoris d ellipseos; five $t = \sqrt{d^3}$.

Sit axis minor $= b$, parameter axis majoris $= \pi$; erit (Elem: 817) $d\pi = bb$; & $d^3\pi = b^2 d^2$. Est vero area ellipsis ut rectangulum axium, hoc est (Elem. 899) $a = bd = t \sqrt{\pi}$ (167), consequenter $b^2 d^2 = tt\pi$, & hinc etiam $d^3\pi = tt\pi$, ac $d^3 = tt$, five $t = \sqrt{d^3}$.

169. Corollarium I. Est itaque $d = \sqrt[3]{tt}$, imo etiam $\frac{1}{2}d = \sqrt[3]{tt}$, quæ formula etiam locum habet in circulo, vi centrali ad centrum circuli tendente.

170. Corollarium II. Hinc sequitur, quod ex temporibus revolutionum planetarum datis deduci possit ratio axium majorum ellipsium, quas singuli describunt: Quare si ratio dimensionum in singulis ellipsis per observationes determinetur, omnes eæ dimensiones in partibus scalæ alicujus communis exhiberi possunt. Atque hæc est altera binarum legum Kepleri.

Exempli gratia: Accipiat axis major ellipsis, quam percurrit tellus, pro mensura communi sive scala dimensionum omnium aliarum orbitalium, & ponatur divisus in 20000 partes æquales; fiat dein: ut tempus periodicum telluris 365d. 6h. 9'. 15'', ad tempus periodicum Mercurii 87d. 23h. 15'. 32'', ita radix quadrata de 8000000000000, cubo scilicet axis orbitæ telluris 20000, ad 681204, radicem quadratam de 464039000000, five de cubo axis majoris orbitæ Mercurii, cujus radix cubica est 7742. Item fiat: ut 2, axis major orbitæ § superius (126) determinatus, ad 7742; ita axis minor 1.855648, & eccentricitas 0.20881 sunt ad 7570, axem minorem; & 810, eccentricitatem ejusdem in partibus scalæ communis. Hac ratione reperiuntur dimensiones sequente tabula exhibitæ.

	Mercurii.	Veneris.	Telluris.	Martis.	Iovis.	Saturni.
Tempus revolutionum periodicarum.	87 d. 23 h. 15½'	224 d. 16 h. 48½'	365 d. 6 h. 9¼'	686 d. 23 h. 30½'	4332 d. 12 h.	10759 d. 8 h.
Dimensiones ellipsiū, { supposita diam. circ. inter axes media pro- portio. & in 2000000 partes æquales divisa. { eccentricitas	2022555	2000022	2000142	2004343	2001161	2001624
	1977696	1999971	1999857	1995669	1998839	1998377
	211165	7141	16881	93134	48188	56982
Dimensiones ad axem { majorem orbitæ Tel- luris, tanquam ad fca- lam communem relatæ. { distant. media	7742	14466	20000	30474	104020	190758
	7570	14465	19997	30342	103899	190448
	810	152	168	1415	2505	5430
	3872	7233	10000	15203	51980	95302
Situs aphelii a stella γ Arietis computatus.	7. 13. 54 30.	9. 7. 49. 20	8. 8. 42. 45	4. 1. 49. 50	5. 10. 30. 40	7. 29. 26. 15
	9 Aug. 1740	23 Jan. 1743	29 Dec. 1744	12 Jan. 1745	9 April. 1744	5 Sept. 1723
Epocha transitus per aphelium.	6 h. 37. 0	15 h. 33. 30	3 h. 1. 0	8 h. 41. 0	13 h. 0. 0	0 h. 0. 0
Diametri ex sole in distantia media visæ.	" 21	" 29	" 21	" 12	" 37	" 16
	0, 38	1, 00	1	0, 87	9, 16	7, 26
Ratio { diametrorum verarum superficierum soliditatum	0, 15	1, 00	1	0, 75	83, 87	52, 73
	0, 05	1, 00	1	0, 65	768, 10	382, 80

171. Scholium I. Ratio itaque distantiarum singulorum planetarum a sole beneficio calculi obtenta est, quæ per solas observationes haberi nequaquam poterat.

172. Scholium II. Quod si observetur angulus, sub quo diameter planetæ apparet, quando est in distantia aliqua in partibus scalæ communis cognita, etiam ratio superficierum, & soliditatum obtinetur. Primo enim liquet, diametrum veram planetæ esse tantomajorem, quo majorem arcum in sphaera cœlesti subtendere videtur, & simul quo major est ejus distantia; ut adeo *diametri veræ planetarum sint inter se ut facta arcuum, quos in cœlo subtendunt, in distantias eorum ob oculo observatoris.*

173. Secundo patet, cum superficies sphaerarum sint inter se (Elem. 705) ut quadrata; & soliditates (Elem. 718) ut cubi diametrorum verarum; *superficies veras planetarum esse ut facta quadratorum arcuum a diametris subtenforum in quadrata distantiarum eorundem ab observatore; soliditates autem veras esse ut facta cuborum arcuum, quos diametri subtendere videntur, in cubos distantiarum ab oculo observatoris.*

Atque his principiis innititur calculus, quo tabula præcedente ratio diametrorum, superficierum, & soliditatum planetarum exhibita est.

174. THEOREMA IV. *Si vis centralis ad focum tendens, qua corpus ellipsin describit, paullo magis crescat, vel decrescat, quam in ratione reciproca duplicata radii vectoris; corpus non amplius eandem ellipsin describet, nisi ea supponatur circa focum mobilis: & in hac hypothese axis major inclinabitur in eam partem, versus quam corpus movetur, vel in oppositam, prout scilicet vis centralis aucta, vel diminuta ultra rationem reciprocam duplicatam radii vectoris fuerit.*

Demonstratio. Quoniam vis insita æquabilis, sive projectionis, a nulla alia afficitur, quam a vi centrali (82); quamdiu vis centralis lege eadem agit, tamdiu corpus in trajectory eadem, in eodem plano descripta, eundemque situm conservante, moveri debet: & si quidem hæc trajectory sit ellipsis, lex vis centralis semper est (163), ut agat in ratione reciproca duplicata radii vectoris. Quod si itaque lex hæc mutetur, distantia corporis a centro virium in singulis trajectory suæ punctis, eadem manere nequeunt cum illis, quibus puncta ellipseos immobilis ab eodem foco distabant. Supponamus itaque corpus circa apsidem superiorem suæ ellipseos versari, & versus inferiorem progredi, ita, ut directione versus focum manente, vis centralis paullo minor fiat, quam pro ratione reciproca duplicata radii vectoris: tum vero necesse est, ut radius vector longior evadat, corpore non amplius tanta vi, ac prius, versus focum nitente. Atque ita vel corpus extra ellipsin antea descriptam exhibit, ut aliam curvam percurrat; vel vero supponi debet, ellipsin ipsam circa focum suum ita moveri, ut talem semper situm obtineat, in quo corpus ejus circumferentiam deferere non

possit. Quod si ponatur, evidens est, apsidem superiorem debere versus eandem plagam, in quam tendit corpus, promoveri, cum puncta huic apsidi vicina ceteris longius a foco, in quo centrum virium est, distent. Itaque in hac hypothese axis major ellipsis progredi debet versus partem, in quam corpus movetur, & quidem eo celerius, quo decrementum vis centralis majus fuerit. Oppositum evenire debet, si ponatur vis centralis augeri: tunc enim corpus majore vi, quam prius, versus focum nitens, ellipseos peripheriam defereret, ac aliam curvam intra ellipsin describeret, nisi ipsa ellipsis circa focum suum rotaretur, ut eæ circumferentiæ partes semper corpus attingerent, quæ distantiam a foco novæ vi centrali competentem habent. Facile autem perspicitur, id fieri non posse, nisi apsis superior a corpore removeatur, utpote circa quam distantia a foco nimis magnæ sunt: unde in hac hypothese apsis in partem contrariam motui corporis tendere debet, celeritate augmento vis centralis proportionali.

175. Observa I. Consideranti patet, hypothesein ellipseos circa focum suum motæ locum non posse in omnibus casibus habere, quibus vis centralis mutari potest; unde si id fieri supponatur, necesse est, ut decrementum vel incrementum vis centralis majus non sit, quam ut corpus ad distantiam aphelii, vel perihelii moveatur, ac insuper eadem mutatio virium per motum debitum lineæ apsidum compensetur: alias impossibile est, ut corpus semper in circumferentia ellipseos maneat.

II. Quod hic de ellipsi dicitur, cum proportionem alteri cuiusvis trajectoriæ applicari potest, modo mutantur, quæ curvatura orbitæ, & species vis centralis agentis mutari exigunt.

176. Corollarium. Si igitur ex observationibus constiterit, situm lineæ apsidum mutatum fuisse, id argumento erit, interea variationem aliquam in lege vis centralis contigisse; Et si quidem linea apsidum motum continuum & periodicum habeat, is effici debet per actionem aliquam, quæ perpetuo cum vi centrali concurrat, eamque modificat.

C A P U T III.

De legibus motus cometarum.

ARTICULUS I.

De phænomenis motus Cometarum ex sole spectatorum generatim, & de hypothese physica, quæ eidem explicando serviat.

Post accuratum, & secundum omnes circumstantias exactum examen cursus plurium cometarum, observator noster sequentia tanquam ex ipsis observationibus certa deducet.

177. I. *Phænomenon*. Directio motus cometarum non tendit in eandem plagam, neque eorum orbitæ in eadem fere cæli regione describuntur; sed alii *directi* sunt, hoc est, moventur ab occidente versus ortum, ut planetæ; alii sunt retrogradi, sive ab ortu in occasum tendunt. Quidam a parte cæli borea versus austrum; quidam ab austro versus boream motus suos peragunt, ita ut eorum orbitæ diversissimæ versus omnem partem sese interfecent.

178. II. *Phænomenon*. Nullus cometa per integram suam revolutionem conspicuus est; sed quidam tempore apparitionis suæ describunt arcum 80, vel 100 graduum, alii majores, ut 150, 200, 250, 300 &c. graduum.

179. III. *Phænomenon*. Cometæ videntur eo majorem portionem suæ orbitæ describere, quo majorem habent velocitatem; & ex opposito.

180. IV. *Phænomenon*. Cometarum velocitas, & diameter apprens semper crescit a tempore primæ apparitionis, usque dum ad medium arcus, quem percurrunt, pervenerint; tum rursus iisdem gradibus & celeritas, & diameter minuitur, quibus accreverat; ita ut in æqualibus a medio puncto orbitæ visibilis distantis cometarum celeritates & diametri æquales sint.

181. V. *Phænomenon*. Cometæ semper videntur moveri in circulo maximo sphæræ cælestis.

182. Universim inter motus cometarum & planetarum primariorum exactissima est analogia, & nullum discrimen nisi duabus in rebus: *Primo*, quod directio cometarum nullam certam cæli plagam respiciat, sed quaquaversum tendat, ubi ex opposito planetæ omnes eandem pene viam sequuntur. *Secundo*, quod cometæ non observentur integras revolutiones absolvere.

183. Ex omnibus autem istis observator concludet primo, *cometas non habere certum aliquem zodiacum in cælo*, ut suum habent planetæ. *Secundo eorum trajectorias non esse rectas, neque curvas, quæ convexitatem soli obvertant*, saltem si agatur de iis cometis, qui 180 gradibus plures describunt: est enim impossibile, ut recta utcunque longa, & utcunque posita, vel curva versus oculum convexa, sub angulo 180 graduum appareat: sed vero similis est, *cometarum orbitas esse curvas versus solem cavas*, quarum rami utrinque in infinitum abeunt, uti sunt parabola vel hyperbola: vel saltem *quæ in se non redeunt, nisi ad distantiam fere infinitam a sole*. *Tertio cometas ad diversas distantias prope solem transire*, eosque viciniore fieri soli, qui celerius moveri, ac majorem describere arcum videntur; & ex opposito. *Quarto, eorum orbitas esse curvas regulares, viribus motricibus certam & constantem legem sequentibus*. *Quinto, Quamvis orbitam in uno eodemque plano totam esse,*

nec

nec extra illud excurrere. Denique admodum probabile esse, cometas moveri legibus motui planetarum analogis, hoc est, retineri in orbitis duplici vi, altera insita, seu projectionis, æquabili; altera acceleratrice centrali versus solem tendente, & in ratione functionis alicujus eorum distantiarum a sole variabili, id, quod satis indicat regularis acceleratio, & retardatio motus, cavitatis trajectoriæ soli semper obversa, & maxime analogia inter diametros apparentes, velocitates, & distantias.

184. Neque obest huic hypothese duplex illud discrimen inter cometas, & planetas superius annotatum. Nam cum *Primo* motus projectionis nulli determinatæ directioni sit affixus, sed versus quamcumque plagam æqualiter fieri possit, nihil sane impedire potest, quo minus a dextra versus sinistram; a sinistra versus dextram; a meridie versus septentrionem, a septentrione versus meridiem tendat. Jam vero cum positio plani, in quo motus compositus ex projectione, & vi centrali peragitur, unice a situ centri virium, & directione primi impulsus vis insitæ dependeat; nihil certe obstare poterit, quo minus sydus aliquod in orbita longe ab aliorum orbitis diversa moveatur, præsertim cum primus astrorum motor a nulla prorsus re determinetur, ut in hanc potius ea plagam, quam in aliam impellat. *Secundo.* Si orbita alicujus planetæ sit adeo eccentrica, ut ejus diameter in aphelio constituti sub angulo infinite parvo videatur; manifestum est, eam, consequenter etiam ipsum planetam, in aphelio invisibilem esse; atque hinc apparere nequit, nisi quando circa perihelium versatur; & universim nusquam planeta visibilis esse debet, nisi in distantis non nimium a sole remotis, & quando ejus diameter angulum aliquem sensibilem facit.

185. His ita constitutis hypothesis naturæ maxime congrua hæc interea observatori nostro videbitur, donec ulterioribus observationibus vel stabiliatur penitus, vel evertatur: *Cometas omnes moveri in ellipsis valde eccentricis, quarum plana per solem in communi earum foco constitutum transeant; motus vero eorum iisdem legibus accelerari, & retardari, quibus planetæ subsunt.* Atque hinc theoria planetarum etiam cometis sufficit.

186. Sed quoniam calculus astronomicus in ellipsis valde eccentricis admodum prolixus & intricatus est (138); & cometæ non apparent nisi parte exigua temporis revolutionis; denique curvatura ellipseos, cujus foci magnam habent distantiam, versus vertices axis majoris, valde vicina est curvaturæ parabolæ (est enim (Elem. 806) parabola nihil aliud, quam ellipsis, cujus foci distantiam infinitam habent): licebit citra errorem sensibilem orbitæ cometarum visibili portionem parabolæ substituere.

187. Ex hypothesi, quod orbitæ cometarum ellipticæ sint, & ejusdem naturæ cum trajectoriis planetarum, nisi quod majorem habeant eccentricitatem, consequitur, cometas debere statas habere periodos, atque ideo plures jam sæpius in reditu observari potuisse; denique reditum ipsum prædici, ac omnia futuræ apparitionis phænomena præsciri. Et sane eo jam provecta esset res Astronomica, si superiorum ætatum Astronomi accuratas nobis cometarum sibi visorum observationes transmisissent. Verum quia partem maximam cometas pro Meteoris habebant, sive pro corporibus ex diversa materia in aere temere conflatis, postea exardescens, ac paulatim consumptis, quæ ab aere ambiente sine certa legē deferrentur, operæ pretium se facturos haud putarunt, si eorum cursum accuratius observarent; sed satis illis fuit annoasse, hoc illove anno cometam majorem minoremve, visum esse, qui hanc, aut illam constellationem percurreret. Fortasse etiam nullum prorsus ad nos antiquius monumentum apparentium cometarum pervenisset, nisi tanquam funesti nuncii alicujus magni infortunii imminentis fuissent habiti. Nondum duo abierunt sæcula, cum cometæ accurate observari cœperunt; & ab illo tempore non nisi 40 fuerunt, quorum motus cum necessariis circumstantiis annotati. Nil igitur mirum est, quod eorum reditus nondum prædici possit. Tempora eorum periodica longissima sunt, cum eorum velocitas circa aphelia exigua esse debeat. Si exempli causa cometæ distantia a sole in aphelio sit centies major, quam in perihelio, ejus velocitas angularis in aphelio decies millies minor est, quam in perihelio; & hinc si in perihelio tempore unius diei describat unum gradum; in aphelio 10000 diebus, seu plus 27 annis opus est, ut gradum unicum percurrat. Duo solum hucusque fuerunt cometæ, quorum tempus revolutionis utcunque sciat, alter observatus annis 1531, 1607, & 1682, qui adeo circa annum 1758 rediturus sit; alter, qui circa finem anni 1680 valde magnus apparuit: & collatis inter se diversis historiæ monumentis, admodum vero simile videtur, eum esse eundem cum illis, qui an. 1106, 531, & circa mortem Cæsaris sunt visi, cujus tempus periodicum consequenter est 575 annorum. Rediisse autem tunc cometa censendus est, si positio & dimensio ejus orbitæ congruat proxime cum iis, quæ in jam prius observatis per calculum methodo in sequentibus exponenda (Sect. IV. Cap. II. Art. 2.) institutum deprehenduntur. Tum vero intervallum temporis inter eorum transitum per perihelium dat tempus periodicum, vel ejus multiplum, quod ex historia apparitionum cometarum superioribus sæculis visorum comprobandum est.

188. Legibus corporum in trajectoriis conicis motorum præcedente capite generatim expositis, restat solum, ut eas in particulari parabolæ & cometis applicemus.

ARTICULUS II.

De Legibus peculiaribus corporum in trajectoria parabolica motorum, quæ simul exemplo illustantur.

189. THEO- *Velocitas u in quovis loco P Parabolæ, est ad velocitatem V, qua*
 REMA I. *corpus viribus centralibus circulum describeret, centro virium*
existente centro circuli, cujus radius æqualis radio vectori SP (fig. 71.), ut $\sqrt{2}$
ad 1; seu quod idem est, ut 2 ad $\sqrt{2}$.

Demonstratio. $u = \frac{\sqrt{4AS}}{ST} (166) = \frac{\sqrt{4AS}}{\sqrt{SP \cdot AS}} (164) = \frac{2}{\sqrt{SP}}$; igitur $uu = \frac{4}{SP}$. Est vero circulus (cujus radius SP) nihil aliud,
 M quam

quam ellipsis, cujus parameter est $2 SP$ (Elem. 801), & in hac celeritas V est constans (88); hinc $V = \frac{\sqrt{2SP}}{SP}$, & $V V = \frac{2SP}{SP^2} = \frac{2}{SP}$;

consequenter $uu : VV = \frac{4}{SP} : \frac{2}{SP} = 4 : 2 = 2 : 1$; & $u : V = 2 :$

$\sqrt{2} = \sqrt{2} : 1$.

190. THEOREMA II. *Velocitas angularis corporis existentis in extremitate semiordinatæ ex foco, in quo est centrum virium, ad axem erectæ, est subquadrupla velocitatis, quam idem corpus habet in vertice sectionis, foco vicinissimo, si sectio sit parabola; sed major quam $\frac{1}{4}$, si sectio sit ellipsis; eadem denique minor, si sit hyperbola.*

Cum enim velocitates semper sint in ratione reciproca duplicata distantiae, velocitas corporis in vertice sectionis est ad velocitatem ejusdem in extremitate semiordinatæ ex foco ductæ, ut quadratum hujus semiordinatæ ad quadratum distantiae foci a vertice. Atqui semiordinata per focum transiens est in parabola dupla distantiae foci a vertice; in ellipsi autem minor, quam dupla illa distantia; & in hyperbola major, quam dupla; igitur ratio reciproca duplicata distantiarum in Parabola est 4 ad 1; in ellipsi est minor, quam 4 ad 1; in hyperbola major, quam 4 ad 1.

191. Corollarium. Hinc deducitur, ex observato motu cometæ, facile posse judicium ferri, an ad sensum in ellipsi moveatur, consequenter an ejus reditus intra tempus non adeo magnum sperari possit; an vero describat parabolam, nec nisi post longum admodum intervallum rediturus sit, ex hypothesi scilicet, quod portio illa parabolæ orbitæ apparentis sit revera pars ellipseos valde eccentricæ: an denique percurrat hyperbolam, ac ideo reditus illius penitus desperandus sit. Etenim si observetur cometa, quando celeritatem maximam habet, & in distantia 90 graduum utrinque a loco celeritatis maximæ, reperiaturque, quod velocitas in ea distantia sit sensibilibiter major, quam $\frac{1}{4}$ velocitatis maximæ, recte concludetur, cometam etiam ad sensum in ellipsi deferri: sed si ea deprehendatur accurate $\frac{1}{4}$ velocitatis maximæ æqualis, aut vero tam exigua sit ab hac quantitate differentia, ut merito erroribus, qui inter observandum evitari non possunt, adscribi queat, statuetur cometæ orbita ad sensum parabolica. At illud vix eveniet, ut velocitas in dicta distantia notabiliter minor inveniat, quam $\frac{1}{4}$ velocitatis maximæ: id enim si esset, cometa corpus esset, quod in spatiis cælestibus in infinitum abiret, nec unquam ad solem reverteretur.

192. THEOREMA III. *Tempus, quo cometa ex Parabolæ vertice A (sive suo perihelio) venit in M, ubi (fig. 73) semiordinata per focum S transiens secatur Parabolam, seu quod eodem recidit, tempus, quo cometa e sole S visus a suo peri-*

194. Ex consideratione harum observationum patet, cometæ velocitatem maximam fuisse inter dies quintam & sextam Junii. Determinandum itaque est ipsum temporis momentum, quo cometa velocitatem maximam habuit, & quanta ea fuerit pro tempore exiguo, veluti pro 4 horis; id, quod fieri potest interpolatione differentiarum secundarum, quæ ex observationibus dierum 3, 4, 5, 6, 7, & 8 Junii deducuntur, uti jam (106) explicatum est; aut vero interpolari poterunt quatuor consequenter observationes æqualibus intervallis ante & post diem 6 Junii acceptæ, & duplex tempus quæri, quo cometa eandem habuit velocitatem angularem. Utraque hac methodo reperietur, quod cometa die 5 Junii 16 h. 0'. 0'' per suum perihelium transierit, quod fuit 3°. 8°. 0'. 0'', existente velocitate angulari intra 4 horas 45'. 50''.

195. His positis, ordinata ad axem per focus parabolæ, quæ describi a cometa assumitur, transiens secatur parabolam in 0°. 8°. 0'. 0'' ex una; & ex altera parte in 6°. 8°. 0'. 0'', quibus in locis cometa circa 3 May & 9 Julii fuit. Ac interpolando observationes 2, 3 & 4 May, reperitur fuisse in 0°. 8°. 0'. 0'' die 3 May. 8 h. 0'. 0'', cum velocitate angulari intra quatuor horas 11'. 28''. Similiter ex interpolatione observationum 8, 9 & 10 Julii invenitur velocitas angularis die 9 Julii in ipso meridie (quo nempe fuit in 6°. 8°. 0'. 0'') fuisse 11'. 27''. 5. pro quatuor horis. Ex quo apparet, has velocitates non modo esse sensibilibus æquales, sed etiam fere subquadruplas velocitatis in perihelio 45'. 50''. Quare hæc tria puncta trajectoriæ cometæ, in quibus fuit 3 May 8 h., 5 Junii 16 h. & 9 Julii in meridie, in parabola existunt, ita ut medium sit vertex, reliqua duo in extremitatibus ordinatæ ad axem per focus transeuntis.

196. Ut sciatur, an omnia reliqua puncta trajectoriæ sint in eadem parabola, accipienda est velocitas aliqua angularis, quam inter duo ex præcedentibus punctis cometa habuit, uti dum in 5°. 13°. 34'. 50'' fuit, sive dum a perihelio 65°. 34'. 50'' abfuit die 24 Junii; quæ quidem per interpolationem reperitur 22'. 53'' pro duabus horis ante, & totidem post meridiem. Supponatur dein A P M (fig. 73) orbita parabolica, in cujus vertice A perihelium, sol in foco S, directrix parabolæ B C, locus cometæ die 24 Junii in P, angulo P S A 65°. 34'. 50'' existente; erit velocitas cometæ in A 45'. 50''; & in P 22'. 53''. Inde ratio distantiarum SA, SP erui potest: posita enim SA 1000 partium, fiat: ut 22' 53'' ad 45' 50''; ita SA² est ad SP² = 2002913, cujus radix est 1415. Datis itaque in triangulo rectangulo P S Q latere SP = 1415, & angulo ad S = 65°. 34'. 50'', invenitur SQ = 585. Est autem ex natura parabolæ PS = PC = BQ, adeoque PS + SQ = BS = 2 SA; & hinc summa de PS & SQ de-

bebit

bebit esse dupla distantiae SA ; & id quidem ita habet ; nam $1415 + 585 = 2000$.

197. *Observa.* An hypothesis recte assumpta sit, ita etiam indagari potest : nempe ex tribus velocitatibus angularibus haberi possunt tres rectae magnitudine & positione datae : quaeritur dein, quænam e sectionibus conicis, & cujus dimensionis, per earum extrema transeat. (Elem. 882).

Pluribus cometis ad hujusmodi calculos revocatis, noster observator inferet

198. I. *Orbitas cometarum esse ad sensum parabolicas, in quarum foco sol existat, quæque iisdem prorsus legibus describuntur, quibus Planetae suis percurrunt.*

199. II. *Diversorum cometarum orbitas discerni posse primo ex ratione velocitatum, quas habent in suis periheliis : ex his enim eruitur ratio parametrarum parabolarum, quæ sunt quadruplæ distantiarum in periheliis. Secundo ex loco cæli, vel vicinia alicuius stellæ fixæ, prope quam cometæ fuerunt in perihelio. Tertio ex constellationibus, per quas semitæ cometarum transeunt, consequenter ex positione planorum circulorum maximorum, in quibus orbitæ describuntur. Quarto denique ex diversitate diametrorum, quando cometæ sunt in perihelio. Unde cometa unus, idemque censendus est, dum idem fuerit locus perihelii, eadem velocitas maxima in perihelio, idem planum orbitæ, eadem diameter apparens in iisdem trajectoriæ locis.*

200. III. *Ipsam denique numerum cometarum per longam observationum seriem determinari posse, collatis inter se diversis orbitalium dimensionibus ex ipsis observationibus deductis. Verum id non nisi plurium sæculorum labore præstari potest.*

ARTICULUS III.

De ratione distribuendi inæqualitates Cometarum in diversis orbitalium parabolicarum locis.

201. **Q**uoniam cometæ iisdem legibus subsunt, quas planetæ observant, liquet jam, eorum inæqualitates in diversis orbitæ locis ita distribuendas esse, ut sint areae, quas radius vector verrit, temporibus proportionales. Itaque iisdem principiis calculus eorum anomalæ veræ innititur, quibus pro planetis usi sumus ; & illud præterea observandum, quod hæ anomalæ computari debeant ab ipso perihelio, temporibus itidem a transitu per illud sumtis. Unde huc res redit, ut solvatur problema sequens : *Datis parametro parabolæ, differentia inter tempus datum, & transitum cometæ per suum perihelium, positione perihelii, sive axis parabolæ, invenire anomaliam*

veram cometæ, hoc est angulum ad solem inter perihelium, & locum cometæ pro tempore dato interceptum. Verum hoc problema ad tria alia redu-
citur, quæ subjicimus:

202. PROBLEMA I. Invenire æquationem, quæ exprimat rationes inter anomaliam veram cometæ; inter tempus, quo eandem conficit; & inter tempus, quo 90° a suo perihelio digreditur.

Resolutio. Sit t tangens dimidiæ anomalie alicujus veræ ASP (fig. 73), sit a tempus, quo cometa a perihelio ad 90° digreditur; b tempus, quo ab eodem ad locum P pervenit; distantia in perihelio a sole $SA = 1$: dico, æquationem quæsitam esse $3at + at^3 = 4b$.

Demonstratio. Ex puncto P erigatur perpendicularis ad tangentem PD , ducatur etiam semiordinata PQ , & jungatur PA , erit *Primo* angulus $PD A = \frac{1}{2} ASP$. Nam demisso ad PT perpendiculo SN , ob triangulum PST isosceles, est angulus $PSN = \frac{1}{2} ASP$; & ob triangu-
la rectangula PSN , TPD similia, est $PD A = NSP = \frac{1}{2} ASP$. *Secundo* erit $\frac{1}{2} PQ = t$. Etenim si DQ accipia-
tur pro radio, est PQ tangens anguli PDQ . Est autem (Flem. 824) $DQ = 2AS$, ergo AS accepto pro radio, est PQ dupla tangen-
tis anguli PDQ , seu $PQ = 2t$; ergo $\frac{1}{2} PQ = t$. Erit *tertio* $AQ = tt$. Nam in triangulo rectangulo TPD habetur (Elem. 561) $QD : PQ = PQ : QT$, consequenter $QT = 2tt$: est vero (Elem. 827) $2AQ = QT$, adeoque $AQ = tt$. Erit *quarto* area sectoris parabolici $ASP = t + \frac{1}{3}t^3$. Quippe area trianguli rectanguli $QAP = \frac{1}{2}PQ \cdot QA = t \times tt = t^3$; & hinc area segmenti $AOPA = \frac{1}{2}t^3$. Nam (Elem. 889) hæc area est $\frac{1}{8}PQ \cdot QA = \frac{1}{8} \text{ de } 2t \cdot tt = \frac{1}{4}t^3$. Similiter area trianguli $APS = \frac{1}{2}AS \cdot PQ = \frac{1}{2} \times 2t = t$: ergo area sectoris $ASP = \frac{1}{3}t^3 + t$. Erit *quinto* area sectoris $ASMOA = \frac{4}{3}$; est enim (Elem. 888) $= \frac{2}{3}AS \cdot SM$, five $\frac{2}{3} \cdot 1 \cdot 2$; ergo $= \frac{4}{3}$. Denique tempus a est ut eadem area $ASMOA$; & tempus b ut $ASPOA$. Habetur igitur hæc proportio: $a : \frac{4}{3} = b : t + \frac{1}{3}t^3$; & inde æquatio $3at + at^3 = 4b$.

203. Corollarium I. Datis temporibus a & b reperitur tangens dimidiæ anomalie veræ PSA , si resolvatur hæc æquatio tertii gradus $t^3 + 3t = \frac{b}{\frac{1}{4}a}$, id quod in praxi facile hunc in modum præstatur. Sit triangulum ABC ad A rectangulum (fig. 72), cujus unum latus AB po-
natur $= 1$, alterum $AC = \frac{b}{\frac{1}{2}a}$; quærat^r ejus hypotenusa BC , & inveniantur duæ mediæ proportionales inter $BC + AC$ & $BC - AC$; harum differentia erit valor t .

204. Oporteat exempli causa invenire locum verum cometæ pro meridie diei 21 Junii. A transitu ejus per perihelium die 5 Junii 16 h. (194) usque ad 21 Junii merid. intercedunt 15 d. $\frac{1}{3}$; adeoque $a = 33\frac{1}{3}$, $b = 15\frac{1}{3}$; hinc $t^3 + 3t = \frac{15\frac{1}{3}}{8\frac{1}{3}}$. Ponatur $AC = \frac{15\frac{1}{3}}{16\frac{2}{3}} = 0.92$; ergo (Elem. 756) hypotenuſa $BC = 1.3588$; $BC + AC = 2.2788$; & $BC - AC = 0.4388$: duæ mediæ proportionales ſunt 1.3159, & 0.7599; earum differentia 0.5560; cujus logarithmus 9.7450748 eſt idem cum logarithmo tangentis $29^\circ. 4' 27''\frac{1}{2}$, cujus duplum eſt angulus $PSQ = 58^\circ. 8'. 55''$; qui additus ad $3^\circ. 8'. 0''. 0''$, verum locum perihelii, dat locum verum cometæ pro meridie diei 21 Junii $5^\circ. 6'. 8'. 55''$.

205. Corollarium II. Si formula $3at + at^3 = 4b$ reducatur ad hanc $\frac{1}{4}t^3 + \frac{3}{4}t = \frac{b}{a}$, eruitur, quod ſi in diverſis parabolis ſit eadem anomalia vera, tempus, quo in ſingulis a perihelio ad eam corpus pervenit, ſit ut tempus, quo ab eodem perihelio ad diſtantiam 90° digreditur, & viciffim. Nam ſi eadem ſit utrobique anomalia vera, eſt $\frac{1}{4}t^3 + \frac{3}{4}t$ quantitas conſtans; adeoque $\frac{b}{a}$ exprimit rationem conſtantem temporum, quibus eadem anomalia vera in utraque parabola percurritur, ad tempora, quibus cometæ ad diſtantiam 90° a perihelio perveniunt.

206. Corollarium III. Data anomalia vera, & tempore, quo cometa a perihelio ad 90° digreſſus eſt, invenitur tempus reſpondens anomalix datæ ex æquatione $b = \frac{3}{4}at + \frac{1}{4}at^3$, ſeu $4b = 3at + at^3$.

207. Corollarium IV. Data anomalia vera, & tempore correſpondente, reperitur tempus, quo cometa a perihelio ad 90° pervenit, ex æquatione $a = \frac{4b}{3t + t^3}$. Quod ſi itaque inveniendum ſit tempus, quo cometa, cujus diſtantia in perihelio ſit eadem cum diſtantia media telluris a ſole, a perihelio ad 90° pervenire poſſit, ſequens calculus fiat.

208. Quoniam tellus intra dies 365, horas 6, minuta 9 orbitam percurrit: ejus velocitas intra horam unam eſt $2'. 27''. 50''' . 5$. Eſt autem, ob diſtantias per hypotheſin æquales a centro virium, velocitas in parabola ad velocitatem in circulo, ut $\sqrt{2}$ ad 1 (189); ergo velocitas cometæ in ſuo perihelio intra horam reperitur $3'. 29''. 4''' \frac{3}{4}$; & hinc habetur $4b = 4$ horis $= \frac{1}{6}$ diei, cujus logarithmus eſt 9.42218487; & logarithmus tangentis $t = 1'. 44''. 32''' \frac{3}{8}$ eſt 6.7048558: addito logarithmo de 3, habetur logarithmus de $3t = 7.1819771$. Logarithmus vero de t^3 eſt 0.1145674, cui reſpondet fra-

fractio decimalis adeo exigua, ut ejus notis præfigi debeant novem zeri, quæ consequenter tuto negligitur. Unde subtractis 7.1819771 ex 9.2218487, relinquitur 2.0398716, cui logarithmo respondent 109, 6154 dies, sive valor de a . Cometa igitur cujus distantia in perihelio eadem foret cum distantia media telluris a sole, intra 109 dies, 14 h. 46'. 12'' a perihelio suo ad distantiam 90 graduum veniret.

209. PROBLEMA II. *Invenire æquationem, quæ exprimit rationem distantiae cometæ in suo perihelio SA (fig. 73), alicujus anomalie veræ ASP , & radii vectoris, seu distantiae a sole SP .*

Resolutio. Sit p distantia in perihelio; c cosinus dimidiæ anomalie veræ; r sinus totus; d radius vector, sive distantia cometæ a sole: erit $cc d = p r r$.

Demonstratio. Quia SN est perpendicularis ad PT , angulus NSP æquatur dimidio ASP , consequenter SPN est complementum dimidiæ anomalie veræ. Quod si jam accipiatur SP pro sinu toto, habetur $r : \sin SPN (= c) = SP : SN$; & $r^2 : c^2 = SP^2 : SN^2$. Est vero (164) $SP : SN = SN : AS$; & (Elem. 318) $SP^2 : SN^2 = SP (= d) : AS$ (sive p): igitur etiam $r^2 : c^2 = d : p$, & $cc d = p r r$.

210. Corollarium. *Si in diversis parabolis habeatur eadem anomalia vera, radii vectores ei convenientes sunt ut distantie in periheliis. Cum enim ratio $cc : rr$ constans sit, erit etiam $d : p$ constans.*

211. PROBLEMA III. *Distantias in periheliis diversorum cometarum in communi aliqua scala exhibere; assumpta v. g. distantia media telluris a sole pro unitate.*

Resolutio. Fiat: ut 109 d. 14 h. 46'. 12'' ad tempus, quo cometa a suo perihelio ad 90° digreditur; ita est unitas ad radicem quadratam cubi distantie in perihelio, quæ queritur. Exempli gratia pro cometa articuli 193 erit: 109 d. 14 h. 46'. 12'' : 33 d. 8 h. = 1 : 0.304093, cujus quadratum est 0.92472552649; radix cubica 0.4522, quæ est distantia hujus cometæ in perihelio.

Demonstratio. Tempus, quo cometa a suo perihelio digredere-
tur ad 90°, est ut tempus, quo describeret circa solem, tanquam
centrum, circulum, cujus radius p æqualis distantie cometæ in pe-
rihelio; quia scilicet tempora semper sunt in ratione arearum; & po-
sita $AS = p$ (fig. 72) area $ASMOA$ fit (Elem. 888) $\frac{4}{3}pp$, conse-
quenter ut pp (54), in qua ratione etiam est circulus radio AS de-
scriptus. Est autem (168) tempus revolutionis in circulo ut radix
quadrata cubi diametri, sive etiam radii; ergo tempus, quo cometa
a perihelio ad 90° digreditur, est ut $\sqrt{p^3}$. Itaque si distantia cometæ
in perihelio determinanda sit in partibus scalæ, in qua pro unitate
assumitur distantia media telluris a sole, faciendâ est hæc analogia:
ut 109, 6154 dies (tempus scilicet, quo a perihelio cometa pervenit
ad

ad 90° in parabola, in qua distantia in perihelio æquatur distantiae mediæ telluris a sole) ad tempus, quo cometa quivis alter a perihelio suo ad 90° digreditur; ita 1 (quia $\sqrt{1^3} = 1$) est ad $\sqrt{p^3}$.

212. Corollarium. Ex his, & prius demonstratis inferes, quod *si anomalie veræ in quacunque parabola semel rite sint calculatæ, eæ usui esse possint pro quovis alio cometa, cujus distantia in perihelio datur.* Si enim eædem sint in diversis parabolis anomalie veræ, radii vectores d sunt ut distantie a periheliis (210); sive (Elem. 308) $\sqrt{d^3}$ est ut $\sqrt{p^3}$. Atqui $\sqrt{p^3}$ est (211) ut tempus; quo a perihelio ad distantiam 90° cometæ perveniunt: & quando anomalie veræ sunt eædem (205), hoc tempus est etiam ut tempus, quo eædem anomalie conficiuntur a perihelio; igitur dum eædem sunt anomalie veræ in diversis parabolis, $\sqrt{p^3}$ est ut tempus, quo a perihelio ad easdem anomalias cometæ perveniunt. Unde constructa tabula anomaliarum verarum ad singulos dies a transitu cometæ per suum perihelium in parabola quacunque, v. g. in qua distantia in perihelio sit æqualis distantie mediæ telluris a sole (quæ supponatur = 1) ea fervire potest pro inveniendis anomaliis veris alterius cujuscunque cometæ ex sequente analogia: *ut radix quadrata cubi distantie cometæ in perihelio ad unitatem; ita est intervallum inter transitum ejusdem per suum perihelium & tempus quodvis aliud, ad tempus, quo cometa (pro quo tabula constructa est) ad eandem anomaliam veram pervenit.*

213. Hunc in finem sequens tabula constructa est: cujus usus magis ex sequentibus patebit. Interea tamen is ostendi potest in exemplo N. 204, si scilicet fiat: ut radix quadrata cubi de 0.4522, sive 0.304093, est ad 1, ita $15\frac{1}{2}$ dies ad 50.4232 dies, quibus in tabula respondent $58^\circ. 8'. 55''$, quemadmodum supra directe per calculum inventum est.

214. Observa. Logarithmus radices quadratæ cubi alicujus quantitatis obtinetur, si accipiatur medietas tripli logarithmi illius quantitatis. Triplum enim logarithmi alicujus quantitatis est logarithmus cubi ejusdem (Elem. 342); & dimidium logarithmi est logarithmus radices quadratæ (Elem. 343).

Intervalum diurnum inter transit. per perihelium	Anomalia vera	Intervalum diurnum inter transit. per perihelium	Anomalia vera	Intervalum diurnum inter transit. per perihelium	Anomalia vera	Intervalum diurnum inter transit. per perihelium	Anomalia vera
1	1. 23. 37.	51	58. 37. 2.	101	86. 49. 55.	151	101. 31. 47.
2	2. 47. 12.	52	59. 25. 1.	102	87. 13. 2.	152	101. 45. 6.
3	4. 10. 40.	53	60. 12. 15.	103	87. 35. 53.	153	101. 58. 18.
4	5. 34. 0.	54	60. 58. 44.	104	87. 58. 26.	154	102. 11. 22.
5	6. 57. 8.	55	61. 44. 30.	105	88. 20. 43.	155	102. 24. 19.
6	8. 20. 2.	56	62. 29. 32.	106	88. 42. 43.	156	102. 37. 9.
7	9. 42. 38.	57	63. 13. 52.	107	89. 4. 26.	157	102. 49. 52.
8	11. 4. 54.	58	63. 57. 30.	108	89. 25. 53.	158	103. 2. 27.
9	12. 26. 46.	59	64. 40. 28.	109	89. 47. 5.	159	103. 14. 56.
10	13. 48. 14.	60	65. 22. 45.	110	90. 8. 1.	160	103. 27. 18.
11	15. 9. 14.	61	66. 4. 23.	111	90. 28. 42.	161	103. 39. 34.
12	16. 29. 43.	62	66. 45. 22.	112	90. 49. 8.	162	103. 51. 42.
13	17. 49. 39.	63	67. 25. 43.	113	91. 9. 20.	163	104. 3. 44.
14	19. 9. 1.	64	68. 5. 27.	114	91. 29. 17.	164	104. 15. 40.
15	20. 27. 47.	65	68. 44. 34.	115	91. 49. 0.	165	104. 27. 29.
16	21. 45. 53.	66	69. 23. 5.	116	92. 8. 30.	166	104. 39. 13.
17	23. 3. 19.	67	70. 1. 1.	117	92. 27. 45.	167	104. 50. 50.
18	24. 20. 3.	68	70. 38. 22.	118	92. 46. 48.	168	105. 1. 20.
19	25. 36. 3.	69	71. 15. 9.	119	93. 5. 37.	169	105. 13. 45.
20	26. 51. 17.	70	71. 51. 23.	120	93. 24. 13.	170	105. 25. 4.
21	28. 5. 45.	71	72. 27. 4.	121	93. 42. 37.	171	105. 36. 17.
22	29. 19. 25.	72	73. 2. 13.	122	94. 0. 48.	172	105. 47. 25.
23	30. 32. 16.	73	73. 36. 51.	123	94. 18. 47.	173	105. 58. 27.
24	31. 44. 17.	74	74. 10. 58.	124	94. 36. 34.	174	106. 9. 23.
25	32. 55. 27.	75	74. 44. 34.	125	94. 54. 9.	175	106. 20. 14.
26	34. 5. 45.	76	75. 17. 40.	126	95. 11. 32.	176	106. 30. 59.
27	35. 15. 11.	77	75. 50. 18.	127	95. 28. 44.	177	106. 41. 39.
28	36. 23. 45.	78	76. 22. 28.	128	95. 45. 45.	178	106. 52. 13.
29	37. 31. 25.	79	76. 54. 9.	129	96. 2. 35.	179	107. 2. 43.
30	38. 38. 11.	80	77. 25. 23.	130	96. 19. 14.	180	107. 13. 7.
31	39. 44. 4.	81	77. 56. 10.	131	96. 35. 42.	181	107. 23. 26.
32	40. 49. 3.	82	78. 26. 30.	132	96. 52. 0.	182	107. 33. 40.
33	41. 53. 9.	83	78. 56. 25.	133	97. 8. 7.	183	107. 43. 50.
34	42. 56. 19.	84	79. 25. 55.	134	97. 24. 4.	184	107. 53. 54.
35	43. 58. 35.	85	79. 54. 59.	135	97. 39. 51.	185	108. 3. 54.
36	44. 59. 58.	86	80. 23. 37.	136	97. 55. 28.	186	108. 13. 48.
37	46. 0. 27.	87	80. 51. 55.	137	98. 10. 56.	187	108. 23. 38.
38	47. 0. 2.	88	81. 19. 48.	138	98. 26. 14.	188	108. 33. 23.
39	47. 58. 44.	89	81. 47. 18.	139	98. 41. 23.	189	108. 43. 5.
40	48. 56. 34.	90	82. 14. 25.	140	98. 56. 22.	190	108. 52. 41.
41	49. 53. 32.	91	82. 41. 10.	141	99. 11. 13.	191	109. 2. 13.
42	50. 49. 38.	92	83. 7. 33.	142	99. 25. 54.	192	109. 11. 40.
43	51. 44. 52.	93	83. 33. 36.	143	99. 40. 27.	193	109. 21. 3.
44	52. 39. 15.	94	83. 59. 17.	144	99. 54. 50.	194	109. 30. 22.
45	53. 32. 48.	95	84. 24. 38.	145	100. 9. 6.	195	109. 39. 37.
46	54. 25. 31.	96	84. 49. 39.	146	100. 23. 13.	196	109. 48. 47.
47	55. 17. 26.	97	85. 14. 20.	147	100. 37. 12.	197	109. 57. 53.
48	56. 8. 31.	98	85. 38. 42.	148	100. 51. 2.	198	110. 6. 55.
49	56. 58. 48.	99	86. 2. 44.	149	101. 4. 45.	199	110. 15. 53.
50	57. 48. 18.	100	86. 26. 28.	150	101. 18. 20.	200	110. 24. 47.

Intervalum dierum inter transit. per perihelium	Anomalia vera	Intervalum dierum inter transit. per perihelium	Anomalia vera	Intervalum dierum inter transit. per perihelium	Anomalia vera	Intervalum dierum inter transit. per perihelium	Anomalia vera
° ' "	° ' "	° ' "	° ' "	° ' "	° ' "	° ' "	° ' "
202	110. 42. 23.	304	121. 35. 36.	510	132. 33. 15.	1100	144. 35. 31.
204	110. 59. 43.	308	121. 54. 23.	520	132. 54. 51.	1200	145. 42. 42.
206	111. 16. 49.	312	122. 12. 47.	530	133. 15. 50.	1300	146. 42. 20.
208	111. 33. 40.	316	122. 30. 51.	540	133. 36. 15.	1400	147. 35. 45.
210	111. 50. 17.	320	122. 48. 34.	550	133. 56. 7.	1500	148. 24. 1.
212	112. 6. 40.	324	123. 5. 58.	560	134. 15. 27.	1600	149. 7. 55.
214	112. 22. 48.	328	123. 23. 2.	570	134. 34. 17.	1700	149. 48. 6.
216	112. 38. 44.	332	123. 39. 48.	580	134. 52. 39.	1800	150. 25. 5.
218	112. 54. 26.	336	123. 56. 16.	590	135. 10. 33.	1900	150. 59. 17.
220	113. 9. 56.	340	124. 12. 26.	600	135. 28. 0.	2000	151. 31. 2.
222	113. 25. 13.	344	124. 28. 19.	610	135. 45. 1.	2100	152. 0. 37.
224	113. 40. 17.	348	124. 43. 57.	620	136. 1. 40.	2200	152. 28. 19.
226	113. 55. 10.	352	124. 59. 17.	630	136. 17. 54.	2300	152. 54. 18.
228	114. 9. 51.	356	125. 14. 23.	640	136. 33. 45.	2400	153. 18. 45.
230	114. 24. 21.	360	125. 29. 13.	650	136. 49. 16.	2500	153. 41. 48.
232	114. 38. 40.	364	125. 43. 49.	660	137. 4. 25.	2600	154. 3. 28.
234	114. 52. 47.	368	125. 58. 10.	670	137. 19. 15.	2700	154. 24. 6.
236	115. 6. 43.	372	126. 12. 18.	680	137. 33. 44.	2800	154. 43. 46.
238	115. 20. 30.	376	126. 26. 12.	690	137. 47. 57.	2900	155. 2. 31.
240	115. 34. 5.	380	126. 39. 53.	700	138. 1. 51.	3000	155. 20. 23.
242	115. 47. 31.	384	126. 53. 21.	710	138. 15. 28.	3100	155. 37. 26.
244	116. 0. 46.	388	127. 6. 37.	720	138. 28. 48.	3200	155. 53. 43.
246	116. 13. 52.	392	127. 19. 40.	730	138. 41. 51.	3300	156. 9. 17.
248	116. 26. 49.	396	127. 32. 32.	740	138. 54. 40.	3400	156. 24. 10.
250	116. 39. 36.	400	127. 45. 12.	750	139. 7. 15.	3500	156. 38. 27.
252	116. 52. 14.	404	127. 57. 40.	760	139. 19. 33.	3600	156. 52. 10.
254	117. 4. 43.	408	128. 9. 58.	770	139. 31. 39.	3700	157. 5. 22.
256	117. 17. 3.	412	128. 22. 6.	780	139. 43. 30.	3800	157. 18. 7.
258	117. 29. 15.	416	128. 34. 2.	790	139. 55. 9.	3900	157. 30. 27.
260	117. 41. 18.	420	128. 45. 49.	800	140. 6. 35.	4000	157. 42. 25.
262	117. 53. 13.	424	128. 57. 25.	810	140. 17. 48.	4100	157. 53. 56.
264	118. 5. 0.	428	129. 8. 52.	820	140. 28. 50.	4200	158. 5. 4.
266	118. 16. 39.	432	129. 20. 10.	830	140. 39. 39.	4300	158. 15. 51.
268	118. 28. 10.	436	129. 31. 17.	840	140. 50. 18.	4400	158. 26. 16.
270	118. 39. 33.	440	129. 42. 16.	850	141. 0. 45.	4500	158. 36. 22.
272	118. 50. 49.	444	129. 53. 7.	860	141. 11. 2.	4600	158. 46. 9.
274	119. 1. 57.	448	130. 3. 48.	870	141. 21. 9.	4700	158. 55. 38.
276	119. 12. 58.	452	130. 14. 21.	880	141. 31. 5.	4800	159. 4. 50.
278	119. 23. 52.	456	130. 24. 46.	890	141. 40. 52.	4900	159. 13. 45.
280	119. 34. 39.	460	130. 35. 3.	900	141. 50. 30.	5000	159. 22. 26.
282	119. 45. 19.	464	130. 45. 10.	910	141. 59. 58.	5500	160. 2. 39.
284	119. 55. 52.	468	130. 55. 13.	920	142. 9. 17.	6000	160. 38. 10.
286	120. 6. 18.	472	131. 5. 6.	930	142. 18. 28.	6500	161. 9. 44.
288	120. 16. 38.	476	131. 14. 52.	940	142. 27. 30.	7000	161. 38. 19.
290	120. 26. 52.	480	131. 24. 31.	950	142. 36. 54.	7500	162. 4. 7.
292	120. 36. 59.	484	131. 34. 3.	960	142. 45. 10.	8000	162. 27. 45.
294	120. 47. 0.	488	131. 43. 27.	970	142. 53. 48.	8500	162. 49. 26.
296	120. 56. 55.	492	131. 52. 45.	980	143. 2. 19.	9000	163. 9. 26.
298	121. 6. 44.	496	132. 1. 56.	990	143. 10. 42.	9500	163. 27. 54.
300	121. 16. 27.	500	132. 11. 1.	1000	143. 18. 57.	10000	163. 45. 7.

SECTIO SECUNDA

Complectens partem primam Astronomiæ Terrestris,

Sive

Expositionem præcipuorum Phænomenorum cælestium e tellure spectatorum.

Observator noster e centro solis in Telluris superficiem translatus, præprimis ad sequentia duo generalia phænomena advertet.

215. Phænomenon I. *Cælum instar sphæræ cavæ apparet, in cujus centro oculus observatoris sit collocatus; & quamvis is in superficie telluris sit constitutus, non tamen ultra medietatem cæli videt; neque visus ad magnam superficiem telluris partem porrigitur, sed undique in circulo terminatur.*

Id phænomenon explicatu facile est. Primo cælum tanquam sphæra apparet, in cujus centro videtur esse oculus in superficie terræ constitutus: cujus rei eadem est ratio, ob quam cælum e sole spectatum sphæricum videretur, sole centrum occupante (3). Idem contingere deberet in quovis alio loco hujus universi, qui semper pro centro sphæræ cavæ haberetur, in cujus circumferentia omnia reliqua objecta visibilia intra universum contenta posita apparerent.

216. *Secundo.* Si concipiatur planum indefinitum per oculum, qui in centro sphæræ positus videtur, transiens, id sphæram in duo hemisphæria apparenter æqualia secare debet; & sectio hujus plani in superficie sphæræ circulum maximum constituet (Elem. 666). Oculo jam in O constituto (fig. 36), in ipsa fere superficie telluris convexa C N L, radii visuales, qui quaversum ex oculo in superficiem terræ ducuntur, ejusdem tangentes fiunt, adeoque in plano tangente indefinito existunt (quod planum horizontale observatoris appellatur) quo cælum in duo hemisphæria æqualia dividitur, quorum alterum supra verticem observatoris semper aspectabile est; alterum vero infra ejus pedes nunquam fit visibile. Quamdiu enim oculus in O manet, nullus ad eum radius lucis infra O Q vel O P transiens pertingere potest: atque ita non solum nihil ultra cæli dimidium videri potest, sed etiam nulla alia objecta terrestria præterquam in plano tangente Q O P sita. Hinc etiam est, quod e majore distantia res in superficie terræ positæ cerni nequeant, nisi oculus ad aliquam altitudinem, v.g. ad M, elevetur: tunc enim visus longius porrigitur, & radiis L M, M N terram tangentibus, ac undique conum efformantibus, in cujus apice oculus existit, terminatur. In hoc quoque

que casu plus quam dimidium cæli videri potest. Illud etiam contingere potest, ut oculus in loco aliquo infra reliquam superficiem telluris depresso constituatur, vel vero objectis elevatioribus undique ambiatur, ut ne quidem medietatem cæli conspiciere queat. Sic aspera, & inæquabilis telluris superficies in causa est, cur non semper visus circulo maximo sphaeræ cælestis terminetur.

217. Sed quoniam horizon est terminus maxime opportunus, primumque obvius, ad quem motus cælestes referantur; duplex distingui debet: alter physicus, seu *sensibilis*, qui nihil aliud est, quam curva illa, quæ oculo utcunque constituto visum in cælo terminat; alter *horizon rationalis*, sive verus, estque circulus maximus sphaeræ cælestis apparentis, oculo observatoris in ejus centro posito, cujus planum terram tangit, cælumque in duo hemisphæria dividit. Atque ad hunc velat terminum ascensus & descensus corporum cælestium refere ur, ita ut ea dicantur *elevata*, seu *supra horizontem*, quæ in hemisphærio superiore, ac visibili existunt; illa vero *depressa*, aut *infra horizontem*, quæ sunt in altero hemisphærio. Nos deinceps hunc posteriorem intelligemus, quando simplici voce horizontis, sine alio adjecto, usi fuerimus.

218. His ita positis, si per centrum C, & per oculum observatoris in O constitutum producaturs radius CO Z indefinite, is ad horizontem rationalem perpendicularis erit, cujus planum terram in O tangit; & punctum Z, per quod in cælo transire videtur, directe vertici observatoris imminebit, ac undique ab horizonte rationali æqualiter distabit; ipsa autem recta O Z (Elem. 624) plano horizontis perpendiculariter insistet. Itaque (Trig. 2) punctum Z erit polus hujus horizontis, qui *Zenith* vocatur.

219. Hujus puncti complures sunt utilitates haud contemnendæ. *Primo* enim ejus ope invenitur, quantum punctum quodvis in horizonte sensibili acceptum distet ab horizonte rationali. Nam si angulus radiis ex Zenith, & puncto illo ad oculum ductis comprehensus sit 90 graduum, inferetur, hoc punctum in utroque simul horizonte existere; at si is angulus data quantitate minor, majorve sit eo graduum numero, tantundem supra, aut infra horizontem rationalem esse illud punctum concludetur.

220. *Secundo*. Quo angulus ad oculum inter Zenith & sydus quodvis major minorve fuerit, eo illud sydus horizonti vel vicinius erit, vel ab eodem remotius, consequenter eo minorem, vel majorem altitudinem habebit: ita, ut terminus maximæ altitudinis possibilis sit ipsum Zenith. Et universim *mensura altitudinis alicujus stellæ est arcus, qui concipitur in cælo ad horizontem perpendicularis per stellam ductus, sive complementum arcus inter centrum stellæ & zenith intercepti.*

221. *Tertio.* Quamdiu observator in eodem loco immotus manet, eundem horizontem, idemque Zenith habet; quam primum vero locum mutat, ejus horizontale planum in alio loco, quam prius, tellurem tangit, & linea a Zenith per hoc punctum contactus ad centrum terræ ducta comprehendit angulum cum linea e priore Zenith ad idem centrum ducta, adeoque etiam in cælo alteri, a priore diverso puncto respondet: duo autem horizontes isti sunt ad sese inclinati sub angulo, cujus mensura est arcus cælestis inter utrumque Zenith interceptus. (Trig. 15).

222. *Phænomenon II.* Omnia sydera diversimode moveri videntur. Imprimis enim tam stellæ fixæ, quam planetæ, cometæ, & ipse sol videntur singulis diebus circa terram in circulis admodum inæqualibus, ad sensum tamen parallelis, moveri: quædam enim describunt circulos adeo exiguos, ut prorsus immota appareant; alia vero magnos admodum, magnaque cum velocitate percurrunt. Quævis stella fixa semper videtur in eodem moveri circulo; at sol & planetæ jam magnos, jam parvos, quandoque ab horizonte multum remotos, alias eidem vicinos peragrant. Denique planetæ nonnunquam in eodem situ respectu fixarum perstant; tum quibusdam sunt viciniore; ac rursus ab iis in partem oppositam recedunt &c.

Hæc phænomena maximam partem adscribenda sunt illusionibus opticis a duplici motu telluris convenientibus, altero revolutionis annuæ circa solem; altero rotationis diurnæ circa axem. Constat enim experientia, hominem in navi confidentem & æquabiliter provectum, omnesque recipientem directiones, quæ navi imprimi possunt; constat, inquam, talem aliquem sibi facile persuadere, se cum navi sua immotum stare, & objecta vicina extra navem posita in partem motui navis oppositam progredi.

223. Hæc hominis persuasio eo firmior erit, quo navis, qua vehitur, fuerit major: tunc enim diversæ partes, diversisque distantis undique circa eum positæ, & numero plures sunt, & eundem respectu ejus situm perpetuo servant. Et certe si supponamus, talem hominem ita manere quietum, ut caput immotum teneat, vultu in eandem partem semper verso, imagines rerum in navi existentium, quæ in oculos incurrere possunt, in eodem semper retinæ loco depinguntur: unde fieri debet, ut eas non modo tanquam quietes consideret, sed etiam velut terminos, ad quos alia objecta visibilia referat, & moveantur, an stent, examinet: quoniam itaque progrediente navi tota, quidquid extra eam immobile & fixum est, omni momento situm respectu oculi illius hominis mutare debet, imagines harum rerum in oculi fundo diversas successive partes occupant, atque ideo hisce etiam motus omnis, qui re ipsa in navi est, adscribetur. Et sane nunquam ab errore hoc sese expediet,

pediet, si iudicium ex sensu ferre pergat, nec ratiociniis Geometricis animum flectat in oppositum.

224. Verum observator noster de duplici telluris motu persuasus, altero quo anni tempore ellipsin circa solem percurrit, altero, quo intra viginti quatuor horas circa axem suum vertitur, facile advertet, idem sibi in terra constituto accidere, quod homini, de quo diximus, in navi posito: & quoniam ingens rerum in horizonte sensibili collocatarum est numerus, quæ una cum observatoris oculo telluris motum participant, hæc illusio majorem multo vim habere debet.

225. Quæ cum ita sint, triplicis causæ, quæ motus cælestium corporum e superficie telluris spectanti illudit, effectus observator noster inter se distinguere debet: & primo quidem, quod ipse imotus videatur, cum tamen dietim circa tellurem vertatur. Deinde quod etiam quiescere appareat, quamvis ingentem orbitam circa solem intra annum percurrat. Tandem, quod se existimet in centro eorum circulorum constitutum, quos sydera singulis diebus circa tellurem describere videntur, cum illud non nisi ad centrum telluris sit referendum.

C A P U T I.

De illusionibus opticis a revolutione diurna telluris circa axem suum pendentibus.

ARTICULUS I.

De revolutione diurna planetarum in genere, deque ejus causa.

226. THEOREMA I. Si in spatiis liberis sphaera perfecte rotunda, & homogenea, simul recipiat unum vel plures impulsus juxta ejusdem sui circuli maximi planum & directionibus ad superficiem suam obliquis, ea acquireret duplicem motum, alterum æquabilem rotationis circa illius circuli maximi axem eundem semper situm conservantem; alterum translationis, itidem æquabilem, & in plano ejusdem circuli maximi.

Demonstratio. Sit (fig. 40) globi exacte rotundi planum circuli maximi EBN, quod planum æquatoris sphaeræ vocabimus. Exponat AB directionem, & quantitatem impulsus juxta hoc planum: evidens est, quod si AB congrueret cum aliquo axe hujus globi, adeoque perpendicularis esset ad superficiem, globus eadem directione æqualiter moveretur; sed quia AB ad superficiem obliqua est, ea resolvi de-

debet (71) in duas alias, alteram nempe ad superficiem normalem, alteram parallelam, aut potius in tangentem, ita, ut BO , BH sint latera parallelogrammi HO , cujus diagonalis $BI = AB$. Illud etiam per se patet, quod BO exprimat eam partem impulsus AB , qua globus in plano æquatoris directione BL progreditur (68); & quod BH repræsentet alteram partem, quæ puncto superficiei B imprimit nifum a centro C per tangentem BH recedendi, quæ consequenter instar vis projectilis habenda est, punctum B versus H impellentis: sed quia partes omnes globi cohærent, & separationi resistunt, punctum B tantundem versus centrum C retrahitur, quantum per vim BH ab eodem recedere nititur; atque ideo in circulum circa centrum C motu æquabili movebitur, aut quod idem, circa axem per C transeuntem. Igitur ex impulsu AB globus æquabiliter circa axem ad planum æquatoris perpendicularem rotatur, & simul in eodem plano motu itidem æquabili progreditur.

II. Quod si globo ita affecto novus addatur impulsus DE juxta idem æquatoris planum, eodem modo is debet in duas partes resolvi, alteram EP , globum directione EK , & celeritate EP æquabiliter moventem; alteram EF , quæ eum rursus æquabiliter circa axem ejusdem æquatoris vertere conatur. Fiat jam $CK = EP$, & $CL = BO$, globus hac duplici vi impulsus movebitur æquabiliter per diagonalem CM (74) in plano æquatoris sitam; & simul circa axem æquatoris vi $EF + BH$, utraque scilicet versus eandem plagam conspirante, situmque eundem respectu superficiei globi obtinente.

227. Corollarium. *Motus rotationis eo majorem habet velocitatem respectu motus translationis, quo impulsus directio ad superficiem magis obliqua est.*

228. THEOREMA II. *Diversæ vis centralis actiones in globum motu uniformi translationis & rotationis præditum, non afficiunt motum rotationis, sed solummodo motum translationis, juxta quaecunque circuli maximi planum eæ fiant.*

Demonstratio. Supponatur (fig. 40) globus $PIQK$, ut theoremate præcedente expositum est, circa axem suum PQ rotari, interea vi centrali directione CS in eundem agente, ita, ut CS per centrum transeat, ideoque ad globi superficiem sit perpendicularis. Manifestum est, actionem vis centralis non debere in duas alias resolvi, quarum una sit tangens; sed effectum totum ejus esse, ut utrumque hemisphærium IQK , KPI , versus S admoveat, cum in utrumque æqualiter vis isthæc agat. Quare id solum præstare potest, ut motum translationis vel acceleret, vel retardet, prout ad ejus velocitatem diversam habuerit rationem: item ut singulis momentis ejus directionem mutet, & ut globus curvam describat,
motu

motu rotationis semper manente æquabili, juxta idem planum, circa eundem axem situm suum perpetuo conservantem.

229. Corollarium. *Inæqualitates motus annui planetarum nihil officiunt motui diurno æquabili, quoniam eæ a vi centrali proveniunt (163).*

ARTICULUS II.

De phænomenis generalibus a motu diurno Telluris pendentibus.

230. **Q**uia terra singulis diebus circa axem suum volvitur, singula ejus superficiei puncta toti successive cælo obvertuntur, atque circulos describunt, quorum plana ad axem perpendicularia, & centra omnia in eodem axe existunt. Sunt itaque hi circuli omnes inter se paralleli, quemadmodum elementa sphaeræ concipiuntur (Elem. 661). Hinc vero sequitur I: *Omnia sydera debere videri singulis diebus circa axem telluris in circulis parallelis moveri, velut si forent in superficie sphaeræ telluri concentricæ.*

231. Sola duo extrema axis, circa quem terra volvitur, puncta locum non mutant, reliqua omnia circulos percurrunt, eo quidem majores, quo a duobus illis punctis fixis, sive *polis*, magis distant, ita ut maximus sit, qui inter eadem est medius, qui etiam *æquator* appellatur, estque circulus maximus sphaeræ terrestris; ceteri vero paralleli, æquali a medio utrinque intervallo accepti, inter se sint æquales. Porro radii horum circulorum sunt sinus arcuum, qui distantiam eorum a polo viciniore metiuntur; aut vero cosinus arcuum, distantiam ab æquatore metientium.

Et quoniam tota terræ superficies eodem tempore, id est intra diem, semel circumagitur, diversorum punctorum velocitates (51) sunt inter se, ut spatia, sive ut circulorum, quos percurrunt, peripheriæ, seu etiam ut eorum radii.

232. Sequitur II: *Duo debere esse in cælo puncta (fig. 41) P & Q, quæ fixa appareant, in quibus si qua stella existeret, ea omni motu apparente careret. Sunt autem hæc puncta, productione axis p q telluris p e q z determinata, poli circuli maximi sphaeræ cælestis E Z Z, qui fit plano æquatoris terræ e z z producto. Et sydera omnia videri debent circa hos polos, aut potius circa axem P Q, diversos circulos describere velocitatibus iisdem proportionalibus.*

233. Ut methodus in expositione reliquorum phænomenorum fervetur, dicemus polum P *Arcticum, Borealem, vel Septentrionalem*, qui plagæ boreali respectu eorum, qui Europam incolunt, obvertitur, ac prope constellationem ursæ minoris existit; polum vero Q *Antarcticum, Australem, seu Meridionalem*, qui priori directe opponitur, & Europæis versus meridiem jacet.

O

234. Cir-

234. Circulus sphaeræ cælestis, quem intra viginti quatuor horas stella quævis describere videtur, *parallelus* illius stellæ vocatur; *declinatio* vero syderis, sive paralleli illius, est arcus circuli maximi distantiam syderis vel paralleli, ab æquatore mensurans. Si stella ex parte poli borealis P fuerit, ejus *declinatio* dicetur *Borealis*; si vero ex parte poli Australis Q, *Australis*.

235. Si e centro telluris C per quodvis punctum in superficie *m* ducatur recta Cm, donec occurrat superficiei sphaeræ cælestis in M, punctum M, dum terra motu diurno circumvolvitur, describet parallelum LMML, parallelo terrestri *lmml* a puncto *m* descripto respondentem: & si porro MC producat in partem oppositam usque in T, punctum T alterum parallelum in cælo TTVV, priori LMML æqualem, & ejusdem declinationis, describet, cui in terra respondet parallelus *ttuu*.

236. Inferes autem hinc *primo*: parallelum in sphaera cælesti cum correspondente terrestri LMML & *lmml* esse parallelos inter se, & elementa similia coni eundem cum terra axem, & verticem in centro C habentis. Adeoque parallelus sphaeræ cælestis nequit esse in eodem plano cum parallelo terrestri correspondente; sed solus æquator cælestis EZZ cum terrestri *ezz* in eodem sunt plano, quia utriusque planum fit ejusdem radii CZ, ad axem PQ normalis, rotatione.

237. Inferes *secundo*: Si stella aliqua motu diurno per Zenith observatoris transit, id indicio esse, parallelum stellæ correspondere parallelo observatoris. Unde si mensura arcus MZ, quo stella illa M ab æquatore cælesti distat, accipiatur, habetur etiam arcus *mz*, sive distantia observatoris ab æquatore terrestri. Et hinc arcus qui distantiam observatoris ab æquatore terrestri metitur, est æqualis declinationi stellæ per ejus Zenith transeuntis; ita quidem, ut si stellæ sint fixæ, & observator locum mutet, ex differentia declinationis stellarum per suum Zenith in diversis locis transeuntium scire possit, quot gradibus ad æquatorem accesserit, vel recesserit.

238. Inferes denique, punctum sphaeræ cælestis, in quo est Zenith alicujus loci in tellure, eundem locum repræsentare, ita ut per Zenith quivis locus telluris designari possit. Etenim parallelus cælestis per hoc Zenith transiens determinat parallelum terrestrem loci; & declinatio paralleli cælestis mensurat distantiam loci ab æquatore telluris: circulus denique maximus ex hoc Zenith tanquam polo in sphaera cælesti descriptus, horizontem loci designat.

Atque hinc, quando per decursum peculiaris alicui loco telluris phænomena explicanda erunt, eum locum sæpe non aliter, quam per suum Zenith designabimus.

ARTICULUS III.

De motu apparente solis e duplici motu vero telluris proveniente.

239. Quoniam sol centrum est motus annui astrorum, opportunum duximus, antequam longius progrediamur, ut quoniam ejus motus apparentes sint futuri, examinemus. Dum terra motu vertiginis intra diem circa axem suum, & intra annum circa solem revolvitur, in sole, qui reipsa immobilis manet, duplex apparere debet motus, alter scilicet diurnus, & communis omnibus astris, circa axem æquatoris terræ, alter annuus circa terram in plano orbitæ telluris; hinc etiam ad terram propius accedere, & ab eadem rursus recedere videbitur, prout terra ipsa motu vero ei vicinior vel remotior facta fuerit.

240. Ut motus hic annuus apparens rite concipiatur, e centro solis S (fig. 37) radio in infinitum producto intelligatur in plano orbitæ telluris descriptus circulus A M P N, & in duodecim partes æquales, quæ totidem signa zodiaci repræsentent, divisus: sit *ampn* orbita telluris elliptica, cujus alter focus est S. Quoniam radii circuli sunt per hypothesein infiniti, diametri orbitæ terræ evanescent, & omnia ejus puncta pro centro circuli A M P N haberi possunt.

His positis si e terra in aphelio *a* constituta ducatur recta *aS A*, sol in opposito puncto cæli A apparere debebit, sex signis distans. Postea terra in *m* translata, sol in M videbitur, eoque intervallo temporis arcum A M percurrisse. Eodem modo quando terra ad suum perihelium *p* pervenerit, sol in P, sex signorum distantia, erit, & sic deinceps. Unde constat, videri solem arcus A M, MP, P N, N A percurrere eo tempore, quo revera tellus in sua orbita arcus *am*, *mp*, *pn*, *na* respective describit. Et quoniam tellus hos arcus diversa velocitate, & mutata singulis momentis distantia a sole percurrit; etiam sol in arcubus circuli A M, MP, P N, N A eadem inæquali celeritate moveri, & jam majore, jam minore diametro videbitur, prout nempe terra vicinior, vel remotior erit, id, quod efficiet, ut sol putetur ad terram accedere, aut ab eadem recedere.

241. Ex his autem generatim sequitur primo, quod quando solum agitur de diversis punctis superficiei spheræ cælestis, in quibus sol videtur, supponi is possit in circulo infinite magno P M A N (quem in sequentibus Eclipticam appellabimus) reipsa moveri, oculo observatoris in centro constituto. Itaque ellipsis, quam terra describit, tum eum solum usum habebit, ut inveniat ratio diversarum distantiarum terræ a sole pro tempore dato, ac vera directio radii visualis in centro solis terminati.

Exempli causa quando terra ex *a* in *b* pervenit, sol arcum eclipticæ *AB* percurrisse videbitur: & anomalia vera terræ *a S b* determinabit anomalam veram solis *ASB* in ecliptica; longitudo vero rectæ *S b* repræsentabit distantiam veram terræ a sole. Idem intelligendum est de planetis & cometis, dum ad superficiem cavam sphaeræ cælestis referuntur.

242. Sequitur secundo: *Dato* (five ex observatione, five ex calculo) *vero loco terræ in sua orbita, dari etiam additis vel subtractis sex signis verum locum solis in ecliptica*, ita, ut theoria motus solis e terra visi sit eadem cum theoria motus terræ e sole spectatæ. Et quoniam nulla alia causa est, ob quam soli aliquis alter motus annuus apparens attribui possit, præter motum annum telluris; deinceps non aliter de motu solis in ecliptica loquemur, quam si verus esset.

243. Sequitur tertio: *Respectu observatoris in tellure constituti planum eclipticæ esse maxime opportunum, ut ad illud motus planetarum, & cometarum in diversis orbitis referantur*; quemadmodum etiam planum æquatoris commodissimum est, ad quod positio parallelorum, quos stellæ ob motum rotationis diurnæ telluris describere videntur, exigatur.

244. Ut motus annuus terræ cum diurno recte concilietur, observandum est, quod si planum eclipticæ idem esset cum plano æquatoris, vel si axi stelluris ad planum eclipticæ foret perpendicularis; sol quotidie eundem ob motum vertiginis terræ circulum describere videretur, isque ipse foret æquator, nec ulla solis haberetur declinatio: tunc enim percurrendo motu annuo eclipticam, successive per omnes stellas in æquatore sitas transiret, & hinc motu diurno in eodem cum illis circulo revolveretur. Sed quoniam singulis diebus alios parallelos describere videtur, evidens est, planum eclipticæ aliud esse a plano æquatoris, atque ad hoc sub aliquo angulo inclinari.

245. Quæ cum sint, sol motu annuo tempore revolutionis unius diurnæ uno fere gradu in circulo aliquo maximo, velut *NBTLN* (fig. 42) qui eclipticam repræsentat, & æquatorem *EBZLE* in duas partes æquales secatur (Trig. 7), progredi debet. Supponamus *Primo*, solem die quopiam esse in *B*, communi eclipticæ & æquatoris intersectione; describet igitur tunc motu diurno æquatorem, atque omni declinatione carebit. Altero die uno gradu ex *B* versus *A* progressus motu diurno percurrent parallelum ab æquatore paululum distantem; & sic prout magis versus *A* semper progredietur, ita longius ab æquatore recedet, declinatione boreali crescente, & in parallelis minoribus singulis diebus movebitur; v. g. cum in *A* fuerit, eo die parallelum *AIVA* describet. Supponatur *Secundo* sol in *T*, 90 gradibus, five tribus signis ab intersectione æqua-

toris

toris B, ubi ante tres scilicet menses fuerat: erit tunc in puncto eclipticæ ab æquatore maxime distante (Trig. 12), cum declinatione boreali omnium, quas habere potest, maxima, & vicinissimus polo boreali; denique motu diurno circulum parallelum omnium minimum OT percurrat. *Tertio*, ubi per tres insequentes menses ex T in L descendit, continuo æquatori fit vicinior, ejus declinatio borealis decrescit, paralleli, quos dietim describit, fiunt majores, & quando ad L, alteram nempe eclipticæ cum æquatore intersectionem, pervenerit, nullam habebit declinationem, & eo die æquatorem iterum percurrat. *Quarto*. Sol ex L versus N digressus in parte cæli australi videbitur, aucta perpetuo declinatione ejus australi, & parallelis diurnis decrescendentibus, donec in N, tribus signis ab L, fuerit, ubi maximam declinationem australem attingit, minimumque omnium parallelum ND describit. *Quinto*. Inde denique continuato motu ad B rursus accedet, imminuta semper declinatione australi, atque anno circumacto, iterum in æquatore sine declinatione erit, novam revolutionem iisdem comitantibus phænomenis inchoaturus.

246. Quia sol continuo in ecliptica progreditur, liquet porro, *parallelas*, quos singulis diebus describere videtur, non esse veros circulos, sed *spirales quasdam*, quas ductus fili globo pluries circumplicati efformaret. Peracta enim revolutione diurna integra, sol non in eodem puncto est, unde parallelum illius diei inchoavit, sed aliquantum supra, aut infra illud, prout arcus eclipticæ, quem illo die motu annuo confecit, diversum respectu æquatoris situm habet.

247. Minimi duo paralleli, quos sol percurrit, OT, ND, *tropici* dicuntur, quod scilicet termini sint maximæ ab æquatore elongationis, indeque iterum ad æquatorem revertatur. Ex his autem polo boreali vicinus appellatur *tropicus canceri*, & qui in hemisphærio australi est, *tropicus capricorni*, quia cum sol in iis versatur, vel est in tertio eclipticæ signo, quod *cancer* vocatur, vel in nono, seu in *capricorno*.

248. Intersectiones æquatoris & eclipticæ B & L, *puncta æquinoctialia* ob eam rationem, quam inferius adferemus (274), dicuntur; & quidem punctum B, per quod sol a tropico capricorni ad tropicum canceri transit, est *punctum æquinoctii verni*, aut *punctum primum arietis*; alterum vero L, per quod sol a cancro ad capricornum venit, est *punctum æquinoctii autumnalis*, sive *punctum primum libræ*.

249. Puncta T, N, 90 gradibus, seu tribus signis a punctis æquinoctialibus distantia, sunt *puncta solstitialia*, quod sol, quando circa ea versatur, veluti *stationarius* relate ad planum æquatoris videatur. Exhibeat enim (fig. 43) BZT medietatem æquatoris; BLT

medietatem eclipticæ; B & T puncta æquinoctialia: L punctum solstitiale: patet ex ipsius figuræ inspectione, arcum $IL\lambda$, qui aliquot gradus continet, quos sol tum in ascensu versus L, tum in descensu ab eodem, percurrit, esse ad sensum parallelum cum correspondente arcu æquatoris $z Z \zeta$: itaque toto tempore, quo arcum $IL\lambda$ describit, sol non videtur mutare distantiam ab æquatore, & per aliquot dies eandem habere declinationem.

250. Punctum T (fig. 42) quod propius est ad polum borealem, dicitur *punctum solstitii æstivi*; N vero *punctum solstitii hyemalis*, quod sol ea puncta attingat, quando Europæis æstas, ac hyems est.

251. Ut diversa astrorum positio commodius ad planum eclipticæ & æquatoris referri possit, concipiantur adhuc duo circuli maximi; alter BSLR, per polos eclipticæ R & S, & puncta æquinoctialia B & L transiens, quem contra communem Astronomorum morem *colurum æquinoctiorum* appellabo; alter RPZQE, qui rursus per polos eclipticæ R & S, & simul per polos æquatoris P & Q, transeat. Hic circulus, *colurus solstitiorum* dictus, est ad æquatorem & eclipticam (Trig. 16) normalis, simulque per puncta solstitialia T & N transit.

252. Ex diversis horum circulorum usibus illum hic referre est visum, qui coluro solstitiorum proprius est, nempe quod ob perpendicularem ad æquatorem & omnes parallelos situm, eorum distantis, seu declinationi metiendæ serviat. Sic arcus IZ, vel VE est mensura declinationis paralleli VAI, adeoque etiam solis in puncto eclipticæ A versantis. Similiter arcus TZ vel OE, & ZD vel EN, aut denique RP, QS sunt mensura declinationis maximæ solis, sive anguli a planis æquatoris & eclipticæ comprehensi, qui *angulus obliquitatis eclipticæ* appellatur.

ARTICULUS IV.

De Phænomenis Particularibus, quorum causa est motus diurnus Telluris.

253. Ponamus I, observatorem esse in alterutro polo telluris constitutum, velut in polo arctico: linea per ejus Zenith transiens coincidat cum axe æquatoris, & ipse polus P cum ejus Zenith, horizon cum æquatore EZz (fig. 44). Hinc omnes stellæ inter hunc polum & æquatorem, sive quarum declinatio est borealis, videbuntur circa CP moveri, ad horizontem parallele; quæ vero in æquatore sunt, perpetuo horizontem radent; denique quæ declinationem australem habent, manebunt semper invisibiles.

254. Unde generatim, si observator in aliquo polo constitutus sit, non nisi medietatem stellarum videre potest; nulla stella motu diurno oritur vel occidit, nulla ascendit, vel descendit respectu horizontis, nec movetur oblique ad eundem, sed semper parallele; cujusque altitudo est semper eadem cum declinatione.

Atque ob hunc parallelismum motuum respectu horizontis, quando observator in alterutro polo constitutus est, sphaera parallela dicitur.

255. Verum sol, & alia sydera, quæ in orbita propria per diversas stellas fixas transeunte moventur, plano æquatoris eam in duas partes, alteram borealem, alteram australem, secante, necessario, dum a puncto intersectionis suæ orbitæ cum æquatore semper magis recedunt, etiam parallelos diurnos singulis momentis mutant, ita ut nequeant supra horizontem observatoris apparere, quamdiu in parte australi orbitæ versantur, neque etiam possint non apparere toto eo tempore, quo partem borealem percurrunt: exempli causa sol, qui eclipticam intra annum percurrit, sex mensibus integris supra horizontem videri debet; sex aliis sub eodem latere. Supponamus enim eum imprimis in aliquo puncto æquinoctiali constitutum; videbitur motu diurno horizontem radere: postea altius semper ascendet, & motu diurno circulos ad sensum horizonti parallelos describet, prout ejus declinatio borealis in ecliptica progredientis augetur. Spatio trium mensium ad tropicum ☊ & maximam suam altitudinem supra horizontem, quæ obliquitati eclipticæ æqualis est, attinget: inde rursus tribus mensibus versus horizontem ad alterum punctum æquinoctiale descendet, quod ubi attigerit, horizontem verret: postea infra illum descendet, nec amplius spatio semestri, quo partem eclipticæ borealem conficit, videbitur. Itaque sub polis unica tantum dies, & unica tantum nox est anni spatio, sed quarum utraque sex mensibus durat.

Idem de planetis dicendum est, quorum orbitæ ad planum eclipticæ, quam terra percurrit, aliquantum inclinatæ, in duas partes æquales ab æquatore secantur; ita Saturnus per quindecim annos semper supra horizontem apparere debet, Jupiter per sex &c.

256. II. Ponamus observatorem in æquatore telluris constitutum. Linea CZ per ejus Zenith ducta erit in plano æquatoris cælestis, atque ideo ad ejus axem PQ perpendicularis, qui in plano horizontali observatoris jacebit. Verum hoc ipsum planum horizontale debet per centra A, B, C, F, G, H &c. omnium parallelorum, quos astra motu diurno percurrunt, transire, consequenter eos normaliter in partes æquales secare, quarum altera versus Z, semper est supra horizontem; altera medietas versus E infra eundem.

257. Ita-

257. Itaque universim sub æquatore omnia sydera singulis diebus sex horis ascendunt, totidemque descendunt, ac post occasum duodecim horis sub horizonte latent: ipso vero ortus, vel occasus momento horizontem perpendiculariter secant; & propter hunc situm observator in æquatore constitutus dicitur sphaeram rectam habere.

258. Quod ad planetas & alia sydera motu proprio in suis orbitis lata attinet, ea quoque sex fere horis ascendere, sex aliis descendere debent, neque eorum motus ab illo, qui in stellis fixis apparet, alia re differt, nisi quod fixæ semper eosdem, hæc autem singulis diebus alios parallelos describant, majores, minoresve, prout majorem vel minorem declinationem habent, aut etiam prout in suis orbitis ab intersectione cum æquatore plus minusve remota sunt.

259. Hinc sub æquatore toto anni tempore omnes dies, & omnes noctes sunt duodecim horarum.

260. III. Ponamus observatorem ab æquatore versus alterutrum polum progredi, v. g. versus arcticum. Videbitur linea per ejus Zenith transiens semper magis ab æquatoris plano versus ejusdem axem, sive partem borealem recedere, ideoque planum æquatoris magis semper versus partem australem telluris inclinari. Polus borealis successive supra horizontem attolletur, australis vero infra eundem deprimetur. v. g. si postquam observator 30 gradibus ab æquatore versus boream progressus est, subsistat, linea per Zenith ducta erit Cf (fig. 44): circulus maximus hFr , ad cujus planum Cf perpendicularis, ejus horizon; planum æquatoris ECZ a Zenith 30 gradibus distabit, & ad horizontem sub angulo 60 graduum inclinabitur, quem arcus ZCr metitur: polus P supra horizontem elevationem 30 graduum, cujus mensura est angulus hCP , habebit; & polus Q totidem gradibus erit infra horizontem depressus.

261. Ex his infertur I. Quod in quocunque telluris loco observator constitutus sit, semper distantia æquatoris a Zenith æqualis sit elevationi poli supra horizontem, & elevatio æquatoris semper æquetur distantie Zenith a polo.

262. II. Quod paralleli inter polum & æquatorem sub eodem angulo ad horizontem inclinentur, qui ex parte polo supra horizontem existenti opposita æquatur complemento elevationis poli. Atque inde qui inter polum & æquatorem situs est, dicitur habere sphaeram obliquam.

263. III. Quod omnia sydera motu diurno parallelos describentia debeant videri oblique supra horizontem ascendere, postea iterum oblique versus eundem descendere.

264. IV. Quod omnes stellæ, quarum paralleli viciniore sunt polo, quam polus horizonti, hoc est, quarum complementum declinationis minus est elevatione poli cognominis, perpetuo supra horizontem videantur, nec occumbere vel oriri possint. Exempli causa stella, quæ describit parallelum IK , nequit descendere infra horizontem: dum enim circa polum volvitur, punctum I , infimum illius paralleli, nondum horizontem hFr attingit. At vero nulla stella in aliquo parallelo, velut XY , mota, cujus complementum declinationis minus est altitudine poli diversi nominis, hoc est, minus depressione poli Q , supra horizontem videri potest, quia punctum Y illius paralleli supremum, nondum horizontem rFh attingit.

265. V. Quod omnes paralleli, qui in sphaera obliqua ab horizonte secari possunt, secantur in duas partes inæquales, (excepto æquatore, utpote circulo maximo): & quoniam motus diurnus astrorum est æquabilis, tempus, quo singulæ stellæ ab ortu suo usque ad occasum supra horizontem manent, determinatur a numero graduum portionis paralleli supra horizontem extantis: (hinc etiam ea pars paralleli vocatur *arcus diurnus* syderis; altera, quæ infra horizontem intercipitur, *arcus nocturnus*). Arcus diurni iMl, mOn , eo plures gradus continent, quo paralleli polo P conspicuo sunt propiores; & ex opposito arcus diurni sSt, uVx eo pauciores habent gradus, quo a polo infra horizontem depresso minus sunt remoti: ita quidem, ut solus æquator in partes æquales pZq, pEq dividatur, quippe qui solus ex omnibus parallelis est circulus maximus.

266. VI. Quod arcus diurnus iMl alicujus paralleli semper sit æqualis arcui nocturno uTx alterius, qui eandem declinationem versus polum oppositum habet, cum bini quivis ejusmodi paralleli $LmMiL, TxVuT$ inter se æquentur (235), & respectu axis PQ eundem situm habeant, horizonte per centrum sphaeræ trans-eunte, ac eam in duo hemisphaeria æqualia & similia, inferius scilicet, & superius dividente.

267. VII. Hinc in sphaera obliqua omnia sydera, quæ sunt in æquatore, duodecim horis sunt supra horizontem; duodecim sub eodem: reliqua vero eo diutius ultra duodecim horas sunt visibilia supra horizontem, quo eorum declinatio versus polum elevatum supra horizontem major est; aut vero tanto minore duodecim horis tempore versantur supra horizontem, quo majorem versus polum depresso habent declinationem. Et quantum mora supra horizontem alicujus stellæ duodecim horas excedit, tantundem, alterius eandem versus polum oppositum declinationem habentis tempus apparitionis ab iis deficit.

268. VIII. Quod ad maximam altitudinem attinet, ad quam astra ascendere possunt, in hypothesi, qua observatorem in parallelo 30 graduum collocavimus, manifestum est, eas tantummodo

stellas posse per Zenith *f* transire, quarum declinatio borealis est 30 graduum; eas autem, quarum declinatio 30° major versus boream, debere eodem excessu magis versus polum a Zenith distare, quando culminant; & ex opposito, quarum declinatio borealis 30° minor, a Zenith versus æquatorem eadem quantitate in culminatione fore remotas. Porro quæ in ipso æquatore sunt, in maxima altitudine 30 gradibus a Zenith distant; denique quæ in hemisphærio australi sunt, tanto majorem a Zenith versus austrum habent distantiam, quanto major est earum declinatio; ita ut illæ, quarum declinatio australis est 60 graduum, horizontem tantum radant, quin supra eum ascendere possint. Ex dictis autem consequitur, *altitudinem maximam, ad quam stella ascendere potest* (quæ altitudo meridiana dicitur, cum sit in medio arcus diurni) *dari, si detur altitudo poli respectu loci, in quo est observator, & declinatio stellæ.*

269. IX. Si concipiatur circulus maximus PZQEP per polos P & Q transiens, & simul per Zenith *f*, ejus planum secat plana æquatoris & horizontis perpendiculariter (Trig. 16), atque axis æquatoris PQ, omniumque parallelorum centra, debent in eodem esse, & hinc omnes paralleli per illud ad angulos rectos, & bifariam dividuntur. Unde arcus hujus circuli inter Zenith, & quemvis parallelum interceptus, mensurat veram distantiam paralleli a Zenith, sive distantiam illius puncti paralleli, quod ad Zenith maxime accedit, & in quo stella eum parallelum describens maximam habet altitudinem supra horizontem. Igitur altitudo meridiana stellæ semper mensuranda est per arcum hujus circuli inter horizontem & stellam, quando ad planum illius circuli motu diurno pervenit, interceptum. Atque ob hanc causam hic circulus *Meridianus* vocatur.

270. Est itaque *Meridianus circulus maximus sphaeræ cælestis, per polos æquatoris, & Zenith loci alicujus in tellure ductus, qui arcus diurnos omnium parallelorum in partes æquales secat, & ad cujus planum stella motu rotationis terræ pervenit eo momento, quod inter ejus ortum & occasum medium est; in quo denique maximam quam habere potest, altitudinem supra horizontem loci illius attingit.*

271. Et quia terra est globus sphaeræ cælesti concentricus, intersectio plani meridiani cælestis cum tellure efficit meridianum terrestrem correspondentem.

272. Hinc autem rursus deducitur, quod quodlibet punctum superficiei telluris, cum habeat suum proprium Zenith, debeat etiam habere suum proprium meridianum, tam in superficie sphaeræ cælestis, quam in ipsa tellure. Et quia omnia puncta peripheriæ meridiani in sphaera cælesti sunt reipsa totidem Zenith respectu omnium punctorum, quibus meridianus terrestris correspondens constat, sequi-

sequitur omnia puncta superficiei terræ in ejusdem circuli maximi per polos æquatoris transeuntis plano sita, esse sub eodem meridiano tam cælesti, quam terrestri.

273. X. Quoniam meridianus quemvis parallelum bifecat, & per ejus punctum maxime supra horizontem elevatum transit, sequitur, quod etiam debeat transire per punctum paralleli infra horizontem maxime depressum. Et hinc stellæ, quæ ob viciniam poli supra horizontem elevati nunquam occidunt, quemadmodum ad maximam altitudinem pertingunt, dum inter polum P, & Zenith *f* ad planum meridiani, velut ad K appellant; ita minimam habent altitudinem, quando post 12 horas ad idem planum in I inter horizontem & polum redeunt.

274. Quod ad planetas spectat, eorum phænomena a situ diversorum parallelorum pendent, ad quos in propria orbita progredientes successive perveniunt. Sic in quovis telluris loco, dum sol in intersectione æquatoris, & eclipticæ versatur, duodecim horis supra horizontem, & totidem infra eundem est, adeoque dies nocti æquatur, unde etiam ea intersectionum puncta nomen æquinoctialium traxerunt. At dum sol extra hæc puncta est, dies erit nocte longior, vel brevior, prout arcus diurnus tum major vel minor portio paralleli fuerit.

In exemplo, si observator in hemisphærio boreali sit collocatus, & sol in tropico ♋, ubi (245) maximam habet declinationem australem, arcus diurnus est omnium per totum annum minimus, & hinc dies tunc maxime a 12 horis deficit. Verum ut magis semper sol ad æquatorem accedit, ita arcus diurnus crescit; & cum eo elapsis tribus mensibus pervenerit, dies exacte 12 horarum erit. Inde per tres consequentes menses dies crescere pergit, donec sol tropicum ♊, & maximam simul declinationem borealem attingat; tum vero arcus diurnus omnium est maximus, & dies tantum excedit duodecim horas, quantum in tropico ♋ versante sole defecerat. Sed ut denuo sol ad æquatorem propius semper accedit, ita dies iisdem gradibus minuitur, donec in æquinoctio sequente duodecim horas æquet: tandem dum sol ad tropicum ♋ redierit, dies eandem, quam ab initio, longitudinem habebit.

275. Ex hac dierum inæqualitate, variaque altitudinis, ad quam sol supra horizontem venit, ratione, quæ similibus causis adscribenda est, anni tempestatum diversitas pendet. Dum enim sol in tropico altero, qui polo infra horizontem depresso vicinus est, versatur, parum admodum ascendit, & exiguo tempore supra horizontem moratur: unde ejus radiorum vis modica sentitur, tum quod admodum oblique incidant, tum etiam quod tam brevi tempore aerem calefacere nequeant, id, quod hyemem dicimus. Ex

opposito dum sol in tropico altero est, maximam habet altitudinem, radios fere ad perpendicularum emittit, & longiore multo tempore supra horizontem manet, unde aer incalescit, quod æstatem efficit. Denique sole prope puncta æquinoctialia existente hæc omnia medium quoddam obtinent, ac inde Ver, Autumnusque habentur.

ARTICULUS V.

De ratione observandi, & calculandi accuratius phænomena motus diurni astrorum, prout is ad circulos cuivis telluris loco proprios refertur.

276. **E**x omnibus, quæ articulo superiore dicta sunt, abunde liquet, *Phænomena particularia motus diurni astrorum a duabus rebus pendere, scilicet a situ observatoris respectu æquatoris terrestris, aut quod eodem recidit, ab altitudine poli supra horizontem; & a declinatione syderum.* Ut itaque regulæ certæ statuantur, per quas omnia, quæ his phænomenis ad circulos alicujus loci determinati proprios, meridianum, inquam, & horizontem, relatis peculiariora sunt, eruantur, altitudo poli, & declinatio astrorum nota sint, oportet.

277. Optima autem methodus determinandi elevationem poli ex observatione, quando locus aliquot gradibus ab æquatore distat, est, si accipiatur instrumento in gradus, minuta, & secunda accurate diviso maxima altitudo hK , & post 12 horas minima hI unius e stellis, quæ nunquam occidunt. Nam cum talis stella semper ad eandem distantiam circa polum circumeat, elevatio poli in medio duarum altitudinum hK & hI consistere debet.

Si observator æquatori sit vicinior, altitudines solis meridiane, dum in uno & altero tropico versatur, accipiendæ sunt. Etenim si hæ altitudines accurate æquales sint, locus observatoris est in ipso æquatore; at si fuerint inæquales, earum semidifferentia erit altitudo poli supra horizontem, & quidem borealis vel australis, ut altitudo solis in tropico ϖ , vel in tropico ζ major fuerit.

278. Elevationis poli sic invnetæ complementum Pf , vel rZ est elevatio æquatoris (261). Declinatio vero syderis cujusvis facile determinatur, si observetur ejus altitudo meridiana, quod fit ope quadrantis vel sectoris circuli exacte divisi, cujus planum verticaliter erectum simul per polum transit: in hoc enim situ instrumentum exhibet portionem meridiani cælestis in suos gradus divisi. Unde si notetur, cui gradui sydus respondeat, dum ad hoc planum venit, ejus altitudo meridiana habetur, quæ cum elevatione æquatoris collata illius loci, in quo observatio instituta est, dat arcum meridiani in-

ter

ter æquatorem & syderis comprehensum, qui declinationem syderis metitur.

279. Unde universim concluditur, quod si ex his tribus duo quævis dentur, nempe elevatio poli, declinatio syderis, ac ejus altitudo meridiana, tertium hoc ipso habeatur, cum sint arcus ejusdem meridiani.

280. Ceteræ affectiones motus diurni per calculum trigonometriæ sphaericæ eruuntur, & positio sphaeræ cælestis pro eo tempore, pro quo calculus faciendus est, in aliquo schemate utcunque repræsentatur.

Quod ut exemplo aliquo illustremus, sit $HPNH$ (fig. 38 & 39) meridianus loci, Z ejus Zenith, P polus supra horizontem, HN dimidius horizon, TV dimidius æquator, erit PN elevatio poli, & ZP , ejus complementum, elevatio æquatoris. Sit stella quævis extra meridianum in E : ducatur per polum P & stellam E arcus circuli maximi PEA , qui æquatori ad angulos rectos insistet (Trig. 16); arcus EA , inter æquatorem & stellam interceptus, æquatur declinationi, & EP distantiae illius a polo. Ducatur etiam arcus circuli maximi per Zenith, & stellam ZEB , qui erit normalis ad horizontem HN : pars illius EB erit altitudo stellæ supra horizontem; & complementum EZ distantia a Zenith. Denique describatur parallelus LR , quem stella percurrere videtur: arcus inter meridianum & stellam RE erit ejus distantia a meridiano; RC vero inter meridianum & horizontem comprehensus, arcus semidiurnus. Itaque R est punctum meridiani, per quod stella transire debet, dum ad planum illius venit; & C punctum ortus vel occasus in horizonte. Sed ut omnes quæstiones complectamur, quæ de positione alicujus stellæ ex motu diurno institui possunt, singulis arcubus in citato schemate exhibitis sua tribuenda sunt nomina, quod ea res magnum in praxi astronomica usum habeat.

281. Quadrans circuli e Zenith ad horizontem perpendicularis, ut ZB , ZF , ZC dicitur *verticalis*, & in hoc accipienda est altitudo alicujus syderis. Ex his verticalibus ille, qui per intersectionem æquatoris & horizontis transit, ut ZF , appellatur *verticalis primarius*, & meridianum ad Zenith Z ad angulos rectos secatur.

282. Arcus horizontis HB , inter meridianum & verticalem quemvis ZB interceptus, sive angulus ad Zenith HZB a meridiano, & verticali ZB comprehensus, est *azimuthum* illius verticalis, aut syderis in eo verticali existentis.

283. *Amplitudo syderis* est arcus horizontis FC , sive angulus FZC , inter verticalem primarium ZF , & punctum C , ubi parallelus syderis REL horizontem secatur, interceptus. Dicitur autem *amplitudo ortiva*, seu *occidua*, prout punctum C vel ad ortum, vel ad occasum syderis situm fuerit.

Ex

Ex constructione autem præcedentium schematum, & proprietatibus sphaeræ facile deducitur, quod sub sphaera obliqua

284. Primo *stella durante revolutione diurna omni momento suum azimuthum & verticalem mutet.*

285. Secundo quod *sydus, cujus declinatio est versus polum infra horizontem depresso, non possit transire per verticalem primum, nec arcum azimuthalem 90 graduum, vel majorem habere.*

286. Tertio Quod *stella fixa* (quæ quotidie ad sensum eundem parallelum describit) *non mutet amplitudinem, sed semper in eodem puncto horizontis oriatur, & occidat. At illa sydera, quæ in orbitis propriis motum annuum habent, perpetuo amplitudinem mutant, quæ singulis diebus dependet a declinatione paralleli, quem percurrunt.*

287. Quarto quod *stellæ, quæ in æquatore sunt, careant amplitudine, cum semper orientur, & occidant in puncto horizontis 90 gradibus a meridiano distante. Hinc etiam punctum horizontis a meridiano 90 gradibus versus ortum remotum, dicitur punctum verum ortus; & quod totidem gradibus a meridiano versus occidentem distat, appellatur punctum verum occasus.*

288. Quinto Quod *duo sydera, quæ sunt in eodem parallelo, habeant eandem amplitudinem: sed dum ad eandem meridiani partem versantur, nequeunt habere idem azimuthum, nec eandem altitudinem.*

289. Sexto Quod *duo sydera, quæ sunt in eodem verticali, habeant idem azimuthum, sed nequeunt habere eandem altitudinem, nec eandem declinationem, consequenter nec eandem amplitudinem.*

290. His ita habentibus, si in triangulo sphaerico $E Z P$ ex his quinque tria dentur, videlicet $Z P$, complementum elevationis poli; angulus $Z P E$, distantiae syderis a meridiano (est enim (Trig. 10) ejus mensura arcus $R E$); latus $P E$, complementum declinationis syderis; latus $Z E$, complementum ejus altitudinis; angulus $P Z E$, complementum azimuthi ad duos rectos: ex his, inquam, si tria dentur, reliqua duo per calculum trigometricum facile reperientur una cum angulo $Z E P$ qui fit ad sydus E a verticali $E Z$, & circulo declinationis $E P$, qui angulus in pluribus calculis astronomicis usui est.

291. Similiter in triangulo $Z P C$, in quo $Z C$ est semper 90° , si duo dentur ex his quatuor, latus $Z P$, complementum elevationis poli; latus $P C$, complementum declinationis syderis parallelum $R C L$ describens; angulus $Z P C$, quem mensurat arcus semidiurnus; angulus $P Z C$, complementum amplitudinis, aut vero summa ex amplitudine, & 90° : calculo trigonometrico semper reliqua duo inveniuntur (Trig. 148).

Solet autem calculus hujus secundi casus institui in triangulo FCG ad G rectangulo cum arcus PC per polum ductus æquatori ad G insistat ad angulos rectos. Nam in hoc triangulo angulus CFG , quem horizon & æquator efficit, est complementum elevationis poli (261); latus GC æquatur declinationi paralleli RL ; Latus FG complemento arcus semidiurni: est enim complementum arcus æquatoris TG , qui æqualis est (Trig. 10) arcui semidiurno RC ; hypotenusæ denique FC est amplitudo syderis. Itaque e quatuor istis si duæ quævis partes dentur, reliquæ duæ facile reperientur.

292. Observa. Distantia syderis a meridiano, aut vero illius arcus semidiurnus, possunt dari vel quæri tam in tempore, quam in gradibus. Ut arcus in gradibus datus reducatur ad tempus, facienda est sequens proportio: ut 360° . $0'$. $0''$ ad gradus, minuta, secunda arcus dati; ita sunt horæ, minuta, & secunda temporis, quo syderis revolutionem integram diurnam absolvit, ad horas, minuta, secunda temporis quæsitæ. Quando vero tempus in gradus convertendum est, dicta proportio inverti debet. Hujus rei fundamentum est in æquabili motu revolutionis diurnæ.

ARTICULUS VI.

De ratione determinandi positionem syderum respectu circulorum fixorum sphaeræ cælestis.

293. Quoniam sydera revolutione diurna successive per plana diversorum circulorum particularium transeunt, qui in cavitate indefinita sphaeræ cælestis concipiuntur, uti sunt horizon & meridianus, quorum situs constans non est, nisi respectu loci determinati in superficie telluris; observationibus in his particulis factis utendum est, ad determinandam positionem eorundem syderum respectu circulorum communium cuivis superficiei terrestris puncto, hoc est, respectu æquatoris, eclipticæ, & colorum, qui licet motu diurno sphaeræ simul abripiantur, nihilominus tamen certum & constantem situm conservant in sphaera, e quocunque telluris loco eos observator consideret.

294. Ut situs alicujus puncti in superficie quacunque determinari possit, necessario inveniri debet ejus distantia a duobus aliis punctis fixis, aut a duabus lineis, quarum situs diversus, attamen constans sit in illa superficie. Licet vero angulus, quem illæ lineæ efficiunt, possit esse rectus, acutus, vel obtusus; est tamen multo commodius, si is rectus sit: nam cum distantia puncti a duabus

bus illis lineis sint perpendiculares ad easdem, tum constructio, tum etiam calculus expeditior est. Itaque, quamvis positio syderis determinari possit, respectu circulorum in sphaera fixorum, per arcus duos, qui mensurent distantiam illius a duobus punctis fixis & determinatis respectu circulorum illorum, aut a duobus circulis fixis quibuscunque; expedit tamen adhibere distantias a duobus circulis fixis, qui sibi invicem ad angulum rectum insistant.

295. Sic ut commodius situs syderis determinetur, haberi debet vel ejus distantia ab ecliptica & a circulo maximo eclipticam in puncto dato ad angulum rectum secante; vel distantia ab æquatore, & a circulo maximo eidem in puncto determinato perpendiculariter insistente; vel denique distantia a duobus circulis maximis quibuscunque fixis, & se se invicem sub angulo recto interfecantibus, quales sunt coluri. Sed quia motus telluris alter fit in ecliptica, alter juxta planum æquatoris, patet, priores duas methodos ceteris omnibus præferendas esse.

296. Sit itaque $PBQDP$ (fig. 45) colurus solstitiorum; P, Q poli æquatoris; BCD dimidius æquator; E, T poli eclipticæ; GCI dimidia ecliptica, ejusque intersectio C cum æquatore punctum æquinoctiale γ ; G punctum solstitiale φ , & I punctum solstitiale ζ ; ECT sit medietas coluri æquinoctiorum; & quoniam est dimidium circuli maximi, ac in puncto dato C eclipticæ ad angulos rectos insistit, servire debet determinationi situs aliorum juxta primam methodum. Et si porro per idem punctum C , & polos æquatoris describatur dimidius circulus maximus PCQ , qui ad æquatorem erit perpendicularis (Trig. 16), is in altera methodo adhiberi poterit.

297. Esto sydus in puncto quovis A . Primo si per A describatur circulus KAL non maximus, & ad eclipticam parallelus, per ejus polos vero E, T semicirculus maximus EAT ad eclipticam perpendicularis, determinabitur situs puncti A respectu eclipticæ per quantitatem arcus AR , qui est distantia ab ecliptica, & latitudo syderis dicitur; & respectu coluri ECT per arcum AN paralleli ad eclipticam, sive per arcum ipsius eclipticæ RC eundem numerum graduum continentem (Trig. 10), qui est *longitudo syderis*.

Secundo. Si per A ducatur parallelus æquatori HAF ; & per polos P, Q semicirculus maximus PAQ ad æquatorem normalis, situs puncti A respectu æquatoris determinatur arcu AO , sive distantia illius ab æquatore, quæ *declinatio syderis* vocatur; respectu circuli constantis PCQ vero arcu paralleli AM , seu arcu æquatoris OC ejusdem numeri graduum, qui est *ascensio recta syderis*.

298. Itaque I. duplex methodus determinandi situm syderis respectu circulorum in sphaera fixorum, quæ ceteris præferenda est, eo reducitur, ut primo
inve-

inveniatur ejus longitudo & latitudo ; Secundo ut reperiaturs ascensio recta , & declinatio.

299. II. Longitudo syderis est arcus eclipticæ inter primum punctum γ , & arcum per syderis centrum ad eclipticam perpendiculariter ductum comprehensus. Numeratur autem per tricenos semper gradus, seu per signa, initio a 0 facto usque ad 12 signa, sequendo ordinem constellationum Zodiaci.

300. Latitudo syderis est arcus circuli maximi e centro syderis ad eclipticam perpendicularis. Hæc est borealis vel australis, prout sydus vel ex parte poli eclipticæ borealis, vel australis fuerit.

301. III. Ascensio recta syderis est arcus æquatoris inter primum punctum γ , & intersectionem circuli maximi per centrum syderis ad æquatorem normalis interceptus. Numeratur per gradus, a 0 usque ad 360° , servato constellationum ordine.

302. Declinatio syderis est arcus circuli maximi e centro syderis ad æquatorem perpendiculariter ducti. Est vel borealis, vel australis, ut jam supra (234) vidimus.

303. IV. Dimidium alicujus circuli maximi, ut EAT in polis eclipticæ utrinque terminati, & per sydus A ducti, dicitur circulus latitudinis syderis, quod in eo latitudines syderum accipiantur, per quæ hic circulus transit. Simili ratione dimidius circulus maximus per sydus A transiens & polis æquatoris terminatus, vocatur circulus declinationis syderis, cum declinatio syderis in eo existentis mensuretur per arcum illius inter æquatorem, & sydus interceptum.

304. Ex his deducitur primo, quod omnia sydera, quæ sunt in eodem circulo latitudinis, habeant eandem longitudinem ; & quæ sunt in eodem circulo declinationis, habeant eandem ascensionem rectam.

305. Secundo : Quod ascensionem rectam OC alicujus syderis A etiam exhibeat angulus ad polum æquatoris APC , a circulo declinationis PCQ per primum punctum γ transeunte, & a circulo declinationis PAQ per sydus ducto comprehensus. Similiter longitudo syderis RC designari potest angulo AEC ad polum eclipticæ, a coluro æquinoctiorum ECT , & circulo latitudinis syderis EAT comprehenso.

306. Datis igitur in triangulo PEA latere PE , sive distantia poli eclipticæ a polo æquatoris, id est (Trig. 15) obliquitate eclipticæ; ascensione recta & declinatione syderis A , inveniri potest ejus longitudo, & latitudo; aut vero si dentur PE , longitudo, & latitudo syderis, reperietur ejus ascensio recta, & declinatio. Nam angulus APE æquatur summæ ex recto EPM , & MPA , ascensionis rectæ syderis : AEP vero est complementum longitudinis AEC ; latus AP complementum declinationis; & EA complementum latitudinis. Quodsi detur PE cum ascensione recta &

Q

decli-

declinatione, in triangulo PEA habentur PE , angulus EPA , & latus PA ; si præter PE detur longitudo & latitudo, in eodem triangulo nota sunt PE , AE , & angulus his lateribus comprehensus PEA . Ac generatim si dentur tria quævis ex his quinque: obliquitas eclipticæ, ascensio recta syderis, ejus declinatio, longitudo, & latitudo, reliqua duo per regulas trigonometriæ sphaericæ inveniri possunt.

307. Sicut vero objectum Astronomiæ practicæ illud est potissimum, ut determinetur situs astrorum in cælo pro momento temporis dato; ita facile apparet, rem eo reduci, ut hæc tria habeantur: *Primo* ut cognoscatur obliquitas eclipticæ: *Secundo* ut mensuretur tempus; *Tertio* ut observetur ascensio recta & declinatio cujuslibet syderis, cum utraque immediate e phænomenis motus diurni deducatur; inde autem ope calculi facile etiam longitudo & latitudo innotescet.

308. Cognita accurate longitudine & latitudine, aut etiam ascensione recta & declinatione duorum syderum, eorum ope etiam eadem in tertio quovis inveniri possunt, si scilicet instrumento accipiantur arcus inter priora duo & tertium intercepti: tunc enim in triangulo sphaerico, quod tria illa astra constituunt, latera duo actuali mensuratione habentur, & tertium e situ respectivo duorum syderum jam cognito facile deducitur: unde per calculum locus tertii respectu priorum duorum determinatur, consequenter respectu quoque æquatoris & eclipticæ. Atque ita ferebat praxis astronomorum ante pendulorum inventionem.

ARTICULUS VII.

De obliquitate eclipticæ, & quomodo puncta illius ad æquatorem referantur.

309. **O**bliquitas eclipticæ res est summi momenti in Astronomia, cum omnes calculos triangulorum sphaericorum ingreditur, ubi de æquatore & ecliptica agitur.

Evidens autem est, quod cum obliquitas eclipticæ æqualis sit (252) maximæ, quam sol habere potest, declinationi, hoc est, quam habet, dum in tropicis versatur; observanda sit instrumento exacte elaborato altitudo meridiana centri solis ipso die solstitii, & quod differentia inter hanc altitudinem, & elevationem æquatoris in loco, in quo observatio instituitur, sit declinatio tropici. Aut vero, quod accuratius, observanda est altitudo meridiana solis in utroque tropico, e quo facile distantia tropicorum innotescit, cujus
dimi-

dimidium est distantia cujusvis tropici ab æquatore, five obliquitas eclipticæ. Exemplum, altitudo vera centri solis in tropico capricorni A. 1751 in promontorio Bonæ Spei observata fuit $79^{\circ}.33'.3''$; & in tropico cancri A. 1752, eadem fuit $32^{\circ}.36'.31''$; differentia $46^{\circ}.56'.32''$ dat intervallum tropicorum; & dimidium illius $23^{\circ}.28'.16''$ est obliquitas eclipticæ.

310. Observa I. Ex sequentibus apparebit, obliquitatem eclipticæ variationi cui-dam periodicæ $18''$ obnoxiam esse, propter quam obliquitas ex observatione modo relata ad finem An. 1751 debuit $4''\frac{1}{2}$ minor evadere, quam non computata ea variatione fuisset; ita ut obliquitas media eclipticæ tum reipsa fuerit $23^{\circ}.28'.20''\frac{1}{2}$.

311. II. Extra dubium videtur, obliquitatem eclipticæ valde lente decrefcere, uno circiter minuto intra 130 vel 140 annos. Nam in observationibus superioribus sæculis omnibus tum a Græcis, tum ab Arabibus & Sinensibus institutis reperitur aliquot minutis major, quam nunc observetur. Observationes constantes sæculi proxime elapsi definiunt eam saltem $23^{\circ}.29'$; nulla e modernis eam $23^{\circ}.28'.40''$ majorem statuit. Si medium accipiatur magni numeri observationum solstitialium in Meridiana S. Petronii Bononiæ in Italia factarum ab An. 1667 usque ad 1670, omniaque rite expendantur, variationis quoque superius annotatæ ratio habeatur, ea pro An. 1668 prodit $23^{\circ}.28'.54''$; Et collatis magno item numero similibus observationibus eodem instrumento accurate rectificato ab A. 1731 usque ad 1734 institutis, & ad eadem principia reductis, pro A. 1733 reperitur $23^{\circ}.28'.29''$. Omnes hæ rationes sufficiunt, ut diminutio obliquitatis eclipticæ tanquam certa sumatur.

312. Obliquitate eclipticæ methodo expofita reperta, calculo admodum simplici omnia ejus puncta ad æquatorem referuntur, hoc est, invenitur cujuslibet puncti ascensio recta, & declinatio. Sit exempli causa S (fig. 45) punctum datum eclipticæ ICG, & ab γ puncto primo (quod supponatur in C) 28 gradibus remotum. Ducatur e puncto S arcus SO ad æquatorem DCB perpendicularis, qui erit declinatio puncti S; CO vero arcus æquatoris ejus ascensio recta: angulus CSO est inclinatio circuli declinationis puncti S ad eclipticam, qui angulus in multis calculis usum habet. Jam in triangulo rectangulo OSC, in quo angulus SCO æquatur obliquitati eclipticæ, quam hic suppono $23^{\circ}.28'.20''$, reperitur (Trig. 85 vel 87) declinatio OS $10^{\circ}.46'.38''$; ascensio recta OC (Trig. 84 vel 88) $25^{\circ}.59'.56''$; angulus CSO, ab ecliptica & circulo declinationis comprehensus (Trig. 86 vel 89) $69^{\circ}.1'.22''$. Sed hæc & alia id genus in tabulis astronomicis jam ad calculum revocata habentur pro singulis eclipticæ gradibus.

ARTICULUS VIII.

De mensura temporis.

313. Cum tellus circa axem suum motu æquabili (229)gyretur, revolutiones diurnæ astrorum æquali tempore absolvuntur, adeoque

que valde opportune ad designandum tempus adhibentur. Sed quia hæ revolutiones non nisi successive fiunt, & alterum sydus post alterum suum circulum perficit, isque motus perpetuo continuatur, non modo unum aliquod præ reliquis eligendum est, cujus revolutiones pro mensura temporis adhibeantur, sed etiam certus terminus statuendus, ex quo initium singularum revolutionum ducatur. Jam vero sol telluris respectu reliqua omnia splendore sine comparatione superat: atque ideo ejus revolutiones dimetiendo tempori aptissimas ipsa natura commendare videtur, horizonte tanquam termino, a quo eorum initium computetur, adhibito. Interea tamen cum telluris incolæ sol non nisi respectu horizontis sensibilis oriatur & occidat, qui circulus admodum irregularis est, raro cum horizonte rationali congruit, sæpe vaporibus solem occultantibus, ejusque radiis detortis figuram varie deformantibus oppletus est; ac præterea dies per horizontem terminati notabiliter crescunt ac decrescunt, adeoque nimis inæquales sint; observator Meridianum præferet velut terminum revolutionum diurnarum, ac principium diei constituet ipsum meridiei momentum, quo scilicet solis centrum ad planum sui meridiani appellit.

314. Itaque *dies Astronomicus est intervallum temporis elapsi inter momentum, quo centrum solis per planum meridiani transiit, & quo, peracta integra revolutione, ad idem rursus redit.*

315. Si sol omni motu alio apparente careret, præterquam revolutionis diurnæ, ascensionem rectam haud unquam mutare videretur, sed singulis diebus rediret ad meridianum cum iisdem stellis fixis, sive cum illis, quarum ascensio recta eadem foret, ac puncti illius, in quo sol existeret. Sed quia præterea annuam in ecliptica revolutionem facit, semper versus ortum progrediendo, ac in plagam motui diurno, qui fit ab ortu in occasum, oppositam; atque propterea omni die ad aliud punctum æquatoris referri debet, manifestum est, quod si sol hodie cum certa stella meridianum transiit, cras eadem stella ad meridianum pertingente, hoc est revolutione diurna integre peracta, is adhuc futurus sit ad partem orientalem meridiani eo intervallo, quo motu annuo interea ab illo æquatoris puncto, cui hodie respondet, recesserit. Igitur sol non nisi post aliquod tempus appulsum stellæ ad meridianum sequitur, cum scilicet punctum novum æquatoris ei respondens illuc pervenerit. Die sequente adhuc tardius sequetur stellam, ita, ut elapsis sex mensibus ea 12 horis solem præcedat, & post annum, quo sol totum percurrit zodiacum, die integro; quippe quæ tercenties sexagesies sexies Meridianum transierit, sole non nisi tercenties sexagesies quinquies transeunte.

316. Hinc

316. Hinc dies Astronomicus æqualis est summæ e revolutione integra stellæ fixæ, & parte tercentesima sexagesima quinta revolutionis: five accuratius: *mensura diei astronomici sunt 360 gradus æquatoris plus arcu ejusdem respondente arcui eclipticæ, quem sol illo die percurrit, & qui motus diurnus solis in ascensione recta appellatur.*

317. Infertur autem hinc I, quod licet revolutiones terræ omnes sint æquales, attamen *dies astronomici inter se aliquantum inæquales esse debeant*, quod motus telluris in ecliptica reipsa sit inæqualis, quo singulis diebus arcus jam majores, jam minores describit; quod item inæquales sint arcus æquatoris & eclipticæ correspondentes propter obliquitatem horum circulorum. Unde horologium, cujus motus foret maxime æquabilis, vix unquam ab uno ad alterum meridiem 24 horas elapsas ostendere posset accurate, sed aliquot secundis plus vel minus, prout arcus æquatoris, qui motum solis diurnum in ascensione recta metitur, ex duplici hac causa crescit, vel decrescit.

318. II. Quod ut partes temporis ope horologii, cujus motus æquabilis semper esse debet, metiri liceat, duplex tempus, aut dies distinguere debeat: scilicet *dies verus*, five *apparens*, qui est intervallum temporis inter momentum transitus veri centri solis per meridiem, & momentum reditus ejusdem; & tempus five *dies medius*, estque intervallum inter unum & alterum meridiem, quale semper observaretur, si motus diurnus solis in ascensione recta esset æquabilis. Horologia recte constructa tempus medium ostendere debent; tempus verum ex observationibus solis deducitur, & per horologia solaria exacte elaborata determinatur.

319. Dies tam verus, quam medius, dividitur semper in 24 horas, five 86400". Mos etiam apud Astronomos obtinet, ut dies ab uno meridie ad alterum numerentur, quin in horas duodecim matutinas, & totidem vespertinas distribuuntur: etenim horas matutinas ad præcedentem diem referunt, dicuntque exempli gratia, die 15 Januarii, hora 17; cum e more civili dicendum esset: die 16 Januarii, hora 5 matutina. Hinc distinctio inter tempus civile & astronomicum profluxit. Die juxta tempus medium computato per meridianum ultra 360 æquatoris gradus transeunt adhuc 59'. 8", qui est motus diurnus medius solis in ascensione recta. Die juxta tempus verum sumpto præter 360 æquatoris gradus transit per meridianum *arcus competens motui diurno vero in ascensione recta*. Sic quando sol est in apogæo, ejus motus diurnus verus in ascensione recta est 1°. 2'. 6"; igitur tunc intra diem temporis veri per meridianum transeunt 361°. 2'. 6": & si fiat, ut 360°. 59'. 8" ad 24 h. 0'. 0" temporis medii; ita 361°. 2'. 6" ad 24 h. 0'. 12" temporis veri; reperitur sole in apogæo versante dies temporis veri 12" longior die temporis medii.

320. Dies temporis veri nequit æqualis esse diei temporis medii, nisi motu diurno vero solis in ascensione recta $59'. 8''$ existente, id quod 11 Februarii, 14 May, 26 Julii & 1 Novembris contingit: omnibus aliis diebus differentia aliqua esse debet inter meridiem verum, hoc est, inter momentum, quo centrum solis re ipsa per meridianum transit, & meridiem temporis medii, hoc est, momentum, quo centrum solis per meridianum transiret, si ejus motus in ascensione recta æquabilis esset. Exiguæ porro differentiæ inter singulos dies temporis medii & veri, successive accrescunt, ut post tempus longius discrimen sit admodum notabile, quod nosse sane decet, si ope horologiorum tempus metiamur.

321. Calculus, quo utriusque temporis differentia ad momentum datum reperitur, facilis est: nam æquatur differentiæ in tempus conversæ inter locum medium solis in ecliptica pro tempore dato (qui est ejus ascensio recta media); & inter ascensionem rectam veram.

Apud omnes fere astronomos jam habentur tabulæ, quæ differentias istas ad calculum revocatas exhibent. Dicuntur *Tabulæ æquationis temporis, vel horologiorum*.

322. Ex dictis sequitur primo, quod si horologium accurate ad tempus medium sit ordinatum, singulis minutis secundis, quæ ostendit, arcus æquatoris $15''. 2''' . 28'''$ per meridianum transeat: est enim hic quotus e divisione $360^\circ . 59'. 8''$ per $86400''$ emergens.

323. Secundo: Cum revolutio integra stellæ fixæ respondeat 360 gradibus æquatoris, dies vero temporis medii $360^\circ . 59'. 8''$; differentia $59'. 8''$ in tempus conversa, nempe $3'. 56''$, ostendit stellam quotidie tempus medium debere $3'. 56''$ prævertere; aut quod idem est, revolutionem stellæ fixæ, sive rotationem telluris fieri inter 23 h. $56'. 4''$ temporis medii.

324. Tertio: Hinc si examinandum sit, an motus horologii cum tempore medio congruat, videndum, an accurate ostendat 23 h. $56'. 4''$ elapsas esse a transitu stellæ fixæ per certum terminum usque ad reditum ad eundem absoluta revolutione integra. Quantum intervallum observatum prædictum tempus excedet vel ab eo deficit, tantum horologium supra tempus medium accelerat, vel retardat.

325. Interim ut tempus verum cognoscatur, ex observatione inveniendum est, quale momentum temporis horologium ostenderit, centro solis in meridiano existente. Est autem sol tum in meridiano, quando cessat ascendere supra horizontem, & rursus descendere incipit: & cum hæc vicissitudo e sola rotatione æquabili telluris pendeat, momentum meridiei accurate medium est inter
duo

duo alia, quibus eandem altitudinem cum in ascensu, tum in descensu attingit. Itaque si aliquo ante meridiem tempore notetur tempus in horologio, quo certa altitudo centri vel limbi solis observata fuit; & post meridiem rursus observetur tempus in horologio, quo centrum, vel idem limbus eandem habet altitudinem; medium inter illa duo tempora erit, quod horologium in ipso meridie ostendit. Exemplum: Parisiis 29 Septembris 1744 ope quadrantis Astronomici observata fuit altitudo superioris, sive borealis limbi solis 22° , horologio monstrante 8 h. 19'. 52" mane, & post meridiem eodem ostendente 3 h. 16'. 18"; medium inter utrumque tempus est 11 h. 48'. 5": hoc igitur tempus notabatur a pendulo centro solis ad meridianum appellente.

Eadem methodo determinari potest fixarum, & planetarum transitus per Meridianum.

326. Observa. Methodus exposita, quæ *altitudinum correspondentium* dicitur, non modo omnium est simplicissima, sed & maxime accurata, cum facile sit determinare momentum (errore, si quis irrepit, saltem unum secundum non excedente), quo sydus filum subtilissimum in foco tubi, in quadrantibus, aliisve instrumentis observandis altitudinibus destinatis, tensum contingit. Observatio porro eo tutior est, quo sydus a meridiano remotius, seu verticali primario vicinius fuerit, quia tunc ascensus vel descensus illius velocior est. Neque in hunc finem necesse est, ut instrumentum sit adeo exacte elaboratum, aut ut vera syderis altitudo accurate accipiatur; sed sufficit, modo eadem altitudo, quæcunque ea sit, determinari possit; ad quod requiritur, ut radius quadrantis duobus, tribusve pedibus non sit minor. Præterea accipiendæ sunt plures altitudines diversæ tam ante transitum per meridianum, quam post eundem, ut verum transitus momentum veluti a pluribus principiis sese mutuo verificantibus inferre liceat: & si qua inter ea notetur differentia, medium quoddam ex omnibus sumitur. Verum si cum rigore loquamur, hæc methodus accurata non est, nisi pro stellis fixis, & illis syderibus, quæ declinationem intervallo temporis observationibus correspondentibus interjecti non mutant. Quod si enim sydus interea habuerit motum in declinatione, ut v. g. ad polum supra horizontem elevatum propius accesserit, ejusque altitudo meridiana diutius crescat; in descensu post meridiem tardius ad eam altitudinem perveniet, quæ in plaga orientali in ascensu observata fuit, adeoque medium inter tempora observata momentum transitus per meridianum justo tardius exhibet, quam reipsa fuerit. Ex oppposito si motus in declinatione fiat versus polum infra horizontem depressum, sydus citius a meridie attinget illam altitudinem, quæ in ascensu notata fuit, & medium inter utrumque tempus observatum verum momentum transitus per meridianum prævertet. Atque hoc contigit in exemplo superius allato: tunc temporis solis motus in declinatione versus Austrum fiebat, eoque deprimebatur aliquantum, ut post meridiem citius ad altitudinem 22° perveniret, atque ideo meridies ex altitudinibus correspondentibus ita erutus nempe 11 h. 48'. 5", verum præcessit.

Quamvis autem error ex mutatione declinationis solis nunquam excedat 30" tempus meridiei veri, quocunque in loco quis versetur alioqui habitabili; attamen si tempus verum accurate cognosci debeat, errores istiusmodi ad calculum revocandi sunt, ut meridies ex observationibus altitudinum correspondentium inventus corrigi possit.

In hunc finem sit RPZH (fig. 48) meridianus loci, in quo observatio instituta; Z Zenith; HR horizon; P polus; EQ æquator; S locus solis ante meridiem observatus & ad meridianum ac horizontem relatus; SD, ejus altitudo, quam in illo loco habuit.

buit. Si e puncto S ducatur ad polum arcus SP, erit SI folis declinatio, & angulus EPS æqualis ejus distantiae a meridiano (290). Producaturs DS usque ad Zenith, erit SZ complementum altitudinis observatae. Ducatur item per S circulus minor AV horizonti parallelus (dicitur autem talis circulus *Almucantarath*); & alter RSL parallelus æquatori, qui erit parallelus folis pro tempore observationis matutinae. Sit jam MN parallelus ejusdem pro tempore observationis pomeridiana, ita ut MR designet distantiam horum parallelorum, five mutationem declinationis inter utramque observationem factam: liquet, temporis momentum post meridiem observatum esse illud ipsum, quo parallelus folis MN fecat Almucantarath AV, sole in T existente, cum scilicet altitudines TF, SD æquales sunt. Quod si jam per T describatur TP, erit angulus EPT distantia folis a meridiano tempore observationis pomeridiana; hinc angulus TPS, five arcus eum mensurans, in tempus conversus, addi in hoc casu debet tempori observationis a meridie factae, ut meridies verus reperiatur.

Ut obtineatur angulus TPS, differentia angulorum ZPS, ZPT; observandum est, triangulum TZP non differre a triangulo PZS, nisi quatenus latus TP differt a latere SP quantitate RM, five mutatione declinationis: itaque triangulum TPS calculari poterit ope alicujus formulæ differentialis trigonometriæ sphaericæ (Trig. 192). Neque requiritur, ut laterum PZ, PS, SZ quantitas sit exacte cognita; sufficit, si modo sciatur quantitas variationis RM. Ex his principiis ab Astronomis conditæ sunt *tabulae Aequationis altitudinum correspondentium*, quæ passim in eorum libris occurrunt.

ARTICULUS IX.

De ascensione recta, & declinatione syderum.

327. **D**Declinatio syderum facile cognoscitur, si observentur eorum altitudines meridianæ, & cum elevatione æquatoris loci, in quo observationes instituuntur, conferantur. Ascensio recta per mensuram temporis determinatur. Cum enim omnia sydera, quæ sunt in eodem circulo declinationis, habeant eandem ascensionem rectam (305) & circulus declinationis sit circulus maximus ad æquatorem normalis; dum tota sphaera cælestis circumvolvitur, omnia circulorum declinationum plana successive, alterum post alterum, veniunt ad planum Meridiani (qui etiam circulus maximus est ad æquatorem perpendicularis) & cum eo congruunt. Unde Primo: Omnia sydera, quæ eodem tempore per meridianum transeunt, habent tunc eandem ascensionem rectam. Secundo: Quæ vero diversis temporibus veniunt ad meridianum, eorum ascensionum rectarum differentiae sunt proportionales differentiis temporum, quibus ad meridianum singula appellant. Exempli causa: Stellæ fixæ revolutionem integram absolvere debent intra 23 h. 56'. 4'' penduli recte constituti (324): quod si igitur ope ejusmodi horologii, & quadrantis in plano meridiani fixi, aut quod adhuc tutius, per altitudines correspondentes observatum fuit, stellam aliquam una v.g. hora citius vel tardius per meridianum transivisse, quam aliud quoddam sydus, invenietur, quot gradibus ascen-

ascensio recta ejus stellæ major vel minor sit quam alterius syderis, si fiat hæc proportio: ut 23 h. 56'. 4'', seu tempus revolutionis integræ fixarum, ad 360°. 0'. 0'' æquatoris, qui hoc tempore per meridianum transeunt; ita hora una differentiæ est ad 15°. 2'. 28'', differentiam ascensionum rectarum. Unde cognita ascensione recta alterutrius, etiam alterius ascensio recta per hanc observationem obtinetur.

328. Si horologium, quo utimur, non sit directum ad tempus medium, proportio hunc in modum facienda est: *Ut tempus elapsum horologii durante revolutione integræ fixarum est ad 360°; ita tempus in eodem horologio inter utriusque syderis transitum per meridianum observatum est ad differentiam ascensionum rectarum.*

329. Hinc sequitur, ad determinandam ascensionem rectam syderis cujusvis, imo omnium, satis esse, si detur ascensio recta stellæ unius, si habeatur horologium, cujus motus æquabilis sit, & possit determinari tempus monstratum ab eodem horologio in transitu illius syderis, & stellæ fixæ per meridianum.

330. Sed en methodum optimam inveniendi ascensionem rectam stellæ alicujus primariæ, ad quam dein ceteræ referri possint. Die quadam, dum sol non longe adhuc ab æquinoctio recessit, ejusque motus diurnus in declinatione 17 vel 18 minutis minor non est, observetur ejus altitudo meridiana, & inveniatur sive per altitudines correspondentes, sive aliter, differentia ascensionis rectæ solis, & stellæ, quam quis elegerit, pro ipso meridie. Postea quando sol post proximum solstitium ad eundem parallelum redit, eadem observatio repetatur, ut nempe reperiat arcus æquatoris (ut in sequente exemplo patebit) respondens motui solis in ascensione recta toto temporis intervallo, quo ad eundem parallelum rediit, hoc est, quo obtinuit eandem a solstitio distantiam: patet enim, cum dimidium hujus arcus sit distantia solis a coluro solstitiorum in æquatore accepta, quod etiam sit complementum ejus distantiae a puncto æquinoctiali, hoc est, ascensionis rectæ: hac itaque ratione habebitur ascensio recta solis, & ex differentia observata in stella, dabitur etiam ascensio recta stellæ.

Exemplum: Parisiis die 12 Aprilis A. 1749. fuit altitudo meridiana centri solis 49°. 58'. 33'', & altitudinibus correspondentibus solis & Lucidæ Lyræ magno numero acceptis eorum differentia in ascensione recta pro ipso meridie deducta est 103°. 50'. 54''. Dein 30 Augusti ejusdem Anni observata fuit altitudo meridiana solis 50°. 3'. 8''; & differentia ascensionis rectæ a Lucida Lyræ reperta 241°. 43'. 26''. Discrimen 4'. 35'' inter altitudines meridianas ostendit, quod si altitudo meridiana solis, aut, quod idem est, ejus declinatio die 12 Aprilis major fuisset 4'. 35'', sol fuisset in eodem

accurate parallelo, in quo fuit die 30 Augusti in ipso meridie. Et quia motus diurnus solis accurate in tabulis Astronomicis exhibetur, inito calculo reperitur, quod a die 12 usque ad meridiem 13 Aprilis, sol confecerit in ascensione recta $55^{\circ} 10' 4''$, & in declinatione $21^{\circ} 45' 4''$. Hinc fiat: ut $21^{\circ} 45' 4''$ ad $55^{\circ} 10' 4''$; ita sunt $4' 35''$ ad $11' 37''$. Quare dum die 12 Aprilis declinatio solis $4' 35''$ crevit, eodem tempore differentia ascensionis rectæ solis & Lucidæ Lyræ crevit $11' 37''$; & eo momento, quo eodem die habuit eandem declinationem, quam habuit 30 Augusti in meridie, differentia ascensionum rectarum solis & Lucidæ Lyræ fuit $104^{\circ} 2' 31''$. Subtractis $104^{\circ} 2' 31''$ ex $241^{\circ} 43' 26''$ relinquitur motus solis in ascensione recta, quam habuit toto intervallo, quo ad eundem parallelum rediit, nempe $137^{\circ} 40' 55''$; huic addenda sunt $18''$, quia etiam stella eodem tempore habuit exiguum motum in ascensione recta pendentem a triplici causa, quæ variationem aliquam in loca fixarum inducit, & in sequentibus exponetur (vid. Sect. VI. C. I. Art. 9); habeturque tum summa $137^{\circ} 41' 13''$. Hic arcus a coluro solstitiorum bifariam secatur; adeoque ejus dimidium $68^{\circ} 50' 36''$. 5 est arcus æquatoris inter colurum solstitiorum, & locum solis interceptus, quando die 12 Aprilis pervenit ad eundem parallelum, in quo in ipso meridie diei 30 Augusti fuerat: complementum igitur $21^{\circ} 9' 23''$. 5 est vera ascensio recta soli eo momento competens. Et quia tunc differentia ascensionis rectæ lucidæ lyræ fuit $104^{\circ} 2' 31''$, quibus hæc solem præcedebat, reperitur tandem ascensio recta apparens lucidæ lyræ fuisse eodem momento $277^{\circ} 6' 52''$. 5.

ARTICULUS X.

De præcipuis usibus ascensionis rectæ, & declinationis syderum.

331. **I**nter præcipuos usus, quos ascensio recta & declinatio syderum habet, est, quod inveniendæ eorum longitudini & latitudini serviant, ut jam vidimus (306).

332. Præterea ex ascensione recta intelligitur ordo, juxta quem sydera dietim revolvuntur, uti etiam intervallum temporis, quo alterum alteri succedit, maxime respectu meridiani.

333. Ex eadem per calculum inveniri potest, qua hora quodvis sydus per meridianum transeat. En autem methodum: Accipe differentiam inter ascensionem rectam syderis illius, & solis pro meridie diei, de quo quæstio est; hanc converte in tempus, ita ut uni horæ respondeant 15 gradus; habebis intervallum temporis prope verum inter meridiem, & transitum syderis

deris per meridianum. Si sydus sit ex parte occidentali solis, five si ejus ascensio recta minor sit, quam ascensio recta solis, interval- lum temporis repertum & a 12 horis subtractum dabit tempus trans- itus syderis per meridianum ante meridiem; sed si sydus sit ex parte orientali solis, seu ejus ascensio recta major sit, quam solis, hoc tempus incidet in horas pomeridianas.

334. Sed, ut diximus, primus hic calculus non ostendit verum momentum temporis, quo sydus ad meridianum pervenit, sed so- lummodo vero propinquum, quod scilicet in eo supponatur, nec soli, nec syderi, eo intervallo esse motum proprium in ascensio- ne recta. Quare ut verum transitus per meridianum tempus re- periat, præterea calculanda est ascensio recta tam solis, quam alterius syderis pro eo tempore, quod per priorem calculum in- ventum est; earum differentia in tempus conversa dabit tempus verum quæsitum.

In exemplo, supponamus die quadam in ipso meridie ascensio- nem rectam Martis esse $112^{\circ}. 18'$; & solis $183^{\circ}. 42'$: differentia $71^{\circ}. 24'$ in tempus conversa est 4 h. 45'. 36"; & quia ascensio re- cta Martis minor est, quam solis; citius Mars ad meridianum per- venire debet, quam sol (332) idque circa 7 h. 14'. 24" ante meri- diem. Calculetur pro hoc tempore ascensio recta Martis, & solis, reperietur illa quidem $112^{\circ}. 13', 12''$; hæc vero $183^{\circ}. 30', 10''$; quarum differentia $71^{\circ}. 16', 58''$ ad tempus reducta, dat tempus transitus Martis per meridiem 7 h. 14'. 52" mane.

Illud manifestum est, hunc calculum institui ratione inversa ejus, quæ servatur, cum ex observato transitu per meridianum syderum ascensio recta invenitur (327).

335. Præsens calculus etiam adhiberi potest ad examinandum horologium: si enim notetur tempus ab horologio monstratum, dum sydus, cujus ascensio recta nota est, per meridianum transit, & tempus transitus per calculum inveniatur, ex collatione utrius- que temporis patebit, an tempus ab horologio ostensum congruat cum vero; aut quantum horologium differat.

336. Quartus usus jam expositis analogus est, quod *reperiri pos- sit pro tempore dato distantia alicujus syderis a meridiano loci dati*, aut quod idem est (290) angulus ad polum a meridiano loci, & circulo de- clinationis per sydus ducto comprehensus. Hunc in finem interval- lum inter tempus datum & meridiem præcedentem convertatur in gradus (ita ut horæ uni respondeant 15 gradus): hi addantur ascensioni rectæ solis e tabulis Astronomicis pro tempore dato repertæ: summa exhibebit pun- ctum æquatoris tempore dato per meridianum transiens. Ab hac

eadem summa (additis, si nimis parva sit, 360 gradibus) *subtrahatur ascensio recta syderis*: residuum erit angulus ad polum quæsitus.

337. Cum æquatio temporis (321) sit differentia inter longitudinem mediam solis, & ejus ascensionem rectam veram; si tempus detur medium, idem calculus instituetur, converteturque hoc tempus medium in gradus, quindecim uni horæ tribuendo; qui addentur longitudini solis mediæ, sumtæ scilicet e tabulis, quæ huic tempori competit; tandem a summa ascensio recta syderis subtrahetur.

338. Et quia angulus ad polum meridiano loci & circulo declinationis syderis comprehensus per motum diurnum singulis secundis temporis mutatur 15'', si detur hic angulus, per calculum, inversum prioris reperitur tempus, quo fuit quantitatis datæ, modo sciatur, an sydus ex parte orientali, an ex occidentali meridiani tum fuerit: addatur enim angulo dato (si sydus fuit ad partem occidentalem), vel ejus complemento ad 360 gradus (si ad orientem fuit sydus) *ascensio recta syderis*: a summa subtrahatur *ascensio recta solis*: residuum in tempus conversum (15 gradibus uni horæ tributis) dabit tempus verum quæsitum. Aut etiam angulo dato, vel ejus complemento ad 360 gradus addita ascensione recta syderis, a summa subtrahatur solis longitudo media; residuum in tempus conversum erit tempus quæsitum medium.

339. Hinc autem apparet, unum e præcipuis usibus ascensionis rectæ & declinationis syderis, esse, ut reperiat *tempus verum* e theoria solis cognita, & altitudine hujus syderis ad partem orientalem vel occidentalem meridiani observata. Datis enim hac altitudine, declinatione syderis, & elevatione poli, invenitur (290) angulus ad polum ZPE (fig. 38 & 39) inter sydus E & meridianum PZ comprehensus: habito porro hoc angulo, & ascensione recta syderis, reperitur tempus verum, quo illa altitudo observata fuit.

340. Et vicissim (qui est alter usus ascensionis rectæ & declinationis syderum) inveniri potest altitudo syderis pro tempore dato, si quærat *ejus distantia a meridiano* pro eodem tempore, & calculetur latus EZ ejusdem trianguli sphærici EPZ.

341. Denique declinatio syderis etiam usum habet (279) in inveniendâ ejus altitudine meridiana, amplitudine ortiva vel occidua (291) atque arcu semidiurno, si detur altitudo poli: & vicissim uno ex his tribus dato, reperitur elevatio poli.

CAPUT II.

De illusionibus Opticis in phaenomenis astrorum, quarum causa est motus telluris annuus.

Postquam praeicipuas proprietates illusionum Opticarum e motu telluris diurno, sive rotationis, pendentium exposuimus, ordo poscit, ut illas quoque explicemus, quarum occasio est motus terrae annuus. Sed ut rite intelligantur, praemittenda est theoria motuum, quos ejusmodi illusiones Opticae afficiunt, quique motus apparentes sive relativi dici solent.

ARTICULUS I.

Theoria motuum apparentium & relativorum; ac de eorum projectione orthographica.

342. *Motus apparens* objecti dicitur, quem observator in motu constitutus, & nihilominus se in puncto aliquo fixo quiescere existimans, attribuit objecto quiescenti. *Motus relativus* objecti est, quem observator motus, seque quiescere credens, attribuit objecto itidem moto.

343. *Locum verum oculi* in sequentibus vocabo illud universi punctum, in quo tempore dato re ipsa observatoris oculus est constitutus; *locum vero oculi putativum* dicam illum in universo, in quo observator sese quiescere arbitratur.

344. Cum isthic solum de motu circulari agatur, *orbita oculi* vocabitur nobis via, quam observator in hoc universo re ipsa percurrit; *planum orbitae oculi*, erit illud planum, in quo ea orbita describitur: *orbita optica* via, quam objectum in caelo percurrere videtur.

345. *Projectio orbitae opticae* est figura, quam in plano ultra orbitam opticam sito efformant radii visuales e loco putativum oculi per omnia puncta orbitae opticae ducti, & in illo plano terminati, sive (ut exemplo sensibili ad juvandam imaginationem utamur) est figura umbrae ab orbita in planum aliquod projectae, si ea e loco putativum oculi illuminaretur.

Si radii visuales terminentur in illo plano ad angulos rectos, erit *projectio orthographica*.

346. *Planum comparationis* est, quod per locum putativum oculi, & objectum transit, & ad planum orbitae oculi normale est. Itaque

si objectum fixum est, planum quoque comparationis est fixum; si objectum movetur, etiam hoc planum est mobile, & quidem eadem velocitate angulari, qua objectum movetur.

347. Problema. *Datis positione loco putatio oculi S (fig. 46), & quotcunque punctis A, B, C orbitæ veræ, quam mobile in plano quovis describit, cum punctis a, b, c, in quibus reipsa oculus iisdem temporibus existit; determinare viam opticam mobilis.*

Resolutio. Ductis rectis Aa , Bb , Cc , agantur per S æquales & parallelæ Sa , Sb , Sc , singulæ singulis: erunt puncta a , b , c via optica. Nam cum v. g. recta Sa sit æqualis & parallela rectæ aA , punctum a respectu puncti S habet eundem situm, eandemque distantiam, quam habet A relate ad a. Igitur observator existimans se esse in S, objectum a se in a videri putare debet. Idem est de reliquis punctis b , c & c.

348. Corollarium I. *Itaque locus verus, & putativus oculi; locus item verus & opticus objecti semper sunt in extremis laterum oppositorum parallelogrammi: sive locus verus objecti, & locus putativus oculi sunt semper in extremis unius e diagonalibus parallelogrammi; & locus opticus objecti cum loco vero oculi sunt in extremis alterius diagonalis.*

349. Corollarium II. *Et locus opticus objecti habet semper situm oppositum loco vero oculi.*

350. Corollarium III. *Si objectum sit immobile in A (fig. 47) orbita optica $a\beta\gamma$ est linea æqualis orbitæ veræ oculi abc , & in plano parallelo sita. Nam ob parallelogramma $a\alpha$, $b\beta$, $c\gamma$, quorum plana in diagonali communi SA se interfecant, & bases Sa , Sb , Sc sunt in eodem plano, in quo est orbita oculi; etiam Aa , $A\beta$, $A\gamma$ his basibus æquales & parallelæ in eodem plano, & quidem plano orbitæ oculi parallelo, esse debent, angulosque $aA\beta$, $\beta A\gamma$ angulis aSb , bSc æquales facere. Ergo puncta a , β , γ sunt in linea æquali lineæ abc , & in plano parallelo, sed situ opposito.*

351. Corollarium IV. *Si objectum sit immobile, & in eodem plano cum oculo, etiam ejus orbita optica est in hoc plano.*

352. Corollarium V. *Si objectum immobile sit in loco putatio oculi, videtur esse in extremitate radii æqualis & ejusdem directionis cum radio, qui e loco vero oculi ad centrum ducitur. Sic si oculus moveatur in circulo vel ellipsi, in cujus centro est objectum & locus putativus oculi; objectum in extremitate diametri per oculum ductæ apparet, adeoque videtur eam orbitam describere, in qua oculus movetur.*

353. Corollarium VI. *Si objectum sit immobile, arcus ab eo in orbita optica descriptus æquatur arcui, quem oculus in sua orbita vera percurrit.*

354. *Obſerva.* In ſequentibus ſupponam, orbitam oculi eſſe circulum, & ejus locum putatitium centrum. In hac vero hypotheſi, ſi obiectum ſit immobile ſive extra, ſive intra hanc orbitam ſitum, manifeſtum eſt (350), ejus orbitam opticam itidem fore circulum, quem deinceps *Epicyclum* obiecti vocabo.

355. *Lemma I.* *Planum circuli minoris HL (fig. 50) circulo maximo ſphærae Q I paralleli, inclinatur ad planum FG, tangens ſphæram in puncto circuli minoris H; quantitate complementi arcus diſtantiæ paralleli a circulo maximo QH: & radius ejusdem circuli minoris HL eſt ad radium circuli maximi QI, ut coſinus diſtantiæ QH eſt ad ſinum totum.*

Angulus enim MHL inclinationis plani FG cum plano paralleli HL, eſt complementum anguli LHI æqualis angulo HIQ, cujus meſura eſt arcus HQ. Eodem modo patet, HL eſſe coſinum arcus QH.

356. *Lemma II.* *Si ex omnibus peripheriæ punctis A, M, D, B, C (fig 53) circuli in plano OK ad planum alterum OG inclinato deſcripti demittantur ad planum OG perpendiculares Aa, Mm, Dd, Bb, Cc &c., eæ omnes terminabuntur in circumferentia Ellipſeos a d b c, cujus axis major a b erit æqualis & parallelus circuli diametro illi, quæ plano OG eſt parallela, ſive interſectioni ON planorum communi; axis vero minor c d reſpondebit diametro circuli CD ad planum OG, ſive ad interſectionem ON perpendiculari, ita ut hic axis minor c d ſit ad axem majorem a b, ut eſt coſinus inclinationis planorum OG, & OK ad ſinum totum.*

Demonſtratio. Cum diameter AB circuli ſit plano OG parallela; item perpendiculares ad idem planum Aa, Bb ſint parallelæ inter ſe, figura AabB eſt parallelogrammum rectangulum, & hinc $AB = ab$. Dein ob diametrum CD ad interſectionem ON, perpendicularem, uti etiam ad alteram diametrum AB; utraque, tam AB, quam ON ab eadem biſecatur, & planum cVC, in quo ſunt perpendiculares Cc, Dd, eſt ad planum OG normale, & a planis parallelis bNB, aOA æquidiſtans. Quare primo ab ſecatur bifariam & ad angulos rectos per cd. Secundo angulus cVC æquatur inclinationi planorum OG & OK (Elem. 630). Tertio ob trianguſa rectangula cVC, fVF, dVD ſimilia, partes df, fc rectæ dc, æquantur inter ſe, quia etiam pars DF parti FC æqualis eſt. Itaque cum ab ſit axis ellipſeos; cd, quæ ab ſecat normaliter & bifariam, & viciffim biſecatur, debet eſſe alter axis. Quarto In iisdem triangulis eſt $cd:CD$ (ſeu ab) $= cV:VC$. Eſt vero (Elem. 747) cV ad VC, ut coſinus anguli cVC ad ſinum totum: ergo axes cd, ab ſunt inter ſe, ut coſinus inclinationis planorum ad ſinum totum.

Demonſtrandum itaque eſt, curvam abcd eſſe ellipſin. Ducatur in circulo ſemior- dinata quævis MP, demittanturque ad planum OG perpendicula Mm, Pp. Quoniam punctum P eſt in diametro AB, perpendicularis Pp erit parallela ad Aa, Bb, & in eodem plano cum rectangulo AabB: conſequenter in lineam ab cadet, ita ut ſit $ap = AP$, & $pb = PB$. Sed quia PM eſt ad AB & ON perpendicularis, & ad DC parallela; planum pXP, in quo ſunt perpendicula Pp, Mm, eſt ad planum cVC parallelum; & hinc pm ad ab normalis, & ſemior- dinata curvæ acdb. Ob eandem rationem trianguſa pXP, mXM, cVC, dVD ſimilia ſunt, & $pm:PM = cd:CD$ ſive ab ; adeoque etiam $pm^2:PM^2 = cd^2:ab^2$. Eſt autem (Elem. 562) $PM^2 = AP \cdot PB = ap \cdot pb$; conſequenter $pm^2:ap \cdot pb = cd^2:ab^2$, quæ eſt proprietas ellipſeos (Elem. 820).

357. Corollarium I. Projectio orthographica circuli $A C B D$ est ellipsis $a b c d$ (345).

358. Corol. II. Ob parallelismum planorum similium $f d D F$, $p m$ MP , & rectarum $a b$, $A B$, est $p m : P M = d f : D F$, & $P F = p f$: itaque projectio $d m$ arcus cujusvis $D M$ est ejusmodi, ut semiordinata $m H$ ad axem minorem ellipsis sit æqualis sinui $P F$ arcus $D M$. Est enim $m H = p f = P F$; & semiordina ad axem majorem $m p$ est ad cosinum $M P$ ejusdem arcus $D M$, ut est $f d$ ad $F D$, sive ut axis minor ellipsis ad axem majorem (Elem. 895).

359. Corollarium III. Si detur ellipsis $a c d b$ (fig. 49) quæ sit projectio orthographica alicujus circuli, debeatque ea dividi in gradus, sive in arcus dati numeri graduum, describatur super axe majore circulus $a M D b C$, isque in gradus dividatur, seu accipiantur in eo arcus $D M$, $D M$ &c. dati numeri graduum, initio divisionis sumpto a puncto, per quod diameter cum aliquo axe congruens transit, velut hic $C D$. Tum e singulis divisionis punctis M , M &c. demittantur perpendiculara $M P$, $M P$ &c., quæ intersectione sua determinabunt puncta correspondentia in projectione elliptica m , m &c. Nam abscissæ $F P$, $F P$ &c. sunt ut sinus arcuum $D M$, $D M$ &c., & semiordinate $P m$, $P m$ &c. sunt ad correspondentes semiordinate circuli $P M$, $P M$ &c. ut axis minor ad majorem.

360. Corollarium IV. Si projectio elliptica infinite contrahatur, ita ut tota coincidat cum axe suo majore $a b$ (id, quod semper evenire debet, dum oculus in plano circuli projiciendi positus est) divisio ita instituetur: nempe e medio puncto hujus axis majoris accipiantur super eo partes $F P$, $F P$ &c., quæ sint in ratione sinuum respondentium numero graduum dato.

361. Scholium. Divisio ellipsis in gradus suos etiam institui potest ope circuli $c N d O$ super axe minore descripti, & in arcus $d I$, $d I$ &c. totidem graduum divisi, quot arcus $D M$, $D M$ &c. continent; si scilicet sinus iis correspondentes $I H$, $I H$ &c. producantur, donec ellipsi occurrant, quod in iisdem punctis m , m &c. fiet. Cum enim arcus $D M$, $d I$ sint ejusdem numeri graduum, eorum sinus & cosinus sunt inter se, ut eorum radii $F D$, $F d$. Hinc primo est $K M$ (vel $F P$): $H I = F D : F d$. Est vero (Elem. 895) $H m : H I = F D : F d$; itaque $H m = F P$, & uterque circulus determinat punctum m in eadem ab axe $c d$ distantia. Secundo: $P M$ (vel $F K$): $F H = F D : F d$; sed etiam $P M : P m = F D : F d$; quare $F H = P m$, & uterque circulus determinat punctum m in eadem distantia ab axe $a b$: ergo debent idem punctum ellipseos determinare.

362. Hinc vero deducitur methodus expedita simul describendi, & ut libuerit, dividendi ellipsin, vel ejus portionem quamvis, super axibus datis $a b$, $c d$. Etenim si super utroque axe describantur circuli, eorumque arcus $D M$, $d I$ accipiantur similes & præscripti numeri graduum, divisionis initio facto a diametro aliqua communi utrique circulo, velut $C D$; rectæ $M P$ ad diametrum $C D$ parallelæ & per omnia puncta M ductæ, intersectione sua cum rectis $H m$ ad alteram diametrum $a b$ parallelis, & per correspondentia divisionis puncta I transeuntibus, determinabunt totidem puncta ellipseos m , m &c.

THEOREMA I. Si orbita vera oculi sit circulus, & objectum immobile ab oculo distantiam quasi immensam habeat; projectio orbitæ opticae $ACBD$ (fig. 53), cum in superficie sphaeræ cælestis exiguum admodum spatium $ONGI$ occupet, quod pro plano haberi potest, est ellipsis $acbd$, cujus axis major ab est parallelus plano orbitæ oculi QR , & æqualis arcui cælesti ab , quem radii Sa , Sb e loco imaginario oculi S ad extrema puncta diametri ab plano $ONGI$ parallelæ ducti intercipiunt; & axis minor cd est in plano comparisonis, sive in plano ad planum orbitæ oculi QR perpendiculari: axis vero minor est ad majorem, ut sinus arcus QO , qui metitur distantiam plani orbitæ oculi QR a plano orbitæ opticae OK , est ad sinum totum.

Demonstratio. Quoniam per hypothesein circulus $ACBD$ fere infinite distat ab oculo S ; & radii e centro ad superficiem sphaeræ ducti eidem sunt perpendiculares, evidens est rectas Aa , Bb , Cc , Dd &c. esse inter se parallelas, & ad planum $ONGI$, ad alterum planum OK inclinatum, normales. Quare (356) curva $acbd$ est ellipsis, cujus axis major æquatur diametro AB circuli $ACBD$; & axis minor cd est perpendicularis ad planum orbitæ oculi, seque habet ad axem majorem, ut sinus arcus QO ad sinum totum.

364. **Corollarium I.** Projectio acb partis circuli ACB versus oculum sitæ, sive oculo propioris, est portio ellipseos maxime supra planum oculi elevata, seu ut verius dicamus, maxime ab hoc plano remota: ex opposito projectio bda partis circuli BDA , quæ est ex altera parte oculi, seu quæ ab oculo magis distat, est ellipseos pars inferior, hoc est plano orbitæ oculi vicinissima.

365. **Corollarium II.** Quo planum orbitæ opticae magis accedit ad situm perpendicularem respectu plani orbitæ veræ oculi, eo magis ejus projectio dilatatur, & ad circulum propius accedit; ita ut si orbita optica responderet polo Z circuli maximi, in cujus plano est orbita oculi, ejus projectio esset circulus, quia tunc axis uterque ellipseos fieret æqualis; verum si orbita optica sit in eodem plano cum orbita oculi, ejus projectio est ellipsis ita contracta (axe minore existente infinite parvo) ut proprie non sit nisi linea recta æqualis axi majori, sive diametro orbitæ opticae.

366. **Corollarium III.** Itaque si objectum aliquod cæleste F sit immobile, & distantiam ingentem ab oculo observatoris habeat, qui se in centro S circuli, quem reipsa percurrit, quiescere existimat; hoc objectum primo non debet apparere in vero loco f , in quo terminatur radius visualis; sed singulis revolutionibus oculi in sua orbita videbitur circa verum locum f ellipsin $acbd$ describere, consequenter putabitur jam directione acb (dum unam ellipseos medietatem describit); jam directione opposita bda moveri, dum alteram medietatem percurrit. Dicitur autem objectum in tali ca-

fu primo quidem esse *directum*, postea vero *retrogradum*. *Secundo*. Idem objectum videbitur habere celeritates admodum inæquales : nam quando circa extrema c & d axis minoris est, spatium, quod describit, directe in oculum incurrit, adeoque magna tum celeritate moveri putatur; postea motum eo magis retardat, quo propius ad vertices ellipseos a & b accedit, quia scilicet arcus, quos ibi describit, sunt magis obliqui ad radios visuales; ita quidem, ut quando versatur in extremitate utraque axis majoris suæ ellipseos, videatur velut *stationarium*, seu immobile tam respectu progressionis directæ, quam retrogradationis, de quibus diximus; postea directionem mutat iterum, & sic deinceps.

367. Corollarium IV. Cognita magnitudine diametri orbitæ veræ oculi, & arcus cælestis ab , quem subtendit axis major projectionis orbitæ optice ab , cognosci etiam potest distantia loci putativæ oculi a centro orbitæ optice objecti, hoc est, ab ipso objecto.

Nam tunc radii visuales e loco putativæ oculi ad duo extrema axis majoris ducti sunt crura æqualia trianguli isoscelis, cujus basis est idem axis. Igitur recta e loco putativæ oculi ad punctum medium hujus axis ducta hoc ipsum triangulum isosceles in duo triangu-
gula rectangula æqualia dividit (Elem. 500), in quorum utrovis notus est angulus, quem medietas arcus ab metitur, & latus ei oppositum, æquale dimidio axi ab : quare per trigonometriam inveniri potest quantitas perpendicularis ad centrum orbitæ optice ductæ.

368. Lemma III. Si peripheriæ circuli ABC in eodem plano insistant alter circulus $AMDP$ (fig. 56), qui ponatur ab initio non habere alium motum, quam rotationis circa proprium centrum O juxta situm literarum A, M, D, P ; manifestum est, quod quamvis quodlibet ejus punctum A , dum peripheriam totam percurrit, omnes possibiles directiones reipsa habeat, nihilominus si ejus motus ad centrum S referatur, solummodo duas directiones inter se oppositas habeat; alteram quam *directam* vocabo, dum semicirculum MDP describit, qui dicatur *semicirculus superior*; alteram quam appellabo *retrogradam*, dum *semicirculum inferiorem* PAM percurrit.

Sed si præterea supponatur, quod centrum O circuli $AMDP$ moveatur directione OIN , ita ut circulus hic rotæ instar super peripheria ABC volvatur, tum vero evidens est *primo*, quod via centri O sit circulus major, quam ABC , & eidem concentricus.

369. Evidens est *secundo*, quod punctum A ad circumferentiam ABC non redeat, nisi postquam totam sui circuli peripheriam emensum est, & præterea arcum ejus BL , qui tot gradus continet, quot arcus AB , inter punctum A , e quo digressum est, & punctum B , in quo iterum redit, interceptus. Nam si punctum A in digressu suo e puncto aliquo fixo infinite distante videatur per radium OH , ejus revolutio circa centrum proprium tunc reipsa absolvitur, quando redit ad talem situm, ut per radium ad idem punctum fixum ductum cerni possit, quippe in hac hypothese circulus ABC omni extensione sensibili caret: itaque si puncto A in B existente per centrum I ducatur IL hæc ad AH parallela, hæc duæ respectu puncti fixi infinite distantis coincidunt in unam lineam: estque punctum L illud, in quo deberet existere A , ut conferetur revolutionem integram circa centrum suum O confecisse. Quare cum non in L , sed in B existat,

stat, præter circulum suum integrum, etiam arcum BL descripsit, qui tot gradus continet, quot arcus OI , seu AB , ob parallelas Ih & AH . Verum si motus referatur ad punctum S , quando A rursus ad peripheriam in B redit, solum circumferentiam sui circuli AMP descripsisse videtur.

Tertio. Quod si notetur via, quam describit punctum A , dum circulo AMP semel super ABC voluto a peripheria hujus digressum ad eandem redit, habebitur curva $AeQgB$; & dum secundo ita volvitur, rursus curva BKC describetur, quæ *epicyclois* dicitur, & sic in singulis volutionibus. Potest vero esse triplex casus.

370. Casus I. Si circulus ABC interea maneat immobilis, dum alter AMP super ejus peripheria volvitur (fig. 56); singulæ epicycloides, ut $AeQgB$ appellantur *simplices*, seu *ordinariæ*, quibus sequentes conveniunt proprietates:

Primo: Quacunque inæquali celeritate circulus volvatur, semper arcus AB (quem *basin* epicycloidis dicimus) æquatur peripheriæ circuli AMP .

Secundo: Si arcus OI , similis arcui AB , dividatur in quatuor partes æquales in punctis E, F, G , erit E locus centri circuli AMP , dum punctum A quartam suæ viæ partem in circumvolutione descripsit. Idem est de punctis F, G, I , in quibus centrum erit post quemvis viæ quadrantem, donec punctum A ad peripheriam ABC redeat. Itaque si per F producaturs radius SF , donec occurrat epicycloidi in Q , erit Q vertex epicycloidis, & pars radii QT ejus axis, diametro circuli AMP æqualis. Et si centro E , radio AO describatur arcus circuli ad partes puncti O , is occurret epicycloidi in e , in quo est punctum A ; centro circuli O in E existente. Simili ratione reperitur, punctum A in g existere, dum centrum in G versatur: ex quo sequitur, arcum Ae describi, quando punctum A est retrogradum, & dimidium sui semicirculi inferioris percurrit; arcum vero eQg , dum describit motu directo semicirculum suum superiorem; denique arcum gB , dum punctum A retrogradum alterum dimidium sui circuli inferioris conficit.

Tertio. Vertex epicycloidis Q est in medio arcuum AeQ , QgB æqualium, & similiter sitorum respectu axis QT .

Quarto. Arcus Ae , gB cavi versus axem TQ , magis ad eum vergere debent, quoniam respondent motui retrogrado puncti A , cujus directio ejusmodi est; at vero introrsum prorsus flecti, ut fit in figura 54, non possunt; nam cum via centri OI excedat singulas revolutiones æquales arcui AB , qui circuli AMP peripheriam adæquat; motus hujus centri directione OIN magis impellit punctum A versus K , quam idem motu rotationis circa suum centrum O in retrogradatione in oppositum feratur.

Quinto. Transitus puncti A epicycloides describentis ex arcu prioris QgB in arcum sequentis BK fit per angulum in B : nam postquam punctum A descripto ultimo latere infinite parvo epicycloidis AQB ad punctum B pervenit, illico per primum latus infinite parvum epicycloidis BKC iterum ascendit, nullo prorsus spatio inter hæc duo latera interjecto.

Sexto. Hinc punctum A e puncto S spectatum, semper apparet directum; verum motus ejus per totum arcum AeQ acceleratur; in vertice Q nanciscitur velocitatem maximam, quæ dein per arcum QgB ita decrescit, ut in puncto B videatur expirare; postea denuo motus acceleratur per arcum BK .

371. Casus II. Si interea, dum circulus AMP super ABC volvitur, etiam ipse circulus ABC circa suum centrum S eadem directione rotetur (fig. 55); aut generatim, si centrum circuli AMP majore velocitate angulari progrediatur in circulo OIN , quam punctum A in peripheria AMP moveatur, epicyclois a digressu puncti A a peripheria ABC usque ad ejus reditum descripta est *prolongata*, cui sequentes proprietates manifeste competunt:

Primo. Cum circulo ABC quiescente nihilominus punctum A in epicycloide simplici continuo versus C progrediatur, omnesque arcus hujus epicycloidis, aut succes-

sive describuntur, ita ad C magis accedant; si præterea ponatur ipse circulus ABC eadem directione rotari, necesse est, ut celeritas puncti A versus eandem partem major sit, quam dum describit epicycloidem simplicem, & hinc spatia sic descripta majora esse debent, & basis epicycloidis AB æquatur summæ e circumferentia circuli AMP , & illo arcu circuli ABC , quo is ipse interea rotatus est, dum punctum A ab eo digressum iterum rediit ad eundem.

Secundo. Si motus utriusque circuli sit æquabilis, puncta E, F, G , arcum OI in quatuor partes æquales secantia, determinant eodem modo, ut superius de epicycloide simplici diximus, arcus Ae, eQ, Qg, gB respondentes motui puncti A in partibus superioribus & inferioribus sui circuli; sic etiam habetur axis TQ diametro AD æqualis; & arcus AeQ, QgB sunt inter se æquales, & similiter respectu axis positi.

Tertio. Arcus Ae, gB eo minus ad axem vergunt, quo major est celeritas circuli ABC .

Quarto. Transitus puncti describentis epicycloidem ab arcu QgB ad arcum BK non fit per angulum, sed per curvam ad B tanto latiore, quanto celeritas circuli ABC est major. Quippe tunc velocitate existente majore punctum A eo magis oblique per arcum QgB descendit; & ubi ad B pervenit, exiguum quoddam spatium super ABC adhuc describit, antequam per arcum BK rursus ascendat, ita ut transitus in curva gBK fiat.

Quinto. Punctum A e puncto S visum semper manet directum, ejusque velocitas ab A usque in Q crescit; hinc usque ad B minuitur; verum in B non est nulla, sed solummodo velocitati angulari circuli ABC æqualis.

372. Casus III. Si interea, dum punctum A ad peripheriam circuli ABC redeat, hic circulus directione opposita circa suum centrum rotetur; aut generatim, si centrum circuli AMP in circulo OFI minore velocitate progrediatur, quam punctum A in peripheria AMP moveatur, epicyclois fiet *contracta*. Casus hic complures alios in se complectitur; sed ne hanc theoriam citra necessitatem implicatam reddamus, id solum in præsens supponemus, quod velocitas circuli ABC retrogradientis minor sit velocitate puncti A in sua peripheria AMP lati. In hac hypothese

Primo. Si circulus ABC (fig. 54) esset immobilis, nullum epicycloidis punctum esset retrogradum; sed quia ABC retrogreditur, ejus velocitas augere debet velocitatem puncti A in semicirculo suo inferiore, in quo sit retrogradum; & ex opposito in semicirculo superiore, in quo est directum, minuere. Ex quo fieri debet, ut extensio epicycloidis quoad spatia in peripheria ABC singulis revolutionibus ab A versus C confecta contrahatur, ejusque basis AB æquetur solum differentiæ inter peripheriam AMP , & arcum illum circuli ABC , quo is interea regressus est, dum punctum A ad eundem rediit.

Secundo. Supposito utriusque circuli motu æquabili, iterum ut superius reperiuntur arcus Ae, eQ, Qg, gB partibus inferioribus & superioribus circuli AMP respondentes; item axis $TQ = AD$, & arcus AeQ, QgB similes & æquales, similiterque respectu axis TQ positi.

Tertio. Arcus Ae, gB , retrogradationi puncti A respondentes, eo magis versus axem QT curvantur, quo velocitas circuli ABC major est; & flectuntur etiam introrsum, ita, ut contiguarum epicycloidum arcus sese interfecerent, quod punctum A , dum eos describit, feratur duplici motu opposito directioni versus C .

Quarto. Transitus puncti A per punctum B fit in curva introrsum flexa gBm , quia dum descripto ultimo latere infinite parvo arcus QgB , ad B advenit, velocitate retrogradientis circuli ABC abripitur, & spatium aliquod exiguum versus m describit, antequam per arcum BmK iterum ascendat.

Quinto. Punctum A e puncto S consideratum, videri debet, jam directum, jam retrogradum, jam etiam immobile sive *stationarium*. Ductis enim ex S tangentibus Sm, Sn, St, Sy , liquet, punctum A fore directum, dum describit arcum $nQgt$, cujus nempe

nempe omnia puncta versus C diriguntur: quando autem pervenit ad tangentem St , apparebit *stationarium*. hoc est, nec versus C , nec versus O tendet eo tempore, quo arcum, qui cum tangente proxime congruit, percurrit. Denique in arcu tBm erit retrogradum, qui arcus scilicet inter tangentes comprehenditur. Ubi ad m pervenit, iterum fit *stationarium*; tum in arcu mKy directum; donec ad y *stationarium*, & postea rursus retrogradum appareat, ac si deinceps. Atque hac ratione in singulis revolutionibus in suo circulo punctum A fit bis *stationarium*, semel directum, & semel retrogradum.

Sexto. Porro manifestum est, velocitatem angularem puncti A fore nullam, dum est *stationarium*; postea crescere, dum vel ad verticem epicycloidis, vel ad infimum ejus punctum, in quo peripheriam circuli ABC iterum contingit, pervenit, quibus in locis velocitas maxima videtur, quod hi arcus oculo observatoris in S directe sint expositi; postea motus retardatur usque dum fiat iterum *stationarium*.

Septimo. Arcus retrogradationis tBm , eo major est, quo velocitas angularis circuli regredientis ABC est major.

373. Corollarium. Ex his illud generatim deducere licet, in ejusmodi motibus speciem epicycloidis pendere a ratione magnitudinis basis AB ad peripheriam circuli, in qua movetur punctum A .

374. Scholium. Si in primo & secundo casu motus utriusque circuli non esset æquabilis, epicycloides nascerentur minus regulares, axis TQ non transiret per medium inter arcus AeQ , QgB , qui nec æquales, nec similiter positi essent, sed alter altero magis prolongaretur, prout duarum celeritatum combinatio, magis in hanc, quam in alteram partem conveniret. Nihilominus tamen forma epicycloidis hæc fere, quam descripsimus, semper prodiret; hoc est, curvatura ad B imitaretur eam, quam fig. 54 & 55 depinximus.

Ex generali hac theoria nihil deducemus, nisi quod exponendis phænomenis motuum planetarum, prout in nostro systemate solari dispositi sunt, applicari debet.

375. THEOREMA II. Si objectum & oculus moveantur uniformiter velocitatibus angularibus V , u , in circulis concentricis, quorum radii sint R & r , versus eandem partem, loco putatio oculi existente in centro: orbita optica objecti est curva composita e tot epicycloidibus, quot vicibus oculus ex eadem parte ad planum comparisonis pervenit; epicycloides autem hæc sunt vel simplices, vel prolongatæ, vel contractæ, prout $VR - Vr$ vel est æquale, vel majus, aut minus, quam $ur - Vr$, oculo circum interiore percurrente; at si is in circulo exteriori feratur, species epicycloidum dependet a ratione, quam habet $ur - uR$ ad $VR - uR$.

Demonstratio. Si objecto quiescente oculus moveatur in circulo, puteturque in centro suæ orbitæ quiescere, nunquam objectum in loco suo proprio videt, sed apparet ei circa locum suum proprium circum describere, æqualem illi, quem ipse oculus percurrit, & celeritate eadem (352). Itaque si tam objectum, quam oculus una moveantur in circulis concentricis, motus objecti respectu loci putatii oculi videri debet compositus e duplici, altero revolutionis in epicyclo circa locum verum objecti; altero progressionis centri hujus epicycli in orbita objecti. Atque hinc objectum respectu loci putatii oculi ita se habet, ut punctum A (fig. 54, 55, & 56) relate ad S ; consequenter orbita optica objecti

debent esse tot epicycloides sese continuo ordine excipientes, quoties oculus ad planum comparationis versus eandem partem redit (quippe non prius videri potest objectum unam in epicyclo revolutionem confecisse respectu puncti S, quam oculus ad dictum planum redierit): species autem harum epicycloidum dependet a ratione magnitudinis absolutæ peripheriæ epicycli, five orbitæ oculi, ad magnitudinem arcus AB, similis arcui OI, quem objectum percurrit interea, dum oculus ad planum comparationis redit.

I. Ut jam duæ hæ magnitudines rite exprimantur, observandum est, quod cum oculus & objectum moveantur versus easdem partes, oculus ad planum comparationis non redeat, nisi excessu celeritatis suæ supra celeritatem objecti. Unde si fiat hæc proportio: ut excessus $u - V$ velocitatum angularium oculi & objecti, quæ habentur eodem tempore, est ad V velocitatem objecti eodem tempore; ita 360° , seu summa omnium excessuum velocitatum angularium, quos oculus acquirere respectu objecti debet, ut ad planum comparationis possit redire, sunt ad $\frac{360^\circ \times V}{u - V}$, summam velocitatum angularium objecti tempore, quo oculus ad planum comparationis redit; ex hac, inquam, proportionem habetur $\frac{360^\circ \times V}{u - V}$

pro angulo O SI, vel ASB, qui æquatur summæ velocitatum angularium objecti. Est autem radius arcus AB, mensurantis angulum ASB, $SO - AO = R - r$; & (91) arcus omnis æquatur angulo in radium ducto; itaque magnitudo absoluta arcus AB est $\frac{360^\circ \times V}{u - V} (R - r)$. Ob eandem rationem magnitudo peripheriæ epicycli APDM est $360^\circ \times r$: adeoque arcus AB est ad epicyclum APDM, ut $\frac{360^\circ \times V}{u - V} (R - r)$ ad $360^\circ \times r$, five ut $\frac{V}{u - V} \times (R - r)$ ad r ; aut ut $V R - V r : u r - V r$; vel denique ut $\frac{R - r}{r}$ ad $\frac{u - V}{V}$.

376. II. Si orbita objecti MDP (fig. 57) fit intra orbitam oculi, ut si is percurrat arcum ab intervallo reditus sui ad planum comparationis ex eadem parte; centrum S orbitæ veræ objecti videbitur (353) arcum æqualem OI describere; & quia eodem tempore objectum semel in peripheria sui circuli MDP revolvitur, oculo, cujus locus imaginarius est in S, apparet eodem tempore in circulo ipsi MDP æquali semel circuire, quo centrum S arcum OI describit. Hinc orbita optica objecti rursus debet videri composita ex epicycloidibus AQBK C, quarum species dependet a ratione arcus AB ad peripheriam circuli MDP. Arcus porro AB

AB æquatur summæ celeritatum angularium oculi intervallo re-
ditus sui ad planum comparationis; & radius hujus arcus est $r - R$;
 MDP vero reperitur ut prius $= 360^\circ \times R$; & hinc arcus $AB =$
 $\frac{360^\circ \times u}{V - u}(r - R)$: ergo species epicycloidum pendet a ratione $ur -$
 uR ad $VR - uR$, seu $\frac{r - R}{R}$ ad $\frac{V - u}{u}$.

377. Corollarium I. *Sive velocitates objecti & oculi sint æquabiles, si-
ve non sint æquabiles, locus apparens objecti semper est in vertice epicycloidis,
dum loco vero oculi existente in plano comparationis, locus oculi putativus est
inter oculum & objectum: & locus apparens objecti est semper in arcu infimo epi-
cycloidis, quando locus verus oculi existentis in plano comparationis est simul inter
objectum & locum putativum oculi, aut vero quando objectum est inter locum ve-
rum & putativum oculi.* Nam vertex epicycloidis est punctum ex
omnibus maxime remotum a centro S , & arcus infimus epicycloi-
dis est eidem centro S vicinissimus: jam vero liquet (Elem. 546),
quod oculus in plano comparationis, & trans locum suum putati-
tium respectu objecti existens, ab eo maximam, quam potest ac-
quirere, habeat distantiam: contra vero dum est cis locum suum
putativum, aut dum objectum est inter oculum, & locum ejus pu-
tativum S , minimam omnium distantiam ab objecto habeat: igitur
in primo casu locus apparens objecti est maxime omnium remotus
a loco putativum oculi; & in aliis duobus est eidem omnium vici-
nissimus.

378. Corollarium II. Projectiones epicycloidum in superficie
sphæræ cælestis debent esse epicycloides quædam ellipticæ, qua-
rum axes TQ sint inter se, ut sinus arcuum cælestium, qui me-
tiuntur distantiam plani oculi a plano epicycli objecti (363); &
vertices Q, K debent apparere maxime vicini plano oculi; extre-
ma vero puncta A, B, C maxime remota a plano orbitæ oculi (364).

ARTICULUS II.

Applicatio Theoriæ præcedentis ad phænomena pendentia a motu Telluris annuo.

379. **U**t theoria superiore articulo exposita rite ad phænomena
cælestia, quorum causa est annuus motus telluris, appli-
cetur, observandum est *Primo*, planum quod generaliter dicimus
orbitæ oculi, in nostro casu esse planum eclipticæ. *Secundo* orbi-
tam oculi esse eam ellipsin, quam tellus reipsa singulis annis circa
solem describit, sed quæ a circulo non multum differt, axe ejus
majo-

maiore ad minorem se habente ut 2000, 142 ad 1999, 857. *Tertio.* Cum videatur sol ipse in hac ellipsi circa terram moveri, ac terra centrum omnium motuum cælestium occupare, quamvis id multum absit a vero; sequitur, locum putativum oculi esse in vero solis loco. *Quarto.* Planum comparationis esse planum circuli maximi ad eclipticam perpendicularis, ac per solem & sydus, quod observatur, transeuntis. Est itaque (303) planum circuli latitudinis. Dum oculo in hoc plano constituto sol & sydus ex eadem parte videntur, sydus eandem cum sole longitudinem habet, diciturque *cum sole esse in conjunctione*, id, quod uno tantum modo fieri potest, si orbita syderis orbitam telluris ambiat; at duplici ratione evenire idem potest, quando syderis orbita intra orbitam telluris sita est. Tunc enim videbitur sol cum sydere ad eandem partem, sed vel sydus ultra solem, quæ *conjunctio superior* est; vel cis eundem, & intra terram, quæ *conjunctio inferior* dicitur. Verum oculo in plano comparationis inter sydus & solem versante, hæc duo centum octoginta gradibus in longitudine differre videntur, & dicitur *sydus tunc esse in oppositione cum sole*. At generatim sydus esse in *Syzygiis* dicitur, quando vel in conjunctione, vel in oppositione constitutum est. Denique oculo a plano comparationis ita remoto, ut arcus eclipticæ inter solem & planum circuli latitudinis syderis interceptus sit 90° , dicitur sydus esse *in quadratura cum sole*.

ARTICULUS III.

De motu apparente stellarum fixarum, quem efficit motus telluris annuus.

380. **J**uxta theoriam motus apparentis, si stellæ sunt reipsa fixæ & immobiles, debent videri singulis annis describere exiguam aliquam ellipsin, quæ scilicet est earum epicycli, five orbitæ opti-
cæ projectio. Axis major hujus ellipseos debet esse parallelus plano eclipticæ (363) & æqualis chordæ arcus cælestis, quem subtendit diameter epicycli stellæ, five diameter orbitæ telluris, quæ eidem æqualis est (350): hinc axis iste eo minorem subtendit arcum, quo stella (quæ videtur in ipsa superficie sphæræ cælestis esse) a terra est remotior (31). Axis minor debet esse normalis ad planum eclipticæ, hoc est, debet esse in plano circuli latitudinis, qui ad eclipticam perpendicularis determinat stellæ longitudinem: præterea ratio hujus axis minoris ad majorem est ut sinus latitudinis stellæ ad sinum totum. In hac ellipsi stella videri debet in extremitate inferiore axis minoris, aut rectius, in extremitate plano eclipti-

eclipticæ propiore, dum cum sole est in conjunctione (364); sed dum est in oppositione, apparere debet in extremitate superiore axis minoris: eadem videbitur in extremitate axis majoris orientali, quando, tellure in parte orbitæ suæ occidentali versante, est in quadratura cum sole; & quando est in quadratura, tellure versante in parte orientali suæ orbitæ, apparebit in extremitate occidentali axis majoris.

381. Hinc sequitur I: *Quod dum stella est in conjunctione vel oppositione cum sole, videatur in sua vera longitudine, quia videtur in plano circuli latitudinis, quod per stellam, solem, & oculum transit; verum eo tempore non videtur in sua vera latitudine: nam in conjunctione, dum stella est in extremitate inferiore axis minoris suæ ellipseos, ejus latitudo est minima, seu a vera differt, quantum unquam differre potest. Ex opposita ratione ejus latitudo est maxima in oppositione. Et dum stella est in quadraturis, ejus latitudo apparens est æqualis veræ: tunc enim stella est in axe ellipseos suæ majore, parallelo ad eclipticam, & per verum stellæ locum transeunte; sed hoc tempore ejus longitudo a vera maxime differt. Denique in quocunque alio, extra hos quatuor, situ stella sit, locus ejus verus tam in longitudine, quam in latitudine a loco apparente differt.*

382. *Parallaxis orbis annui* dicitur differentia inter locum verum syderis e sole visi, & ejus locum apparentem e tellure spectati. Differentia in longitudine vocatur *parallaxis longitudinis*; & differentia in latitudine, *parallaxis latitudinis*. Ita dicimus, parallaxin orbis annui in syzygiis esse nullam in longitudine; sed maximam in latitudine: in quadraturis parallaxin orbis annui esse nullam in latitudine; sed maximam in longitudine.

383. II. Sequitur: *quamvis stellam debere videri directam per sex menses, in semiellipsi scilicet inferiore, hoc est, dum ab una quadratura per conjunctionem ad alteram quadraturam pergit; & per sex alios menses retrogradam in semiellipsi superiore, dum ab una quadratura per oppositionem ad alteram movetur: denique videri stationariam in utraque quadratura cum sole.*

384. Ex observationibus accuratissimis nostris institutis temporibus, & instrumentis summa diligentia elaboratis, constat hos motus in fixis esse insensibiles, ut certum sit apud Astronomos, axem majorem ellipsium stellarum maxime illustrium non subtendere arcum 3 vel 4 secundis majorem: ex quo eruitur (367) earum distantiam esse prope infinitam, ut quæ 2800000000000 leucas[†] excedat, diametro orbis annui terræ existente circiter 54525000 leucarum, ut sequente Capite videbimus.

Sed cum Astronomi proxime elapsi sæculi adverterent variationes annuas admodum notabiles in omnibus fixis, vehementer

T

mira-

† gall:

mirabantur, quod eas longe aliis legibus fieri cernerent, quam quas nunc exposuimus: erant enim stellæ tum in extremitatibus axis minoris suarum ellipsium, quando juxta regulas præcedentes debuissent in extremitatibus axis majoris observari. Hæc diversitas effecit, ut astronomi in operationibus subtilioribus non nisi magna cum cautela stellis fixis uterentur, ne scilicet motus ejusmodi incogniti, qui aberratio fixarum dicebatur, in aliquem eos errorem conjicerent. Verum cum D. Mouligneux & dein D. Bradley has variationes maxima accuratione determinandas sibi fumerent, posterior tandem veram causam physicam hujus motus apparentis detexit, regulasque condidit, ut ejus ratio in observationibus fixarum habeatur; id quod paucis hic exponimus.

385. *Primo.* Certum est, observationibus Satellitum Jovis (ut per decursum patebit) suffragantibus, lumen, quo nobis objecta redduntur visibilia, indigere tempore admodum sensibili, quo ab objecto ad oculum perveniat, dum objectum valde magnam habet distantiam. V.g. radius a sole emissus ad terram non pertingit, nisi tempore 8 minutis majore elapso.

386. *Secundo.* Certum præterea est, quod cum de præsentem objecto certi non fiamus, nisi per impressionem radiorum luminorum in nostros oculos, non nisi dependenter ab hac impressione de figura, & situ objecti judicemus; ita existimamus objectum semper in linea recta situm, secundum quam impressio in oculum facta est; & licet radii ab objecto exeuntes ad nos non perveniant, nisi reflexi, fracti, ac a via detorti, quæcunque demum hujus causa fuerit; nihilo tamen minus judicamus, objecta esse in ea directione posita, quam habent radii, cum oculum nostrum subeunt, non autem in ea, quam habent, quando ab objecto egrediuntur.

387. His ita habentibus, si terra nullum haberet motum, radius luminis celeritate finita quacunque a stella egressus, & ad nostrum oculum pertingens, quin ab aliqua causa physica a via sua recta sit detortus, ostenderet stellam in situ suo vero, quaecunque tandem tempus infumeret, ut inde ad nos veniret. Idem contingeret, si quidem terra moveretur, at velocitas luminis velocitatem terræ infinites excederet, quippe respectu celeritatis infinitæ terra quiescere censenda foret. Verum si velocitas luminis habeat ad velocitatem terræ rationem finitam, impressio radii in oculum nec percipitur juxta directionem propriam, nec juxta directionem terræ, sed instar ictus in planum mobile, secundum diagonalem parallelogrammi super directione radii, & tangente orbitæ telluris in eo loco, in quo radius ad eam pervenit, descripti (hæc enim tangens est actualis directio, quam eo momento tellus habet) & cujus latera sunt in ratione velocitatum, seu spatiorum a lumine,

&

& tellure eodem tempore confectorum: atque ita locus apparens stellæ debet esse illud cæli punctum, in quo hæc diagonalis terminatur.

Sit exempli causa $TLQI$ (fig. 60) circulus infinite magnus, exhibens eclipticam, P ejus polus, S centrum, in quo est sol; CFD orbita telluris; $QPE T$ circulus latitudinis per stellam quamvis E descriptus, cujus longitudinem in T , & latitudinem TE determinat: sit TQ interseccio plani circuli latitudinis cum plano eclipticæ; & ponatur primo locus terræ in C , consequenter stella (379) in conjunctione cum sole existente, juncta CE , & tangente Cc ducta (quæ tunc ad planum circuli latitudinis TPQ erit perpendicularis), accipienda est in CE pars quælibet CB , ac proportio sequens facienda: ut celeritas luminis est ad celeritatem terræ eodem tempore; ita est CB ad Co (v.g. cum sciatur, quod lumen intra $8'$, $7''$ temporis a sole ad terram perveniat, & quod eodem tempore terra conficiat arcum $20''$ suæ orbitæ, fiet $BC = CS$, ac analogia ista: *ut radius ad tangentem $20''$; ita est CB ad Co*). Super CB & Co construatur parallelogrammum $CBAo$: liquet, ejus diagonalem cum latere BC comprehendere angulum $20''$, & productam usque ad superficiem sphaeræ cælestis in x , determinare locum apparentem stellæ.

388. Si supponatur orbita telluris circularis, & velocitas tam luminis, quam terræ æquabilis, adeoque in ratione constante, evidens est, quod si sciretur tempus, quo lumen e stellis fixis ad nos usque pervenit, haberetur valor de CE : & ex hac analogia: ut radius ad CE , ita tangens arcus a terra percurssi eo tempore, quo lumen conficit CE , est ad Cc ; daretur parallelogrammum $CcxE$ (quod *parallelogrammum aberrationis* dicam) simile parallelogrammo $CBAo$. Porro manifestum est, parallelogrammi hujus planum singulis annis debere revolutionem integram facere, quoniam ejus situs dependet a positione constante stellæ, & simul a positione variabili tangentis orbitam telluris in eo semper loco, in quo tellus versatur. Sed quia ob distantiam fere infinitam fixarum a sole & terra, tota orbita telluris BDC solummodo puncti alicujus sensibilis S rationem habet, supponi potest, planum parallelogrammi aberrationis verti circa rectam SE , a stella ad solem ductam, & quidem celeritate angulari rotationis æquali illi, qua terra circa solem movetur.

389. His positis, cum latus Cc sit in plano eclipticæ, alterum ei parallelum E_x , quodque distantiam loci veri stellæ ab ejus loco apparente metitur, debet circulum describere, cujus planum est plano eclipticæ parallelum, & hinc projectio hujus circuli in super-

ficie sphaerae caelestis eodem modo fit, ac alicujus epicycli, hoc est, fit elliptica, ut axis major fit plano eclipticae parallelus, minor vero majori ad angulos rectos insistat, fitque ratio axium, quae est radii ad sinum latitudinis stellae. Sed enim motus apparens stellae in hac ellipsi alia longe ratione fieri debet, quam motus apparens in elliptica projectione epicycli. Nam quando planum parallelogrammi aberrationis est perpendiculare ad planum circuli latitudinis TPQ (id, quod fit in syzygiis, cum tunc $E\chi$ fit ad planum TPQ normalis), $E\chi$, quae metitur aberrationem, coincidit cum arcu circuli minoris eclipticae paralleli, & per verum locum stellae transeuntis: itaque in syzygiis aberratio tota fit in longitudine, & simul omnium maxima; cum ex opposito parallaxis orbis annui tunc fit maxima in latitudine, & nulla in longitudine. Quando planum anguli aberrationis coincidit cum plano TPQ (quod fit, quando terra a syzygiis 90° abest, adeoque stella cum sole est in quadratura) aberratio tota fit in latitudine, & quidem maxima, quippe stella in extremitate axis minoris suae ellipseos apparente; estque tunc nulla in longitudine: cum iterum contrarium accadat in parallaxi orbis annui. In omni alia positione plani anguli aberrationis, tam in longitudine, quam in latitudine locus apparens a vero differt.

390. Si ulterius concipiatur circulus declinationis RVX per stellam E descriptus, adeoque per centrum ellipseos aberrationis, patet, quod quando stella videtur in intersectionibus ellipseos cum hoc circulo, nullam appareat habere aberrationem in ascensione recta, quoniam tam locus ejus verus, quam apparens est in eodem circulo declinationis; & quando stella est in extremitatibus illius diametri suae ellipseos, quae circulum RVX fecat ad angulos rectos, nullam habebit aberrationem in declinatione, tam loco ejus vero, quam apparente existente in eodem ad aequatorem parallelo.

Verum quia omnes declinationum circuli eclipticae oblique insistant (præter colurum solstitiorum) fieri non potest, ut stella eo tempore, quo tellus in sua orbita 90° percurrit, a termino, in quo aberratio in ascensione recta nulla est, ad eum, in quo nulla est aberratio in declinatione, perveniat: & hinc quando aberratio in ascensione recta est maxima, ea non est nulla in declinatione, & vicissim.

391. Graphice aberratio stellarum determinatur pro tempore dato, si describatur circulus $\delta\chi\beta\phi$ (fig. 58), cujus diameter horizontalis $\delta\beta$ designet arcum paralleli ad eclipticam, in quo stella sita est; & verticalis $\chi\phi$ portionem circuli latitudinis, ut adeo locus verus stellae sit in centro E . Dividantur radii $E\delta$, $E\beta$ in tot partes, quot unitates continet quartus terminus in hac proportionem: ut *cosinus latitudinis stellae est ad sinum totum; ita sunt* $20''$ *ad nume-*
rum

rum quartum. Atque hac ratione arcus paralleli ad eclipticam $E\delta$, $E\beta$ dividuntur in numerum secundorum iisdem competentium. Pariter radii $E\chi$, $E\phi$ dividantur in $20''$, quippe qui respondent arcibus circuli maximi. Denique circulus $\delta\chi\phi\beta$ in signa & gradus secetur, ita, ut punctum δ respondeat longitudini stellæ; ordo autem signorum a sinistra versus dextram in superiore parte circuli scribatur, ut δ denotet occasum, β ortum, χ septentrionem, & ϕ meridiem. In radio $E\chi$ accipiatur EC , quæ sit ad $E\chi$, ut est sinus latitudinis stellæ ad sinum totum; & (362) axibus $\beta\delta$, CD describatur ellipsis $\beta C\delta D$, quæ erit projectio circuli aberrationis stellæ. Supponamus hanc ellipsin constructam esse pro stella, cujus longitudo sit $12^\circ 8'$, & latitudo borealis 36° ; solem vero tempore dato esse in 14°my . E puncto m , quod in circulo respondet 14°my , demittatur ad $\beta\delta$ perpendicularis mN ; erit M in ellipsi (359) locus apparens stellæ, perpendicularis MP vel NF ejus aberratio in longitudine, seu numerus secundorum, quo stella apparet orienterior, quam sit reipsa; & perpendicularis $MN = EP$ aberratio in latitudine.

Si desideretur aberratio stellæ in ascensione recta, & declinatione, prius determinanda est positio circuli declinationis respectu circuli latitudinis.

Itaque sit (fig. 45) locus verus stellæ in A (denominationes arcuum & circulorum hujus schematis vide N. 296 & 297); erit $AE 54^\circ$, quod est complementum latitudinis AR : arcus GR , seu angulus PEA vero 48° , quæ est distantia $12^\circ 8'$ a proximo coluro solstitiorum. In triangulo sphærico $AP E$ datur igitur $AE = 54^\circ$, $EP = 23^\circ 28'\frac{1}{2}$, & angulus AEP ; hinc (Trig. 124) reperitur AP complementum declinationis stellæ $41^\circ 0'$, & angulus $PAE 26^\circ 50'$, pars autem borealis circuli declinationis stellæ AP divergit a circulo latitudinis AE versus orientem. Hinc (fig. 58) ita ducenda est diameter FG , ut ex parte orientali radii $E\chi$ cum eo faciat angulum $26^\circ 50'$, quæ circulum declinationis stellæ designabit. Dividantur radii EG , EF in 20 secunda, & ducatur altera diameter IH ad FG normalis, quæ exhibebit arcum paralleli ad æquatorem per stellam transeuntis; radii porro EI , EH in tot secunda dividantur, quot reperiuntur ex sequente analogia: ut *cosinus declinationis stellæ est ad sinum totum; ita sunt $20''$ ad numerum quæsitum*, qui in exemplo proposito erit $30''\frac{1}{2}$. Denique demissis ad FG & IH perpendicularis ML , & MQ , erit $EQ = ML$ mensura aberrationis in ascensione recta, & $EL = MQ$ metietur aberrationem in declinatione.

Methodum calculi aberrationum fixarum in sequentibus dabimus. (vid. Sect. VI. C. I. Art. IX.)

ARTICULUS IV.

De motibus relativis Planetarum, quorum causa est motus telluris annuus.

392. **E**xtra dubium est, observatori in superficie telluris constituto, ejusque motum annum planetis attribuenti, qui suum etiam habent motum in propriis orbitis, (25) quarum plana exiguis angulis ad planum eclipticæ inclinantur, debere videri hos planetas describere epicycloides ellipticas admodum compressas. Sed quia orbita telluris ambitur (170) ab orbitis ♂ , ♂ & ♂ , contra vero ipsa intra se complectitur orbitas ♀ & ♀ , commodum fuerit, planetas in duas classes respectu telluris tribuere, ac ♂ , ♂ & ♂ vocare planetas superiores; ♀ vero & ♀ planetas inferiores.

Ut jam sciatur, cujus speciei epicycloidem quisque planeta describat, in superioribus ratio arcus ab iis percurssi ad epicycli peripheriam sumenda est $RV - rV$ ad $ru - rV$; in inferioribus autem $ru - Ru$ ad $RV - Ru$: ubi V exprimit velocitatem angularem planetæ, R radium orbitæ illius; u velocitatem angularem telluris, & r semidiametrum suæ orbitæ.

Omnibus jam magnitudine media acceptis, & sumtis velocitatibus angularibus diurnis, $u = 59'$, & $r = 100$, erit

Pro ♂ $R = 953$, $V = 2'$;	hinc	$RV - rV : ru - rV = 1706 : 5700$.
Pro ♂ $R = 520$, $V = 5'$;		$RV - rV : ru - rV = 2100 : 5400$.
Pro ♂ $R = 152$, $V = 31\frac{1}{2}'$;		$RV - rV : ru - rV = 1638 : 2750$.
Pro ♀ $R = 72$, $V = 96'$;		$ru - Ru : RV - Ru = 1652 : 2664$.
Pro ♀ $R = 38$, $V = 245\frac{1}{2}'$;		$ru - Ru : RV - Ru = 3658 : 7082$.

393. Hinc I: Omnes planetæ describunt epicycloides contractas, & quidem eo magis contractas, quo in rationibus allatis antecedens minor est termino consequente.

394. II: Omnes planetæ superiores sunt directi, quando sunt in conjunctione cum sole (372); retrogradi, dum sunt in oppositione; & stationarii ante & post oppositionem. Et quoniam planetæ inferiores non possunt soli opponi (quippe terra nunquam inter eos & solem versante), sed duplicem habent conjunctionem (379), evidens est, planetas inferiores esse directos in conjunctione superiore, retrogrados in conjunctione inferiore, & stationarios aliquo tempore eam præcedente, & consequente.

395. III. Velocitas apparens planetarum tam directorum, quam retrogradorum augetur ab uno termino, in quo sunt stationarii, usque ad alterum, in quo

quo iterum fiunt stationarii (372): *velocitas maxima in motu directo est in conjunctione; velocitas maxima in motu retrogrado habetur in oppositione superiorum, & in conjunctione inferiore planetarum inferiorum.*

396. IV. Dum planetæ sunt in syzygiis, non habent parallaxin orbis annui in longitudine, hoc est, eorum longitudo est eadem, sive e sole, sive e tellure spectentur; aut vero si planetæ inferiores sint in conjunctione inferiore, eorum longitudo e terra visa differt a longitudine spectata e sole accurate 180° , in his enim casibus, sol, terra, & planeta sunt in eodem circulo latitudinis (379). Sed quoniam orbitæ a planetis descriptæ aliquantum inclinantur ad eclipticam, adeoque planetæ aliquam ubique latitudinem habent, præterquam dum sunt in intersectione plani suæ orbitæ cum plano eclipticæ, sequitur, in syzygiis parallaxin orbis annui in latitudine esse admodum sensibilem; extra syzygias vero hanc parallaxin adverti tam in longitudine, quam in latitudine.

397. Observa. Rationes superius (392) allatæ accuratiores futuræ erant, si quidem e tabulis Astronomicis acceptæ fuissent velocitates veræ angulares planetarum, eorumque veræ distantiae a sole in syzygiis. V. g. dum Mars est in oppositione, & simul in aphelio (quod evenit, quando oppositio contingit circa 20 Februarii) maximam habet a terra distantiam, quam in hoc aspectu unquam acquirere potest; estque tum $V = 26'. 12''$, seu $1572''$, $R = 16652$; $u = 1^\circ. 0'. 20''$, $r = 9898$; adeoque $RV - rV : ru - rV = 100 : 191$. Quando autem Mars in sua oppositione est in perihelio (quod fit, oppositione incidente circa 25 Augusti) habet minimam distantiam a terra, quæ in tali aspectu dari potest; & eo tempore est $V = 38', 2''$; $R = 13822$; $u = 58'. 0''$, $r = 10099$. Itaque $RV - rV : ru - rV = 100 : 143$.

Unde consequitur, epicycloidem Martis esse magis contractam, dum est in aphelio, quam dum est in perihelio, idque in ratione 191 ad 143; adeoque Mars in aphelio longiore tempore, & majore cum velocitate debet esse retrogradus, quam in perihelio.

398. Epicyclois cujuslibet planetæ facile utcunque in plano eclipticam repræsentante describi potest. Cum enim planetarum orbitæ exiguum ad eclipticam inclinationem habeant, earum projectio ab ipsis sensibilibiter non differt; & cum præterea parum sint eccentricæ, ad sensum pro circulis concentricis & motu æquabili descriptis haberi possunt. Describantur itaque duo circuli concentrici, quorum diametri sint in ratione axis majoris orbis annui telluris ad axem majorem orbitæ planetæ, cujus epicyclois desideratur. Diviso dein circulo orbitam telluris exhibente in tot partes æquales, quot libuerit, verbi gratia in gradus denos, fiat: ut $365\frac{1}{4}$ dies sunt ad tempus revolutionis planetæ; ita sunt 10 gradus ad numerum graduum, quos planeta in sua orbita eodem tempore de-

describit, quo tellus in sua conficit. Numerus graduum inventus toties, quoties fieri potest, in circumferentiam circuli planetæ orbitam repræsentantis transferatur. Assumatur locus tam telluris in sua orbita, quam planetæ, & quæeratur (347) hujus locus opticus. Quod si hæc operatio continuetur per omnia, quæ sequuntur, divisionum utriusque orbitæ puncta, habebuntur omnia loca optica planetæ competentia locis veris terræ & planetæ; & si hæc loca optica jungantur curva, ea componetur ex epicycloidibus planetæ.

C A P U T III.

De illusionibus opticis in phænomenis motus diurni, quarum causa est situs observatoris in superficie telluris.

399. **E**x illusionibus opticis, quas superius (225) exposuimus, confectaneum est, ut observator in telluris superficie constitutus, seque in centro revolutionum diurnarum syderum (quod idem est cum centro terræ) positum existimans, quasdam inæqualitates in his revolutionibus animadvertat, quanquam eæ uniformes videantur. Atque hoc ipsum jam nobis explicandum est, iisdem adhibitis principiis.

400. Sit P (fig. 61) locus observatoris in superficie terræ $hPrG$; hrD planum horizontis rationalis; Z ejus zenith in superficie sphaeræ cælestis; C centrum revolutionis diurnæ, consequenter locus putativus oculi; $HAaR$ circulus horizontis in sphaeræ cælestis superficie terminatus; HZR planum verticalis primarii observatoris; $CZLA$ planum meridiani; & ILK circulus parallelus, quem sydus aliquod L revolutione diurna describere videtur.

401. Sit jam sydus in quovis puncto l sui paralleli: observator illud re ipsa videt per radium Pl ; sed quia existimat se esse in centro C , putat illud a se videri per radium Cm , parallelum & æqualem radio Pl ; ut adeo locus apparens syderis sit in m , verus in l (347). Eodem modo reperiuntur loca apparentia M , μ , respondentia veris L , λ .

402. Angulus lCm ad centrum terræ inter locum verum & apparentem syderis comprehensus, dicitur *parallaxis syderis*, quin aliud addatur. Hic angulus, quia $PlmC$ est parallelogrammum, æquatur angulo PlC . Hinc *parallaxis syderis respectu observatoris*, est angulus ad sydus, comprehensus inter centrum telluris, & locum in superficie, in quo est observator. Aut etiam dici potest: *parallaxin syderis esse inclinationem duorum radiorum visualium ad sydus ductorum*, alterius quidem e centro telluris; alterius vero ex illo superficie puncto, in quo observator est constitutus.

403. De-

402. Deducitur porro hinc I, quod si stricte loquamur, *parallaxis non dependeat per se a motu diurno syderis*; sed tamen ejus effectus in hujus motus phænomenis præcipue sentiantur.

404. II. Quod cum parallaxis efficiat, ut sydera in aliis cæli punctis appareant, quam in quibus reipsa sunt, eadem debeat immutare longitudinem, latitudinem, ascensionem rectam, & declinationem eorum. Atque hinc dicitur *parallaxis longitudinis* differentia inter longitudinem e centro visam, quæ vocatur *longitudo vera*; & illam, quæ videtur e loco observatoris, quæ appellatur *longitudo apparens*. Simile dicendum de *parallaxi latitudinis, ascensionis rectæ, declinationis, altitudinis* &c.

405. *Triangulum parallaëticum* est triangulum CPl , vel huic æquale lCm .

406. THEOREMA I. *Parallaxis syderis est tota in circulo verticali: seu, quod idem est: planum trianguli parallaëtici est semper in plano verticali, seu ad horizontem observatoris perpendiculari.*

Demonstratio. Si per Zenith Z , & locum syderis verum l , describatur circulus verticalis Zla , ejus planum transibit per centrum C , & per locum observatoris P : itaque puncta P, C, l existent in hoc plano; & quia Pm est parallelogrammum, etiam punctum m , consequenter angulus parallaëticus lCm , sunt in ejusdem verticalis plano.

407. Corollarium I. *Si duo sydera appareant in eodem verticali, sunt etiam in eodem reipsa.*

408. Corollarium II. *Parallaxis syderis tantum afficit altitudinem; aut si mavis: effectus generalis parallaxis syderis consistit in eo, quod faciat, ut sydus appareat vicinius horizonti, aut remotius a Zenith, quam sit reipsa.*

409. Corollarium III. *Quando sydus in revolutione sua diurna venit ad tale punctum, in quo ejus verticalis secatur ad angulum rectum a circulo quovis alio, respectu hujus circuli parallaxin non habet.* Sic quando est in meridiano, quem parallelus syderis secat perpendiculariter, (269.) respectu hujus paralleli parallaxin non habet, hoc est, caret parallaxi in ascensione recta, quæ solam efficit declinationem. Tunc enim circulus declinationis congruit cum verticali syderis: & hinc locus visus e centro terræ, & locus visus ab observatore sunt uterque in eodem circulo declinationis, adeoque eadem est utriusque ascensio recta (304). Eodem modo dum sydus est in verticali, qui eclipticæ insistit ad angulum rectum; hic verticalis coincidit cum circulo latitudinis; quare parallaxis tantum afficit latitudinem, & nulla est respectu longitudinis.

Punctum eclipticæ, in quo a verticali perpendiculariter secatur, dicitur *Nonagesimus*; est enim utrinque in æquali distantia (consequenter 90°) a duobus punctis intersectionis cum horizonte. Nam cum ecliptica sit circulus maximus ad horizontem inclinatus, ad omnes verticales obliqua est, excepto illo, cujus planum per ejus polos transit: at vero verticalis transiens per polos alicujus circuli maximi, est simul ad eum circulum maximum, simul ad horizontem perpendicularis: quare (Trig. 18) utrique in distantia 90° ab eorum communi intersectione occurrit.

410. THEOREMA II. *Manente eadem syderis a centro telluris distantia, est semper sinus parallaxis altitudinis, ut sinus distantie apparentis a Zenith, sive ut cosinus altitudinis apparentis.*

Demonstratio: In triangulo PCL , est (Elem. 746) $PC: CL = \sin PLC: \sin LPC = \sin ZPL$ (Elem. 727) $= \sin ZCM$. & in triangulo Pcl , habetur etiam $PC: Cl$ vel $CL = \sin PlC: \sin CPl = \sin ZPl = \sin ZCm$. Igitur $\sin PLC: \sin ZCM$ vel $ZPL = \sin PlC: \sin ZCm$ vel ZPl .

411. Corollarium I. *Parallaxis nulla est, quando sydus est in Zenith; & maxima, dum sydus est in horizonte.* In primo enim casu triangulum parallacticum totum coincidit cum recta CPZ , & parallaxis est ut sinus 0° . In casu altero triangulum parallacticum est rectangulum, ut $CP\lambda$, & parallaxis est ut sinus totus. Hinc parallaxis maxima syderis dicitur *parallaxis horizontalis*.

412. Corollarium II. *Effectus quoque parallaxis est, quod diameter syderis eo appareat major, quo id altius supra horizontem elevatur, quamvis maneat eadem a centro telluris distantia.* Cum enim eo parallaxis sit major, quo vicinior est horizontali, parallaxis limbi inferioris syderis major est parallaxi limbi superioris: unde necesse est, ut limbi isti appareant a se remotiores differentia eorum parallaxeon, & hinc diameter videbitur aucta. Sunt autem sinus parallaxeon ut sinus distantiarum a Zenith; & differentia sinuum est eo major, quo ipsi sinus sunt minores; igitur differentie parallaxeon eo fiunt majores, quo sydus puncto verticali Zenith fit vicinior, aut altius supra horizontem ascendit; consequenter ejus diameter tanto magis videbitur aucta.

413. THEOREMA III. *Sinus parallaxeon syderum in eadem altitudine apparente supra horizontem, sed in diversis a centro telluris distantis, sunt in ratione reciproca distantiarum.*

Demonstratio. Etenim si supponantur in linea Pl duo sydera constituta, alterum in l , alterum in t ; aut vero sydus, quod semel visum fuit in l , alia vice fore in t , ob inæquales orbitæ suæ dimensiones scilicet; erit in triangulis PlC , PtC , $PC: Cl = \sin PlC:$

$PlC: \sin lPC; \& PC: Ct = \sin PtC: \sin CPt$ vel $lPC: Igitur$
 $PC \times \sin lPC = Cl \times \sin PlC = Ct \times \sin PtC.$ Et hinc (Elem.
 302) $Cl: Ct = \sin PtC: \sin PlC.$

414. Corollarium. Sinus parallaxeon horizontalium sunt in ratione reciproca distantiarum a centro telluris.

415. THEOREMA IV. Sinus parallaxis horizontalis syderis est semper ut sinus anguli, sub quo videtur semidiameter horizontalis syderis.

Demonstratio. Parallaxis horizontalis $P \lambda C$ est mensura anguli, sub quo videtur semidiameter terræ PC ex centro syderis in λ . Ex eadem ratione angulus, sub quo e centro telluris videtur semidiameter syderis in λ , est respectu hujus syderis, parallaxis horizontalis terræ: & sinus parallaxeon horizontalium terræ debent quoque esse in ratione reciproca distantiarum diversarum a centro syderis in λ (413). Ex quo conficitur, sinus parallaxeon horizontalium syderis respectu terræ esse in eadem ratione, in qua sunt sinus parallaxeon horizontalium terræ respectu syderis in λ : aut, quod idem est, sinus parallaxeon horizontalium syderis e terra visi, esse in ratione sinuum semidiametrorum horizontalium illius syderis.

416. Corollarium. Sufficit igitur, semel exacta observatione parallaxin syderis horizontalem, & semidiametrum ejus horizontalem determinasse, ut deinceps ex alterius actuali mensura altera reperiatur.

417. Observa. Si sydus tantum a terra distet, ut ejus parallaxis horizontalis gradum unum non excedat, sinus diversarum ejus parallaxeon coincidunt cum arcubus, qui eas metiuntur: quare tunc semper pro sinu parallaxeos ipsa parallaxis adhiberi potest.

418. THEOREMA V. Si dentur tria quævis ex his quinque: distantia vera oculi a sydere, distantia vera syderis a centro telluris, magnitudo absoluta semidiametri terræ, altitudo vera vel apparens syderis, angulus parallacticus; etiam reliqua inveniuntur.

Demonstratio. Etenim tunc in triangulo rectilineo parallactico dantur tres partes, ex quibus artificio trigonometrico semper reliquæ duæ determinari possunt.

419. Corollarium. Itaque observator in superficie telluris constitutus potest invenire distantiam syderum veram a centro telluris ope eorum parallaxis, maxime horizontalis, quæ commodissime ad hoc adhibetur, utpote omnium maxima.

420. THEOREMA VI. Per parallaxin syderum fit, ut appareant remotiora a meridiano, quam reipsa sint.

Demonstratio. Omnes verticales sunt arcus ex eodem Zenith ducti, qui eo magis a se se invicem divergunt, quo ad horizontem propius accedunt, per parallaxin vero situs astrorum in suis

verticalibus conservatur, & solum magis versus horizontem deprimatur, quam vere sit: itaque per parallaxin sydera videri debent remotiora a meridiano (qui itidem est unus e verticalibus), quam reipsa sint.

421. Corollarium I. *Effectus parallaxeos est, ut sydera videantur tardius oriri, ac citius, quam reipsa, occidere.*

422. Corollarium II. *Si sydus parallaxi obnoxium motu proprio ab occidente in orientem tendit ad conjunctionem cum aliqua stella, conjunctio videbitur citius contingere (quam si parallaxi careret), quando sydus versatur in parte cæli orientali; & tardius, si sit ex parte occidentali.*

De parallaxi horizontali Syderum.

Ex pluribus methodis ab Astronomis ad observandam parallaxin horizontalem syderum excogitatis duas ceteris præferendas isthic subiciemus.

423. Prima quidem, in praxi tutior, duos requirit observatores sub eodem meridiano constitutos; alterum in hemisphærio terræ boreali, alterum in australi, utrumque saltem 30° ab æquatore remotum, ut arcus cælestis meridiani inter utriusque Zenith comprehensus sit, quam fieri potest, maximus. Uterque observator determinare debet eo momento temporis, quo sydus, de cujus parallaxi agitur, ad meridianum appellit, ejus distantiam a suo Zenith, & simul distantiam sui Zenith ab eadem stella fixa, quæ fere in eodem cum sydere parallelo est. Quod si jam differentia inter distantiam puncti verticalis unius observatoris a sydere, & distantiam ejusdem puncti verticalis a fixa, sit accurate eadem, & versus eandem partem, cum differentia inter distantiam puncti verticalis alterius observatoris a sydere, & distantiam ejusdem puncti verticalis a stella fixa; sydus non habet parallaxin sensibilem: sed si dicta differentia non est utrobique eadem, excessus majoris supra minorem, siquidem sint versus eandem partem; aut utriusque summa, si sint in partes oppositas, indicabit parallaxin horizontalem ope sequentis analogiæ: ut summa sinuum distantiarum syderis ab utriusque observatoris Zenith est ad sinum totum; ita est excessus, vel summa differentiarum modo reperta ad parallaxin horizontalem syderis.

424. Exemplum: die 6 Octobris A. 1751 in Urbe Capitis Bonæ Spei, cujus latitudo Australis est $33^\circ. 55'$, hora $10\frac{1}{2}$ vesperti, observavi, quod Marte ad meridianum appellente in distantia a Zenith $25^\circ. 2'$, ejus limbus borealis fuerit $26''.$ 7 septentrionalior, quam stella λ Aquarii. Eodem die, eodemque tempore D. War-

gen-

gentin Holmiæ, cujus latitudo Borealis est $59^{\circ}.21'$, observavit, Martem in meridiano a Zenith $68^{\circ}.14'$ abfuisse, ejusque limbum borealem dicta stella Aquarii fuisse $6''.6$ australiorem. Ex quo liquet, parallaxin Martis sensibilem esse, ad quam inveniendam servit summa $33''.3$. Est autem sinus $68^{\circ}.14'$ æqualis 9287, & de $25^{\circ}.2'$ est 4231; Quare eorum summa 13518 est ad sinum totum 10000; ut $33''.3$ ad $24''.64$, quæ est parallaxis Martis horizontalis.

Etenim cum Holmia & Caput Bonæ Spei sint fere sub eodem Meridiano, & planum æquatoris inter utrumque locum transeat, sunt $33''.3$ summa quantitatum, quibus parallaxis Martem æquatori justo viciniorem in his duobus locis exhibuit, & cum parallaxis tantum afficiat declinationem (409), ea erat simul parallaxis altitudinis: sunt vero parallaxes altitudinis (410) ut sinus distantiarum apparentium a Zenith; & parallaxis horizontalis est ut sinus totus; igitur

425. Observa I. Si uterque observator foret in eodem hemisphærio respectu ejusdem poli, loco summæ adhibenda esse differentia sinuum.

426. II. Si uterque observator non foret sub eodem meridiano, attendi deberet motus syderis in declinatione intervallo temporis, quo a meridiano unius observatoris ad meridianum alterius pervenit.

427. III. Supposita parallaxi horizontali Martis $24''.64$ die 6 Octobris A. 1751, facile per resolutionem trianguli $CP\Lambda$, in quo $CP = 1$, reperitur, quod ejus distantia $C\Lambda$ a terra tunc fuerit $8371\frac{1}{2}$ semidiametrorum terrestrium. Et quia e Theoria Physica (171) non solum rationes dimensionum orbitalium planetarum ad scalam aliquam communem relatarum (quam scalam supposuimus (170) partium 20000 æqualium) eruimus; sed etiam methodum calculandi pro tempore dato locum, & distantiam planetæ cujusvis a sole in partibus ejusdem scalæ; Si ex hac theoria, & methodo, quam mox tradituri sumus (477), quæeratur distantia Martis a terra pro 6 Octobris A. 1751, hor. $10\frac{1}{2}$ vespert. invenietur magnitudo absoluta scalæ ope hujus analogiæ: ut distantia Martis a terra in partibus scalæ (in nostro exemplo 4354) est ad distantiam Martis in semidiametris terræ 8371 $\frac{1}{2}$; ita sunt 20000, partes omnes scalæ communis, ad 38460 semidiametros terrestres, quæ erit vera & absoluta magnitudo scalæ.

428. IV. Itaque ope parallaxis horizontalis unius tantum planetæ, valor omnium dimensionum in tabula Num. 170 exhibiturum ad mensuras communes cognitæ, ut leucas, hexapedas &c.

reduci potest; quippe semidiametro terræ, quæ passim 1432 leucarum statuitur, per mensurationes exactas cognita, ac fere 19611500 ped. Paris. Reg. continet. Mars, dum est in oppositione, & Venus in conjunctione inferiore huic disquisitioni præ aliis commodi sunt, quia scilicet terræ tum sunt vicinissimi.

429. V. Cum assumpta scala 20000 partium æqualium, sit axis major ellipseos terræ, ejus medietas 10000, five distantia media terræ a sole, est 19230 semidiametrorum terrestrium. Quod si itaque fiat, ut 19230 ad 1; ita sinus totus est ad sinum parallaxeos horizontalis solis; hæc reperietur $10''.72$: & cum præterea semidiameter solis e terra visa in distantia media sit $16', 2''$, sequitur, diametrum solis esse ad diametrum terræ (415), ut $16', 2''$ ad $10''.72$, five proxime ut 90 ad 1; superficiem solis esse majorem superficie terræ 8053 vicibus; denique soliditate excedi terram a sole 722700^{es} fere. Verum omnes hæ dimensiones ob exilitatem maximam parallaxeos repertæ, accuratæ esse haud possunt.

430. Secunda Methodus id commodi habet, quod uno tantum opus sit observatore. Sed ut accurate adhibeatur, necesse est primo, ut tribus quatuorve continuis diebus determinetur syderis, cujus parallaxis petitur, ascensio recta respectu stellæ fixæ in eodem fere parallelo existentis, tempore transitus utriusque per meridianum, ut per interpolationes inveniri possit vera mutatio ascensionis rectæ syderis respectu stellæ intervallo temporis assumpti.

Secundo. Die ex his (quibus observationes instituentur) aliquo differentia ascensionis rectæ syderis & stellæ observanda est ipso momento, quo sydus ad meridianum appellit, itemque sex fere horis ante vel post transitum per meridianum; aut quod adhuc melius, hæc differentia accipienda est quinque vel sex horis ante transitum syderis per meridianum, in ipso transitu, & quinque vel sex horis post transitum.

Tertio. Si differentiæ repertæ sint æquales motui proprio syderis in ascensione recta intervallo temporis inter observationes respondentem, sydus parallaxi sensibili caret; at si eæ excedant motum proprium, excessus erit (420) parallaxis in ascensione recta, siquidem duarum observationum altera facta est in meridiano existente sydere, altera ante vel post transitum per eundem: aut vero hic excessus erit summa duarum parallaxeon in ascensione recta, si e tribus observationibus prima instituta fuit ante transitum syderis per meridianum, tertia post transitum.

Quarto. Fiat: ut factum ex sinu distantie apparentis syderis a meridiano (aut ex summa sinuum distantiarum apparentium ante, & post transitum per meridianum observatarum) in cosinum elevationis poli observatoris, est ad factum

Etum ex sinu toto in cosinum declinationis syderis; ita est differentia inventa ad parallaxin horizontalem syderis.

431. Ut veritas hujus analogiæ demonstretur, sit H E Z P (fig. 59.) medietas Meridiani cœlestis, P polus, Z zenith observatoris, H Q R horizon, E A Q æquator, L R parallelus syderis M, cujus parallaxis quæritur. Descripto per M & Z verticali, five circulo altitudinis Z T; & per P & M circulo declinationis M P, angulus Z P M metitur veram distantiam syderis a meridiano. Esto M m parallaxis altitudinis; erit m locus apparens syderis. Ducatur m P, erit angulus Z P m mensura distantiae apparentis syderis a meridiano. Manifestum est, esse M D parallaxin in ascensione recta; quare etiam angulus M P m, cuius mensura est is arcus, & quo distantia apparens a meridiano differt a distantia vera, erit itidem parallaxis in ascensione recta. Dicatur parallaxis horizontalis B; erit (409) $R : B = \sin Z m : M m$. Igitur $M m = B \times \sin Z m$. Et dum triangulum, Z P m mutatur in Z P M per differentiam M m lateris Z M, angulo M Z P, & latere Z P manentibus constantibus, est (Trig. 179) $\sin Z P m \times \sin Z P : \sin P m \times \sin Z m = d Z P m : d Z m$, five M m, five $B \times \sin Z m$. Itaque divisione per $\sin Z m$ fit $\sin Z P m \times \sin Z P : \sin P m = d Z P m : B$, quæ erat analogia proposita.

Calculus Parallaxeon.

432. **Problema I.** *Datis parallaxi horizontali syderis, ejus ascensione recta & declinatione, ac elevatione poli, invenire parallaxin altitudinis pro tempore dato.*

Resolutio. Ex tempore dato, & ascensione recta itidem data quæeratur (336) distantia syderis a Meridiano; qua inventa, & datis declinatione, nec non elevatione poli quæeratur etiam ejus altitudo supra horizontem (290). Sit locus verus syderis in M (Fig. 59) (denominationes partium hujus figuræ vide N. 431): fiat: ut sinus totus ad cosinum altitudinis M T; ita parallaxis horizontalis est ad parallaxin aliam, qua ex altitudine M T subtrahita, fiat ulterius: ut sinus totus ad cosinum altitudinis dicta ratione imminutæ; ita est parallaxis horizontalis ad parallaxin altitudinis quæsitam M m. Ex prima enim analogia obtinetur non nisi parallaxis, quæ est in ratione sinus altitudinis veræ M T, adeoque non accurata; eadem tamen satis exacta est, ut habeatur proxime altitudo apparens m T, in cujus ratione vidimus (410) esse parallaxin veram m M.

433. **Problema II.** *Iisdem datis reperire parallaxin in ascensione recta & declinatione.*

Refo-

Resolutio. In parvo triangulo mDM ad sensum rectilineo & rectangulo ad D , est Mm parallaxis altitudinis, MD mensura anguli MPD , qui est parallaxis in ascensione recta, & mD parallaxis in declinatione; & angulus mMD est complementum anguli ZMP , ob rectum ad D . Jam vero hoc triangulum ita solvi potest (Trig. 120): sinus distantiae syderis a Zenith MZ est ad sinum ejus distantiae a meridiano MPZ ; ut est sinus distantiae poli a Zenith ZP , ad sinum anguli ZMP , a verticali & circulo declinationis comprehensi. Hoc habito est sinus totus ad cosinum anguli ZMP a verticali & circulo declinationis comprehensi, ut est parallaxis altitudinis mM ad parallaxin declinationis mD . Denique cosinus declinationis syderis est ad sinum anguli a verticali & circulo declinationis comprehensi, ut est parallaxis altitudinis mM ad parallaxin ascensionis rectae MPD (Trig. 179).

Manifestum est, in his regionibus septentrionalibus, per parallaxin in declinatione reddi declinationem borealem apparentem vera minorem, & declinationem australem vera majorem; & vidimus per parallaxin in ascensione recta syderum a meridiano distantia augetur, eorum ascensionem rectam apparentem vera majorem fieri ante transitum per meridianum; & vera minorem post transitum.

434. Observa. Parallaxis ascensionis rectae & declinationis independenter ab altitudine syderis, & ejus angulo parallactico reperiri potest, si fiat: parallaxis ascensionis rectae aequalis parallaxi horizontali ductae in cosinum elevationis poli, & in sinum distantiae apparentis syderis a meridiano; & divisae per sinum distantiae apparentis syderis a polo supra horizontem elevato. Demonstratio supra data jam est (431). Parallaxis declinationis autem aequalis est parallaxi horizontali ductae in sinum elevationis poli, ductae in sinum distantiae apparentis syderis a polo; subtracto facto ex parallaxi horizontali in cosinum altitudinis poli, & in cosinum distantiae apparentis syderis a meridiano, nec non in cosinum distantiae apparentis syderis a polo supra horizontem elevato. Verum hic notandum, esse casum, in quo loco subtractionis facienda est additio facti posterioris e parallaxi horizontali in tres dictos cosinus; nempe quando distantia syderis a meridiano, & ejus distantia a polo, altera quidem minor, altera vero major est 90 gradibus. Postrema haec formula facile eruitur e postrema analogia formulae primae differentialis Trigonometriae sphaericae.

Eadem formulae applicari possunt parallaxi longitudinis & latitudinis non sine calculi compendio; nempe: $\text{parall. longit.} = \text{parall. horiz.} \times \sin. \text{altitudinis nonagesimi} \times \sin. \text{distant. appar. syderis a nonages. totum divis. per cosin. latit. appar. syderis.}$ Et $\text{parallax. latit.} = \text{parall. horiz.} \times \cos. \text{altit. nonages.} \times \cos. \text{latit. appar. syderis} - \text{parall. horiz.} \times \sin. \text{alt. nonag.} \times \cos. \text{dist. appar. syderis a nonag.} \times \sin. \text{lat. app. syderis.}$ Signum $-$ mutatur in $+$, quando distantia apparens syderis a nonagesimo, & ejusdem distantia a polo eclipticae supra horizontem elevato, ac per latitudinem determinata, altera est 90 gradibus major, altera minor.

CAPUT IV.

De illusionibus opticis, quæ pendent a refractione radiorum luminis in transmissu per Atmosphæram telluris.

435. **P**ræter tres superioribus tribus Capitibus recensitos illusionum fontes quartus adhuc superest, refractionis scilicet radiorum lucis, quæ in omnes observationes astronomicas turbationem invehit.

436. I. Experientia, & regulis Dioptrices certum est, radios luminis a via rectilinea detorqueri, quam primum oblique in medium diversæ naturæ ab illo, e quo veniunt, incurrunt, atque hoc ita, ut si medium, quod subeunt, sit densitatis uniformis, radii solummodo ad aliquem angulum inflectantur, postea novam directionem illo flexu acquisitam exacte sequantur; at si medium, in quod incidunt, sit densitatis variabilis, exempli causa, si densitas crescat in certa profunditatis ratione, radii magis semper curvantur, magnitudine, & situ angulorum curvaturæ certam aliquam legem sequente, quæ sit ut functio quæpiam profunditatis.

Hoc vero est, quod accidit radiis luminis e syderibus ad nostros oculos pertinentibus: Terræ enim BOF (fig. 51) jam vicini immerguntur semper magis massæ aeræ GCH, cujus densitas eo major semper est, quo terræ propior: itaque nisi perpendiculariter incidant, hoc est, nisi eorum directio sit versus centrum terræ P, adeoque nisi transeant per zenith observatoris, radii, velut AC, detorquentur, & in curvam CDO inflectuntur, cujus cavitas centro terræ P obvertitur, & longitudo dependet a spatio, quod in transitu per atmosphæram, quæ totam tellurem ambit, emittuntur radii; curvaturæ vero species tum a densitate diversorum stratorum aeris sibi invicem incumbentium, & per quæ radii transmittuntur; tum etiam ab obliquitate incidentiæ. Denique hæc curva est in plano verticali: quippe juxta Dioptrices leges angulus refractionis est in plano perpendiculari ad superficiem refringentem in puncto incidentiæ. Jam vero diversa atmosphære strata superficies habent tum inter se, tum cum terra concentricas: itaque planum ad superficiem atmosphære perpendiculare, est etiam perpendiculare ad superficiem terræ; igitur est planum verticale.

437. II. Certum quoque est, quod observator, percepta per impressionem radiorum luminis in oculos objecti præsentia, judicet objectum in directione, qua impressio fit, situm esse (386): igitur si radius ab astro aliquo in A emissus, oculum per viam curvam CDO subeat, existimabit objectum esse in directione illius extre-

tremi curvæ hujus, quod oculum attingit; hoc est, putabit objectum esse in recta Oa , curvam in puncto O tangente, ubi ad oculum venit. Hinc vero apparet

438. *Radios luminis a syderibus ad zenith existentibus emissos, non esse refractioni obnoxios.*

439. *Refractionem totam esse in altitudine, hoc est, effectum refractionis esse, ut astra appareant viciniora ad zenith, aut altiora supra horizontem, quam reipsa sint.*

440. *Per refractionem fieri, ut arcus distantie apparentis duorum syderum semper sit minor arcu distantie veræ: namque cum refractione sydera in eorum verticalibus circulis attollat, qui in zenith concurrunt, facit simul, ut huic puncto concursus verticalium videantur viciniora, consequenter etiam viciniora inter se.*

441. *Ceteris omnibus paribus, omnia sydera eandem habere refractionem, dum sunt in eadem supra horizontem altitudine, quippe refractione non pendente a distantia syderis ab observatore, sed a quantitate aeris solum, quem radii trajicere debent, antequam ad oculum perveniant: at vero aer sese non extendit ultra 16 vel 17 leucas a superficie terræ.*

442. *Refractionem eo esse majorem, hoc est, differentiam inter altitudinem veram, & altitudinem apparentem syderis esse eo majorem, quo sydus observatum longius abest a Zenith. Ita radius AO refractionem majorem patitur, quam radius EO , qui vicinior ad zenith, & minus aeris transire debet, & magis accedit ad perpendiculum.*

443. *Sydera reipsa esse adhuc infra horizontem, quando jam in horizonte videntur; itaque videntur citius oriri, & tardius occidere, quam juxta leges solius motus diurni telluris oporteat.*

444. *Igitur clarum est, effectum refractionis esse directe oppositum effectui parallaxeos, quamvis utraque eadem fere leges sequatur. Atque hinc data refractione syderis pro certa altitudine, ut supra (433), calculari potest mutatio per eam ascensioni rectæ, & declinationi syderis inducta. Et universim eodem calculo situs apparens astrorum ab erroribus tum per parallaxin, tum per refractionem inductis expurgari potest, si pro elemento calculi accipiatur differentia inter parallaxin & refractionem altitudini syderis competentem.*

445. *Ulterius porro liquet, refractiones syderum debere esse inconstantes, & omnibus variationibus, quæ in atmosphæra contingunt, obnoxias. Sic aere puriore, & calore magis rarefacto æ erunt minores; quod etiam e situ loci pendeat, uti versus æquatorem, in vertice magnorum montium: ex opposito refractiones fient majores aere humidiore, densioreve.*

446. At-

446. Atque hinc consequi, *nec posse statui methodum exactam eas immediate ex syderum observationibus deducendi, nec hypothesin physicam, quam in iis calculandis in omni casu sequi liceat.*

447. Observa I. Experientia docuit, refractionem horizontalem esse admodum inconstantem, ut quæ quandoque sit 32', alias 36' aut 37'; præterea eam admodum irregulariter mutari usque ad altitudinem 10, vel 12 graduum: hinc maximam partem parum tribuitur observationibus factis, quando sydera erant horizonti valde vicina. Denique in altitudine 45 gradus superante eam esse minorem 1', ac inde usque ad zenith admodum æquabiliter decrescere.

448. II. Refractio facit, ut solis discus in ortu vel occasu suo appareat ovalis: quippe cum effectum non habeat, nisi secundum circulos verticales, diametrum horizontalem nil mutat: at vero limbos conjungit aliquantum, in quibus diameter verticalis terminatur.

449. III. Ad determinandas refractiones, Astronomi altitudines syderum observatas conferunt cum iis, quas per calculum pro eodem tempore repererunt. Adhibent autem solem, cujus theoria est minime ambigua, vel stellam quampiam notabiliorē, cujus declinatio sit rite determinata, & quæ vel per ipsum zenith, vel prope illud, transeat.

450. Præter refractiones Astronomicas atmosphæra etiam efficit peculiare quoddam phænomenon, quod *crepusculum* dicimus: estque tenuis illa lux, quæ jam longe solis ortum præcedit, ac sensim augetur; quæ etiam diu post solis occasum perstat, & insensibiliter tandem extinguitur, nocte concubia subsequente. Sole nondum altius infra horizontem loci alicujus in superficie telluris depresso, ejus radii in atmosphæram incidentes franguntur, reflectuntur, atque ad eum locum eo copiosiores perveniunt, quo aer est purior, & sol horizonti adhuc propior. Observatum est, hanc lucem percipi mane sole adhuc 18 circiter gradibus infra horizontem existente, neque vesperi citius expirare, quam sol ad eandem profunditatem pertingat. Unde consequens est; *nocte stricte sumpta carere locum, quando sol media nocte 18 gradibus non descendit infra horizontem: id quod Parisiis toto mense Junio contingit; & in regionibus magis adhuc ad Septentrionem sitis crepusculum continuum eo longiore tempore circa solstitium æstivum perdurat, quo polo arctico sunt viciniore. Idem fit in hemisphærio australi, sole circa tropicum ♄ versante.*

451. V. Potest etiam per calculum inveniri hora ortus vel occasus apparentis solis; immo etiam tempus initii crepusculi matutini, quod *primum diluculum* dici solet, aut finis vespertini, si resolvatur triangulum sphæricum Z P C (fig. 38 & 39) cujus tria latera

nota sunt: nempe ZP , complementum elevationis poli; PC , distantia syderis a polo, quæ ex declinatione data deducitur; & tertium, arcus $90^\circ, 23'$, si quæeratur ortus vel occasus syderis: vel arcus $103^\circ, 0'$, si quæstio sit de crepusculo. Quod si jam angulus ZPC inveniatur, atque in tempus convertatur, habebitur intervallum inter meridiem (si sermo sit de sole) & tempus quæsitum, aut generatim inter transitum syderis per meridianum & tempus quæsitum.

SECTIO TERTIA.

Continens partem alteram Astronomiæ Terrestris; regulas calculi motuum planetarum, & cometarum a revolutione diurna telluris non pendentium; & diversas methodos stabiliendi theoriam ex observationibus in superficie telluris institutis.

CAPUT I.

De theoria Planetarum, prout e terra videntur.

452. **D**um oculus tot illusionibus patet, ut planetas, cometasque nec in vera eorum directione, nec in plano, in quo orbitas suas describunt, videat, fane ipsa res observatorem in telluris superficie positum, atque ex observationibus isthic institutis Theoriam eorum motus veri stabilire cupientem, admonet, ut pro termino comparationis planum eclipticæ eligat, in quo scilicet oculo constituto paucioribus illusionibus expositus est.

Verum cum unicus sol in centro omnium motuum verorum, ac in interfectione planorum omnium orbitalium cælestium (14) situs sit, manifestum est, omnem planetarum theoriam e solutione duplicis hujus problematis pendere: *dati motibus e sole visis, determinare motus e terra spectatos; & vicissim dati motibus ut in terra apparent; invenire eosdem, ut e sole viderentur.* Ast hujus antequam solutio dari possit, examinandum est, ecquid tandem statui queat de motibus planetarum ad eclipticæ planum relatis, eorumque phænomenis tum solis, cum etiam terræ respectu.

ARTICULUS I.

De motibus planetarum ad planum eclipticæ relatis, tam solis, quam terræ respectu.

453. **Q**uoniam orbitæ planetarum singulæ sunt in singulis planis diversis (25), attamen omnibus per centrum solis transeuntibus,

tibus, consequens est, ut recta communis intersectionis cujuslibet plani cum plano eclipticæ itidem per solis centrum transeat, adeoque puncta duo, in quibus quævis orbita planum eclipticæ secat, sibi e diametro opponantur, ac e sole 180 gradibus a sese distare videantur. Hinc quilibet planeta e sole spectatus, dum integram revolutionem absolvit, dimidium orbitæ suæ supra eclipticæ planum, dimidium infra illud describere debet. Quia vero ecliptica est circulus maximus sphaeræ cælestis apparentis, ejus planum ipsam sphaeram in duo hemisphæria æqualia, alterum boreale, in quo est polus arcticus; australe alterum, in quo polus antarcticus situs est, dividit. Igitur quivis planeta, dum in altero dimidio suæ orbitæ versatur, habet latitudinem borealem; & dum alterum dimidium describit, latitudinem australem.

454. Puncta illa duo intersectionis orbitæ planetæ cum plano eclipticæ, *nodi planetæ* dicuntur; & *nodus* quidem *ascendens* illud, per quod a latitudine australi ad borealem transit, cujus signum est Ω : *nodus descendens* vero alterum, per quod ex hemisphærio boreali in australe descendit, cujus character est γ .

455. Sit, exempli causa, E Ω , P γ orbitæ planetæ alicujus superioris (fig. 62); aut inferioris (fig. 63): sit B Ω C L γ projectio orthographica ejus orbitæ in plano eclipticæ.

Si planeta motu annuo ferretur in hac projectione, semper in plano eclipticæ appareret, omnique careret latitudine; sed quia reipsa orbitam E Ω P γ percurrit, liquet, ejus motum e sole visum, & ad orbitam projectionis relatum, eodem modo explicandum esse, quo exponitur motus apparens solis in plano eclipticæ, & ad æquatorem relatus (245). Si itaque supponatur primo planeta in suo nodo Ω , nullam isthic habebit latitudinem; verum in progressu versus P, ejus latitudo augetur, semperque fit magis borealis, donec planeta versetur circa F, 90° a Ω , ubi est maxima, & inclinationi orbitæ cum plano eclipticæ æqualis. Ab F hæc latitudo decrescit usque ad γ , ubi nulla est; postea fit australis, crescitque usque ad E, 90° a γ distante planeta; inde rursus minuitur, donec ad Ω perveniat, ac nulla fiat, iterum in borealem mutanda.

456. Mensura latitudinis planetæ in loco quovis P suæ orbitæ existentis est angulus ad solem P S L, a recta e sole S ad locum verum planetæ P ducta, & ab altera, quæ e sole S per loci P projectionis punctum L transit, comprehensus, quod punctum perpendicularo PL ad planum eclipticæ demisso determinatur.

457. *Distancia planetæ a sole* est recta SP; *distancia ejus curvata* est recta S L.

458. Si supponatur planum orbitæ planetæ produci indefinite, donec superficiei sphaeræ cælestis occurrat, orbita, quæ in fe est elliptica, respectu solis S (241) fiet circulus maximus $NpDb$ sphaeræ ejusdem ad planum eclipticæ NDe inclinatus, intersectionibus seu nodis circulorum in N & D existentibus. Si præterea ponatur initium arietis esse in puncto γ eclipticæ cælestis NDe , & e puncto D tanquam polo concipiatur arcus γb describi, occurrens orbitæ productæ in b , erit punctum b illud, a quo longitudes planetæ in sua orbita computantur. Sic arcus bDp , secundum ordinem signorum Zodiaci numeratus, dicitur *longitudo planetæ in sua orbita*. Demisso e puncto p arcu pl ad planum eclipticæ perpendiculari, erit arcus eclipticæ γDl *longitudo vera planetæ*; & arcus pl *ejus latitudo*. Arcus bD orbitæ, est *locus nodi ascendentis*; & arcus eclipticæ γD , *longitudo nodi descendentis*. *Argumentum latitudinis* est arcus orbitæ Dp , nempe distantia planetæ a suo nodo ascendente, secundum signorum ordinem computata. Ex his sequitur, in primis sex signis argumenti latitudinis esse latitudinem borealem; in sex vero posterioribus signis, australem. Puncta f & g , 90° a nodis N & D distantia vocantur *Limites planetæ*.

459. *Longitudo* vel *latitudo* planetæ e sole visa, dicitur *heliocentrica*; at quæ e terra spectatur, *geocentrica* appellatur.

460. Latitudini geocentricæ planetæ eadem fere conveniunt, quæ latitudini heliocentricæ: nam primo dum planeta in alterutro nodo versatur, nullam habet latitudinem geocentricam, quod tum cum oculo observatoris sit in eodem plano. Secundo. Latitudo geocentrica planetæ est borealis vel australis, prout is vel in primis sex signis, vel in posterioribus argumenti latitudinis fuerit. Quod autem ad quantitatem ejus attinet, ea non solum dependet ab argumento latitudinis, sed etiam a distantia planetæ a terra. Sit enim TQR orbis annuus terræ, T ejus locus, planeta in P existente: patet, ductis rectis TP , TL , latitudinem geocentricam planetæ habere mensuram angulum PTL , angulo ad L recto, quod PL sit ad planum eclipticæ, in quo est orbita telluris, perpendicularis.

461. *Longitudo* geocentrica planetæ P e tellure in T existente visi, est arcus eclipticæ γDM juxta signorum ordinem, inter rectam $T\gamma$ e terra ad primum punctum eclipticæ ductam, & inter alteram, quæ e terra per punctum L projectionis planetæ, usque ad sphaeræ cælestis superficiem in M producitur, interceptus.

462. Cum distantia ST respectu distantie solis a superficie sphaeræ cælestis evanescat, patet rectam $T\gamma$ non differre a recta, quæ e sole ad idem punctum γ ducitur, ita ut differentiam inter longitudinem γl e sole visam, & inter longitudinem visam e terra,

ra, metiatur arcus cælestis ML , quem *parallaxin orbis annui* (382) appellant; aut vero angulus SLT , cujus mensura est arcus ML , utpote radio eclipticæ cælestis infinito.

Atqui hic angulus, ceteris omnibus paribus, eo est major, quo distantia solis a terra ST respectu distantiae solis a loco planetæ ad eclipticam reducto SL major est: unde ut longitudo & latitudo heliocentrica planetæ ad longitudinem & latitudinem geocentricam reduci possit; situs terræ respectu solis, & ratio distantiarum ST , & SL cognosci debet.

ARTICULUS I I.

Expositio generica totius ordinis calculi necessarii ad invenientiam longitudinem & latitudinem Planetæ e sole, & terra visam pro tempore dato.

463. **R**egula I. Reducatur tempus datum ad tempus medium (321).

464. II. Accipiatur intervallum inter tempus datum ad medium reductum, & inter Epocham proximi transitus terræ per suum aphelium, & fiat sequens proportio: ut tempus revolutionis integræ terræ ad intervallum temporis modo repertum; ita sunt 360 gradus ad anomaliam mediam terræ (129).

465. III. Anomalia media reducatur ad veram (138), addaturque loco vero aphelii terræ; habebitur locus verus heliocentricus terræ in puncto suæ orbitæ T (fig. 62 & 63), aut relate ad superficiem sphaeræ cælestis in H , ita ut longitudo terræ sit arcus eclipticæ γDH .

466. IV. Ad locum verum terræ addantur sex signa, sive 180° ; habebitur (242) locus verus solis e terra in puncto eclipticæ O visi, longitudine geocentrica solis existente arcu eclipticæ $\gamma DHNO$.

467. V. Quæeratur (140) distantia solis a terra ST .

468. VI. Pro Planeta fiat: ut tempus revolutionis annuæ planetæ est ad intervallum inter tempus datum, & epocham proximi illius transitus per suum aphelium; ita sunt 360° ad anomaliam mediam planetæ.

469. VII. Anomalia media reducatur ad veram, & addatur ad locum aphelii Planetæ: erit in P locus verus planetæ in sua orbita e sole visus; aut si referatur ad superficiem sphaeræ cælestis, in p ; longitudo vero ejus heliocentrica in sua orbita arcus $b Dp$.

470. VIII.

470. VIII. Inveniatur distantia planetæ a sole SP . Distantiæ autem ST , SP sumendæ sunt in eadem mensura (170), v. g. distantia media terræ a sole posita 10000 partium æqualium.

471. IX. A longitudine heliocentrica Planetæ in sua orbita bDp subtrahatur bD locus nodi ascendentis D ; residuum dabit argumentum latitudinis Dp .

472. X. Inferatur (Trig. 85): ut sinus totus ad sinum inclinationis orbitæ planetæ pDl ; ita est sinus argumenti latitudinis Dp ad sinum latitudinis heliocentricæ pl .

473. XI. Argumentum latitudinis Dp reducatur ad distantiam veram loci nodi a puncto projectionis loci Planetæ Dl , quæ argumentum latitudinis in ecliptica acceptum vocari potest: fit autem hæc reductio sequente analogia (Trig. 88): ut sinus totus est ad cosinum inclinationis orbitæ; ita est tangens argumenti latitudinis Dp , ad tangentem argumenti latitudinis in ecliptica accepti Dl .

474. Differentia inter Dp & Dl in tabulis Astronomicis reductio dicitur, quia servit reducendæ longitudini planetæ in sua orbita acceptæ ad longitudinem, quæ vocatur vera, & ad eclipticam refertur.

475. XII. Argumentum latitudinis in ecliptica acceptum Dl addatur longitudini nodi ascendentis γD ; habebitur longitudo vera heliocentrica planetæ γDl .

476. XIII. Distantia SP (470) reperta reducatur ad distantiam curtatam SL hac analogia (Elem. 747): ut sinus totus est ad cosinum latitudinis planetæ PSL e sole visæ; ita est distantia SP ad distantiam curtatam SL .

477. XIV. Inter longitudes heliocentricas terræ & planetæ γDH & γDl accipiatur differentia; & in triangulo rectilineo SLT habebitur angulus TSL (qui angulus ad solem, seu angulus commutationis dicitur) cum lateribus SL , ST . Quæeratur (Elem. 752) angulus STM vel OTM , inter loca solis O , & planetæ M e terra visa (vocatur autem hic angulus ad terram, seu angulus elongationis); tum vero facile obtinebitur longitudo geocentrica γDM Planetæ, ejus quoque distantia a terra TP vel TL ex eodem triangulo TSL reperietur.

478. XV. Fiat denique: ut sinus anguli TSL ad solem est ad sinum anguli ad terram LTS ; ita est tangens latitudinis heliocentricæ PSL , ad tangentem latitudinis Geocentricæ PTL .

479. Observa I. Omnes hæ regulæ ex iis, quæ adhuc diximus, manifeste consequuntur: sola ultima analogia demonstrationem desiderat. Pro qua in triangulo SPL habetur (Elem. 748) $R: PL = \cot PSL: SL$; & in triangulo rectangulo PTL , est $R: PL$

$PL = \cot PTL : TL$; consequenter etiam $\cot PSL : \cot PTL = SL : TL$; aut (Elem. 737) $\tan PSL : \tan PTL = TL : SL$. Est autem in triangulo SLT , $TL : SL = \sin LST : \sin STL$, quare etiam est $\sin LST : \sin STL = \tan PSL : \tan PTL$.

480. II. Astronomi has operationes compendiosiores reddunt ope Tabularum, quæ calculos jam absolutos continent, atque ita illico reperiunt, quod ex singulis operationibus in præcedentibus regulis præscriptis prodit. Verum quia harum tabularum conditores diversis usi sunt methodis, ut impossibile sit explicationem, quæ omnibus conveniat, dare, cogimur Lectorem ad eos remittere: & alias usus harum tabularum, quarum expositio semper addi solet, expeditus est, ubi semel fundamentum, cui innituntur, rite perceptum est. Id solum monemus, tabulas Astronomicas reliquis celebriores esse D. Cassini A. 1740; & D. Halley A. 1749 vulgatas.

ARTICULUS III.

Enumerantur elementa necessaria ad stabiliendam Theoriam planetarum e sole & terra visorum, & simul exponitur methodus hac in materia observanda.

481. **F**acile quisque videt, in calculis Articuli præcedentis supponi sequentia cognita, quæ elementa Astronomica Theoriæ Planetarum vocantur, quia velut totidem data solutioni problematis generalis superius (452) propositi serviunt. Sunt autem 1°. Tempus revolutionis periodicæ cujuslibet Planetæ. 2°. Positio lineæ apsidum. 3°. Epochæ transitus planetæ per hanc lineam. 4°. Eccentricitas Planetæ, e qua desumuntur dimensiones ejus ellipseos. 5°. Ratio axis majoris ellipseos cujusvis planetæ ad axem majorem orbitæ telluris. 6°. Locus nodi ascendentis Planetæ. 7°. Inclinatio orbitæ planetæ ad planum eclipticæ. Præterea sciri debet, an lineæ apsidum, & nodorum cujuslibet Planetæ sint immobiles, an vero motum aliquem habeant; & si quidem moveantur, quam in partem id fiat, quæque sit motus quantitas. Ut itaque Theoria Planetarum stabiliri possit, omnia hæc elementa ex observationibus in terra institutis eruenda sunt. Quem in finem quæ methodi e cognitis meliores adhiberi possint, indicabimus.

482. Theoria motus veri terræ ex observationibus, quæ supponuntur in sole factæ, eadem est cum Theoria motus apparentis solis ex observationibus in terra factis. Verum quoniam Planetæ e terra visi obnoxii sunt parallaxi, quæ omni momento mutationem aliquam in eorum motus veros inducit, ex observationibus in superficie telluris institutis nequeunt elementa horum motuum

ea ratione determinari, qua id fieret, si e sole observari possent. Alia itaque via ineunda est, quam paucis exponemus.

483. Verum ante omnia illud hic observasse juvabit, quod cum motus Planetarum dependeant ab elementis magno numero combinatis, fere impossibile sit, ut omnia hæc elementa simul exacte determinantur calculo quopiam directo meliorum observationum, & in methodo aliqua Geometrica fundato. Hinc ut ad accuratorem in elementorum determinatione perveniatur, supponendum est ab initio Problema jam solutum, debetque rudis aliqua determinatio sufficere, æstimatione quadam congrua facta, vel calculo prævio rem utcunque attingente, vel adhibitis elementis, quæ priores Astronomi suppeditarunt. Notitia hæc rudior licet, usui tamen est primo, ut generatim effectus elementorum singulorum inter se discriminentur; ut perspiciantur casus illi, in quibus singula maximum habent influxum, vel in quibus effectum habent tam exiguum, ut tanquam insensibilis tuto negligi possit; quando nam satis sit, elementum aliquod tantum obiter determinatum habere, ut observationi omnes eæ conditiones adsint, quas habere debet, antequam ad alias disquisitiones sit utilis, immo quas habere debet, dum ea utendum est. Præterea ex ea discitur, quo tempore, quave methodo observationes instituendæ sint, ut præ ceteris sive ad generalem elementorum inquisitionem, sive ad peculiarem aliquam adhiberi possint. Denique hæc notitia habet illud commodi, quod tum locus sit *positioni falsi*, quæ via est commodissima, & sæpe etiam tutissima in resolutione problematum magis complicatorum. Itaque ejusmodi elementa rudius determinata eodem modo adhibentur, tanquam vera essent, ad calculandos motus, qui inde eruuntur (ut nempe casus fert, exempli causa in disquisitione Theoriæ Planetarum, ad stabilendam regulam aliquam Articuli præcedentis), ut postea cum observationibus maxime accuratis conferri possint. Prout jam calculus magis, minusve ab observationibus aberrat, ita Elementa quoque corriguntur novis positionibus factis, quæ priorem emendant calculum, ac observationibus reddent propiorem: ope elementorum ita correctorum iterum ac iterum quærantur magis accurata: & quidem eæ correctiones jam in uno tantum, jam simul in pluribus adhibentur ex observationibus aliis, alio tempore, aliave methodo institutis. Atque hac ratione tentando varia, combinando, & calculando Theoria motuum cœlestium perficitur. Exempla quædam hujus rei Cap. II. Sect. I. jam dedimus; alia tum per decursum præsentis, tum toto sequente Capite occurrent.

ARTICULUS IV.

De melioribus methodis stabiliendi elementa Theoriæ Solis, cum exemplis applicatis ad observationes, quæ ad determinationem horum elementorum sunt institutæ.

484. **P**ostquam ars horologiaria, & theoria motus apparentis fixarum ad hunc perfectionis gradum perducta est, nulla melior est methodus positionem syderum accurate determinandi, quam si observetur eorum differentia in ascensione recta cum stella quapiam, quæ ceteris ad id commodior visa fuerit; & declinatio ex altitudine meridiana, vel ex differentia declinationis cum stella eadem, vel altera, quæ exacte jam sit observata, uti explicuimus Artic. VIII & IX. Cap. I. Sect. II. Verum cum Sol latitudinem nullam, quæ percipi posset, habeat, ejus ascensionem rectam observare satis est, ut tempus ejus transitus per puncta æquinoctialia & solstitialia in sua orbita reperiatur. Nam dum est in punctis æquinoctialibus, ejus ascensio recta est vel 0° , vel 180° ; quando vero versatur in punctis solstitialibus, ascensio recta est vel 90° , vel 270° . Ut autem habeatur tempus, quo sol ad alia orbitæ suæ loca pervenit, uti ad puncta distantiae mediæ, ad apsidēs (quarum altera, nempe aphelium terræ, dicitur *apogæum solis*; altera, terræ perihelium, vocatur *perigæum solis*) &c. ascensio solis recta observata reducenda est ad longitudinem (312): atque inde omnes dimensiones orbitæ solis, quæ est ellipsis a terra descripta, determinari poterunt, adhibitis iis methodis, quas Sect. I. Cap. II. descripsimus.

485. Itaque ut determinetur tempus revolutionis annuæ solis, via securissima est, si ex observationibus inveniantur duo momenta temporis, quibus sol eundem accurate situm respectu ejusdem stellæ fixæ habet, ita, ut inter utrumque hoc tempus magnus revolutionum numerus intercedat. Hoc temporis interval- lum per revolutionum numerum divisum dabit tempus revolutionis annuæ.

In exemplo: die 26 Junii 1683, o h. 2'. 8'' tempore medio, Parisiis observavit Dela Hiriſ differentiam ascensionis rectæ inter solem & stellam Sirius $2^\circ. 34', 48''$, quæ reducta ad differentiam longitudinis fit $4^\circ. 55'. 18''$. Post 69 revolutiones die 27 Junii An. 1752, o h. 2', 28'' tempore medio ad Caput Bonæ Spei observavi differentiam ascensionis rectæ inter solem & Sirius $2^\circ. 0'. 2''\frac{1}{2}$: e quo infero (habita ratione motus diurni solis $57', 12''$, & differentię meridianorum 1 h. 4'. 40'') solem fuisse in eodem situ

respectu Sirii die 26 Junii 16 h. 33', 45'' tempore medio Parisiis. Intervallum 25202 d. 16 h. 11', 37'' si dividatur per 69, prodit tempus revolutionis annuæ solis 365 d. 6 h. 8'. 52''.

486. Observa I. Quod si observationes correspondentes, quibus situs solis ad aliquam stellam fixam refertur, sed aliis anni temporibus factæ, seu sole existente in aliis orbitæ suæ locis, eadem methodo inter se comparentur, nequaquam eadem magnitudo revolutionis annuæ obtinetur. Exempli causa die 29 Decembris A. 1683, o h. 2'. 55'' tempore medio, De la Hirius invenit differentiam inter ascensionem rectam solis, & stellam *Aldebaran*, 145°, 43', 4'', cui respondet longitudo 147°, 21', 10''; & 30 Decembris 1752, o h. 3'. 22'' tempore medio ad Caput Bonæ Spei reperi differentiam ascensionis rectæ solis, & ejusdem stellæ, 145°, 21', 44'': hac reducta ad longitudinem, & adhibito motu diurno solis 1°. 1'. 12'', differentia vero meridianorum eadem, qua in priore casu, inveni solem tempore medio Parisiis 29 Decembris 1752, 16 h. 26'. 55'' habuisse eundem respectu *Aldebaran* situm, quem An. 1683 habuit: intervallum inter utramque observationem est 25202 d. 16 h. 24'. 0'', e quo revolutio annua eruitur 365 d. 6 h. 9'. 3'', nempe 11'' major, quam prius inventa.

487. Hoc discrimen haud potest ex integro attribui exiguis erroribus, qui in observationes semper solent irrepere: etenim collatis observationibus mensibus Majo, Junio, Julio, Augusto institutis, revolutiones annuæ constanter reperiuntur minores, quam ex observationibus mensibus Novembri, Decembri, Januario & Febuario factis: ita quidem, ut solæ observationes circa finem Martii & Septembris institutæ (sole versus puncta distantiae mediæ versante) eandem largiantur revolutionis annuæ quantitatem; differentia vero maxima sit, si adhibeantur observationes circa finem Junii (sole in Apogæo existente) & Decembris (dum sol versus perigæum est) factæ.

488. Ex hac inæqualitate autem evidenter consequitur, solem non habere eandem velocitatem, dum ad idem punctum redit, in quo prius fuerat observatus, id quod fieri nequit, nisi linea apsidum aliquantum moveatur, atque ita iisdem cæli punctis non eadem semper solis anomalia respondeat. Et certe nemo non intelligit, quod si semel sol in suo apogæo sit observatus, & postea, absoluta integra respectu fixarum revolutione, solemque ad idem, in quo prius visus fuerat, cæli punctum redeunte, reperiat, apogæum non amplius esse in eo puncto, sed aliquantum promotum fuisse ultra illud, sol in hoc loco majorem debeat habere velocitatem, quam quæ apogæo convenire possit, consequenter etiam ad illum citius per-

pervenire, quam si apogæum mansisset immotum, & hinc tempus revolutionis brevius fieri. Contrarium eveniret, si observatio fuisset in solis perigæo instituta; aut si loco motus juxta signorum ordinem, apogæum haberet motum retrogradum. Ex his itaque patet *Primo*. Superius relatas observationes ostendere, *lineam apsidum solis moveri juxta ordinem signorum*: *Secundo*. Observationes ad determinandam revolutionem annuam maxime idoneas esse, quæ instituuntur sole versante circa puncta distantiae mediæ; aut vero accipiendam esse quantitatem aliquam mediam inter revolutiones deductas ex observationibus tam in apogæo, quam in perigæo solis eodem temporis intervallo factis: atque hæc methodus tutior est, quod sole prope apsidem existente aliquot continuis diebus ejus motus sit uniformis, adeoque observationes uno die institutæ accurate reduci possint ad eas, quæ duos, tresve dies tardius vel citius sunt habitæ. Et ex supra allatis exemplis statuemus veram quantitatem revolutionis annuæ solis 365 d. 6h. 8'. 58".

489. Observa II. Ex comparatione temporum reditus solis ad idem æquinoctium, ad idem solstitium, denique ad idem, qualecunque id sit, eclipticæ punctum, non solum inæqualis diversis anni temporibus revolutio eruitur, verum etiam universim minor, quam illa, quam paullo ante determinavimus. Itaque ad evitandas inæqualitates ob motum Apogæi solis, comparandæ sunt observationes vel institutæ, dum sol versabatur circa idem punctum distantiae mediæ, vel circa duo æquinoctia autumnalia, & circa duo æquinoctia verna eorundem annorum, hoc est, ut primis duabus observationibus circa æquinoctia ejusdem anni institutis, etiam postremæ duæ eodem anno circa æquinoctia fiant, & observationes autumnales inter se comparentur, & verna cum verna: ut hac ratione accipi possit medium inter revolutionem prodeuntem ex observationibus circa autumnalia æquinoctia factis, & illam, quæ eruitur ex observationibus circa æquinoctia verna institutis. Simili ratione observationes etiam accipi possunt circa duo solstitia æstiva, & circa duo solstitia hyberna eorundem annorum factæ. Nobis satis fuerit, exemplum prioris casus addidisse. Die 28 Martii A. 1657 Cassinius observavit in magno Gnomone ad D. Petronii Bononiæ altitudinem veram centri solis 48° , $15'$, $57''$, tempore medio Parisiis 27 Martii 23 h. 28'. 56". Subtracta hinc elevatione æquatoris 45° . $30'$, $40''$ remanet declinatio solis 3° , $15'$, $17''$, cui respondet 8° , $11'$, $32''$ \vee , quam longitudinem reduco ad 8° , $11'$, $11''$ ob rationem mox reddendam (vid. Observ. III). Ex observata die 28 Martii A. 1749, 0 h. 5'. 7" tempore medio Parisiis differentia ascensionis rectæ Solis & Procyonis

(cujus ascensio recta tum erat $111^{\circ}, 32', 42''$) $104^{\circ}, 15', 8''$ reperio, longitudinem solis $8^{\circ}, 11', 11''$ \vee fuisse die 28 Martii 1749, 6 h. 10'. 50'' tempore medio. Intervallum temporis inter utramque observationem divisum per 92 dat revolutionem solis 365 d. 5 h. 48'. 43''. Erat autem sol in his observationibus admodum vicinus loco distantiae suae mediae.

490. Ex his complures sequelae magni momenti deducuntur. *Primo. Stabiliendae sunt tres species revolutionum in theoria solis*; Nempe revolutio *syderea*, quae est tempus reditus solis ad eandem stellam fixam, estque 365 d. 6 h. 8'. 58''. Dein revolutio *tropica*, hoc est, intervallum reditus solis ad idem punctum eclipticae, ad eundem colurum, ad eundem tropicum &c., cujus duratio est 365 d. 5 h. 48'', 43''. Denique revolutio *anomalistica*, tempus reditus solis ad eandem apsidem, quae est, ut mox videbimus, 365 d. 6 h. 16'. 0''.

491. *Secundo.* Quoniam sol ad idem punctum eclipticae $20', 15''$ temporis citius revertitur, quam revolutionem integram respectu fixarum absolvat, sequitur, coluros, & hinc puncta æquinoctialia & solstitialia, habere motum retrogradum respectu solis, arcu circitur $50''$ per annum: ex quo fit, ut ascensione recta & longitudine a puncto æquinoctiali arietis computatis videatur sol jam integram descripsisse eclipticam, dum reipsa non nisi $359^{\circ}, 59', 10''$ confecit. Hic motus punctorum æquinoctialium dicitur *præcessio æquinoctiorum*.

492. *Tertio.* Quia diversae anni tempestates juxta revolutionem tropicam contingunt, utpote quae (275) a transitu solis per puncta æquinoctialia, & solstitialia dependent, hæc revolutio maxime idonea est, ut sit regula temporis civilis & politici, ideoque etiam ei calculi Astronomici accommodandi sunt, quamvis Astronomis revolutio syderea esset opportunior. Itaque ratio habenda est differentiae inter hasce revolutiones, ac supponendum, quod 360 gradus eclipticae respondeant tempori 365 d. 5 h. 48'. 43'', licet interea sol in cælo stellato non percurrat nisi $359^{\circ}, 59', 10''$.

493. *Quarto.* Si stellae sunt reipsa immobiles, pariterque immobilia sunt aphelia, nodi, aliaque puncta orbitarum planetariorum; hæc omnia respectu punctorum æquinoctialium $50''$ singulis annis videri debent progredi juxta signorum ordinem.

494. *Quinto.* Et quia revolutio anomalistica solis sydeream $7'$ temporis excedit, consequens est, ut apogæum respectu fixarum motu annuo progrediatur $17''$, & respectu punctorum æquinoctialium circiter $1', 7''$.

495. *Sexto.* Motus apogæi solis indicio est, vi centrali terræ exiguam quamdam, sed constantem, mutationem alicunde accidere (176). In Sectione VI. Cap. I. Art. VI. causam physicam adferemus similis motus apogæi Lunæ; & Art. VIII. retrogradationis punctorum æquinoctialium.

496. Habitis jam temporibus diversarum solis revolutionum, omnes dimensiones ellipseos, quam describere videtur, inveniri possunt ope trium ejus longitudinum, quæ conditionibus magis faventibus, & cum cura observatæ sint, secundum methodum num. 150 expositam. Exempli causa collato sole cum Sirio ad Caput Bonæ Spei, longitudinem veram solis die 30 Septembris A. 1751, 23 h. 49'. 44'' tempore medio inveni $6^{\circ}, 7^{\circ}, 51', 47''\frac{1}{2}$: die 30 Decembris 0 h. 3'. 0'' tempore medio $9^{\circ}, 8^{\circ}, 29', 55''$; & die 28 Martii 1752, 0 h. 5'. 2'' tempore medio $9^{\circ}, 8^{\circ}, 9', 27''\frac{1}{2}$. Ex his intuli, locum perigæi solis circa finem Anni 1751 fuisse $9^{\circ}, 8^{\circ}, 45', 40''$; solem per illud transivisse 30 Decembris 5 h. 9' tempore medio ad Meridianum Parisinum reducto; eccentricitatem esse partium æqualium 16814, quarum distantia media terræ a sole continet 1000000: & hinc maximam æquationem centri $1^{\circ}, 55', 36''\frac{1}{2}$.

Intervallum a 30 Decembris Anni 1751, 5 h. 9' tempore medio usque ad 1 Januarii meridiem A. 1752 tempore medio (est autem hic meridies apud omnes fere Astronomos *epocha* motus medii solis annis bissextilibus; pridianus vero annis communibus) est 1 d. 17 h. 51', quo sol motu medio conficit $1^{\circ}, 45', 35''$: his additis ad locum perigæi $9^{\circ}, 8^{\circ}, 45', 40''$, habetur epocha motus medii pro initio Anni 1752, nempe $9^{\circ}, 10^{\circ}, 31', 15''$.

497. Multis ejusmodi selectis observationibus ad similem calculum revocatis, tandem de veris Theoriæ solis elementis certi reddemur; & si quidem aliquod in iis discrimen occurrat medium quoddam inter ea, quæ reperimus, accipiemus.

498. Verum quia Astronomus quam minime elementa suæ theoriæ hypothesibus superstruere debet; decebit fane, ut positio lineæ apsidum, & epocha transitus solis per eandem, secundum methodum N. 109 explicatam; æquatio vero maxima cum eccentricitate juxta N. 143 & 145 investigetur. In exemplo, e comparatione solis cum Sirio ejus longitudinem die 30 Junii A. 1751, 0 h. 2', 55'' tempore medio ad Caput Bonæ Spei inveni $3^{\circ}, 8^{\circ}, 8', 54''$; & 30 Decembris 0 h. 3', 0'' eadem erat $9^{\circ}, 8^{\circ}, 29', 55''$: differentia $6^{\circ}, 0^{\circ}, 21', 0''$, excedit $180^{\circ}, 0', 33''\frac{1}{2}$, quos sol intra semirevolutionem anomalisticam describit, $20', 26''\frac{1}{2}$: jam vero motu diurno existente $57', 12''$, sol excessum illum percurrit intra 8 h. 34', 45''; & ad $180^{\circ}, 0', 33''\frac{1}{2}$ e loco, in quo 30 Decembris

bris 0 h. 3'. 0'' fuerat, pervenit die 30 Junii 8 h. 37', 40''. Intervallum temporis est 182 d. 15 h. 15', 20'', exceditque semirevolutionem anomalisticam 17', 20'': itaque 30 Junii 8 h. 37', 40'' sol nondum ad apogæum pervenerat: fiat: ut 4', 0'' (differentia inter velocitates solis in apogæo & perigæo) ad 57', 12'' (velocitatem diurnam solis in apogæo); ita sunt 17', 20'' ad 4 h. 7', 52'': hoc tempore adhuc opus erat, ut sol apogæum attingeret: transiit ergo per apogæum die 30 Junii 1751, 12 h. 45', 32'' ad Caput Bonæ Spei; Parisiis vero 11 h. 40', 52'' tempore medio: & quidem apogæo existente in $3^{\circ}, 8^{\circ}, 39', 12''$.

Si comparentur duæ longitudines solis ad diem 30 Septembris A. 1751, & 28 Martii 1752 N. 496 relatæ, reperitur, quod hoc intervallo sol confecerit $180^{\circ}, 17', 40''$ motu vero: motus medius, tempori inter observationes interjecto competens, erat $176^{\circ}, 26', 29''$: semidifferentia $1^{\circ}, 55', 35''\frac{1}{2}$ est æquatio maxima solis, cui tamen addendum est 1'', quoniam 28 Martii sol paullo plus quam uno gradu aberat a puncto suæ distantiae mediæ. Est igitur æquatio maxima $1^{\circ}, 55'', 36''\frac{1}{2}$; & eccentricitas 16814 partium.

499. Quod ad revolutionem anomalisticam attinet, ea invenitur ex comparato tempore transitus solis per suum perigæum die 30 Decembris A. 1751, 5 h. 9' tempore medio Parisiis, cum tempore transitus ejusdem, deducto ex observationibus Norimbergæ a Walthero An. 1487 factis. Juxta has observationes (vid. Monum. Acad. Paris. A. 1749 pag. 53 & seqq.) die 12 Decembris, 12 h. 36' tempore medio sol aberat a perigæo $3^{\circ}, 49', 36''$; & hinc perigæum attigit die 16 Decembris, 6 h. 5' tempore ad meridianum Parisinum deducto. Intervallum est 96428 d. 23 h. 4', e quo revolutio una eruitur 365 d. 6 h. 16', 9''.

Similiter sol erat in apogæo A. 1503, die 16 Junii, 18 h. 0' juxta meridianum Parisinum. Vidimus autem, solem etiam fuisse in Apogæo die 30 Junii 1751, 11 h. 41': intervallum 90584 d. 17 h. 41' dat revolutionem unam 365 d. 6 h. 15', 55'': itaque accepto medio statui potest 365 d. 6 h. 16'.

500. Observa III. Antequam observatio aliqua solis ad subtiliorem quampiam disquisitionem adhibeatur, rationem habere oportet duarum exiguarum inæqualitatum periodicarum, quarum causam & modum calculi Sectione VI. Cap. I. Art. VIII. & IX. adferemus. Appellantur vero *variatio*, seu *æquatio lunaris*, & *deviatio in longitudine*. Nos in omnibus observationibus præfente Articulo alatis utramque præ oculis habuimus.

501. Observa IV. Quod si Elementa Theoriæ solis modo determinata, & quæ veris admodum propinqua censeo, aliquantum discrepent ab iis, quæ Tabula N. 170 exhibet; causa est, quod hæc tabula constructa sit ex elementis Tabularum Astronomicarum D. Cassini.

ARTICULUS V.

Methodus reducendi omnes observationes Planetarum in superficie Telluris institutas, ad eas, quæ eodem tempore fierent, si observator in sole collocaretur.

502. Supposita jam theoria solis, five terræ, exacte cognita, Sejus orbitæ dimensiones tanquam basis & fundamentum pro operationibus Geometricis assumi possunt, quæ necessariae sunt ad inveniendas dimensiones orbitarum aliorum Planetarum, modo tempora eorum revolutionum interea dentur, quæ, quæ ratione inveniantur, sequente articulo docebimus.

Sit enim locus terræ T in sua orbita TER, S sit sol, & angulus STM mensura observatæ differentiæ inter longitudinem solis & longitudinem planetæ cujusvis M e terra visi. Peracta integra revolutione Planeta ad eundem locum M redibit; sit verum terra in R, & observetur angulus MRS. Ex Theoria terræ notus est angulus TSR cum lateribus ST, SR, atque hinc innotescunt (Elem. 760) anguli STR, SRT, & latus TR. Itaque in triangulo TMR habetur latus TR, & anguli MTR, MRT, unde inveniuntur latera MT, MR. Denique in triangulo MST habentur MT, TS & angulus comprehensus MTS, ex quo reperitur SM distantia curtata solis a planeta in puncto projectionis orbitæ M, & angulus TSM, qui dat differentiam inter longitudinem terræ \angle ST, & longitudinem planetæ e sole visi \angle SM.

503. Quod si dein quæeratur latitudo e sole visa, erit (478): ut sinus anguli MTS ad sinum anguli TSM; ita tangens latitudinis planetæ, observatæ e puncto T, ad tangentem latitudinis illius heliocentricæ.

504. Denique habebitur vera distantia planetæ a sole, si fiat (476): ut cosinus latitudinis heliocentricæ planetæ est ad sinum totum; ita distantia curtata SM ad distantiam quæsitam.

Longitudo, latitudo, & distantia eadem reperiri quoque potest ope trianguli SRM. Atque hac ratione construi potest tabula

Z

plu-

plurimarum longitudinum & latitudinum e sole visarum, & simul distantiarum a sole in totidem orbitæ punctis.

505. Spectato systemate Physico, in quo admittitur, actione mutua planetarum & cometarum tam in tempore revolutionum periodicarum, quam in positione lineæ apsidum, eo magis sensibilem variationem produci, quo eorum corpora & majora sunt, & propius ad sese accedunt, hæc methodus non satis tuta est ad stabilendam theoriam Jovis & Saturni: sed ad reliquos quod attinet, fidenter adhiberi potest.

ARTICULUS VI.

Diversæ Methodi inveniendi elementa Theoriæ Planetarum ex observationibus in terra institutis.

506. I. *Inveniendi tempus revolutionis periodicæ Planetæ.* Cognito circiter tempore revolutionis Planetæ, assumantur duæ observationes, quæ haberi possunt, maximo temporis intervallo a sese remotæ, tumque institutæ, cum planeta in eodem situ respectu ejusdem fixæ, simulque in oppositione (si planeta est ex superioribus); vel in conjunctione (si est ex inferioribus) cum sole fuit. His enim in casibus videtur (396) in eodem loco eclipticæ, ac si e sole spectaretur. Intervallum temporis inter observationes dividatur per revolutionum numerum, & habebitur tempus revolutionis periodicæ respectu fixarum; & quia omnis Planetarum motus a primo puncto Arietis computatur, facienda est hæc analogia: ut 360° , $0'$, $0''$ sunt ad tempus revolutionis periodicæ respectu fixarum; ita est motus harum in longitudinem tempore ejus revolutionis ad tempus subtrahendum a tempore revolutionis respectu fixarum, ut habeatur tempus revolutionis periodicæ respectu primi puncti arietis. Sic tempore revolutionis Mercurii fixæ videntur progredi $12''$, quibus in tempore respondent $1'$, $10''$, quæ subtrahi debent, ut obtineatur revolutio Mercurii respectu primi puncti Arietis, quæ invenitur 87 d. 23 h. $14'$, $20''$. Similiter reperitur revolutio Veneris 224 d. 16 h. $41'$, $37''$; Martis 686 d. 22 h. $19'$, $0''$; Jovis 4330 d. 12 h. $27'$; & Saturni 10747 d. 2 h. $50'$.

507. II. *Inveniendi lineam apsidum, epocham transitus planetæ per eandem, & eccentricitatem.* His utcunque cognitis, feligendæ sunt tres observationes longitudinum & latitudinum planetæ, quarum prima a tertia semirevolutione circiter absit, quæque institutæ sint, Planeta prope loca distantiae suæ mediæ versante; secunda vero, cum circa lineam apsidum erat. Oportet autem has longitudes & latitudi-

tudines helio centricas esse, five observatæ sint tempore ad id præscripto, five methodo N. 502 expofita sint reducæ. Prætereareducendæ funt longitudes ad orbitam planetæ, fubtracto loco Ω prope cognito, ut habeatur argumentum latitudinis, ad cujus cofinus logarithmum addendus est logarithmus cofinus latitudinis heliocentricæ planetæ: fumma erit logarithmus cofinus arcus, qui, addito loco Ω , erit longitudo planetæ reducæ. His ita præmiſſis cetera fiant juxta methodum, & exemplum N. 151 adductum.

508. Obſerva I. Si habeantur longitudes heliocentricæ ad orbitam reducæ tam circa utrumque diſtantiæ mediæ punctum, quam circa utramque apſidem; inveniri poteſt eccentricitas per æquationem maximam, ut N. 109, & 143, & linea apſidum per tempus ſemirevolutionis.

509. Obſerva II. Inventis omnium planetarum eccentricitatibus, eæ reducendæ funt (170) ad ſcalam aliquam communem, in qua pro unitate aſſumatur diſtantia media terræ a ſole.

510. III. *Inveniendi poſitionem lineæ nodorum.*

Prima methodus: Locus obſervatus planetæ, in quo caret latitudine, reducatur ad locum e ſole viſum, habebitur locus nodi alterutrius.

511. *Altera methodus*: Obſervatis tempore & loco conjunctionis, vel oppoſitionis planetæ cum ſole, in quibus ejus latitudo fuit exigua; determinato item per obſervationem tempore, quo planeta nullam habuit latitudinem, adeoque in ſuo nodo fuit; ex theoria planetæ Numeris ſuperioribus ſtabilita quæratuſ arcus verus in orbita, quem e ſole viſus percurrere debuit a ſua conjunctione vel oppoſitione uſque ad tempus tranſitus per nodum: hic arcus addatur vel ſubtrahatur a loco obſervatæ conjunctionis vel oppoſitionis: habebitur locus verus nodi.

512. IV. *Inveniendi inclinationem orbitæ planetæ ad planum eclipticæ.*

Prima methodus: Si habeatur ſeries obſervationum latitudinum heliocentricarum planetæ circa limites verſantis; maxima harum latitudinum determinabit inclinationem orbitæ.

513. *Altera methodus*: Quando ſol eſt accurate in eodem eclipticæ puncto cum nodo planetæ, atque planeta 90° a ſole diſtat, hoc eſt, ſi differentia longitudinum ſolis & planetæ e terra viſi eſt exacte trium ſignorum; latitudo planetæ e terra viſa eſt accurate æqualis inclinationi orbitæ. Cum enim terra in hoc caſu exiſtat in linea interſectionis planorum eclipticæ, & orbitæ planetæ; planum anguli, quem ad oculum obſervatoris efficiunt duo radii, quorum alter ad planetam, alter ad ejus punctum projectionis in ecliptica ducitur, eſt perpendiculare ad eam interſectionem. Igitur (Elem. 630) angulus ad oculum obſervatoris eſt tunc æqualis inclinationi plani utriusque.

514. *Tertia methohus*: Hinc deducitur tertia methodus, quæ in eo consistit, ut quam exactissime observetur longitudo, & latitudo geocentrica planetæ, dum sol per ejus nodum transit, modo ea latitudo minor ne sit inclinatione circiter cognita. Tum fiat: ut *sinus elongationis planetæ a sole observatæ est ad tangentem ejus latitudinis geocentricæ pariter observatæ; ita est sinus totus ad tangentem inclinationis orbitæ.*

Nam sit NST (fig. 70) linea nodorum planetæ, sol in S , terra in T ; P locus planetæ in orbita. Demisso perpendicularo PL ad planum eclipticæ, & ductis PT , LT , erit angulus PTL æqualis latitudini observatæ. Ducatur etiam PR perpendicularis ad lineam nodorum: erit angulus PRL (Elem. 630) æqualis inclinationi plani orbitæ ad eclipticam. Angulus RTL est elongatio planetæ a sole, aut differentia longitudinum solis & planetæ. His ita constitutis in triangulo rectangulo RTL habetur: $r: TL = \sin RTL: RL$; & in triangulo rectangulo PTL est: $r: TL = \tan PTL: PL$; quare est etiam $\sin RTL: \tan PTL = RL: PL$. Habetur autem etiam in triangulo PRL , $RL: PL = r: \tan PRL$; ergo est $\sin RTL: \tan PTL = r: \tan PRL$.

515. V. *Inveniendi, an nodi & aphelia planetarum sint immobilia, an vero moveantur, & quantum.*

Ex observationibus, quæ haberi possunt, maxime a sese distantibus, determinetur tempus duplicis transitus planetæ per suum aphelium, aut per eundem nodum. Si quotus emergens ex divisione temporis inter utrumque transitum per numerum revolutionum planetæ respectu fixarum, est accurate æqualis tempori unius ejusmodi revolutionis, aphelium, & nodi sunt immobiles; si minor est, aphelium, aut nodus, habent motum retrogradum; si major, aphelium vel nodus habent motum directum: atque differentia hujus quoti, & temporis revolutionis periodicæ respectu fixarum indicat quantitatem motus lineæ apsidum, vel nodorum.

516. *Observa I.* Cum observationes ab astronomis sexto decimo sæculo antiquioribus relictæ & rudes admodum, & paucae sint, difficillimum est decidere, utrum aphelia & nodi planetarum, aut qua quantitate, moveantur. Complures e modernis astronomis ea supponunt immobilia; quamvis generatim videatur iis tribuendus esse motus aliquis respectu fixarum valde lentus, & quidem apheliis directus, nodis retrogradus. Atque hæc res meretur sane diligentem apud astronomos, & geometras disquisitionem. Interea en tabellam e Cassinianis & Halleyanis contractam, in qua signum $+$ denotat motum annum directum; & signum $-$ retrogradum respectu fixarum.

	Inclinatio orbitæ	Locus Aphe- lii pro A. 1700	Locus Ω pro An. 1700.	Motus aphelii juxta Cassini	Motus Ω jux- ta Cas- sini	Motus aphelii juxta Halley	Motus Ω jux- ta Hal- ley
	gr. min. sec.	fig. gr. min. sec.	fig. gr. min. se.	sec.	sec.	sec.	sec.
Saturni	2 30 36	8 28 8 39	3 21 13 29	+ 27	+ 6	+ 30	— 32
Iovis	1 19 30	6 9 26 42	3 7 29 53	+ 6	— 27	+ 22	— 0
Martis	1 50 54	5 0 35 20	1 17 17 25	+ 21	— 17	+ 20	— 12
Veneris	3 23 20	10 6 25 20	2 13 59 25	+ 35	— 17	+ 6	— 19
Mercurii	7 0 0	8 12 34 33	1 14 43 0	+ 29	— 0	+ 2	— 0

517. *Observa II.* Ubi certi fuerimus, tempus revolutionis anomalisticæ sensibilibiter differre a tempore revolutionis periodicæ planetæ respectu fixarum, quemadmodum superius (506) factum est, revolutio anomalistica inventa reducenda est ad revolutionem respectu primi puncti Arietis, eaque deinceps utendum ad inveniendos motus medios planetæ correspondentes motibus veris observatis, adhibita in praxi methodo generali N. 507 citata, & N. 151 exposita; qua etiam pro sole N. 496 usi sumus.

ARTICULUS VII.

De Lumine & figura Planetarum.

Ex observationibus ope tuborum optidorum institutis, sequentia tanquam indubitata habentur.

518. I. *Planetæ sunt corpora opaca, ex se nullum lumen, ut sol, habentia: sed apparent nobis lucida, quia radios e sole in eorum superficiem incidentes ad nos remittunt, fere quemadmodum speculum ita radiis solaribus expositum, ut eos versus nos reflectat, totum luminosum apparet.*

Nam Mercurius & Venus iisdem phasibus obnoxii sunt, quibus luna (vid. Sect. VI. Art. I), secundum diversos aspectus eorum cum sole: videntur undique illuminati, ac rotundi, quando versantur circa conjunctionem superiorem cum sole; decrescunt in accessu ad conjunctionem inferiorem, in qua prorsus disparent, saltem nisi magnam habeant latitudinem. Quin imo contingit quandoque, ut latitudine 16' minore existente per discum solis transeant, in quo tanquam maculæ rotundæ, & valde nigræ comparent. Si autem planetæ ita essent luminosi de se, ut apparent, eorum lux vel confunderetur cum luce solis, & tunc in conjunctionibus ejusmodi videri non possent; aut distingueretur a solari per majorem, minoremve vivacitatem, aut per diversum colorem.

Similiter Mars subiectus est phasibus suis, quippe qui exacte rotundus apparet in oppositione, in quadraturis vero similem prope figuram refert, ac luna tribus vel quatuor diebus ante aut post plenilunium.

In Jove & Saturno ejusmodi phasēs non videntur, quia hi planetæ tantum a nobis distant, ut eodem fere modo eos videamus, ac si in sole essemus. Verum cum evidenter constet, eos umbram in partem a sole averfam projicere, quam si eorum satellites ingrediantur, disparent; & alias etiam iidem satellites in discum horum planetarum umbram projiciant, quæ discerni possit, dum inter eos & solem existunt; extra dubium est, hos quosque planetas, eorumque satellites corpora opaca esse.

519. II. *Planetæ sunt corpora globosa non perfecte rotunda, sed aliquantum compressa, ut eorum axis rotationis sit paullo minor diametro eorum æquatoris.*

Hæc figura non observatur nisi in Jove & Terra: reliqui enim planetæ sub angulis minoribus videntur, quam ut inæqualitas eorum diametrorum discerni possit sensu. Ceterum facile ostendi potest, quod si superficies planetarum, seu tota, seu partem, sit obducta materia homogenea fluida, ut in superficie telluris sunt maria, planetæ motum rotationis habere nequeant, quin versus polos comprimantur, & ad æquatorem protuberent.

520. In hac enim hypothese necesse est, talem esse figuram planetæ, & tota massa fluidi, cujus singulæ particulæ versus centrum planetæ gravitant, maneat in æquilibrio. Et certe hæ particulæ per fluidorum naturam, cum facile cuivis impressioni cedant, liberrimeque inter se moveantur, ad eum situm nituntur, quo viribus æqualibus in punctum gravitationis eorum fixum premant, se seque mutuo circa illud in æquilibrio sustineant. Quod sit jam planeta esset perfecte sphaericus, æquilibrio cum motu rotationis conjungi haud posset; hoc enim motu fieret, ut diversæ superficiei globosæ partes describerent circa axem suum circulos eo majores, majoreque cum velocitate, quo a polis abessent longius, & æquatori propiores. Unde ejusmodi partes respectively plus virium a suis circulis abeundi acquirerent, & per tangentem a centro rotationis discedendi. Hic autem nifus, & vis centrifuga earum versus centrum planetæ gravitationem imminuit; & partes superficiei globi eo minus essent graves, quo forent a polis remotiores: hinc partes fluidæ prope æquatorem minore vi resisterent nifui partium prope polos ad centrum accedendi, ac propterea attollerentur aliquantum, subsidentibus partibus polaribus, itaque figura comprimeretur, fluido a polis recedente, & ad æquatorem protuberante, aut terras, quæ circa æquatorem sunt, inundante,
quo

quo itidem figura sphærica mutaretur. Ejusmodi inundatio ne fieret igitur, terram circa æquatorem notabiliter elevari oportuit, ac planetæ figuram versus polos depressam, ad æquatorem vero altius assurgentem dari, ut materiæ excessu gravitatis imminutionem, quam motus rotationis efficit, compensante, æquilibrium perstaret.

521. Hinc vero sequitur *primo*, quo motus rotationis est velocior, eo debere planetam versus polos magis subsidere: ita depressio Jovis est admodum sensibilis, cum ejus rotatio diurna brevior 10 horarum tempore absolvatur, licet is planeta excedat magnitudine terram 768 vicibus. Secundum exactissimas observationes ejus diameter æquatoris superat axem per polos transeuntem parte $\frac{1}{12}$.

522. *Secundo* infertur, præter æquatorem, & ejus parallelos in superficie planetæ non dari veros circulos, quicunque tandem ducti concipiantur, ut est Meridianus, verticales, horizon &c, quorum figura ad ellipsin accedit. Et Meridianus quidem est ellipsis, cujus axis minor per polos transit, major autem est in plano æquatoris, ejusque diametro æqualis.

523. *Tertio*, hinc 360 gradus æquales Meridiani in superficie sphæræ cælestis, non respondere 360 partibus æqualibus in ambitu Meridiani in superficie planetæ acceptis. Unde consequitur, v.g. in terra, arcus Meridiani terrestris respondentes arcubus æqualibus Meridiani cælestis non esse æquales inter se, sed minores esse in partibus telluris, in quibus superficies est magis convexa; majores vero, ubi ea planior est. Et hinc tandem deducitur: *Gradus Meridiani terrestris, respondentes gradibus meridiani cælestis, esse eo majores, quo ad polos propius acceditur; eo minores, quo ad æquatorem magis venit.*

524. Mensuris accurate acceptis deprehensum est, gradui meridiani cælestis in terra sub circulo polari respondere circiter 57440 hexapedas; in latitudine 45° vero 57050; denique ad æquatorem 56750.

525. Saturni figura prorsus singularis est. Planeta hic videtur cinctus corpore quopiam luminoso formæ ellipticæ, cujus axis major idem semper manet, & ad planum orbitæ Saturni 30 fere gradibus inclinatus, estque ad diametrum globi Saturni circiter ut 9 ad 4; axis autem minor semper variat, cum jam magis panditur, jam contrahitur magis; hinc Saturnus, quando ejus longitudo heliocentrica est $20^\circ\frac{1}{2}$ II, apparet, uti fig. 65 exhibetur. Postea sequentibus $7\frac{1}{2}$ annis (quarta nempe revolutionis parte) magis se se contrahit, circa quorum finem non nisi duabus ansis præditus videtur, ut fig. 66: paullo post solus Saturnus conspicitur, figura rotunda, velut fig. 67, longitudine scilicet ejus heliocentrica existente

stente $20^{\circ}\frac{1}{2}$ η ; verum elapso aliquo tempore ansæ denuo comparent, quemadmodum Fig. 68, quæ postea aperiuntur semper magis, ut prius contrahebantur, ut post quartam revolutionis partem Saturnus talis videatur, qualem Fig. 69 depingit. Ab hac phasi axis minor decrescit denuo, planeta redit ad ansas, quæ tandem disparent, & Saturnum solum rotundum relinquunt, quod fit in longitudine heliocentrica $20^{\circ}\frac{1}{2}$ χ . Inde rursus redeunt ansæ, easdemque repetunt variationes, quæ situi diverso orbitarum apparentium satellitum Saturni sunt analogæ; hoc est, ellipsis lucida, quæ Saturnum comitatur, ad maximam suam amplitudinem pervenit, quando orbitæ satellitum itidem latissimæ sunt; disparet autem, dum orbitæ satellitum coincidunt cum lineis rectis, Saturno in earum nodis existente. Porro dum latissima est hæc ellipsis, ratio axium est ut 5 ad 2.

526. Ex his phasibus facile concluditur, Saturnum esse in centro corporis circularis tam tenuis, ut dum nobis aciem obvertit, videri nequeat. Planum istud Saturnum undique ambit, quin eum contingat, imo spatium valde notabile inter interiorem suam peripheriam, & corpus planetæ relinquit. Appellatur *annulus Saturni*. Omnes ejus phases eodem modo explicantur, ac viæ ellipticæ macularum in superficie planetæ, vel orbitæ satellitum circa suum primarium, si e loco extra eorum orbitas sito observentur, ut in sectione sequente videbimus.

C A P U T II.

Theoria Cometarum e Terra visorum.

527. **M**otus Cometarum ut e terra spectantur, iisdem sunt obnoxii illusionibus opticis, quibus cursus planetarum primariorum, quod fons & origo earum sit duplex telluris motus, & ejus crassitudo. Verum quod peculiare habent, & spectatores maxime allicit, est longus quidam tractus lucidus, qui eos plerumque comitatur, *caudaque* dicitur. Fere semper in partem soli oppositam dirigitur, & tam longitudine, quam splendore crescit, ut cometa ad solem propius accedit. Semper est major, dum cometa post conjunctionem in exigua latitudine factam e radiis solaribus emergit. Quando cometa magnam a sole distantiam habet, fere cauda destituitur, & luce quadam nebulosa cingitur, quæ facit, ne limbus disci distincte cernatur, sed confuse, maleque terminatus videatur.

528. Juxta opinionem maxime verisimilem, hæc cauda est vapor actione solis e corpore cometæ elevatus, ad cujus viciniam venit, postquam longo admodum tempore in maxima elongatione multum humiditatis contrahere potuit. Et reipsa observatur cauda eo longior, quo distantia perihelia cometæ minor est, & ex opposito. Sed cum hæc res solum ad Physicam pertineat, nil ultra in ea morabimur.

ARTICULUS I.

De calculo motus Cometarum e terra spectati.

529. **E**lementa necessaria ad inveniendam longitudinem, & latitudinem Geocentricam cometæ pro tempore dato, sunt 1°. *Tempus, quo cometa fuit in perihelio, quod pro epocha adhibetur.* 2°. *Punctum illius orbitæ, in quo est perihelium.* 3°. *Distantia hujus puncti a sole in partibus, quarum unam continet radius orbis annui terræ.* 4°. *Situs nodi ascendens orbitæ.* 5°. *Angulus inclinationis plani orbitæ cum plano eclipticæ.* His elementis cognitis, calculus cometarum vix differt a calculo planetarum, ut ex præceptis, quæ jam præscribemus, & exemplis manifestum erit.

530. Cometa A. 1739, qui erat retrogradus, transivit per suum perihelium die 17 Junii 1739, 10 h. 9'. 30'' tempore medio; locus perihelii in orbita cometæ erat in 3°, 12', 38'. 40''. Logarithmus distantiae perihelii a sole erat 9.828388; nodus ascendens in 0°, 27', 25', 14''. Denique inclinatio orbitæ 55°, 42', 44''. Oporteat invenire locum verum e terra visum pro die 17 Aug. 1739, 14 h. 20' tempore medio.

531. I. *Accipiatur intervallum inter transitum per perihelium, & tempus datum, quod in præsentē casu est 61 d. 4 h. 10'. 30''; & horæ, minuta & secunda reducantur ad partes decimales diei. Fient itaque 61.174 dies.*

532. II. *Dimidium tripli logarithmi distantiae perihelii subtrahatur a logarithmo intervalli inter tempus transitus per perihelium, & datum; residuum erit logarithmus ejusdem intervalli reducti ad tempus, seu dies elapsos a transitu per perihelium orbitæ in tabula generali post N. 214 calculatæ. In nostro exemplo Logarithmus distantiae perihelii est 9.828388; ejus triplum 9.485164; tripli dimidium 9.742582; Logarithmus de 61.174 est 1.786567, a quo si 9.742582 subtrahatur, relinquitur 2.043985, Logarithmus de 110.6587 die.*

533. III. *Quærat in tabula generali (N. 214) anomalia vera respondens tempori invento; addaturque ea (si cometa directus est) ad locum perihelii, si*

A a

tem-

tempus datum sequitur transitum per perihelium; at si præcedat, anomalia subtrahatur a loco perihelii. Quando cometa est retrogradus & tempus datum transitum per perihelium præcedit, anomalia vera addenda est loco perihelii; subtrahenda vero ab eodem, si tempus datum sit posterius transitu per perihelium: habebitur locus verus heliocentricus cometæ in sua orbita.

Diebus 1106587 respondent in tabula $90^{\circ}, 21', 38''$, five $3^{\circ}, 0', 21', 38''$, quæ a loco perihelii $3^{\circ}, 12', 38', 40''$ subtrahenda sunt, quia cometa est retrogradus, & tempus datum est posterius tempore transitus per perihelium. Unde invenitur locus verus heliocentricus cometæ in sua orbita $0^{\circ}, 12', 17', 1''$.

534. IV. Locus verus nodi ascendens subducatur a loco vero heliocentrico cometæ; habebitur argumentum latitudinis cometæ (471).

Itaque si $0^{\circ}, 27', 25', 14''$ subtrahatur a $0^{\circ}, 12', 17', 1''$, argumentum latitudinis est $11^{\circ}, 14', 51', 47''$.

535. V. inferatur (473): ut sinus totus est ad cosinum inclinationis; ita tangens argumenti latitudinis, est ad tangentem argumenti latitudinis in ecliptica accepti, & ad locum verum nodi addendi, ut obtineatur locus verus heliocentricus cometæ ad eclipticam reductus (475), sive ejus longitudo vera e sole visa.

Sic argumentum latitudinis reductum ad eclipticam est $11^{\circ}, 21', 20', 7''$; & longitudo vera cometæ $0^{\circ}, 18', 45', 21''$.

536. VI. Fiat hæc analogia (472): ut sinus totus ad sinum argumenti latitudinis; ita est sinus inclinationis orbitæ cometæ, ad sinum ejus latitudinis e sole visæ.

In nostro exemplo itaque latitudo cometæ e sole visa est $12^{\circ}, 27', 34''$, & quidem australis, cum cometa versetur in sex signis posterioribus sui argumenti latitudinis (458).

537. VII. Calculetur verus locus solis, inveniaturque ejus distantia a terra logarithmus: ab illo subtrahantur sex signa, ut sciatur locus verus telluris e sole visus; accipiat differentia inter longitudinem veram heliocentricam cometæ, & longitudinem terræ e sole visam: hæc differentia dabit angulum ad solem inter terram & cometam, qui etiam angulus Commutationis dicitur.

In exemplo assumpto, verus locus solis die 17 Augusti, 14 h. $20'$, est $4^{\circ}, 24', 34', 36''$; & logarithmus ejus distantia a terra est 10.004956; itaque locus verus terræ & sole visus est $10^{\circ}, 24', 34', 36''$; differentia a $0^{\circ}, 18', 45', 21''$ dat angulum commutationis, seu angulum ad solem $1^{\circ}, 24', 10', 45''$, five $54^{\circ}, 10', 45''$.

538. VIII. Fiat (209 & 476): ut quadratum cosinus dimidiæ anomaliæ veræ (inventæ 533) est ad factum sinus totius in cosinum latitudinis cometæ e sole visæ; ita est distantia perihelii cometæ ad ejus distantiam curtatam.

Ex hac analogia reperietur logarithmus distantiaæ curtatæ nostri cometæ 10.121813.

539. IX. Accipiatur differentia inter logarithmum distantiae curtatae, & logarithmum distantiae terrae a sole, & assumpta hac differentia pro logarithmo tangents alicujus, quæratür angulus competens huic tangenti (Elem. 752); ab eo subducantur 45° ; residui logarithmus tangents addatur ad logarithmum tangents complementi anguli dimidii ad solem (N. 537 reperti): summa erit logarithmus tangents arcus addendi ad illud complementum, si distantia curtata cometæ a sole excedit distantiam terrae a sole; subtrahendi vero, si distantia cometæ est minor, quam distantia terrae: habebitur angulus elongationis, sive angulus ad terram inter locum solis, & locum geocentricum cometæ interceptus: ex quo facile deducitur longitudo cometæ e terra visa.

Itaque ex 10.121813 subductis 10.004966, residuum 10.116847 est logarithmus tangents $52^\circ, 36', 59''$: hinc subtrahantur 45° ; residui $7^\circ, 36', 59''$ tangents logarithmus addatur logarithmo tangents $62^\circ, 54', 37''\frac{1}{2}$ (complementi de $27^\circ, 5', 22''\frac{1}{2}$, quod est dimidium anguli ad solem $54^\circ, 10', 45''$): summa est logarithmus tangents $14^\circ, 39', 3''$, qui additi ad $62^\circ, 54', 37''\frac{1}{2}$ (cum cometæ distantia excedat distantiam telluris a sole) efficiunt $77^\circ, 33', 40''\frac{1}{2}$ sive $2^\circ, 17', 33', 40''\frac{1}{2}$ pro angulo elongationis, sive angulo ad terram inter solem, & locum cometæ e terra visum. Hic angulus subtractus a loco solis e terra viso $4^\circ, 24', 34', 36''$, dat longitudinem geocentricam veram cometæ $2^\circ, 7', 0', 55''\frac{1}{2}$ pro die 17 Augusti 1739, 14 h. 20' tempore medio.

540. X. Fiat denique (478): ut sinus anguli ad solem (N. 537 inventi) est ad sinum anguli ad terram (N. 539 reperti): ita est tangens latitudinis cometæ e sole visæ (& N. 536 inventæ), ad tangentem ejus latitudinis e terra visæ.

Hinc habetur: ut sinus $54^\circ, 10', 45''$, est ad sinum $77^\circ, 33', 40''\frac{1}{2}$; ita est tangens $12^\circ, 27', 34''$; ad tangentem latitudinis cometæ geocentricæ $14^\circ, 54', 4''$.

ARTICULUS II.

Methodus determinandi omnia elementa theoriæ alicujus cometæ, ex observationibus in terra institutis.

541. **E**lementa Theoriæ cometarum in terra observatorum per methodum directam, & geometricam determinare, res est summæ difficultatis, tum quod eorum revolutio periodica sit incognita, cum etiam, quod non sæpius in conjunctione vel oppositione observari possint, utpote exiguo tempore visibiles. In

defectu itaque ejusmodi methodi necesse est ad *positionem falsi*, & *prolixum tentamen* recurrere.

Hinc collectis, quot haberi possunt, probis cometæ observationibus, diversa phænomena expendenda sunt, uti inæquales velocitates apparentes cometæ, ejus directio, magnitudo apprens disci, sive nuclei, varii gradus luminis, directio ac celeritas cometæ in oppositione vel conjunctione cum sole &c. Ex his conjectura facienda est *primo*, quo tempore cometa fuerit in perihelio; quod ex eo fere intelligi potest, quo cauda fuit lucidissima; quippe id observari consuevit paullo post transitum per perihelium: at vero, quantum licet, observationes institutæ circa perihelium, calculum ingredi non debent in methodo, quam explicamus: tunc enim distantiae cometæ a sole non satis inter se differunt, ut vera elementa inveniri possint; sed ut veritas inventorum comprobetur, solum usum habent. *Secundo*. Conjectandum, utrum cometa e sole visus fuerit directus, an retrogradus. *Tertio*. An distantiae cometæ tempore observationum, quas adhibere visum fuerit, sint respectu distantiae mediæ terræ a sole (quæ tanquam scala communis omnium mensurarum cælestium assumitur) admodum magnæ, an valde exiguæ. Quin etiam æstimatio facienda est, quantæ eæ distantiae fuerint. Et quamvis hæc postrema duo nostram conjecturam fefellerint fortassis, calculi tamen secundum methodum sequentem instituendi, mox id nobis indicabunt, idque solum incommodi lapsus ejusmodi habebit, quod operatio pro ejus quantitate prolixior sit futura. Transitus cometæ per oppositionem vel conjunctionem cum sole, mirum, quam calculum faciliat: sed extra hos duos casus, qui sane rari sunt, utendum est, si fieri possit, transitu per nodos.

Itaque *primo* vel cometa transivit per unum e suis nodis circa initium, aut versus finem suæ apparitionis: *secundo* vel transivit per aliquem nodum circa medium suæ apparitionis: *tertio* vel denique habuit toto tempore suæ apparitionis, quo observatus est, ejusdem nominis latitudinem.

Exemplum & calculus Casus I, dum cometa per suum nodum circa initium vel finem suæ apparitionis transivit.

542. **P**roponatur exempli loco cometa A. 1739, mensibus Majo, Junio, Julio & Augusto Bononiæ a D. Zanotti observatus. Ex historia observationum institutarum & eodem anno Bononiæ typis data, apparet, lumen cometæ, ejusque caudæ vivacissimum fuisse circa dimidium Junii; unde circa hoc tempus in perihelio-

rihelio fuisse debuit. En compendium observationum ad tempus medium, & meridianum Parisinum reductarum:

		Longitudo		Latitudo	
Die 28 Maji	- - - 8 h. 48'	- - - - - 7°, 6', ☿	- - - - -	27°, 9'	Borealis.
Die 25 Julii	- - - 13 h. 59'	- - - - - 16°, 1', ♀	- - - - -	2°, 27'	Borealis.
Die 27 Julii	- - - 14 h. 8'	- - - - - 15°, 26', ♀	- - - - -	1°, 3'	Borealis.
Die 2 Augusti	- 13 h. 5'	- - - - - 13°, 34', ♀	- - - - -	2°, 48'	Australis.
Die 4 Augusti	- 13 h. 12'	- - - - - 12°, 53' $\frac{1}{2}$, ♀	- - - - -	4°, 13'	Australis.
Die 10 Augusti	- 12 h. 49'	- - - - - 10°, 33' $\frac{1}{2}$, ♀	- - - - -	8°, 53'	Australis.
Die 17 Augusti	- 14 h. 20'	- - - - - 7°, 1', ♀	- - - - -	14°, 57'	Australis.

543. Cum cometa per suum nodum descendentem circa finem suæ apparitionis transiverit, interpolandæ sunt observationes dierum 25, 27 Julii & 2 Augusti, ut habeatur tempus & locus cometæ, in quo fuit sine latitudine: reperitur autem id 29 Julii 1739, 8 h. 48' tempore medio, in 14°, 54' ♀. Calculetur pro hoc tempore locus verus solis: qui erit 4°, 6', 7', 10'': hinc habetur elongatio occidentalis cometæ 51°, 13', 10''. Distantia solis a terra est inito calculo 10148 $\frac{1}{2}$ partium, quarum distantia media continet 10000.

544. Seligatur alia observatio ab ista, quam haberi potest, maxime remota, & in qua simul latitudo cometæ e terra visa fuit valde magna, uti v. g. diei 28 Maji. Iisdem operationibus reperitur locus solis 2°, 6', 56', 10''; elongatio orientalis cometæ a sole 30°, 9', 50''; distantia solis a terra 10142 partium.

Intervallum temporis inter selectas has positiones est accurate 62 dierum.

545. His ita habentibus, invenienda sunt per calculum elementa parabolæ, quæ has quatuor condiciones habet: *primo* ut transeat per duo puncta ex positionibus selectis determinata. *secundo* ut sol sit in ejus foco. *tertio* ut intervallo 62 dierum cometa possit describere ejus arcum inter duo illa puncta interceptum, servatis legibus Capite III. Sect. I. stabilitis. *quarto* denique, ut præterea transeat per punctum determinatum ex tertia aliqua observatione, quæ quantum possibile, distet a duabus prius electis; v. g. per punctum, quod invenitur per observationem 17 Augusti.

Hæc ut præstentur, Schemate quodam calculus juvetur (vide Fig. 76): adscribatur ex altera parte *Ortus*, *Occasus* ex altera: ponatur sol in S, fiat SK = 10142, erit K locus terræ 28 Maji. Super KS ad ortum construatur angulus elongationis cometæ eo die SKM = 30°, 9', 50''; super eodem latere SK versus occasum fiat angulus KSL = 59°, 11', motui solis a die 28 Maji usque ad 29 Julii; & SL = 10148 $\frac{1}{2}$: erit L locus terræ pro 29 Ju-

lii. Super SL ponatur angulus versus occidentem $SLN = 51^\circ, 13', 10''$, quæ est elongatio cometæ pro eo die.

Quoniam cometa erat in perihelio circa dimidium Junium, ejus distantia a sole die 28 Maji debuit esse multo minor, quam die 29 Julii: hinc æstimatione ex conjectura facta determinentur distantia curtatæ cometæ a sole pro his duobus diebus, & fiat $SM = 5500$ partibus scalæ, quarum SK habet 10142, & $SN = 10700$. Quibus positis, en ut ulterius in calculo procedendum.

546. *Prima suppositio.* $SM = 5500$, & $SN = 10700$.

In triangulo SKM habetur $SK = 10142$, $SM = 5500$, & angulus $SKM = 30^\circ, 9', 50''$; quæritur SMK ex hac analogia: ut distantia curtata assumpta SM , est ad distantiam terræ a sole SK ; ita est sinus anguli elongationis SKM ad sinum anguli ad cometam SMK , qui reperitur $67^\circ, 56', 2''$; unde angulus ad solem KSM debet esse $81^\circ, 54', 8''$, & longitudo heliocentrica cometæ $5^\circ, 15', 2', 2''$, loco terræ K e sole viso in $8^\circ, 6', 56', 10''$.

Ulterius quæritur latitudo heliocentrica cometæ sequente analogia (478): ut sinus anguli ad terram $30^\circ, 9', 50''$ est ad sinum anguli ad solem $81^\circ, 54', 8''$; ita est tangens latitudinis e terra visæ $27^\circ, 9', 0''$, ad tangentem latitudinis visæ e sole $45^\circ, 17', 49''\frac{1}{2}$.

His peractis invenitur radius vector, seu distantia vera cometæ a sole, ope analogiæ (476): ut cosinus latitudinis heliocentricæ $45^\circ, 17', 49''\frac{1}{2}$, ad sinum totum; ita est distantia curtata SM ad distantiam veram cometæ a sole in plano ejus orbitæ: quæ reperitur 7818.84.

547. Transeundum jam ad positionem 29 Julii; & habitis in triangulo SLN latere $SL = 10148\frac{1}{2}$, $SN = 10700$, & angulo $SLN = 51^\circ, 13', 10''$, analogia priore adhibita reperitur angulus $SNL = 47^\circ, 40', 42''\frac{1}{2}$, indeque angulus ad solem $LSN = 81^\circ, 6', 7''\frac{1}{2}$, adeoque longitudo heliocentrica cometæ $0^\circ, 27', 13', 17''\frac{1}{2}$.

548. Accepta differentia inter duas has longitudes heliocentricas (quæ est $4^\circ, 17', 48', 44''\frac{1}{2}$, seu $137^\circ, 48', 44''\frac{1}{2}$) constructur triangulum sphæricum MmN (fig. 77.) ad M rectangulum, in quo latus MN est $137^\circ, 48', 44''\frac{1}{2}$, arcumque eclipticæ cælestis repræsentat, quem cometa e sole visus a die 28 Maji usque ad 29 Julii percurrit; latus vero perpendiculare Mm est $45^\circ, 17', 49''\frac{1}{2}$, quæ est latitudo heliocentrica cometæ die 28 Maji; arcus denique mN exhibet arcum circuli maximi sphæræ cælestis, quem cometa e sole spectatus in plano suæ orbitæ parabolicæ intervallo utriusque observationis percurrere visus est. In hoc porro triangulo facile invenitur latus mN , si fiat (Trig. 63): ut sinus totus ad cosinum lateris MN , seu motus cometæ in longitudine heliocentrica intervallo utriusque temporis determinati; ita est cosinus lateris Mm , sive latitudinis

dinis heliocentricæ cometæ, ad cosinum lateris mN , hoc est, motus cometæ in plano suæ orbitæ eodem intervallo temporis. Reperitur $121^{\circ}, 24', 48''$.

549. In plano quodam separato construatur sequens figura (fig. 78): Sm fiat $= 7818.84$; $SN = 10700$, & angulus $mSN = 121^{\circ}, 24', 48''$. centris m & N , radiis mS & NS , describantur duo arcus, ad quos ducatur tangens communis QR , & radii ad eam perpendiculares mQ , NR ; erit QR directrix parabolæ quæsitæ. Dimittatur ad directricem perpendiculum SP , quod erit axis, respectu cujus quæritur positio angulorum seu anomaliarum verarum mSP , NSP , ex hac regula: ad characteristicam semidifferentiæ logarithmorum radiorum vectorum Sm , SN , addantur 10: summa est logarithmus tangentis arcus 45° gradibus minuendi. Accipiat logarithmus tangentis residui, & ab eo subtrahatur logarithmus tangentis quartæ partis anguli mSN ; residuum est logarithmus tangentis arcus, cujus summa & differentia cum quartâ parte anguli mSN dat dimidios angulos, seu anomalias veras quæsitæ mSP , NSP .

In exemplo: logarithmus de Sm est 3.893142 ; logarithmus de SN , 4.029384 ; eorum differentia $= 0.136242$; ejus medietas $= 0.068121$: arcus, cui competit logarithmus tangentis 10.068121 , est $49^{\circ}, 28', 31''$: ab hoc subtractis 45° , residui $4^{\circ}, 28', 31''$ tangentis logarithmus est 8.893582 : ab hoc subducitur 9.767602 , seu logarithmus tangentis de $30^{\circ}, 21', 12''$, quæ est quarta pars de $121^{\circ}, 24', 48''$; residuum 9.125980 est logarithmus tangentis de $7^{\circ}, 36', 45''\frac{1}{2}$; cujus differentia a $30^{\circ}, 21', 12''$ dat dimidium anguli minoris mSP (minor enim analogia vera semper adjacet minori radio vectori) $22^{\circ}, 44', 26''\frac{1}{2}$; & summa $37^{\circ}, 57', 57''\frac{1}{2}$, dimidium anguli NSP . Sunt itaque anomalie veræ mSP , NSP , $45^{\circ}, 28', 53''$, & $75^{\circ}, 55', 55''$.

550. Observa. Regula allata generalis est, seu perpendiculum SP cadat intra angulum NSm , seu extra illum. Demonstratio habetur Monument. Acad. Reg. Scient. A. 1745. pag. 431. *

551.

* Nota versoris: ne Lectorem alio remittam, duo solum ex citatis Monumentis hic adferam, quæ author in suis reflexionibus super theoria cometarum ibidem inseruit: primum quidem, regulam hic loci (N. 549) præscriptam, nil aliud continere, quam analogiæ a D. Nicollic repertæ ope logarithmorum executionem; est autem ea analogia sequens: ut summa radicum quadratarum duorum radiorum vectorum est ad differentiam earundem radicum; ita est cotangens $\frac{1}{4}$ anguli intercepti inter illos duos radios vectores, qui est summa vel differentia duarum anomaliarum verarum; ad tangentem $\frac{1}{4}$ anguli, qui est earum summa vel differentia. Alterum est hujus ipsius analogiæ demonstratio a Nicolliciana diversa, quam ibidem pag. 429 & 430 author refert, estque ut sequitur:

Sit $a = \frac{1}{4}$ summæ anomaliarum verarum, sive angulorum quæditorum; $x = \frac{1}{4}$ differentiæ; $b =$ radio vectori majori; $c =$ radio vectori minori; $i =$ distantia u. perihelio; $r =$ radio tabularum sinuum; \cos denotet cosinum; s sinum; t tangentem; \cot cotangentem. Anomalia vera major erit itaque $2a + 2x$; minor $2a - 2x$. Juxta septimam

551. Quærat^r distantia perihelii hujus orbitæ ex sequente analogia: ut quadratum radii est ad quadratum cosinus unius dimidiæ ex duabus anomaliis veris (per præcedentem Articulum jam inventis); ita est radius vector adjacens illi anomalie veræ ad distantiam perihelii (209).

Sic logarithmus cosinus $22^{\circ}, 44', 26''\frac{1}{2}$ est 9.964855; ejus duplum 9.929710 addatur logarithmo de Sm 3.893142; habetur 3.822852 logarithmus distantie perihelii quæsitæ, quæ est $6650\frac{1}{2}$ partium, quarum distantia media terræ a sole est 10000; sed quia hæc plerumque assumitur = 1, erit distantia perihelii 0.66505, cujus logarithmus est 9.822852.

552. E tabula generali N. 214. accipiantur dies distantie a perihelio respondentes anomaliis veris: reperientur 36.4781 dies pro $45^{\circ}, 28', 53''$; & 77.1725 dies pro $75^{\circ}, 55', 55''\frac{1}{2}$. Logarithmo eorum summæ 113.6506 addatur dimidium tripli logarithmi distantie perihelii: summa est logarithmus de 61.638 diebus: itaque (212) arcus parabolæ inventus non potuit percurri a cometa nisi tempore 61.638 dierum, cum debuisset describi accurate intra 62 dies. Ex quo patet, primas duas distantias curtatas, quas supposuimus, dare parabolam, quæ solum duabus primis e quatuor conditionibus necessariis satisfacit. Itaque facta aliqua correctione in his distantis alia quærenda est, qua tertia conditio impleatur; tandem ea reperietur, quæ omnes quatuor simul condiciones habet.

553. Igi-

analogiam, ut habeantur radii vectores, est $\cos^2(a+x):rr=1:b=\frac{rr}{\cos^2(a+x)}$;

itaque $\sqrt{b}=\frac{r}{\cos(a+x)}$; similiter $\sqrt{c}=\frac{r}{\cos(a-x)}$; & hinc $\sqrt{b}:\sqrt{c}=\cos(a-x):\cos(a+x)$.

Est autem ex notis formulis summæ & differentie arcuum, quæ demonstratæ habentur in pluribus tractatibus de constructione tabularum sinuum, & a D. Mayer Volum. 2. Monum. Acad. Petropol. referuntur, $\cos(a-x):\cos(a+x)=\cos a \times \cos x + \sin a \times \sin x$: $\cos a \times \cos x - \sin a \times \sin x$; ergo $\sqrt{b}:\sqrt{c}=\cos a \times \cos x + \sin a \times \sin x$: $\cos a \times \cos x - \sin a \times \sin x$. Et hinc $\sqrt{b} \times \cos a \times \cos x - \sqrt{b} \times \sin a \times \sin x = \sqrt{c} \times \cos a \times \cos x + \sqrt{c} \times \sin a \times \sin x$; & $\sqrt{b} \times \cos a \times \cos x - \sqrt{c} \times \cos a \times \cos x = \sqrt{b} \times \sin a \times \sin x + \sqrt{c} \times \sin a \times \sin x$; & $\sqrt{b} + \sqrt{c}:\sqrt{b} - \sqrt{c}=\cos a \times \cos x$: $\sin a \times \sin x = \frac{\cos a}{\sin a}:\frac{\sin x}{\cos x}$. Notum autem est, esse $\frac{\cos}{\sin}=\frac{\cot}{r}$: & $\frac{\sin}{\cos}=\frac{t}{r}$, ex proportionem, quæ est inter radium, sinum, cosinum, tangentem, & cotangentem aliquus arcus: itaque erit etiam $\frac{\cos a}{\sin a}:\frac{\sin x}{\cos x}=\frac{\cot a}{r}:\frac{t x}{r}=\cot a:t x$. Unde denique habetur $\sqrt{b} + \sqrt{c}:\sqrt{b} - \sqrt{c}=\cot a:t x$.

Observe, analogiam septimam, cujus in hac demonstratione author mentionem facit, jam haberi hic N. 209; regulam vero inveniendi tempus, quæ in laudatis monumentis pag. 431. ab authore demonstratur, pariter hic datam esse N. 202.

553. Igitur pro prima correctione supponatur, errorem inde provenire, quod distantia SM non sit accurata, atque ideo ea augeatur 100 partibus, retenta $SN = 10700$. Interetur totus calculus in hac nova suppositione; prodibunt sequentia.

554. *Secunda suppositio.* $SM = 5600$, & $SN = 10700$.

In hac hypothesei longitudes heliocentricæ cometæ sunt 5° , 12° , $38'$, $0''$; & 0° , 27° , $13'$, $17''\frac{1}{2}$. Latitudo 28 Maji est 45° , $26'$, $32''\frac{1}{2}$. Logarithmus de Sm 3.902083. Arcus mN 119° , $58'$, $43''$. Anomaliae veræ mSP , & PSN , 45° , $32'$, $40''\frac{1}{2}$, & 74° , $26'$, $1''\frac{1}{2}$. Logarithmus distantiae perihelii 9.831591. Dies distantiae a perihelio ex tabula 36.541, & 74.448. Denique intervallum reductum est 62.039 dierum.

555. Ex his liquet, quod aucta SM 100 partibus, augeatur tempus 0.401 diei.

Hinc ad implendam tertiam conditionem, seu ad inveniendam parabolam, cujus arcus inter puncta determinata interceptus potuit intra 62 dies accurate describi, quæatur: si 0.401 d. respondent 100 partibus; quot partes convenient tempori 0.362 d. quod deest in prima suppositione? reperientur $90\frac{1}{2}$. Unde fiat tertia suppositio, in qua sumatur $SM = 5590\frac{1}{2}$; & $SN = 10700$.

556. *Tertia suppositio.* $SM = 5590\frac{1}{2}$, & $SN = 10700$.

Longitudes heliocentricæ reperiuntur 5° , 12° , $50'$, $53''$, & 0° , 27° , $13'$, $17''\frac{1}{2}$. Latitudo Mm 45° , $25'$, $54''$. Logarithmus de Sm 3.901264. Arcus mN 120° , $6'$, $24''$. Anomaliae veræ 45° , $32'$, $8''$; & 74° , $34'$, $16''$. Dies correspondentes 36.531, & 74.693. Logarithmus distantiae perihelii 9.830802. Denique intervallum reductum 62.001, fere, ut requirit tertia conditio. Superest igitur, ut videamus, an hæc parabola satisfaciat quartæ conditioni; quod si fit, problema solutum erit.

557. Hunc in finem determinentur omnia reliqua elementa orbitæ in tertia hac suppositione repertæ, quod citra difficultatem fit. Nam I. habetur nodus descendens in 0° , 27° , $13'$, $17''$, cum cometa in hac longitudine heliocentrica nullam habuerit latitudinem. II. Addita anomalia vera diei 29 Julii ad locum verum nodi, hoc est, additis 74° , $34'$, $16''$, ad 0° , 27° , $13'$, $17''$, habetur locus perihelii in 3° , 11° , $47'$, $33''$. III. additis $\frac{3}{2}$ logarithmi distantiae perihelii ad logarithmum 74.693 d. numero præcedente repletorum obtinetur intervallum temporis reductum inter transitum cometæ per suum nodum, & transitum ejusdem per perihelium 41.6374 dierum, & momentum transitus per perihelium die 17 Junii, 17 h. 30'. IV. denique in triangulo rectangulo Sphærico MmN (fig. 77) e cognitis $Mm = 45^\circ$, $25'$, $54''$, & $mN = 120^\circ$, $6'$, $24''$,
B b repe-

reperitur angulus $MNm = 55^\circ, 26', 16''$, qui æquatur inclinationi plani orbitæ cometæ ad planum eclipticæ (Trig. 9).

558. Ex his Elementis quæeratur (431) locus verus geocentri-
cus cometæ pro die 17 Augusti A. 1739, 14 h. 20', qui reperitur
 $6^\circ, 55', 37''$ II, cum ex observatione fuerit $7^\circ, 1', 0''$ II. Er-
ror itaque est in defectu $5', 23''$; adeoque parabola modo inven-
ta non nisi primis tribus conditionibus satisfacit.

559. Quare ut habeatur parabola, quæ quartam quoque condi-
tionem impleat, nova fiat suppositio; scilicet, primam distantiam SM
fuisse ab initio recte assumptam 5500 partium, erroremque proflu-
xisse e secunda SN , quæ propterea 100 partibus augeatur, & to-
tus calculus resumatur.

560. *Quarta suppositio.* $SM = 5500$, & $SN = 10800$.

In hac positione longitudines heliocentricæ sunt $5^\circ, 15', 2', 2''$; & $0^\circ, 27', 47', 4''$. latitudo Mm $47^\circ, 17', 49''\frac{1}{2}$. Logarith-
mus de Sm 3.893142. Arcus Nm $121^\circ, 6', 2''$. Anomalix veræ
 $44^\circ, 49', 57''$; & $76^\circ, 16', 5''$. Dies correspondentes 35.8365;
& 77.8022. Logarithmus distantix perihelii 9.824898. Interval-
lum temporis reductum 61.068. dierum.

561. Hinc vero colligitur, si præsens suppositio cum prima
conferatur, ex aucta SN 100 partibus, crevisse intervallum 0.430
diei. Unde fiat: ut 0.430 sunt ad 100; ita 0.362 ad 84. Oporte-
bat itaque assumere $SN = 10784$ partium, ut obtineretur interval-
lum temporis accurate 62. dierum.

562. *Quinta suppositio.* $SM = 5500$, $SN = 10784$.

Longitudines heliocentricæ $5^\circ, 15', 2', 2''$; & $0^\circ, 27', 42', 25''$. Latitudo Mm $45^\circ, 17', 49''\frac{1}{2}$. Logarithmus de Sm 3.893142.
Anomalix veræ $44^\circ, 55', 54''$; & $76^\circ, 12', 43''$. Dies correspon-
dentes 35.934; & 77.697. Logarithmus distantix perihelii 9.824588.
Intervallum temporis reductum 61.999, idem proxime, ac quod
tertia conditio requirit.

Alia elementa, ut supra, (557) in hac orbita determinantur.
Invenietur ϑ in $0^\circ, 27', 42', 25''$. Perihelium in $3^\circ, 13', 55', 8''$.
Tempus transitus per perihelium die 16 Junii, 23 h. 23'. In-
clinatio orbitæ $56^\circ, 8', 44''$.

Ope horum elementorum reperitur locus cometæ geocentri-
cus pro die 17 Augusti, 14 h. 20' in $7^\circ, 8', 42''$ II; qui locum
observatum excedit $7', 42''$. Unde nec hæc nova parabola satis-
facit conditioni quartæ.

563. Supponatur itaque, correctiones factas in distantis assum-
tis SM & SN esse proxime proportionales differentiis inter calcu-
lum duarum orbitarum repertarum, & observationes, inferatur-
que

que : Ut summa errorum, seu differentiarum inter utrumque calculum & observationes, $5', 23'' + 7', 42''$, est ad errorem orbitæ ex tertia suppositione inventæ $5', 23''$; ita sunt $90\frac{1}{2}$ & 84 seu correctiones factæ in distantis SM & SN, ad $36\frac{3}{4}$ & 34, hoc est, ad correctiones faciendas, ut obtineatur parabola omnibus quatuor conditionibus prædita.

564. Illud autem hic observandum, quod si uterque error esset in eandem partem, hoc est, si uterque consisteret in defectu, vel uterque in excessu, pro primo analogiæ termino non summa, sed differentia errorum adhibenda esset.

565. Ut jam repertæ correctiones debite applicentur, facile ex comparatione utriusque calculi cum observationibus apparet, SM esse in tertia suppositione justo majorem, & in quinta justo minorem assumtam. Igitur ex $5590\frac{1}{2}$ subtrahendæ sunt partes $36\frac{3}{4}$; & ut intervallum temporis semper maneat accurate 62 dierum, ad SN in tertia suppositione addendæ sunt partes 34: ut denique pro veris distantis curtatis cometæ a sole sumantur $SM = 5553\frac{3}{4}$ & $SN = 10734$. Hinc iterum totus resumatur calculus.

566. Sexta suppositio. $SM = 5553\frac{3}{4}$, $SN = 10734$.

Inveniuntur longitudines heliocentricæ $5^s, 13^o, 42', 15''$; & $0^s, 27^o, 25', 14''$. Latitudo Mm $45^o, 23', 9''$. Logarithmus de Sm 3.898045. Arcus mN $120^o, 30', 20''$. Anomalix veræ $45^o, 16', 54''$; & $75^o, 13', 26''$. Dies correspondentes 36.280; & 75.872. Logarithmus distantix perihelii 9.828388. Intervallum temporis reductum 62 dierum.

Ex his deducuntur vera elementa Theoriæ cometæ; nempe locus Ω in $6^s, 27^o, 25', 14''$. Locus perihelii in $3^s, 12^o, 38', 40''$. Transitus per perihelium die 17 Junii 10 h. $9\frac{1}{2}$ tempore medio; & inclinatio orbitæ $55^o, 42', 44''$.

Suppositis hisce elementis, quærat locus verus cometæ pro die 17 Augusti, 14 h. 20': & quia reperitur (540) in $7^o, 0' 55''\frac{1}{2}$ II cum latitudine Australi $14^o, 54', 4''$, quæ ab observatis parum differunt, quartæque conditioni sunt conformia, problema resolutum censi debet.

567. Observa I. Inventa parabola, quæ proxime congruat cum tribus positionibus selectis cometæ, inutilis foret labor, aliam, quæ exacte iis conveniat, quærere. Etenim tres observationes, quæ adhibentur, vel supponuntur accuratissimæ, vel tantum vero proximæ? si primum, impossibile est reperire parabolam, quæ cum positionibus observatis perfecte congruat, cum loca illa revera sint in ellipsi: si alterum, casui tribuendum est fortuito, si quis in talem incidat parabolam, quæ exacte respondeat observationibus:

bus: immo eadem parabola cum aliis observationibus cometæ omnibus haud quaquam accurate congrueret.

568. *Observa II.* Utile est, ab initio calculum radiorem quinque primarum suppositionum instituere neglectis secundis minutis, & fractionibus, ac distantis SM , SN quingentis, imo mille partibus mutatis, ut distantiae curtatae ita veris propinquae obtineantur, ut tum demum calculus novus primarum quinque suppositionum ineatur, distantis his non plus, quam 60 vel 100 partibus mutandis, secundorum etiam, & fractionum ratione habita, ut vera orbita reperiatur.

Examen secundi & tertii Casus.

569. In secundo & tertio casu eadem accurate methodus, quæ in primo, adhibenda est, idque solum est discriminis, quod calculi paullo longiores fiant. Præterquam enim, quod observationes eæ feligendæ sint, quæ maxime a se distent, in his duobus casibus aliæ adhiberi nequeunt, quam in quibus habetur longitudo & latitudo geocentrica cometæ. Hinc *primo* ex duabus distantis curtatis, quæ assumuntur, calculandæ sunt utraque longitudo, & utraque latitudo heliocentrica cometæ cum suis distantis Sm , Sn a sole in plano orbitæ.

570. *Secundo.* Loco trianguli sphærici MmN (fig. 77) construenda figura (fig. 79 & 80), in qua circulus PEC repræsentet circum latitudinis, EC eclipticam, P ejus polum, M longitudinem heliocentricam cometæ in prima observatione, N eandem longitudinem in secunda observatione. Præterea ducendi sunt circuli latitudinis PM , PN , in quibus accipiendi sunt arcus Mm æqualis latitudini heliocentricæ cometæ in prima observatione, & Nn æqualis latitudini in observatione secunda. Tandem per puncta m & n describendus est circulus maximus $Om n B$, qui exhibet veram orbitam cometæ, cujus nodus in D , inclinatio angulus CDB . Itaque in triangulo sphærico mPn , in quo nota sunt latera Pm , Pn , æqualia complementis utriusque latitudinis, & angulus comprehendit mPn , æqualis differentiae duorum locorum heliocentricorum cometæ (quippe quem mensurat arcus MN), invenietur (Trig. 124) latus mn , mensura anguli ad solem inter duo loca cometæ in sua orbita, quocum etiam construatur figura similis 78^a, calculus quoque eodem modo instituetur, ut N. 549 & sequentibus.

571. *Tertio.* Peraçto calculo trium primarum suppositionum, dum quærantur elementa reliqua orbitæ, ut N. 557, ut obtineatur nodus, in triangulo mPn (cujus tria latera & angulus ad P

nota

nota sunt) quæeratur angulus nodo propior, ut Pnm . Tum in triangulo nND ad N rectangulo, habito angulo NnD , & latere Nn , inveniatur latus ND , ut sciatur differentia inter longitudinem cometæ in N , & locum nodi, qui adeo facile determinabitur. Ut porro locus perihelii innotescat, reperiat in triangulo NnD hypotenusæ nD , quæ est arcus inter nodum, & locum verum cometæ in sua orbita. Jam vero ex calculis figuræ 78 habetur anomalia vera cometæ pro tempore, quo fuit in puncto n suæ orbitæ, hoc est, habetur arcus ejus distantiae a perihelio, ex quo deducitur facile distantia nodi a perihelio, & consequenter positio perihelii. Denique invento angulo nDN ejusdem trianguli rectanguli, habetur inclinatio orbitæ.

Observanda circa Tabulam sequentem.

Sequens tabula compendio complectitur, quidquid certi habetur de cometis, atque e scriptis diversorum Astronomorum est excerpta. Viginti septem primi cometæ (exceptis, qui sunt visi A. 1533, 1593, 1678) ab Halleyo calculati, ut etiam ex ejusdem cometographia desumpti fuerunt. De illis qui apparuerunt A. 1723, & 1737, calculum inivit Bradleyus. Visos A. 1533, 1678, & secundum A. 1748 habemus a Struyckio; secundum A. 1743 a Klingenbergio, & primum A. 1748 a Maraldo. Reliquorum calculum ego inivi. Sed non eadem in horum elementis est accuratio & certitudo, utpote cum plures, & maxime primi sex, rudius sint observati; quorumdam vero theoria, uti Annorum 1593, 1699, 1702, & utriusque Anni 1743, ac secundi A. 1748. ex observationibus brevi temporis intervallo habitis deducta sit. Verum longum foret, omnia isthic in particulari discutere.

Tabula Elementorum Theoriæ Præcipuorum Come-
tarum, qui ad præsens usque tempus observati sunt:
Suppositis orbitis Parabolicis.

Annus ap- paritionis	Locus ☉				Inclina- tio orbitæ			Locus perihelii				Logari- thmus distantiæ perihelii	Tempus medium transitus per perihe- lium ad Meridianum Parisinum			Directio motus	
	S.	G.	M.	S.	G.	M.	S.	S.	G.	M.	S.		Menfis	dies	h. m.		
1337	2	24	21	0	32	11	0	1	7	59	0	9.609236	Junii	2	6	34	Retrograd.
1472	9	11	46	20	5	20	0	1	15	33	30	9.734584	Februarii	28	22	33	Retrograd.
1531	1	19	25	0	17	56	0	10	1	39	0	9.753583	Augusti	24	21	27	Retrograd.
1532	2	20	27	0	32	36	0	3	21	7	0	9.706803	Octobris	19	22	21	Direct.
1533	4	5	44	0	35	49	0	4	27	16	0	9.307068	Junii	16	19	39	Retrograd.
1556	5	25	42	0	32	6	30	9	8	50	0	9.666424	Aprilis	21	20	12	Direct.
1577	0	25	52	0	74	32	45	4	9	22	0	9.263447	Octobris	26	18	54	Retrograd.
1580	0	18	57	20	64	40	0	3	19	5	50	9.775450	Novembris	28	15	9	Direct.
1585	1	7	42	30	6	4	0	0	8	51	0	10.038850	Octobris	7	19	29	Direct.
1590	5	15	30	40	29	40	40	7	6	54	30	9.760882	Februarii	8	3	54	Retrograd.
1593	5	14	15	0	87	58	0	4	26	19	0	9.949926	Julii	18	13	47	Direct.
1596	10	12	12	30	55	12	0	7	18	16	0	9.710058	Augusti	10	20	4	Retrograd.
1607	1	20	21	0	17	2	0	10	2	16	0	9.768490	Octobris	26	3	59	Retrograd.
1618	2	16	1	0	37	34	0	0	2	14	0	9.579498	Novembris	8	12	32	Direct.
1652	2	28	10	0	79	28	0	0	28	18	40	9.928140	Novembris	12	15	49	Direct.
1661	2	22	30	30	32	35	50	3	25	58	40	9.651772	Januarii	26	23	50	Direct.
1664	2	21	14	0	21	18	30	4	10	41	25	10.011044	Decembris	4	12	3	Retrograd.
1665	7	18	2	0	76	5	0	2	11	54	30	9.027309	Aprilis	24	5	24	Retrograd.
1672	9	27	30	30	83	22	10	1	16	59	30	9.843476	Martii	1	8	46	Direct.
1677	7	26	49	10	79	3	15	4	17	37	5	9.448072	May	6	0	46	Retrograd.
1678	5	11	40	0	3	4	20	10	27	46	0	10.092724	Augusti	26	14	12	Direct.
1680	9	2	2	0	60	56	0	8	22	39	30	7.787106	Decembris	18	0	15	Direct.
1682	1	21	16	30	17	56	0	10	2	52	45	9.765877	Septembris	14	7	48	Retrograd.
1683	5	23	23	0	83	11	0	2	25	29	30	9.748343	Julii	13	2	59	Retrograd.
1684	8	28	15	0	65	48	40	7	28	52	0	9.982339	Junii	8	10	25	Direct.
1686	11	20	34	40	31	21	40	2	17	0	30	9.511883	Septembris	16	14	42	Direct.
1698	8	27	44	15	11	46	0	9	0	51	15	9.839660	Octobris	18	17	6	Retrograd.
1699	10	21	45	35	69	20	0	7	2	31	6	9.871570	Januarii	13	8	32	Retrograd.
1702	6	9	25	15	4	30	0	4	18	41	3	9.810165	Martii	13	14	22	Direct.
1706	0	13	11	40	55	14	10	2	12	29	10	9.629218	Januarii	30	4	32	Direct.
1707	1	22	46	35	88	36	0	2	19	54	56	9.934368	Decembris	11	23	39	Direct.
1718	4	8	43	0	30	20	0	4	1	30	0	10.011380	Januarii	14	23	48	Retrograd.
1723	0	14	16	0	49	59	0	1	12	52	20	9.999414	Septembris	27	16	20	Retrograd.
1729	10	10	32	37	76	58	4	10	22	40	0	10.629552	Junii	25	11	6	Direct.
1737	7	16	22	0	18	20	45	10	25	55	0	9.347960	Januarii	30	8	30	Direct.
1739	6	27	25	14	55	42	44	3	12	38	40	9.828388	Junii	17	10	9	Retrograd.
1742	6	5	38	29	66	59	14	7	7	35	13	9.884049	Februarii	8	4	48	Retrograd.
1743	2	18	21	15	2	19	33	3	2	41	45	9.921690	Januarii	10	20	35	Direct.
1743	0	5	16	25	45	48	20	8	6	33	52	9.716480	Septembris	20	21	26	Retrograd.
1744	1	15	46	11	47	5	18	6	17	10	0	9.347325	Martii	1	8	13	Direct.
1747	4	27	18	50	79	6	20	9	7	2	0	10.342128	Martii	3	7	20	Retrograd.
1748	7	22	52	16	85	26	57	7	5	0	50	9.924620	Aprilis	28	19	34	Retrograd.
1748	1	4	39	43	56	59	3	9	6	9	24	9.816410	Junii	18	1	33	Direct.

ARTICULUS III.

De Calculo Cometarum in orbitis Ellipticis.

572. **F**ieri non potest, ut ex comparatione observationum, tempore unius solum apparitionis institutarum, debita cum accuratone dimensiones orbitæ ellipticæ cometæ determinantur; sed ad hoc requiritur certum reditus intervallum, ut tempus periodicum haberi possit, e quo (170) quantitas axis majoris ellipseos in partibus, quarum unitas est distantia media terræ a sole, reperitur: ab hoc axe subtracta distantia perihelii (quæ eadem ratione, ac superius in orbita parabolica quæritur), relinquitur distantia aphelii, qua data, eccentricitas innotescit. Potest etiam citra errorem sensibilem in orbita elliptica adhiberi inclinatio plani, & locus nodi ascendentis repertus in orbita parabolica: atque hac ratione habentur omnia elementa necessaria, ut cometæ calculus ita instituatur, uti planetarum. Denique calculo cum observationibus collato, elementa adhibita corrigi poterunt, ut Theoria accuratior obtineatur. Verum operæ pretium non est, ut tabulæ peculiare pro singulis cometis construantur, cum calculi longitudinum & latitudinum geocentricarum expedite fieri possint juxta methodum, & exemplum, quod jam subjiciemus.

573. E calculo Halley, elementa emendata cometæ A. 1682 sunt - - - . Revolutio periodica $75\frac{1}{2}$ annorum. Locus Ω in 1° , 20° , $48'$, $0''$. Inclinatio orbitæ 17° , $42'$. Distantia perihelii 0.5825. Distantia aphelii 35.1445. Eccentricitas 17.281. Locus verus perihelii 10° , 1° , $36'$, $0''$. Tempus transitus per perihelium die 14 Septembris, 21 h. 22' tempore medio, ad Meridianum Londinensem. Quæritur locus cometæ pro die 29 Augusti 16 h. 38' tempore medio.

574. I. A logarithmo 360° , $0'$, $0''$ subtrahatur logarithmus 27575 dierum, sive temporis revolutionis; habetur logarithmus motus medii diurni. Huic addatur logarithmus de 16 d. 4 h. 44', seu 16.1972 dier. quod est intervallum inter tempus datum & transitum per perihelium: summa est logarithmus anomalie mediæ a perihelio computatæ. In exemplo posito ea invenitur $12'$, $41''.25$ (ad secunda integra adhuc additur fractio decimalis duarum notarum, cum hic calculus valde accuratus esse debeat, quando anomalia media inventa non est plurium graduum).

575. II. Quærat ab initio, quæ circiter esse debuerit anomalia vera, quæ inventæ mediæ respondeat. In hunc finem a logarithmo intervalli temporis subtrahantur $\frac{3}{2}$ logarithmi distantie perihelii.

rihelii; residuum est (213) logarithmus numeri dierum, ope cuius in tabula generali N. 214 pro cometis in orbita parabolica constructa quæratuur anomalia vera correspondens: v.g. in nostro exemplo numerus dierum est 36.443, cui in tabula conveniunt $45^{\circ}, 26'$ (calculus hic rudius institui potest); e quo infertur, anomalam veram quæsitam esse intra 45° & 46° gradus.

576. III. Assumatur ea anomalia 45° prima vice; postea 46° ; utraque reducatur ad mediam (139), quæ erit $12', 36''.88$; & $12', 57''.67$. E quo deducitur, proportionem instituta, anomalam veram, quæ mediæ $12', 41''.25$ respondet, esse $45^{\circ}, 12', 37''$. Hac anomalia vera ad locum perihelii $10^{\circ}, 1^{\circ}, 36', 0''$ addita, habetur longitudo cometæ in sua orbita $11^{\circ}, 16^{\circ}, 48', 37''$.

577. IV. Ope formulæ ex iis, quæ N. 140 allatæ sunt, quæratuur distantia cometæ a sole: tum vero insistendum erit præceptis N. 471 & seqq. positis, ut obtineatur longitudo geocentrica $4^{\circ}, 18', 13', 40''$; & latitudo borealis $25^{\circ}, 48', 50''$.

SECTIO QUARTA.

Complectens Partem Alteram Astronomiæ Solaris,

Sive

Explicationem legum motus diurni planetarum, ut e sole spectantur.

578. **Q**uamvis omnia motus diurni telluris phænomena fusius exposuerimus, idque methodo, quæ facile cuivis alteri planetæ accommodari potest; nihilominus, cum maximi momenti sit, ut accurate animo comprehendantur, quæ si quis reipsa in sole constitueretur, oculis cernerentur, necessarium duximus, aliam hic loci eorundem phænomenorum explicationem dare, quæ fere nulla sui parte a priore dependeat. Præcipue vero illud ex ea enascetur commodi, ut rite intelligantur eclipses solis; theoria motus macularum, quæ sæpe in ejus superficie conspiciuntur, nec non in aliis planetis; diversa ratio, qua quodvis superficiei alicujus planetæ punctum a sole illuminetur, indeque pendentes tempestatum vicissitudines, aliaque phænomena tempore revolutionis periodicæ emergentia.

579. Observator in sole positus, institutis per plures revolutiones annuas continua serie observationibus alicujus ad libitum electi planetæ, cujus superficies distinctis maculis notata sit, v. g. Telluris; sequentia phænomena extra omne dubium posita stabiliet, de quo-

quorum causa invenienda, motuumque legibus ad certas revocandis regulas deinceps agendum illi erit.

ARTICULUS I.

De phænomenis generalibus motus diurni.

580. *Phænomenon* I. Lineæ, quas maculæ eodem tempore motu diurno Planetæ describunt, si eorum via in superficie, quæ disci instar plana apparet, notari supponatur, sunt parallelæ.

Ratio hujus obvia est. Globus in admodum magna distantia aliter apparere nequit, quam ut circulus planus; neque aliter circa axem suum volvi, quam ut singula ejus superficiei puncta describant circulos, quorum plana omnia ad axem sint normalia, adeoque inter se parallela.

581. *Phænomenon* II. Lineæ a maculis descriptæ plerumque curvæ apparent, versus disci limbos magis, quam circa medium, convexæ.

Ex hoc Phænomeno constat, axem, circa quem Planeta vertitur, non esse ad planum suæ orbitæ annuæ perpendicularem: talis enim si esset, lineæ omnes macularum essent rectæ inter se parallelæ. Nam in hoc casu omnes circuli a maculis descripti essent in planis parallelis ad planum orbitæ annuæ, in quo est centrum solis, consequenter oculus observatoris: & quia totus discus, aut diameter planetæ non nisi sub angulo aliquot secundorum videtur, evidens est, omnia circulorum a maculis descriptorum plana observatori apparitura talia, ut producta per ejus oculum transirent, adeoque omnes circulos instar rectarum suis diametris æqualium fore, secundum illud Optices principium, quod oculus in productione plani figuræ cujusvis positus eam figuram videat ut lineam rectam æqualem dimensioni maximæ figuræ directe oculo obversæ: nempe oculus in hoc situ partem solum perimetri figuræ videre potest, & nullo modo ejus superficiem planam.

582. *Phænomenon* III. Omnes curvæ macularum alicuius planetæ, versus unum idemque punctum cavitatem obvertunt.

Liquet, punctum istud debere esse unum e polaribus Planetæ, hoc est, alterutrum axis, circa quem movetur, extremum. Globo enim circa axem voluto, sola puncta extrema axis, motu rotationis carent.

583. *Phænomenon* IV. Singulis annis circa 21 Junii lineæ macularum telluris fiunt prope medium parallelæ ad planum eclipticæ per dies plures. Versus limbum superiorem disci complures apparent

maculæ, quæ speciem quamdam ellipseos integræ a, b, c , (fig. 81) circa punctum fixum P (quod polus est (582), arcticus, vel borealis ab observatore dicendus) describunt: quo fit, ut hæ maculæ nunquam in parte averfa Planetæ occultentur. Aliæ maculæ circa idem punctum polræ P describunt portiones ellipsium d, e, f , eo majores semiellipsibus, quo polo P sunt viciniore: unde maculæ eiusmodi ultra 12 horas in disco sunt visibiles, & quidem eo diutius, quo polo P sunt propiores. Ex opposito in parte inferiore disci, portiones ellipticæ tanto magis deficiunt a semiellipsibus h, i, k , quo a polo P sunt remotiores, & eadem ratione tanto 12 horis brevior tempore in disco videntur maculæ, quæ eas describunt.

584. *Phænomenon V.* Mense Julio, & Augusto sequente, omnes hæ ellipses quoad latitudinem contrahi videntur (fig. 82); primum quidem fere insensibiliter; postea admodum notabilis fit ea contractio. Præterea majorem semper ad planum eclipticæ inclinationem acquirunt; & polus P oblique ad limbum disci accedit. Ellipses a, b, c , quæ prius integræ videbantur, portionem ultra polum P sitam in parte postica disci abscondunt successive; & hinc etiam maculæ eas describentes desinunt esse semper visibiles. Eodem modo portiones ellipticæ d, e, f , continuo descrescunt, & semiellipses fiunt, maculis, quarum sunt semitæ, semper propius ad 12 horarum spatium, quo videri possint, accedentibus. At in parte disci inferiore portiones h, i, k , augentur, ac ad semiellipses accedunt, macularumque tempus, quo in disco comparent, ad duodecim horas extenditur. Quin prope limbum infimum novæ successive videntur maculæ, exiguas ellipsium portiones percurrentes, ut l, m , quarum dum longitudo crescit, latitudo, ut ceterarum, contrahitur.

585. *Phænomenon VI.* Circa 23 septembris (fig. 83) ellipses partis superioris disci videntur adeo imminuta latitudine ad dimidias usque decrevisse; & ellipses partis inferioris decrescente itidem latitudine usque ad dimidias auctæ, ut omnes evaserint semiellipses infinite parvæ latitudinis, aut potius ut cum axe suo majore congruant, consequenter sint rectæ axi majori æquales, parallelæ, & ad planum eclipticæ sub angulo $23^{\circ}, 28', 20''$, inclinatæ. Polus P attigit disci peripheriam, & alter Q , qui in duobus præcedentibus phænomenis in parte averfa latebat, quique antarcticus seu australis dicitur, itidem ad limbum extimum pervenit: consequenter omnes telluris maculæ spatio duodecim horarum accurate factæ sunt conspicuæ.

586. *Phænomenon VII.* Illico post diem 23 septembris, & per Octobrem ac Novembrem inclinatio linearum a maculis descriptarum ad eclipticam decrescit (fig. 84) ipsæque in portiones ellipticas abeunt, cavitatem polo Q obvertentes, qui oblique in anteriorem disci faciem progreditur, altero polo P sub eodem latente. Ellipses majorem semper acquirunt amplitudinem; & in parte inferiore eo magis excedunt semiellipses, quo sunt polo Q viciniore, ita ut *n, m, l* tandem integræ videantur, maculæque earum semper conspicuæ fiant; eæ vero, quæ percurrunt portiones *k, i, h*, eo diutius ultra 12 horas videntur, quo minus a polo antarctico sunt remotæ. Contrarium accidit portionibus partis disci superioris, quæ eo minores evadunt, maculis quoque tanto breviori temporis intervallo apparentibus, quo a polo Q magis distant, ut tandem *c, b, a*, ceteris remotiores, prorsus cum suis maculis occultentur.

587. *Phænomenon VIII.* Diebus aliquot 21 Decembris præcedentibus, ac sequentibus viæ macularum versus medium plano eclipticæ parallelæ apparent (fig. 85), omniaque situm oppositum obtinent ei, quo circa 21 Junii (583) videbantur: portiones ellipsium partis inferioris disci tanto sunt majores, quo in phænomeno IV minores fuerant. Ellipses *n, m, l*, 21 Junii invisibiles, nunc ex integro sunt conspicuæ; at *a, b, c* ex opposito totæ disparuerunt, eisque propinquæ *d, e, f* tanto magis deficiunt a semiellipsibus, quo 21 Junii magis excefferant: tempus denique, quo maculæ sunt visibiles, magnitudini portionum ellipticarum, quas describunt, est proportionale.

588. *Phænomena IX, X, XI.* Mensibus Januario & Februario (fig. 86) omnes ellipses contrahuntur, & in partem oppositam priori inclinantur. Polus Q versus circumferentiam redit. Ellipses partis disci inferioris minuuntur, polo Q proximæ cessant integræ videri; quæ vero in parte superiore sunt, augentur: paucis, omnia ad eum situm tendunt, quem Phænomeno IV habebant. Et reipsa 20 Martii (fig. 87) omnes ellipses cum axe suo majore coincidunt, adeoque mutantur in rectas parallelas, ad planum eclipticæ sub eodem angulo, nempe 23° , $28'$, $20''$, inclinatas, uti erant 23 Septembris, nisi quod inclinatio in alteram partem fiat. Omnes itaque maculæ per 12 horas tunc sunt visibiles, & poli Q & P in limbo disci existunt. Denique Mensibus Aprili & Majo (fig. 88) hæ rectæ in ellipses minus ad telluris orbitam inclinatas abeunt, cavitatem polo P observa, qui in discum redit, altero Q sub eodem se occultante, sicque omnia restituantur successive situi 21 Junii, Phænomeno IV descripto; tum rursus eodem ordine phænomena in orbem redeunt.

589. Omnia hæc phænomena in aliis planetis eveniunt, illo cum discrimine, quod ab annua cujusque revolutione dependeant: & in similibus positionibus ellipses in omnibus non æque notabiliter pandantur.

ARTICULUS II.

De iis, quæ ex allatis phænomenis immediate consequuntur: de diebus, ac noctibus, eorumque diversa longitudine: de vicissitudine tempestatum Anni: de solstitiis & æquinoctiis.

590. **U**t Theoria generalis præcedentium phænomenorum constituatur, observator noster supponet, planetas esse corpora diversæ indolis a sole, ut quæ per se luce careant, atque solum reflexa solari sint conspicua, quin etiam habitata: hinc supponet etiam singulas maculas in eorum superficie apparentes, esse loca peculiari attentione digna, uti urbes quasdam &c. Hinc deducet

591. *Primo.* Incolas cujusvis maculæ luce carere, sive habere noctem, toto eo tempore, quo maculæ in parte disci a sole aver-
sa morantur; contra vero illuminari, ac habere diem, quamdiu maculæ in disco sunt visibiles.

592. *Secundo.* Eo momento diem illis incipere, & noctem finire, quo quævis macula ad limbum appellit, ut anteriorem disci partem percurrat; & diem expirare, simulque inchoari noctem, quo macula iterum ad extimum limbum pervenit, ut sub discum redeat.

593. *Tertio.* Dum uterque polus simul in peripheria disci versatur (fig. 83 & 87) habitatores planetæ habere diem per semirevolutionem diurnam, & per alteram semirevolutionem noctem: atque adeo tempora, quibus id continget, dicentur *æquinoctia planetæ*.

594. *Quarto.* Dum non nisi unus polus in disco illuminato existit, incolas ei vicinos habere diem perpetuum; qui vero circa polum oppositum habitant, continuam noctem.

595. *Quinto.* Diem esse eo longiorem, & noctem eo breviorē, quo planeticolæ polo illuminato propiores sunt, & a latente in parte obscura remotiores. Hinc illi, qui ab utroque polo æqualem habent distantiam, diem nocti æqualem toto anno habent. Hinc etiam *circulus æquinoctialis*, sive *equator planetæ* vocatur circulus maximus, qui inter utrumque polum per medium transit: in figura 81 & sequentibus literis Tg R notatur.

596. *Sexto.* Dies longissimos (consequenter noctes brevissimas) respectu incolæ non constituti in circulo æquinoctiali esse tunc, quan-

quando polus ei vicinior est circa mediam viam, quam per partem illuminatam disci transiens describit, ac maculæ, quam habitat, semita orbitæ planetæ parallela fit circa medium, cessatque portio elliptica augeri, ut iterum decreascit. Ex opposito dies brevissimos esse, dum polus vicinior in parte disci latente mediam viam confecit, semita maculæ circa medium parallela ad orbitam, & portione ellipsis cessante minui, indeque augenda. Tempora, quibus hæc eveniunt, *solstitia* appellantur; & *æstivum* quidem, dum dies est longissima, calore respectu ejus habitatoris maximo, utpote qui tamdiu radiis solaribus, parum obliquis, est expositus: *hybernum* vero, quando dies est brevissima, quippe cum radii solis & brevi tempore, & magis oblique ad incolam illum pervenire possunt, quo fieri debet, ut aër multum refrigeretur. *Æquinoctium vernum* dicitur, quod inter solstitium hybernum & æstivum intercedit; *Autumale*, quod inter solstitium æstivum & hybernum est medium.

597. *Septimo*. Quoniam intervalla inter æquinoctium & solstitium proximum, & inter hoc solstitium usque ad æquinoctium vicinum, sunt semper æqualia quartæ parti revolutionis annuæ planetæ, quemlibet polum per dimidiam revolutionem continuo illuminari, & altero revolutionis dimidio in perpetua nocte versari.

598. *Octavo*. In locis circa polos P, Q, habitatis, diem debere quandoque durare plures menses, plures septimanas, plures dies communes; inter hæc unum debere esse locum, in quo dies longissima in solstitio æstivo accurate sit æqualis revolutioni diurnæ planetæ; est autem hic is locus, cujus ellipsis circumferentiam disci ultra polum tangit, quæ adeo est ultima earum, quæ integræ in disco videri possunt. Circuli planetæ, quos ellipses istæ repræsentant, dicuntur *circuli polares planetæ*: in figuris superius citatis notantur literis *c* & *l*.

599. *Nono*. Intra circulum polarem & æquatorem dies crescere a solstitio hyemali usque ad solstitium æstivum, noctesque eadem proportionem decrescere; post solstitium æstivum usque ad hybernum dies minui ita, ut in solstitio hyberno nox æqualis sit diei solstitii æstivi, & vicissim.

600. *Decimo*. In tota superficie planetæ summam omnium dierum collectim sumtorum proxime æquari tempori omnium noctium.

ARTICULUS III.

De Causa Generali horum Phænomenorum.

601. **U**t jam ratio generalis horum phænomenorum reddatur, animadvertet observator, quod cum non nisi die æquino-

Etii viæ macularum instar rectarum inter se parallelarum appareant, necesse sit, eo die plana circulorum a maculis rotatione descriptorum ita versus solem dirigi, ut producta per eundem transeant; aliis vero temporibus respectu solis aut oblique aliquantum elevari, aut deprimi. Est id sequela legitima illius Optices principii, quod oculus extra planum & axem circuli admodum remoti constitutus totam ejus superficiem videat, sed figura elliptica, plus minusve contracta, prout oculus plano circuli producto vicinior, aut ab eodem remotior est; & siquidem oculus in hoc ipso sit plano, superficies circularis adeo contrahatur, ut cum peripheria congruat, circulusque ut recta diametro æqualis appareat. Tunc enim radii omnes ex oculo per singula peripheriæ circuli puncta ducti, in sphæræ cælestis superficie parte aliqua, quæ ad sensum plana est, ac visum terminat, projectionem orthographicam circuli hunc in modum depingunt (356).

602. Et quia centrum solis semper est in plano orbitæ planetæ (24), sequitur, quod momento æquinoctii centrum solis simul sit in plano orbitæ, simul in plano circuli æquinoctialis Planetæ: & hinc ipso æquinoctii momento centrum solis est in interseccionem plani orbitæ planetæ cum plano ejus æquatoris.

603. Quod si porro per centrum v. g. Telluris concipiatur axis EC (fig. 81 & sequentes) ad planum orbis annui perpendicularis (quem axem eclipticæ vocabimus), & simul sit alter axis PQ per utrumque polum transiens (qui dicetur axis æquatoris) facile ostenditur, quod

Omnia Phænomena motus diurni alicujus planetæ, quæ durante una revolutione annua contingunt, necessario ex eo consequantur, quod planeta videatur semel circa axem suum eclipticum rotari, eodem tempore, & eadem velocitate, qua revolutionem annuam peragit, dum interea reipsa persæpe motu diurno circa axem æquatoris volvitur, qui semper sub eodem angulo ad planum eclipticæ planetæ inclinatus manet.

Etenim si globus solo motu translationis in plano aliquo circa punctum fixum in eodem plano revolvatur, facile concipitur (& quisque in seipso experiri potest, si circa corpus aliquod vicinum in circulum se moveat, facie ad punctum aliquod remotissimum semper conversa, ut certus sit, se carere motu rationis), hunc globum e puncto illo visum, circa quod movetur, debere apparere & motu revolutionis, & motu rotationis præditum, qui posterior fiat circa axem ad planum, in quo revolvitur, perpendicularem, eadem celeritate angulari, qua motus revolutionis. Adeoque omnia superficie globi puncta successive centro revolutionis obverti debent, & describere circulos tum inter se, tum plano revolutionis parallelos, qui ea proportionem absolvuntur, qua ipsa revolutio. Hoc posito

Con-

Concipiatur ab initio terra cum axe suo æquatoris (inclinato scilicet, ut notum est, ad planum eclipticæ) solo motu annuo circa solem revolvi: apparebit simul habere motum rotationis annum, si e sole spectetur, circa axem eclipticæ: omnia ejus superficiei puncta, & nominatim poli æquatoris, successive soli obvertentur, atque ab eo illuminabuntur: singula annis singulis describent circulos eclipticæ parallelos, & eadem velocitate angulari, qua revolutio fit. Axis autem æquatoris, ob constantem suam inclinationem, videbitur circa axem eclipticum per terram transeuntem duos conos æquales, & oppositos describere, quorum vertex communis est in centro terræ. Et quia axis eclipticus est ad planum orbis annui terræ perpendicularis, ejus poli semper eadem ratione soli sunt expositi, utpote semper in circumferentia disci existentes, hoc est, in circulo maximo, communi lucis & umbræ termino: igitur uterque æquatoris polus debet medietatem sui circuli in disco illuminato, medietatem in obscuro describere: & quoniam diametraliter sibi opponuntur, quantum alter in discum illuminatum progreditur, tantundem alter sub obscuro reconditur; alteroque ad limbum appellente, alter quoque ad limbum oppositum venire debet, itaque deinceps.

Interea patet, per hanc rotationem apparentem minime impediri motum verum rotationis Telluris circa axem æquatoris: utraque hæc rotatio combinata producet phænomena, quæ articulo præcedente in particulari exposuimus, & quorum singulorum rationem in sequentibus dabimus.

ARTICULUS IV.

De obliquitate eclipticæ; de diverso situ polorum æquatoris respectu solis; de declinatione, ac ascensione recta solis.

604. I. **Q**uoniam eo momento, quo æquinoctium accidit (Fig. 83 & 87) extrema P & Q axis æquatoris, æque ac extrema E & C axis eclipticæ, sunt in peripheria disci illuminati, evidens est, mensuram inclinationis horum axium esse arcum EP, vel QC, adeoque etiam inclinationis planorum eclipticæ & æquatoris. Hæc inclinatio *obliquitas eclipticæ* vocatur, ac in tellure proxime est 23° , $28'$, $20''$.

605. Ex hoc deducitur, ut cognoscatur inclinatio eclipticæ alicujus planete ad suum æquatorem, metiendam esse obliquitatem semitæ macularum, quando lineas rectas describere videntur.

605. II.

606. II. Cum centrum solis directe opponatur puncto medio hemisphærii illuminati Planetæ, consequens est, ut intra revolutionem annuam uterque polus æquatoris accedat, ac iterum successive recedat ab hoc medio puncto disci illuminati. In æquinoctiis uterque polus ab eo 90° distat, cum distantia in superficie sphærica accipiatur, & punctum illud sit polus circuli maximi hemisphærium illuminatum terminantis. In solstitiis polus ille æquatoris, qui in disco illuminato est, minimam habet distantiam a puncto medio; alter, qui sub disco latet, maximam: aliis temporibus, dum polus in parte illuminata quamvis a puncto medio distantiam habet, alter in parte obscura tantundem accurate a puncto medio ejusdem partis obscuræ distat.

607. III. Si itaque circa polos eclipticæ E, C in superficie telluris ad distantiam $23^\circ, 28', 20''$ (fig. 81 & seqq.) concipiantur duo circuli minores ADB, GKH, ii repræsentant viam a polis æquatoris tempore revolutionis annuæ descriptam. Projectio horum circulorum est recta æqualis chordæ arcus $46^\circ, 56', 40''$ (qui est duplus de $23^\circ, 28', 20''$), cum plana eorum ad planum eclipticæ sint parallela & parum admodum ab eodem elevata, ob exilitatem diametri Planetæ. Puncta intersectionum horum circulorum A, B, G, H, cum circulo maximo discum illuminatum terminante, sunt illa, in quibus poli æquatoris tempore æquinoctiorum versantur, qui in hisce circulis ea proportionem progrediuntur, qua centrum terræ in orbe annuo. Quod si itaque detur arcus eclipticæ a centro telluris ab ultimo æquinoctio descriptus, vel usque ad proximum æquinoctium describendus, facile geometricè determinatur locus poli æquatoris in disco illuminato. Exempli causa: 18 Aprilis 1745 in ipso meridie, cum terra ab æquinoctio Martii præcedentis describeret in suo orbe $28^\circ, 29', 17''$, construatur super diametro AB (fig. 88) semicirculus AOB, & a puncto A, in quo fuit polus tempore æquinoctii, accipiatur arcus AO $28^\circ, 29', 17''$; ex O demittatur perpendiculum OP, quod determinabit locum poli P in disco illuminato (359). Et si in parte averfa disci in projectione GHK concipiatur portio Hq, quæ repræsentet arcum $28^\circ, 29', 17''$, punctum q erit polus australis in hemisphærio obscuro.

608. IV. Determinatis hac ratione punctis polaribus æquatoris, si per punctum S medium hemisphærii illuminati, & cui centrum solis respondet (ob quam causam in sequentibus illud locum solis vocabimus) concipiatur descriptus in superficie terræ semicirculus maximus PSQ, utrinque in polis P, Q, terminatus (fig. 81 & seqq.), manifestum est, *Primo*, quod cum ejus planum per

ocu-

oculum observatoris transeat, projectio ejus semper debeat esse recta. *Secundo*, quod idem semicirculus semper bifariam, & ad angulos rectos in g secetur a circulo maximo TgR , æquatorem repræsentante (*Trig.* 7, & 17), adeoque quod arcus Pg , vel Qg , semper sit 90° . Eodem modo liquet *Tertio*, hunc semicirculum non nisi in æquinoctiis integrum videri posse: aliis enim temporibus semper ejus aliqua pars ad P vel Q in hemisphærio obscuro latet, prout polus cognominis plus, minusve infra discum illuminatum recessit. *Quarto*, Punctum intersectionis g semicirculi PSQ cum æquatore coincidere cum loco solis S in æquinoctiis: aliis vero temporibus hæc puncta eo magis a se distare, quo longius terra ab æquinoctiis abest. Hinc eorum distantia Sg *declinatio solis* dicitur; & quidem *Borealis*, vel *Australis*, prout vel polus Borealis, vel Australis in disco illuminato versatur. Potest etiam semicirculus PSQ vocari semicirculus declinationis. Itaque *declinatio solis est quantitas arcus circuli maximi sphaeræ e loco solis ad æquatorem perpendiculariter ducti*. Hinc *Quinto*, declinatio solis ab æquinoctio usque ad proximum solstitium, in quo maxima fit, crescit; a solstitio usque ad vicinum æquinoctium decrescit, ita ut in æquinoctio sit nulla: inde fit in hemisphærium alterum diversi nominis, hoc est e Boreali fit Australis, aut ex Australi Borealis, augeturque ab æquinoctio usque solstitium: ab hoc minuitur usque ad proximum æquinoctium, post quod priorem denominationem acquirit, sicque perpetuo suas variationes continuat. *Sexto*. In solstitiis semicirculus PSQ congruit cum eo, qui per polos eclipticæ E, C ac punctum S , describitur, tumque apparet facile, arcum declinationis maximæ solis æquari obliquitati eclipticæ, hoc est, $23^\circ, 28', 20''$. Nam (*fig.* 81) tam arcus ES , quam Pg , est 90° : arcus vero EP , seu distantia poli eclipticæ a circulo, quem annuatim polus æquatoris describit, est $23^\circ, 28', 20''$ (604); ergo PS debet esse $66^\circ, 31', 40''$; consequenter si $Pg = 90^\circ$, subtracto $PS = 66^\circ, 31', 40''$, manet $Sg = 23^\circ, 28', 20''$. *Septimo* denique constat, arcum PS , vel QS , distantia solis ab alterutro polo P vel Q , esse complementum declinationis solis, quando polus est in hemisphærio illuminato; & summam ex declinatione & 90° , quando polus est in hemisphærio obscuro.

609. V. Si per idem hemisphærii illuminati punctum medium S ducatur diameter IL , quæ intersectionem globi terrestris cum plano eclipticæ exhibet, adeoque semicirculum maximum sphaeræ e sole visum (qui *ecliptica* vocabitur); *Primo* in æquinoctiis æquator TgR eclipticam ISL in puncto S , soli respondente, interfecat (*fig.* 83 & 87); alias punctum intersectionis a puncto S eo remo-

tius est, quo terra ab æquinoctiis: ita, ut in solstitiis (fig. 81 & 85) æquator & ecliptica se interfecent in punctis signis γ & $\underline{\alpha}$ notatis in ipsa disci peripheria. *Secundo.* Tempore revolutionis dimidiæ terræ, ab uno solstitio usque ad alterum, unum ex intersectionum punctis, v. g. quod habet signum γ , (Fig. 81, 83, 83, 84, 85) percurrit semicirculum IL, totidemque in eo gradus conficit, quot polus æquatoris in suo circulo minore; tempore alterius revolutionis dimidiæ, alterum punctum intersectionis $\underline{\alpha}$ (Fig. 85, 86, 87, 88, 81) eundem semicirculum IL percurrit. *Tertio.* Angulus sphæricus $S \gamma g$, vel $S \underline{\alpha} g$, (Fig. 81 & seqq.) semper æquatur obliquitati eclipticæ, quippe cum a planis æquatoris & eclipticæ se interfecantibus efficiatur. Unde data distantia terræ ab æquinoctio proximo, sive arcu, quem terra ab ultimo æquinoctio percurrit, vel usque ad proximum percurrent, facile inveniri potest declinatio solis, ejusque a polis æquatoris distantia. Nam in triangulo sphærico $S \gamma g$ (Fig. 81, 82, 83, 84, 85), vel $S g \underline{\alpha}$ (Fig. 85, 85, 87, 88) semper ad g rectangulo (Trig. 16), arcus $\underline{\alpha} S$, vel γS , est æqualis arcui distantiae terræ ab æquinoctio proximo; angulus $S \underline{\alpha} g$, vel $S \gamma g$, æquatur obliquitati eclipticæ, sive 23° , $28'$, $20''$.

610. VI. Arcus æquatoris $g \gamma$, inter intersectionem γ æquatoris cum ecliptica, & arcum $S g$ a loco solis ad æquatorem perpendicularem, interceptus, est *ascensio recta* solis: computatur secundum signorum ordinem a 0° usque ad 360° , initio semper ab intersectione γ sumto. Hoc posito, circulus PSQ ad æquatorem semper normalis, cum etiam in solstitiis normalis sit ad eclipticam, secatur & æquatorem, & eclipticam in distantia 90° a communi eorum intersectione (Trig. 18). Itaque (Fig. 81, 85) $\underline{\alpha} S$, γS , $\underline{\alpha} g$, γg sunt quadrantes circuli: & hinc *ascensio recta* solis in æquinoctio verno est 0° ; in solstitio sequente 90° ; in æquinoctio autumnali 180° ; in solstitio hyberno 270° ; in reditu ad æquinoctium vernum denique 360° , seu 0° . Quare si detur obliquitas eclipticæ, & arcus distantiae terræ a proximo æquinoctio, *ascensio recta* solis facile reperitur, cum in triangulis sphæricis rectangulis $\gamma g S$, $\underline{\alpha} g S$ dentur angulus $S \gamma g$, vel $S \underline{\alpha} g$, & latus γS , vel $\underline{\alpha} S$.

ARTICULUS V.

De temporibus rotationis planetarum circa suos axes; de tempore vero \odot medio.

611. VII. **S**upponatur, quod planum semicirculi PSQ non participet motum diurnum, sed solummodo motum annum tellu-

telluris, adeoque respectu motus diurni fixum maneat, (quo casu hic semicirculus *Meridianus celestis* dicitur), evidens est *primo*, quod motu diurno omnia superficiei terrestris puncta, imo etiam omnia circulorum ISL, TgR, qui in ea descripti concipiuntur, successive per planum hujus meridiani transeant, describantque circa æquatoris axem omnes eos circulos, qui e sole visi, ellipsium instar apparent. Momentum, quo punctum quodvis per meridianum transit, *Meridies* illius puncti appellatur.

612. *Secundo* patet, quod circulorum omnium arcus per meridianum transeuntes semper essent accurate proportionales tempori, si solum motum rotationis haberent; sed ob motum annum (quo planeta tempore revolutionis integræ videtur semel circa axem suum eclipticæ rotari) fit, ut intervallum reditus maculæ cujusvis ad meridianum componatur ex revolutione integra diurna & æquabili circa axem æquatoris, & simul ex parte revolutionis annuæ circa axem eclipticæ, quæ tempori illius intervalli respondet, & velocitati motus annui in orbita proportionalis est. Hinc sequitur

613. *Tertio*, quod dato tempore revolutionis maculæ respectu solis, reperiatur tempus revolutionis planetæ circa axem æquatoris ex hac analogia: ut 360° plus motu proprio planetæ tempore revolutionis maculæ, sunt ad tempus hujus revolutionis; ita sunt 360° ad tempus rotationis.

614. *Quarto*, quod cum celeritas motus annui non sit semper eadem, quodlibet intervallum, quo macula ad meridianum redit (& quod est mensura diei respectu illius maculæ) debeat esse inæquale, consequenter si terræ incolæ habeant horologia, quorum motus sit admodum æquabilis, ea non possint ab uno usque ad alterum meridiem ostendere 24 h. 0'. 0''; sed aliquot secundis plus, quando motus terræ acceleratur, & aliquot minus, dum retardatur.

615. Ut igitur hujus differentiæ ratio habeatur, duplex tempus, vel dies statuendus est; alterum nempe *verum* seu *apparens*, estque intervallum a transitu maculæ per meridianum usque ad ejusdem reditum; alterum *medium*, estque intervallum ab uno usque ad alterum meridiem, quale observaretur, si motus rotationis & revolutionis esset semper æquabilis, quodque ab horologiis, si rite sint constituta, ostendi debet. Die uno temporis medii 360° , 0', 0'' æquatoris per meridianum transeunt una cum $59'$, $8''$ quæ est pars ex motu annuo 360° , uni diei temporis medii proportionalis. Die autem uno vero per meridianum transeunt 360 gradus æquatoris cum arcu ejusdem, qui respondet arcui eclipticæ eo die descripto, & motus in ascensione recta vocatur.

Quinto. Illud etiam patet, diem temporis medii non posse congruere cum die temporis veri, nisi quando terra motu diurno in

ascensione recta $59'$, $8''$ conficit. Alias semper inter meridiem temporis veri (hoc est, inter transitum verum alicujus puncti per meridianum), & meridiem temporis medii (hoc est, inter momentum, quo idem punctum venisset ad meridianum, si motus terræ circa solem semper esset æquabilis) notabilis esse debet differentia &c (vide N. 315 & seqq.).

ARTICULUS VI.

De differentia Meridianorum; de Longitudinibus & Latitudinibus Geographicis; de Methodo Geographorum.

616. **E** Successivo punctorum superficiei terræ transitu per meridianum PSQ , (quo momentum meridiei singularum macularum determinatur) illud etiam consequitur, quod macularum incolæ successive meridiem habeant, alii post alios, ut illi, quorum macula una hora tardius per meridianum transit, tunc meridiem agant, quando prioris maculæ incolæ jam horam post meridiem numerant. Idem est de aliis. Verum quorum maculæ eodem tempore ad meridianum veniunt, ii eodem momento eandem horam numerant. Unde in superficie planetarum dantur loca, in quibus eodem tempore eadem numerantur horæ; sed dantur etiam loca alia, in quibus eodem tempore horæ censentur diversæ. Est autem manifestum, quod ea loca, in quibus eodem momento est meridies, cum simul debeant ad meridianum PSQ venire, talem habeant in superficie globi situm, ut omnia sint sub eodem aliquo semicirculo ab uno ad alterum polum ducto; ea vero, in quibus meridies est diversis temporibus, nequeant sub tali semicirculo esse sita. Quod si igitur per polos æquatoris P , Q , & singula ejus peripheriæ puncta describantur semicirculi (qui *meridiani terrestres* dicentur, ut a cælesti PSQ distinguantur), quivis semicirculus determinabit in superficie telluris omnia ea loca, in quibus eodem tempore eadem horæ numerantur, eaque ab aliis discernet. Et si numerus graduum æquatoris inter duos meridianos terrestres comprehensus, vel, quod idem est (Trig. 10), numerus graduum, qui metitur angulum ad polum, quem duo illi meridiani terrestres efficiunt, convertatur in tempus, tribuendo 360 gradibus 24 horas; scietur differentia hoarum, quæ sub iisdem meridianis simul numerantur, & quæ in Astronomia *differentia meridianorum* dicitur.

Evidens porro est, loca, quæ sunt sub eodem meridiano terrestri, ita esse sita respectu polorum æquatoris, ut duo eorum nequeant ab eodem polo eandem habere distantiam.

617. Ulterius liquet, quod si detur hora, quæ in loco quovis superficie telluris numeratur, & differentia meridianorum inter hunc, & alium quemcunque locum, sciatur etiam hora, quæ in alio illo loco eodem tempore est; & vicissim datis horis duorum locorum eodem tempore, datur etiam differentia meridianorum

618. Cum motus diurnus fiat circa polos æquatoris, omnia puncta superficie globi, quæ ab eodem polo habent eandem distantiam, moventur in eodem circulo, seu si e sole spectentur, videntur eandem ellipsin describere. Itaque si ab æquatore usque ad utrumque polum in tota globi superficie describantur circuli ad æquatorem paralleli (vocantur autem simplici nomine *paralleli*, suntque circuli minores sphaeræ) ex iis singuli determinabunt puncta a polo æquidistantia, & quæ successive per meridianum *PSQ* transeunt, ita, ut sit impossibile, ut duo puncta sint simul in eodem parallelo, & simul eandem horam numerent, sive simul sint sub eodem meridiano terrestri. Unde deducitur, certa & constante ratione determinari posse situm puncti cujusvis in superficie telluris, si nempe designetur parallelus, in quo est, & differentia meridianorum respectu puncti æquatoris, per quod primus meridianus transit, cum, ut vidimus, fieri nequeat, ut duo diversa puncta easdem has duas condiciones habeant.

619. Et reipsa Geographi hac methodo puncta notabiliora in superficie terræ determinant. *Primo* Æquatorem in 360° partiuntur, & per singula divisionum puncta describunt meridianos: ex his divisionibus unam seligunt, a qua ceteras ordine numerent, & meridianum per eam descriptum vocant *primum meridianum*. Verum est quoddam apud eos hac in re discrimen: alii enim, ut Angli, volunt, ut primus eorum meridianus per Londinum transeat; alii, ut Hollandi, eum ducunt per Picum Teneriffæ (montem insignem insulæ unius e Canariis), Galli quidam eundem per Parisios describunt: quamvis satis inter eos conveniat, recte meridianum primum duci per insulam maxime occidentalem e Canariis, quam *Ferri* vocant, quemadmodum & antiqui fecerunt Geographi, & Ludovicus XIII suis præscripsit. A primo Meridiano Geographi alios ab occidente versus orientem numerant, dicendo, quod omnia puncta, quæ sub meridiano a primo gradu uno versus ortum distante sunt, habeant gradum unum longitudinis; quæ sub meridiano sequente, habeant duos gradus longitudinis &c. *Secundo*. Meridianum primum, aut quemvis alium, ab æquatore usque ad polum in 90° dividunt, & per singulos describunt circulos minores æquatori parallelos: punctis omnibus, quæ sub primo ab æquatore parallelo sunt, tribuunt gradum unum latitudinis borealis, si quidem parallelus sit ex parte poli borei; vel australis, si sit ex parte poli australis. Similiter omnia puncta, quæ sunt sub parallelo ab æquatore secundo, dicuntur habere duos gradus latitudinis borealis, vel australis, prout parallelus vel ex parte poli borealis, vel ex parte poli australis fuerit, & sic de reliquis. Itaque *Longitudinem geographicam alicuius loci metitur arcus æquatoris interceptus inter primum meridianum, & meridianum loci, ab occasu in ortum numeratus; latitudinis vero geographicæ ejusdem loci mensura est arcus circuli maximi, qui metitur distantiam æquatoris a parallelo per locum transeunte: aut quod idem est, mensura latitudinis est arcus meridiani loci inter locum ipsum, & æquatorem interceptus*. Hinc sequitur, *latitudinem geographicam alicujus loci esse complementum ejus distantiae a polo*.

ARTICULUS VII.

De altitudinibus solis, & earum variationibus.

620. **D**um punctum aliquod superficiei telluris motu diurno in via sua elliptica (ut quidem e sole apparet) progreditur, evidens est I, quod dum versus meridianum cælestem SPQ accedit, simul etiam loco solis fiat vicinius: exempli causa quando est in limbo extimo disci illuminati, consequenter quando oritur, vel occidit, arcus ejus distantiae a puncto S repræsentatur per radium hemisphærii illuminati, adeoque est 90° . Post ortum suum semper magis ac magis ad meridianum SPQ accedit, ideoque etiam ad solem, ita ut dum jam sub meridiano cælesti constitutum est, minimum, ac eo die possit, a puncto S distet. Etenim viæ veræ macularum sunt circuli minores globi, quorum poli sunt P , Q : omnes secant perpendiculariter circulos maximos per polos P , Q transeuntes; igitur etiam meridianum cælestem PSQ : & hinc dum macula ad hunc meridianum appellit, ejus distantia a loco solis S est arcus circuli PSQ , ex puncto S perpendiculariter ad viam maculæ ductus: quare hic arcus est distantia minima puncti S a via, quam macula actu percurrit; & macula, dum est in meridiano, propius eo die ad locum solis S accedere non potest.

621. II. si supponamus incolam terræ situ erecto consistere, hoc est, tali, ut recta a capite ad pedes ducta (quæ linea *verticalis*, aut *perpendiculari* dicitur) sit semper ad terræ superficiem normalis, eumque situm objectorum, quæ circa se videt, ad hanc lineam verticalem, seu potius ad planum referre, quod eandem verticalem, ubi per oculum transit, secat perpendiculariter (quod *planum horizontale*, seu *planum libellæ* vocatur) adeoque terram in puncto oculi spectatoris tangit; si præterea hæc comparatio fiat per angulos, qui comprehenduntur a plano libellæ, & radio ab oculo ad objectum ducto; ita, ut arcus, qui metiuntur hos angulos, dicantur *altitudines*, consequenter objectum censeatur nullam habere altitudinem, quod in plano libellæ est positum; ad quæ vero ducti radii ex oculo efficiunt cum eodem plano angulos 30° , 40° , 60° , iis altitudo 30° , 40° , 60° tribuatur: hæc, inquam, si supponamus, homini illi sol apparere debet ascendere, & descendere, prout locus superficiei terræ, in quo est, ad locum solis S vel accedit, vel ab eodem recedit: ita ut *altitudo solis semper videatur proxime æqualis complemento hujus distantiae*. Sit enim in E oculus habitatoris constitutus (fig. 89), EZ ejus linea verticalis, EN linea horizontalis, sive libellæ; sit in S locus, cui respondet centrum solis infinite fere a terra in linea CS remotum; arcus ES , sive distantia oculi E a puncto me-

dio

dio hemisphærii illuminati, sit 90° (dum nempe (592) punctum E respectu solis oritur vel occidit): cum angulus ECS sit rectus, linea CSf e centro terræ ad solem ducta est parallela ad lineam libellæ EN ; si itaque e puncto E ducatur recta Ef versus centrum solis ad distantiam admodum magnam remoti, ea non concurret cum recta CSf , nisi ad distantiam admodum magnam a centro terræ: jam vero rectæ, quæ non nisi in magna valde distantia concurrunt, sunt fere parallelæ, & quidem eo propius ad parallelismum accedunt, quo in majore distantia concurrunt, ita ut absolute sint parallelæ, si non nisi infinite productæ concurrant; igitur rectæ CSf , Ef sunt proxime parallelæ: & quoniam linea libellæ EN reipsa parallela est cum linea CSf , recta Ef , ex oculo ad centrum solis ducta, fere coincidit cum linea libellæ EN ; hinc angulus ab iis comprehensus est infinite parvus, adeoque altitudo solis apparet fere nulla, quando distantia spectatoris a puncto medio hemisphærii illuminati est 90° . Sit jam spectator in e positus; ejus verticalis ez , linea libellæ en , distantia a puncto medio hemisphærii illuminati $eS = 40^\circ$. Si ducatur e puncto e recta ef ad centrum solis, quæ erit proxime parallela cum recta CSf , angulus altitudinis solis habebit mensuram angulum nef , cujus complementum est $fez = 50^\circ$: & quia rectæ CSf , ef sunt fere parallelæ, anguli fez , eCS sunt proxime æquales: igitur mensura anguli altitudinis solis est proxime complementum arcus eS , sive distantiae spectatoris a puncto medio hemisphærii terræ illuminati.

Observe: angulus inclinationis rectarum Ef , ef , e superficie terræ ad centrum solis ductarum, ad lineam, quæ e centro terræ ad centrum solis ducitur, vocatur *parallaxis solis*. De hac alibi (429) egimus. Et quia hæc parallaxis, dum maxima est, non excedit $10''$, eam hic negligimus, & supponimus, omnes rectas, e quocunque terræ puncto ad solem ducantur, esse inter se parallelas, adeoque altitudinem solis e terra visam esse accurate æqualem complemento distantiae oculi spectatoris a puncto medio hemisphærii illuminati.

622. III. His positis, dum punctum aliquod superficiei terrestris est in meridiano, meridianus terrestris, in quo est, cum meridiano cælesti PSQ (Fig. 81 & seqq.) congruit. Igitur arcus distantiae spectatoris ab æquatore, & arcus distantiae loci solis S ab eodem æquatore, in eodem circulo PSQ accipiendi sunt: & hinc si uterque locus sit ad eandem æquatoris partem, differentia arcuum distantiae ab æquatore est distantia eorum inter se; sed si sint ad diversas æquatoris partes, distantia eorum inter se est summa arcuum distantiae ab æquatore, hoc est summa latitudinis geographicæ loci spectatoris in terra, & declinationis solis. Atque

ex hoc facile deducetur ratio omnium phænomenorum vicissitudinis tempestatum anni, inæqualitatis dierum ac noctium, diversarum altitudinum meridianarum solis, cum ista solummodo dependant e combinata declinatione solis cum distantia spectatoris ab æquatore terrestri.

623. IV. Cum axes minores omnium ellipsium a maculis descriptarum sint in plano meridiani cælestis PSQ , arcus ejusdem ellipseos ad æqualem utrinque a meridiano distantiam æquales esse debent, & æqualiter positi: consequenter ejusdem maculæ a puncto medio S hemisphærii illuminati distantia temporibus ante & post transitum per meridianum æqualibus sunt æquales: seu, quod idem est, altitudo solis æqualibus ante, & post meridiem temporis intervallis eadem est. Atque ex hoc licet tempus verum in terra observare (325).

ARTICULUS VIII.

Phænomena exposita Geometricæ & Trigonometricæ determinantur.

624. PRO- **BLEMA I.** *D*atis declinatione solis, & latitudine geographica puncti in superficie Planetæ, ellipsin ejus paralleli geometricè describere, & determinare loca, in quibus quavis diei, noctisve hora existit.

Resolutio. Repræsentet circulus $EZCR$ (fig. 90) discum illuminatum; EC axem eclipticæ. Determinato (607) situ unius e polis P , ducatur diameter $MPSQ$, quæ erit projectio meridiani; accipiantur in ea partes SF , æqualis sinui latitudinis geographicæ, & SI , æqualis sinui differentia inter latitudinem geographicam & declinationem datam; SN vero æqualis sinui earum summæ (fit hoc expedite, si utrinque a puncto M accipiantur arcus MT , æquales complemento latitudinis geographicæ; & arcus TD , TR æquales declinationi solis: ducanturque TT , RR , DD); habebitur $TF T$, diameter paralleli puncti dati, quæ simul erit axis major ellipseos (356); & IN , axis minor. Nam (622) quando declinatio, & latitudo geographica sunt ejusdem nominis, locus puncti dati in disco illuminato est in meridie in I ; quando vero declinatio est diversi nominis, locus puncti dati in meridie est in N . Itaque in casu priore est N locus puncti dati media nocte sub disco, & in casu altero est punctum datum media nocte in I . Hoc posito, centro V , medio partis IN puncto, describantur duo circuli radiis VN , & FT : dividatur uterque in quindenos gradus, initio a Meridiano MQ sumto, determinabitur (361) ellipsis, quæ erit projectio quæsitæ, itaque simul divisa, ut punctum datum quavis

quavis hora in locis in ea notatis reperiatur: & siquidem declinatio & latitudo Geographica sint ejusdem nominis, pars inferior ellipsis inter duo puncta circa T & T comprehensa, in quibus limbum disci tangit, designabit tempus, quo sol visibilis est, seu diei longitudinem; pars autem ejus superior, nocturnum tempus exhibebit: oppositum fiet, si declinatio habeat diversam denominationem. Itaque puncta contactus ellipseos cum limbo disci, horam ortus & occasus puncti dati respectu solis determinabunt. Ordo horarum diurnarum est ab occasu in in ortum, quippe cum hac directione hemisphaerium illuminatum planetae respectu solis moveatur.

625. *Observa:* In ejusmodi projectione omnes peculiares affectione motu diurni geographice exprimi possent; verum omittemus ista, quoniam multo major accuratio per calculum trigonometriæ sphaericæ habetur. Itaque ostendemus solum, quare ratione in disco illuminato inveniri debeant triangula sphaerica ad id requisita, figura rudiùs constructa, utpote quæ solum in persequendo calculo nos dirigat.

626. **PROBLEMA II.** *Datis tribus ex his quatuor, Primo latitudine Geographica puncti cujusvis in superficie planetae, v. g. telluris; Secundo declinatione solis; Tertio momento quocunque temporis veri, quod in loco puncti dati numeratur; Quarto altitudine solis ex eo puncto visa, invenire quantum ope calculi Trigonometrici.*

Casus I, quando latitudo Geographica & declinatio solis habent diversam denominationem. Esto latitudo Geographica $48^{\circ}, 51'$ Borealis; declinatio solis $13^{\circ}, 18'$ Australis; tempus datum, tres horæ ante meridiem. Describatur circulus EICR (fig. 92) qui designet discum illuminatum: notentur in eo poli eclipticæ E, C; & quia declinatio solis est australis, prope C ducatur recta GH, quæ exhibeat circiter viam poli antarctici, tum in disco illuminato versantis: designetur in ea locus poli antarctici Q, 13 circiter gradibus a limbo. Tum descripto per Q & S circulo QSGM, qui meridianum cælestem repræsentat, in distantia Qg 90° ducatur æquator TgR, & supra eum in distantia gM $48^{\circ}, 51'$ parallelus IMLV, qui viam puncti dati in disco illuminato designat. Est autem punctum æquatoris T ad occasum punctorum terræ, R ad eorum ortum. In arcu æquatoris gR accipiatur gO = 45° , a meridiano g versus occidentem numeratis, cum tempus datum sit trium horarum ante meridiem, & $3h = 45^{\circ}$. Per polum Q, & punctum O ducatur arcus circuli maximi, parallelum, seu viam puncti dati IMLV, secans in L: erit punctum L locus verus puncti dati in disco illuminato tempore dato. Denique per centrum S & punctum L describatur quadrans circuli SLN; erit LN arcus distantiae puncti

E e
dati

dati L a limbo hemisphærii illuminati, aut, quod idem est, (621) altitudo centri solis e puncto L visa. His positis, in triangulo sphærico $S Q L$, latus $S Q$ æquatur distantia solis a polo, sive complemento declinationis solis $S g$, adeoque in nostro exemplo est $S Q$ $76^{\circ}, 42'$; arcus $Q L = Q O + O L = 90^{\circ} + 48^{\circ}, 51'$, hoc est $= 138^{\circ}, 51'$; anguli $S Q L$ ad polum mensura est arcus $g O = 45^{\circ}$; latus $S L$ est distantia solis a zenith. Unde cognitis tribus ex his, quantum facile per calculum invenitur; v. g. $S L$ reperietur $73^{\circ}, 47'$; adeoque $L N$ $16^{\circ}, 13'$.

627 Casus II, quando latitudo Geographica, & declinatio solis sunt ejusdem denominationis. Sit itaque illa $48^{\circ}, 51'$ Borealis; hæc vero $13^{\circ}, 18'$ itidem borealis: detur idem tempus, quod prius, nempe tres horæ ante meridiem: quæretur altitudo solis. Circulus $E C T$ (fig. 93) exhibeat discum illuminatum, S locum solis, E & C polos eclipticæ. Quoniam declinatio solis est Borealis, polus æquatoris borealis versatur in disco illuminato, cujus via circa polum E sit $A P B$, locus vero circiter in P . Meridianus cælestis designetur per $P S g$; æquator in distantia 90° a polo P per $T g R$, & parallelus loci dati per $I M L V$, in distantia $48^{\circ}, 51'$ ab æquatore. Si, ut prius, accipiatur in æquatore $g O$ 45° versus occidentem, & ducatur $P L O$, hujus cum parallelo $I M L V$ intersectio determinat locum L , in quo est punctum datum tempore dato: & si porro ducatur $S L N$, arcus $L N$ est altitudo solis. Reperitur vero iterum ope complementi sui $S L$, quod est latus trianguli sphærici $P S L$, in quo notum est $P L$ $41^{\circ}, 9'$, complementum distantia loci dati L ab æquatore $L O$; item $S P$, $76^{\circ}, 42'$, complementum declinationis solis $S g$; denique angulus $S P L$, quem metitur arcus $g O$ 45° ; reperietur itaque $S L$ $51^{\circ}, 14' \frac{1}{2}$, & hinc altitudo solis $38^{\circ}, 45' \frac{1}{2}$.

628. Ex resolutione horum triangulorum inveniri etiam potest hora ortus vel occasus solis pro quovis telluris loco, cujus latitudo Geographica cum declinatione solis datur. In iisdem enim triangulis $Q S L$, vel $P S L$ arcus $S L$ sumendus est 90° , hoc est, puncta N & L debent coincidere; arcus $Q S$, vel $P S$ pariter notus est, cum sit complementum declinationis sive australis, sive Borealis: denique scitur etiam arcus $Q L$ vel $P L$ ex latitudine Geographica loci dati: unde restat solum, ut inveniat angulus $S Q L$ vel $S P L$, qui in tempus conversus (tributis 360° viginti & quatuor horis) dat intervallum temporis inter appulsum puncti dati ad meridianum, & appulsum ejusdem ad limbum disci illuminati. Hoc intervallum *arcus semidiurnus* dici solet. Hac ratione invenietur (fig. 92), angulus $S Q L = 69^{\circ}, 32'$, seu 4 h. $38', 8''$ in tempore; & angulus $S P L$ (fig.

(fig. 93) = $110^{\circ}, 28'$, five in tempus conversus, 7 h, 21', 52". Duplum arcus semidiurni determinat moram loci dati in disco illuminato tempore unius revolutionis diurnæ terræ.

ARTICULUS IX.

Quædam observanda circa Theoriam præcedentem; & de præcessione æquinoctiorum.

629. I. **Q**uæ hucusque de viis ellipticis macularum alicuius Planetæ diximus, non nisi quantum sensibus percipi potest, vera sunt. *Primo* enim, cum Planetæ perpetuo motu annuo in sua orbita progrediantur, viæ illæ in se sunt epicycloides; & quoniam oblique spectantur, sunt epicycloides ellipticæ. *Secundo* quia axis minor harum ellipsium jam longior, jam brevior perpetuo evadit, eædem curvæ sunt species quædam spiraliū ellipticarum. Hinc si rem in se spectemus, ut vere est, curvæ, quæ exhibent vias macularum e sole visas, sunt admodum compositæ, utpote quæ oriuntur ex tribus inter se complicatis motibus, qui in diversis planis peraguntur, scilicet e motu annuo planetæ in plano suæ eclipticæ; ex ejusdem motu diurno in plano sui æquatoris; & e motu annuo apparente & conico axis æquatoris circa axem eclipticæ. Interea tamen in praxi supponuntur hæ curvæ esse veræ ellipses pro tempore valde brevi, v. g. aliquot tantum horarum, cum celeritas angularis motus diurni sit admodum magna, si cum celeritate reliquorum duorum motuum comparetur.

630. II. Momentis, quibus eædem anni tempestates redeunt, collatis cum momentis, quibus nova terræ revolutio respectu ejusdem stellæ fixæ incipit, animadversum est, quod tempus reditus ejusdem tempestatis anni prævertat revolutiones annuas $20'$ in tempore, adeoque revolutio apparens annua polorum æquatoris terrestris circa polos eclipticæ absolvatur intra 365 d. 5 h. 49'; & revolutio terræ circa solem intra 365 d. 6 h. 9'; ita, ut dum polus æquatoris circa polum eclipticæ jam videtur descripsisse 360° , terra circa solem reipsa non confecerit, nisi $359^{\circ}, 59', 10''$. Ex quo apparet, punctum intersectionis plani æquatoris cum plano eclipticæ (quod est punctum æquinoctiale) debere singulis annis $50''$ videri regredi. Motus hic *præcessio æquinoctiorum* vocatur, (hujus calculum vide Sect. VI. Cap. I. Artic. 9).

S E C T I O Q U I N T A.

Complectens Partem Tertiam Astronomiæ Solaris,

Sive

Explicationem motuum planetarum secundariorum e sole visorum.

Ut de legibus motuum planetarum secundariorum, seu satellitum, aliquid certi constitui possit, assumenda sunt observata quædam indubitata, ex quibus, quemadmodum in præcedentibus fecimus, sequelæ evidente nexu conjunctæ deducantur. Itaque observator noster, quem in sole collocatum supponemus, consideratis attente Saturni, Jovisque satellitibus, ac illo telluris comite, quem suo nomine *lunam* vocabimus, sequentes faciet animadversiones.

631. Phænomenon I. Satellites Saturni, Jovis, ac terræ alternis vicibus ad partem orientalem, & occidentalem suorum primariorum conspiciuntur, jam in hanc, jam in alteram plagam digressi: cumque in maxima sunt digressionem, quantum ex una, tantum ex altera parte distant; atque æqualibus fere temporis intervallis ad eandem ex eadem parte digressionem veniunt. Sequens Tabula tempora reditus ad eandem digressionem, & quantitatem elongationis maximæ a centro eorum primarii exhibet.

		Tempora, quibus singuli satel- lites ad eandem ex eadem par- te digressionem redeunt.				Digressio maxima orientalis & oc- cidentalıs satellitum in semidiame- tris primarii.									
		Dies	horæ	minuta	secunda										
Satellitum Saturni	}	1	21	18	27	-	-	-	-	-	-	-	-	-	8 $\frac{7}{8}$.
		2	17	41	22	-	-	-	-	-	-	-	-	-	11 $\frac{1}{4}$.
		4	12	25	12	-	-	-	-	-	-	-	-	-	15.
		15	22	41	14	-	-	-	-	-	-	-	-	-	56.
		79	7	48	0	-	-	-	-	-	-	-	-	-	108.
Satellitum Jovis	}	1	18	28	36	-	-	-	-	-	-	-	-	-	5 $\frac{2}{3}$.
		3	13	18	52	-	-	-	-	-	-	-	-	-	9.
		7	3	59	40	-	-	-	-	-	-	-	-	-	14 $\frac{1}{3}$.
		16	18	5	6	-	-	-	-	-	-	-	-	-	25 $\frac{1}{3}$.
Lunæ	-	29	12	44	3	-	-	-	-	-	-	-	-	-	60 $\frac{1}{2}$.

Ex his digressionibus & temporibus satellites alter ab altero distinguuntur: ita dicitur *satelles primus* Saturni, vel Jovis, ille, qui minimum omnium ab eo digreditur, minimoque omnium tempore revolutionem suam peragit; *secundus* est, qui post primum habet minimam elongationem, & sic de aliis.

632. Ex hoc Phænomeno sequitur, quod quæcunque sit satellitum orbita, ea tamen in se redeat, ut circulus vel ellipsis; & quod planeta primarius

marius sit in ea orbitæ hujus diametro, cujus directio ad solem tendit. Id enim nisi esset, digressio satellitum versus occidentem non foret æqualis digressioni versus orientem.

633: Phænomenon II. Quando satellites a digressionē occidentali ad digressionem orientalem progrediuntur, sæpiissime fit, ut sub disco planetæ primarii occultentur, ultra quem consequenter transeunt: sunt tamen aliqui, qui vel supra, vel infra eundem transeunt, nunquam tamen cis eum. Ex opposito, in progressu a digressionē orientali ad occidentalem, nunquam post discum primarii transeunt, sed ante eum; vel vero, si in priore casu ultra planetam supra discum transierunt, in hoc infra eum transeunt cis planetam, & vicissim.

634. Ex hoc phænomeno tria deducuntur. Primo. Satellites omnes versus eandem partem moveri. Secundo. Primarium esse intra eorum orbitas, seu, quod idem est, satellites circa primarios suos revolvi. Tertio. Plana orbitarum satellitum esse inclinata ad planum orbitæ primarii.

Nam primo, si satellites non omnes moverentur eadem directione, quidam in progressu a digressionē orientali ad occidentalem deberent cis primarium transire, quidam trans eum.

Secundo. Si orbita alicujus satellitis esset respectu solis tota trans primarium, satellites nunquam posset per discum illius transire; & si esset tota cis primarium, satellites nunquam foret sub disco.

635. Duplex igitur conjunctio cum primario contingit in revolutione satellitis; altera respectu solis trans primarium in transitu a digressionē occidentali ad orientalem, diciturque *conjunctio superior*; altera cis eum in transitu a digressionē orientali ad occidentalem, estque *conjunctio inferior*. Vocatur etiam *semicirculus superior* satellitis ea pars orbitæ, intra puncta digressionis orientalis & occidentalis maximæ comprehensa, in qua fit conjunctio superior; & *semicirculus inferior* pars altera, in qua fit conjunctio inferior.

Tertio. Si plana orbitarum satellitum essent parallela ad planum orbitæ planetæ primarii, producta transirent per solem, cum planum orbitæ cujusvis primarii per eum transeat: & hinc omnes satellites viderentur semper moveri in linea recta juxta diametrum planetæ (581), in qua a plano orbitæ suæ secatur: adeoque nunquam supra vel infra centrum sui primarii transirent, quando cum eodem sunt in conjunctioe.

636. Illud quoque ex hoc phænomeno sequitur, quod si planetæ, eorumque satellites, aliud non habeant lumen, nisi quod a sole participant, quando satellites ante discum sui primarii in conjunctioe inferiore transit, debeat illis planeticolis solem obtegere, qui infra ejus semitam habitant, seu, quod est idem, ejusmodi planeticolæ in ejus umbram incurrere debeant; unde horum respectu tunc *eclipsis solis* erit. Dum autem in conjunctioe superiore infra

discum

discum primarii transit, fatelles in ejus umbram immergi debeat, ac tamdiu luce solari destitui, oculisque eripi, quamdiu in illa umbra manet. Quare tunc incolis primarii continget *eclipsis satellitis*, feu *lunæ*.

637. *Phænomenon III. Semitæ singulorum satellitum, si ad centrum sui primarii referantur, quandoque totæ apparent rectilineæ, per centrum transeuntes, ac ad orbitam illius certa ratione inclinatæ. Paulo post in ellipses abeunt, quæ magis ac magis sese pandunt, axibus ad parallelismum cum plano orbitæ vergentibus, itaque apparent per quartam revolutionis annuæ primarii partem, postquam conjunctiones superiores fiunt ex parte boreali centri primarii, & conjunctiones inferiores ad meridiem respectu ejusdem: post hæc durante altera quarta revolutionis parte ellipses contrahuntur, earum axes contrariam priori inclinationem acquirunt, satellites in conjunctionibus propius ad centrum transeunt, ita ut tandem ellipses in lineas rectas videantur mutatæ, eadem quantitate, sed in partem oppositam priori, inclinatæ. Tum per sequentem revolutionis annuæ quadrantem sese rursus in formam ellipticam explicant; conjunctiones superiores ad meridiem centri, inferiores ad boream contingunt. Denique ultimo revolutionis quadrante latitudo ellipseos minuitur, omniaque ad pristinum situm restituantur, primario ad idem orbitæ suæ punctum redeunte. Hinc tamen excipi debet luna, cujus orbitæ phasæ post octoginta & sex dies semper mutantur, hoc est, intervallo quinque fere diebus minore, quam sit quadrans revolutionis annuæ telluris, ita ut lunæ orbita, jam secundo fiat rectilinea, dum terra adhuc $19^{\circ}, 20'$ percurrere debet, ut revolutionem integram absolvat.*

638. *Causa hujus phænomeni est obliquitas planorum orbitarum satellitum ad planum orbitæ eorum primarii. Ex quo infertur, vias satellitum eadem accurate debere habere phænomena cum semitis macularum planetarum, adeoque easdem deducendas esse sequelas. Sic*

639. *Primo. Dum via satellitis apparet rectilinea, oculus observatoris, consequenter sol, debet esse (601) in plano illius orbitæ; & quia sol semper est in plano orbitæ primarii (25), sequitur, solem tunc esse in linea communis intersectionis utriusque plani. Est autem (242) sol semper in puncto diametraliter opposito loco primarii: itaque via, quam fatelles describit, e sole visa est rectilinea, & per centrum primarii transit, dum primarius est in linea intersectionis plani suæ orbitæ cum plano orbitæ satellitis.*

640. *Recta, in qua planum orbitæ satellitis fecat planum orbitæ primarii, dicitur linea nodorum; & nodus ascendens satellitis est illud punctum, ultra quod conjunctiones superiores incipiunt fieri ad partem borealem centri primarii; nodus vero descendens est illud, ultra quod conjunctiones superiores incipiunt fieri ad partem meridionalem centri primarii.*

641. *Secundo.* Inclinatione harum rectorum indicat inclinationem plani orbitæ cuiusvis satellitis ad planum orbitæ primarii (605).

642. *Tertio.* Omnes ejusdem primarii satellites esse in eodem plano, & habere nodum eundem, colligitur, si eorum orbitæ omnes simul appareant rectilineæ, & per centrum transeant, eandemque habeant inclinationem. Ex opposito, plana eorum, nodos, & inclinationem esse diversa, infertur tum ex diversa inclinatione viarum rectilinearum, tum ex diversitate locorum, in quibus est primarius, quando satellitum orbitæ fiunt rectilineæ.

643. Atque hac ratione determinari potest inclinatio viæ rectilineæ, quam luna describere videtur, ad planum eclipticæ, 5° , $9'$ fere, qui angulus inclinationem orbitæ lunæ ad eclipticam mensurat; item retrogradatio annua nodorum lunæ 19° , $20'$; nam dum terra suam revolutionem absolvit, 19° , $20'$ abest ab illo puncto, in quo via lunæ e sole visa ab initio revolutionis apparebat rectilinea.

Similiter invenitur, quod nodus ascendens quinque satellitum Saturni sit circa 20° ♊, numerationis initio a prima stella arietis facto, quoniam viæ omnium horum satellitum videntur rectilineæ, Saturno in 20° ♊ existente; item quod plana orbitarum primorum quatuor inclinentur ad planum orbitæ h̄ circiter 30° ; quinti vero fere 15° : ita, ut a 20° ♊ usque ad 20° ♎ conjunctiones superiores fiant ad boream respectu centri Saturni. Pariter reperitur nodus ascendens satellitum Jovis in 15° ♋; inclinatio eorum orbitarum circiter 2° , $55'$. Denique hinc eruitur, nodos & inclinationem in his esse fere constantem, cum eadem phasces redeant, dum Saturnus & Jupiter in iisdem circiter suarum orbitarum punctis versantur.

644. *Observa.* In explicatione physica Theoriæ Lunæ patebit (Sect. VI. Cap. I. Art. VI.) lineam nodorum satellitum non posse esse immobilem, nec inclinationem constantem. Hinc etiam inæqualitates notabiles deprehensæ sunt, quæ de re consuli possunt, quæ in monumentis Acad. Reg. scient. diversis locis a DD. Maraldi sunt annotata.

645. *Quarto.* Si orbita satellitis circa suum primarium sit valde arcta, eiusque planum exiguam inclinationem habeat ad planum orbitæ primarii, in omnibus conjunctionibus inferioribus satelles alicui parti superficiei primarii solem occultat, atque illius aspectum iis locis eripit successive, per quæ umbra ab eo projecta transit, unde his locis tum *eclipsis solaris* fiet. In omnibus autem conjunctionibus superioribus idem satelles umbram primarii trajicere debet, ac eclipsin pati.

646. *Quinto.* At si vel exiguam inclinationem habeat satellitis orbita, si magna admodum sit, ut quarti & quinti satellitis Saturni; quarti item satellitis Jovis, & Lunæ, in conjunctionibus, quæ lon-

longe a nodis fiunt, dum orbita apparet ellipsis tam lata, ut ejus diameter minor diametrum primarii excedat, in conjunctionibus, inquam, inferioribus fatelles nullam primarii partem soli obtegat, adeoque nulla tunc esse potest eclipsis solaris; & in conjunctionibus superioribus primarius radios solares, quo minus ad satellitem pertingant, non impedit; hinc nulla eclipsis satellitis, seu lunaris fit: itaque *eclipses non contingunt, nisi dum syzygiæ prope nodos orbium satellitum fiunt.*

647. Igitur planeta primario in ipso nodo momento conjunctionis inferioris existente, in eclipsi solari umbra satellitis per medium disci primarii transit; & in conjunctione superiore fatelles per axem coni umbrosi a primario projecti transit.

648. Quo primarius longius a nodo abest, eo remotius a centro umbra satellitis per discum illuminatum in conjunctionibus inferioribus transit; eo etiam remotius a centro umbræ fatelles in conjunctionibus superioribus transit.

649. Dum planeta primarius jam prope puncta illa suæ orbitæ attingit (attamen adhuc intra illa existit) in quibus si versetur, satellites remotiores non amplius patiuntur eclipsin (dicuntur ea puncta *limites ecliptici*), non nisi pars satellitis in conjunctionibus inferioribus aliquantum ex superficie primarii soli obtegat; & in conjunctionibus superioribus pars tantum satellitis in umbram primarii immergitur, eoque minor, quo primarius limitibus vicinior est. Ejusmodi eclipses vocantur *partiales*; aliæ *totales*. Igitur *eclipses, quæ fiunt prope nodos, sunt totales; quæ contingunt prope limites (attamen intra eos) partiales sunt.*

650. Illud quoque manifestum est, quod in conjunctionibus inferioribus eclipticis solis aspectus non eripiat non nisi illis locis superficiei primarii, quæ sunt in ipsa semita umbræ satellitis: igitur si planeta primarius respectu satellitis habeat magnitudinem non ita modicam, ejus incolæ ab intersectione cum eclipticæ plano remotiores, non habebunt eclipsin solarem, nisi quando fatelles aliquantum distat a plano eclipticæ sui primarii versus illam partem, in qua ipsi habitant: & tunc illi, qui existunt ex altera eclipticæ parte, non videbunt hanc eclipsin. Hinc respectu incolarum planetæ circa ejus polos habitantium, *eclipsis solaris non contingit, nisi fatelles habeat aliquam latitudinem ejusdem nominis cum elevatione poli horum incolarum.* Atque ideo Parisiis, ubi altitudo poli Borealis est 48° , $51'$, eclipses solis non sunt notabiles, nisi luna in conjunctione habeat latitudinem borealem 30 , vel 40 minutorum.

651. Ex opposito in conjunctionibus superioribus, dum fatelles in umbram immergitur, ejus lux deficit, e quacunque mundi plaga spectetur. Unde fieri nequit, ut fatelles respectu quorundam patia-

patiatur eclipsin, non item respectu aliorum. Itaque dici possunt *eclipses lunæ vel satellitum universales; solares vero tantum respectu aliquorum planetæ primarii incolarum fieri.*

652. In eclipsibus solaribus fieri potest, ut satelles e suo primario visus non appareat tam magnus, ut spectatori totum solem tegat, sed solummodo partem ejus circa centrum, limbis adhuc visibilibus, & undique annulum lucidum efformantibus. Hujus generis eclipsis dicitur *eclipsis annularis*. Verum quando satelles ita magnus videtur, ut totum solem Planeticolis cooperiat, eclipsis simpliciter *totalis* appellatur.

653. Denique cum eclipsis solaris solum ex successiva interpositione satellitis inter solem & planetam primarium oriatur, qua tractus quidam umbræ satellitis efficitur successive per diversa superficiei primarii loca transiens; facile intelligitur *primo*, eclipsin tunc incipere alicui spectatori, quando satelles motu suo adeo propinquus factus est loco solis apparenti, ut distantia centri satellitis a centro solis videatur æqualis summæ angulorum, sub quibus semidiametri satellitis & solis eidem spectatori apparent; finiri autem tunc, quando centrum satellitis ad eandem distantiam a centro solis iterum recessit. *Secundo*, spectatori in certo superficiei Planetæ loco posito tum primo videri eclipsin initium sumere, quando alteri alio in loco sito jam ejus medium est; imo finiri alicubi, dum alibi nondum incipit. *Tertio*, Planeticolas ad limbos interiores umbræ positos non nisi momento habere eclipsin totalem, dum alii profundius umbræ immerfi longiore tempore totalem habent. *Quarto*, Eos vero, qui ad limbum umbræ externum sunt collocati, partem solummodo solis obscuratam videre, eo quidem minorem, quo longius ab umbræ limite sunt remoti, quippe quibus pars tantum satellitis solis aspectum impedit, ita ut in certa a limbo umbræ distantia nulla prorsus eclipsis videatur. Atque hac ratione eadem eclipsis solaris potest esse totalis in certa Planetæ regione, partialis in altera: hic quidem obscurari potest pars disci solaris septentrionalis, illic australis.

654. At vero in eclipsibus satellitum, ut satelles umbram ingreditur, partesque illius illuminari ac videri cessant; ita omnes, qui satellitem spectare possunt, vident eum tempore eodem eademque quantitate in umbram immergi; totum quidem, si eclipsis sit totalis; partem, si sit partialis. Universim, duo quivis spectatores nullam diversitatem in phasibus eclipseos lunæ, aut satellitis observare possunt, quibuscunque in locis sint positi, modo satelles utrique sit visibilis.

655. Hinc deducitur, observationes temporum, quibus eadem phasēs in eclipsibus satellitum contingunt, peculiarem usum habere in determinatione immediata differentiae meridianorum locorum duorum, in quibus observationes sunt factae: sed tempora observata in phasibus eclipsium solarium eam differentiam non ostendunt, nisi debitae prius reductiones fiant: id, quod in sequentibus uberius explicabitur.

656. Illud hic observandum, propagationem luminis, quae non fit instantanee, efficere, ut eadem phasis eclipsios e diversis universi locis spectata eo tardius videatur contingere, quo oculus observatoris a planeta vel ejus satellite est remotior. Reipsa advertitur, ceteris omnibus paribus, eclipses satellitum Jovis in superficie telluris observatas fieri 8 circiter minutis temporis tardius, dum Jupiter est prope quadraturas suas cum sole, quam dum est in oppositione. Jam vero planeta, dum prope quadraturas est, respectu terrae fere tantumdem ab ea distat, quando autem est in oppositione, telluri vicinior est, quam soli, toto intervallo distantiae terrae a sole: unde concluditur, juxta observationes lumen indigere 8', ut hanc distantiam percurrat, adeoque si ejus motus sit æquabilis, radios e sole exeuntes non nisi post 8' circiter ad terram pertingere. Verum quia luna plus tercenties vicinior telluri, quam sol, lumen non opus habet, nisi 2'' temporis, ut ab ea ad terram propagetur: hinc motus luminis in usu observationum lunæ non attenditur.

657. *Phænomenon IV. Si motus satellitum referantur ad stellas fixas, & non ad centrum primarii; tres priores satellites Saturni, & primus Jovis, sunt Primo stationarii, seu quodammodo immoti aliquo tempore in duobus locis orbitæ, nempe ante digressionem occidentalem, & post digressionem orientalem. Secundo directi sunt, seu secundum ordinem signorum Zodiaci progrediuntur, post stationem occidentalem, usque ad stationem orientalem. Tertio fiunt retrogradi, seu moventur contra signorum ordinem, post stationem orientalem usque ad stationem occidentalem. Quarto quando hi planetae secundarii sunt in suis digressionibus, nec tardius, nec celerius, quam eorum primarii, moventur; sed eorum velocitas augetur post locum alterum stationis usque ad proximam conjunctionem; inde vero retardatur usque ad punctum stationis sequentis. Quinto longiore tempore indigent, ut a digressionem occidentali veniant ad digressionem orientalem, quam ut ab hac ad illam pertingant, quamvis eorum velocitas major sit in conjunctione superiore, quam in inferiore.*

658. *Sed luna, quartus & quintus satelles Saturni; secundus, tertius & quartus Jovis semper sunt directi, nunquam stationarii: in suis digressionibus eandem accurate habent velocitatem, quam eorum primarii, quemadmodum & reliqui; verum postea in transitu a digressionem occidentali ad conjunctionem superiorem, motum accelerant, transeuntque ultra primarium ad orientem: post conjunctionem superiorem, velocitas eorum iterum minuitur, ita ut in digressionem orientali æquetur velocitati primarii. Post hæc velocitas ita pergit minui, ut primarius motu suo ultra hos satellites in eorum conjunctione inferiore transeat, eosdemque post se ad occidentem relinquat. Hac peracta conjunctione celeritas satellitum augetur, fitque in digressionem occidentali velocitati primarii æqualis, itaque deinceps easdem variationes apparentes continuat.*

659. Quamvis omnia ista phænomena facile ex Theoria motus relativi & epicycloidum explicari possint, uti eam motui apparenti planetarum e terra viso superius applicuimus; ostendemus tamen, quomodo independenter ab hac theoria exponi queant.

660. Manifestum est, tria esse, quæ motui alicujus satellitis apparenti, dum ad stellam fixam quampiam refertur, varietatem inducunt, *primo* velocitatem realem satellitis. *Secundo* ejus directionem ad spectatorem relata. *Tertio* velocitatem ipsius planetæ primarii, orbitam satellitis secum abripiens, adeoque ipsum etiam satellitem directione sui motus.

661. Velocitas vera satellitum ad sensum æquabilis est, utpote in orbitis fere circularibus motorum: supponamus talem quoque esse velocitatem primarii: inæqualitates enim motus proprii Saturni, Jovis, & terræ, tantæ non sunt, ut tam magnas variationes in his phænomenis efficere possent: supponamus præterea, S (Fig. 91) esse locum solis, I locum planetæ primarii in sua orbita directione IK progredientis. O D B G sit orbita satellitis. Ducatur ex S per I recta SO, quæ punctum O, in quo fit conjunctio superior, determinabit, uti etiam punctum C conjunctio inferioris. Denique si rectæ SD, SG tangant orbitam, designabit punctum D digressionem orientalem, & G digressionem occidentalem.

662. *Primo.* Dum satelles est in sua conjunctio superiore ad O, cum ejus directio OA sit ad radium SO perpendicularis, seu, quod idem est, parallela, & versus eandem partem cum directione primarii, satelles, si ad punctum fixum referatur, videtur moveri velocitate æquali summæ velocitatis veræ propriæ & velocitatis veræ primarii: igitur velocitas & motus apparens satellitis est tunc omnium maximus, & directus.

663. *Secundo.* Quando satelles versatur in P, inter conjunctionem superiorem, & digressionem orientalem, cum ejus directio PQ sit ad radium SP obliqua, consequenter etiam ad directionem primarii IK; oculus in S constitutus nequit ejus velocitatem talem videre, qualis in se est; sed solummodo apparet ei ut PT, adeoque minor, quam reipsa sit: unde tunc satellitis motus videtur directus etiamnum, & æqualis summæ ex PT, & motu vero primarii. Atque adeo in transitu a conjunctio superiore ad digressionem orientalem satelles apparet directus, sed ejus velocitas magis, ac magis semper decrescit, cum ejus motus directio semper fiat magis obliqua respectu oculi observatoris.

664. *Tertio.* Quando satelles ad digressionem orientalem in D pervenit, quoniam ejus directio DR cum radio SD coincidit, debet videri nec secundum ordinem signorum IK, nec contra hunc

ordinem IM moveri; sed quemadmodum in eodem radio SD perstat, ita absque omni motu appareret, nisi motu primarii abriperetur. Igitur fatelles in digressionem orientalem est directus, & ejus celeritas est accurate æqualis celeritati primarii.

665. *Quinto.* Post digressionem orientalem cum fatelles ad H pervenit, ejus motus veri directio HF est contra signorum ordinem; sed quia ad radium SH obliqua est, ejus velocitas tantum apparet ut HN: & hic quidem triplex potest esse casus: nam vel HN est minor, quam velocitas vera primarii secundum signorum ordinem; & tunc excessu velocitatis veræ primarii supra velocitatem apparentem HN fatelles abripitur a primario secundum ordinem signorum; vel HN est æqualis velocitati primarii secundum ordinem signorum; & tunc duabus his velocitatibus sese destruentibus fatelles videtur sine motu, & stationarius. Vel denique HN major est velocitate vera primarii; & tunc fatelles videtur retrogradus velocitate æquali excessui HN supra velocitatem veram primarii. Et quoniam directio motus satellitis semper minus obliqua fit ad radium e sole ductum, ita ut tandem in loco conjunctionis inferioris C sit ad eum normalis, consequens est, ut in transitu a digressionem orientalem usque ad conjunctionem inferiorem satellitis celeritas contra signorum ordinem augeatur, ejusque motus componatur ex differentia velocitatis veræ primarii, & velocitate apparente satellitis. Ergo in transitu a digressionem orientalem ad conjunctionem inferiorem, fatelles videbitur stationarius, postea retrogradus celeritate crescente, si ejus velocitas apparens contra signorum ordinem possit primo quidem æquare, deinde vero superare velocitatem veram primarii, id, quod contingit in primo, secundo, & tertio h, & primo satellite 4; verum si satellitis velocitas apparens contra signorum ordinem nequeat æquare velocitatem veram primarii secundum ordinem signorum progredientis, fatelles nec stationarius, nec retrogradus apparebit, sed solum ejus velocitas videbitur minui: & hoc evenit lunæ, secundo, tertio & quarto satelliti 4, item quarto & quinto h.

666. *Quinto.* In conjunctione inferiore ad C, cum satellitis directio CB contra signorum ordinem tota visui exponatur, differentia ejus a velocitate vera primarii erit hic omnium maxima. Itaque in conjunctione inferiore vel satellitis retrogradi velocitas est maxima omnium, quas toto retrogradationis tempore habet; vel vero si fatelles semper manet directus, est omnium minima secundum signorum ordinem.

667. *Sexto.* In transitu a conjunctione inferiore ad digressionem occidentalem in G, directio motus veri & retrogradi satellitis, fit sem-

semper magis obliqua ad oculum observatoris, & hinc is semper magis retardari videtur: igitur differentia inter velocitatem apparentem satellitis, & velocitatem veram primarii semper crescit: & hinc si satelles in conjunctione inferiore fuit retrogradus, ejus velocitas contra signorum ordinem decrescit, ut primo fiat stationarius, postea directus; aut si in conjunctione inferiore non fuit retrogradus, ejus velocitas apparens secundum ordinem signorum semper magis crescit.

668. *Septimo.* In digressionem occidentali G manifestum est, apparentem velocitatem satellitis æqualem esse velocitati veræ primarii, quemadmodum in digressionem orientali D.

669. *Octavo.* In transitu a digressionem occidentali ad conjunctionem superiorem, directio motus veri satellitis est secundum signorum ordinem, semperque minus obliqua fit ad observatoris oculum: unde hic ejus velocitas addenda est velocitati primarii, & summa utriusque semper crescit usque ad conjunctionem superiorem in O.

670. Ex his facile quoque apparet *primo*, cur velocitas satellitis retrogradi in conjunctione inferiore sit minor velocitate in conjunctione superiore, dum secundum ordinem signorum movetur; illa enim est differentia velocitatum verarum satellitis & primarii; hæc vero earundem summa. *Secundo* cur satelles longiore tempore indigeat, ut a digressionem occidentali veniat ad digressionem orientalem, quam ut ab orientali ad occidentalem redeat: nam radii tangentes SE, SG nequeunt dimidiam orbitam satellitis interceptare, sed tantum ejus partem DCB; alias enim inter se paralleli esse deberent, adeoque orbita satellitis ad infinitam a sole distantiam remota. Hinc autem sequitur, quod quo orbita alicujus satellitis minor fuerit, ac magis a sole remota, eo tempus, quo inferior semicirculus describitur, propius accedat ad æqualitatem cum tempore, quo semicirculus superior percurritur, & ex opposito.

671. Verum ut inveniantur velocitates veræ satellitum, earumque ad velocitatem primarii ratio, ex digressionibus determinanda est ratio radii orbitæ eorum ad radium orbitæ primarii, nec non temporis revolutionis ad tempus revolutionis primarii. Etenim manifestum est, velocitatem alicujus corporis in orbita revoluti eo esse majorem, quo ejus orbita, vel orbitæ radius, major est, & simul quo tempus revolutionis est brevius; ut adeo *velocitates veræ planetarum sint in ratione composita ex directâ radiorum orbitarum, quas describunt, & reciproca temporum periodicorum.*

672. Ut habeatur ratio radii orbitæ satellitis ad radium orbitæ primarii, inveniri debet, quoties radius orbitæ primarii contineat

femidiametrum ipsius primarii, atque is numerus, qui hoc indicat, per quantitatem digressionis satellitis dividi. In exemplo, cum femidiameter Jovis sit $18''\frac{1}{2}$ (vide Tabulam N. 170), si quæeratur in triangulo rectangulo, cujus cathetus minor est $= 1$, & angulus ei oppositus $= 18''\frac{1}{2}$, cathetus major, ea reperietur $= 11151$; itaque radius orbitæ 4 continet 11151 femidiametros 4; & si 11151 dividatur per digressionem primi satellitis Jovis $5\frac{2}{3}$, quotus fit 1964, hinc orbita Jovis est ad orbitam primi satellitis ut 1964 ad 1.

673. Similiter, ut obtineatur ratio temporis periodici satellitis ad tempus periodicum primarii, tempus revolutionis primarii dividendum est per tempus revolutionis satellitis. Atque ita sequens tabula construatur.

	Ratio radii orbitæ primarii ad radium orbitæ cujusvis satellitis.		Ratio temporis periodici primarii ad tempus periodicum cujusvis satellitis.		Ratio velocitatis veræ satellitis cujusque ad velocitatem veram primarii.	
Saturni	1	ut 2905 ad	1	ut 5702 ad	1	ut 5702 ad 2905.
	2	- - 2292 - -	1	- - 3932 - -	1	- - 3932 - - 2292.
	3	- - 1719 - -	1	- - 2382 - -	1	- - 2382 - - 1719.
	4	- - 717 - -	1	- - 675 - -	1	- - 675 - - 717.
	5	- - 238 - -	1	- - 135 - -	1	- - 135 - - 238.
Jovis	1	ut 1964 ad	1	ut 2449 ad	1	ut 2449 ad 1964.
	2	- - 1236 - -	1	- - 1220 - -	1	- - 1220 - - 1236.
	3	- - 778 - -	1	- - 606 - -	1	- - 606 - - 778.
	4	- - 443 - -	1	- - 260 - -	1	- - 260 - - 443.
Lunæ	- - -	ut 320 ad	1	ut $12\frac{1}{2}$ ad	1	ut $12\frac{1}{2}$ ad 320.

674. Ex hac tabula colligitur, primos tres Saturni satellites, & primum Jovis, cum velocitatem veram habeant majorem, quam eorum primarii, debere videri retrogrados in conjunctione inferiore, reliquos perpetuo directos: item secundum satellitem Jovis cujus velocitas vera est prope æqualis velocitati primarii, fere stationarium debere esse in sua conjunctione inferiore.

675. Denique universim liquet, cujusvis satellitis motum e sole visum esse compositum e motu illius proprio, & motu primarii; & hinc in satellitibus duplex revolutionum genus attendendum esse, nempe in primis revolutionem *periodicam*, seu tempus, quo satelles e suo primario spectatus 360 gradus percurrit; deinde revolutionem *synodicam*, quæ est tempus, quo satelles ad eandem respectu solis phasin revertitur. Manifestum autem est, revolutionem periodicam excedi a synodica toto eo tempore, quo satelles in sua orbita arcum tot graduum describit, quot planeta primarius tempore revolutionis periodicæ satellitis confecit.

676. Phænomenon V. Si tempora conjunctionum superiorum comparentur cum temporibus conjunctionum inferiorum in satellitibus Jovis & Saturni, eorum intervalla ad sensum æqualia sunt semirevolutionibus satellitum. At vero in luna hæc intervalla jam longiora sunt, jam breviora, quinque vel sex horis.

Hoc Phænomenon junctum cum primo, ex quo constat, elongationes satellitum utrinque esse æquales ad sensum, ostendit, motum satellitum, quantum sensu percipitur, esse æquabilem, orbitasque eorum esse circulos, quorum centrum primarius occupat; motum autem lunæ irregularitalibus quibusdam notabilibus esse obnoxium, quas deinceps examinabimus.

677. Quod ad causam physicam motus satellitum circa suos primarios attinet, ea analoga est illi, ob quam ipsi planetæ primarii circa solem revolvuntur. Etenim radii vectores satellitum verrunt areas temporibus proportionales, cum orbitæ eorum sint circuli, in quorum centro sunt primarii: radii quoque orbitarum sunt ut radices cubicæ quadratorum temporum periodicorum circa primarios, quemadmodum id facili calculo e Tabula N. 631 reperitur. Credibile igitur est, satellites moveri circa suos primarios motu projectionis cum vi centrali ad planetam primarium tendente composito. In sectione sequente videbimus, quid effectum harum duarum virium augeat quandoque, minuatve.

SECTIO SEXTA.

Continens Partem Tertiam Astronomiæ Terrestris;

Sive

Explicationem Theoriæ lunæ e terra visæ; & hinc ducta analogia, aliorum satellitum, ut e suis primariis spectantur.

CAPUT I.

Theoria motuum lunæ.

678. Quamvis terra sit id respectu lunæ, quod sol respectu terræ, & hinc motus lunæ fere easdem leges sequatur, si ad terram referatur, quas terra respectu solis; attamen tam variæ in eo animadvertæ sunt inæqualitates, ut maxima astronomorum sæculi superioris pars putarit, fieri non posse, ut eæ omnes ad legem quandam constantem revocentur. Atque hinc non nisi postquam a Newtono de-

mon-

monstratum est, vera theoriæ satellitum elementa dependere a gravitate mutua solis, planetæ primarii, & ejus satellitis, tabulæ construi cæperunt, calculis motuum lunarium accuratioribus utiles. Nos ea solum in particulari discutiemus, quæ causis physicis omnium harum inæqualitatum cognoscendis sufficiunt.

ARTICULUS I.

De phasibus lunæ.

679. **P**hases lunæ dicuntur diversæ ejus disci figuræ, quas decursu lunationis integræ nobis exhibet. Nemo est, qui ignoret, die conjunctionis lunæ cum sole, quæ *novilunium*, five *luna nova* appellatur, ejus discum in cælo non videri; die sequenti cornuta facie apparere, convexitate semper soli obversa, atque deinceps cavitatem semper minui usque ad oppositionem cum sole, five *plenilunium*, seu *lunam plenam*, qua discum integrum circularem nobis obvertit. Post hanc pars lunæ occidentalis videri desinit, orientalis successive fit cornuta, semperque tenuior, usque dum ex integro dispareat: tum easdem successive formas resumit.

680. Causa horum phænomenorum in aperto est: luna corpus est globosum, nec lucidum, nec diaphanum. Lumen, quo eam videmus, e sole venit, quemadmodum nec terra aliud recipit, quam solare. Ex regulis autem opticis, & natura corporum sphaericorum, certum est

681. I. *A sole sensibiliter non nisi medietatem superficiei lunæ illustrari.* Itaque lunæ alterum hemisphaerium semper illuminatur, alterum semper est obscurum.

682. Et hinc hemisphaerium illuminatum dividitur ab hemisphaerio obscuro per circulum maximum, cujus planum est semper perpendiculare ad rectam e sole ad lunam ductam. Compendii causa, hunc circulum vocabimus E.

683. II. *Nequit e globo, nisi dimidia circiter superficies, uno aspectu videri.*

684. Unde primo ex omnibus circulis maximis in superficie globi descriptis is solus integer videri potest, qui terminat hemisphaerium visibile (five, quod idem est, cujus planum est perpendiculare ad radium ex oculo ad centrum globi ductum); reliquorum vero omnium necesse est, ut medietas videatur. Circulum hemisphaerium lunæ e superficie telluris visibile terminantem dicemus V.

685. *Secundo* situs plani circuli V respectu telluris est constans, & semper figura circulari apparere debet.

686. III. Ex phænomenis phasium lunæ manifestum est, hemisphærium illuminatum respectu hemisphærii e superficie terræ visibilis facere revolutionem integram singulis lunationibus circa lineam communis intersectionis planorum circulorum E & V, quæ necessario (Trig. 7) est aliqua diameter globi.

687. Hinc *primo* planum circuli E hemisphærium illuminatum terminantis successive omnes situs possibiles respectu radii ex oculo observatoris ad centrum lunæ ducti acquirit; consequenter figura hujus circuli jam apparet circularis, jam elliptica, alias rectilinea, prout ejus planum ad illum radium vel perpendiculare, vel inclinatum fuerit, vel etiam secundum radii longitudinem dispositum.

688. Ex revolutione circuli E circa diametrum circuli V fieri debet, ut pars superficiei lunæ, quæ e terra illuminata apparet, semper comprehendatur inter duos semicirculos, quorum alter (medietas nempe circuli V) semper figura semicirculari videtur (685); alter, medietas circuli E, jam semielliptica, jam etiam instar lineæ rectæ.

689. His ita se habentibus, in conjunctione lunæ cum sole, quando luna accurate inter terram & solem existit, circulus E terminans hemisphærium illuminatum, congruit cum circulo V, hemisphærium visibile terminante; sed quoniam tunc hemisphærium illuminatum, soli directe obversum, a terra aversum est, nulla pars lunæ illuminata videtur.

690. Verum luna in sua revolutione progrediente, hemisphærium illuminatum successive transit in hemisphærium visibile; semicirculi E & V se ad angulos sphæricos acutos interfecant: & hinc aliquo post novilunium tempore spatium quoddam exiguum illuminatum, quod inter semicirculum occidentalem V, & semicirculum E comprehenditur, videri debet. Semicirculus ille E tunc apparet ellipticus, sed ab initio parum a figura semicirculi differt, cum nondum longe a situ perpendiculari ad radium e terra ad lunam ductum ejus planum recessit: convexitas porro hujus ellipsis obvertitur cavitati semicirculi V, & hinc luna cornuta apparet: apices utriusque cornu, qui sunt vertex angulorum sphæricorum, sunt puncta extrema diametri lunæ, circa quam circulus E gyratur.

691. Quando circulus E ulterius semper in hemisphærio visibili progreditur, & ad apices utriusque cornu angulos majores efficit, ejus planum semper magis ad radium e terra ad lunam ductum inclinatur, ideoque ejus media pars semiellipsis videtur, quæ

semper magis contrahitur usque ad quadrantem revolutionis, ubi planum circuli E fit perpendiculare ad planum circuli V, atque adeo secundum longitudinem radii e terra ad lunam ducti porrigitur, ut semiellipsis jam in lineam rectam abeat, figura autem partis lunæ illuminatæ sit semicirculus, semiperipheria disci & diametro terminatus. Hæc lunæ phasis dicitur *primus quadrans*, vel *quadratura prima*.

692. Continuante porro motum suum in hemisphærio visibili semicirculo E, & cum semicirculo V angulos magis & magis obtusos efficiente, semiellipsis (qua figura nempe semicirculus E videtur) convexitatem suam in partem oppositam medietati occidentali circuli V vertit: hinc magis semper, magisque se pandit, & parti illuminatæ lunæ figuram tribuit semper propius ad circulum integrum accedentem, quem quidem refert denique luna in oppositione cum sole, quando planum circuli E fit ad radium e terra ad lunam ductum perpendiculare, totusque hic circulus videtur, & cum circulo V coincidit. Hæc phasis lunæ *plenilunium* vocatur; & tunc circulus E æque dimidiam revolutionem absolvit, ac ipsa luna.

693. Denique circulo E alteram semirevolutionem peragente eadem figuræ redeunt. Semicirculus E, qui cum semicirculo orientali V partem lunæ illuminatam comprehendit, fit denuo semiellipsis, primo quidem semicirculo admodum vicina, postea semper arctior, donec instar lineæ rectæ appareat, quod post tres revolutionis quadrantes contingit, diciturque ea phasis, *ultimus lunæ quadrans*, vel *altera quadratura*. Post hanc phasim ellipsis semper magis panditur, convexitate cavitati semicirculi V obversa: disparet denique, dum, luna nova, cum circulo V congruit.

ARTICULUS II.

Enumerantur præcipua elementa theoriæ motuum lunæ, ex observationibus Astronomicis deducta.

Antequam explicationem theoriæ physicæ lunæ aggrediamur, necessarium duximus, ut sequentia, apud omnes recepta Astronomos, utpote non ex ratiocinio quodam physico, sed ex ipsis deducta observationibus, tanquam certa constituamus.

694. I. Luna revolutionem integram respectu fixarum absolvit intra 27 d. 7 h. 43', 12"; respectu autem primi puncti V, intra 27 d. 7 h. 43', 5"; atque hæc dicitur *revolutio periodica*: respectu so-

lis

lis *revolutio synodica* fit 29 d. 12 h. 44', 3"; respectu alicujus nodi sui, 27 d. 5 h. 5', 35"; & respectu sui apogæi, 27 d. 13 h. 18', 34", quæ *revolutio anomalistica* appellatur.

695. II. Linea apsidum lunæ facit revolutionem integram respectu primi puncti ♈ intra 8 annos, 309 dies, 8 horas, 20 minuta.

696. III. Linea nodorum lunæ habet motum retrogradum, & revolutionem integram respectu primi puncti arietis absolvit 18 an. 224 d. 5 h.

697. IV. Motus lunæ in syzygiis est admodum regularis, scilicet in noviluniis & pleniluniis; verum alias inæqualitatibus valde mutabilibus est obnoxius, quarum termini partim sunt in quadraturis, partim in punctis orbitæ inter syzygias & quadraturas mediis, quæ *œtantes lunæ* vocantur.

698. *Primam quadraturam* dicemus illam, ad quam luna in transitu a conjunctione ad oppositionem venit; *secundam quadraturam* vero eam, ad quam venit, dum ab oppositione ad conjunctionem tendit.

699. V. Orbita lunæ inclinatur ad planum eclipticæ sub angulo mutabili a 5° usque ad 5°, 18'.

700. VI. Distantia lunæ a terra, ex ejus parallaxi deducta, quando est maxima, est $64\frac{2}{3}$ semidiametrorum terræ; & dum est minima, $55\frac{3}{4}$; ita, ut distantia media sit $60\frac{1}{2}$ semidiametrorum terrestrium. Continet vero semidiameter terræ, secundum mensuras ab astronomis acceptas, pedes 19611500; consequenter distantia lunæ media a centro terræ est circiter 1180612300 pedum.

701. VII. Luna est fere tercentis viginti vicibus vicinior terræ, quam sol. Est enim (429) distantia solis a terra 19230 semidiametrorum terrestrium.

702. VIII. Luna est saltem quinquagesies minor tellure; nam secundum observationes, diameter vera lunæ est ad diametrum terræ ut 3 ad 11 $\frac{1}{2}$; consequenter soliditas, seu volumen (Elem. 718) ad soliditatem ut 27 ad 1384, seu ut 1 ad 51 $\frac{1}{4}$. At enim certum non est, per hanc rationem exprimi rationem massarum lunæ & terræ, cum incertum sit, an utraque ex eadem constet materia, aut an utriusque sit eadem densitas.

703. IX. Luna circa axem suum rotatur intra 27 d. 7 h. 43', 5"; hoc est, tempore revolutionis periodicæ; quod ex eo deducitur, quod luna semper eandem nobis faciem obvertat. Etenim manifestum est, quod si objectum quodpiam circa alterum moveatur, illudque alterum eadem sui parte semper respiciat, simul circa axem suum vertatur, ea proportionem, qua alterum circuit. Quisque hujus rei in se ipso experimentum capere potest.

704. X. Maculæ lunæ videntur singulis revolutionibus motum quemdam particularem respectu centri sui habere. Videntur enim tam in longitudine, quam in latitudine ad illud accedere; postea iterum recedere, ac in pristinum situm redire. Vocatur vero hic motus *libratio lunæ*, quippe qui totum corpus lunare afficit.

ARTICULUS III.

De natura vis centralis lunæ respectu terræ; & ducta hinc analogia, de natura vis centralis planetarum respectu solis.

705. Cum distantia media lunæ a terra satis accurate sit cognita, scilicet 60.2 semidiametrorum terrestrium, inveniri potest quantitas absoluta, qua luna per vim centram a directione motus projectionis singulis momentis versus terram deflectitur. Inito autem calculo reperitur ea talis accurate, qualem exigit gravitas, seu vis illa acceleratrix, quam quotidie experimur, quæ corpora omnia nostratia versus centrum terræ propellit, dum libere cadentia 15.1 pedes intra primum lapsus sui minutum secundum percurrunt, sive intra minutum primum 54360 pedes, cum sit (59) quadratum de 1" ad quadratum de 60", ut 15.1. ad 54360.

706. Et certe si supponatur, quod hæc gravitas sit eadem cum vi centrali lunæ, cum vis centralis semper debeat esse in ratione reciproca duplicata distantiae a centro (163), sequitur, in distantia 60.2 semidiametrorum hanc fore $\frac{1}{60.2 \times 60.2}$ illius, quam luna in telluris superficie haberet. Unde vis centralis lunam intra unum minutum primum versus terram retrahet $\frac{54369}{60.2 \times 60.2}$, hoc est, 15 ped. accurate.

707. Sit jam LN (fig. 98) arcus orbitæ lunæ in distantia media, qui intra unum minutum primum percurritur: erit 32", 56" $\frac{1}{2}$, cum 360° tempore 27 d. 7 h. 43', 12" describantur. Sit terra in centro hujus arcus C, ducantur CL, & CM occurrens in M tangenti LM: patet, MN respondere quantitati absolutæ vis centralis lunæ. Est autem MN excessus hypotenusæ CM supra latus CL = 1180612300 ped.; est item idem MN excessus sinus totius CM supra cosinum CL (Elem. 788) anguli LCM = 32", 56" $\frac{1}{2}$; & juxta tabulas sinuum hic excessus posterior est 0.000000012754, sinu toto assumpto pro 1. Igitur est ut 1 ad 0.000000012754; ita 1180612300 ad 15 pedes. Ex quo apparet, vim centram lunæ nil aliud esse, quam ejusdem gravitatem in ratione quadrati suæ distantiae a centro terræ imminutam.

708.

708. *Observe.* In hoc calculo neglecta fuit gravitas lunæ in solem, quæ ejus gravitatem in terram aliquantulum mutat, ut in sequente Articulo videbimus, verum quæ in quantitatem repertam nullum sensibile discrimen inducit.

709. Analogia hinc ducta merito infertur, vim centralem, qua corpus aliquod cæleste circa alterum tanquam primum volvitur, non esse aliud, quam ejus gravitatem in primum.

ARTICULUS IV.

Da causis physicis, quæ diversas inæqualitates lunæ in revolutione synodica efficiunt.

710. **S**i luna nullam aliam vim centralem haberet, quam qua singulis momentis versus centrum terræ nititur, de se easdem omnino leges in suis inæqualitatibus sequeretur, quas alii planetæ respectu solis observant; hoc est, describeret ellipsin regularem & immotam, in cujus foco terra foret, areæque inter radios vectores comprehensæ rationem temporum accurate sequerentur. Verum quoniam omnes observationes lunæ in eo consentiunt, quod ejus inæqualitates non solum in diversis anomalix gradibus, sed etiam in diversis respectu solis positionibus sint variæ, merito concluditur, lunam simul præditam esse vi centrali in solem tendente, & in ratione reciproca duplicata distantiarum a sole variabili. Sequela hæc ex eo videtur etiam legitima, quod luna, cum sit corpus similis naturæ, ac terra, nec hac magis a sole remota, æque in solem debeat esse gravis. Itaque diversæ inæqualitates lunæ producuntur per diversas mutationes, quas ejus vis centralis in solem efficit in vi centrali in terram, quemadmodum id jam in particulari exequemur.

711. Et ne plures simul difficultates complicemus, supponamus primum, lunam æquabiliter moveri in circulum circa terram, quæ in ejus centro sit constituta, dum ipsa interea tellus motu æquabili circulum circa solem tanquam centrum describit.

Sit (Fig. 94 & 95) luna in quovis puncto L suæ orbitæ C R O Q. Ejus motus fit secundum ordinem signorum directione L R Q. Sit locus terræ T, centrum orbitæ lunæ, S sit sol, O C S linea syzygiarum, C punctum conjunctionis (Fig. 94) vel oppositionis (Fig. 95), R quadratura proxima post transitum lunæ per C. Ducantur T S, & L S, quarum illa designet distantiam terræ a sole, hæc distantiam lunæ ab eodem. Evidens est, quod propter situm lunæ in L ejus nifus versus solem sit major (Fig. 94), vel minor

(Fig. 95), quam nifus terræ versus eundem, in ratione ST^2 ad SL^2 . Unde sequitur, in utroque casu nifum lunæ versus terram imminui. Et quidem de primo casu nullum videtur dubium (Fig. 94); de secundo idem manifestum erit, si cogitetur (Fig. 95), quod excessus vis centralis terræ in solem supra vim centram lunæ in eundem reddat vim lunæ in terram eadem quantitate inefficacem, sicque terram vi lunæ quodammodo subtrahat.

712. Ut autem determinetur, quomodo, & qua proportionem hæc diminutio fiat, ducatur per solem S recta LD , quæ sit ad TS , ut gravitas lunæ in solem ad gravitatem terræ in eundem, seu ut ST^2 ad SL^2 ; & super LD tanquam diagonali construatur parallelogrammum $LGDF$, cujus latera LG , DF sint parallela, & æqualia distantiae ST . Itaque vis centralis lunæ in solem, quæ per LD exhibetur, potest in duas resolvi, alteram per LG designatam, quæ cum æqualis sit, & parallela ad ST , agit eadem directione, & quantitate, ac vis centralis terræ in solem, adeoque nullam in motu lunæ circa terram inæqualitatem producit; & in alteram LF , quæ exprimit eam partem gravitatis lunæ in solem, qua luna magis in solem nititur (Fig. 94) quam terra per suam gravitatem; vel (Fig. 95) repræsentat eam quantitatē, qua excessus gravitatis terræ in solem minuit gravitatem lunæ in terram. Jam vero cum terra plus tercenties magis distet a sole, quam a luna, recta SD respectu ST exigua est, adeoque DF , quantum ad sensum, coincidit cum parallela ST , & punctum F cum puncto A , ita, ut citra errorem sensibilem LA possit pro differentia virium terræ & lunæ in solem haberi, & pro quantitate vim inæqualitates motus lunæ producentem exprimente. Atque ideo hæc linea *expressio vis perturbatrix* nobis dicetur.

713. Producta, si opus sit, recta TL , construatur super LA tanquam diagonali parallelogrammum rectangulum $LEAB$: liquet, vim LA resolvendam esse in duas; nempe in LE , quæ cum sit in directione radii vectoris, nititur lunam (in hisce duabus figuris) a terra remove, adeoque exprimit quantitatē, qua vis perturbatrix imminuit gravitatem lunæ in terram; & in LB , quæ, utpote ad radium TL perpendicularis, sive tangens orbitæ lunæ, & directione LB agens, retardat velocitatem lunæ directione opposita ab L ad R progredientis. At enim dantur etiam casus, quibus puncto E inter T & L cadente, vis LE auget gravitatem lunæ in terram; item dantur alii, quibus directio vis LB conspirat cum motu lunæ, & ejus celeritatem auget.

Jam vero ratio linearum LA , LE , LB determinanda est, quæ vires has exprimunt, ut judicium ferri possit de modo, quo motum lunæ perturbant.

714. Lemma. Si $a \pm b$ sit quantitas ejusmodi, in qua b respectu a sit quam minima, dico, supponi posse, quadratum de $a \pm b$ esse $aa \pm 2ab$; & errorem eo fore minorem, quo b ad a minorem rationem habuerit.

Demonstratio. Nam si b sit quantitas adeo parva, ut supponi possit $b = \frac{1}{\infty}$, quadratum de $a \pm b$ erit $aa \pm \frac{2a}{\infty} + \frac{1}{\infty^2}$, ubi apparet

esse $\frac{1}{\infty^2}$ infinitesimum secundi ordinis, adeoque $= 0$, si cum $\frac{2a}{\infty}$ conferatur: Quod si igitur solummodo ponatur, b respectu a esse admodum exiguum quantitatem, non autem infinite parvam, in quadrato de $a \pm b$, quod est $aa \pm 2ab + bb$, terminus $+bb$ eo facilius negligi potest, quo b respectu a minorem rationem habet.

715. Hoc posito, I: ob $DL:ST = ST^2:SL^2$, & $SL = ST - HL$ (fig. 94), consequenter (714) $SL^2 = ST^2 - 2HL \times ST$, est $DL:ST = ST^2:ST^2 - 2HL \times ST = ST:ST - 2HL$; igitur $DL:ST = ST:ST - 2HL$; & $DL - ST:ST = ST - ST + 2HL:ST$, vel $DL - ST:ST = 2HL:ST$; & hinc $DL - ST = 2HL$. Simili argumento reperietur (fig. 95) $ST - DL = 2HL$. Universim itaque differentia inter DL & ST est $2HL$, adeoque DS , quæ est differentia inter DH & ST , est $= 3HL$. Quoniam vero rectæ LG , FD , ST æquales sunt, & (712) DF , quantum ad sensum, coincidit cum SA ; habetur $DS = TA$; & hinc $TA = 3HL$. Est autem HL sinus distantiae lunæ a proxima quadratura, sive cosinus ejus distantiae a linea syzygiarum; igitur expressio vis perturbatricis lunæ est semper latus tertium trianguli rectilinei, in quo latus unum est radius orbitæ lunæ, alterum triplum cosinus distantiae lunæ a proxima syzygia.

716. II. Si continuetur LH usque in I , erit $LI = 2LH$. Et si demittatur perpendicularis IK in radium LT , productum, si opus sit; triangula rectangula ILK , ATE fiunt similia, ob AE , KI parallelas: itaque est $AT:LI = AE$ (sive LB): IK . Est autem $AT:LI = 3HL:2HL = 3:2$; ergo $LB:IK = 3:2$, & $LB = \frac{3}{2}IK$. Atqui IK est sinus anguli ITK , qui est duplus anguli $KLI = CTL$, sive angulo distantiae lunæ a linea syzygiarum; hinc vis LB , quæ motum lunæ in sua orbita accelerat, vel retardat, semper est ut $\frac{3}{2}$ sinus duplæ distantiae lunæ a linea syzygiarum.

717. III. In iisdem triangulis similibus ILK , ATE , habetur $AT:LI = 3:2 = TE:LK = TL + LE:TL + TK$; igitur $3TL + 3TK = 2TL + 2LE$. Si utrinque subtrahatur $2TL$, manet $TL + 3TK = 2LE$, adeoque $LE = \frac{1}{2}TL + \frac{3}{2}TK$. (si punctum E caderet intra L & T , foret $LE = \frac{1}{2}TL - \frac{3}{2}TK$). Est autem

TK

TK cosinus anguli KTI, duplæ distantiae lunæ a linea syzygiarum; ergo vis LE, quæ vim centralem, sive gravitatem lunæ in terram minuit vel auget, est ut summa vel differentia dimidii radii, & $\frac{3}{2}$ cosinus duplæ distantiae lunæ a linea syzygiarum.

ARTICULUS V.

De combinatione causarum physicarum, quæ regularem motum lunæ perturbant.

718. Quoniam inæqualitates lunæ proveniunt ex combinatis inter se tribus viribus, quarum rationes Articulo præcedente jam invenimus; ut earum effectus proxime detegamus, illud nunc superest, ut limites reperiamus, in quibus hæ vires vel sunt maximæ, vel minimæ, vel nullæ.

Si pro singulis punctis arcus CR construatur triangulum TLA, semperque accipiatur $TA = 3LH$

719. I. Vis perturbatrix LA reperitur maxima, quando TA est maxima, ob TL constantem: hoc itaque fit, dum LH æquatur radio TL, adeoque angulus RTL est rectus, sive dum punctum L est in C. Ergo vis perturbatrix LA est maxima in syzygiis, ejusque expressio tunc est 2 TL.

720. Ob rationem contrariam LA est minima, quando TA vel LH evanescit, sive quando punctum L incidit in R: igitur vis perturbatrix est minima in quadraturis, & exprimitur per LT.

721. II. Quia angulus TLA mutari potest a 180° usque ad 0° , perpendicularis AE debet extra punctum L respectu T cadere, quando angulus TLA est obtusus; debet cadere in ipsum punctum L, dum angulus TLA est rectus; debet denique intra T & L cadere, quando angulus TLA est acutus. In primo casu determinat quantitatem LE exprimentem imminutionem gravitatis lunæ in terram, utpote cum tunc designet vim in directione puncto T opposita agentem. In casu secundo diminutio est nulla. In tertio casu exprimit LE vim gravitatem lunæ in terram augmentem, directione nempe illius tunc versus T tendente.

722. III. Vis LB nulla est, quando sinus duplæ distantiae a syzygiis evanescit: tunc enim etiam $\frac{3}{2}$ hujus sinus evanescunt; id, quod contingit in syzygiis.

723. Vis LB fit maxima, dum luna est in octantibus. Nam cum sinus omnium maximus sit 90° , necesse est, ut quando vis LB est maxima, dupla distantia lunæ a syzygia sit 90° ; igitur ipsa distantia 45° .

Patet ex hoc, quod dum vis LB est maxima, sit $= \frac{3}{2} TL$.

724. IV. *Vis* LE est maxima, quando cosinus distantiae a syzygia est maximus, quod contingit in syzygia, ubi LE congruit cum LA , adeoque in hoc casu $LE = 2 TL$.

725. *Vis* LE nulla est, dum angulus $T LA$ est rectus, aut quando termini eam exprimentes se mutuo destruunt, quod fit, si $\frac{1}{2} TL = \frac{3}{2} TK$, vel $TL = 3 TK$, vel $\frac{1}{3} TL = TK$, hoc est, quando cosinus duplæ distantiae lunæ a syzygia æquatur tertiæ parti radii. Est autem radii 1000000 pars tertia $= 333333$, quæ est cosinus $109^\circ, 28'$, cujus anguli dimidium est $54^\circ, 44'$: hinc *vis* LE est nulla, quando luna a syzygia $54^\circ, 44'$ distat.

726. Si quæretur expressio ejusdem *vis* LE in quadratura, cum tunc distantia a linea syzygiarum sit 90° , cosinus dupli anguli 180° , seu 0° , æquatur radio TL ; unde habetur $LE = \frac{1}{2} TL - \frac{3}{2} TL = -TL$. Ex quo apparet, quod in quadratura directio *vis* LE sit RT , & quod gravitatem lunæ in terram augeat quantitate, quæ per TL vel RT possit exprimi.

727. V. Denique manifestum est & ex æquali diminutione gravitatis tam in oppositione, quam in conjunctione; & ex æquali ejusdem augmento tam in prima, quam in secunda quadratura, (patebit id etiam si pro singulis casibus peculiare figuræ construantur), quod omnes inæqualitates motus lunæ, quæ in transitu ab una syzygia ad quadraturam proximam contingunt, eadem iterum redeant, iisdemque gradibus, in transitu lunæ ab hac quadratura ad alteram syzygiam; & quod ab ista syzygia usque ad sequentem quadraturam priore rursus incipiant ordine, & inde a quadratura usque ad primam syzygiam denuo repetantur, & sic deinceps.

728. Obierva Cum distantia lunæ a sole circiter $\frac{1}{10}$ minor sit in conjunctionibus, quam in oppositionibus, vis perturbatrix, consequenter etiam inæqualitates motus, sunt paullo majores circa conjunctionem, quam circa oppositionem. Verum tantilla variatio hic a nobis negligi debet, cujus ratio non nisi in accuratis motuum lunæ calculis habenda est.

ARTICULUS VI.

Exponuntur effectus, qui ex viribus tribus allatis, ac inter se compositis oriuntur.

Si præcisa interea utriusque orbitæ lunæ, ac terræ eccentricitate, supponamus, hæc duo corpora ab initio determinata fuisse, ut alterum quidem circa solem magnum circulum describeret, alterum vero minorem circa tellurem, in plano vicino admodum eclipticæ, sequentia theoremata constitui possunt.

729 THEOREMA I *Vis perturbatrix minuit gravitatem lunæ in terram, quando luna est in syzygiis; & auget eandem, dum est in quadraturis:*

H h

sed

sed decrementum in syzygiis est duplum augmenti in quadraturis.

730. THEOREMA II. Quatuor sunt puncta in orbita lunæ, singula 54° , $44'$ utrinque a syzygiis, in quibus gravitas lunæ in solem non mutat ejusdem vim centralem in terram.

731. THEOREMA III. Variatio vis centralis lunæ in terram nititur ejus orbitam planiorem reddere circa syzygias, & magis curvam circa quadraturas (80°), ita ut orbita lunæ, si ab initio circularis fuit, debuerit in ovalem, si-ve ellipticam mutari, in qua axis major est in linea quadraturarum, axis minor in linea syzygiarum, & in centro tellus.

732. THEOREMA IV. Velocitas lunæ a syzygiis usque ad quadraturas minui debet; & a quadraturis usque ad syzygias augeri. Cum enim axes curvæ sint perpendiculares ad tangentes per eorum extrema puncta ductas (Elem. 772 & 773); & velocitates in curvis sint (86°) in ratione reciproca perpendicularorum e centro virium demissorum in tangentes curvas in iis locis, in quibus sunt corpora; manifestum est, lunam tanto velocius debere moveri in syzygiis, quam in quadraturis, quanto magis semiaxis minor orbitæ exceditur a semiaxe majore.

733. THEOREMA V. Quantitas, qua velocitas lunæ decrescit, dum a syzygia ad quadraturam tendit, vel qua augetur, dum a quadratura ad syzygi-
am movetur, (est hæc quantitas illa, quam producit vis LB) debet crescere a syzygia usque ad vicinum octantem, & ab hoc usque ad quadraturam proximam decrescere: estque semper in ratione sinus duplæ distantie lunæ a syzygia. Hæc inæqualitas dicitur variatio lunæ.

734. THEOREMA VI. In syzygiis, & quadraturis luna describit in sua orbita arcus, qui cum radiis vectoribus comprehendunt areas temporibus proportionales; aliis vero in locis area, quas verrunt radii vectores, eo minus sequuntur accuratam rationem temporum, quo luna octantibus est propior.

Etenim in syzygiis & quadraturis directio vis perturbatricis LA coincidit cum radio vectore lunæ, adeoque vis composita ex hac vi perturbatrice & gravitate lunæ tendit versus centrum terræ: in omnibus aliis punctis vis LA eo magis obliqua est ad radium vectorem TL , quo luna est vicinior octantibus; & hinc eo magis etiam directio vis compositæ ex vi perturbatrice, & gravitate lunæ, a centro telluris discedit.

735. Observa. Quamvis hucusque supposuerimus, orbitam lunæ esse circulum, quæ reipsa est ellipsis, cujus focum terra occupat; nihilominus facile intelligitur, quod etiam in ellipsi inæqualitates expositæ suum effectum sortiri debeant, atque arcus elliptici magis convexi fieri in quadraturis, minus in syzygiis; & hinc per easdem inæqualitates luna debeat in quadraturis longius a terra recedere, & magis ad eam accedere in syzygiis. Et alias etiam
elli-

ellipsis lunæ est parum admodum eccentrica. Quia porro vis centralis lunæ in syzygiis minuitur, & in quadraturis augetur, patet, quod hæc vis jam sit minor, jam major, quam ut exactam rationem reciprocam duplicatam distantiae lunæ a tellure sequatur, id, quod tamen est necessarium (163), ut orbita lunæ sit ellipsis regularis, in cujus foco terra existat.

736. Hoc distantiarum discrimen, una cum eccentricitate orbitarum lunæ & terræ, & inclinatione plani orbitæ lunæ ad planum eclipticæ, causa sunt quinque inæqualitatum periodicarum admodum notabilium in motu lunæ; scilicet *primo* inæqualitatis in tempore plurium revolutionum periodicarum continuarum lunæ. *Secundo* motus lineæ apsidum. *Tertio* mutationis continuæ in eccentricitate orbitæ lunæ. *Quarto* retrogradationis nodorum lunæ. *Quinto* denique mutationis in inclinatione orbitæ. Hæc jam singillatim sequentibus theorematis exponentur.

737. THEOREMA VII. *Tempus revolutionis periodicæ lunæ majus est, quando terra est in perihelio, quam dum est in aphelio.*

Demonstratio. Quo terra soli vicinior est, eo gravitas terræ & lunæ in solem est major, adeoque etiam major est in syzygiis immunitio gravitatis lunæ in terram: & quamvis sit etiam majus tunc augmentum illius in quadraturis; nihilominus cum diminutio sit fere duplo major augmento (729), universim apparet, lunam minus gravitare in terram, dum hæc est in perihelio, quam dum est in aphelio, adeoque etiam minus ad terram accedere in primo, quam in secundo casu. Ex quo sequitur, ceteris omnibus paribus, orbitam lunæ esse majorem terra in perihelio existente, quam dum ea est in aphelio. Sunt autem (168) tempora revolutionum periodicarum ut radices quadratæ axium majorum orbitarum, & hinc majora, quando orbitæ sunt majores: ergo tempus revolutionis periodicæ lunæ maius est, & illius celeritas angularis minor, dum terra est in perihelio, quam dum est in aphelio.

738. Ob eandem rationem patet, tempus revolutionis lunæ respectu apogæi, & nodi sui majus esse, dum terra versatur in perihelio, quam dum est in aphelio.

739. Corollarium. Igitur motus medii lunæ, ejus apogæi, & nodi non sunt uniformes per totum annum, sed indigent æquatione, quæ dependet a velocitate, quam tunc habet tellus, & consequenter ab æquatione centri solis.

740. THEOREMA VIII. *Linea apsidum lunæ directe progreditur, si-ve secundum ordinem signorum, dum luna est in syzygiis; & regreditur, dum luna est in quadraturis: progreditur velocitate maxima, quando coincidit cum linea syzygiarum; & regreditur velocitate maxima, dum congruit cum linea*

quadraturarum : summa quantitatum , quibus pluribus continuis revolutionibus progreditur , superat summam quantitatum , quibus iisdem revolutionibus regreditur : ex quo fit , ut linea apsidum absolvat integram revolutionem secundum signorum ordinem fere intra novem annos.

Demonstratio. *Primo.* Quoniam alternum augmentum, & decrementum gravitatis lunæ in terram efficit, ut vis centralis jam sit minor, jam major, quam requirat ratio reciproca duplicata radii vectoris (735); sequitur (174), supponi non posse, orbitam lunæ esse ellipsin, cujus focus terra occupet, nisi simul linea apsidum mobilis supponatur. In hac autem hypothese, motus lineæ apsidum est directus in syzygiis, ubi vis centralis minor est: & retrogradus in quadraturis, ubi vis centralis est major.

741. *Secundo.* Quia decrementum vis centralis in syzygiis non solum duplum est incrementi in quadraturis; sed etiam se extendit usque ad 54° , $44'$ utrinque a syzygiis, dum incrementum non nisi per 36° , $16'$ utrinque a quadraturis durat; manifestum est, motum retrogradum excedi a directo, atque hinc apogæum debere sensibilibiter progredi secundum ordinem signorum.

742. *Tertio.* Evidens est, quod cum orbita lunæ sit ellipsis, in cujus foco est terra, distantiae TL non sint per totam orbitam æquales, sed minores versus perigæum, & majores versus apogæum: igitur vis perturbatrix LA, quæ in syzygiis est semper $= 2 TL$ (719), eo major est, quo luna in syzygiis vicinior est suo apogæo; & ex opposito eo minor, quo luna propior est perigæo. Sit distantia lunæ in apogæo $= D$, & in perigæo $= d$: quando linea apsidum coincidit cum linea syzygiarum, vis perturbatrix maxima est, & $= 2D$ in syzygia apogæi; & eadem vis minima, ac $= 2d$ in syzygia perigæi. Quod si jam vis perturbatrix abesset, vis centralis lunæ in apogæo esset ad vim centralem lunæ in perigæo, ut dd ad DD ; verum quia reipsa vis perturbatrix adest, eæ vires centrales sunt inter se ut $dd - 2D$ ad $DD - 2d$; quæ ratio tanto magis recedit a ratione $dd : DD$, reciproca duplicata distantiarum, quanto D majus est, quam d ; est autem D distantia omnium maxima, & d omnium minima: igitur quando linea apsidum coincidit cum linea syzygiarum, vires centrales lunæ omnium maxime discedunt a ratione reciproca duplicata distantiarum: adeoque tunc vis perturbatrix effectum maximum præstat, qui est, ut linea apsidum cum velocitate maxima progrediatur.

743. Verum in eodem casu, quo lineæ syzygiarum & apsidum coincidunt, puncta distantiarum mediarum lunæ a terra sunt quam proxima lineæ quadraturarum QR; & vis centralis lunæ in R est ad ejus vim centralem in Q, ut $TQ^2 + TR$ ad $TR^2 + TQ$. Hæc

ra.

ratio eo minus recedit a ratione reciproca duplicata distantiae, quo TQ minus differt a TR : sunt autem hæ duæ quantitates æquales, quia puncta Q & R sunt circa distantias medias lunæ; igitur dum linea apsidum coincidit cum linea syzygiarum, vis perturbatrix LA quam minimum officit rationi reciprocae duplicatae distantiarum lunæ a terra in quadraturis: & hinc linea apsidum tunc regreditur cum minima velocitate.

744. Simili ratiocinio facile demonstratur, quod dum linea apsidum coincidit cum linea quadraturarum, eadem progrediatur cum minima velocitate, quando luna est in syzygiis, & regrediatur cum maxima velocitate, quando luna est in quadraturis.

745. Observa. Complures Geometræ demonstrarunt, quod quavis vis perturbatrix 2 TL possit motum lineæ apsidum lunæ inæqualem reddere, nequeat tamen nisi dimidiam circiter velocitatem illius, quæ per observationes Astronomicas determinata est, in hoc motu efficere, atque ideo aliæ hic adesse debeant conditiones, quæ effectum hujus vis augeant. Qua de re consuli possunt ea, quæ DD. Euler, Clairaut, & d'Alembert scripserunt, qui tamen motum apogæi lunæ observationibus conformem ex systemate gravitatis deduxerunt.

746. THEOREMA IX. *Eccentricitas orbitæ lunæ singulis momentis mutatur: maxima est, dum linea apsidum incidit in lineam syzygiarum; minima, dum linea apsidum cum linea quadraturarum congruit.*

Demonstratio. Si vis perturbatrix LA vel non minueret vim centralem lunæ in syzygiis, vel dum minuit, non mutaret rationem ad distantiam, vis centralis eadem ratione, iisdemque gradibus, a transitu per perigæum ad apogæum decresceret, qua in transitu ab apogæo ad perigæum crevit, ideoque luna tantum in priore casu recederet a centro terræ, quantum in posteriore accederet, & eccentricitas orbitæ lunæ foret constans. Verum si decrementum vis centralis lunæ, quod vis perturbatrix LA efficit, majus est, dum vis centralis in transitu a perigæo ad apogæum decrescit; & minus, dum vis centralis in transitu ab apogæo ad perigæum crescit, ita ut ratio reciproca duplicata distantiarum magis turbetur, dum vis centralis decrescit, quam dum crescit; evidens est, quod pro ratione hujus perturbationis luna debeat magis recedere a centro terræ in transitu a perigæo ad apogæum, & minus accedere ad illud in transitu ab apogæo ad perigæum; & hinc eadem proportionem distantia apogæi fieri major, & distantia perigæi minor, adeoque eccentricitas augeri.

Cum autem dicta ratio reciproca omnium maxime perturbetur (742), quando linea apsidum congruit cum linea syzygiarum, patet, quod tunc etiam eccentricitas omnium maxima esse debeat. Argumento contrario, cum linea apsidum incidente in lineam quadraturarum, augmentum vis centralis sit fere idem in transitu lunæ

a perigæo ad apogæum, ac in transitu ab apogæo ad perigæum ratio reciproca duplicata distantiarum per illud omnium minime turbatur, adeoque etiam eccentricitas orbitæ lunæ omnium minime augetur.

747. THEOREMA X. *In singulis lunæ revolutionibus nodi illius orbitæ sunt semper stationarii, dum luna est in quadratura; ut plurimum sunt retrogradi, dum luna est in syzygiis: regrediuntur maxima velocitate ab una usque ad alteram quadraturam, quando linea nodorum coincidit cum linea quadraturarum; & eodem intervallo regrediuntur minima velocitate, dum linea nodorum congruit cum linea syzygiarum.*

748. THEOREMA XI. *In singulis lunæ revolutionibus angulus inclinationis illius orbitæ ad planum eclipticæ augetur ab una syzygia ad quadraturam proximam, & minuitur a quadratura usque ad syzygiam sequentem. Hic angulus est omnium maximus in quadratura, dum linea nodorum congruit cum linea syzygiarum; & est omnium minimus in syzygia, dum linea nodorum cum linea quadraturarum coincidit.*

Demonstratio utriusque præcedentis Theorematis. Si planum orbitæ lunæ non esset inclinatum ad planum eclipticæ, parallelogramma LGDF, LEAB (fig. 94 & 95), quæ exhibent resolutionem diversarum virium centralium lunam moventium, forent in plano eclipticæ, adeoque nihil agerent ad dimovendam lunam ex hoc plano; sed quia planum orbitæ lunaris circiter sub angulo $5^{\circ} 9'$ est inclinatum, sequitur, dicta parallelogramma non esse in plano eclipticæ, nisi luna L in aliquo suorum nodorum versante, & tunc diversas illas vires in lunam agentes nihil in situ plani illius orbitæ posse mutare. Verum quando luna L aliquam latitudinem habet, si strikte loquamur, nulla linea parallelogrammi LGDF est in plano eclipticæ. Interea tamen quemadmodum supposuimus DF coincidere cum ST, ita triangulum TLA concipiendum est, tanquam latus illius TA foret in plano eclipticæ, & reliqua duo TL, LA ad idem planum essent inclinata. Ex puncto A (fig. 99) ducatur AV ad planum orbitæ lunæ (quod sufficienter productum supponitur) perpendicularis, ita ut punctum V sit in eo plano, & construatur parallelogrammum LMAV, cujus diagonatis sit LA, ut hæc vis LA in duas resolvatur, alteram LM=AV, ad planum orbitæ lunæ perpendicularem; alteram LV, quæ sit in plano ipso orbitæ. Quoniam latus LV semper admodum magnum est respectu lateris LM, & ob angulum inclinationis orbitæ lunæ exiguum, angulus VLA valde parvus, sumi potest LV=LA. Vidimus autem jam theorematis præcedentibus effectus vis LA; unde hic restat, ut eos perpendamus, quos LM producit, ejusque rationem ad augmentum & decrementum vis centralis lunæ investigemus.

749. Ut ratio vis LM five AV ad TL, quæ incrementum vis centralis in quadratura exprimit, inveniatur, fit TP linea nodorum; e puncto V demittatur ad eam perpendiculum VP, & jungatur PA. Manifestum est (Elem. 630) angulum VPA esse æqualem inclinationi plani orbitæ lunæ ad planum eclipticæ. Habetur igitur TR (five TL): TA = R: 3 sin LTR (715); TA: AP = R: sin ATP (Elem. 747); & AP: AV (five LM) = R: sin APV. Multiplicatis jam his rationibus inter se, & prima per TA × AP divisa, fit (Elem. 296) TL: LM = R³: 3 sin LTR × sin ATP × sin APV, hoc est, *augmentum vis centralis in quadraturis est ad vim agentem in planum lunæ, ut cubus radii ad factum ex triplo sinus distantie lunæ a quadratura in sinum distantie nodi a syzygia ductum in sinum inclinationis orbitæ lunæ.* Ex quo sequitur primo, hanc vim evanescere in tribus casibus: quando luna est in quadraturis; quando linea nodorum incidit in lineam syzygiarum; & quando latitudo lunæ est nulla. Nam in singulis istorum casuum unus e sinibus evanescit, hinc factum ex eo in reliquos pariter est = 0. Secundo sequitur, hanc vim esse maximam, dum luna existens in syzygiis est simul in suis limitibus. Tunc enim tres sinus, quibus factum constat, sunt maximi. Tertio, universim hanc vim eo esse majorem, quo cum majore latitudine luna syzygiæ est propior.

750. Effectus vis LM est, ut lunam continuo versus planum eclipticæ impellat, in quod tendunt vires TL, AL; consequenter vis LM non modo nititur inclinationem orbitæ lunæ ad planum eclipticæ minuere, sed etiam efficit, ut luna citius ad planum eclipticæ perveniat, illudque transeat, quam dempta hac vi fieret. Unde deducitur, quod sicut vis LM augetur, minuitur, vel prorsus evanescit; sic etiam inclinatio orbitæ lunæ minuatur, augeatur, vel maxima fiat; ac nodus, versus quem luna progreditur, ad eam plus, minusve accedat, aut immotus maneat.

751. Etenim sit primo luna in L in transitu a conjunctione ad primam quadraturam R: patet, ob nisum versus M, & motum proprium secundum ordinem signorum versus N, lunam (67) debere sequi viam mediam Ln, quæ sit in directione diagonalis parallelogrammi, cujus latera exprimunt rationem utriusque tendentiæ: igitur orbita lunæ acquireret situm Ln, ita ut nodus n ab N versus n accedat contra signorum ordinem, & inclinatio orbitæ, seu angulus sphæricus L n D augeatur. Idem fit in transitu (727) ab oppositione ad secundam quadraturam. Itaque universim in transitu a syzygia ad quadraturam proximam nodus lunæ regreditur, & inclinatio orbitæ augetur.

752. Sit *secundo* luna in l in transitu a secunda quadratura ad conjunctionem, sit lm directio vis lunam ad planum eclipticæ admoventis: manifestum est, quod ob duplicem nisum lm , & lC , motus proprii secundum signorum ordinem, luna debeat directione media lQ moveri, & ejus orbita DlC acquirat situm $d l Q$, quo fit, ut angulus inclinationis ldm reddatur minor angulo lDm ac ut nodus e loco D moveatur contra signorum ordinem in d . Ergo in transitu a quadratura ad sequentem syzygiam, nodus lunæ regreditur, & inclinatio orbitæ minuitur.

753. Universim itaque apparet, nodum lunæ nunquam secundum ordinem signorum moveri; stationarium esse, quando luna est in quadratura, vel sine latitudine; in omnibus aliis casibus eum regredi celeritate eo majore, quo luna syzygiæ est propior, & quo majorem habet latitudinem.

754. Quod ad inclinationem orbitæ lunæ attinet, liquet, eam quater singulis revolutionibus mutari: bis augeri, bis minui: est ea maxima, dum linea nodorum coincidit cum linea quadraturarum; minima, dum linea nodorum incidit in lineam syzygiarum.

ARTICULUS VII.

De libratione lunæ.

755. Cum luna singulis suis revolutionibus circa terram pluribus inæqualitatibus notabilibus sit obnoxia, dum motus rotationis illius (229) æquabilis manet, consequitur, duos hos motus haud debere inter se semper congruere. Exempli causa, si dum luna accurate quartam partem suæ rotationis absolvit, nondum quadrantem suæ revolutionis in orbita confecit, quod ejus celeritas tam in transitu per apogæum, quam ob concursum duarum virium centralium, quibus movetur, diminuta sit; maculæ, quæ sunt ad limbum orientalem lunæ, debent videri ulterius in disco progressæ. Oppositum eveniret, si aucta lunæ celeritate, eodem tempore plus quam quadrantem in sua orbita percurrisset.

756. Altera causa, quæ cum priore concurrit, est inclinatio plani æquatoris lunæ ad suam eclipticam. Ob hanc inclinationem fieri debet, ut quivis æquatoris polus sit oculo in plano eclipticæ lunæ posito conspicuus tempore semirevolutionis, & tempore alterius semirevolutionis occultetur, ut superius (603) vidimus. Verum quia ob motum lunæ in latitudinem oculus in superficie terræ constitutus jam est supra planum eclipticæ lunæ, jam infra illud; ex hac diversa oculi positione, juncta causis duabus jam expositis,

tis, magna varietas in phænomenis librationis oriri debet; quæ fingillatim discutere, nimis longum foret.

ARTICULUS VIII.

De inæqualitatibus motus telluris e gravitate lunæ provenientibus.

757. **S**i tellus omni destituta esset satellite, nulla in eam daretur actio, quæ quidem sentiri posset, præterquam gravitatis in solem; sed quoniam lunam, cujus vis centralis in eam tendit, perpetuo sibi adjunctam habet, fieri non potest, quin motus telluris circa solem perturbetur, lunæque reactione velocitas telluris augeatur, dum lunæ velocitas minuitur, & vicissim.

758. Interea tamen hæ inæqualitates in motu telluris annuo exiguæ sunt, quippe quæ alias in motu apparente solis perciperentur. Inæqualitates lunæ, quæ ex combinatione gravitatis mutue lunæ, solis, & telluris oriuntur, & quarum summa ad tres circiter gradus exurgit, non essent nobis sensibiles, nisi tanta esset lunæ, ac terræ vicinia; itaque eadem inæqualitates e sole spectatæ 320 vicibus minores videri debent, consequenter 33'' aut 34'' ad summum. Si igitur luna omnes suas inæqualitates actione sua in terram transferret, motus annuus apparens solis inde non posset plus turbari, quam 34'', quæ quantitas exigua prorsus est. Verum cum luna sit 51 vicibus minor tellure, & massa quoque ejus certo minor sit, quam massa terræ, manifestum est, actione lunæ in terram non posse in terra inæqualitates tam magnas effici, ac oriantur in luna actione terræ in lunam. Hinc gravitas mutua lunæ ac terræ impedire nequit, quo minus eadem fere accuratione calculi motus apparentis solis, sive veri telluris, procedant, ac si tellus nullum haberet satellitem.

759. Geometræ, qui effectus actionum mutuarum lunæ & telluris ad calculos exactissimos revocarunt, deprehenderunt, ex omnibus inæqualitatibus lunæ maxime sensibilem in motu terræ esse *variationem lunæ*, consentientibus etiam observationibus (vide Monum. Acad. Scient. Reg. Paris. ad A. 1750): hæc inæqualitas facit, ut in theoria solis adhibenda sit æquatio 10, vel cum maxima est, 12 secundorum in gradibus. Ejus ratio habenda est in calculis solis accuratioribus. En autem regulam: *subtrahe locum verum solis a loco vero lunæ pro tempore dato, ut habeatur distantia lunæ a sole*, (sufficit autem, si sciatur utriusque locus circiter ad unum gradum), *tum infer: ut radius est ad sinum duplæ distantie lunæ a sole; ita sunt 10'' ad*

æquationem quæsitam, quæ longitudini solis per tabulas astronomicas inventæ in primis sex signis distantie lunæ a sole addenda est, ab eadem vero in postremis sex signis subtrahenda, ut obtineatur longitudo solis per hanc variationem mutata, sive æquatione lunari correctâ.

760. Gravitas lunæ in terram, juncta figura telluris ad polos depressa, adhuc duo alia notatu digna phænomena producit, quorum alterum est fluxus & refluxus maris, qui ab astronomia pura extraneus est, alterum, quod inæqualiter mutetur positio plani æquatoris ad planum eclipticæ, hoc est, quod intersectio horum duorum planorum inæquali celeritate regrediatur, & variationem periodicam in eorum inclinatione efficiat; id, quod paucis jam exponimus.

761. Imprimis autem illud observandum est, quod cum planum orbitæ lunæ ad planum eclipticæ sub angulo circiter 5° , $9'$ sit inclinatum, & linea nodorum successive per omnes eclipticæ gradus spatio 19 annorum transeat; idem planum orbitæ lunaris singulis momentis inclinationem ad planum æquatoris terrestris mutet. Nam dum nodus ascendens lunæ incidit in primum punctum arietis, in quo est nodus ascendens æquatoris, inclinatio orbitæ lunæ est ejus respectu $28^{\circ} \frac{2}{3}$ (quæ est summa ex $5^{\circ} \frac{1}{6}$ & $23^{\circ} \frac{1}{2}$): at dum nodus ascendens lunæ incidit in primum punctum libræ, in quo est nodus descendens æquatoris, orbita lunæ inclinatur ad æquatorem sub angulo $18^{\circ} \frac{1}{3}$. Atque hac ratione inclinatio orbitæ lunæ ad planum æquatoris terrestris crescit paullo plus quam 9 annis, ab $18^{\circ} \frac{1}{3}$ usque ad $28^{\circ} \frac{2}{3}$; & per novem alios annos iterum decrescit.

762. Præterea notandum est, quod si terra effet globus homogeneus exacte rotundus, ejus vis centralis in solem & lunam nullam efficeret mutationem in situ sui axis (229). Verum quia ejus figura accedit ad sphæroides (519) rotatione ellipseos circa axem suum minorem genitum, si cogitetur huic sphæroidi inscripta sphæra, cujus diameter æqualis sit axi minori sphæroidis, materia, quæ sphæra inscripta non comprehenditur, eidem sphæræ undique incumbet, ac circa polos stratum efficiet valde tenue, sed cujus crassitudo utrinque versus æquatorem semper fit major.

763. Hoc posito, concipiatur jam tota illa massa sphæroidis sphæræ inscriptæ incumbens in annulum quemdam efformari, qui ea parte cohæreat telluri, ubi ejusdem massæ fuit maxima profunditas, hoc est, in plano æquatoris: tum vero duo puncta intersectionis hujus annuli cum plano eclipticæ, aut si ita vocare libeat, *duo ejus nodi*, sunt duo puncta æquinoctialia, arietis, & libræ. Supponamus etiam, particulas materiæ hunc annulum componentis esse totidem veluti lunulas exiguas, quæ revolutionem suam circa

ter-

terram eodem tempore peragant, quo ipsa superficiei telluris puncta circa axem gyrentur, hoc est, intra 23 h. 56', 4'': omnes hæ lunulæ triplici vi centrali, seu gravitate, præditæ sunt: primo versus centrum terræ, quæ fere infinities excedit duas reliquas: secundo versus lunam veram; & tertio versus solem.

764. Quod si itaque prima harum trium virium cum singulis reliquis duabus ea ratione combinetur, qua superius duplex lunæ gravitas, apparet.....

I: Quod *nodi hujus annuli semper debeant regredi, & consequenter linea intersectionis planorum æquatoris & eclipticæ debeat esse retrograda, ex quo præcessio æquinoctiorum oritur.*

765. II. Quod cum planum eclipticæ, in quo est sol, constanter cum plano æquatoris faciat angulum $23^{\circ} \frac{1}{2}$, quantitas præcessionis æquinoctiorum, quæ provenit ex combinatione gravitatis annuli in terram, & gravitatis ejusdem in solem, maneat singulis revolutionibus terræ æqualis.

766. III. Quod cum orbita lunæ ad planum æquatoris jam inclinetur sub angulo $18^{\circ} \frac{1}{3}$, jam sub angulo $28^{\circ} \frac{2}{3}$, ea quantitas retrogradationis nodorum annuli, sive præcessionis æquinoctiorum, quæ provenit ex combinatione gravitatis annuli in terram cum gravitate ejusdem in lunam, debeat esse mutabilis, & major, quando angulus hujus inclinationis major est, & vicissim; nam LM (fig. 99) quæ designat vim effectricem retrogradationis nodorum lunæ, eo major est, quo plana DMN, DCN magis a se distant.

767. Hinc infertur, quod *præcessio æquinoctiorum, quæ ex utraque hac causa oritur, periodo 19 annorum circiter variabilis sit; quod sit maxima (& secundum observationes Bradley, circiter 58'' intra annum), quando nodus ascendens lunæ ingreditur signum arietis; quod sit minima (& fere 43'' per annum), quando nodus ascendens lunæ ingreditur signum libræ: denique quod sit media (proxime $50'' \frac{1}{3}$ per annum), quando nodi lunæ sunt in coluro solstitiorum.*

768. Ex eadem ratione inclinatio hujus annuli, & consequenter etiam plani æquatoris ad planum eclipticæ, debet perpetuis variationibus esse subiecta: quarum illæ, quæ seu ex revolutione diurna annuli, seu ex actione solis oriuntur, minores sunt, quam ut observari possint; illæ vero solæ, quæ ex inæqualitate actionis lunæ intra revolutionem ejus nodorum proveniunt, fiunt sensibiles. Ex quo fit, ut dum nodus ascendens lunæ est in puncto æquinoctiali arietis, obliquitas eclipticæ $18''$ fere major observetur, quam dum is nodus est in puncto æquinoctiali libræ, ita ut obliquitas eclipticæ per novem circiter annos crescat, postea per sequentes novem iterum decrescat.

ARTICULUS IX.

Explicatio, & calculus inæqualitatum apparentium in motu astrorum, quæ ab inæquali præcessione æquinoctiorum pendent; cum methodo calculandi omnes motus apparentes fixarum, comprehensa etiam earum aberratione.

769. Sit A E C (Fig. 75) dimidium circuli, quem colurum æquinoctiorum vocavimus, E polus eclipticæ, cujus dimidium sit A D C: sit P polus æquatoris, A K C dimidius æquator: A, C puncta æquinoctialia. Polus æquatoris semper 90 gradibus distat a punctis æquinoctialibus: unde si concipiatur polus P æquabiliter spatio 25740 annorum circulum minorem P H N describere, cujus polus est in E, intersectiones A & C successive per omnes eclipticæ gradus transibunt: atque hoc est, quod *præcessio æquinoctiorum media* dicitur, estque annuatim $50''\frac{1}{3}$.

770. Verum quia observationes fixarum ostendunt, quod singulis revolutionibus nodi lunæ, inclinatio plani æquatoris ad planum eclipticæ mutetur, ita ut inde in axe æquatoris enascatur motus conicus; sequitur, polum æquatoris non posse in circulo P H N manere, sed, præciso motu ejus æquabili, de quo priore numero egimus, debere eundem intra 19 annos circa punctum P epicyclum quemdam *p t r* describere, qui motus *nutatio axis terræ* appellatur.

771. Combinatis motu æquabili in circulo P H N, & motu altero in epicyclo *p t r*, polus p æquatoris reipsa describit epicycloides admodum prolongatas, quarum basis secundum observationes Bradley est 6', 13'' circuli maximi, & axis 18'' pariter circuli maximi.

772. Quoniam longitudines syderum computantur ab actuali intersectione punctorum A & C æquatoris cum ecliptica; complementa latitudinum a polo E; ascensiones rectæ ab intersectionibus actualibus A, & C; & complementa declinationum a polo p; evidens est I, quod *nec præcessio media æquinoctiorum, nec nutatio axis terræ latitudines syderum mutare possint*, quippe puncto E manent fixo. II, quod *præcessio media mutet æquabiliter omnes longitudines; sed inæqualiter omnes ascensiones rectas*, quia in duobus coluris efficit motum æquabilem angularem circa punctum E, cum interea ascensiones rectæ computentur per angulos circa polum P. III. Quod *nutatio poli inæqualiter longitudines & ascensiones rectas mutet*, cum ea nutatio nunc in hanc, alias in alteram partem fiat. IV. Quod ex utraque hac causa *declinationes syderum inæqualiter mutantur*.

773. Ut omnes hos exiguos fixarum motus ad calculum reducamus, una cum aberratione, cujus theoriam N. 385. & seqq. dedimus,

dimus, eos tribus titulis comprehendemus: effectum præcessionis mediæ æquinoctiorum, simplici nomine vocabimus *præcessionem*: effectum e nutatione axis terræ oriundum dicemus *deviationem*; illusionem denique opticam ex successiva lucis propagatione *aberrationem* appellabimus.

Calculus Præcessionis.

774. Præcessio in longitudine, cum fiat motu æquabili, tempori semper est proportionalis, anno uni respondentibus $50''.3$: hinc semper supponitur data, ut reducatur ad præcessionem in ascensione recta, & ad præcessionem in declinatione.

775. *Pro præcessionem in ascensione recta.* Quærat in tabulis Astronomicis punctum eclipticæ respondens puncto æquatoris designanti ascensionem rectam stellæ. Ex iisdem tabulis accipiat declinatio hujus puncti eclipticæ; & summa ex hac declinatione & declinatione stellæ, si sunt diversi nominis; vel differentia earum, si sunt ejusdem denominationis, vocetur X. Tum fiat hæc analogia: Ut factum ex cosinu declinationis stellæ in cosinum declinationis puncti eclipticæ ascensionem rectam stellæ respondentis, est ad factum ex cosinu obliquitatis eclipticæ in cosinum arcus X; ita est præcessio in longitudine ad præcessionem in ascensione recta, quæ semper eodem signo afficitur, quo præcessio in longitudine, excepto casu, quo arcus X 90° excedit; tunc enim præcessio in ascensione recta est negativa respectu præcessionis in longitudine.

Nam in triangulo PEA (Fig. 45, cujus partium denominationes datas vide N. 295) in quo PE & AE sunt constantia, habetur (Trig. 189) $dE : dP = \cos AO \times tPAE : \cos AR \times fPAE$. Est autem in triangulo ASR (Trig. 130) $tRAS$ (five $tPAE$) $= \frac{\cot ASR}{\cos AS}$; & (Trig 129) $fPAE = \frac{\cos ASR}{\cos AR}$; itaque $dE : dP = \frac{\cot ASR}{\cos AS} : \frac{\cos ASR}{\cos AR}$; $\frac{\cot ASR}{\cos AS} \times \frac{\cos AR}{\cos ASR} = \cos AO \times \cot ASR : \cos AS \times \cos ASR$. Si pro ratione $\cot ASR : \cos ASR$ substituatur ratio $1 : fASR$ (Trig. 33) five, cum $fASR$, vel $fOSC = \frac{\cos SCO}{\cos OS}$ (Trig. 129), ratio $\cos OS : \cos SCO$, habetur $dE : dP = \cos AO \times \cos OS : \cos SCO \times \cos AS$.

776. *Pro præcessionem in declinatione.* Fiat: ut quadratum radii ad factum ex sinu obliquitatis eclipticæ in cosinum ascensionis rectæ stellæ; ita est præcessio in longitudine ad præcessionem in declinatione, quæ est $\left\{ \begin{array}{l} \text{additiva} \\ \text{subtractiva} \end{array} \right\}$ in

in stellis $\left\{ \begin{array}{l} \text{borealibus} \\ \text{australibus} \end{array} \right\}$, quando earum ascensio recta intra 270° & 90° consistit; sed eadem est $\left\{ \begin{array}{l} \text{subtrahitiva} \\ \text{additiva} \end{array} \right\}$, quando ascensio recta est intra 90° & 270° . Attamen id intelligendum est, quando declinatio temporis anterioris reducenda est ad declinationem temporis posterioris; quod si enim declinatio temporis posterioris reduci deberet ad declinationem temporis anterioris, signa mutanda forent.

Calculus Deviationis.

777. Juxta theoriam superius expositam, quando nodus ascendens lunæ est in γ° , polus æquatoris maxime distare debet a polo eclipticæ, consequenter debet esse in puncto r epicycli p *ur* (Fig. 75); & dum Ω lunæ est in \underline{n}° , idem polus debet esse in u . E quo inferitur, quod additis 3 signis ad longitudinem Ω lunæ, habeatur locus poli in suo epicyclo, qui locus vocari potest *ascensio recta poli*, quoniam per angulos circa punctum P computatur.

Sit itaque hæc ascensio recta in puncto p tempore dato; erit tum $E p d$ portio coluri solstitiorum; $a E c$ dimidius colurus æquinoctiorum; $a F$, seu $a E S$ mensura longitudinis apparentis stellæ S ; $S F$ ejus latitudo non mutata; $a p S$, sive $a k$, mensura ejus ascensionis rectæ; $S K$ ejus declinatio; & obliquitas, quam actu habet ecliptica, $E p$. Differentiæ jam inter has positiones, & inter eas, quæ haberentur, si colurus solstitiorum transiret per punctum P , dicuntur *deviatio in longitudine*, *in ascensione recta*, *in declinatione* respective.

778. *Pro deviatione in longitudine.* Calculetur locus Ω lunæ, & eidem addantur 3 signa, ut habeatur ascensio recta poli: tum fiat: ut *sinus obliquitatis eclipticæ ad cosinum ascensionis rectæ poli*; ita sunt $9''$ ad *deviationem in longitudine*, quæ addenda est ad longitudinem, si ascensio recta poli sit vel in tribus postremis, vel in tribus primis signis; & subtrahenda, si ascensio recta poli sit in signo quarto inclusive usque ad nonum: sicque habebitur longitudo stellæ per deviationem correctæ.

Etenim deviatio in longitudine, exprimitur hic per $A a$, vel $D d$, vel $p E D$. Si itaque e puncto p demittatur perpendicularum $p x$, habetur $R: \int p u = P p$ (sive $9''$): $p x = 9'' \times \int p u$; deinde est $\int E x$ (seu $\int E P$): $p x$ (seu $9'' \times \int p u$) = r : $D d = \frac{9'' \times \int p u}{\int E P}$.

779. *Pro obliquitate eclipticæ.* Fiat: ut *radius ad sinum ascensionis rectæ poli*; ita sunt $9''$ ad *variationem obliquitatis eclipticæ*. Hæc variatio est *additiva* in primis sex signis ascensionis rectæ poli; & *subtrahitiva* in sex posterioribus.

780. *Pro deviatione in ascensione recta.* Fiat primo : ut tangens obliquitatis eclipticæ ad cosinum ascensionis rectæ poli ; ita sunt $9''$ ad æquationem primam, quæ est additiva in tribus postremis, & tribus primis signis ascensionis rectæ poli ; in reliquis subtractiva. Secundo subtrahatur ascensio recta poli ab ascensione recta stellæ, ut habeatur argumentum secundæ æquationis ; & fiat : ut cotangens declinationis stellæ est ad sinum hujus argumenti inventi ; ita sunt $9''$ ad æquationem secundam, quæ est $\left\{ \begin{array}{l} \text{additiva} \\ \text{subtractiva} \end{array} \right\}$ in stellis $\left\{ \begin{array}{l} \text{borealibus} \\ \text{australibus} \end{array} \right\}$ in sex primis signis argumenti ; & $\left\{ \begin{array}{l} \text{subtractiva} \\ \text{additiva} \end{array} \right\}$ in sex posterioribus signis argumenti, ut habeatur ascensio recta stellæ per deviationem correctæ.

Devatio enim in ascensione recta est differentia inter angulos EPS, & E p S ; producat P p in G, & in triangulo E P G habetur (Trig. 178) $d P G$ (feu P p) : $d E P G = t E P : f G P E$. Similiter in triangulo G P S habetur $d P G$ (five P p) : $d S P G = t P S : f S P G$.

781. *Pro deviatione in declinatione.* Ascensio recta poli subtrahatur ab ascensione recta stellæ, ut habeatur argumentum deviationis. Tum fiat : ut radius est ad cosinum hujus argumenti ; ita sunt $9''$ ad deviationem in declinatione, quæ est $\left\{ \begin{array}{l} \text{additiva} \\ \text{subtractiva} \end{array} \right\}$ in stellis $\left\{ \begin{array}{l} \text{borealibus} \\ \text{australibus} \end{array} \right\}$ in tribus ultimis & tribus primis signis argumenti ; & $\left\{ \begin{array}{l} \text{subtractiva} \\ \text{additiva} \end{array} \right\}$ in sex aliis signis, ut obtineatur declinatio stellæ per deviationem correctæ.

Quippe in triangulo S P G habetur (Trig. 177) $d P G : d P S = R : \cos S P G$.

782. *Observa.* Cum Bradleyus suas observationes examinaret, animadvertit, loco circuli p r t posse adhiberi ellipsin, in qua $p u = 18''$ sit axis major : & D. d'Alembert viribus nutationem axis terræ efficientibus ad calculum revocatis invenit, axem minorem hujus ellipsis debere esse $= 13''.4$, quod cum calculis D. Euleri consentit. Ut itaque æquationes accuratiores fiant, concipienda est ellipsis, quæ sit projectio orthographica epicycli p r t : punctum p accipiendum est in epicyclo, prout ratio ascensionis rectæ poli exigit, & quærendum punctum (359) correspondens ellipseos, ejusque distantia a centro ellipseos. Utrumque e sequentibus analogiis reperiri potest : ut 134 ad 180 : ita est tangens ascensionis rectæ poli superioris inventæ ad tangentem ascensionis rectæ reductæ, quæ prioris loco in calculo præcedentium regularum adhiberi debet. Item ut sinus ascensionis rectæ jam re-

ductæ

ductæ est ad sinum ascensionis rectæ, quæ prius adhibebatur; ita sunt 9'' ad quantitatem adhibendam in omnibus regulis præcedentibus loco 9''.

Calculus aberrationis.

783. Brevitatis gratia demonstrationes regularum, quas adferimus, non dabimus, utpote intricatiores, cum jam alias earum principia N. 391 stabiliverimus. Porro regulæ, quas pro ascensione recta, & declinatione damus, nulla ratione a longitudine & latitudine stellæ dependent; id quod a nemine adhuc factum est.

784. *Pro aberratione in longitudine & latitudine.* Longitudo solis subtrahatur a longitudine stellæ, habebitur argumentum annuum, & aberratio in longitudine erit $= \frac{20'' \times \cos. Arg. ann.}{\cos. lat. stell.}$, quæ est subtractiva in

tribus primis, & tribus posterioribus signis argumenti annui; & additiva in sex reliquis. Aberratio vero in latitudine erit $= 20'' \times \sin. latit. stell. \times \sin. arg. ann.$, estque additiva in sex primis signis argumenti annui, in sex posterioribus subtractiva, ut obtineatur longitudo & latitudo per aberrationem correctæ.

785. *Pro aberratione in ascensione recta.* Ex tabulis astronomicis, vel calendario, quod exhibet longitudinem, ascensionem rectam, & declinationem solis, quærat longitudo & declinatio puncti eclipticæ respondentis puncto æquatoris, quod designat ascensionem rectam stellæ: a longitudine inventa subtrahatur longitudo solis pro die dato; habebitur argumentum annuum aberrationis in ascensione recta, ipsaque aberratio quæsitæ erit $=$

$$\frac{20'' \times \cos. arg. ann. \times \cos. obliquit. eclipt.}{\cos. declin. stell. \times \cos. declin. punct. eclipt.},$$

quæ est subtractiva in tribus primis, & tribus ultimis signis argumenti annui, & additiva in sex reliquis, ut habeatur ascensio recta per aberrationem correctæ.

786. *Pro aberratione in declinatione.* In tabulis astronomicis, vel calendario, quærat declinatio puncti eclipticæ, quod respondet puncto æquatoris designanti ascensionem rectam stellæ: summa vel differentia (prout vel diversæ, vel ejusdem denominationis sunt) huius, & declinationis stellæ, dicatur X, & fiat: ut cosinus declinationis inventæ est ad cosinum obliquitatis eclipticæ; ita sinus summæ vel differentiæ X, est ad cosinum arcus, qui dicatur Y. Tum fiat iterum: ut sinus arcus Y est ad cosinum ascensionis rectæ stellæ; ita est sinus declinationis stellæ ad sinum arcus, qui vocetur Z.

Jam vero Z erit semper minor 90 gradibus, si stella fuerit intra tropicos, & si ascensio recta stellæ $\left\{ \begin{array}{l} \text{borealis} \\ \text{australis} \end{array} \right\}$ fuerit intra $\left\{ \begin{array}{l} 180^\circ \text{ \& } 360^\circ \\ 0^\circ \text{ \& } 180^\circ \end{array} \right\}$. In aliis casibus fiat: ut radius ad tangentem obliquita-

tis

tis eclipticæ ; ita est cotangens declinationis stellæ ad sinum arcus , qui dicatur A ; & arcus Z erit major 90 gradibus , quando ascensio recta stellæ
{ borealis } *est intra { 0° + A & 180° — A }* *Arcus Z*
{ australis } *{ 180° + A & 360° — A }*
{ addatur ad 0° } *{ pro stellis { borealibus }*
{ subtrahatur a 6° } *{ australibus } , quando earum a-*
scensio recta est in primo vel ultimo quadrante æquatoris ; idem
vero { subtrahatur a 12° }
{ addatur ad 6° } , quando ascensio recta est in secundo
& tertio quadrante æquatoris. Summa vel differentia sic inventa
est punctum eclipticæ , a quo subtrahenda est longitudo solis pro
die dato , ut obtineatur argumentum annuum aberrationis in de-
clinatione ; eritque aberratio = 20'' × sin. Y × cos. arg. ann. , quæ sub-
trahenda est in tribus primis & tribus ultimis signis argumenti an-
nui ; addenda in sex reliquis , ut habeatur declinatio stellæ per
aberrationem correctâ.

Applicatio horum calculorum ad Planetas.

787. Quoniam (506) motus planetarum computantur a puncto
 intersectionis Arietis , præcessio media hoc ipso in omnibus plane-
 tarum calculis jam adhibetur. Superest igitur , ut etiam ad eos ap-
 plicetur deviatio servatis iisdem regulis , quæ pro fixis sunt traditæ.
 Jam vero in praxi Astronomica , dum hi calculi instituuntur pro
 stellis fixis , id fere semper fit ideo , ut obtineatur earum situs ap-
 parens , hoc est , mutatus per omnes hos exiguos motus : at quan-
 do iidem calculi pro planetis instituuntur , fere semper finis est ,
 ut situs observatus eorum ab effectu horum exiguorum motuum
 expurgetur. Itaque si quis regulis præcedentibus uti velit , ut lo-
 cum observatum reducat , is signa deviationis mutare debebit , &
 subtraktivam facere , quando additiva ponitur , ac vicissim.

788. Quod ad aberrationem , regulæ pro planetis admodum
 discrepant ab iis , quæ pro fixis sunt præscriptæ. En autem ge-
 neralem pro repurgando situ quovis observato ab effectu aberr-
 ationis , quam regulam D. Clairaut dedit (Monum. Acad. Reg. Scient.
 Paris. ad An. 1746 pag. 565) : ut motus horarius medius solis 2' , 28'' du-
 ctus in distantiam ejus mediam a terra , ad motum horarium syderis e terra vi-
 sum (scilicet ad motum in longitudine , in latitudine , in ascensione recta , in de-
 clinatione) ductum in distantiam actualem hujus syderis a terra acceptam in iis-
 dem partibus , in quibus habetur distantia media solis a terra ; ita sunt 20'' ad
 quantitatem , qua longitudo , latitudo , ascensio recta , vel declinatio geocentrica
 hujus syderis minuenda est , quando crescit ; vel augenda , quando decrescit.

Idem applicari potest cometis, modo cognoscantur circiter elementa eorum theoriæ, ut motus eorum horarius geocentricus, & distantia a terra calculentur.

C A P U T II.

De calculo eclipsium satellitum e superficie planetæ primarii visarum.

ARTICULUS I.

De determinatione phasium eclipsium lunæ & solis.

789. **J**uxta theoriā de eclipsibus satellitum superius expositam (N. 645 & seqq.) eclipsis solis incipit, & finitur, quando arcus distantiae apparentis centrorum solis & satellitis est æqualis summa eorum semidiametrorum; unde inferitur, quod si ex tabulis loco & momento conjunctionis veræ satellitis cum sole calculatis, latitudo apparens satellitis sit minor quam ea summa, certo futura sit eclipsis solis, quoniam tunc hæc latitudo exprimit arcum distantiae centrorum solis & satellitis e superficie planetæ primarii visorum.

790. Similiter, eclipsis satellitis, vel lunæ incipit, vel finitur, quando ejus centrum videtur distare a puncto eclipticæ planetæ primarii directe opposito centro solis (dicitur hoc punctum *centrum umbræ*) summa semidiametrorum satellitis e primario visi, & umbræ in ea distantia, in qua umbram satelles ingreditur: item eclipsis satellitis incipit, vel desinit esse totalis, quando centrum satellitis distat a centro umbræ excessu semidiametri umbræ supra semidiametrum satellitis; tunc enim intelligitur limbus disci satellitis interne tangere limbum umbræ. *Tempus immersionis* dicitur illud, quo indiget satelles, ut totus in umbram ingrediarur; & *tempus emersionis* est, quo incipit emergere ex umbra, usque dum totus sit egressus.

791. Hinc sequitur, quod calculato ex tabulis Astronomicis loco & momento oppositionis satellitis, certi sumus de futura eclipsi, si ejus latitudo momento oppositionis minor sit summa semidiametrorum umbræ & satellitis e primario visi; & quod eclipsis sit totalis, quando latitudo minor est excessu semidiametri umbræ supra semidiametrum satellitis.

792. Ut habeatur magnitudo semidiametri umbræ in distantia, in qua eam satelles ingreditur, addendæ sunt parallaxes horizontales solis & satellitis respectu planetæ primarii; & a summa subtrahenda semidiameter solis e primario visa.

Sit

Sit enim SA (fig. 96) semidiameter solis S e planeta primario T sub angulo STA visa; sit CI arcus orbitæ satellitis L immergendi in umbram BEG primarii T . Centrum umbræ est in L , & arcus CL , ad sensum nil differens a recta, est semidiameter umbræ. Angulus BAT æqualis est (415) parallaxi horizontali solis; angulus $BC T$ æquatur parallaxi horizontali satellitis; & angulus CTD æqualis est (Elem. 492) summæ harum duarum parallaxeon: si itaque subtrahatur angulus $LT D$ vel ATS æqualis semidiametro solis e primario visæ, remanebit angulus CTL , sive arcus CL , qui est semidiameter umbræ primarii in ea distantia, in qua satelles immergitur.

793. Observa I. Quamvis punctum C sit limes umbræ primarii, nihilominus splendor satellitis vehementer hebetatur, antequam ad illud perveniat. Nam ut a puncto H , in quod incidit tangens HBM , versus C progreditur, ita ei magis semper & magis aspectus disci solaris eripitur, qui ei sub primario T occultatur, & hinc lumen satellitis magis semper debilitatur, donec in puncto C & lumen omne, & aspectum solis ex integro amittat. Spatium HC , cum ratione exposta tam parum a sole illustretur, *Penumbra* dicitur. Idem est de spatio KI , in quo satelles semper magis lucem solis recuperat.

794. Observa II. Accidit quandoque, ut satelles adeo vicinus fiat umbræ, ut in penumbram ingrediatur. Tum ea parte, qua umbræ propior est, obscurior fit, postea priorem splendorem recuperat.

795. Observa III. Cum atmosphæra aerea tellurem ambiens sit admodum densa, præprimis circa superficiem terræ, magnitudinem umbræ, quam terra projicit, auget; atque hinc aliquot minuta secunda parallaxi horizontali lunæ addi solent, plura ab aliis, ab aliis pauciora, prout extensio atmosphæræ major minorve statuitur.

796. Observa IV. Alter effectus atmosphæræ est, quod radios solares directione tangentium planetam primarium incidentes refringat, ac intra umbram versus L dirigat, quo obscuritas minuitur. Atque hoc præcipue in eclipsibus totalibus lunæ advertitur, quibus durantibus luna manet conspicua, & magis quidem circum medium, dum est versus L , quam dum limitibus umbræ C & K est propior.

797. PROBLEMA I. *Omnia phænomena eclipsis satellitis graphice determinare.*

Resolutio. Calculetur e tabulis astronomicis locus satellitis ad eclipticam reductus, ejus latitudo, motus horarius, parallaxis horizontalis, & semidiameter: tum etiam locus solis, motus horarius,

parallaxis horizontalis, & semidiameter: & hæc quidem omnia pro tempore quovis a momento oppositionis satellitis parum distante. Sumatur pro exemplo eclipsis lunæ die 30 Augusti Anno 1746. Ex tabulis Cassinianis reperitur, quod oppositio debeat contingere circa mediam noctem: unde quærantur omnia elementa superius indicata pro 11 h. 30' tempore vero. Erit locus lunæ $7^{\circ}, 4', 33''$ χ : ejus latitudo $41', 50''$ australis; motus horarius $31', 28''$; parallaxis horizontalis $56', 15''$; semidiameter $15', 13''$. Item locus solis $7^{\circ}, 18', 36''$ \mp , ejus motus horarius $2', 25''$; semidiameter $15', 55''$, parallaxis horizontalis $10''$; ex quibus colligitur semidiameter umbræ terræ (792) $40', 29''$, seu (additis propter atmosphæram $49''$) $41', 18''$: inclinatio orbitæ lunæ cum suo circulo latitudinis, est $84^{\circ}, 45'$ versus orientem; ex quo apparet, quod luna tendat versus suum nodum ascendentem.

798. In charta majore construatur scala A B (fig. 97) in sexaginta minuta gradus divisa, ita ut singula minuta saltem sint duarum linearum pedis Regii Parisini. Ad sinistram adscribatur *oriens*, ad dextram *occidens*, superne *septentrio*, inferius *meridies*. Ducatur recta indefinita O C, quæ designet eclipticam, in qua puncto D ad libitum sumpto constituatur locus lunæ pro 11 h. 30'. Ducatur ex D deorsum perpendicularis ad O C, linea D L æqualis $41', 50''$ in scala acceptis: erit in L locus verus lunæ pro 11 h. 30'. Construatur ad L angulus D L P $84^{\circ}, 45'$ versus orientem, exhibebit P L orbitam lunæ. Supponitur enim, ob motum regularem lunæ in syzygiis, & exiguum spatium, quod durante eclipsi conficit, quod arcus orbitæ a recta non differat, & motu æquabili describatur. E puncto D versus ortum transferantur in Z ex scala $31', 28''$, motus horarius lunæ ad eclipticam reductus; & ducatur Z F ad O C normalis, erit F locus verus lunæ in sua orbita pro 12 h. 30'.

799. Accipiatur distantia lunæ a puncto directe opposito loco solis, hoc est, differentia inter $7^{\circ}, 18', 36''$, & $7^{\circ}, 4', 33''$, quæ est $14', 3''$, quæ luna adhuc conficere debet, seu quibus adhuc occidentalior est, quam punctum loco solis directe oppositum, in quo simul est centrum umbræ telluris. Eadem $14', 3''$ in scala A B accepta transferantur e puncto D in G versus orientem, erit G locus centri umbræ pro 11 h. 30'. Fiat $GM = 2', 25''$ scalæ, qui est motus horarius solis, seu umbræ; erit centrum umbræ 12 h. 30' in M; & quia observator e superficie telluris non nisi motum relativum lunæ videt, jungatur M F, eique ducatur ex G parallela & æqualis G K, erit in K (347) locus apparens lunæ respectu umbræ, quæ in G immobilis supponitur. Per puncta L & K ducatur

tur N L K I, quæ erit orbita optica, sive apparens, lunæ. Spatium L K dividatur in minuta temporis, v. g. interna, in quaterna, vel quina &c. adscripto ad L tempore 11 h. 30', & ad K 12 h. 30'. Eadem divisio continuetur per orbitam apparentem N I, ut sciatur locus apparens centri lunæ pro quovis tempore, tam ante 12 h. 30', (pro quo calculus factus est), quam postea.

800. Ex puncto G demittatur in orbitam apparentem lunæ perpendiculum G E, quod cum sit linea brevissima, quæ ex puncto G, in quo umbræ centrum supponitur immobile, duci potest, determinat locum apparentem centri lunæ E pro eo momento, quo minimam a centro umbræ distantiam habet, consequenter pro momento eclipsis mediæ. Ex divisionibus lineæ N I apparebit, punctum E incidere in 12 h. 7', ex quo colligitur hoc eodem tempore esse medium eclipseos.

801. Ut habeatur initium & finis, accipiantur in scala 56', 31'', sive summa semidiametrorum umbræ & lunæ, eoque intervallo ex puncto G tanquam centro interfecetur orbita apparens lunæ in N & I, quæ intersectionum puncta incident in 10 h. 44' $\frac{1}{2}$, & 13 h. 29' $\frac{1}{2}$. Quare initium eclipseos erit 10 h. 44' $\frac{1}{2}$, finis die 31 Augusti, 1 h. 29' $\frac{1}{2}$ mane.

802. Denique ut sciatur quantitas eclipsis, centro E, radio æquali semidiametro lunæ, sive 15', 13'' in scala [acceptis, describatur circulus V F H, qui designet lunam in eclipsi media: diameter V H dividatur in partes 12 æquales, quæ *digiti ecliptici* dicuntur: centro G, radio æquali semidiametro umbræ, sive 41', 18'' scalæ, describatur semicirculus S X T, qui limites umbræ determinat: numerus divisionum in diametro V H hoc semicirculo abscissus exprimit quantitatem eclipsis, hic 6 $\frac{2}{5}$; unde apparet, obscurari 6 dig. 24' in parte boreali disci lunæ.

803. Observa. Ex constructione hujus schematis manifestum est, quod orbita vera lunæ L F ad apparentem L K reducta, angulus inclinationis orbitæ lunæ cum circulo latitudinis exigua quadam quantitate K L F, quæ a ratione motuum horariorum solis & lunæ dependet, minuatur; & quod simul arcus L K orbitæ apparentis, reddatur minor arcu horario orbitæ veræ L F, quantitate ad sensum æquali motui horario solis K F, seu G M. Atque hinc est, quod in praxi compendii causa ab angulo inclinationis orbitæ lunæ subducatur *angulus reductionis* K L F, qui in tabulis modernis astronomicis jam habetur: quo facto statim ab initio adducitur orbita apparens L I, in qua accipitur portio L K æqualis excessui motus horarii lunæ in sua orbita supra motum horarium solis (di-

citur autem hic excessus motus horarius compositus), atque ut vidimus, in tempus dividitur.

804. Sit alterum exemplum pro eclipsi totali, quæ contigit die 8 Augusti A. 1729. Ex tabulis Cassinianis reperitur oppositio lunæ cum sole 13 h. 17', 30'' tempore vero, in 16°, 16', 57'' \approx . Latitudo lunæ borealis 7', 18''; ejus motus horarius 34', 48'', & in sua orbita 34' 56'': semidiameter 16', 0''; parallaxis horizontalis 59', 10''; inclinatio orbitæ vera cum circulo latitudinis 84°, 59' versus occidentem. Motus horarius solis 2', 24'', ejus semidiameter 15', 51'', consequenter vera semidiameter umbræ terræ 44', 18''; motus horarius compositus 32', 32'', & inclinatio apparens 84°, 35'.

Constructa scala A B (fig. 100), sit ecliptica O C, in qua constitutur locus verus lunæ ad eclipticam reductus in G, & L sit ejus verus locus in orbita, ita ut GL erigatur sursum perpendiculariter ad O C, sitque æqualis 7' 18'' in scala acceptis, ob lunæ latitudinem borealem. Construaturs angulus G L N 84°, 35' versus occasum, & ducatur orbita apparens lunæ P L N. Fiat L K æqualis motui horario composito lunæ & solis 32', 32'', & dividatur in partes temporis ita, ut puncto L respondeat 13 h. 17' $\frac{1}{2}$, & puncto K 14 h. 17' $\frac{1}{2}$. Ex G ducatur perpendicularis in orbitam apparentem G E, quæ determinabit medium eclipsis in E 13 h. 16'. E centro G, intervallo summæ semidiametrorum umbræ & lunæ, five 60', 18'' scalæ, secetur ad ortum & occasum orbita apparens in N & I, habebitur initium eclipsis 11 h. 24', & finis 15 h. 7'. Eodem centro G intervallo 28', 18'' scalæ (quæ est differentia semidiametrorum umbræ & lunæ) fiant etiam intersectiones Q & P in orbita apparente, quæ determinant momentum immersionis totalis 12 h. 25', & initium emersionis 14 h. 6'. Denique centro E, radio æquali semidiametro lunæ 16', 0'', describatur circulus exhibens lunam in medio eclipseos: per E ducatur indefinita G X, & dividatur diameter H V in duodecim digitos, eaque divisio transferatur in H X, donec excurrat extra circulum O X C, centro G radio æquali semidiametro umbræ 44', 18'' descriptum, qui sectionem umbræ telluris exprimit: portio V X designat quantitatem eclipsis, circiter 20 digitorum.

805. Huic constructioni facile applicatur calculus trigonometricus, qui phasas indicatas longe accuratius determinabit. Etenim in triangulo G L E ad E rectangulo habetur $GL = 7', 18''$, & $\angle GLE = 84^\circ, 35'$, hinc $GE = 7', 16''$; & $EL = 41''$. In triangulis G E N, G E Q, ad E rectangulis, nota sunt $GE = 7', 16''$, $GN = 60', 18''$, & $GQ = 28', 18''$; igitur reperitur $EN = 59', 52''$,

52'', & $EQ = 27', 21''$. Subtractis $2', 24''$ seu motu horario solis, a $34', 48''$, five motu horario lunæ in ecliptica, & EL, EN, EQ in tempus conversis, (horæ uni tributa differentia $32', 24''$), habetur $EL = 1', 17''$, & inde punctum E , five medium eclipseos, $13\text{ h. }16', 13''$; $EN = 1\text{ h. }50', 51''$, & initium eclipseos $11\text{ h. }25', 22''$, finis $15\text{ h. }7', 4''$; denique $EQ = 50', 39''$, consequenter immersio $12\text{ h. }25', 34''$, & emerfio $14\text{ h. }6', 52''$. Denique si fiat: ut *semidiameter lunæ* $16', 0''$ ad *6 digitos*; ita $53', 2''$ (seu *differentia inter* $GE\ 7', 16''$, & *summam semidiametrorum umbræ & lunæ* $= 60', 18''$) sunt ad $19\text{ dig. }53'$, habetur quantitas eclipsis.

806, PROBLEMA II. *Determinare graphice phases eclipseos solis pro loco in superficie planetæ primarii, v. g. Telluris, dato.*

Relolutio. Ut construatur schema eclipsis solaris, observator in ipso sole collocandus est, e quo spectet tellurem circa axem suum conversum, loca in ejus superficie soli exposita ellipses describentia &c. ut Sect. IV explicatum est. Quod si jam contingat, us dum observator considerationi alicujus existis locis, v. g. Urbis Parisinæ, intentus est, luna inter hanc urbem, & observatoris oculum interponatur, & ipsius aspectui hæc urbs eripitur, & simul Parisiorum incolæ locum solis, in quo observator est positus, videre desinunt.

807. Illud igitur agendum est, ut exhibeatur via, quam punctum quodpiam superficie telluris e sole visum motu rotationis videtur describere, & simul lunæ semita, ut appareat, quando & quomodo hoc punctum luna soli subducatur.

Sint exempli causa determinandæ phases eclipsis solis, quæ 26 Octobris 1753 contigit. Conjunctio vera solis & lunæ secundum tabulas D. Halley fuit $10\text{ h. }57'$ tempore vero mane, in $3^\circ, 10', 16''$ m; solis declinatio australis $12^\circ, 35'\frac{1}{2}$; motus horarius $2', 30''$, semidiameter $16', 11''$. Latitudo vera lunæ borealis $34', 58''$; ejus motus horarius in ecliptica $35', 26''$, & in sua orbita $35', 34''$; semidiameter horizontalis $16', 8''$; parallaxis horizontalis $58', 49''$; inclinatio orbitæ apparentis $84^\circ, 21'$; & motus horarius compositus lunæ ac solis $33', 4''$.

808. Habitishicce elementis construatur scala GA , 60 minutorum, quæ singula saltem duarum linearum sint (Fig. 101); & accepta ex ea parallaxi horizontali lunæ tanquam radio describatur semicirculus OXC , qui hemisphærium boreale telluris e sole visæ exhibet, ejusque diameter OC sectionem illius cum plano eclipticæ. E centro G erigatur perpendicularis GL , latitudini lunæ boreali $34', 58''$ æqualis. Versus occidentem fiat angulus $GLQ\ 84^\circ, 21'$, & habetur orbita apparens lunæ, quæ in tempus dividatur, ita, ut
ad

ad punctum L sint 10 h. 57'; & ad K, quod ab L 33', 4'' distat, 11 h. 57'. Ex declinatione australi solis $12^{\circ} 35' \frac{1}{2}$, determinetur (607) locus poli borealis telluris P, qui ob declinationem solis australem erit in parte disci averfa; & describatur (626) portio ellipseos, quæ sit projectio orthographica arcus diurni paralleli urbis Parisinæ pro die eclipseos, in cujus arcu superiore notentur horæ diurnæ, cum elevatio poli, & declinatio solis sint diversi nominis.

809. Accipiantur ex scala circino 32', 19'' (quæ est summa semidiametrorum solis ac lunæ) & posito crure uno circini in orbita lunæ, altero in ellipsi, quærantur tum ad orientem, cum ad occidentem, duo puncta in utriusque divisione idem momentum temporis notantia, eoque a sese intervallo remota, scilicet Q, R, & E, F: priora determinabunt initium eclipseos 8 h. 39'; posteriora finem 11 h. 8'. Patet enim ex ipsa constructione, urbem Parisinam 8 h. 39' e sole debere videri in R, & centrum lunæ in Q: & quia linea QR designat summam semidiametrorum solis & lunæ in iisdem partibus, in quibus GC exprimit parallaxin horizontalem lunæ; manifestum est, quod eadem linea æquetur distantiae centrorum solis & lunæ e tellure visæ eo momento, quo utriusque limbi sese contingere videntur.

810. Ut obtineatur medium, & quantitas eclipseos, quærantur duo puncta I & D, in ellipsi & orbita lunæ idem tempus notantia, & quæ simul minimam habeant distantiam: reperientur circa 9 h. 50'. Centro I, radio æquali semidiametro solis 16', 21'' scalæ, descriptus circulus solem exhibet, cujus diameter per D transiens dividatur in 12 digitos eclipticos. Centro D, radio æquali semidiametro lunæ descriptus alter circulus lunam exprimit in medio eclipseos, & numerus digitorum in diametro prioris abscissus, hic $8 \frac{1}{2}$, eclipseos quantitatem.

811. Observa. In hac constructione supponitur sol in distantia fere infinita a terra & luna; rectæ, per quas fit projectio diametri lunæ in plano figuræ, parallelæ; via, quam urbs Parisina e sole visa, describit, arcus ellipseos veræ; diameter lunæ e terra visa constans; ejus motus rectilineus & æquabilis &c. Nulla ex his hypothesibus exacte congruit iis, quæ reipsa in cælo contingunt. Atque hinc manifestum est, quod suppositis elementis e tabulis desumptis accuratis, phasæ eclipseos non nisi prope veræ deduci possint. Et quamvis contingat, ut errores inde enati sæpe alter alterum emendent; attamen recte existimari potest, tempus omne ejusmodi operationibus utcunque sollicitè institutis graphice determinatum, duobus, tribusve minutis incertum reddi. Interim hæc
accu-

accuratio abunde sufficit, si in eum solummodo finem tempus quaeratur, ut quis observationi satis mature se accingat. Unde Problema, quod huic subjungimus, tunc solum usum habet, quando quis exacte scire cupit, quid ex elementis tabularum elici possit, ut seu comprobentur, seu emendentur.

812. PROBLEMA III. *Determinare per calculum phaenomena eclipsis solaris.*

Resolutio. I. Quærat graphice, vel calculo rudius instituto, initium & finis eclipseos solis, & tempus durationis in sex, septem, aut 8 partes æquales dividatur. (si duratio sit horaria circiter, sufficit eam in quinque partes tribuere). Exemplum sit in eclipsi diei 26 Octob. 1753, cujus initium cum sit circa $8\frac{1}{2}$ h., & finis 11 h. tempore medio mane, tota duratio dividatur in tricena minuta, & singula intervalla scribantur ad initium totidem columnarum, quemadmodum videri potest in tabula huic problemati subiecta, quæ dispositionem calculi exhibet.

813. II. Calculetur ex tabulis astronomicis pro temporibus in columnis notatis locus verus solis, locus verus lunæ, ejusque latitudo, indeque pro singulis inveniantur distantiae lunæ a polo eclipticæ supra horizontem, & parallaxis horizontalis, a qua, ut parallaxis solis compensetur, $10''$ subtrahantur. sumtis dein partibus proportionalibus, eadem in reliquis columnis notentur.

814. III. Tempus medium ab initio cujusvis columnæ notatum convertatur in gradus, & eidem addatur locus medius solis: summa est (337) punctum æquatoris, quod tempore cuiusvis columnæ adscripto per meridianum transit. Quærat ex tabulis astronomicis primo punctum eclipticæ respondens puncto invento æquatoris (dicitur hoc punctum eclipticæ punctum culminans, cum simul cum priore ad meridianum veniat). Secundo angulus meridiani cum ecliptica ad punctum culminans. Tercio declinatio puncti culminantis; qua habita, quærat ejusdem puncti altitudo (279). Tum inferatur: ut radius est ad cosinum altitudinis puncti culminantis; ita est sinus anguli eclipticæ cum meridiano ad cosinum altitudinis Nonagesimi. Et rursus: ut radius ad cotangentem altitudinis puncti culminantis; ita est cosinus anguli eclipticæ cum meridiano ad tangentem arcus, qui (in hemisphærio terræ boreali) addendus est longitudini puncti culminantis, quando punctum culminans est in primo vel ultimo quadrante eclipticæ; & subtrahendus in secundo & tertio (oppositum faciendum est in hemisphærio australi), ut habeatur Nonagesimus. Totus hic calculus neglectis secundis tantum instituitur in gradibus, & minutis primis. Pro demonstratione, sit H E R meridianus (fig. 106), H T R horizon, Q T æquator, E punctum culminans. Si per E ducatur arcus E I P ita, ut angulus H E P sit æqualis angulo eclipticæ cum

meridiano, erit arcus EIP portio eclipticæ inter meridianum, & horizontem intercepta; & si sit minor 90 gradibus, erit complementum Nonagesimi, a puncto P semper 90° distantis. Jam in triangulo sphærico HEP ad H rectangulo, habetur angulus HEP , & latus HE ; unde per primam analogiam reperitur angulus HP , inclinationis eclipticæ ad horizontem, quæ æquatur (Trig. 12) altitudini Nonagesimi: deinde per secundam analogiam invenitur complementum arcus EIP , quod semper est minus 90 gradibus, quando HE & HEP sunt ejusdem speciei.

815. IV. Accipiat in singulis columnis differentia inter locum verum lunæ, & Nonagesimum, ut habeatur distantia vera lunæ a Nonagesimo. Postea fiat: *ut quadratum radii est ad factum ex sinu altitudinis Nonagesimi in sinum distantie apparentis lunæ a Nonagesimo; ita est parallaxis horizontalis correcta ad parallaxin lunæ in longitudine.* Quoniam autem in hoc calculo adhibenda est distantia apparens a Nonagesimo (quæ semper est æqualis summæ ex distantia vera, & parallaxi in longitudine), ne duplex calculus ex integro faciendus sit, is tantum instituat accurate pro prima & secunda columna, adhibitis ab initio distantis veris, ut reperiantur parallaxes circiter, dein calculus resumatur, additis ad distantias veras parallaxibus inventis; sicque obtinebuntur parallaxes veræ primæ & secundæ columnæ, e quarum comparatione facile constabit, quid addi debeat distantie veræ columnæ tertiæ, ut ejusdem calculi subsidio parallaxis vera in longitudine habeatur. Atque ita per reliquas columnas progrediendum usque ad ultimam.

816. V. Inferatur: *ut radius est ad cosinum altitudinis Nonagesimi; ita est parallaxis horizontalis correcta lunæ ad parallaxin approximata in latitudine.* Deinde: *ut tangens distantie apparentis lunæ a nonagesimo, ad cosinum summæ ex distantia vera lunæ a polo eclipticæ supra horizontem, & parallaxi approximata in latitudine; ita est parallaxis in longitudine ad quantitatem semper subtrahendam a parallaxi approximata in latitudine, ut habeatur vera, saltem si distantia apparens lunæ a Nonagesimo, & ejus distantia apparens a polo eclipticæ non sit altera minor, altera major 90 gradibus, quo casu correctio est additiva.*

817. Observa. Analogiæ præcedentium duorum numerorum deductæ sunt ex formulis N. 434 relatis, omisso solummodo cosinu latitudinis lunæ, qui ad sensum æqualis radio in eclipsibus solaribus. Analogia, qua reperitur correctio, est pars secunda formulæ secundæ, in qua compendii causa parallaxi horizontali substituta est parallaxis in longitudine.

818. VI. Singulis longitudinibus veris lunæ addantur singulæ parallaxes in longitudine, si luna in ordine signorum jam ultra

Nona-

Nonagesimum progressa est; subtrahantur vero, si longitudo lunæ minor est: hac ratione habebitur pro singulis columnis longitudo lunæ apparens. Addantur etiam parallaxes in latitudine distantis veris lunæ a polo eclipticæ supra horizontem, ut obtineantur distantie apparentes; ex quibus habebuntur etiam latitudines lunæ apparentes.

819. VII. Accipiatur quævis latitudo apparens lunæ pro una catheto trianguli rectanguli rectilinei, & differentia inter locum verum solis, & longitudinem apparentem lunæ pro altera catheto, & quærat hypotenusa, quæ est distantia apparens centrorum lunæ & solis.

820. VIII. Fiat pro prima & ultima columna: *ut radius est ad cosinum distantie apparentis lunæ a nonagesimo; ita est sinus altitudinis Nonagesimi ad sinum altitudinis lunæ prope veræ*, quæ si ad duos, tresve circiter gradus cognoscatur, satis est, ut possit correctio semidiametri horizontalis lunæ in tabulis astronomicis reperiri.

821. IX. Accipiatur summa semidiametrorum lunæ & solis hac ratione correctarum; & interpolentur tres distantie apparentes centrorum ex primis tribus columnis; item tres ex reliquis tribus columnis, ut inveniantur duo momenta, quibus distantia centrorum æquatur summæ semidiametrorum repertæ: erit primum initium eclipseos, alterum finis ejusdem. Interpolentur etiam distantie centrorum e quatuor columnis medio propioribus; & ope formulæ *Maximi* (97) inveniat momentum, quo distantia centrorum est minima ipsaque distantia: hæc subtrahatur a summa semidiametrorum apparentium, & inferatur *ut semidiameter solis est ad residuum; ita sunt 6 digiti ad numerum digitorum*, qui indicat quantitatem eclipseos versus eam partem, in quam cadit latitudo lunæ eo momento, quod est medium eclipseos.

822. Eædem phases reperiri possunt, si calculentur parallaxes in ascensione recta & declinatione, & applicentur ad ascensiones rectas & declinationes veras lunæ; vel si calculentur Azimutha solis & lunæ cum parallaxibus in altitudine lunæ: sed hæc in præsens non discutimus; juverit tamen in his se exercuisse, ut in calculis astronomicis promptiores reddamur.

Dispositio Calculi Eclipsis Solis.

Exemplum pro die 25. Octobris A. 1753.

Tempus medium	20 h. 20'	20 h. 50'	21 h. 20'	21 h. 50'	22 h. 20'	22 h. 50'
	G. M. S.	G. M. S.	G. M. S.	G. M. S.	G. M. S.	G. M. S.
Locus verus ☉	213 4 32	213 5 47	213 7 2	213 8 17	213 9 32	213 10 48
Locus verus ☽	211 47 0	212 4 42	212 22 25	212 40 8	212 57 51	214 15 35
Distant. ☽ a polo B. .	89 42 43	89 31 5	89 29 27	89 27 49	89 26 11	89 24 33
Parall. correct. ☽ . . .	58 31	58 31	58 30	58 30	58 29	58 29
Tempus med. in grad.	305 0	312 30	320 0	327 30	335 0	342 30
Long. med. ☉	214 50	214 51	214 52	214 53	214 54	214 56
Punct. æqua. in merid.	159 50	167 21	174 52	182 23	189 54	197 26
Punctum culminans.	158 11	166 15	174 24	182 36	190 47	198 54
Ang. eclipt. cum meri.	68 2	67 7	66 37	66 32	66 53	67 39
Declin. punct. culmin.	8 32 B.	5 26 B.	2 14 B.	1 2 A.	4 17 A.	7 25 A.
Altit. punct. culmin.	49 41	46 35	43 23	40 7	36 52	33 34
Altitudo Nonagesimi	53 7	50 43	48 9	45 27	42 38	39 43
Nonagesimus	140 34	146 3	151 38	157 18	163 9	169 14
Distant. ☽ a Nonages.	71 13	66 2	60 44	55 22	49 49	45 2
Parall. in longit. . .	44 31	41 36	38 15	34 33	30 29	26 38
Parall. in latit. . . .	35 9	37 6	39 5	41 6	43 6	45 3
Longit. appar. ☽ . . .	212 31 31	212 46 18	213 0 40	213 14 41	213 28 20	213 42 13
Dist. appar. a Polo B	90 7 52	90 8 11	90 8 32	90 8 55	90 9 17	90 9 36
Differ. long. ☉ & ☽ .	+ 33 1	+ 19 29	+ 6 22	- 6 24	- 18 48	- 31 25
Distant. centrorum. .	33 57	21 8	10 39	10 59	20 58	32 51
Altit. ☽	14 20					26 38
Semidiam. horiz. ☽ .	16 8					16 8
Semidiamet. appar. ☽ .	16 12		16 14			16 16
Semidiam. ☉	16 11		16 11			16 11
Summa Semidiam.	32 23		32 25			32 27

Igitur Temp. med. Temp. vero & civili

Initium 20 h. 23', 24" die 26, 8 h. 39' 8" mane

Medium 21 34, 46 9 50 30

Finis 22 49, 4 11 4 46

Quantitas 8 dig. 29 minut. ex parte australi solis.

ARTICULUS II.

De usu observationum eclipsium solis & lunæ.

823. **O**bservationes eclipsium summam habent utilitatem, maxime si accuratæ sint. Inprimis enim indicant, an elementa theoriæ solis & lunæ, quæ in tabulis astronomicis jam extant, recte constituta sint, an secus; ut inde seu emendentur, seu majorem firmitatem accipiant.

Dein præcipuus earum usus est in determinandis longitudinibus locorum, in quibus institutæ sunt, seu saltem in differentia eorum meridianorum invenienda, in quo versatur pars Geographiæ uti difficilior, ita ceteris majoris momenti. Verum quoniam in his eruendis aliter tractandæ sunt eclipses solares, aliter lunares, distinctis de utrisque titulis agemus.

Usus observationum eclipsium lunæ in inveniendis longitudinibus geographicis.

824. Cum phases eclipsium lunæ universales sint (651), manifestum est, quod (616) si duo observatores in diversis locis positi eandem phasim eodem temporis momento habeant, uterque locus sit in eodem meridiano terrestri, adeoque cognita longitudine loci alterius, certum fiat, alterius eandem esse omnino longitudinem. At si uterque observator eandem phasim diverso spectet tempore, evidens est, eos sub diversis meridianis esse collocatos, quorum differentia sit differentia temporis observati in gradus conversa, horæ uni 15° tribuendo. Patet denique locum, in quo phasis tardius est observata, esse orientaliorem altero, quippe qui prior ad meridianum venerit, ac altero citius habuerit meridiem.

825. Exemplum sit eclipsis diei 8 Augusti A. 1729. Immersio lunæ in umbram observata fuit Parisiis a D. Cassini 12 h. 19', 13'': & emerisio 13 h. 59', 0'' (Monum. Acad. 1729, pag. 345). In insula Barbados (Antillarum una) immersio 8 h. 11', & emerisio 9 h. 51' fuit observata a D. Stevenson (Transact. Philos. N. 416, pag. 441). Differentiæ sunt 4 h. 8', 13'', & 4 h. 8', 0''. Si accipiatur medium 4 h. 8' 6'', & convertatur in gradus, liquet, insulam Barbados (ubi minus temporis numeratum fuit) esse Parisiis occidentaliorem 62°, 1½'; & hinc posita longitudine Parisiorum 19°, 53½' ab insula Ferri, est longitudo insulæ Barbados 317°, 52'.

826. Quia penumbra phases initii & finis eclipseos valde incertas reddit, Astronomi diligenter annotant momenta temporis, quibus diversæ lunæ maculæ in umbram ingrediuntur, & egrediuntur, id, quod facile observatur ope chartæ lunaris, & bonæ notæ telescopii, 4,

vel 5 pedes longi. Hac ratione observationum numerus augetur, & pluribus differentiis inter se collatis differentia meridianorum certius eruitur.

827. In eundem finem adhibentur quoque observationes eclipsium satellitum Jovis (quorum calculus nihil differt ab eo, qui pro lunaribus instituitur). Observantur autem sunt hæ eclipses tubis 12 vel 15 pedum; & si tempora phasium earundem inter se conferantur, differentia meridianorum accurratius obtinetur, quam per eclipses lunares.

Ufus observationum eclipsium solis in determinandis longitudinibus.

828. Quoniam solis eclipses universales non sunt, earum observationes non sine reductionibus, quas jam indicabimus, ad inveniendam meridianorum differentiam adhiberi possunt.

829. Supponamus, Parisiis initium eclipsidis die 26 Octobris A. 1753 observatum esse 8 h. 41', & finem 11 h. 11'; Bononiæ in Italia (cujus latitudo Geographica est 44°, 30') initium fuisse 9 h. 27', finem 11 h. 59'. Quærantur primo ex tabulis astronomicis omnia elementa necessaria pro calculo, & determinatione graphica phasium hujus eclipsidis. Construatur inde figura, ut supra (806), & fiat projectio paralleli Bononiensis (vid. fig. 102). Accipiat in scala summa semidiametrorum solis & lunæ (deducta si fieri potest, ex ipsa observatione Bononiæ facta; sin autem, ex Tabulis); crus circini alterum collocetur ad 8 h. 41' paralleli Parisini; altero describatur versus occidentem arcus BH, secans orbitam apparentem KQ. Postea crus prius ponatur ad 11 h. 11' paralleli Parisini, & altero describatur ad orientem arcus MN, qui eandem orbitam KQ secet.

Secundum observationem Parisinam, duratio eclipsidis fuit 2 h. 30'. Accipiat circino intervallum 2 h. 30' in orbita apparente QK in tempus divisa, & manente hac circini apertura, collocetur crus unum in T arcus BH, alterum in S arcus MN, ita ut recta iurgens puncta T & S, sit parallela ad KQ. Erit recta TS verus situs orbitæ apparentis lunæ ex observationibus; quam orbitam correctam vocabimus. Divisiones orbitæ KQ transferantur in TS, ita, ut ad punctum T accurate veniat 8 h. 41', & ad punctum S 11 h. 11'.

Circino ad intervallum summæ semidiametrorum solis & lunæ aperto, ponatur alterum crus in parallelo Bononiensi ad punctum C, in quo 9 h. 27' notantur; incidet crus alterum versus partem occidentalem orbitæ correctæ in D, cui adscripta sunt 8 h. 41'. Ex hoc intelligitur, quod tempore vero, quo Bononiæ initium eclipsidis observatum est, Parisiis fuerit 8 h. 51': aut (quod eodem
reci-

recidit) quod eo momento, quo centrum lunæ fuit in D, Bononiæ fuerit 9 h. 27', Parisiis vero 8 h. 51'. Igitur ex hac observatione Bononia orientalis est Parisiis 36' in tempore. Similiter collocetur crus unum circini ad punctum E paralleli Bononiensis, ubi notantur 11 h. 59': cadet alterum versus orientem in orbita correcta in punctum F notatum 11 h. 22'. Inde infertur differentia meridianorum 37'; & accepto inter utramque medio, reperitur Bononia orientalis Parisiis $36\frac{1}{2}$ ' in tempore, seu 9° , $7\frac{1}{2}'$; & hinc ejus longitudo est 29° , 1'.

830. Observa I. Ex comparato situ & divisione orbitæ correctæ cum situ & divisione orbitæ K Q constructæ ex tabulis, deteguntur errores tabularum tam in longitudine, quam in latitudine. Differentia enim temporum punctis intersectionum utriusque orbitæ cum GL adscriptorum, ostendit, quantum tabulæ tempus veræ conjunctionis solis ac lunæ vel prævertant, vel sequantur. In præsentis exemplo patet, tabulas veram conjunctionem 2' temporis prævertere. Intervallum autem utriusque orbitæ indicat errorem tabularum in latitudine; hic quidem latitudo \mathcal{C} e tabulis 2' circiter vera major eruitur.

831. Observa II. Quamvis per operationes ejusmodi graphicas nemo sibi blandiri audeat, differentiam meridianorum accuratorem se reperisse, quam quæ 2' temporis a vera dissidere possit; quoniam tamen notitia longitudinum Geographicarum permagni momenti est, comparatio observationum eclipsium solarium negligenda non est, quia accepto medio inter differentias meridianorum hac methodo inventas, vera ea accuratione, quæ necessaria est, determinatur. Sed enim majore cum certitudine habebitur ex calculo parallaxeon, præcipue si ad meridianum exacte cognitum simul observata debita accuratione sit longitudo & latitudo lunæ, ut elementa e tabulis desumpta corrigi possint. Calculus nihil diversi habet ab illo, quem superius docuimus, ut adeo sola præcedentis exempli applicatio satis futura sit, ut plene comprehendatur.

832. Sit igitur initium eclipsis solis diei 25 Octobris 1753 Bononiæ observatum 21 h. 27', 0'' tempore vero, seu 21 h. 11', 16'' tempore medio. Cum constet, differentiam meridianorum quæsitam esse intra 30' & 40' temporis, fiat duplex hypothesis; in altera ea ponatur 40'; 30' in altera. En rei totius ordinem:

Tempus medium observat. reductum ad Merid. Paris.

Tempus medium observat. Bonon. in grad. conversum

Longitud. med. ☉ ad Merid. Paris. - - - -

Punctum æquatoris in Merid. assumpto Bonon. -

Punctum culminans eclipt. - - - - -

Angulus eclipticæ cum Merid. - - - - -

Declinatio puncti culminantis - - - - -

Altitudo puncti culminantis Bononiæ - - - -

Altitudo Nonagesimi - - - - -

Nonagesimus eclipticæ - - - - -

Longit. vera ☾ correctæ ad Merid. Paris. - - -

Distant. correctæ a polo boreali eclipticæ - - -

Distant. vera ☾ a nonagesimo - - - - -

Parallaxis in longitudine - - - - -

Parallaxis in latitudine - - - - -

Longit. apparens ☾ - - - - -

Distant. apparens ☾ a polo boreali eclipticæ - -

Latitudo apparens ☾ - - - - -

Longitudo vera ☉ - - - - -

Different. Longit. apparent. ☉ & ☾ - - - -

Distant. apparens centrorum ☾ & ☉ - - - -

I. Suppositio			II. Suppositio		
20 h.	31'	16''	20 h.	41'	16''
317°	49'	''	317°	49'	''
214	50		214	50	
172	39		172	39	
172	0		172	0	
66	43		66	43	
3	11 B		3	11 B	
48	31		48	31	
52	31		52	31	
152	42		152	42	
211	51	39	211	57	32
89	33	7	89	32	34
59	12		59	18	
	40	16		40	14
	35	44		35	44
212	31	55	212	37	56
90	8	51	90	8	18
	8	51		8	18
213	5	0	213	5	25
	33	5		27	29
	34	15		28	43

Ex his calculis liquet, quod tempore 10', 0'' sol & luna, visi Bononiæ, ad se invicem accesserint 5' 32''; sed tempore observationis Bononiæ factæ distantia apparens centrorum erat 32', 25''; quæ est summa semidiametrorum solis & lunæ: unde fiat: ut 5', 32'' sunt ad 10', 0''; ita 1', 50'' (differentia inter 34', 15'' & 32', 25'') sunt ad 3', 28'', quibus Bononia est minus orientalis Parisiis, quam in prima hypothesi fuit assumptum. Igitur vera differentia Meridianorum est 36', 32''.

Si ejusmodi calculus instituatur etiam pro fine eclipseos, vel immersione, aut emersione alicujus maculæ solaris, cujus positio in disco accurate fuit determinata, plures obtinebuntur Meridianorum differentiæ, quæ sese mutuo comprobent, vel inter quas accipiendum est medium, ut differentia vera quæsitæ habeatur.

833. Observationes occultationum stellarum fixarum a luna, habent eundem usum, quem eclipses solares. Calculus idem instituitur, nisi quod ad inveniendas parallaxes sufficiat intervallum inter initium & finem in quatuor partes æquales dividere. Constructio graphica, tam ut prædici possint, quam ut eruatur differentia medianorum, eadem omnino est, ac pro sole. Quod ut ostendatur, unum exemplum satis erit.

ARTICULUS III.

Determinatio graphica occultationum stellarum per lunam.

834. **A**ccidit non raro, ut luna quasdam stellas fixas nostris oculis eripiat, infra quas scilicet ejus orbita immediate transit. Hoc eclipsium genus parallaxi æque, ac solares, obnoxium est, neque est universale. Europæ incolis luna non occultat, nisi eas stellas, quarum latitudo borealis in earum conjunctione cum luna aliquot minutis minor, & latitudo australis aliquot minutis major est latitudine lunæ ejusdem nominis, cum parallaxis (408) locum apparentem lunæ versus horizontem deprimat, adeoque minuat latitudinem borealem, & australem augeat.

835. Proponatur exempli causa determinanda eclipsis stellæ, quam *Aldebaran* dicunt, seu α γ , quæ contigit die 2. Augusti A. 1736. Ex Tabulis juxta theoriā Newtonianā constructis, conjunctio lunæ cum hac stella contigit Parisiis 4 h. 56' tempore vero mane, in 6° , $6'$, $26''$ Π , latitudine stellæ existente 5° , $29'$, $2''$ australi, declinatione vero boreali 15° , $56'\frac{1}{2}$; per meridianum eadem transit 7 h. 30', 36" mane. Luna habuit latitudinem australem 4° , $44'$, $21''$, motus ejus horarius in longitudinem erat $32'$, $52''$; in latitudinem vero crescentem $1'$, $7''$. Ejus semidiameter apparens horizontalis $15'$, $40''$, parallaxis horizontalis $57'$, $12''$.

836. Constructa scala A G (fig. 103), describatur radio æquali parallaxi horizontali $57'$, $12''$, semicirculus O X C, qui exhibet hemisphærium boreale telluris e stella visum. Consideretur stella, ut ipse sol; ejus transitus per meridianum, ut ipsum momentum meridiei; ejus declinatio eodem modo adhibeatur, ac declinatio solis in eclipsibus solaribus; atque hac ratione determinetur (607) in hoc hemisphærio locus poli Borealis P, qui est in ipso terræ disco, cum declinatio sit borealis. Fiat dein projectio elliptica paralleli Parisiorum, quatenus e stella visibilis est, pro declinatione 15° , $56'\frac{1}{2}$. Divisiones horariæ in arcu inferiore ellipseos faciendæ sunt ob declinationem borealem (626). Primæ in linea G P, quæ meridianum designat, adscribatur 7 h. $30'\frac{1}{2}$, reliquis versus occidentem horæ priores.

Accipiantur in scala $44'$, $41''$, quæ est differentia inter latitudinem lunæ 4° , $44'$, $21''$, & latitudinem stellæ 5° , $29'$, $2''$. Ex G. erigatur ad O C perpendicularis G L, æqualis huic differentiæ. Motus horarius lunæ $32'$, $52''$ transferatur ex G in B versus orientem, & erigatur ex B perpendicularis B D æqualis $43'$, $34''$, quæ est differentia inter latitudinem stellæ, & latitudinem lunæ 5 h. 56', una hora post conjunctionem. Per puncta L & D ducatur orbita lunæ D L Q, quæ in

partes temporis dividatur ita, ut punctum L respondeat 4 h. 56', & punctum D 5 h. 56'.

Accipiatur in scala semidiameter lunæ 15', 40'', & crure uno circini in ellipsi, altero in orbita lunæ posito, quærantur duo puncta versus occidentem R & Q, idem tempus notantia: reperientur ad 3 h. 41'. Atque hoc est tempus occultationis stellæ per discum lunæ. Quærantur similiter alia duo E & F versus orientem ejusdem conditionis: invenientur ad 4 h. 47', quod est tempus, quo stella e disco lunari iterum emergit.

Denique si ope scalæ mensuretur distantia punctorum, quibus in utraque orbita adscriptum est 4 h. 14', invenietur, centrum lunæ ad partem borealem stellæ transivisse, & ab ea habuisse distantiam 6 minutorum circiter.

ARTICULUS IV.

Methodus construendi schema universale phasium eclipseos solaris.

837. **N**ihil visu dignius, quam omnes diversæ phasæ eclipseos solaris in charta Geographica designatæ ea ratione, ut in diversis regionibus in eadem exhibitis evenire debent. Hunc in finem paucis describam methodum facilem sine demonstrationibus constructionis. Qui rite animo comprehenderunt, quæ Sectione IV, & tribus præcedentibus Articulis dicta sunt, rationes citra difficultatem assequuntur. Sumam autem exempli loco eclipsin diei 26 Octobris 1753.

838. Calculatis omnibus elementis necessariis pro constructione projectionis orthographicæ hujus eclipseos, tempus verum conjunctionis reducatur ad primum meridianum chartæ, qua quis uti vult, v. g. ad meridianum insulæ Ferri. Itaque cum conjunctio Parisiis fiat 10 h. 57', ea in meridiano primo fiet 9 h. 37' $\frac{1}{2}$, seu 2 h. 32' $\frac{1}{2}$ ante meridiem, quæ in arcum æquatoris conversæ dant 35° 37'.

839. In circulo OXC (fig. 104), cujus radius circiter unius pedis Reg. Paris. & æqualis parallaxi horizontali lunæ 58', 30'' in scala AB acceptæ, describatur orbita apparens centri lunæ KL, ut in præcedentibus Articulis factum, nisi quod LK (æqualis motui horario composito lunæ & solis) non in partes horæ, sed in quindecim gradus dividi debeat ita, ut punctum L respondeat 35°, 37', & punctum K 20°, 37'. Hæc divisio per totam orbitam continuetur.

840. E puncto G ducatur GE, ad eandem orbitam in I perpendicularis, & in ea utrinque accipiatur ID, IE, æqualis sum-
mæ

mæ femidiametrorum solis & lunæ $32'$, $19''$. Diameter solis $32'$, $22''$ dividatur in tot partes æquales, quot digiti in schemate expressi debent: v. g. si terni solummodo digiti exhibendi, ut in nostra figura, adeoque quatuor intervalla facienda sunt, dividantur $32'$, $22''$ per 4; erit una pars $8'$, $5''\frac{1}{2}$. Accipiat hęc quantitas in scala, & transferatur ex D & E versus I, punctis intermediis $8'$, $5''\frac{1}{2}$ distantibus notatis, per quæ tot parallelæ ad orbitam apparentem KL ducantur, quot circulus OXC capit. Ad singulas adscribatur phasis, quam exhibere debent, & dividantur omnes eadem ratione, qua orbita KL, quamvis hic in figura tam exigua, vitandæ confusionis causa, non nisi unica sit divisa, pro norma ceterarum.

841. Si acceptis his intervallis crus circini cadit in punctum I, ut hic contingit, eclipsis erit totalis sine mora. Si ultimum intervallum non attingit punctum I, sed utrinque aliquod exiguum relinquit spatium, eclipsis est totalis cum mora. Intervallum inter duas parallelas utrinque vicinas puncto I, determinat omnia loca, in quibus eclipsis totalis est. Denique si ultima puncta cadant ex utraque parte paulum ultra punctum I, erit omnibus locis inter parallelas puncto I utrinque proximas comprehensis eclipsis annularis.

342. Determinetur (607) locus poli æquatoris, & ducatur GX, quæ exhibet Meridianum fixum, per quem omnes meridiani terrestres successive transeunt, & sub quo est meridianus primus, dum in Infula Ferri est meridies. Fiant dein (624) projectiones arcuum diurnorum parallelorum terrestrium, ut vitetur confusio, denis gradibus distantium, qui (gradus) in Meridiano GX notentur. Inutile foret, si id fieret pro pluribus, quam capiat spatium inter parallelas per D & E ductas. Per puncta horaria, quæ reperiuntur, dum ellipses describuntur, ducantur aliæ curvæ itidem ellipticæ, quæ circulos horarios designant, seu situs successivos meridiani primi (pro singulis horis, quæ in Infula Ferri numerantur) respectu meridiani fixi GX. Atque hinc in ellipsi æquatotem exhibente utrinque a GX, scribantur infra divisionum puncta 15° , 30° , 45° &c, & superne horæ, matutinæ versus occidentem, vespertinæ versus orientem, cum hemisphærium telluris e sole visum ab occasu in ortum rotetur.

843. His ita præparatis, construantur tabulæ, quæ exhibeant longitudes & latitudes omnium locorum, in quibus eclipsis est centralis; item illorum, in quibus est novem digitorum, sex digitorum &c, denique illorum, in quibus solummodo videntur limbi solis & lunæ se contingere. Ut itaque hæ tabulæ conficiantur, v. g. prima, patet, in omnibus locis sub orbita centri lunæ KL

fitis eclipsin esse centram. Jam vero hæc orbita occurrit imprimis (circa medium projectionum parallelorum 40° & 50°) primo meridiano in circulo horario horæ 8, qui a meridiano fixo G X 60° distat; & punctum divisionis orbitæ est illic $58^\circ\frac{1}{2}$: igitur eclipsis videtur centralis mane hora 8 sub parallelo 45° in loco, qui primo meridiano est $1^\circ\frac{1}{2}$ occidentalior, sive cujus longitudo est $358^\circ\frac{1}{2}$. Similiter punctum divisionis orbitæ K L $56^\circ\frac{1}{2}$ occurrit primo meridiano in circulo horæ 9, sive ad distantiam 45° a meridiano fixo G X, eaque intersectio incidit in projectionem paralleli 40° : ergo eclipsis est centralis hora 9 sub parallelo 40° in loco orientaliore $11^\circ\frac{1}{2}$, quam primus meridianus; hoc est in loco, cujus longitudo est $11^\circ\frac{1}{2}$. Simili ratione inveniuntur loca, in quibus obscuratio maxima est 9, 6, 3 digitorum &c, uti etiam illa, in quibus limbi solis & lunæ se tantum contingunt. En tabulas

Horæ	Phases maximæ Australes.									
	Centralis		9. digit.		6. digit.		3. digit.		Contact. limb.	
	Long.	Latit.	Long.	Latit.	Long.	Latit.	Long.	Latit.	Long.	Latit.
7	*	*	$346^\circ\frac{1}{2}$	38° B.	348°	30° B.	$348^\circ\frac{1}{2}$	$22^\circ\frac{1}{2}$ B.	$348^\circ\frac{2}{3}$	14° B.
8	$358^\circ\frac{1}{2}$	45° B.	$359^\circ\frac{1}{2}$	35	$1^\circ\frac{1}{2}$	26	$1^\circ\frac{1}{2}$	$17^\circ\frac{1}{2}$	$1^\circ\frac{1}{2}$	$9^\circ\frac{1}{2}$
9	$11^\circ\frac{1}{2}$	40°	$12^\circ\frac{1}{2}$	30	13	21	$12^\circ\frac{1}{2}$	13	$12^\circ\frac{1}{2}$	4
10	23	$34^\circ\frac{1}{2}$	23	25	23	16	22	$7^\circ\frac{1}{2}$	$21^\circ\frac{1}{2}$	1 A.
11	$32^\circ\frac{1}{2}$	$29^\circ\frac{1}{2}$	32	$19^\circ\frac{1}{2}$	$31^\circ\frac{1}{2}$	11	$30^\circ\frac{3}{4}$	$2^\circ\frac{1}{2}$	30	6
Merid.	$41^\circ\frac{1}{4}$	24	40	15	$39^\circ\frac{1}{3}$	6	$37^\circ\frac{3}{4}$	$2^\circ\frac{1}{2}$ A.	$37^\circ\frac{1}{2}$	$10^\circ\frac{1}{2}$
1	$49^\circ\frac{1}{2}$	$20^\circ\frac{1}{2}$	48	$11^\circ\frac{1}{2}$	47	3	46	6	$45^\circ\frac{1}{3}$	$13^\circ\frac{1}{3}$
2	58	18	$56^\circ\frac{1}{2}$	9	$55^\circ\frac{1}{4}$	0	$54^\circ\frac{1}{2}$	8	54	15
3	$67^\circ\frac{1}{4}$	17	$65^\circ\frac{1}{2}$	8	$64^\circ\frac{1}{3}$	$1^\circ\frac{1}{4}$ A.	64	9	$63^\circ\frac{1}{2}$	16
4	78	18	76	$8^\circ\frac{1}{2}$	75	1 A.	74	9	74	16
5	$90^\circ\frac{1}{2}$	20	$88^\circ\frac{1}{2}$	9	$87^\circ\frac{1}{2}$	$0^\circ\frac{3}{4}$ B.	$86^\circ\frac{1}{3}$	$7^\circ\frac{1}{2}$	86	15
6	*	*	*	*	101	3 B.	$100^\circ\frac{1}{3}$	5	100	$12^\circ\frac{1}{2}$

Horæ	Phases Maximæ Boreales.					
	9. digit.		6. digit.		3. digit.	
	Long.	Latit.	Long.	Latit.	Long.	Latit.
8	$355^\circ\frac{1}{2}$	55° B.	*	* B.	*	* B.
9	8	52	6	67°	*	*
10	22	47	20	61	*	*
11	$32^\circ\frac{1}{2}$	41	32	56	*	*
Merid.	42	35	43	$49^\circ\frac{1}{2}$	*	*
1	51	$31^\circ\frac{1}{2}$	$52^\circ\frac{3}{4}$	45	*	*
2	60	28	$62^\circ\frac{1}{2}$	42	$68^\circ\frac{1}{2}$	70
3	$69^\circ\frac{1}{2}$	$26^\circ\frac{1}{4}$	73	40	*	*
4	$80^\circ\frac{1}{2}$	27	$84^\circ\frac{1}{2}$	40	*	*
5	$93^\circ\frac{1}{2}$	28	*	*	*	*

Postquam hæc omnia puncta ita determinata sunt, facile in charta vel globo terrestri ducuntur curvæ, ut fig. 105 exhibet.

844. Ut inveniantur loca, in quibus est medium eclipsis, dum sol oritur, vel occidit, attendatur, cujus paralleli projectio, seu ellipsis terminetur in circuli OXC circumferentia, ubi hæc a lineis phasium ad orientem, & occidentem secatur. Calceletur (291) arcus semidiurnus solis competens ejus declinationi australi 12° , $35'$, & latitudini paralleli; & ex comparatione hujus arcus cum gradu notato in linea phasium ad punctum intersectionis peripheriæ OXC invenietur longitudo loci quæsitæ.

In exemplo; punctum $59^{\circ} \frac{1}{3}$ orbitæ lunæ KL secatur ad occidentem peripheriam OXC in extremitate projectionis paralleli 50° . Arcus semidiurnus hujus paralleli est $74^{\circ} \frac{2}{3}$; igitur locus, ubi sole oriente est eclipsis centralis, est in latitudine boreali 50° , & longitudine $15^{\circ} \frac{1}{3}$. Ad orientem punctum 15° orbitæ KL secatur peripheriam OXC in extremitate projectionis paralleli 21° , cujus arcus diurnus est 85° ; ergo locus, in quo occidente sole eclipsis est centralis, habet latitudinem borealem 21° , longitudinem 100° . Atque hunc in modum sequens tabula fuit constructa.

Phases.	Medium Eclipsis.			
	Sole Oriente.		Sole Occident.	
	Longit.	Latit.	Longit.	Latit.
Contactus limborum.	$337^{\circ} \frac{1}{3}$	$17^{\circ} \frac{1}{2}$ B.	$102^{\circ} \frac{3}{4}$	$12^{\circ} \frac{1}{2}$ A.
3. digit. Austral.	$339^{\circ} \frac{1}{2}$	25	$101^{\circ} \frac{1}{2}$	5
6. digit. Austral.	341	$32^{\circ} \frac{1}{2}$	101	3 B.
9. digit. Austral.	$342^{\circ} \frac{1}{4}$	41	100	12
Centralis.	$344^{\circ} \frac{2}{3}$	50	100	21
9. digit. Boreal.	349	61	100	$31^{\circ} \frac{1}{2}$
6. digit. Boreal.	7	73	$100^{\circ} \frac{1}{2}$	44
3. digit. Boreal.	*	*	88	68

Ex hac tabula habetur ductus curvæ eas omnes terminantis, quæ phases maximas designant.

845. Ut habeantur loca, quibus oriente aut occidente sole initium vel finis eclipseos obtingit, accipiat in scala AB summa semidiametrorum solis & lunæ $32'$, $19''$, & crure uno circini in circulo OXC ad extremitates projectionum parallelorum successive posito, collocetur alterum tum ad orientem, tum ad occidentem in orbita KL; & comparato arcu semidiurno cujusvis paralleli cum gradu orbitæ, in quem crus circini incidit, invenientur locorum longitudes. Sic ut sciatur initium ac finis sole oriente vel occidente sub parallelo 40° , crus unum circini collocetur in

in extremo puncto ellipseos paralleli 40° ad partem occidentalem circuli O X C; incidet crus alterum versus occidentem in punctum orbitæ K L 76° ; versus orientem vero in 47° . Arcus semidiurnus paralleli 40° est 79° ; itaque sub hoc parallelo initium eclipsis sole oriente est loco 3° occidentaliori insula ferri, cujus consequenter longitudo est 357° ; finis autem eclipseos sole oriente est sub eodem parallelo loco 32° occidentaliori insula Ferri, cujus longitudo est adeo 328° . Quod si ad extremum alterum ejusdem ellipseos ex parte orientali circuli O X C ponatur crus circini, crus alterum incidet ex una parte in 9° , ex altera in 35° orbitæ K L. Hinc finis eclipsis sole occidente contingit sub parallelo 40° loco, cujus longitudo est 88° ; & initium illi, cujus longitudo 114° . Hac methodo facta est sequens tabula

Sub parall.	Sole Oriente.		Sole Occident.	
	Initium. Longit.	Finis. Longit.	Initium. Longit.	Finis. Longit.
70° Bor.	12°	346°	$97^\circ \frac{1}{2}$	77°
60	$2 \frac{1}{2}$	334	108	88
50	359	329	113	90
40	357	328	114	88
30	353	328	115	86
20	346	332	115	85
$17 \frac{1}{2}$	$338 \frac{1}{2}$	$338 \frac{1}{2}$		
10			$113 \frac{1}{2}$	86
0			$112 \frac{1}{2}$	$89 \frac{1}{2}$
10 Aust.			108	96
$12 \frac{1}{2}$			100	100

Si hæc omnia puncta in chartam vel globum translata conjungantur, habebitur curva in se se rediens, ac seipsam secans in puncto, ubi sol non nisi unico momento in meridie est visibilis, quod contingit sub parallelo $77^\circ, 25'$ (quod est complementum declinationis solis) in longitudine 37° , in quam nempe punctum I orbitæ K L cadit.

846. Omnes hæc curvæ pro diversis casibus diversæ sunt; attamen satis accurate describentur, si puncta vicina semper connectantur.

CONCLUSIO.

Animadversiones in Systema Physicum Astronomiæ.

847. **A**rti limites his lectionibus positi non admiserunt, ut omnia referremus, quæ singillatim excutienda erant, ut explicatæ theoriæ partes omnes observationibus astronomicis jam a viginti sæculis, & quod excurrit, institutis exacte conformes demon-

monstrarentur. Erat scilicet illud nobis magis cordi, ut claram simplicemque expositionem, atque ideo etiam sat productam, eorum omnium daremus, quæ astronomia seu theoretica, seu practica sibi vendicat, quam ut singularum veritatum evidentiam demonstrationum rigore evinceremus.

Atque hinc factum, ut nihil afferremus de diversis systematis mundi, quæ vel *Ptolomæi*, vel *Tychonis* nomine celebrata sunt, quæ nostris temporibus vix alibi locum merentur, quam ut in historia de diversis hominum opinionibus referantur; hinc hypotheses omnes physicas a Philosophis excogitatas, ut cælestium corporum motus ad Mechanicæ leges exponerent, intactas reliquimus, illudque unum hac in re præstitimus, ut vim centram in ratione reciproca quadratorum distantie a puncto, in quod tendit, variabilem cum vi constante projectionis primitus impressa combinaremus. Est autem adeo liquidum, utramque hanc vim existere, tamque evidentibus inductionibus ostenditur, ut si quod systema physicum inquirendum est, combinatio harum duarum virium principii, cui superstruetur, sequela immediata esse debeat. Quare systema tale vel originem legis, quam subjicimus, vel ei prorsus analogæ, detegat, est necesse.

848. Omnia phænomena motus corporum vel invitos cogunt, ut agnoscamus, omne corpus, vel potius omnem materiæ moleculam esse velut centrum spheræ cujusdam in infinitum extensæ, cujus quivis radius sit directio vis constantis & uniformis per totam radii longitudinem, quæ seu impellat seu trahat versus centrum omnem materiæ in hoc radio existentis moleculam: & actionem hujus vis esse semper in ratione reciproca duplicata distantie moleculæ illius a centro.

849. Hinc intelligitur, cum hæc lex sit universalis pro quavis materiæ creatæ molecula, quod duæ quævis moleculæ in se se mutuo agant intra spheram activitatis suæ: ita, ut si sint æquales, earum nifus ad conjunctionem sit æqualis & reciprocus utrinque. At si quod corpus componatur e duabus, tribus, quatuor &c. æqualibus massæ corporis alterius distantis, nifus reciprocus inter hoc, & quamvis moleculam prioris manebit quidem æqualis; verum quod in priore corpore plures sint unitæ, nifus secundi in primum corpus erit duplus, triplus quadruplus &c. illius, quo primum in secundum tendit. &c.

850. Ex hoc deducitur, quod ut stabiliatur systema astronomiæ physicæ necesse sit, ut e principio pro fundamento assumpto, deducatur lex generalis, secundum quam duæ quævis moleculæ materiæ nitantur se ea vi conjungere, quæ sit semper in ratione directa simplici massarum, & reciproca duplicata distantiarum; ita ut hujus vis tot sint modi, conditionesque agendi, quot moleculæ, & situs earum respectivi.

851. Consensus admirandus inter omnia phænomena cælestia, & calculos ex hac lege deductos, astronomos impulit, ut eam tanquam fundamentum reciperent. Ex hac enim lege infertur, corpora omnia nos ambientia debere motu accelerato directione ad telluris superficiem perpendiculari descendere; ex hac discimus, cur luna circa terram volvatur (705): e combinatis diversis variationibus, quas mutuae solis, terræ, ac lunæ actiones pro diverso situ efficiunt, eo tandem pertigimus, ut lunæ inæqualitates omnes certis calculi legibus sint adstrictæ. Nulla hypothesis, quæcunque adhuc ab astronomis excogitata fuit, motus lunares certis regulis subicere potuit. Ex hac eadem lege Saturnus & Jupiter, aliorum planetarum comparatione corpora ingentia, suis inæqualitatibus sunt obnoxii, lunaribus analogis, tum pro diverso situ inter se, tum solis respectu. Denique huic legi debetur non modo summa accuratio in calculo motus planetarum, verum etiam vera cometarum theoria, ad quam ante Newtonum astronomorum nemo ne quidam prope accessit, ita, ut perfectioni astronomiæ jam vix aliud optari queat, quam observationes a veteribus nobis relictis accuratiores, quibus regulæ ex hac lege deductæ secure applicari possint, indeque elementa vera astronomica theoriæ cujusvis corporis cælestis constitui.

852. Quoniam itaque omnia corpora cælestia huic legi subiecta sunt, manifestum est, ea debere esse in perpetuo quodam motu & agitatione, ut ei, quantum possunt, obsequantur. Sol ipse locum quovis momento mutare cogitur, ut tali consistat semper, quo planetis in orbitis eccentricis circa eum gyrantibus sit, quam fieri potest, maxime propinquus. Verum ingens ejus moles & distantia saltem nobis hunc motum reddunt imperceptibilem.

853. Eadem conformitas inter hanc legem & cælestia phænomena ad hanc nos deducit veritatem, cui in systemate physico non minus locus dandus est; *nempe medium, in quo corpora cælestia moventur, nihil eis resistere, quod sentiri possit.*

854. Difficultas in assignando hujus legis principio vere physico, quin in ea concilianda cum idea, quam velut natura duce habemus, ut existimemus, omnem motum fieri per impulsionem, Philosophos inter se se scidit. Alii eam tanquam absolute cum impulsu pugnantem rejiciunt; alii velut a Deo materiæ autore primitus constitutam admittunt, & attractionem appellant. Rectius quis fecerit, si ut innumeris commodis, quæ hæc lex adfert, fruatur, eam ex inductione omnium phænomenorum cælestium, nullo prorsus contrario, amplectatur interea, dum seu causa physica, seu lex vera, cui hæc adeo congruit, detegatur.



INDEX

RERUM PRÆCIPUARUM.

OBSERVANDUM, NUMERIS NON PAGINAS,
SED PARAGRAPHS DESIGNARI.

8

<i>A</i> pperratio fixarum	-	383
Methodus eam calculandi	- -	786
<i>Æ</i> quatio centri	- - -	13
ejus calculus	- - -	138
calculus æquationis maximæ	-	142
quomodo ex observationibus deducatur	- - -	143
<i>Æ</i> quatio temporis, seu horologiorum		321
<i>Æ</i> quatio altitudinum correspondentium		326
<i>Æ</i> quator terrestris	- - -	231, 595
cælestis	- - -	232
ejus axis videtur singulis annis circa axem eclipticæ revolvi	-	603
sub æquatore terrestris dies & noctes semper sunt æquales	259,	595
<i>Æ</i> quinoctia, & puncta æquinoctialia	- - -	248, 593
<i>Alt</i> itudo syderum	- - -	220, 621
meridiana	- - -	268
ejus calculus	- - -	279, 622
calculus altitudinis cujusvis	290,	621
<i>Alt</i> itudo poli	- - -	261
ejus calculus	- - -	290
quomodo observetur	-	277
<i>Alt</i> itudines correspondentes	- -	326
<i>A</i> psides	- - -	38
linea apsidum ad sensum immobilis videtur tamen habere motum directum valde lentum	-	516
linea apsidum in luna jam est retrograda, jam directa	- -	740
methodus inveniendi positionem lineæ apsidum in planetis	- 109,	150
causa physica variationum	- -	174
<i>Al</i> mucantarab	- - -	326
<i>A</i> mplitudo ortiva & occidua	- -	283
ejus calculus	- - -	291
<i>A</i> nnus tropicus, sydereus &c.	-	490
<i>A</i> nomalia media	- - -	129
vera	- - -	127

8

veræ calculus in ellipfi	-	138
veræ calculus in parabola	- -	203
vera quomodo in mediam convertatur	- - -	139
<i>A</i> phelium	- - -	38
<i>A</i> pogæum solis	- - -	484
<i>A</i> rcus diurni & nocturni	-	265
eorum calculus	- -	291
quomodo convertantur in tempus		292
<i>A</i> rgumentum latitudinis	- -	458
<i>A</i> stra sunt in perpetua agitatione	-	852
<i>A</i> scensio recta syderum	- -	301
ejus calculus	- - -	306, 312
usus	- - -	331, & seqq.
quomodo observetur	-	327, & seqq.
<i>A</i> tmosphæra causa refractionis	-	436
causa crepusculi	- -	450
auget umbram telluris	-	795
<i>A</i> zimuthum	- - -	282
ejus affectiones	-	284, & seqq.
calculus	- - -	290
<i>C</i> æli rotunditas est solum apparens	-	3
<i>C</i> eleritas, vide <i>velocitas</i>		
<i>C</i> oluri	- - -	251
<i>C</i> ometæ	- - -	16
eorum phænomena generalia e sole	- -	177, & seqq.
reguntur iisdem legibus, quibus planetæ	- - -	198
eorum orbita est ad sensum parabolica	- - -	186
tempus eorum revolutionis nondum cognitum, & cur	- - -	187
e quibus indiciis eorum reditus cognoscatur	- - -	199
elementa necessaria pro eorum theoria	- - -	529
difficultas theoriam directe determinandi	- - -	541

INDEX RERUM.

methodus generalis eam determi-		88
nandi ex observationibus	542 & seqq.	
præcepta & exempla calculi co-		
metarum in parabola	530 & seqq.	
calculus eorum in ellipsi	- - 572	
eorum cauda	- - - 527	
theoriæ præcipuorum cometarum		
tabula	- - - 571	
<i>Conjunctio</i> , superior, inferior	379, & 635	
<i>Constellatio</i>	- - - 7	
recensentur constellationes	- - 9	
<i>Crepusculum</i> , ejus calculus	- 450, & 451	
<i>Declinatio</i> syderum	- - 234, 302	
solis	- - - 608	
quomodo observetur	- - 279	
ejus calculus	- 290, 312	
circulus declinationis	- - 303	
<i>Deviatio</i>	- - - 773	
<i>Dies</i> astronomicus est inæqualis	314, 317	
- - - - -	- - 614	
civilis brevissimus & longissimus	274	
- - - - -	- - 595	
<i>Digit</i> i ecliptici	- - - 241	
<i>Distantia</i> curtata	- - - 457	
<i>Eccentricitas</i> orbitæ ellipticæ	- - 125	
quomodo reperiatur	- - 145, 150	
lunæ variabilis	- - - 746	
<i>Ecliptica</i> est terminus comparationis		
motus annui planetarum, & co-		
metarum	- - 243, 452	
ejus obliquitas, vide <i>obliquitas</i>		
<i>Eclipses</i> lunæ vel satellitis, partiales,		
totales	- - - 649	
quando contingant	645, 646, 789,	
- - - - -	- - 791	
sunt universales	- - - 651	
habent usum in determinanda dif-		
ferentia meridianorum	- - 655, 824	
constructio graphica phasium fu-		
turarum	- - 797, & seqq.	
calculus trigonometricus	- - 805	
<i>Eclipses</i> solis totales, annulares	- - 652	
quando contingant	- - 645	
non sunt universales	- - 651	
quando videatur initium, & finis	653,	
- - - - -	- - 789	
constructio graphica phasium	- - 806,	
- - - - -	- - & seqq.	
calculus	- - - 812	
quomodo ex iis reperiatur diffe-		
rentia meridianorum	- - - 828	
constructio schematis universalis	837	
<i>Elementa</i> astronomica	- - - 481	
<i>Ellipsis</i> est trajectory planetarum	- - 124	
in planetis non impedit cal-		
culum, velut moverentur in cir-		
culis maximis sphaeræ	- - 241	
est projectio orthographica circuli	356	
quomodo dividatur in gradus	- 359,	
- - - - -	- - 361	
calculus distantiae foci a puncto		
quovis	- - - 140	
calculus dimensionum	- - 145	
circuli, qui in planetarum super-		
ficie descripti concipiuntur, fere		
omnes sunt ellipses	- - 522	
objecta immobilia in cælo videntur		
singulis annis ellipsin describere	363	
<i>Emersio</i>	- - - 790	
<i>Epicyclus</i>	- - - 354	
<i>Epicycloides</i> , earum species, & affectio-		
nes	- - - 369, & seqq.	
corpora cælestia motu proprio		
prædita videntur epicycloides		
describere	- - - 573	
planetæ videntur describere epi-		
cycloides contractas	- - 393	
<i>Geocentrica</i> longitudo, latitudo	- - 459	
<i>Heliocentrica</i> longitudo, latitudo	- - 459	
<i>Horizon</i> sensibilis, & rationalis	- - 217	
habet polum in zenith	- - 218	
est terminus commodissimus, ad		
quem motus diurni phænomena		
referantur	- - 313	
<i>Illusiones</i> opticae motus cælestes affi-		
ciunt	- - - 225	
<i>Immersio</i>	- - - 790	
<i>Inclinatio</i> axis rotationis planetarum		
quomodo mensuretur	- - 605	
<i>Instrumenta</i> astronomiæ necessaria	- - 22	
<i>Interpolatio</i> , formulæ, & usus	95, & seqq.	
<i>Keplerus</i> , ejus prima lex	- - 84	
<i>Latitudo</i> syderis	- - - 300	
calculus	- - - 306	
circulus latitudinis	- - 303	
<i>Libratio</i> lunæ	- - 704, 755, 756	
<i>Limites</i> planetæ	- - - 458	
ecliptici	- - - 649	
<i>Lex</i> generalis in astronomia physica ad-		
mittenda	- - - 850	
<i>Longitudo</i> syderis	- - - 299	
	cal-	

calculus	306
Geographica	619
<i>Lumen</i> , ejus propagatio non est instan- tanea	385, 656
<i>Luna</i> , ejus phases	679, & seqq.
ejus theoriæ elementa astronomica	694
e sole visa nunquam est retrograda	658
ejus vis centralis est gravitas in terram	705
causæ inæqualitatum	711 & seqq.
ejus variatio	733
ejus revolutiones periodicæ sunt longiores, dum terra est in peri- helio	737
lex motus apsidum	740
variatio eccentricitatis	746
motus nodorum	747
variatio inclinationis	748
libratio	704, 755
eclipses, vide <i>eclipsis</i>	
<i>Maculae</i> planetarum	17
ostendunt rotationem circa axem	17
& planetas esse globos habitabiles	19
earum semitæ apparentes in su- perficie planetarum sunt ellipfes diversis variationibus periodicis obnoxiae	581, & seqq.
<i>Mars</i> , ejus retrogradatio major in aphe- lio, quam in perihelio.	397
<i>Mercurius</i> habet phases lunaribus ana- logas	518
<i>Meridianus</i> cælestis, & terrestris	270
differentia meridianorum	616
quomodo determinetur per obser- vationes	824, 829, 832
calculus transitus syderis per me- ridianum	333
calculus distantiae syderis a meri- diano tempore dato	336
<i>Methodi</i> generales	
calculandi longitudinem & lati- tudinem planetæ e sole & terra visam	463, & seqq.
inveniendi dimensiones, & posi- tionem ellipseos ex calculo trium observationum planetæ	150
inveniendi omnia elementa theo- riæ planetarum e terra visorum	506
& seqq.	
reducendi observationes in terra	

institutas ad eas, quæ eodem tem- pore in sole fierent	502
calculandi omnes exiguos motus astrorum, pendentis ab inæquali præcessionis æquinoctiorum, & ab- erratione	769, & seqq.
<i>Motus</i> diurnus, ejus phænomena e so- le spectati	580, & seqq.
<i>Motus</i> acceleratus	50
ejus affectiones	57, & seqq.
formulæ	61
<i>Motus</i> compositus, ejus proprietates	64, & seqq.
<i>Motus</i> æquabilis	49
ejus proprietates & formulæ	51, 52, 53, 55
<i>Motus</i> æquabilis in curva	87
<i>Nodus</i> ascendens, descendens	454
linea nodorum planetarum ad sensum fixa, valde parum re- trograda	51
methodus determinandi positio- nem lineæ nodorum	510, & seqq.
linea nodorum lunæ mobilis	747
<i>Nonagesimus</i>	409
<i>Nutatio</i>	770
<i>Obliquitas</i> eclipticæ	252, 604
quomodo observetur	309
est obnoxia variationi	310, 311
cur	768
<i>Occasus</i> , verum occasus punctum	287
<i>Occultatio</i> fixarum a luna, quomodo graphice determinetur	834
habet usum in determinatione dif- ferentiæ meridianorum	833
<i>Oculi</i> locus verus, locus putativus	343
orbita	344
<i>Orbita</i> optica objecti	344
ejus determinatio geometrica	347
<i>Ortus</i> , ejus verum punctum	287
<i>Parabola</i> , leges motus in trajectoria pa- rabolica	189, & seqq.
calculus anomalie veræ in parabola	203
est trajectoria cometarum	186
<i>Parallaxis</i> orbis annui	382
syderis	402
horizontalis	411
fit semper in verticali	406
duplex methodus determinandi parallaxin syderum	423, & seqq.
solis	

I N D E X R E R U M.

	88		88
solis est 10'' aut 11''	429	thographica globi planetarii e so-	607
calculus	432	le visi	379
<i>Paralleli</i> cælestes & terrestres	236	<i>Quadratura</i> planetarum	83
solis sunt species spiraliū	246	<i>Radius</i> vector	140
<i>Penumbra</i>	793	ejus calculus in ellipsi	209
<i>Perigæum</i> solis	484	in parabola	435, & seqq.
<i>Perihelium</i>	38	<i>Resolutio</i> virium	69
<i>Phases</i> lunæ	679 & seqq.	habet locum, dum directio est ob-	71
<i>Planum</i> comparationis	346	liqua	17
<i>Planetae</i> , characteres, quibus designan-	14	<i>Revolutio</i>	17
tur	392	revolutiones planetarum fiunt ad	23
superiores, inferiores	518	sensum tempore æquali	490, 694
non sunt corpora de se luminosa	519	anomalistica, synodica, periodi-	394, & seqq.
sunt aliquantum compressi ad po-	24	<i>Retrogradationes</i> , earum inæqualitates	17
los rotationis	25	<i>Rotatio</i> Planetarum	18
sunt in plano circuli maximi	124	tempus	216
sphæræ, in cuius centro est sol	35	causa & proprietates	229
singuli sunt in planis singulis	170	in eam vis centralis planetarum	15
eorum orbitæ sunt ellipses, qua-	453 & seqq.	non influit	631
rum focus sol occupat	393	<i>Satellites</i> , planetæ secundarii	634
eorum inæqualitates sunt partim	463	eorum tempus revolutionis	676
physicæ, partim opticæ	506 & seqq.	habent eandem motus directionem	643
<i>Dimensiones</i> , & elementa eorum	598	eorum orbitæ sunt ad sensum cir-	636
theoriæ relate ad solem	233	culi, in quorum centro est primarius	677
eorum motus verus e terra visus,	255, 598	eorum orbitarum plana inclinan-	631, 673
& ad planum eclipticæ relatus	28, 491, 630	tur ad planum orbitæ primarii	525
	764	patiuntur eclipses, & efficiunt	851
	767	eclipses solis	27
	769 & seqq.	in revolutione circa primarios, fe-	28
<i>Projectio</i> orthographica	345	quuntur eandem legem, quam pri-	29
circuli in plano inclinato est	356	marii in revolutione circa solem	240
ellipsis	429	elementa eorum theoriæ	448
determinatio geometrica positionis	448	<i>Saturnus</i> , cingitur annulo diversis va-	Me-
poli æquatoris in projectione or-		riationibus periodicis obnoxio	
		& Jupiter in se mutuas inæquali-	
		tates efficiunt	
		<i>Signa</i> cælestia	
		differunt a constellationibus, etsi	
		idem habeant nomen	
		characteres, quibus designantur	
		<i>Sol</i> , duplicis ejus motus apparentis ex-	
		positio	
		ratio ejus dimensionum ad dimen-	
		siones terræ	
		quare ad horizontem videatur ova-	
		lis figuræ	


INDEX RERUM.


		88			88
Methodus determinandi elemen-			species discernantur	-	191
ta ejus theoriæ	-	484	Tropici	-	247
Solstitia æstivum, hybernum	250,	596	Venus habet suas phases	-	518
Sphæra, figura apparens cæli	-	215	Velocitas angularis media	-	90
recta	-	257	punctum trajectoriæ, in quo æqua-		
parallela	-	254	tur veræ	-	107
obliqua	-	262	Velocitas angularis vera	-	89
Stellæ	-	4	ejus proprietates	-	92
earum usus	-	5	Verticalis	-	281
magnitudo	-	6	verticalis primarius	-	281
denominationes a Bayero iis datæ		11	proprietates verticalium	284, & seqq.	
methodus eas noscendi	-	12	Vis acceleratrix	-	60
de earum natura conjecturæ	-	13	centralis	-	77
a terra immensum fere distant		384	centralis variabilis tempusculo ad-		
videntur singulis annis ellipfin in			modum parvo est censenda con-		
cælo describere	-	380	stans	-	156
earum aberratio	-	384, 783	formulæ generales vis centralis	158,	
Systemata mundi, non amplius locum			& seqq.		
in Astronomia merentur	-	847	ejus proprietates in sectione co-		
Lex generalis systematis physici			nica	-	163, & seqq.
e phænomenis deducta,	-	849	Vis centralis lunæ est idem cum		
Syzygiæ	-	379	gravitate in terram	-	705
Tempestatum anni vicissitudines	-	275	Vis inertie	-	48
Tempus verum seu apparens, medium		318	perturbatrix lunæ	-	712
utriusque diversitas, & calculus		321	Umbra terræ, ejus magnitudo	-	782
quomodo verum observetur	325,	338	Zenith	-	218
Terra, quare appareat immota	-	224	ejus usus	-	219, & seqq.
est depressa versus polos	-	519	Locus terrestris in cælo distingui-		
ejus motus verus exhibetur per			tur per suum zenith	-	238
motum apparentem solis	-	240	Zodiacus	-	27
Trajectoria, quomodo diversæ earum			Cometarum nullus est	-	183







E R R A T A.







<i>Pag.</i>	<i>Lin.</i>	<i>Errata</i>	<i>Corrige.</i>	<i>Pag.</i>	<i>Lin.</i>	<i>Errata</i>	<i>Corrige.</i>
5	12	BL	BI			SP	SP
ibid.	35	BD	BC	81	10	$\frac{SP^3}{2PG}$	$\frac{ST^3}{2PG}$
		$\int A$	$\int A$				
8	17	$\frac{\int A}{\cos A + \int A}$	$\frac{R + \cos A}{\int A}$	83	10	$u = \frac{a}{s}$	$t = \frac{a}{s}$
9	1	$-\frac{1}{2}A$	$-\frac{1}{2}B$	91	ult.	43	34
ibid.	21	$\cos(A \pm B)$	$\cos^2(A \pm B)$	141	18	in primo & secundo	in secundo & tertio
10	7	VGR	VGR				
14	9	GDE	$\int GDE$	160	5	ad D	DMP
16	7	AC	AD	165	ult.	curvata	curtata
20	12	AD	AF	177	16	T	T (fig. 64)
ibid.	20	BD	BE	196	9	comprehendit	comprehensus
60	9	$-\ln m$	$-\ln n$	217	12	affectione motu diurni geographice	affectiones motus diurni graphice
ibid.	14	$-\frac{1}{2}c$	$-\frac{1}{2}c$				
64	15	26 ad 27	9 ad 10 Augusti	249	ult.	duplæ distantiae	distantiae
ibid.	16	a 9 Aug. usque ad 10	a 26 Jun. usque ad 27	265	17	columnis	tribus columnis
67	28	die 11	die 12	275	24	$49\frac{1}{2}$	$49\frac{1}{2}$
79	6	0.28847	0.208847	ibid.		$45\frac{1}{2}$ $13\frac{1}{2}$	$45\frac{1}{2}$ $13\frac{1}{2}$



















F. 44.




F. 50.






F. 62.




F. 63.




Tab. V.

F. 64.



F. 74.



F. 65.



F. 66.




F. 67.




F. 68.




F. 70.




F. 71.




F. 72.




F. 73.



F. 78.




F. 79.




F. 76.











F. 75.




F. 80.











F. 101.


Tab. VIII.



F. 102.



F. 103.






F. 104.



F. 105.



F. 106.



AD LECTIONES ELEMENTARES
ASTRONOMIÆ
PHYSICÆ, ET GEOMETRICÆ

CLARISSIMI VIRI
D. DE LA CAILLE,

ACADEMIÆ REGIÆ SCIENTIARUM PARISINÆ, SUECICÆ,
BORUSSICÆ, RUSSICÆ, ET GOETTINGANÆ, NEC NON INSTITUTI
BONONIENSIS MEMBRI, AC PROFESSORIS MATHESIOS IN
COLLEGIO MAZARINIANO PARISIIS,

APPENDIX
COMPLECTENS PRÆCIPUAS MUTATIONES,

QUAS
AUCTOR IN ULTIMA EDITIONE
PARISINA ANNO M. DCC. LXI FECIT,
ET IN LATINUM CONVERTIT

C. S. E. S. J.



VIENNÆ, PRAGÆ ET TERGESTI,
TYPIS JOANNIS THOMÆ TRATTNER, CÆS. REG. AULÆ
TYPOGRAPHI ET BIBLIOPOLÆ.

MDCCLXII.

THE UNIVERSITY OF CHICAGO

PHILIP H. KATZ

Professor of Economics

Department of Economics

530 East 58th Street

Chicago, Illinois 60637

Telephone: 773-936-5000

Fax: 773-936-5001

1994-1995


Department of Economics

530 East 58th Street

Chicago, Illinois 60637

Telephone: 773-936-5000

Fax: 773-936-5001



THE UNIVERSITY OF CHICAGO

PHILIP H. KATZ

Professor of Economics

Department of Economics

530 East 58th Street


Chicago, Illinois 60637

LECTORI BENEVOLO.

Ere illorum me facturum existimavi, qui Astronomiæ Lectiones latinas jam sibi compararunt, si præcipuas mutationes, quas clarissimus Auctor, cum eas Parisiis Anno 1761 denuo ederet, faciendas putavit, brevi Appendice, facileque parabili, complecterer, ne illis vel penitus carerent, vel, dum rursus volumen integrum prælo subjiciatur, expectare cogerentur.

Dum autem præcipuas dico, eas intelligat Lector, quæ vel ad methodum pertinent, vel dimensiones non nullas spectant, in quibus plus momenti est ad Theoriam. Quando de exemplis tantummodo illustrandæ methodo destinatis agitur, vix operæ pretium censui, lectorem ad appendicem remittere, nisi & hæc ipsa peculiare quid contineant, quod rationes antea non satis explicatas, vimque adeo, si dicere licet, methodi ob oculos ponat. Ceterum si omnes mutationes congerendæ fuissent, levio-
re sine labore novam editionem totius operis fuisset moliti. Unum est, quod monitum cupio lectorem, me citasse semper paginam Lectionum Astronomiæ, ad quam mutatio quævis pertinet; plerumque etiam para-

graphum, quandoque tamen paginam tantum. Dum pagina & paragrapho etiam numerus lineæ, in qua quidpiam corrigendum occurrit, additus est, lineas Lector ab eo paragrapho numerabit, non ab initio pagine; secus, si paragraphus additus non sit. Pariter numeros schematum, quæ vel nova accesserunt, vel mutata sunt in editione Parisina, hic retinui. Unde dum figura citatur numero simplice, ea quærenda est in tabulis lectionum; si vox Append. adjuncta sit, in Appendice reperietur.



PRÆCIPUÆ MUTATIONES IN LECTIONIBUS ASTRONOMIÆ.



Ag. 5 ante §. 20 inseratur sequens Corollarium, pro quo Fig. 2 Append. non nihil immutata adhibenda est.

COROLL.. Si duo quivis anguli correspondentes A, D conjungantur arcu circuli maximi AD (qui in P ex A productus erit ad latus oppositum CB perpendicularis); si præterea arcus CA, FD producantur, donec in K concurrant, fient quatuor triangula DAI, NAD, KAI, KND , ad I & N rectangula, quorum anguli, & latera erunt complementa angulorum, & laterum trianguli ABC , aut vero iisdem æqualia. Sic latera IA, ID sunt complementa lateris AB , & anguli B ; uti & hypotenusa AD arcus perpendicularis AP . Eodem modo AN, DN sunt complementa lateris AC , & anguli C : angulus item NDK æquatur lateri BC ; & angulus DKN est complementum arcus BQ ex angulo B ad latus oppositum AC perpendicularis; quod nempe puncta B, E sint poli circulorum, ad quos pertinent arcus DK, NK (15). Idem dici potest de arcubus BA, DE ; aut CB, FE productis, donec alter alteri occurrat. Hæc triangula rectangula adhiberi possunt, dum partes trianguli obliquanguli ABC sunt calculandæ.

Pag. 7. §. 28 adde: Verum numerus graduum singulorum angulorum dependet a numero graduum laterum, nec constans est, ut

in triangulis rectilineis. Id tantum certum, quemvis angulum esse majorem 60° (23); & si singula latera sint 90° , singuli quoque anguli sunt graduum totidem; sed lateribus 90° excedentibus, anguli etiam singuli recto sunt majores.

Pag. 7. §. 31. Quæ hoc §. a lin. 6 habentur, ita mutanda sunt: Verum ubi hunc numerum graduum aliquis eorum excedit, signum ejus cosinus, tangentis, & cotangentis mutandum est in contrarium. Etenim ex ipso intuitu circuli in 360° divisi, si hæ lineæ in diversis successive positionibus considerentur, patet I, quod inde a 0° usque ad 180° sinus eundem situm servant respectu diametri hæc divisionum puncta jungentis; quod crescant a 0 usque ad 1, qui terminus est quoddam eorum *maximum*, ad quod perveniunt, ubi 90° numerantur; postea decrescunt usque ad 0, cum scilicet ad 180° venit; quod hinc incipiendo positionem mutant, ac usque ad 1 crescunt, dum ad 270° attingunt, a quo termino decrescunt usque ad nihilum, ubi 360° habentur. Quare signum non mutatur, nisi in transitu per 0° , & 180° . II. At vero cosinus ad *maximum* suum perveniunt in 0° & 180° ; & fiunt 0, simulque positionem mutant in 90° & 270° . III. Si tangentes sumantur in recta utrinque in infinitum producta per 0° , & cotangentes in recta utrinque in infinitum producta per punctum 90° , facile admodum intelligitur, earum signum mutari in transitu per 0° , 90° , 180° , 270° , 360° , ubi æquantur vel 0, vel ∞ .

Pag. 8. §. 33 Formulæ, quæ hic primo loco ponitur, sequentes duæ præmittendæ sunt.

$$\pm \sin \frac{1}{2} A = \pm \cos \frac{1}{2} \text{suppl. } A. \text{ Item } \pm \tan \frac{1}{2} A = \pm \cot \frac{1}{2} \text{suppl. } A.$$

$$\text{Formulæ ipsi primæ adde} = \frac{\tan A}{\sec A}.$$

$$\S. 34 \text{ Formulæ II adde} = R^2 - 2 \sin^2 \frac{1}{2} A.$$

$$\S. 35 \text{ Formulæ III adde} = \sin A \times \sec A.$$

$$\S. 39 \text{ Formula VII lege } R \pm \cos A = \&c.$$

$$\S. 41. \text{ Formulæ IX adde: Aut vero } \frac{R + \cos A}{R - \cos A} = \cot^2 \frac{1}{2} A.$$

Pag. 9. Post titulum DEMONSTRATIO, inferatur: Ratio formularum $\pm \sin \frac{1}{2} A = \cos \frac{1}{2} \text{suppl. } A$, item $\pm \tan \frac{1}{2} A = \pm \cot \frac{1}{2} \text{suppl. } A$, intelligitur, si cogitetur, quod si v. gr. A sit $= 40^\circ$, sinus, & tangens ejus complementi ad 2 rectos 140° (five supplementi) sint negativa; at vero si dimidia accipiantur, scilicet 20° , & 70° , hæc sese mutuo ad rectum complent, atque 90° minora sunt.

Pag. 11 lin. 13 adde: uti & formula VI e XXIX, si ponatur $B = A$.

Pag. 17 §. 105 Loco Coroll. si in triangulis sphericis &c, lege Coroll. Si in duobus triangulis sphericis descriptis in eadem sphaera &c.

Pag. 23 §. 126 Hujus §. lineæ 7, 8 & 9 omittantur.

Pag. 28 linea ultima hujus pagine adde : Jam vero manifestum est, 6, 21803 esse logarithmum numeri $\frac{1}{6053}$ (posito logarithmo unitatis = 10, 00000); & numerum alium multiplicare per $\frac{1}{6053}$ idem esse, ac eum per 6053 dividere.

Pag. 41 §. 34 lin. 8. loco 25'' 23''' lege 25'', 4.

lin. 9. loco 16'' 37''' lege 26'', 6.

Pag 42. §. 35 lin. 2. loco 16'' 37''' lege 16'', 6.

lin. 6. loco 4° 11' 5'' lege 4° 11' 27''.

lin. 7. loco 6° 23' 27'' lege 6° 23' 29''.

lin. 10. loco 2° 12' 22'' lege 2° 12' 2''.

Pag. 43. Cum plures correctiones in hac tabula occurrant, e commodo lectoris putavimus, novam ex integro subicere.



Distantiæ Mercurii a prima Stella Arietis in ipso meridie observatæ.

1740	Sign.	Grad.	Min.	Sec.	Differentiæ.		Sign.	Grad.	Min.	Sec.	Differentiæ.
Jun. die 14	0	2	4	30	5° 2' 37"	Jul. d. 30	7	15	8	57	2° 54' 11"
15	0	7	7	7	5 12 23	31	7	18	3	8	2 52 15
16	0	12	19	30	5 22 14	Aug. d. 1	7	20	55	23	2 50 27
17	0	17	41	44	5 31 53	2	7	23	45	50	2 49 2
18	0	23	13	37	5 41 20	3	7	26	34	52	2 47 45
19	0	28	54	57	5 50 12	4	7	29	22	37	2 46 36
20	1	4	45	9	5 58 31	5	8	2	9	13	2 45 49
21	1	10	43	40	6 5 53	6	8	4	55	2	2 45 3
22	1	16	49	33	6 12 12	7	8	7	40	5	2 44 43
23	1	23	1	45	6 17 9	8	8	10	24	48	2 44 24
24	1	29	18	54	6 20 54	9	8	13	9	12	2 44 20
25	2	5	39	48	6 23 1	10	8	15	53	32	2 44 30
26	2	12	2	49	6 23 29	11	8	18	38	2	2 44 51
27	2	18	26	18	6 22 22	12	8	21	22	53	2 45 25
28	2	24	48	40	6 19 33	13	8	24	8	18	2 46 10
29	3	1	8	13	6 15 13	14	8	26	54	28	2 47 4
30	3	7	23	26	6 9 42	15	8	29	41	32	2 48 17
Jul. d. 1	3	13	33	8	6 2 53	16	9	2	29	49	2 49 39
2	3	19	36	1	5 55 8	17	9	5	19	28	2 51 8
3	3	25	31	9	5 46 31	18	9	8	10	36	2 53 10
4	4	1	17	40	5 37 25	19	9	10	3	46	2 55 13
5	4	6	55	5	5 27 52	20	9	13	58	59	2 57 23
6	4	13	22	57	5 18 10	21	9	16	56	22	3 0 1
7	4	17	41	7	5 8 21	22	9	19	56	23	3 2 48
8	4	22	49	28	4 58 33	23	9	22	59	11	3 5 55
9	4	27	48	1	4 49 2	24	9	26	5	6	3 9 20
10	5	2	37	3	4 39 46	25	9	29	14	26	3 12 56
11	5	7	16	49	4 30 54	26	10	2	27	22	3 17 10
12	5	11	47	43	4 22 22	27	10	5	44	32	3 21 24
13	5	16	10	5	4 14 12	28	10	9	5	56	3 26 2
14	5	20	24	17	4 6 28	29	10	12	31	58	3 30 57
15	5	24	30	45	3 59 9	30	10	16	2	55	3 36 15
16	5	28	29	54	3 52 15	31	10	19	39	10	3 42 24
17	6	2	22	9	3 45 46	Sept. d. 1	10	23	21	34	3 48 52
18	6	6	7	55	3 39 22	2	10	27	10	26	3 55 14
19	6	9	47	17	3 34 2	3	11	1	5	30	4 2 23
20	6	13	21	19	3 28 48	4	11	5	7	53	4 9 54
21	6	16	50	7	3 23 57	5	11	9	17	47	4 17 47
22	6	20	14	4	3 19 20	6	11	13	35	34	4 26 10
23	6	23	33	24	3 15 17	7	11	18	1	44	4 34 56
24	6	26	48	41	3 11 19	8	11	22	36	40	4 43 52
25	7	0	0	0	3 7 44	9	11	27	20	32	4 53 19
26	7	3	7	44	3 4 27	10	0	2	13	51	5 2 54
27	7	6	12	11	3 1 31	11	0	7	16	45	5 12 42
28	7	9	13	42	2 58 51	12	0	12	29	27	5 22 31
29	7	12	12	33	2 56 24	13	0	17	51	58	

Pag. 48 §. 60. Hoc Scholium a Lin. 8 hunc in modum mutetur: Itaque si motus a viribus acceleratricibus diversis effecti inter se comparentur, est 1^{mo}. celeritas in ratione composita virium acceleratricium, & temporum. 2^{do}. Spatia percurfa sunt in ratione composita virium acceleratricium, & quadratorum temporum. 3^{tio}. Quadrata celeritatum acquisitarum sunt in ratione composita virium acceleratricium, & spatiorum. Dicatur vis acceleratrix f , dabuntur sequentes formulæ.

$$u = ft = \sqrt{fe}. \text{ Hinc si } u = 1, e = \frac{1}{f} \text{ \&c.}$$

$$e = ft t.$$

$$f = \frac{e}{tt}.$$

$$t = \sqrt{\frac{e}{f}}.$$

Id genus formulæ rationum compositarum eodem prorsus modo demonstrantur, quo superius (52) usi sumus. Itaque

Pag. 54 §. 77 in fine adde: uti & vis uniformis & æquabilis tangentialis appellatur, quod ejus directio semper congruat cum tangente curvæ a corpore projecto descriptæ.

Pag. 57 §. 92. Huic §. sequentia duo Corollaria subjicienda sunt: Coroll. I. Maxima angularis celeritas vera habetur itaque in eo orbitæ puncto, ubi corpus centro virium est maxime vicinum; uti minima illic est, ubi ab eodem centro corpus plurimum distat. Unde linea apsidum duo trajectoriæ in se redeuntis puncta connectit, quorum alterum centro virium est maxime propinquum, alterum omnium maxime diffitum.

Coroll. II. Si tempus revolutionis periodicæ corporis curvam in se redeuntem describentis sit $= T$, distantia a centro virium, quando velocitas angularis vera æquatur velocitati angulari mediæ, $= r$, & distantia ab eodem centro in quovis alio trajectoriæ puncto dicatur $= d$, ejus illic velocitas angularis vera u tempore t admodum parvo rite exprimetur in hunc modum $u = \frac{t \times 360^\circ \times rr}{T \times dd}$. Est

$$\text{enim } u : \frac{t \times 360^\circ}{T} = rr : dd. \text{ Obeandem rationem erit } d = r \sqrt{\left(\frac{t \times 360^\circ}{T \times u} \right)}$$

formula distantiae a centro virium.

Pag. 61 Exempla, & usus &c. Monitum hoc loco volumus lectorem, quoniam ad usum formularum rite comprehendendum nil interest, quænam dentur quantitates, nos in his exemplis nihil mutare voluisse. Unde positiones Mercurii non e tabula correctâ, sed uti habetur PAG. 43, desumptas reliquimus usque ad §. 106, quem ab Authore magis illustratum cum differentiis e tabula correctâ acceptis jam subjungimus.

106. Interpolari etiam possunt differentiæ radicum datarum, tum ut inveniatur tempori dato correspondens, tum ut reperiatur maxima vel minima omnium, quæ dari possunt, ope formularum pro maximo vel minimo. Hac ratione plures observationes calculum

ingrediuntur, quo interpolatio accuratior evadit. V. g. in sequente tabella

Jun. loca Mercurii				Differentiæ primæ.			Differentiæ secundæ.		
die	24	1 ^s	29° 18 54''	...	6° 20' 54''	...	+ 2' 7''	= a	= 0' 0''
	25	2	5 39 48	...	6 23 1	...	+ 0 28	= b	= 1 44
	26	2	12 2 49	...	6 23 29	...	— 1 7	= c	= 3 18
	27	2	18 26 18	...	6 22 22	...	— 2 49	= d	= 5 3
	28	2	24 48 40	...	6 19 33	...			
	29	3	1 8 13	...					

Acceptæ sunt sex observationes a die 24 usque ad 29 Junii, cum 5 earum differentiis, quæ *differentiæ primæ* appellantur, & 4 harum differentiarum differentiis, quæ *differentiæ secundæ* dicuntur. Manifestum autem est *primo*, terminum, quo Mercurius velocitatem maximam habuit, inter hos sex dies contineri. *Secundo* quatuor differentias secundas respondere diebus 25, 26, 27 & 28 Junii. *Tertio* quoniam primæ duæ ex his secundis differentiis sunt positivæ, reliquæ duæ negativæ, tempus, quo Mercurius velocitatem maximam habuit, debere illud fuisse, quo differentia secunda fuit æqualis 0. Quare loco meridiei dierum 25, 26, 27 & 28 Jun. scribi etiam potest 0, 1, 2, 3, & pro differentiis secundis a, b, c, d , quarum prima = 0. Et ut imaginandi vis hac in re non nihil juvetur, calculique ordo appareat, sit AD (*Fig. 30* Append.) recta quævis in tres partes æquales arbitrariæ longitudinis divisa. Insistat huic ad A alia quælibet recta AE, cujus longitudo repræsentet quantitatem primam $a = 2' 7''$, quæ initio, seu origini alterius AD, competit, ubi scilicet radix prima = 0. Per B ducatur BF priori parallela, atque ex eadem AE parte, cujus longitudo exhibet quantitatem alteram $b = 28''$, radici AB = 1 convenientem. Agatur per C de novo parallela ad AE, verum in partem oppositam: ejus longitudo exprimit $c = - 1' 7''$, quæ functio respondet radici AC = 2. Denique per D ducta parallela ad AE, atque contrarium situm obtinens, repræsentat quantitatem $d = - 2' 49''$, debitam radici AD = 3. Quod si jam cogitetur curva per E, F, G, H transiens, evidens sane est, per radicem AI exhiberi tempus transitus e positivo ad negativum, & consequenter tempus velocitatis maximæ, quod quæritur. Licet vero AE, BF, CG, DH exprimant functiones respondentes radicibus 0, AB = 1, AC = 2, AD = 3, itaque calculus ex his solis iniri jam posset; ut tamen is adhuc evadat planior, sumpta functione prima = 0, atque solutione problematis ad 3 casum formulæ 2^{da} reducta (97), ducatur EL ad AD parallela, & re-

ctæ FB , GC , HD (quæ functiones repræsentant) producantur usque ad EL , ut obtineantur Bb , Gg , Hh . Quoniam Eb , bg , gh æquantur cum AB , BC , CD , manifestum est, sumi posse punctum E , tum rectas Eb , Eg , EH pro radicibus 0 , 1 , 2 , 3 ; pro functionibus correspondentibus E , bB , gG , hH , aut in numeris 0 , $1' 39''$, $3' 14''$, $4' 56''$; & ducta IK per punctum I ad AE parallela, huc demum reducitur problema, ut inveniatur valor radicis EK sive AI , respondentis functioni KI , vel $AE = 2' 7''$, aut 127 . His ita constitutis habebitur $l = 1 \frac{5}{6}$, $k = -7 \frac{1}{2}$, & $h = 106 \frac{2}{3}$, & æquatio tertii gradus erit, $1 \frac{5}{6} x^3 - 7 \frac{1}{2} x x + 106 \frac{2}{3} x = 127$, cujus radix $x = 1$, 2956 æquivalet 1 d. 7 h. $5' 40''$, quod tempus meridiei 25 Junii, cui prima functio respondet, addendum, ut obtineatur tempus, quo Mercurius maximam nactus est celeritatem, scilicet d. 26 Jun. 7 h. $5' 40''$.

Si idem problema per formulam *Maximi* resolvere lubeat, quatuor tantummodo differentię primæ accipiendæ sunt, ne calculus in immensum excurrat; & sane praxi satis est hic terminorum numerus. Itaque habitis ex ordine quatuor prioribus differentiis primis $6^\circ 20'' 54''$, $6^\circ 23' 1''$ &c, harum rursus accipiantur differentię, sive excessus supra minimam (quæ prima est); erunt functiones $0''$, $2' 7''$, $2' 35''$, $1' 28''$. Et quoniam hæ ab initio crescunt, dein decrescunt, patet, celeritatem maximam quæsitam respondere functioni maximæ, poteritque ex formula *maximi* (97) $x = \pm \frac{\sqrt{(kk - 3lh)} - k}{3l}$ immediate reperiri. Quod si quis velit calculi

ordinem figuræ Geometricæ accommodare, sit recta AD (Fig 29 Append.), cujus tres partes æquales exhibeant radices 0 , 1 , 2 , 3 . Parallelae BE , CF , DG sua longitudine earum functiones repræsentabunt, scilicet $2' 7''$, $2' 35''$, $1' 28''$. Curvæ per extrema A , F , E , G transeuntis (quæ semper erit generis parabolici; & quidem ordinaria parabola, quando tres tantummodo functiones, totidemque radices habentur; cubica, sive secundi generis, ubi quatuor (uti in præsentē casu) radices, ac functiones sunt &c.) vertex I respondebit functioni maximæ, quæ celeritatem maximam repræsentat; & recta AK , determinata per IK , ad BE parallelam, exhibet radicem correspondentem, quæ tempus maximæ celeritatis indicat. Ut igitur hæc radix reperiatur, erit $b = 131$, $c = 158$, $d = 91$; & hinc juxta casum 3 formulæ 2^{da} $l = \frac{2}{3}$, $k = -51 \frac{1}{2}$, & $h =$

$$177 \frac{5}{8}; \text{ \& per formulam } \textit{Maximi} \text{ erit } x = \pm \sqrt{\left(\frac{2652 \frac{1}{4}}{4} - \frac{177 \frac{5}{8}}{5} \right)} + \frac{51 \frac{1}{2}}{2}, \text{ sive } x = \pm 23, 9613 + 25,75; \text{ quapropter binæ radices sunt}$$

B. 2
 $x =$

$x = 49, 7113$, & $x = 1, 7887$, quarum posterior procul dubio quæsitæ est. Respondet autem huic tempus 1 d. 18 h. 55' 44" addendum ad 24 Jun. 12 h. 0', quod prima differentia 6° 20' 54" respondet medio inter 24 & 25 Junii. Obtinetur adeo tempus celeritatis maximæ Mercurii d. 26 Jun. 6 h. 55' 44", quod a superius invento propterea tantillum differt, quod in præsentē calculo una observatione pauciores sint adhibitæ. Verum hoc discrimen nullius momenti est, cum motus planetæ in transitu per apfides (ubi radius vector ad tangentem perpendicularis est) sit admodum æquabilis.

Si tandem scire quis cupiat, quanta fuerit celeritas maxima angularis Mercurii intra 4 horas, sive quos arcus conficere visus sit duabus horis ante, & duabus horis post momentum, quo ad maximam celeritatem pervenit, id est, ab hora 5 usque ad horam 9 diei 26 Junii, in formula $-15\frac{5}{8}x^3 + 61\frac{1}{2}xx + 22935\frac{1}{3}x$ primum pro x substituatur 1, 20833, dein vero 1, 375; obtinebitur e prima substitutione 27775, 4, ex altera 31611, 2, & differentia 3835, 8 ostendet, motum angularem fuisse 1° 3' 55", 8.

Consimili calculo invenietur celeritas minima Mercurii die 9 Aug. 6 h. 37', ejusque motus angularis verus intervallo 4 horarum (nempe ab 4 h. 37', usque ad 8 h. 37') 27' 23", 2.

Pag. 63. §. 107. *Demonstratio hujus Theor. sic mutanda, adhibito etiam schemate 31 Append. paullo aliter constructo.*

DEMONSTRATIO. Si corpore D trajectoriam P N A M circa punctum S describente, cogitetur interea aliud corpus d circa idem centrum S, eodemque tempore periodico, circulum T N M percurrere, manifestum est 1^{mo}, ob æqualitatem temporum periodicorum, velocitatem angularem mediam (90) utriusque corporis eandem esse. 2^{do}. in circulo celeritatem angularem veram æquari semper celeritati angulari mediæ (88). Quare velocitas angularis media in trajectoria æqualis semper est velocitati angulari veræ in circulo. His positis, sint G g, R r arcus eodem tempore descripti, alter in trajectoria, in circulo alter. Ductis S G, S g; S R, S r, nec non G O ad S g perpendiculari, sectores G S g, R S r erunt areæ triangulares æquales; & hinc (Elem. 597) R r: G O = S G: S R. Sunt autem arcus (Elem. 582) G O: R V = S G: S R; igitur R r: R V = S G²: S R². Quare, prout S G fuerit major, æqualis, aut minor, quam S R, hoc est, prout corpus D fuerit extra circulum, vel in eodem, aut intra illum, ita arcus R r, qui velocitatem angularem veram in circulo metitur, consequenter etiam celeritatem angularem mediam in trajectoria, major, æqualis, aut minor erit arcu R V, qui metitur angulum G S g celeritatis angularis veræ in Trajectoria. Unde in toto arcu N A M celeritas angularis vera corporis D minor est

est celeritate media. Oppositum contingit in arcu MPN. Sunt itaque puncta N & M termini accelerationis, & retardationis motus angularis veri respectu motus medii. Et hinc velocitas angularis vera nullibi accurate æquatur mediæ, præterquam in dictis punctis N & M. Nec etiam æqualitas ad sensum habetur inter has velocitates, nisi quatenus exigui arcus trajectoriæ ad N & M congruunt ad sensum cum arcubus exiguis circuli: sed quo angulus curvilineus ANM major est, eo minus trajectoria cum circulo congruit: itaque quo major est angulus, quo trajectoria circulum intersecat, eo citius circa puncta N & M velocitas angularis vera a media discrepet, est necesse.

Pag. 64. §. 109. Huic §. sequentia adjiciantur. Ut postremo loco allata analogia demonstretur, ponatur recta GH (vide Fig. 31. Append.) duo loca opposita conjungere, in quibus Planeta parum a linea apsidum AP abfuit. Facile intelligetur, cum motus in A & P sit æquabilis ad sensum, tempora, quibus percurruntur spatia angularia æqualia PSH, ASG, esse in ratione inversa celeritatum angularium u , V in A & P: unde erit $T : t = V : u$; & hinc $V - u : V = T - t : T$.

Pag. 69. Artic. XI. Quoniam in hoc articulo plurimæ mutationes occurrunt, ne Lectoris attentionem in materia tanti momenti distraheremus, eum propter paucas lineolas nunc ad præsentem Appendicem, nunc rursus ad ipsas Lectiones Astronom. remittendo, expedire judicavimus, totum Articulum, uti in postrema edit. Parisi. habetur, hoc loco exponere.

ARTICULUS XI.

De ratione distribuendi inæqualitates Planetarum in diversis orbitæ locis.

Inæqualitas motus angularis est perpetua mutatio rationis, quam anguli confecti ad partes æquales temporis habent. In theoria motus compositi a nobis tradita non aliam constantem rationem reperimus, quam arearum descriptarum a radiis vectoribus ad tempora, quibus percurruntur; ut proinde ad calculandos motus veros Planetarum pro tempore quovis dato, imprimis areæ sectorum confectæ ex ipso tempore definiri debeant; tum vero quæri anguli ad vertices eorundem sectorum. Ut autem tam tempora, quam areæ rite constituentur, inde a punctis quibusdam fixis (quæ Epochæ dicuntur) computi initium sumendum. Et quamvis videatur, pro Epochâ temporis sumi posse momentum quodvis, modo simul constet de Epochâ

motus, id est, cuinam cœli puncto locus Planetæ eo temporis momento responderit; nihilominus ut, quantum licet, calculus reddatur simplicior, epocharum electio arbitraria non est, quando quisque facile perspicit, non aliud punctum commodius pro primo statui, quam in quo Planetæ motus est uniformis. At vero in quavis revolutione Planetæ ellipsin describentis, motus bis fit æquabilis, scilicet in transitu per lineam apsidum: e re igitur fuerit, ut alterutrius hujus transitus momentum assumatur pro epocha temporis, punctum vero cœli, cui apsis illa, per quam tum transiit, respondet, pro epocha motus.

Convenit quidem adhuc inter Astronomos, ut tempus transitus per Aphelium, & ipse Aphelii locus epochæ statuerentur; verum postquam ex indubio Cometarum reditu demonstratum est, etiam ab his ellipses describi, quarum pars vicinior, in qua est Perihelium, a nobis tantum conspici potest, necessitas nobis imposita est, a vetere hoc more recedendi, siquidem regulas calculi & Planetis, & Cometis accommodatas condere velimus. Quare motus corporum cœlestium deinceps a Perihelio computandi sunt. Ceterum hæc mutatio præter signorum $+$ & $-$ commutationem vix aliam varietatem in regulas calculi ab Aphelio deducti invehit, ut modica attentione adhibita facile eadem regulæ ab una epocha ad alteram traduci possint. Determinatis itaque ex observationibus dimensionibus ellipsium, quas singuli Planetæ describunt, positione lineæ apsidum, & constituta epocha transitus per perihelium, nihil præterea deest observatori, quo minus locum Planetæ in hac orbita pro tempore quovis dato calculare possit, quam ut reperiat methodum assignandi angulum ad solem a linea apsidum, & radio vectore, in cuius extremo Planeta tempore dato existit, comprehensum.

Hæc methodus, quæ regulas reperiendi omnes motuum Planetariorum inæqualitates suppeditare debet, suis non caret difficultatibus. Solet vero *Problema Kepleri* dici, quod is Astronomus, cum veram motuum cœlestium theoriā proposuisset, primus constituerit, ejus leges ad calculos exigere, quanquam rem methodo directā perficere haud potuerit, aliis, qui post se in Geometriam profundius penetrassent, relicta cura problematis directē resolvendi. Neque vero ad hæc nostra usque tempora id via commodiore, quam approximatione, præstari potuit, ob rationem, quæ mox patebit. Adferemus interim solutionem praxi maxime opportunam, imprimis quando orbitæ parum admodum a circulis differunt, quales reapse sunt omnes Planetariæ systematis Solaris: postea indicabimus, quid agendum dum calculus ellipsibus valde eccentricis, ut sunt Cometarum trajectoriæ, accommodandus.

Constructio Problematis Kepleriani. E datis dimensionibus trajectorye planetæ descripta ellipsi $ABPE$ (vid. Fig. 26 Append.), cujus axis major AP , A aphelium, P perihelium, S focus a Sole occupatus, BE axis minor, C centrum &c, fiat super diametro AP circulus $ANPG$, in cujus circumferentia, inde a puncto P sequendo directionem planetæ, accipiatur arcus PD , qui sit ad totam circumferentiam, ut est intervallum temporis a proximo transitu planetæ per perihelium usque ad tempus datum, ad tempus revolutionis periodicæ. Jungatur SD , & agatur ei per C radius parallelus CN . Demittatur ex N in axem AP perpendicularum NI : erit punctum M , in quo secat ellipsin, locus planetæ in sua orbita prope verus.

Jam vero circulus $ADPG$ appellatur *eccentricus*; arcus BD , si-ve angulus PCD , quem is metitur, *Anomalia Media* Planetæ; arcus PN , aut angulus PCN , *Anomalia Eccentrici*; angulus PSM , qui quæritur, *Anomalia Vera* planetæ; denique differentia inter anomaliam mediam & veram, *Æquatio Centri*. Unde problema Keplerianum hunc in modum enunciandum est: *data anomalia media planetæ, invenire ejus anomaliam veram, sive æquationem centri.* Resolutio in duas partes dividitur: in altera ex anomalia media invenitur anomalia eccentrici: in altera ex anomalia eccentrici anomalia vera.

Proponatur exempli causa inveniendus locus Mercurii die 13 Julii An. 1740. 9 h. vesperi. Cum Mercurius fuerit in suo perihelio die 29 Jun. 6 h. 59' 41", intervallum inter epocham, & tempus datum est 17 d. 2 h. 0' 19". Quod si itaque fiat, ut 87 d. 23 h. 15' 32" ad 360° 0' 0", ita 17 d. 2 h. 0' 19" ad 69° 54' 41", habebitur anomalia media planetæ, si-ve arcus PD .

Demonstratur Constructio. Quoniam in motibus corporum cœlestium tempora perpetua lege proportionalia sunt areis, quas verrunt radii vectores, si M est locus verus Planetæ in sua ellipsi, area PSM fit, oportet, ad aream integram ellipseos, ut est intervallum temporis a transitu proximo per perihelium usque ad tempus datum elapsi ad tempus periodicum planetæ. Jam vero arcus PD , & tota eccentrici peripheria, seu, quod idem, sector PCD , & area integra eccentrici sunt itidem in eadem temporum ratione: quare est area PSM ad aream PCD , ut area ellipseos ad aream eccentrici, & propterea (Elem. 896) ut CB ad CA . Sunt vero areæ PSM , PSN pariter inter se, ut CB & CA (Elem. 897); igitur est area PSM ad aream PCD , ut eadem area PSM ad aream PSN , e quo manifestum est, PCD æquari cum PSN . Porro $PCD = PCN - DCN$, & $PSN = PCN - CNS$; ergo area $DCN = CNS$. Est autem (Elem. 604) $DCN = \frac{1}{2} CN \times DN$; & $CNS = \frac{1}{2} CN \times ST$; unde $DN = ST$, id est, *anomalia eccentrici per PN determinata, ejus debet esse*

esse conditionis, ut arcus DN eccentrici, differentiam ab anomalia media PD metiens, æquetur exacte longitudini perpendiculari ST e foco S in radium CN , qui anomalias eccentrici abscindit, demissi.

Sed quoniam orbitæ ponuntur parum a circulis discrepare, punctum S debet puncto C admodum vicinum esse, perpendicularis ST exigua, & consequenter arcus DN , ei æqualis, paucorum graduum. His ita habentibus, cum tam arcus DN sit ad radium CN normalis, quam ST , poni potest, ST & DN esse rectas æquales ad CN perpendiculares, & propterea SD ad sensum esse parallelam cum CN . Datis itaque punctis S , & D , altero ex constructione ellipseos, altero ex anomalia media, datur linea SD positione, eique parallela CN abscindit in N anomalias eccentrici, cujus ope in ellipsi invenitur locus planetæ M .

OBSERVA Propter curvaturam arcus DN nequit SD accurate esse parallela ad CN , sed aliquantum versus N inclinari debet, eoque magis, quo arcus DN est plurium graduum. Itaque angulus PSD paullo major est angulo PCN , qui anomalias eccentrici exhibet.

Resolutio partis primæ Problematis Kepleriani, id est, data anomalia media invenire anomalias eccentrici.

Anomalia eccentrici PCN proxime æquatur angulo PSD , complemento ad duos rectos anguli CSD ; dantur vero in triangulo CSD latera CS , $CD = CA$, cum angulo comprehenso SCD ; reperitur igitur CSD , indeque PSD . Porro analogia in hoc calculo adhibenda est (Elem. 751) $CD + CS$ (five SA) est ad $CD - CS$ (id est SP), ut tangens dimidii complementi ad duos rectos anguli SCD ad tangentem arcus addendi eidem dimidio complemento ad duos rectos, ut habeatur angulus CSD . Et quoniam (Elem. 736) tangentes sunt in ratione reciproca cotangentium, analogia mutabitur in hanc: SP est ad SA , five distantia perihelii est ad distantiam aphelii, ut cotangens dimidii complementi ad duos rectos anguli CSD (hoc est, ut tangens dimidiæ anomalie mediæ SCD), est ad cotangentem arcus addendi dimidio complementi ad duos rectos anguli CSD , ut habeatur complementum ad duos rectos anguli PSD , (hoc est, ad tangentem arcus addendi dimidio anguli SCD anomalie mediæ, ut obtineatur angulus PSD proxime æqualis angulo PCN anomalie eccentrici).

In exemplo proposito est 0, 791184 : 1, 208816 = tang $34^{\circ} 57' 20''$: tang $46^{\circ} 53' 5''$, ac proinde anomalia eccentrici prope vera $81^{\circ} 50' 25''$.

Verum ut hæc anomalia eccentrici ad veram propius accedat, querenda est vera magnitudo anguli PCN , vel SCT , ope cujus in triangulo SCT ad T rectangulo recta ST ejusmodi reddatur, ut ad gradus, minuta, & secunda reducta accurate æquetur differentie inter eundem angulum SCT ,

S C T, & anomaliam mediam datam P C D; id autem non nisi tentando obtineri potest (cum problematis constructio accurata non sit), & per approximationem, quod quadratura, aut rectificatio circuli adhuc aliter, quam per approximationem, non habeatur. In hunc finem imprimis eccentricitas C S ad gradus, minuta, & secunda ope sequentis analogiæ est reducenda: ut radius C A, five 1, est ad $57^{\circ} 17' 44'',8$; ita est C S, seu 0,208816, ad $11^{\circ} 57' 51'',3$. (Observandum hic, radium circuli in gradus conversum semper obtineri $57^{\circ} 17' 44'',8$, si fiat $355 : 113 = 180^{\circ} 0' 0'' : 57^{\circ} 17' 44'',8$). Dein in triangulo rectangulo S C T, sumpto angulo S C T, qualis supra inventus est, $81^{\circ} 50' 25''$, quærendum est latus S T ex hac proportionem: ut radius est ad eccentricitatem C S in partes circuli conversam, ita est sinus anomalie eccentrici S C T ad S T itidem reductam ad gradus. In nostro exemplo reperitur S T = $11^{\circ} 50' 35''$, quæ sit differentia inter anomaliam mediam, & anomaliam eccentrici; & hinc, cum anomalia media sit $69^{\circ} 54' 41''$, habetur anomalia eccentrici $81^{\circ} 45' 16''$. Sumatur itaque angulus S C T $81^{\circ} 45' 16''$, & inito in hac hypothese calculo invenietur S T $11^{\circ} 50' 26''$, & anomalia eccentrici $81^{\circ} 45' 7''$. Hinc denuo ponatur angulus S C T $81^{\circ} 45' 7''$, iterato calculo in eodem triangulo reperitur S T $11^{\circ} 50' 26''$, eadem, quæ prius: e quo demum intelligitur, anomaliam eccentrici reapse esse $81^{\circ} 45' 7''$.

Resolutionis pars altera: data anomalia eccentrici invenire anomaliam veram.

Posito M loco vero Mercurii in ellipsi, hoc eodem centro M describatur per focum alterum F ellipseos circulus O F R: producat S M utrinque in Q, O: erit $S O = S M + M O = S M + M F = 2 C A = 2$, posita $C A = 1$ seu sinui toti; $S Q = M Q - M S = F M - S M$; & $F I = \frac{1}{2} F R$ (Elem. 448), seu $F R = 2 F I$: item $S R = F R - F S$, & hinc $\frac{1}{2} S R = F I - F C = C I = \cos P N$, & $S R = 2 \cos P N$. Est autem (Elem. 566) $S O : S R = F S : S Q$, vel vero $2 : 2 \cos P N = 2 C S : F M - S M$; igitur $F M - S M = \cos P N \times 2 C S$. Atqui $F M + S M = A P = 2$; ergo (Elem. 232) $S M = 1 - C S \times \cos P N$.

In triangulo S M I ad I rectangulo est $S M : R = S I : \cos I S M$; seu $1 - C S \times \cos P N : 1 = C S - C I$ (aut $C S - \cos P N$):

$$\begin{aligned} \cos I S M. \text{ Quare } \cos I S M &= \frac{C S - \cos P N}{1 - C S \times \cos P N}; \text{ \& } 1 + \cos I S M \\ &= \frac{1 - C S \times \cos P N + C S - \cos P N}{1 - C S \times \cos P N} = \frac{1 + C S - (1 + C S) \times \cos P N}{1 - C S \times \cos P N} \\ &= \frac{S P - S A \times \cos P N}{1 - C S \times \cos P N}. \end{aligned}$$

Eodem modo reperitur $1 - \cos I S M =$

C

S P

$$\frac{SP + SP \times \cos PN}{1 - CS \times \cos PN} \quad \text{Est autem (31) } \cos ISM = -\cos PSM;$$

$$\text{unde (41) } \frac{1 - \cos PSM}{1 + \cos PSM} = \tan^2 \frac{1}{2} PSM = \frac{1 + \cos ISM}{1 - \cos ISM} =$$

$$\frac{SA - SA \times \cos PN}{SP + SP \times \cos PN} = \frac{SA}{SP} \times \frac{1 - \cos PN}{1 + \cos PN} = \frac{SA}{SP} \times \tan^2 \frac{1}{2} PN.$$

Hinc denique $\tan^2 \frac{1}{2} PSM = \frac{SA}{SP} \times \tan^2 \frac{1}{2} PN$. Ex qua æquatione habetur $SP : SA = \tan^2 \frac{1}{2} PCN : \tan^2 \frac{1}{2} PSM$, vel vero $\sqrt{SP} : \sqrt{SA} = \tan \frac{1}{2} PCN : \tan \frac{1}{2} PSM$; hoc est: ut radix quadrata distantiae perihelii ad radicem quadratam distantiae aphelii; ita est tangens dimidiæ anomalie eccentrici ad tangentem dimidiæ anomalie veræ. Quapropter ex hac analogia reperietur $PSM 93^\circ 51' 47''$, five $3 3^\circ 51' 47''$, quæ si addantur loco perihelii $2^\circ 13' 54' 32''$, habebitur locus Mercurii $5^\circ 17' 46' 19''$ pro die 13 Julii 9h. vesper.

Ut executio hujus calculi commodior evadat, eum sequentibus regulis adstringimus.

Regulæ calculi, quo anomalia media ad anomaliam veram in ellipsi reducitur, computando a proximo transitu planetæ per perihelium.

I A logarithmo distantiae apheliæ subducatur logarithmus distantiae periheliæ, ut habeatur primus logarithmus constans, cui addatur logarithmus tangentis dimidiæ anomalie mediæ; summa erit logarithmus tangentis arcus addendi ad dimidiam anomaliam mediam, ut obtineatur anomalia eccentrici primo approximata. In toto hoc primo calculo minuta secunda negligi possunt.

II Logarithmo 5, 3144251 (qui est logarithmus radii in gradus conversi $57^\circ 17' 44''$, 8) addatur logarithmus eccentricitatis planetæ: a summa subtrahatur logarithmus semiaxis majoris; residuum erit secundus logarithmus constans.

III Logarithmo secundo constanti addatur Logarithmus sinus anomalie eccentrici primo approximatae; summa erit logarithmus numeri graduum, minutorum, & secundorum addendorum ad anomaliam mediam, ut habeatur anomalia eccentrici secundo approximata.

IV Logarithmo secundo constanti addatur logarithmus sinus anomalie eccentrici secundo approximatae; erit summa logarithmus numeri graduum, minutorum, secundorum, quæ addita ad anomaliam mediam dant anomaliam eccentrici tertio approximata.

Idem calculus toties repetendus est, quoties opus, adhibita semper anomalia eccentrici ultimo approximata, ut bis consequenter eadem accurate obtineatur; quod dum contingit, illa ipsa erit anomalia

malia eccentrici vera. In calculis planetarum systematis solaris ultra tertio approximatum non venit.

V Dimidio logarithmi primi constantis addatur logarithmus tangentis dimidiæ anomalie veræ eccentrici; erit summa logarithmus tangentis dimidiæ anomalie veræ, quæ quæritur.

Pag. 73 §. 139 lin. 2 adde: omnibus a perihelio computatis.

Ibid. lin. 3 loco perihelii lege aphelii.

Ibid. lin. 4 loco aphelii lege perihelii.

Ibid. lin. 8 loco addendum lege subtrahendum ab anomalia eccentrici.

§. 140 Problema hoc sequente ratione mutavit author.

Problema II. Datis dimensionibus ellipsis invenire radium vectorem, sive distantiam S M (fig. 26 Append.), quæ anomalie veræ datæ competit.

Resolutio I. $S M = \text{femiox. major} \mp \text{eccentricit.} \times \cos \text{anomal. eccentrici.}$

II. $S M = \frac{\text{femiox. minor.} \times \sin \text{anomal. eccentrici}}{\sin \text{anomal. veræ.}}$

III. $S M = \frac{\text{distant. aphel.} \times \text{distant. perihel.}}{\text{distant. perihel.} + 2 \text{ eccentric.} \times \cos^2 \frac{1}{2} \text{ anomal. veræ.}}$

IV. $S M = \frac{\text{femiox. major.} \pm \text{eccentricit.} \times \cos \text{anomal. veræ.}}$

Formula prima nil aliud est, quam $S M = I - C S \times \cos P N$, ut Artic. præced. Resol. Probl. Kepler. part. altera vidimus.

DEMONSTRATIO formulæ 2^æ. In triangulis I S M, I S N ad I rectangulis; sunt latera M I, N I ut tangentes; & latera S M, S N ut secantens angulorum C S M, C S N, sive eorum complementorum ad duos rectos P S M, P S N. Sunt vero rectæ M I & N I ut C B & C A vel C N (Elem 843); itaque sequentes habentur proportionibus $C B : C N = \tan P S M : \tan P S N$; & in triangulo C N S, $C N : S N = \sin P S N : \sin P C N$; item $S N : S M = \sec P S N : \sec P S M$. Quare his tribus compositis, & prima ratione per C N \times S N divisa, obtinetur $C B : S M = \tan P S M \times \sin P S N \times \sec P S N : \tan P S N \times \sin P C N \times \sec P S M$. Atqui (Trig. 35) $\sin \times \sec = \tan$; igitur $C B : S M = \tan P S M \times \tan P S N : \tan P S N \times \sec P S M \times \sin P C N = \tan P S M : \sin P C N \times \sec P S M = \frac{\tan P S M}{\sec P S M} : \sin P C N = \sin P S M : \sin P C N$. Quare denique habetur $C B : S M = \sin P S M : \sin P C N$. Hæc formula commode adhiberi potest, si quis tabulam condere velit, quæ logarithmos distantiarum Planetæ a Sole exhibeat.

DEMONSTR. 3^{tiæ} & 4^æ formulæ. $\frac{1}{2} S M + \frac{1}{2} M F = C A$:
C 2 itaque

itaque $\frac{1}{2} S M + \frac{1}{2} M F + \frac{1}{2} F S = C A + C S = S A$. Jam vero (Trig. III) est $S F \times S M : (S A - S F) \times (S A - S M) = 1 :$
 $\int^2 \frac{1}{2} A S M$, vel vero $2 C S \times S M : S P \times (S A - S M) = 1 :$
 $\int^2 \frac{1}{2} A S M = 1 : \cos^2 \frac{1}{2} P S M$ (Trig. 33 Append.): unde habetur

$$S M = \frac{S P \times S A}{S P + 2 C S \times \cos^2 \frac{1}{2} P S M}.$$

Et quoniam (Trig. 39) $R \pm \cos = 2 \cos^2 \frac{1}{2}$, fiet $2 C S \times \cos^2 \frac{1}{2} P S M$, aut $C S \times 2 \cos^2 \frac{1}{2} P S M = C S \pm C S \times \cos P S M$; & proinde $S P + 2 C S \times \cos^2 \frac{1}{2} P S M = S P + C S \pm C S \times \cos P S M = C P \pm C S \times \cos P S M$; de-

$$\text{nique } S M = \frac{S P \times S A}{C P \pm C S \times \cos P S M}.$$

Observa. Ex demonst. formulæ 2^a patet, §. sequentem 141 omittendum esse.

Pag. 74 §. 142 lin. 13 hujus §. lege ... angulus A S M, adeoque complementum ejus ad duos rectos 99° 2' 34'' est anomalia vera; & hinc anomalia media correspondens 73° 59' 30'',5, harumque differentia 24° 3' 3'',5 æquatio centri quæsitæ.

Pag. 76 §. 148 lin. 2 lege anomalia vera 99° 6' 28'', cui respondet media 74° 55' 59'' (139), hinc maxima &c.

Pag. 77 §. 152 correctiones in hoc exemplo faciendas, Lector facile intelliget, si modo reputet apud animum, anomalias veras non computari ab aphelio a, sed a perihelio p, cujus rei exempla jam isthic dedimus ad §. 142, & §. 148. Præterea operæ pretium non censuimus positiones Mercurii e tabulâ nova desumere.

Pag. 79 §. 156. Huic Theoremati sequentia Lemmata præmittantur.

Lem. I Si super axe majore ellipseos A R (fig. 28 Append.) describatur circulus, omnia perpendiculara S T e focus ad tangentem quamvis T V demissa, terminantur in circuli peripheria.

DEMONST. Ducatur a puncto T, in quo perpendiculum S T tangenti occurrit, ad centrum ellipseos T C; erit $S T = \frac{1}{2} S K$ (Elem. 808), & $S C = \frac{1}{2} S F$. Sunt itaque triangula S T C, S K F similia, & T C parallela & æqualis $\frac{1}{2} F K = \frac{1}{2} C A$ (Elem. 510).

Lem. II Quadratum semiaxis minoris æquale est factò e binis perpendicularis, e focus ad eandem tangentem demissis, seu $C B^2 = S T \times F V$.

DEMONST. Si per punctum contactus P ducatur diameter P p, & per alterum ejus extremum p tangens t u, erit ob partes ellipseos symmetricas $S t = F V$, $S T = F u$, ac puncta t, u erunt in peripheria circuli super diametro A R descripti. Itaque (Elem. 566) $S T \times S t = R S \times S A$, five $S T \times F V = R S \times S A = C B^2$ (Elem. 813).

Lem. III Recta P D e quovis puncto ellipseos P per focum F transiens, & intercepta inter P & diametrum N n ad eam conjugatam, quæ per idem P ducitur,

tur, æqualis est semiaksi majori CA ; quod scilicet $TCDP$ fit parallelogrammum, in quo $PD = TC = CA$ (Lem. I).

Lem. IV. Factum duarum rectarum e quovis puncto P perimetri ellipseos ad focos ductarum $PS \times PF$ æquale est quadrato semidiametri CN , ad eam conjugatæ, quæ per P transit; five $PS \times PF = CN^2$.

DEMONST. Quoniam triangula rectangula $SP T$, $FP V$ similia sunt, erit ratio ST ad SP eadem cum ratione FV ad FP . Igitur (Elem. 298) $ST \times FV : SP \times PF = ST^2 : SP^2$. Est vero etiam $ST + FV (= Tt) : SP + PF (= AR) = ST : SP$; & (Elem. 863) $TI : CA = CB : CN = ST : SP$; igitur $CB^2 : CN^2 = ST^2 : SP^2 = ST \times FV : SP \times PF$. Atqui (Lem. II) $ST \times FV = CB^2$; quare etiam $SP \times PF = CN^2$.

COROLL. Ex analogia $CB : CN = ST : SP$ habetur $ST = \frac{SP \times CB}{CN}$.

Pag. 81 §. 163 Demonstrationi a lin. 6 hujus §ⁱ sequens brevior substituaturs.

Etenim si in formula generali $f = \frac{SP}{ST^3 \times 2 PG}$ substituaturs
pro ST ejus valor $\frac{CB \times SP}{CN}$ (Cor. Lem. IV), & pro PG radio
curvaturæ $\frac{CN^3}{CA \times CB}$ (Elem. 886), habebitur formula generalis pro
sectionibus conicis, in quibus vis centralis tendit ad focum S , nempe
 $f = \frac{SP \times CN^3 \times CA \times CB}{SP^3 \times CB^3 \times 2 CN^3}$, & facta reductione, $f = \frac{CA}{SP^2 \times CB^2 \times 2} = \frac{CA}{SP^2 \times 2 CB^2}$; & omissis constantibus CA ,
& CB , $f = \frac{1}{SP^2}$.

Pag. 82 §. 165. Huic theoremati præmittit Author sequens.

THEOR. Vis tangentialis, quæ una cum centrali facit, ut corpus describat sectionem conicam, est in quovis sectionis puncto minor, æqualis, vel major ea vi, quam acquisivisset corpus motu rectilineo, & uniformiter accelerato cadendo inde usque ad focum, in quo residet vis centralis, prout sectio fuerit ellipsis, parabola, vel hyperbola. (fig. 35. Append.).

DEMONST. Arcus exiguus Pp describitur a corpore P tempusculo t per vim centram, qua per PI motu uniformiter accelerato moveretur interea, dum eodem tempore t ferretur motu æquabili vi tangentiali per PF . Ut jam vis centralis in P rite exprimatur, sit PK altitudo, per quam tempore T corpus P versus S motu uni-

formiter accelerato per gravitatem g æqualem illi, quam in telluris superficie experimur, cadendo acquireret in fine hujus temporis celeritatem æqualem illi, quam vis tangentialis efficit in corpore P , ut tempusculo t percurrat uniformiter $P F$. Evidens est, fore $2 P K$ spatium tempore T eadem celeritate percurrendum, qua $P F$ tempusculo t , ut adeo sit $P F : 2 P K = t : T$.

Quoniam vero vires centrales variabiles sunt in ratione reciproca duplicata distantiarum a centro virium, sit d distantia, quam ab S corpus P habere deberet, ut ejus vis centralis esset $= g$; erit itaque vis centralis in P , qua corpus actu urgetur, ad vim, five gravitatem g , ut dd ad $S P^2$, & hinc exprimetur vis centralis in puncto P per $\frac{ddg}{S P^2}$.

Porro dum tempuscula exigua sunt, vires centrales constantes cenferi debent (156): eritque spatium $P I$ vi $\frac{ddg}{S P^2}$ tempusculo t describendum, ad spatium $P K$ tempore T vi acceleratrice constante g percurrendum, ut vires eadem ductæ in quadrata temporum, seu in quadrata $P F$ & $2 P K$. Unde habetur $P I : P K = \frac{ddg \times P F^2}{S P^2}$:

$$g \times 4 P K^2, \text{ \& } P I = \frac{dd \times P F^2}{S P^2 \times 4 P K}.$$

Jam vero est (Elem. 861) $p i^2 : P i \times (i C + C P)$ seu $P i \times 2 P C = C N^2 : P C^2$, adeoque $P i \times 2 C N^2 = p i^2 \times P C$, & $P i : p i = p i \times P C : 2 C N^2$. Sed quia $p i$ est quantitas infinite parva, etiam $p i \times P C$ respectu $2 C N^2$ infinite parvum est, & hinc quoque $P i$ respectu $p i$, cenferique poterit comparate ad $p i$ punctum i congruere cum puncto P , & propterea $P F = p i$: quod si substituitur, erit $P i \times 2 C N^2 = P C \times P F^2$, & $P i = \frac{P C \times P F^2}{2 C N^2}$.

His positis triangula similia $P I i$, $P D C$ hanc præbent analogiam: $P C : P D$ (vel $C A$) $= P i$ (vel $\frac{P C \times P F^2}{2 C N^2}$) : $P I$, ex qua est $P I = \frac{C A \times P F^2}{2 C N^2}$. Comparato jam utroque valore de $P I$, habetur æ-

$$\text{quatio } \frac{dd \times P F^2}{S P^2 \times 4 P K} = \frac{C A \times P F^2}{2 C N^2}, \text{ quæ reducitur ad } \frac{dd}{S P^2} \times C$$

$$N^2 = 2 C A \times P K, \text{ five } = P S \times P R \times \frac{dd}{S P^2} \text{ (Lem. IV), aut } P$$

$$R \times \frac{dd}{S P} = 2 C A \times P K, \text{ vel denique } = A B \times P K.$$

Finga-

Fingamus jam esse $P H$ altitudinem, ex qua motu uniformiter accelerato, & vi acceleratrice constante g cadendo corpus acquireret eandem celeritatem, quam acquireret in S cadendo motu uniformiter accelerato per $P S$, & vi acceleratrice constante, illique æquali, qua reipsa in puncto P suæ orbitæ $A P B$ urgetur. Quoniam $P H$ & $P S$ sunt spatia, quibus percursis eadem celeritas acquiritur, ea debent esse in ratione inversa virium acceleratricium (60 Append.), five $P H : P S = \frac{d d g}{S P^2} : g$, consequenter $P H = \frac{d d}{S P}$.

Quare si hic valor de $\frac{d d}{S P}$ substituatur in priore æquatione, habebitur $P H \times P R = A B \times P K$, seu $P K : P H = P R : A B$. Est autem in ellipsi $P R$ minor quam $A B$; in parabola, cum utraque fiat infinita, censendæ sunt æquales; in hyperbola si accipiatur distantia alicujus puncti a foco pertinente ad hyperbolam oppositam, ea major est axe principali. Igitur $P K$ minor, æqualis, aut major est, quam $P H$, prout curva $A P B$ fuerit ellipsis, parabola, vel hyperbola: ideoque etiam $2 P K$, quæ exprimit celeritatem tangentialem, minor, æqualis, vel major est, quam $2 P H$, qua designatur celeritas uniformis acquisita lapsu uniformiter accelerato ex P in S , prout Planeta ellipsin, parabolam, aut hyperbolam circa punctum S describit.

COROLL. I Expressio generalis celeritatis tangentialis est $\frac{2 P H \times P R}{A B} = \frac{P H \times P R}{C A}$.

COROLL. II. Si corpus P moveretur in circulo vi centrali tendente ad centrum S (quod tum cum R congrueret), ob $R P = \frac{1}{2} A B$ in hac hypothese, fieret $P K = \frac{1}{2} P H$, & $2 P K = P H$. Itaque celeritas tangentialis dimidia foret illius, quæ acquiritur in S lapsu uniformiter accelerato per radium $P S$, agente vi centrali, quam corpus reipsa in P habet.

Pag. 85 §. 174. Loco hujus IV^{ti} theorematis novus adjungendus est Articulus.

ARTICULUS XIV

De modificationibus motuum Planetariorum pendentibus a variationibus, quæ accidunt viribus hæc corpora urgentibus.

Quæ adhuc dicta sunt, supponunt, planetam P (fig. 35 Append.) moveri tantummodo duabus viribus singulis momentis mutabilibus

libus, altera tangentiali, quæ planetæ impertitur celeritatem per $2 PK$, five $\frac{PH \times PR}{CA}$ repræsentatam; altera centrali, quæ eidem tribuit celeritatem expressam per $\frac{CA}{SP^2 \times 2CB^2}$. Sed quoniam fieri potest, imo reipsa fit, uti in sequentibus videbimus, ut causæ quædam physicæ exiguam aliquam mutationem in hisce viribus efficiant, ita, ut celeritates inde pendentes haud sint accurate singulis momenti in ratione $\frac{PH \times PR}{CA}$ ad $\frac{CA}{SP^2 \times 2CB^2}$, inquirendum nobis isthic est generatim, ecquis effectus inde proveniat. Argumentum hoc, quod in tota Astronomia Physica est maxime intricatum, minutim evolvere haud licet nobis, ideoque adferemus tantummodo principia, ex quibus pendet maxime notabilium inæqualitatum ratio, quæ in cœlestibus corporibus deprehenduntur, & de quibus nobis etiam sermo erit.

THEOREMA I. *Axis major ellipseos* AB (fig. 35 Append.), *quam corpus* P *per ejusmodi vires tangentialem, & centralem describit, quales superiore Articulo reperimus, rite exprimitur hac formula* $AB = \frac{SP \times PH}{PH - PK}$. Facile enim deducitur ex æquatione $PH \times PR = AB \times PK$, si pro PR substituatur ejus valor $AB - SP$.

COROLL. I. Si duæ vires, quibus animatur corpus P , exiguam quandam mutationem subeant, quæ obsit accuratæ illi rationi, quam inter sese habere debent, ut corpus constanter in eadem ellipsi moveatur, fieri nequit, ut eandem percurrat ellipsin, nisi hæc fingatur tum in positione sua, tum in dimensionibus mutabilis. Cum itaque axis majoris expressio sit $AB = \frac{SP \times PH}{PH - PK}$, necesse est, ut ejus mutationes illis sint analogæ, quæ quantitatibus PK , PH accidere possunt.

Si exempli gratia contingat, ut quacunque demum causa extranea agente vis tangentialis sola exiguo excessu augeatur, ut PF evadat $PF + 2x$, crescat etiam PK quantitate $+x$, & valore denominatoris $PH - PK$ imminuto, augebitur valor fractionis $\frac{SP \times PH}{PH - PK}$, quæ in $\frac{SP \times PH}{PH - PK - x}$ abit; e quo sequitur, axem majorem AB prolongandum esse. Ut autem hujus prolongationis quantitas habeatur, subducatur $\frac{SP \times PH}{PH - PK}$ ex $\frac{SP \times PH}{PH - PK - x}$, obtine-

obtinebitur (Elem. 89) $\frac{PH \times SP \times x}{PH^2 - 2PH \times PK + PK^2 + PH \times x - SP \times x}$;
 & neglectis in denominatore terminis $PH \times x - SP \times x$ velut infinite parvis respectu aliorum, fiet $\frac{PH \times SP \times x}{(PH - PK)^2}$.

At si fingamus, manente vi tangentiali eadem, solam vim centralem modicam imminutionem pati, ut PH mutetur in $PH - z$, fiet $AB = \frac{(PH - z) \times SP}{PH - z - PK}$, & variatio axis æquabitur differentiæ inter hanc expressionem, & $\frac{PH \times PS}{PH - PK}$, totumque discrimen calculo prioris simili reperietur $= \frac{PK \times SP \times z}{(PH - PK)^2}$.

Quod si denique utraque vis simul exigua quantitate data mutetur, juxta priores formulas singillatim calculanda est mutatio longitudinis axis, quæ ex utraque variatione provenit.

COROLL. II. *Tam incrementum accidentale celeritatis tangentialis planetæ, quam decrementum vis centralis, efficit augmentum temporis revolutionis periodicæ. Sunt enim tempora periodica semper in ratione radicum quadratarum cuborum axium majorum, & utraque variatio auget longitudinem eorundem axium.*

THEOREMA II. *Variatio in axe majore ellipseos necessario inducit etiam mutationem in ejus positione, & eccentricitate, modo ponatur, quod trajectoria maneat semper elliptica, & focus, ad quem tendit vis centralis, immotus.*

Etenim manente foco immoto, & trajectoria elliptica, necesse est, angulum SPE (Fig. 35 Append.) a radio vectore SP, & tangente EP comprehensum, manere æqualem angulo FPR, id natura sectionum conicarum exigente (Elem. 807). Si itaque I^o. magnitudo axis AB mutata est propter variationem solius vis tangentialis, oportet, ut manente SP constante, ea mutatio accipiatur inde a puncto R in recta RP; ut si axis foret imminutus, accipienda esset RT æqualis illi decremento, essetque tum T locus alterius foci ellipseos, ST dupla eccentricitas, quæ positionem lineæ apsidum determinaret, quæ propterea motum angularem habuisset exhibitum angulo TSR, cujus mensura est arcus TG e centro S descriptus. Porro cum hic arcus TG nil differret a recta ad SR perpendiculari, haberetur $\sin. tot. : TR = \cos TRG : GR$; ideoque $GR = TR \times \cos TRG$, & variatio eccentricitatis esset $\frac{1}{2} TR \times \cos PRS$. In eodem triangulo GTR est item $\sin tot. : TR = \sin TRG : TG = TR \times \sin PRS$. Jam vero est $SG : 57^\circ 17' 45'' = TG : \text{ang GST}$; quare motus angula-

gularis lineæ apsidum effet $\frac{\sin SPR \times TR \times 57^\circ 17' 45''}{SG \text{ vel } RS}$. II. Si axis mutatio contingat ex variatione folius vis centralis, manente vi tangentiali eadem, producat is quantitate $z \times \frac{SP \times PK}{(PH - PK)^2}$, fiat ut axis integer $\frac{SP \times PH}{PH - PK}$ ad hoc incrementum, ita est SP ad variationem, five augmentum radii vectoris Pp, quod invenietur $= z \times \frac{SP \times PK}{(PH - PK) \times PH}$. Ducatur pT ad PR parallela (Fig. 34 Append.); per R agatur RO ad PF parallela, & accipiat OT $= z \times \frac{SP \times PK}{(PH - PK)^2} - 2z \times \frac{SP \times PK}{(PH - PK) \times PH}$, ita ut T cadat respectu puncti p trans, aut cis punctum O, prout OT fuerit positiva aut negativa: erit punctum T alter focus, ST dupla eccentricitas, & angulus RST exprimet motum lineæ apsidum. Etenim cum triangulum Ppi fit isosceles, est Pp = pi, ideoque SP + Pp + pi + iO = SP + iO + $2z \times \frac{SP \times PK}{(PH - PK) \times PH}$. Est autem SP + iO = AB; igitur accipienda est differentia inter $z \times \frac{SP \times PK}{(PH - PK)^2}$ & $2z \times \frac{SP \times PK}{(PH - PK) \times PH}$, ut obtineatur locus, in quem cadit punctum T. Porro etsi ex postrema hac constructione calculus non adeo expeditus sit pro variatione eccentricitatis, & motu lineæ apsidum, non tamen adeo magnis premitur difficultatibus, cum in triangulo SpT cognitis lateribus Sp, pT & angulo comprehenso, qui æqualis est angulo SPR, inveniri possint ST, & angulus pST, cujus ab angulo PSR differentia dat motum apsidum RST.

Quæ hic de ellipfi dicta sunt, applicari possunt cuivis alteri trajectoriæ, modo debitæ fiant mutationes, quas ejus curvatura, & species vis centralis exigunt.

SCHOLIUM. Si itaque observationes mutationem in situ lineæ apsidum, variationem eccentricitatis, aut revolutionis periodicæ prodant, id indicio erit, contigisse interea temporis aliquam variationem in lege virium; & siquidem mutationes illæ continuæ sint, & periodicæ, pendebunt ab actionibus, quæ itidem continuo vires afficiunt, & modificant.

Pag. 89 Lin. 21 Duo solum. . . . usque Lin. 26 est 575 annorum
Sic corrige: unus tantum modo est, cujus reditus certo prædici possit, est.

estque A. 1531, 1607, 1682, & 1759 visus, ejusque revolutio tempore 76 annorum fere absolvitur. Alter qui An. 1532 & 1661 comparuit, atque unus, idemque esse videtur, spes est, ut circa An. 1789 redeat Rediisse autem &c.

Pag. 96 §. 209. Resolutionem hujus problematis exhibet paulo aliter nova editio.

RESOLUTIO. In formula III §. 140 Append. fiat distantia aphe-
lia = ∞ , uti & eccentricitas: mutabitur insequentem pro radio ve-

Distant. Perihel.
ctore = $\frac{1}{\cos^2 \frac{1}{2} \text{anom. ver.}}$

Pag. 98 & 99. Hanc tabulam rejicit author ad finem Sect. III, ubi novam pro correctione addit, ut suo loco videbimus.

Pag. 103 §. 226. Primum hujus capituli articulum ita mutavit author.

ARTICULUS I.

*De causa, & natura rotationis, seu revolutionis diurnæ
Planetarum.*

Quoniam leges Mechanicæ in detegenda causa rotationis corporum terrestrium, quæ sæpe cum eorum motu progressivo conjuncta est, usum habent, iis quoque locus dandus est, dum analogia ab his petita de ratione corporum cœlestium agimus.

Fingamus globum e massa ubivis homogenea, ejusdem densitatis, & figuræ perfecte sphaericæ, in medio quopiam omnino libero positum. Nil vetat, quo minus cogitatione gravitatem inde abstrahamus, nulla necessitate illi conjunctam, atque effectam tantummodo a vi centrali globo indita; at vero haud ita licet inde inertiam separare proportionalem numero molecularum globum constituentium, utpote qualitatem cuivis materiæ inhærentem.

THEOREMA I. Si punctum quodvis A (Fig. 40 Append.) extra globi centrum C, recipiat quamlibet impressionem momentaneam secundum quamcunque directionem KA; globus illico duplicem acquirat motum uniformem, alterum rotationis circa axem ad planum circuli maximi perpendicularem, in quo sita est directio KA; alterum progressionis, aut translationis; ita ut centrum globi in eodem plano circuli maximi describat rectam CB ad directionem KA parallelam.

DEMONSTR. Cum omnes globi particulae inter se cohæreant, evidens est, impressionem in punctum A factam ad omnes omnino pertinere moleculas. Utcunque autem hic effectus distribuatur, necesse est, ut quælibet nitatur in recta ad KA parallela progredi, ita,

ut omnes moleculæ in eadem globi chorda ad KA parallela positæ æqualem habeant celeritatem, cum, ut recta moveatur secundum suam propriam directionem, nullum determinatum sit punctum, cui applicari debeat vis motrix, quandoquidem nullum punctum in ea directione progredi potest, quin simul reliqua omnia æqualiter progrediantur.

His ita constitutis, si ducatur per globum chorda Kk secundum directionem KA , & in plano circuli maximi per eandem directionem determinato fiant diametri Bb , Dd , altera parallela, altera perpendicularis eidem chordæ, denique concipiatur planum Kk ad axem Dd normale, evidenter apparet, quod cum hoc planum secet globum in portiones Kdk , KDk inter se inæquales tum quod ad massam, tum quod ad inertiam, five vim resistendi, impressio in punctum A facta nequeat ita in utramque portionem distribui, ut singulæ moleculæ eas componentes acquirant æqualem celeritatem. At si fingatur, inertiam portionis KDk esse totam collectam in H , & inertiam alterius portionis Kdk in puncto G (ut juxta leges Mechanicæ sit $DH: aD = 2CB - \frac{3}{4}aD: 3CB - aD$; & $dG: ad = 2CB - \frac{3}{4}ad: 3CB - ad$), tum vero licebit portionem axis HG instar vectis considerare, in cujus extremis H & G sint binæ massæ circa hypomochlium C in æquilibrio, quod (hypomochlium) sit punctum, in quo tota inertia omnium molecularum globi sit unita; ipsa vero impressio in punctum A facta spectari poterit ut potentia in hunc vectem directione Aa per punctum æquilibrii C non transeunte agens. Porro effectus idem esse debet, ac si hæc potentia ageret ipsi puncto a vectis GH applicata, cum in quocunque puncto rectæ Kk suam vim exerat, celeritatem semper eandem efficiat in punctis H , C , G juxta singulorum chordas ad Kk parallelas. Quare impressio in punctum A ita concipi potest, velut si fieret in vectis HG punctum a diversum a puncto æquilibrii C , & propterea e lege Mechanicæ hæc vis nequit eundem motum massis H & G communicare, sed majorem efficiet in ea, in qua est minor inertia, & distributio motus communicati ejusmodi erit, ut pars obtingens massæ, aut puncto H , sit ad partem, quæ obvenit puncto G , reciproce ut factum ex massa H in $H a$ (five $H \times Ha$) ad massam $G \times aG$. Itaque tempusculo infinite parvo t punctum H describet majus spatium Hh directione ad Kk parallelum, quam sit spatium Gg itidem directione ad Kk parallelum. Et hinc post tempusculum t vectis HG habebit situm hg , consequenter axis Dd transferetur in Ee , & totus globus in EIe ; & quoniam centrum C semper est in recta jungente puncta H , G , in fine tempusculi t in c esse debebit. Unde durante hoc tempusculo Centrum C uniformiter progressum est in plano circuli maximi

$B D b d$ in recta $C c$ ad $K k$ parallela; punctum autem h præcessit, & post se reliquit punctum g . Ex quo evidenter consequitur, rectum $H G$ habuisse motum rotationis circa punctum C , & siquidem per c ducatur $F f$ ad $D d$ (quæ fuit positio axis in principio tempusculi t) parallela, angulus $F c h$ exprimet celeritatem angularem rotationis puncti h respectu c tempusculo t , & angulus æqualis $f c G$ celeritatem angularem rotationis puncti g respectu ejusdem c , eodemque tempore. Apparet denique motu ita sequentibus tempusculis æqualibus continuato, uti primo t coeperat, 1^{mo} centrum globi debere semper uniformiter in recta $C b$ progredi, ad directionem, qua facta est impressio in punctum A , parallela. 2^{do} motum translationis debere fieri in plano circuli maximi $B D b d$, positione directionis, qua fit impressio, $K A$ determinato. 3^{io} axem $D d$ debere uniformiter rotari in plano eodem $B D b d$, & propter mutuam cohæsionem molecularum globi, easdem itidem omnes debere rotari uniformiter vel in eodem, vel in planis parallelis, sive, quod eodem redit, debere eas rotari circa axem globi ad planum $B D b d$ perpendicularem, qui propterea *axis rotationis* appellatur.

COROLL. I. Motus translationis centri $C c$ est rectilineus, & simplex; at motus omnium reliquarum molecularum globi est summa vel differentia duorum motuum, quorum alter est uniformis rectilineus, vi cujus pari celeritate singulæ moleculæ percurrant temporibus æqualibus spatia parallela & æqualia illis, quæ percurrit centrum C , cujus motu totus globus abripitur: alter motus est rotationis uniformis, qui singulis moleculis eam tribuit celeritatem, ut percurrant spatia singularum distantis a centro C proportionalia. Hunc in modum $H h$ exhibet motum puncti H tempusculo t , estque $= C c + F h$; item $G g$ exprimit motum puncti G , & est $= C c - g f$. Quia vero anguli $F c h$, $f c g$ admodum exigui sunt, rectæ $F h$, $g f$ accipi possunt pro arcubus eos angulos metientibus. Itaque si stricte loquamur, spatia reipsa a moleculis globi confecta sunt summa vel differentia spatii rectilinei pro omnibus æqualis, & arcus circuli pro omnibus similis.

COROLL. II. Motus rotationis est tantummodo motus relativus ad centrum globi; aut rectius ad axem rotationis, & quisque facile videt, quod quamdiu nec plus nec minus celeritatis est in aliqua molecula globi, quam sit in illis, quæ sunt in axe rotationis positæ, nec rotatio, nec axis rotationis aliquam mutationem subire possit.

COROLL. III. Quanto magis directio, secundum quam impressio fit, a centro globi distat, tanto velocior est motus rotationis.

COROLL. IV. Si directio impressionis in quodvis globi punctum L transiret per centrum C , evidens fane est, plano $B b$ per eam directionem.

ctionem ducto, secundum tunc globum in duo hemisphæria æqualia BDb, Bbd, & actionem in L eandem omnino fore, ac si centro C applicaretur, quod esset hypomochlium vectis utrinque æqualibus massis, & ad æqualem distantiam onusti (foret vero hæc distantia ex Mechanica æqualis $\frac{3}{8}$ radii). Vis hæc impressa æqualiter divideretur per totum vectem, & consequenter per utrumque hemisphærium, quorum moleculæ omnes æquali celeritate niterentur progredi in parallelis ad L C. Quare tunc nulla esset rotatio, & globi centrum moveretur uniformiter in directione impressionis Cb.

SCHOLIUM. Proclive est, ut cogitemus, impressionis directionem, cum Planetæ primitus in iis spatiis projicerentur, ad quæ solis actio sese extendit, non transisse per horum corporum centra. Et Joannes Bernoullius (Tom. IV Operum, pag. 283) inito calculo reperit, distantiam hujus directionis a centro Telluris æqualem $\frac{1}{150}$ ejusdem semidiametri. Consimili ratione in Marte a centro intervallo $\frac{1}{418}$ semidiametri hujus planetæ eam transivisse invenit, uti & in Jove $\frac{7}{19}$. Et quamvis corpora terrestria directione per eorum centrum transeunte percussa sæpe motum rotationis acquirant; fit tamen id seu ex affricu eorum superficiei asperæ cum scabris partibus superficiei illius, in qua progrediuntur, quæ si abfuissent, motum tantummodo translationis habuissent; seu ex incurfu partium in eorum superficie ceteris magis eminentium in particulas medii resistentis, in quo eorum motus peragitur. Nec veri speciem habet, rotationem Planetarum ex simili affricu, aut impactu oriri, utpote qui suas orbitas describunt in medio nullam prorsus resistentiam, quæ sensu percipi posset, objiciente.

THEOREMA II. Si in globi motu rotationis, & progressionis aut translationis præditi quamvis particulam fiat impressio nova per centrum transeunte directione, ejus motus translationis tantummodo accelerari, retardari, vel extingui potest, quin motus rotationis, aut positio axis rotationis, quidquam mutationis patiatur.

DEMONSTR. Impressio, cujus directio per centrum transit, nequit moleculis globi inæqualem celeritatem impertiri, sed id tantummodo efficere potest (THEOR. I), ut omnes æqualiter nitantur in parallelis ad impressionis directionem progredi. Jam vero hæc vis de novo moleculis communicata, cum componatur cum priore, resultante e duplici earum tendentia, quæque in singulis itidem æqualis erat, ac secundum parallelas ad primæ impressionis directionem agebat, nil aliud præstare potest, quam ut enascatur inde velocitas major, minor, aut nulla, ita, ut ex hac motuum compositione in nulla particula major oriatur celeritas, quam in altera, nec rotatio, aut axis rotationis, sed motus tantummodo translationis afficiatur.

SCHO-

SCHOLIUM. Liceret quidem, hanc theoriam ad hypotheses magis complicatas transferre, ut cum simul plures diversæ impressiones in diversa puncta extra centrum fiunt; sed quoniam hæ in Astronomia elementari locum non habent, satis fuerit animadvertisse 1^{mo}, eadem, quæ adhuc diximus, consimili ratiocinio convenire in globum, qui non sit ubivis æque densus, sed stratis concentricis diversæ densitatis constet; aut vero cujus figura non sit accurate sphærica, sed sphæroidea, genita revolutione curvæ symmetricæ circa alterutrum axem, qualis est ellipsis, modo ponatur, directionem impressionis esse in plano axium, & ad eorum alterutrum parallelam. 2^{do} Motum rotationis in sphæris accuratis, aut sphæroidibus symmetricis, nihil penitus mutari quavis variatione virium in eorum centra agentium, ut proinde *effectus variationum virium centralium in Planetis in eo tantummodo consistat, quod describant trajectorias curvilineas inæqualibus celeritatibus, manente eorum revolutione diurna prorsus uniformi.* 3^{io} quando plana, in quibus agunt vires centrales, non sunt ad axem rotationis corporum sphæroidicorum perpendicularia, positionem axis eorum rotationis reddi quibusdam variationibus obnoxiam, cujus rei exemplum adferemus, quando de Theoria Lunæ agendum erit.

Pag. 108 Lin. 2 a Sb; lege p Sb. Item Lin. 3 A S B, lege P S B.

Pag. 123 §. 311. In fine hujus §. adde: Et alias jam constat de causa physica, quacum hic effectus necessario conjungitur, sciturque eum pendere ab actionibus planetarum, maxime Jovis, & Veneris, in tellurem. Vid. Monum. Acad. Berolin. ad An. 1754 pag. 296.

Pag. 126 §§. 320 & 321. Utrumque hunc §. sic mutâ.

Itaque mensura differentię temporis veri & medii, est differentia ad tempus reducta inter summam motuum diurnorum solis in ascensionem rectam, & summam 59' 8" toties acceptorum, quot dies intercefferunt, sive, quod eodem redit, inter ascensionem rectam veram, quam sol actu habet, & ascensionem rectam mediam pro dato tempore ei competentem (quæ quidem æqualis est longitudini solis mediæ, cum 360 gradus ascensionis rectæ mediæ eodem temporis periodici intervallo describantur, quo 360 gradus longitudinis mediæ). Ex quo consequitur, *tempus verum æquale esse tempori medio, dum ascensio recta vera solis æqualis est ejus longitudini mediæ*, id, quod quater contingit per anni decursum, scilicet circa 14 Aprilis, 15 Junii, 30 Augusti, & 23 Decembris: hoc est, si ope calculi e tabulis Astronomicis reperiatur pro 6 h. 18' 24" eadem longitudo media solis cum ejus ascensione recta vera, erit 6 h. 18' 24" seu tempus verum, seu tempus medium sumas. Sed quoniam post hoc tempus illico ascensio recta vera incipit discrepare a longitudine media, tempus verum simul

in-

incipit differre a tempore medio. Hoc discrimen in dies accrescere pergit, donec differentia inter ascensionem rectam veram, & longitudinem augeri desinat, rursusque incipiat minui: & tunc quidem tempus verum maxime discrepat a medio, postea ad hoc propius accessurum. Evenit hoc circa diem 11 Februarii, quo tempus verum a medio $14' 40''$ exceditur; item circa 14 Maii, quando tempus medium $4' 2''$ brevius est vero; pariter circa 26 Julii, cum verum a medio deficit $5' 58''$; uti & circa 1 Novembris, quando medium exceditur a tempore vero $16' 8''$. At enim his ipsis diebus longitudo diei veræ eadem est cum longitudine diei mediæ, cum tunc, differentia inter ascensionem rectam veram, & longitudinem solis mediā nec crescente amplius, nec etiam decrescente jam, motus diurnus in ascensionem rectam verus sit $59' 3''$. Quare *dies verus non est æqualis diei medio, nisi quando tempus verum maxime differt a tempore medio.*

Pag. 128 Lin. 11: hinc angulus T P S, lege hinc dimidius angulus T P S,

Pag. 129 §. 330. Huic §. adde sequentia.

Hujus methodi principia eadem sunt, ac illius, qua per altitudines correspondentes reperitur momentum transitus alicujus sideris per meridianum. Unde usum etiam habere potest in inveniendo transitu solis per colurum solstitiorum, imo & colurum æquinoctiorum, si modo etiam observetur differentia ascensionum rectarum solis, & stellæ ejusdem circa tempus solstitiale, aut æquinoctiale.

Exemplum. Quoniam, dum sol utrinque æqualiter a solstitio aberat, differentia ascensionum rectarum solis & lucidæ Lyræ erant $104^{\circ} 2' 31''$ & $241^{\circ} 43' 26''$, harum dimidium (five semisumma) $172^{\circ} 52' 58''\frac{1}{2}$ necesse est, ut sit differentia earundem ascensionum rectarum momento solstitii. Jam vero die 19 Junii 1749 in meridie differentiam ascensionum rectarum solis, & lucidæ Lyræ observavi $170^{\circ} 53' 10''\frac{1}{2}$, itaque tum soli adhuc conficienda restabant $1^{\circ} 59' 48''$ in ascensionem rectam, ut ad punctum solstitiale pertingeret. Et ex tabulis Astronomicis motus diurnus Solis in ascensionem rectam circa 19, 20, & 21 Junii est $1^{\circ} 2' 23''$; tempore 46 h. $5\frac{1}{3}$ itaque opus fuit, ut in ascensionem rectam conficeret $1^{\circ} 59' 48''$. Quare solstitium contigit die 20 Junii 22 h. 5' 20''. In hoc & sequentibus calculis, qui explicandæ tantummodo methodi gratia instituantur, negliguntur nonnullæ exiguæ correctiones in observationibus faciendæ, tum ratione motus apparentis & per parvi in fixis, tum ratione perturbationum solis, de quibus in sequentibus erit agendi locus.

Consimili ratione subtractis $21^{\circ} 9' 23''$, 5 ex $104^{\circ} 2' 31''$, remanent $82^{\circ} 53' 7''$, 5 pro differentia ascensionum rectarum solis & lu-

lucidæ Lyræ momento æquinoctii præcedentis diem 12 Aprilis. Atqui die 21 Martii in meridie reperta fuit hæc differentia $83^{\circ} 49' 18''$, 8. Itaque sol jam ultra punctum æquinoctiale tunc confecerat in ascensione recta $56' 11''$, 3. Et quoniam ex solis theoria motus ejus in ascensionem rectam diurnus diebus 20, & 21 Martii tantummodo est $54' 32''$, sequitur æquinoctium 24 h. 44' citius contigisse, ac proinde 19 Martii 23 h. 16'.

Pag. 137 §. 365. *Hujus Corollarii primas tres lineas sic lege*: Quo recta ab oculo ad objectum ducta magis accedit ad situm perpendiculararem respectu plani orbitæ veræ oculi, eo projectio orbitæ opticæ videtur magis dilatari, & ad circulum propius accedere; ita &c.

Pag. 156 §. 424. lin. 2, hora $10\frac{1}{2}$, lege 10 hora $23' 37''$

Ibid. lin. 4 zenith $25^{\circ} 2'$ lege zenith $25^{\circ} 0'$

$26''$, 7 septentrionalior lege $1' 25''$, 8 Australior

Pag. 157 lin. 3. $6''$, 6 lege $1' 57''$, 7

lin. 5 summa $33''$, 3 lege differentia $31''$, 9

lin. 6 $25^{\circ} 2'$ est 4231; Quare eorum summa 13518 lege $25^{\circ} 0'$ est 4226; Quare eorum summa 13513

lin. 7 ut $33''$, 3 ad $24''$, 64 lege ut $31''$, 9 ad $23''$, 6

Pag. 157 §. 425. *Hunc §. sic muta*. In quocunque hemisphærio constituti sint observatores, modo radius e centro Telluris ad fidus ductus inter eorum Zenith cadat, semper analogia superius indicata locum habet; at si hic radius non transiret inter observatorum Zenith, differentia sinuum distantiarum apparentium a Zenith loco eorum summæ adhibenda esset.

Pag. 157 §. 425. *Adde huic §: Exemplum*. Die 25 Octobris 1751 o h. $31' 44''$ vesp. in eadem urbe Capitis Bonæ Spei observatus a me fuit limbus septentrionalis veneris $7' 26''$, 2 australior parallelo stellæ b \approx , cum per meridianum transiret in distantia $12^{\circ} 21'$ a Zenith. Eodem die a Bradleyo Greenwichii in Anglia idem limbus deprehensus fuit dicto parallelo stellæ b \approx australior $7' 15''$, seu (habita ratione refractionis, de qua Cap. sequente, & longitudinis tuborum) $7' 15''$, 3, cum venus in meridiano a Zenith 73° distaret. Observaverat præterea Bradleyus, Venerem post 23 h. 54' ad meridianum redeuntem fuisse septentrionaliores $17' 21''$, 5 aut si refraction attendatur, $17' 25''$. His positis cum Meridianus Greenwichensis sit 18° occidentalior eo, qui per Caput Bonæ Spei transit, Greenwichii una hora, 14' minus numeratur, quam in Capite Bonæ Spei, ideoque Observatio prima Bradley 1 h. 14' tardius facta est, quam mea. Ut itaque reducatur utraque ad idem tempus, fiat, ut 23 h. 54' ad 1 h. 14', ita sunt $17' 25''$ ad $53''$, 9, addenda ad $7' 15''$, 3,

E

ut

ut habeatur distantia limbi veneris a parallelo stellæ in meridiano Greenwichensi eo momento, quo mea observatio in Capite Bonæ Spei facta est, nempe $8' 9'', 2$. Jam differentia inter $8' 9'', 2$, & $7' 26'', 2$ est $43'', 0$; unde erit 11699 (summa finuum $12^\circ 21'$, & 73°) ad 10000 (finum totum), ut $43'', 0$ ad $36'', 8$ parallaxin horizontalem Veneris pro die 24 Octob. 1751. 23 h. 27' tempore vero ad Meridianum Parisinum.

Pag. 157 §. 427. lin. 1 $24'', 64$ die 6 lege $23'', 6$ die 5
 lin. 3 pro $8371\frac{1}{4}$ lege 8740
 lin. 11 6 Octob. 1751 hor. $10\frac{1}{2}$ lege 5 Octob. 1751
 10 h. $33'' 37''$
 lin. 13 4354 lege 4327
 lin. 14 $8371\frac{1}{2}$ lege 8740
 lin. 15 38460 lege 40398

His adde sequentia. Simili calculo parallaxeos horizontalis Veneris, reperitur hujus Planetæ distantia a tellure 5605 semidiametrorum terrestrium pro 24 Octob. 23 h. 27' temp. ver. Est autem ex Tabulis Astronomicis pro eodem tempore distantia veneris a terra partium 2776, quales scala communis continet 20000; igitur magnitudo absoluta hujus scalæ invenitur 40382 semidiametrorum terræ; & accepto inter utramque hanc determinationem medio, supponi potest magnitudo scalæ vera 40390 semidiametrorum terrestrium.

Pag. 158 §. 429 lin. 3 & 4 loco 19230 lege 20195
 lin. 6 & 9 loco $10'', 72$ lege $10'', 21$.
 lin. 9. loco 90 lege 94
 lin. 10 loco 8053 lege 8860
 lin. 11 loco 722700^{es} lege 834000^{es}.

Pag 160 §. 434. Post hunc § adde. COROLL. Manente eadem declinatione sideris, ejus parallaxis nequit mutare tempus, quo indiget, ut ejus diameter per quemvis circulum horarium transeat. Etenim si id tempus mutaretur, hæc mutatio ex eo tantum penderet, quod extremum diametri orientale in appulsu ad circulum horarium haberet majorem vel minorem parallaxin in ascensionem rectam, quam habeat extremum occidentale per illum horarium jam transgressum. Jam vero evidens est, in ipso appulsu ad horarium utrumvis extremum diametri habere eandem apparentem distantiam a meridiano; itaque si non mutetur declinatio sideris, formula superius exposita exhibebit eandem parallaxin in ascensionem rectam pro utrovis extremo, & consequenter nulla erit mutatio in duratione transitus totius diametri.

metri. Equidem si quis fideris diametrum a limbo orientali ad limbum occidentalem quovis demum instrumento metiatur, aliquantum mutata apparebit ratione parallaxeos; sed enim eo momento, quo hæc mensura accipitur, extrema diametri non habent eandem distantiam a meridiano, quemadmodum id contingit, si metiamur diametrum per tempus transitus per horarium.

Methodus calculandi parallaxin, quando ratio habenda est Figuræ Telluris ad polos depressæ.

Quando parallaxis horizontalis fideris plurium minutorum est (id, quod in Luna tantum locum habet) ut nihil accurationis in calculis desideretur, etiam figuræ telluris ratio habenda est, quæ, cum aliquantum a sphærica aberret, & proxime elliptica sit (519) efficit, ut linea verticalis observatoris non transeat per centrum terræ, nisi is in æquatore illius, aut polis sit constitutus. Patebit hoc consideranti, in ellipsi $PEMQ$ (Fig. 77 Append.) normalem OI , & semidiametrum OC ex eodem puncto O ductas eo majorem comprehendere angulum, eoque magis alteram ab altera recedere, quo ellipsis magis a circulo differt, quoque punctum O longius ab extremis axium P, Q distat. Jam vero normalis OI non modo lineam verticalem observatoris OZ , sed etiam situm omnium planorum verticalium determinat, quorum proinde nullum, præter planum meridiani, per centrum C transire potest. Quare ope formularum superiorum traditarum loca apparentia Lunæ haud quaquam ad ea reducuntur, quæ e centro telluris C viderentur. Equidem discrimen per exiguum est, ejusque quantitas maxime dependet ab hypothese, quam quisque de Telluris figura adoptat. Unde neque ejus ratio habenda est, nisi in calculis, qui summam accurationem exposcunt, quales illi sunt, quibus ex occultationibus stellarum per lunam longitudes determinantur. Neque licet nobis id genus calculos parallaxon diffuse, & minutim discutere; sed satis fuerit methodum simplicissimam indicasse.

Posito igitur, tellurem esse solidum revolutione alicujus curvæ ovalis $PEMQ$ circa axem minorem PM genitum, erit radius terræ e centro C ad polum P ductus CP ; CQ vero radius æquatoris. Et quoniam verticalis ZI per Zenith observatoris, & ejus locum O ducta cum normali OI congruit, occurret axi in K ita, ut punctum K , ad quod tendunt omnia perpendiculara, videatur esse centrum Terræ respectu observatoris. Quod si itaque, datis proprietatibus curvæ $PEMQ$, & dimensionibus terræ, fiat

$CP = 1$, & calculetur magnitudo linearum OK , & CK pro latitudine quacunque data (quam metitur angulus OIQ); si præterea scia-
tur parallaxis horizontalis lunæ p respectu observatoris in polo con-
stituti, quæ propterea respondet radio telluris CP ; ex unica pro-
portione invenietur parallaxis horizontalis, competens radio KO .
His positis fit Luna in L ; si formulis superius traditis, & accepta
parallaxi horizontali $p \times KO$, methodo præscripta utamur, omnia
loca lunæ visa ex O reducentur exacte ad loca visa e puncto K , &
vicissim, cum triangulum parallacticum OKL sit in vero plano ver-
ticali respectu observatoris: sed quoniam loca lunæ ex O observata
ad punctum C referri debent, en correctiones adhibendas locis ad
 K reductis, ut habeantur loca ex C visa.

Pro ascensione recta, & declinatione. Ascensio recta juxta formulam
N. 434 (in qua parallaxis horizontalis $p \times KO$ adhibenda) reducta,
nulla opus habet correctione. Nam ducta CL manifestum est, re-
ductionem a puncto K ad punctum C pendere a parvo triangulo CKL .
Jam vero planum hujus trianguli determinatur positione per rectam
 CK , quæ est portio axis æquatoris; itaque planum illius est idem
cum plano circuli horarii, in quo est sidus L , oculus K , & centrum
 C , consequenter correctio, sive angulus CLK , afficit tantummodo
declinationem lunæ e puncto K visam. Est autem in triangulo CLK , CL ,
sive $(414)^{\frac{1}{p}}$: $\sin PKL$ (aut $\cos \text{declin. veræ Lunæ}$) $= CK : CLK$; itaque for-
mula correctionis adhibendæ declinationi est $= p \times CK \times \cos. \text{declin.}$
 veræ Lunæ . Est hæc correctio subtractiva, quando declinatio est
ejusdem nominis cum latitudine loci observatoris, additiva, quan-
do utriusque est contraria denominatio.

Pro longitudine, & latitudine. Sit (in fig. 78 Append.) P polus
æquatoris, Z polus eclipticæ, m locus lunæ reductus juxta formu-
las N. 434 ad eum, qui e puncto K fig. 77 videretur, adhibita in
formulis parallaxi $p \times OK$ pro horizontali. Evidens est, per cor-
rectiones faciendas in longitudine & latitudine lunæ, ut ex loco m
vifo e puncto K reductio fiat ad locum M visum ex C , punctum m in
idem M mutari debere, in quod mutatur per correctiones ascensio-
nis rectæ, & declinationis; atqui harum correctiones tantummodo
afficiunt declinationem; igitur punctum M in circulum declinationis
 Pm cadere debet. Quare formulæ correctionum inveniri poterunt
ex formulis differentialibus Trigonometriæ sphæricæ. Et hinc in
triangulo ZPm , in quo ZP , & ZPm sunt quantitates constantes,
& variatio, sive differentiale Mm est $= p \times CK \times \cos. \text{declin. veræ Lu-}$
 næ , habebitur formula correctionis longitudinis (Trigon. 179)
 $= \frac{p \times CK \times \cos. \text{long. veræ Lun.} \times \sin. \text{Obliq. Eclipt.}}{\cos. \text{Latit. veræ Lunæ}}$, quæ reduci pot-
est

est ad hanc $= p \times CK \times \cos. \text{ long. ver. Lun. } \times \sin. \text{ Obliq. Eclipt. }$, quin in calculum redundet error $\frac{1}{2}^\circ$ minuti secundi. Est hæc correctio additiva, luna versante in signis ϖ , ϱ , ϖ , ϖ , ϖ , ϖ ; subtractiva in reliquis. Supponitur nihilominus observator constitutus in hemisphærio Telluris Boreali; quod si is latitudinem loci Australem haberet, contraria signa adhibenda essent.

Quod ad correctionem latitudinis, plures formulæ deduci possunt (Trigon. 177), atque inter alias duæ sequentes, $= p \times CK \times \cos. \text{ declin. veræ Lunæ } \times \cos. \text{ anguli ad Lunam inter circulos latitudinis \& declinationis. } \times \cos. \text{ Oblig. Eclipt. } - p \times CK \times \sin. \text{ declin. veræ Lunæ } \times \tan. \text{ latitud. veræ Lunæ. }$ Apparet autem, in postrema formula terminum secundum debere esse admodum exiguum, eamque propterea citra periculum erroris integri secundi semper posse reduci ad hanc $= p \times CK \times \cos. \text{ obliq. eclipt. }$ Correctio hæc respectu observatoris Borealis est additiva ad latitudinem lunæ Australem, sed subtractiva a latitudine lunæ Boreali: si observator sit in parte Australi, signa mutanda sunt.

Pro altitudine, \& azimutho. Quod si in iis, quæ paullo ante diximus, loco *longitudinis* & *latitudinis* voces *azimuthum*, & *altitudo* substituantur, & (fig. 78 Append.) Z sumatur pro Zenith, eodem modo patebit, correctiones azimutho, & altitudini adhibendas deduci ex sola correctione declinationis Mm, reperienturque sequentes formulæ.

Pro Azimutho $= \frac{p \times KC \times \sin. \text{ Azim. Lunæ } \times \cos. \text{ alt. poli}}{\cos. \text{ alt. veræ Lunæ}}$. Hæc correctio est subtractiva ab azimutho a puncto intersectionis Meridiani cum horizonte, quod respicit meridiem, usque ad intersectionem verticalis primarii cum horizonte; & additiva ad azimuthum ab intersectione meridiani cum horizonte, quæ respicit mediam noctem, usque ad intersectionem verticalis primarii cum horizonte. Pro correctione altitudinis, hæ duæ formulæ habentur, $= p \times CK \times \cos. \text{ declin. veræ Lunæ } \times \cos. \text{ anguli ad lunam inter verticalem, \& circulum declinationis. } \times \sin. \text{ altit. poli} - p \times CK \times \sin. \text{ declin. veræ Lunæ } \times \tan. \text{ altit. veræ lunæ. }$ Hæc correctio est subtractiva ex altitudine jam ad eam reducta, quæ videretur ex puncto K.

OBSERVA. Ceterum id incommodi habent calculi tam minuti, e quo determinatio redditur incerta, quod variæ hypotheses dimensionum figuræ Telluris e mensurationibus institutis deductæ varios quoque præbeant valores linearum OK & CK. In usu supponi potest terra sphæroides ellipticum, in quo diameter æquatoris excedit axem

axem per polos transeuntem $\frac{1}{215}$ parte. In hac hypothefi pro altitudine poli $48^{\circ} 51' 29''$ (fit fiat $CP = 1$) reperietur $OK = 1,00730$, & $CK = 0,00704$. Si itaque p parallaxis horizontalis polaris, foret $57' 20''$, effet $p \times OK = 57' 45'', 1$ & $p \times CK = 24'', 21$. Ut autem inveniantur OK , & CK pro aliis poli altitudinibus, confuli potest *Discours de M. de Maupertuis sur la parallaxe de la lune. Paris 1741. pag. 21, & suiv. (*)*

Pag.

(*) In tironum gratiam e diversis methodis accurate inveniendi rectas OK , & CK in ellipfi, cujus axes dantur, fequentem ex ipfius Clariffimi Auctoris epiftola subjungo. Sit (Fig. 79 Append.) O locus observatoris in Ellipfi, normalis OG ad axem usque producta fit OK ; e puncto C agatur CD parallela ad OK ; erit punctum D locus observatoris in terra fphærica sub eadem latitudine, ac punctum O in elliptoide, quoniam latitudines angulis verticalium OG cum plano æquatoris CQ determinantur. Jam vero fupputatis a centro abfciffis ellipseos, eft ordinata $OT = \frac{b}{a} \sqrt{(aa - xx)}$ Elem.

892) & fubnormalis $GT = \frac{bbx}{aa}$ (Elem. 846). In triângulo rectângulo GOT

eft $GT : OT = R : \text{tang } OGT = \frac{OT}{GT} = \frac{\frac{b}{a} \sqrt{(aa - xx)}}{\frac{bbx}{a}} = \frac{b \sqrt{(aa - xx)}}{bbx}$

$\times \frac{aa}{bbx} = \frac{a \sqrt{(aa - xx)}}{bx}$. Eft ergo $\text{tang } OGT$, feu $\frac{f OGT}{\text{cof } OGT} = \frac{a \sqrt{aa - xx}}{bx}$, unde facile colligitur $x = \frac{aa \times \text{cof } OGT}{\sqrt{(bb \times f^2 OGT + aa \times \text{cof}^2 OGT)}} = \frac{CQ^2 \times \text{cof lat.}}{\sqrt{(CP^2 \times f^2 \text{ lat.} + CQ^2 \text{cof}^2 \text{ lat.})}}$

Jam vero $GT \left(\frac{bbx}{aa} \right)$ fit $= \frac{CP^2 \times \text{cof lat.}}{V}$, fi brevitatis gratia ponatur $\sqrt{(CP^2 \times f^2 \text{ lat.} + CQ^2 \times \text{cof}^2 \text{ lat.})} = V$. Porro $CR : DR = GT : OT = \frac{CP^2 \times f \text{ lat.}}{V}$. Item CR (feu cof lat.) : $R (= 1) = GT : OG = \frac{CP^2}{V}$. $CT =$

$$GT = CG = \frac{(CQ^2 - CP^2)}{V} \times \text{cof lat.}$$

$$CR \text{ (feu cof. lat.)} : DR \text{ (feu fin lat.)} = CG : CK = \frac{(CQ^2 - CP^2) \text{ fin lat.}}{V}$$

$$CR \text{ (feu cof lat.)} : R (= 1) = CG : KG = \frac{(CQ^2 - CP^2)}{V}. \text{ Denique}$$

$$KO = KG + OG = \frac{CQ^2}{V}.$$

Adhibitis igitur quibilibet numeris pro CQ & CP , invenientur CT , GT , OT , OG &c in eadem numerorum scala; qui numeri fi ad modulum $CP = 1$ redigendi funt, fiat, ut CP ad 1, ita numerus inventus ad numerum quæfitum, feu numerus inventus dividatur per CP . Ita Auctor.

Pag. 163 §. 447. *Loco huius §. sequentia infere.* OBSERVA I. Animadversum est, quod, præterquam in magna horizontis vicinia (ubi vapores, aliæque causæ accidentales, & loco cuiusvis peculiaris, lucis radios terræ superficiem fere radentes, sine certa lege, atque inæqualiter inflectunt) refractionis crescat $\frac{1}{27}$ quantitatis suæ mediæ parte, quando in barometro Mercurius uno pollice altior est, & liquor in thermometro Reaumuriano 10 gradibus deprimitur. Secundum hanc animadversionem corrigi potest refractionis media, atque ad eam reduci, quæ præsentis atmosphæræ constitutioni, ope horum duorum instrumentorum cognitæ, competit.

II. Collatis inter se refractionibus ab Astronomis accuratissime definitis, notatum est præterea, eas, cum siderum altitudo 30 gradus excedit, fere decrescere in ratione cotangentium altitudinum; atque huic principio innituntur pleræque hypotheses Geometricæ ad condendas tabulas refractionum Astronomicas excogitatæ.

III. Methodus autem *determinandi absolutam quantitatem refractionum*, quam unicus observator sequi possit, hæc est tutissima. Stabilienda est cum primis altitudo poli apparens e magno observationum numero in stellis circumpolaribus. Tum etiam invenienda est altitudo æquatoris apparens per altitudines meridianas solis æquinoctiis vicini, atque cum ejus declinatione comparatas, quam deducere oportet ex ejus ascensione recta iisdem diebus observata, ope alicujus stellæ, cujus positio exacte sit determinata. His rite constitutis, cum refractione altitudines poli & æquatoris reddantur veris majores, utriusque summa debet 90° excedere: excessus hic erit summa duplicis refractionis, quem proinde in ratione cotangentium earum altitudinum partiri oportet.

EXEMPLUM. Ex compluribus observationibus stellæ polaris ope quadrantis radii 6 pedum inveni altitudinem poli apparentem pro Collegio Mazarinæo 48° 52' 27'', 2. Dein e quinque altitudinibus meridianis solis eodem instrumento acceptis a die 27 usque ad 31 Martii 1760 reperi altitudinem centri solis in meridie die 29, 44° 49' 39'', 1. Tum acceptis pluribus altitudinibus correspondentibus solis & lucidæ Lyræ ascensionem rectam solis pro meridie ejusdem 29 inveni 8° 20' 33'', ex qua, posita eclipticæ obliquitate apparen-

te

Quod de reductione ad modulum $CP = 1$ dictum, eodem modo intelligendum est de reductione ad CQ , si hic æquatoris radius assumatur pro unitate. Quare si quis uti velit parallaxi æquatoria respondente radio CQ , & rectas OK , CK , calcularit in modulo $CP = 1$, eas prius reducet ad modulum CQ , faciendo ut CQ ad CP (v. g. ut 215 ad 214), ita OK & CK inventæ ad OK & CK , reductas.

te $23^{\circ} 28' 16''$, obtinetur declinatio vera solis $3^{\circ} 40' 8'', 5$, ex qua subtracta parallaxi in declinationem $7'', 2$, remanet declinatio ejus apparens $3^{\circ} 40' 1'', 3$: hæc subducta ex $44^{\circ} 49' 39'', 1$ relinquit altitudinem apparentem æquatoris $41^{\circ} 9' 37'', 8$, quæ juncta altitudini poli apparenti $48^{\circ} 52' 27'', 2$, dat pro summa duarum refractionum $2' 5''$, quæ utrique altitudini apparenti $48^{\circ} 52'\frac{1}{2}$, & $44^{\circ} 50'$ competunt. Cotangentes harum altitudinum sunt 873, & 1005. Quare erit ut harum summa 1878 ad summam refractionum $2' 5''$, ita cotangens altitudinis $48^{\circ} 52'\frac{1}{2}$ ad $58'', 1$, refractionem eidem altitudini convenientem. Item ut 1878 ad cotangentem altitudinis $44^{\circ} 50'$, ita $2' 5''$ ad $1' 6'', 9$ five refractionem competentem altitudini $44^{\circ} 50'$. Definita hunc in modum refractione conveniente altitudini poli apparenti, ejus altitudo vera habetur, ac in præsentē exemplo altitudo poli vera pro Collegio Mazarinæo reperitur $48^{\circ} 51' 29'', 6$. Ad hæc observanda est altitudo meridiana alicujus stellæ ita prope Zenith transeuntis, ut ejus refraction nulla sit, habebiturque vera ejus declinatio; denique notatis temporibus, quo stella ad varios altitudinis gradus infra 30 pervenit (ad quod pendulum accuratum ad manus sit, oportet) calculanda est pro iisdem altitudo vera stellæ, cujus differentia ab observata dabit quantitatem refractionis pro iisdem altitudinis apparentis gradibus. Quod ad refractiones in altitudinibus 30 gradibus majoribus, ex calculandæ sunt ex ratione cotangentium, ut supra diximus.

Sequitur jam §. 448, sed §. 449 omittendus est.

Pag. 164 §. 453. In hunc locum transtulit auctor Articulum V hujus capituli; & quoniam plures in eo mutationes non exigui momenti occurrunt, tantumque positum est in recte constituta Theoria solis, neque dubium est, posteriorum accurationem majorem esse, quam priorum, libuit hunc articulum etsi longiusculum, transcribere

ARTICULUS I.

De melioribus methodis stabiliendi elementa Theoriæ motus veri Telluris, seu motus apparentis solis, cum exemplis applicatis ad observationes, quæ ad determinationem horum elementorum sunt institutæ.

Postquam ars horologiaria, & theoria motus apparentis fixarum, ad hunc perfectionis gradum perducta est, nulla melior est methodus

dus positionem siderum accurate determinandi, quam si observetur eorum differentia in ascensione recta, cum stella quapiam, quæ ceteris ad id commodior visa fuerit; & declinatio ex altitudine meridiana, vel ex differentia declinationis cum stella eadem, vel altera, quæ exacte jam sit observata, uti explicuimus Articulo VIII & IX CAP. I. SECT. II. Verum cum sol latitudinem nullam, quæ percipi possit, habeat, ejus ascensionem rectam observare satis est, ut reperiatur ejus longitudo, & consequenter tempus transitus per quævis puncta orbitæ, ut æquinoctialia, solstitialia, distantia mediæ, extrema lineæ apsidum (quorum alterum, nempe aphelium Telluris, dicitur *apogæum* solis, alterum, seu terræ perihelium, *perigæum* solis) &c, ut denique omnes dimensiones orbitæ solis (quæ nihil aliud est, quam ellipsis a Tellure descripta) methodis SECT I CAP. II traditis determinantur. Itaque ut determinetur tempus revolutionis annuæ solis, via securissima est, si ex observationibus inveniantur duo momenta temporis, quibus sol eundem accurate situm respectu ejusdem stellæ fixæ habet, ita, ut inter utrumque hoc tempus magnus revolutionum numerus intercedat. Hoc temporis intervallum per revolutionum numerum divisum dabit tempus revolutionis annuæ. In exemplo: accepto medio ex observationibus a De la Hirio diebus 27, 29 & 30 Junii 1684 factis, invenitur longitudo solis pro die 29 Jun. 0 h. 2' 50" temp. med. minor longitudine Sirii 1° 21' 59". Et rursus accepto medio ex observationibus a me factis ad Caput Bonæ Spei diebus 28 & 30 Junii 1751 reperi pro die 30 Jun. 0 h. 2' 56" temp. med. longitudinem solis minorem longitudine Sirii 2° 30' 2"; tempus autem hoc reductum ad meridianum Parisinum fuit 29 Jun. 22 h. 58' 16" temp. med. Discrimen porro inter longitudinum differentias 1° 8' 3" confici debuit (cum 57' 12" respondeant 24 h. 0' 12" temp. med.) 1 d. 4. h. 33' 21". Igitur die 1 Julii 1751 3 h. 31' 37" temp. med. Paris. sol habuit eundem situm respectu Sirii, quem habuit die 29 Jun. 1684 0 h. 2' 50" temp. med. Est autem intervallum 24472 d. 3 h. 28' 47"; & hoc per 67 divisum obtinetur revolutio annua solis 365 d. 6 h. 8' 29" 31".

Comparato in hunc modum situ solis cum aliqua stella ex observationibus diversis anni temporibus institutis, sole nempe in aliis orbitæ suæ punctis versante, animadversum est, nequaquam eandem temporis revolutionis annuæ quantitatem obtineri; & siquidem conferantur observationes correspondentes habitæ mensibus Majo, Junio, Julio, Augusto, semper tempus revolutionis minus deprehenditur, quam præbeant observationes Novembri, Decembri, Januario, aut Februario institutæ; ita, ut non nisi observationes circa finem Martii, aut initio Aprilis factæ idem tempus exhibeant, quod

observationes institutæ circa finem Septembris, vel initio Octobris. Hæc inæqualitas, cum constans sit, haud potest attribui exiguis erroribus, qui in observationes semper solent irrepere, sed ejus causa e theoria solis pendet.

Sic ex observatione De la Hirii 21 Decembris 1684 23 h. 59' 50" temp. med. Paris. fuit tum differentia longitudinis solis & Sirii $171^{\circ} 55' 45''$. Porro secundum meam observationem ad Caput Bonæ Spei institutam 25 Decemb. 1751 0 h. 0' 33" temp. med. hoc est, 24 Decemb. 22 h. 55' 53" temp. medio ad meridianum Parisinum, erat differentia longitudinis solis & Sirii $172^{\circ} 43' 41''$. Harum differentia 47' 56" requirit 13 h. 48' 17" (cum $1^{\circ} 1' 11''$ respondeant 24 h. 0' 30" temp. med.). Quare sol eundem situm respectu Sirii habuit die 21 Decembr. 1684 23 h. 59' 50", quem 24 Decembr. 1751 4 h. 7' 36" temp. med. Intervallum 24472 d. 4 h. 7' 46" divisum per 67 exhibet revolutionem annuam solis 365 d. 6 h. 9' 4" 16".

OBSERVA. I. Non negem equidem, quod, si præter exiguos motus apparentes fixarum, quarum theoriam perspectam habemus, stella ad conformes observationes selecta alicui peculiari motui, qui post annos aliquot notabilis evadat, obnoxia sit, revolutio annua accurata inde deduci haud possit, nisi etiam hujus ratio habeatur. Est hæc Sirii, & (quod vero simile) omnium magis illustrium fixarum conditio, in quarum singulis motus aliquid & directione & quantitate varii, neque adhuc satis explorati, percipi cœpit. Et quod ad Sirium, longa disquisitione reperi, eum intra 67 annos uno minuto ac tribus secundis minus in longitudinem progressum, quam spectata præcessione æquinoctiorum oporteret. Atque ex hac differentia intervallum inter observationes factas mense Junio Anni 1684 & 1751, crescit 26' 27", ut propterea revolutio annua futura sit 365 d. 6 h. 8' 53" 12". Eadem differentia auget intervallum observationum institutarum mense Decembri 24' 44", quæ proinde exhibent revolutionem annuam 365 d. 6 h. 9' 26" 25". Verum quisque sit peculiaris hujus stellæ motus, satis est, eum semestris spatio sentiri non posse, ut inæqualitas revolutionum annuarum ex observationum diversis anni tempestatibus institutarum comparatione deducta demonstraretur, id, quod in præsens faciendum nobis fuerat.

Ex hac inæqualitate autem evidenter consequitur, solem non habere eandem velocitatem, dum ad idem punctum redit, in quo prius fuerat observatus, id, quod fieri nequit, nisi linea apsidum aliquantum moveatur, atque ita iisdem cœli punctis non eadem semper solis anomalia respondeat. Et certe nemo non intelligit, quod si semel sol in suo apogæo sit observatus (uti fit circa finem Junii) & postea, absoluta integra respectu fixarum revolutione, solemque ad idem, in quo prius

vifus fuerat, cœli punctum redeunte, reperiatur, apogæum non amplius eſſe in eo puncto, ſed aliquantum promotum fuiſſe ultra illud, ſol in hoc loco majorem debeat habere velocitatem, quam quæ apogæo convenire poſſit, conſequenter etiam ad illum citius perveniat, quam ſi apogæum manſiſſet immotum, & hinc tempus revolutionis brevius fiat. Contrarium eveniret, ſi obſervatio fuiſſet in ſolis perigæo (menſe Decembri) inſtituta; aut ſi loco motus juxta ſignorum ordinem, apogæum haberet motum retrogradum. Ex his itaque patet 1^{mo}, ſuperius relatas obſervationes oſtendere, *lineam apſidum ſolis moveri juxta ſignorum ordinem.* 2^{do} Obſervationes ad determinandam revolutionem annuam maxime idoneas eſſe, quæ inſtituuntur ſole verſante circa puncta diſtantiæ mediæ; aut vero accipiendam eſſe quantitatem aliquam mediam inter revolutiones deductas ex obſervationibus factis ſole in punctis oppoſitis verſante, & inter quas idem temporum intervallum interceſſerit, uti dum ſol fuit in apogæo, & dein in perigæo: atque hæc methodus tutior eſt, quod ſole prope apſides exiſtente aliquot continuis diebus ejus motus ſit uniformis, adeoque obſervationes uno die inſtitutæ accurate reduci poſſint ad eas, quæ duos, treſve dies tardius vel citius ſunt habitæ. Et ex ſupra allatis exemplis ſtatuemus veram quantitatem revolutionis annuæ ſolis 365 d. 6 h. 9' 9" 48".

OBSERVA II. Ex comparatione temporum reditus ſolis ad idem æquinoctium, ad idem ſolſtitium, denique ad idem, qualecunque id ſit, eclipticæ punctum, non ſolum inæqualis diverſis anni temporibus revolutio eruitur, verum etiam univerſe minor, quam paullo ante determinavimus. Itaque ad evitandas inæqualitates ob motum apogæi ſolis, comparandæ ſunt obſervationes vel inſtitutæ, dum ſol verſabatur circa idem punctum diſtantiæ mediæ; vel circa duo æquinoctia autumnalia, & circa duo æquinoctia verna eorundem annorum, hoc eſt, ut primis duabus obſervationibus circa æquinoctia ejusdem anni inſtitutis, etiam poſtremæ duæ eodem anno circa æquinoctia fiant, & obſervationes autumnales inter ſe comparentur, & verna cum verna: ut hac ratione accipi poſſit medium inter revolutionem prodeuntem ex obſervationibus circa autumnalia æquinoctia factis, & illam, quæ eruitur ex obſervationibus circa æquinoctia verna inſtitutis. Simili ratione obſervationes etiam accipi poſſunt circa duo ſolſtitia æſtiva, & circa duo ſolſtitia hyberna eorundem annorum factæ. Nobis ſatis fuerit exemplum prioris caſus addidiſſe.

Die 28 Martii 1657 o h. 5' 1" temp. med. Caſſinus obſervavit in magno gnomone ad D. Petronii Bononiæ altitudinem apparentem centri ſolis 48° 46' 43", ac proinde habita ratione refractionis & parallaxeos, vera fuit 48° 45' 52": ex hac ſubducta elevatione æqua-

toris $45^{\circ} 30' 40''$, remanet declinatio borealis solis $3^{\circ} 15' 12''$, cui competit longitudo $0^{\circ} 8' 11' 16''$, quæ tamen ob rationem mox reddendam (Obs. III) reducenda est ad $8^{\circ} 11' 3''$. Tempus hoc ad meridianum Parisinum reductum est 27 Mart. 1657 23 h. 28' 56" temp. med. Jam vero ex quinque altitudinibus meridianis solis diebus totidem continuis ope quadrantis, cujus radius erat 6 pedum, acceptis inveni ejusdem centri altitudinem meridianam apparentem pro 28 Martii 1760 0 h. 5' 1" temp. medio ad meridianum Collegii Mazarinæi æqualem $44^{\circ} 26' 26''$, ideoque veram $44^{\circ} 25' 25'' \frac{1}{2}$. Subtracta hinc elevatione æquatoris $41^{\circ} 8' 30'' \frac{1}{2}$, habetur declinatio solis borealis $3^{\circ} 16' 55''$, cui respondet longitudo $0^{\circ} 8' 15' 51''$, reducenda ad $0^{\circ} 8' 15' 42''$. Differentia inter utramque longitudinem $4' 39''$ a sole conficitur 1 h. 53' 15" (cum diei integro conveniant $59' 8''$, 3); itaque 27 Martii 1760 22 h. 11' 46" temp. med. sol eundem situm respectu punctorum æquinoctialium habuit, ac 27 Martii 1657 23 h. 28' 56" temp. med. Intervallum est 37619 d. 22 h. 42' 50'', quod divisum per 103 dat revolutionem annuam solis respectu puncti æquinoctialis Arietis 365 d. 5 h. 48' 48".

Ex his complures sequelæ magni momenti deducuntur. Primo *stabiliendæ sunt tres species revolutionum in theoria solis*; nempe revolutio *Siderea*, quæ est tempus reditus solis ad eandem stellam fixam, estque 365 d. 6 h. 9' 9" 48". Dein revolutio *Tropica*, hoc est interval- lum reditus solis ad idem punctum eclipticæ, ad eundem colurum, ad eundem tropicum &c, cujus duratio est 365 d. 5 h. 48' 48" 0". Denique revolutio *Anomalistica*, tempus reditus solis ad eandem apsidem, quæ est, ut mox videbimus, 365 d. 6 h. 15' 46".

Secundo. Quoniam sol ad idem punctum eclipticæ $20' 21'' 48'''$ temporis citius revertitur, quam revolutionem integram respectu fixarum absolvat, sequitur, coluros, & hinc puncta æquinoctialia, & solstitialia, habere motum retrogradum respectu solis paullo majorem $50'' 11'''$ in partibus circuli per annum. Ex quo fit, ut ascensione recta, & longitudine a puncto æquinoctiali Arietis computatis, videatur sol jam integram descripsisse eclipticam, dum reipsa non nisi $359^{\circ} 59' 9'' 49'''$ confecit. Hic motus punctorum æquinoctialium dicitur *Præcessio æquinoctiorum*.

Tertio. Quia diversæ anni tempestates juxta revolutionem tropicam contingunt, utpote quæ (275) a transitu solis per puncta æquinoctialia, & solstitialia dependent, hæc revolutio maxime idonea est, ut sit regula temporis civilis & politici, ideoque etiam ei calculi Astronomici accommodandi sunt, quamvis revolutio siderea esset opportunior. Itaque ratio habenda est differentiæ inter hæc revolutiones, ac supponendum, quod 360 gradus eclipticæ respondeant

deant tempori 365 d. 5 h. 48' 48'', licet interea sol in cœlo stellato non percurrat, nisi 359° 59' 10''.

Quarto. Omnia puncta reipsa immobilia in cœlo respectu punctorum æquinoctialium 50'' singulis annis videri debent progredi juxta signorum ordinem.

Quinto. Et quia revolutio anomalistica solis fideream 6' 36'' temporis excedit, consequens est, ut apogæum solis respectu fixarum motu annuo progrediatur 16'' 16'', & respectu punctorum æquinoctialium circiter 1' 6'', 4.

Sexto. Motus apogæi solis indicio est, vi centrali terræ exiguam quandam, sed constantem, mutationem alicunde accidere (§ 174 Append.) sed de hoc, uti etiam de retrogradatione punctorum æquinoctialium, in sequentibus quædam adferemus.

Habitis jam temporibus diversarum solis revolutionum, omnes dimensiones ellipseos, quam describere videtur, inveniri possunt ope trium ejus longitudinum, quæ conditionibus magis faventibus, & cum cura observatæ sint, secundum methodum (150) expositam. Exempli causa collato sole cum Sirio ad Caput Bonæ Spei, longitudinem veram solis die 30 Septembris 1751 23 h. 49' 44'' temp. med. inveni 6° 7' 51' 49'' $\frac{1}{2}$; die 30 Decembris 0 h. 3' 0'' temp. med. 9° 8' 30' 5''; & die 28 Martii 1752 0 h. 5' 2'' temp. med. 0° 8' 9' 25'' $\frac{1}{2}$, adhibitis ubivis correctionibus, de quibus infra. Ex his intuli locum perigæi solis circa finem Anni 1751 fuisse 9° 8' 40' 45''; solem per illud transivisse 30 Decembris 3 h. 9' 20'' temp. med. ad meridianum Parisinum reducto; eccentricitatem esse partium æqualium 16809, quarum distantia media terræ a sole continet 1000000; & hinc maximam æquationem centri 1° 55'' 34'' $\frac{1}{2}$.

Intervallum a 30 Decembris 1751 3 h. 9' 20'' temp. med. usque ad 1 Januarii meridiem 1752 temp. med. (est autem hic meridies apud omnes fere Astronomos *epocha* motus medii solis annis bissextilibus; pridianus vero annis communibus) est 1 d. 20 h. 50' 40'', quo sol motu medio conficit 1° 50' 30''; his additis ad locum perigæi 9° 8' 40' 45'', habetur epocha motus medii pro initio anni 1752, nempe 9° 10' 31' 15''.

Multis ejusmodi selectis observationibus ad similem calculum revocatis, tandem de veris theoriæ solis elementis certi reddemur; & siquidem aliquod in iis discrimen occurrat, medium quoddam inter ea, quæ reperimus, accipiemus.

Verum quia Astronomus quam minime elementa suæ theoriæ hypothesebus superstruere debet; decebit sane, ut positio lineæ apsidum, & epocha transitus solis per eandem, secundum methodum N. 109 expositam; æquatio vero maxima cum eccentricitate juxta

NN. 143 & 145 investigetur. In exemplo, e comparatione solis cum Sirio ejus longitudinem die 30 Junii 1751 o h. 2' 55'' temp. med. ad Caput Bonæ Spei inveni 3° 8' 9' 2''; & 30 Decembris o h. 3' 0'' eadem erat 9° 8' 30' 5''. Differentia 6° 0' 21' 3'' excedit, 180° 0' 33'', quos sol intra semirevolutionem anomalisticam describit, 20' 30''; jam vero motu diurno existente 57' 12'', sol excessum illum percurrit intra 8 h. 36' 13'', & ad 180° 0' 33'' e loco, in quo 30 Decembris o h. 3' 0'' fuerat, pervenit die 30 Jun. 8 h. 39' 8''. Intervallum temporis est 182 d. 15 h. 23' 52'', exceditque semirevolutionem anomalisticam 15' 59''. Itaque 30 Jun. 8 h. 39' 8'' sol nondum ad apogæum pervenerat. Fiat, ut 4' 0'' (differentia inter velocitates solis in apogæo & perigæo) ad 57' 12'' (velocitatem diurnam solis in apogæo); ita sunt 16' 5'' ad 3 h. 48' 34''; hoc tempore adhuc opus erat, ut sol apogæum attingeret: transit ergo per apogæum die 30 Jun. 1751 12 h. 27' 42'' ad meridianum Capitis Bonæ Spei, tempore vero medio reducto ad meridianum Parisinum ejusdem diei 11 h. 23' 2'', & quidem apogæo existente in 3° 8' 38' 44'' circa finem Junii An. 1751.

Si comparentur duæ longitudines solis ad diem 30 Septembris 1751, & 28 Martii 1752 superius allatæ, reperitur, quod hoc intervallo confecerit sol 180° 17' 36'' motu vero; motus medius tempori inter observationes interjecto competens erat 176° 26' 29'': semidifferentia 1° 55' 33'' $\frac{1}{2}$ est æquatio maxima solis, cui tamen addendum est 1'', quoniam 28 Martii sol paullo plus, quam uno gradu, aberat a puncto suæ distantiae mediæ. Est igitur æquatio maxima centri 1° 55' 34'' $\frac{1}{2}$, & eccentricitas 16809 partium.

Quod ad revolutionem anomalisticam attinet, ea invenitur ex comparato tempore transitus solis per suum perigæum die 30 Decembris 1751 3 h. 9' temp. med. Parisiis, cum tempore transitus ejusdem, deducto ex observationibus Norimbergæ An. 1487 a Walthero factis. Juxta has observationes (vid. Monum. Acad. Reg. Paris. An. 1749 pag. 53 & seq.) die 12 Decemb. 12 h. 36' temp. med. sol aberat a perigæo 3° 49' 36''; & hinc perigæum attigit die 16 Decemb. 6 h. 5' tempore ad meridianum Parisinum reducto. Intervallum est 96428 d. 21 h. 4', e quo revolutio una eruitur 365 d. 6 h. 15' 42''. Similiter sol erat in apogæo An. 1503 die 16 Junii 18 h. 0' juxta meridianum Parisinum. Vidimus autem, solem etiam fuisse in apogæo die 30 Junii 1751 11 h. 23'; intervallum 90584 d. 17 h. 23' dat revolutionem unam 365 d. 6 h. 15' 50''; itaque accepto medio statui potest 365 d. 6 h. 15' 46''.

OBSERVA III. Antequam observatio aliqua solis ad subtiliorem quampiam disquisitionem adhibeatur, rationem habere oportet qua-

quatuor exiguarum inæqualitatum pendentium ab actione planetarum in terram, quemadmodum in sequentibus explicabitur.

Huic jam subjiciendus est Artic. I, qui pag. 164 habetur.

Pag. 167 §. 464 Lin. 3 loco aphelium lege perihelium. Idem fiat § 465 Lin. 2. Item § 468 Lin. 3 & §. 469 Lin. 2.

Pag. 183 §. 524 Lin. 3 loco 57050 lege 57030.

Pag. 185 §. 530 & sequentibus hujus Articuli aliud exemplum habet author in eorum commodum transcribendum, qui sese in his calculis exercere desiderant.

Cometa Anni 1742, qui erat retrogradus, transivit per suum perihelium die 8 Februarii 4h. 48' temp. med. Locus perihelii in orbita cometæ erat in $7^{\circ} 7' 35'' 13'''$. Logarithmus distantiae perihelii a sole erat 9,884049; nodus ascendens in $6^{\circ} 5' 38' 29''$; denique inclinatio orbitæ $65^{\circ} 59' 14''$. Oporteat invenire locum verum e terra visum pro die 28 Martii 1742 13 h. 39' 0'' temp. med.

I. Accipiaturn intervallum inter transitum per perihelium, & tempus datum, quod in præsentē casu est 48 d. 8 h. 51', & horæ, minuta, & secunda reducantur ad partes decimales diei. Fient itaque 48,3687 d.

II. Dimidium tripli logarithmi distantiae perihelii subtrahatur a logarithmo intervalli inter tempus transitus per perihelium, & datum; residuum erit logarithmus ejusdem intervalli reducti ad tempus, seu dies elapsos a transitu per perihelium orbitæ in tabula generali post N. 214 calculatæ. In nostro exemplo logarithmus distantiae perihelii est 9,884049; ejus triplum 9,652147; tripli dimidium 9,826074; logarithmus de 48,3687 est 1,684564; a quo si subtrahatur 9,826074, relinquitur 1,858489 logarithmus de 72,192 d.

III. Quæraturn in tab. gen. (N. 214) anomalia vera respondens tempori invento; addaturque ea, si cometa directus est, ad locum perihelii, si tempus datum sequitur transitum per perihelium; at si præcedat, anomalia subtrahatur a loco perihelii. Quando cometa est retrogradus, & tempus datum transitum per perihelium præcedit, anomalia vera addenda est loco perihelii; subtrahenda vero ab eodem, si tempus datum sit posterius transitu per perihelium; habebitur locus verus heliocentricus cometæ in sua orbita. Diebus 72,192 respondent in tabula $73^{\circ} 8' 52''$, sive $2^{\circ} 13' 8' 52''$, subtrahenda a loco perihelii $7^{\circ} 7' 35'' 13'''$, quia cometa est retrogradus, & tempus datum est posterius tempore transitus per perihelium. Unde invenitur locus verus heliocentricus cometæ in sua orbita $4^{\circ} 24' 26'' 21'''$.

IV. Locus verus nodi ascendentis subducatur a loco vero heliocentrico cometæ; habebitur argumentum latitudinis cometæ (471).

Itaque si $6^{\circ} 5' 38' 29''$ subtrahantur a $4^{\circ} 24' 26'' 21'''$, argumentum latitudinis est $10^{\circ} 18' 47'' 52'''$.

V. Inferatur (473): ut sinus totus ad cosinum inclinationis; ita tangens argumenti latitudinis est ad tangentem argumenti latitudinis in ecliptica accepti, &
ad

ad locum verum nodi addendi, ut obtineatur locus verus heliocentricus cometæ ad eclipticam reductus (475), sive ejus longitudo vera e sole visa.

Sic argumentum latitudinis reductum ad eclipticam est $11^{\circ} 11' 6''$, & longitudo vera cometæ $5^{\circ} 16' 44'' 50''$.

VI. Fiat hæc analogia (472) : ut sinus totus ad sinum argumenti latitudinis, ita est sinus inclinationis orbitæ cometæ ad sinum ejus latitudinis e sole visæ, quæ erit Borealis; vel australis, prout (si cometa est directus) ejus argumentum latitudinis est minus, vel majus 6 signis; aut (si cometa est retrogradus) prout ejus argumentum latitudinis est majus vel minus 6 signis.

In nostro exemplo itaque latitudo cometæ e sole visa est $37^{\circ} 19' 20''$, & quidem borealis, cum cometa sit retrogradus, & argumentum latitudinis 6 signa excedat.

VII. Calculetur verus locus solis, inveniaturque ejus distantia a terra logarithmus: ab illo subtrahantur 6 signa, ut sciatur locus verus Telluris e sole visus; accipiaturs differentia inter longitudinem veram heliocentricam cometæ, & longitudinem terræ e sole visam: hæc differentia dabit angulum ad solem inter terram & cometam, qui etiam angulus commutationis dicitur.

In exemplo proposito, locus verus solis die 28 Martii 13 h. 39' est $0^{\circ} 8' 11'' 28''$; & logarithmus ejus distantia a terra 9,999841; itaque locus verus terræ e sole visus est $6^{\circ} 8' 11'' 28''$. Differentia a $5^{\circ} 16' 44'' 50''$, nempe $21^{\circ} 26' 38''$ dat angulum commutationis, seu angulum ad solem.

VIII. Fiat 1^{mo} : ut quadratum cosinus dimidiæ anomalie veræ (inventæ III) est ad quadratum radii; ita distantia perihelii Cometæ est ad ejus distantiam a sole, sive ad radium vectorem. 2^{do} ut est radius ad cosinum latitudinis e sole visæ (VI), ita radius vector ad distantiam curtatam.

Invenietur ex his analogiis logarithmus distantia curtatæ 9,975019.

IX. Accipiaturs differentia inter logarithmos distantia curtatæ, & distantia terræ a sole (minore e majore subtracto); additis ad characteristicam 10, erit ea logarithmus tangentis alicujus anguli (Elem. 752), a quo subducantur 45° ; residui logarithmus tangentis addatur ad logarithmum tangentis complementi anguli dimidii ad solem (VII); Summa erit logarithmus tangentis arcus addendi ad illud complementum, si distantia curtata cometæ a sole excedit distantiam terræ a sole; subtrahendi vero, si distantia ea cometæ est minor, quam distantia terræ; habebitur angulus elongationis (sive angulus ad terram inter locum solis, & locum geocentricum cometæ ad eclipticæ planum reductum interceptus), qui additus, vel subtractus a loco vero solis (prout cometa e terra visus fuerit vel ex parte orientis, vel ex parte occidentis respectu solis) dabit longitudinem geocentricam cometæ.

Itaque ex 9,999841 subductis 9,975018, residuum 0,024823 auctum decade 10,024823 est logarithmus tangentis $46^{\circ} 38' 11'' \frac{2}{3}$; hinc subtractis 45° , tangentis residui $1^{\circ} 38' 11'' \frac{2}{3}$ logarithmum ad-

da-

datur logarithmo tangentis $79^{\circ} 16' 41''$ (quod est complementum de $10^{\circ} 43' 19''$, dimidio nempe anguli ad solem $21^{\circ} 26' 38''$): summa est logarithmus tangentis $8^{\circ} 34' 51''$, quibus e $79^{\circ} 16' 41''$ subtractis (cum distantia cometæ a sole sit minor, quam distantia terræ a sole) habetur angulus elongationis $70^{\circ} 41' 50''$, sive $2^{\circ} 10' 41' 50''$. E schemate rudius constructo, quod exhibeat eclipticam in 12 signa divisam, solem, terram, & cometam secundum longitudes hoc calculo inventas, facile apparet, cometam e terra visum esse respectu solis ad orientem. Itaque angulus elongationis addendus est loco vero solis, ut habeatur longitudo geocentrica cometæ $2^{\circ} 18' 53' 18''$.

X Fiat denique (478): ut sinus anguli ad solem (VII) ad sinum anguli ad terram (IX), ita est tangens latitudinis cometæ e sole visæ (VI) ad tangentem ejus latitudinis e terra visæ.

Hinc habetur ut sinus $21^{\circ} 26' 38''$ est ad sinum $70^{\circ} 41' 50''$; ita est tangens $37^{\circ} 19' 20''$ ad tangentem latitudinis geocentricæ cometæ $63^{\circ} 3' 57''$.

Pag. 187. Articulum II & III transposuit author; nos hic sequimur ordinem editionis novæ, & ejus Articulum II cum mutationibus exhibemus.

Pag. 190.

ARTICULUS II.

De calculo cometarum e terra visorum in orbitis Ellipticis.

§. 572. Quando reditus Cometæ certus est, ideoque revolutionis tempus scitur, ejus motus in ellipfi calculandus est. Methodus a præcedente nihil diversi habet, nisi modum inveniendi longitudinem heliocentricam, cui illustrando unicum exemplum sufficit. In sequente Articulo dicemus, qua ratione utendum sit observationibus, ut elementa theoriæ cometæ in ellipfi reperiantur.

§. 573, usque ad 577 retinentur, uti pag. 199 & 200 habentur, quibus sequentia adjungantur.

Pro majore accuratione limites falsarum positionum, quantum fieri potest, arcti sumendi sunt; sic in præsentem exemplo adhibendæ fuerant anomalix veræ $45^{\circ} 10'$ & $45^{\circ} 20'$, aut summum 45° & $45^{\circ} 30'$.

Quod si pauca secunda negligere lubeat, calculi labor admodum contrahetur ope tabellæ, quam in fine hujus Capitis subjiciemus, eandem fere cum tabula Simpsonii (Miscell. Tract. pag. 62), cujus usum jam exponimus.

Calculata anomalia vera in parabola, & logarithmo invento distantiae cometæ a sole, subtrahantur priores quinque notæ logarithmi axis majoris ex primis quinque notis logarithmi distantiae periheliæ, ut habeatur logarithmus constans, addendus separatim utrique logarithmo hujus tabulæ competentibus anomaliam veræ in parabola (habita ratione partis proportionalis). Erit prima summa logarithmus minutorum, & secundorum correctionis faciendæ juxta tabulæ titulos, ut anomalia vera in parabola reducatur ad anomaliā veram in ellipsi. Summa altera erit logarithmus numeri semper a logarithmo distantiae in parabola calculatæ subtrahendi, ut habeatur logarithmus radii vectoris in ellipsi.

Sic pro 36,443 d. in parabola reperitur logarithmus radii vectoris 9,835474, & anomalia vera $45^{\circ} 26' 46''$ (209). Ex 9,7653 subtractis 1,5530 habetur logarithmus constans 8,2123, addendus ad 4,6990, & fit 2,9113, nempe logarithmus de $13' 35''$, correctionis subtractivæ, ut proinde anomalia vera in ellipsi fit $45^{\circ} 12' 11''$. Item additis 8,2123 ad 9,0802 obtinetur logarithmus 7,2925 de 0,001961, correctione nempe subtractiva e logarithmo radii vectoris, qui 9,833513 fiet.

Tabula, qua utimur hic, summam accurationem non fert, tum quod constructa sit ex formulis algebraicis, in quibus commoditatis gratia termini aliqui finiti, tanquam infinite parvi, neglecti sunt; tum etiam quod ellipses haud sint curvæ similes, uti omnes parabola. Interim si longior calculorum series facienda sit, non sine compendio adhibebitur, modo nonnullæ in ea correctiones fiant.

Sint culculandæ in ellipsi omnes observationes mense Majo An. 1759 factæ. Compertum est, anomaliā cometæ hoc mense fuisse intra 90° & 108° . Ejus perihelii distantia invenitur 0,583497, & axis major ellipseos 36,14606: quare construatur tabella correctionum (qualem mox subjiciemus) in alteram tabulam ad finem præsentis Capitis adferendam. In 2^{da} & 6^{ta} columna scribantur correctiones ope logarithmi constantis 8,2079 repertæ. Tum methodo superius (§, 576) exposita calculentur anomaliam veræ in ellipsi respondentes anomaliam veris in parabola; exempli causa pro 90° , 100° & 108° , reperientur $90^{\circ} 11' 20''$, $100^{\circ} 23' 32''$ & $108^{\circ} 35' 12''$, quæ jam tres accuratas correctiones pro ellipsi suppeditant, in tertia columna describendas. In 4^{ta} differentiam harum trium correctionum distribuuntur proportionaliter ad differentias secundæ columnæ, e quibus 5^{ta} columna conficitur, quæ veras correctiones, in calculo adhibendas contineat. Eodem modo reperiuntur veræ correctiones logarithmorum radiorum vectorum.

Anomalia vera in parabola	Correctio juxta tab. quæ ad fi- nem hujus Cap. habe- tur	Correctio calculata	Differentia in part. proport. div.	Vera anoma- liæ cor- rectio	Correctio lo- garith. radii vector. juxta tabulam	Correctio radii ve- ctoris cal- culata	Differentia in part. proport. div.	Correctio vera lo- garithmi radii ve- ctoris
Gr.								
90	+ 11 6	+ 11 20	14	+ 11 20	— 5608	— 5681	73	— 5681
91	12 11		16	12 27	5694		74	5768
92	13 17		18	13 35	5780		75	5855
93	14 24		20	14 44	5867		77	5944
94	15 33		22	15 55	5955		78	6033
95	16 43		24	17 7	6044		80	6142
96	17 55		26	18 21	6133		82	6215
97	19 9		28	19 37	6223		84	6307
98	20 24		30	20 54	6313		85	6398
99	21 40		32	22 12	6405		87	6492
100	22 58	23 32	34	23 32	6499	6588	89	6588
101	24 17		36	24 53	6595		92	6687
102	25 38		38	26 16	6691		95	6786
103	27 0		40	27 40	6789		98	6887
104	28 24		43	29 7	6888		101	6989
105	29 51		45	30 36	6990		104	7094
106	31 19		47	32 6	7094		107	7201
107	32 49		50	33 39	7201		111	7312
108	34 20	35 12	52	35 12	7310	7425	115	7425

ARTICULUS III.

*Methodus determinandi omnia elementa theoriæ alicujus
Cometæ ex observationibus in terra institutis, tum in
parabola, cum in ellipsi.*

Elementa theoriæ cometarum in terra observatorum per metho-
dum directam, & Geometricam determinare, res est summæ
difficultatis, tum quod eorum revolutio periodica sit incognita, tum
etiam, quod non sæpius in conjunctione, vel oppositione observari
possint, utpote exiguo tempore visibiles. In defectu itaque ejusmo-
di methodi necesse est ad *positionem falsi*, & longum tentamen recurrere.

Hinc collectis, quot haberi possunt, probis observationibus
cometæ, diversa phænomena expendenda sunt, uti inæquales velo-
citates apparentes cometæ, ejus directio, magnitudo apparens disci,
sive nuclei, varii gradus luminis, directio ac celeritas cometæ in
oppositione, vel conjunctione cum sole &c. Ex his conjectura fa-

cienda est 1^{mo}, utrum cometa terræ fuerit vicinus, quod ex magnitudine apparente, & magna velocitate motus Geocentrici, quæ brevi admodum minuuntur, dignoscitur. 2^{do} quo tempore cometa fuerit in perihelio; quod ex eo fere intelligi potest, quod tunc tam ipse, quam ejus cauda sit lucidissima; quippe id observari consuevit paulo post transitum per perihelium: at vero, quantum licet, observationes institutæ circa perihelium, calculum ingredi non debent in methodo, quam explicamus: tunc enim celeritates cometæ e sole spectati non satis inter se differunt, ut vera elementa inveniri possint; sed ut veritas inventorum comprobetur, tantummodo usum habent. 3^{io} conjectandum, utrum cometa e sole visus fuerit directus, an retrogradus, quod fere agnoscitur e directione apparente illius, quando prope conjunctionem, vel oppositionem cum sole versatur. 4^{to} æstimatio facienda est, quantæ circiter fuerint Cometæ distantia a sole sub initium, & finem apparitionis. Quamvis autem hæc conjecturam nostram fefellerint, calculi tamen sequente methodo instituendi, mox id nobis indicabunt, idque solum incommodi lapsus ejusmodi habebit, quod operatio pro ejus quantitate longior sit futura. At si paullo major accesserit experientia, parum admodum a vero aberrabitur.

Exemplo, & explicationi methodi, de qua agimus, sit cometa mensibus Martio, & Aprili An. 1742 visus. Ex historia observationum institutarum, quæ in Mon. Acad. Reg. scient. ad annum hunc prostat, in Europa non nisi sub initium Martii videri potuit, ex australi cœli parte rapido cursu, & ingenti cum cauda ad nos progressus: ferebatur deinceps versus polum boreum motu apparente directo, sed velocitate, & lumine semper decrescente, usque ad 6 Maii, quo videri desiit. In conjunctione cum sole videbatur 15 Martii, quo tempore motu diurno plus quatuor gradibus circuli maximi conficiebat.

Ex his conjici potest 1^{mo}, eum, antequam in Europa esset aspectabilis, jam per perihelium transiisse, cum in ipso apparitionis principio tam nucleus, quam cauda tanto lumine fulserint. 2^{do} motum verum, & heliocentricum fuisse retrogradum: quippe cum in conjunctione tantam habuerit velocitatem geocentricam, terræ vicinus esse debuit, ac proinde ea conjunctio fuit inferior; & hinc si ejus motus heliocentricus fuisset directus, geocentricus debuisset apparere retrogradus. Neque enim fieri potuit, ut cometa jam a sole, & perihelio remotior tantam haberet velocitatem heliocentricam directam, ut e terra spectatus pariter appareret directus. 3^{io} cum sub initium apparitionis in Europa cometa terræ tam fuerit propinquus, ejus distantia a sole tum vix minor esse poterat, quam distantia ter-
ræ

ræ a sole. Sed circa Majum cometa jam multo longius a sole distare debebat, quam terra, utpote cum magis semper, magisque a suo perihelio recederet.

Spectatis omnibus hisce conjecturis seligantur tres positiones cometæ observatæ temporibus, quantum fieri potest, maximo intervallo disjunctis, ita tamen, ut tunc motus diurnus cometæ saltem 20 minuta circuli maximi æquarit: nam si motus admodum lentus est, errores minimi in definiendis locis cometæ admissi maximos inducunt in determinationem elementorum quæditorum; & certe nucleus male terminatus, & debili lumine præditus, quando motus cometæ est exiguus, accuratiōni observationum admodum officit. Quærantur ex tabulis Astronomicis longitudes solis, & logarithmi distantiarum ejus a terra pro tribus temporibus observationum selectarum, quæ & ipsa ad tempus medium reducantur. Inveniatur dein elongatio cometæ, hoc est, differentia inter ejus longitudinem observatam, & longitudinem solis tempore primæ & ultimæ observationis. Observetur præterea, an cometa respectu solis fuerit versus orientem, an versus occidentem, & ex his construatur sequens tabella.

1742 tempus medium	Longitudo Cometæ Observata	Latitudo Bor. come- tæ Observ.	Longitudo solis calculata	Logar. Di- stant. solis a terra	Elongatio Cometæ a sole
h. , ' , ''	S G , ' , ''	G , ' , ''	S G , ' , ''		G , ' , ''
4 Mart. 16 9 50	9 16 0 40	34 45 37	11 14 27 44	9,996910	58 27 4 Occ.
28 13 39 0	2 18 52 45	63 3 55	0 8 11 28	9,999840	
24 April. 9 39 0	3 1 5 33	50 32 50	1 4 27 16	0,003092	56 38 17 Or.

His ita habentibus invenienda sunt per calculum elementa parabolæ, quæ quatuor has condiciones habet: 1^{mo} ut sol sit in ejus foco. 2^{do} ut transeat per duo puncta determinata ex duabus selectis observationibus inter se maxime distantibus, nempe factis 4 Martii, & 24 Aprilis. 3^{io} ut intervallo temporis inter has observationes elapsi arcus cœlestis reipsa describi potuerit, qui iisdem duobus punctis intercipitur: in præsentē exemplo est hoc intervallum 50 d. 17 h. 29' 10". seu reductione ad partes diei millesimas facta, 50,728½ d. 4^{to} denique ut præterea transeat per punctum determinatum ex tertia aliqua observatione, quæ, quantum res fert, remota sit a duabus prioribus, qualis est 28 Maii instituta.

Hæc ut præstentur, schemate quodam calculus juvetur (Fig. 76 Append.), quod circiter exhibeat dimensiones orbitæ quæsitæ. Cen-

tro S, in quo sol ponitur, radio arbitrariæ magnitudinis describatur arcus LK telluris orbitam repræsentans. Sit L locus telluris die 4 Martii, & K die 24 Aprilis, ut proinde arcus KL æquetur motui solis eo temporis intervallo. Ad L construatur angulus SLN $58^{\circ} 27' 4''$ versus occidentem, ut N fit projectio loci cometæ in plano eclipticæ SLK; & ducta SN, cogitetur N_n ad planum eclipticæ, & propterea ad rectas LN, SN, perpendicularis, ita, ut n exhibeat locum verum cometæ in orbita parabolica P_nm.

Hinc si ducantur nL, nS, evidens est, esse SN distantiam curtatam, nS radium vectorem, angulum nSN latitudinem heliocentricam cometæ, NSL angulum commutationis, sive angulum ad solem; nNL angulum ad cometam (ita eum compendii causa appellabimus, cum alias dici deberet angulus ad punctum projectionis cometæ inter solem & terram); nL distantiam cometæ a terra; NL distantiam puncti projectionis a terra. Jam vero in tribus triangulis SLN, LNn, nSN, quorum primum est obliquangulum, reliqua duo rectangula ad N, nota tantummodo sunt angulus SLN $58^{\circ} 27' 4''$, latus SL, cujus logarithmus 9,996910, & angulus nLN $34^{\circ} 45' 37''$, ejusque complementum L_nN, cum rectis nNL, nNS; & vel exigua attentione adhibita, ex horum triangulorum positione advertitur, quod dato adhuc quocunque alio angulo, vel latere (præterquam radio vectore S_n) omnia reliqua inveniri possent, ut proinde necesse non sit, hæc singillatim adferre: id solum videtur difficultatem posse objicere, si daretur angulus nSN, sive ejus complementum N_nS; at enim facile hinc quis se expediet, si animadvertat, esse (479) tangentem anguli nLN ad tangentem anguli nSN, ut est sinus anguli NLS ad finem anguli NSL.

Eodem modo designetur in schemate locus cometæ pro die 24 Aprilis, facto angulo SKM $56^{\circ} 38' 17''$ versus orientem. Locus cometæ in planum eclipticæ projectus sit M, & ejus locus verus m in extremo m rectæ ad planum eclipticæ perpendicularis Mm; junctis mS, mK habentur tria triangula SMK, mKM, mKS, quorum eadem est conditio, ac priorum.

Quoniam autem dimensiones orbitæ cometæ reperiri nequeunt, nisi resolutione triangulorum utrobivis junctorum, positio *falsi* in subsidium vocanda est, & assumendus utraque ex parte valor vel alicujus anguli, vel alicujus lateris (præterquam radii vectoris). Et quidem solæ observationum circumstantiæ in electione attendendæ sunt, ut id eligatur, quod variationem majorem patiat; uti si exempli causa cometa visus fuisset magis in latitudinem, quam in longitudinem moveri, positio facienda esset in latitudinibus heliocentricis nSN, mSM; at si in longitudinem magis, quam in latitudinem

nem moveri fuisset visus, assumendus esset primo valor distantiarum curtatarum SN , SM , vel angulorum commutationis NSL , MSK , five etiam angulorum ad cometam LNS , KMS : est id prorsus arbitrarium, neque calculus, quidquid elegeris, redditur difficilior. Id tamen observandum, valorem distantiarum curtatarum assumendum non esse, quando alteruter angulus ad cometam recto est admodum vicinus, cum tunc ex calculo hujus anguli cognosci nequeat, acutusne, an obtusus sit, neque mutationes in distantia curtata proportionales sint mutationibus anguli ad cometam.

Ceterum quæcunque fiant suppositiones, eo tendant, oportet, ut inveniantur duæ longitudines, & latitudines heliocentricæ cometæ cum duobus radiis vectoribus: nam longitudinum harum differentia dat angulum NSM , qui ope latitudinum ad angulum nSm in plano orbitæ mnp reducitur. Ex inæqualitate porro radiorum vectorum innotescunt gradus anomalix punctis n & m orbitæ respondentes, & consequenter situs perihelii. Denique ex inæqualitate latitudinum heliocentricarum nN , mM invenitur inclinatio orbitæ.

In exemplo proposito, cum motus cometæ in longitudinem major visus sit, quam in latitudinem, positiones *falsi* fieri supponemus in distantis curtatis SN , & SM , & seu ex conjectura, seu ex calculo prævio & rudiore, facta distantia solis a terra $= 1$, assumi $SN = 0,879$, & $SM = 0,957$. En autem calculi ordinem!

I. SUPPOSITIO $SN = 0,879$, $SM = 0,957$.

In triangulo NSL est: ut assumpta distantia curtata SN ad distantiam solis a terra SL , ita est sinus anguli elongationis NLS ad sinum anguli ad cometam LNS . Reperitur hic $105^\circ 42' 48''$, & hinc habetur angulus ad solem NSL $15^\circ 50' 8''$, qui additus ad longitudinem terræ L $5^\circ 14' 27' 44''$ dat longitudinem cometæ heliocentricam $6^\circ 0' 17' 52''$.

OBSERVA I. Utrum angulus ad solem addi, vel subtrahi debeat a longitudine terræ, pendet a positione rectæ SN comparate ad signa Zodiaci.

OBSERVA II. Summa ex logarithmo distantix Solis a terra, & logarithmo sinus anguli elongationis, præbet logarithmum constantem, cujus usus est in omnibus suppositionibus deinceps faciendis in valore rectæ SN .

Quærat latitude heliocentrica cometæ ex hac analogia: ut sinus anguli ad terram NLS , ad sinum anguli ad solem NSL , ita tangens latitudinis observatæ nLN ad tangentem latitudinis heliocentricæ NSn (479). Invenitur $12^\circ 31' 42''$ borealis.

OBSERVA III. Subtracto logarithmo anguli ad terram ex logarithmo tangentis latitudinis observatæ, habetur logarithmus constantis, cujus in omnibus suppositionibus reliquis usus est.

Inve-

Inveniatur radius vector Sn ex analogia : ut *cosinus latitudinis heliocentricæ* n SN est ad radium, ita distantia curtata SN ad radium vectorem Sn ; cujus logarithmus erit 9,954455.

In triangulis SMK , mKM ex iisdem operationibus, inveniantur similiter logarithmi constantes, longitudo heliocentrica cometæ $5^s 2^o 36' 33''$, ejusdem latitudo heliocentrica $52^o 3' 38''$, & logarithmus radii vectoris $S m O$, 192159.

Construatur novum schema (Fig. 80), in quo ENC exhibeat dimidium eclipticæ, cujus polus in P : in N & M sint binæ longitudes heliocentricæ; ductis duobus circulis latitudinis PN , PM , notentur in n & m loca heliocentrica cometæ ad superficiem sphaeræ coelestis relata, ita, ut arcus Nn , Mm designent latitudes heliocentricas. Concipiatur per n & m semicirculus maximus ODB in plano orbitæ cometæ, ad quem nempe orbita e sole visa in superficie sphaeræ refertur. Ex differentia longitudinum heliocentricarum habetur arcus MN , five angulus mPn ; & in triangulo sphaerico mPn sciuntur latera nP $77^o 28' 18''$, mP $37^o 56' 22''$, cum angulo comprehenso mPn $27^o 41' 19''$. Invenitur itaque nm , mensura anguli ad solem comprehensi a duobus radiis vectoribus cometæ, scilicet $45^o 22' 8''$.

Quando circumstantiæ suadent, quod cometa tempore inter duas observationes (quæ in præsentē calculo adhibentur) interjecto transierit per perihelium, arcus mn est summa duarum anomaliarum verarum cometæ in sua orbita parabolica utrinque a linea apsidum positarum; at si videatur vel jam ante observationem primam per perihelium transivisse, vel transiturus post alteram, idem arcus est differentia duarum anomaliarum verarum cometæ. Est autem anomalia minor semper ex eadem parte, ex qua est radius vector minor.

Utraque autem hæc anomalia semper reperitur hac methodo generali: Logarithmus minoris radii vectoris subtrahatur ex logarithmo majoris; harum semidifferentiæ characteristica augeatur 10, quærat, cujus arcus tangens huic logarithmo conveniat. Ab arcu invento subtrahantur 45^o , logarithmo tangentis residui, addatur logarithmus cotangentis quartæ partis arcus mn , erit summa logarithmus tangentis alicujus anguli, cujus summa cum una quarta parte arcus mn est anomalia dimidia vera major, & differentia ab eadem quarta parte arcus mn anomalia dimidia minor quæsitæ.

Itaque subtracto 9,954455 ex 0,192159 habetur 0,237704; & hujus dimidium additis 10 ad characteristicam 10, 118852 est logarithmus tangentis $52^o 44' 38''$: ablatis 45^o , logarithmo tangentis residui $7^o 44' 38''$ addatur logarithmus cotangentis $11^o 20' 32''$, quartæ nempe partis de $45^o 22' 8''$, & habebitur logarithmus tangentis $34^o 8' 5''\frac{1}{2}$; e quo habentur dimidiæ anomalie, altera $22^o 47' 33''\frac{1}{2}$, alte-

altera $45^{\circ} 28' 27''\frac{1}{2}$, consequenter ipsa anomalia pro puncto n $45^{\circ} 35' 7''$, & pro m $90^{\circ} 57' 15''$.

Calculetur distantia perihelia hujus orbitæ ex hac proportionē (209): *quadratum radii est ad quadratum cosinus unius ex his anomaliis dimidiis veris, ita radius vector eidem adjacens ad distantiam perihelii.* In nostro exemplo invenitur logarithmus distantiae periheliæ 9,883835.

E tabula generali N. 214 accipiantur dies, & partes millesimæ, respondentes in parabola (cujus distantia perihelia = 1) anomaliis veris inventis: inveniuntur 36,579 d. pro $45^{\circ} 35' 7''$, & 112,4 d. pro $90^{\circ} 57' 15''$. Differentia horum dierum est 75,821, quæ reducatur ad eam, quæ convenit parabolæ nostri cometæ (aut si quidem transitus per perihelium accidisset tempore inter observationes intermedio, reducenda fuisset summa dierum).

Fit autem hæc reductio (212) addito logarithmo differentiae dierum (aut summæ) repertæ ad dimidium tripli logarithmi distantiae periheliæ. Sic logarithmo 1,879789 de 75,821 d. addito ad 9,883835, hujusque medietatem 9,941917, summa 1,705541 est logarithmus de 50,762 d.

OBSERVA. Quando anomaliam veram majores sunt 90° , partes decimales diei non sat exacte acquiruntur e partibus proportionalibus tabulæ generalis. Ut itaque major sit accuratio, hanc regulam generalem sequi oportet: *logarithmo constanti 1,9149328 addatur logarithmus tangentis dimidiæ anomaliam veræ. Item triplo ejusdem tangentis logarithmi addatur logarithmus constans 1,4378116. Numeri utrique logarithmorum summæ respondentes addantur inter se, erit summa numerus dierum accuratus, qui conveniunt anomaliam veræ.*

Itaque ad 1,914933 addendus est logarithmus 0,007233 tangentis $45^{\circ} 28' 37''\frac{1}{2}$; & triplo logarithmo ejusdem tangentis 0,021699 logarithmus constans 1,437812: reperiuntur 83,592, & 28,808, qui competunt summis logarithmicis 1,922166, & 1,459512. Unde 112,400 d. accurate respondent anomaliam veram $90^{\circ} 57' 15''$ in parabola, cujus distantia perihelia = 1. Per partes proportionales tabulæ obvenissent 112,4018 d. In calculis sequentibus regula exposita usi sumus, quæ nihil aliud est, quam æquatio $\frac{3}{4}at + \frac{1}{4}at^3 = b$, in qua $a = 109,6154$ d. tempori nempe digressionis a perihelio usque ad 90° in parabola, cujus distantia perihelia = 1; b tempus quæsitum, & t tangens dimidiæ anomaliam veræ datæ.

Collatis jam illis, quæ præcedentibus calculis reperta sunt, intelligitur, parabolam inventam duabus tantummodo primis conditionibus facere satis, cum tempus inventum 50,762 d. majus sit 0,033½ d. intervallo inter observationes adhibitas, nempe 50,728½ d.

Videndum igitur, quid mutationis in alterutrius distantiae curvatae valore assumpto faciendum sit, ut obtineatur parabola, quæ etiam tertiam conditionem expleat. Unde distantiam SM quantitate 0,001 minuamus, ut appareat, quæ inde mutationes in novæ parabolæ elementis oriantur, ac utrum ad vera propius accessura sint, an potius longius aberratura.

II SUPPOSITIO. $SN = 0,879$, $SM = 0,956$. Resumpto eodem, quo prius, ordine universo calculo reperiuntur longitudines heliocentricæ $6^s 0^o 17' 52''$, & $5^s 3^o 43' 11''$; latitudines heliocentricæ $12^o 31' 42''$, & $52^o 1' 54''\frac{1}{2}$; logarithmi radiorum vectorum 9,954455, & 0,191424; arcus NM (Fig. 80) $27^o 34' 41''$; arcus nm $45^o 18' 13''$; anomaliam veram $45^o 32' 3''$, & $90^o 50' 16''$; dies correspondentes 36,529 & 112,056; logarithmus distantiae periheliæ 9,883997; denique tempus reductum, quo describi potuit arcus nm , 50,594 d. Hinc intelligitur, imminutione 0,001 rectæ SM imminui tempus 0,168 d. Fiat igitur $0,168 : 0,001 = 0,033\frac{1}{2} : 0,0002$; nempe distantiam SM tantummodo 0,0002 imminui oportuit, ut obtineretur parabola tertiæ conditioni satis faciens. Quare iteretur calculus, & fiat

III SUPPOSITIO. $SN = 0,879$, $SM = 0,9568$. Invenientur hic longitudines heliocentricæ $6^s 0^o 17' 52''$, & $5^s 2^o 37' 53''$; latitudines $12^o 31' 42''$ & $52^o 3' 16''\frac{1}{2}$. Logarithmi radiorum vectorum 9,954455, & 0,192009; arcus NM $27^o 39' 59''$; nm $45^o 21' 22''$; anomaliam veram $45^o 34' 28''$, & $90^o 55' 50''$; tempora iis respondentia $36,568\frac{1}{2}$ d. & 112,330 d. Logarithmus distantiae periheliæ 9,883870; tempus reductum $50,728\frac{1}{2}$ d; idem accurate cum intervallo observationum.

Supereft, ut videatur, num inventa parabola uti tres priores, ita & quartam habeat conditionem. Quem in finem determinentur reliqua omnia elementa theoriæ cometæ in hac parabola moti. Et imprimis in triangulo mnp (Fig. 80) quæraturs angulus mnp e tribus lateribus mp $77^o 28' 18''$, np $37^o 56' 43''\frac{1}{2}$, & mn $45^o 21' 22''$, qui invenietur $23^o 39' 33''$. Tum in triangulo nNd ad N rectangulo investigetur ND $5^o 23' 45''$, nD $13^o 38' 14''$, & angulus NDn $66^o 56' 14''$, qui est inclinatio orbitæ cometæ ad planum eclipticæ; D est locus nodi ascendentis, ad quem cometa aliquantum ante 4 Martii pervenire debuit.

Quoniam itaque motus cometæ heliocentricus est retrogradus, ND $5^o 25' 45''$ addatur longitudini heliocentricæ cometæ die 4 Martii, quæ est $6^s 0^o 17' 52''$, habebitur locus Ω $6^s 5^o 43' 17''$. Ex hoc loco Ω subtrahatur Dn $13^o 38' 14''$, relinquetur $5^s 22^o 5' 23''$ pro loco cometæ n in sua orbita: & quia illic habuit anomaliam veram

ram $45^{\circ} 34' 28''$, hæc loco ejus in orbita addita dabit perihelium in $7^{\circ} 7' 39' 51''$. Denique ex summa $\frac{3}{2}$ logarithmi distantiae periheliæ, & logarithmi de $36,568\frac{1}{2}$ d. quibus ea anomalia confici potuit, habetur $24,486$ d. intervallum reductum inter observationem die 4 Martii, & tempus transitus per perihelium, quod subtractum a 4 Martii 16 h. $9' 50''$, five $0,673\frac{1}{2}$ d. indicat momentum transitus per perihelium die 8, 188 Februarii.

Ope horum elementorum methodo jam tradita calculetur longitudo Geocentrica cometæ pro die 28, 569 Martii invenietur ea $2^{\circ} 18' 51' 17''$, quæ quamvis tantummodo $1' 28''$ minor fit, quam observata $5^{\circ} 18' 52' 45''$, non tamen ita accurata est, ut inventa parabola quartæ conditioni satisfacere cenferi possit.

Ut igitur propius ad veram orbitam accedatur, retineatur SM, ut primo assumpta fuit, SN vero minuatur $0,001$, ut quemadmodum superius perspiciatur, quæ nam inde mutationes in parabolam primo loco inventam inducantur.

IV SUPPOSITIO. $SN = 0,878$, $SM = 0,957$. In hac hypothese erunt longitudines heliocentricæ $6^{\circ} 0' 31' 54''$ & $5^{\circ} 2' 36' 33''$; latitudines $12^{\circ} 42' 11''$ & $52^{\circ} 3' 38''$; logarithmi radiorum vectorum $9,954257$ & $0,192159$; $NM = 27^{\circ} 55' 21''$; $nm = 45^{\circ} 17' 56''$; anomalie veræ $45^{\circ} 44' 56''$ & $91^{\circ} 2' 52''$; tempora correspondentia $36,743$ d. & $112,680$ d. Logarithmus distantie periheliæ $9,883115$; tempus reductum $50,714$ d. quod a tempore observato differt $0,014\frac{1}{2}$. Quare apparet, imminuta SN $0,001$, minui tempus $0,048$ d. Unde fiat $0,048 : 0,001 = 0,014\frac{1}{2} : 0,0007$ debebat igitur SN assumi $= 0,8783$.

V SUPPOSITIO. $SN = 0,8783$, $SM = 0,957$. Longitudines heliocentricæ sunt $6^{\circ} 0' 27' 40''$ & $5^{\circ} 2' 36' 33''$, latitudines $12^{\circ} 39' 2''$ & $52^{\circ} 3' 38''$; logarithmi radiorum vectorum $9,954316$ & $0,192159$; arcus NM $27^{\circ} 51' 7''$; nm $45^{\circ} 19' 20''$; anomalie veræ $45^{\circ} 41' 45''$ & $91^{\circ} 1' 5''$; tempora correspondentia $36,689$ d. & $112,590$ d. logarithmus distantie periheliæ $9,883344$; tempus reductum $50,729$ d. ut adeo primæ tres conditiones impleantur.

Inveniantur jam elementa theoriæ in hac parabola: erit Ω in $6^{\circ} 5' 59' 6''$; perihelium in $7^{\circ} 7' 53' 42''$; inclinatio orbitæ $66^{\circ} 47' 14''$; tempus transitus per perihelium $8,151\frac{1}{2}$ d. Febr. Ex his longitudo geocentrica cometæ pro die 28 Martii obtinetur $2^{\circ} 18' 45' 14''$, quæ ab observata deficit $7' 31''$, ideoque inventa orbita a vera trajectoria diffidet.

Sed quoniam mutationes, quæ inducuntur in orbitas, ad sensum proportionales sunt mutationibus, quæ fiunt in distantis curtatis, ut obtineantur binæ distantie curtatæ parabolæ quæsitæ fiant hæ duæ

analogiæ : ut $6' 3''$, differentia utriusque erroris — $1' 28''$, & — $7' 31''$, est ad errorem minorem $1' 28''$; ita est $0,0007$, & $0,0002$, seu utraque correctio in distantis curtatis SN, SM facta, ut obtinerentur duæ parabolæ primis tribus conditionibus satisfaciendas, ad $0,000235$, & $0,000065$; id est, ad correctiones in iisdem distantis facientes, ut reperiatur parabola, quæ quartam etiam conditionem impleat.

OBSERVA. Si errores e calculis prodeuntes alter fuisset in excessu, alter in defectu, primus analogiæ terminus esse debuisset *summa errorum*.

Porro ut correctiones hæ repertæ debite applicentur, conferenda est longitudo in utraque orbita calculata cum longitudine cometæ observata. Enimvero cum SN posita = $0,879$ error emerferit — $1' 28''$; ea vero sumpta = $0,8787$, error evaserit — $7' 31''$; evidens est, quod quo magis SN minuitur, eo magis crescat error: unde SN (ut verus valor habeatur) nempe $0,879$, augenda est quantitate $0,000235$, ut proinde sumi debeat = $0,879235$. Consimili modo patebit, SM ponendam esse = $0,956735$; ideoque fiat jam postremo

VI SUPPOSITIO. SN = $0,879235$, SM = $0,956735$. Inveniuntur longitudines heliocentricæ $6^s 0^o 14' 37''$ & $5^s 2^o 38' 19''$; latitudines $12^o 29' 17''\frac{1}{2}$, & $52^o 3' 10''\frac{1}{2}$; logarithmi radiorum vectorum $9,95404$, & $0,191963$; anomaliam veram $45^o 32' 0''$ & $90^o 54' 4''$; tempora, quibus conficiuntur, $36,528$ & $112,243$ dies; logarithmus distantiam periheliæ $9,884049$; intervallum temporis reductum $50,729$ d.

Ex his reperiuntur vera elementa theoriæ, nempe nodus in $6^s 5^o 38' 29''$; perihelium in $7^s 7^o 35' 13''$; inclinatio orbitæ $66^o 59' 14''$; tempus transitus per perihelium d. 8 Febr. 4 h. 48' temp. med. ad Meridianum Parisinum: denique ex his elementis si calculetur longitudo & latitudo geocentrica pro 28 Martii 13 h. 39', illa obtinetur $2^s 18^o 53' 18''$, hæc $63^o 3' 57''$ borealis, discrimine paucorum secundorum ab observatis. Itaque problema resolutum censeri debet.

Quidquid adhuc diximus, satis clarum e prioribus videtur; solum regulam pro inveniendis anomaliis demonstrare juverit. Itaque sit quarta pars summæ utriusque anomaliam = a ; quarta pars earundem differentiam = x ; radius vector major = b , minor = c , distantia perihelia = 1 . His positis, erit anomalia vera major adjacens radio vectori b æqualis $2a + 2x$, minor = $2a - 2x$ adjacens radio

vectori minori. Ex formula radii vectoris = $\frac{\text{dist. perihel.}}{\cos^2 \frac{1}{2} \text{anom. ver.}}$ evidens

est,

est, radios vectores in eadem parabola esse in ratione inversa quadratorum cosinus dimidiarum anomaliarum verarum, five esse $\sqrt{b} : \sqrt{c} = \cos(a-x) : \cos(a+x) = \cos a \times \cos x + \sin a \times \sin x : \cos a \times \cos x - \sin a \times \sin x$ (Trig. 46). Igitur $\sqrt{b} \times \cos a \times \cos x - \sqrt{b} \times \sin a \times \sin x = \sqrt{c} \times \cos a \times \cos x + \sqrt{c} \times \sin a \times \sin x$; & $\sqrt{b} \times \cos a \times \cos x - \sqrt{c} \times \cos a \times \cos x = \sqrt{b} \times \sin a \times \sin x + \sqrt{c} \times \sin a \times \sin x$. Quare est $\sqrt{b} + \sqrt{c} : \sqrt{b} - \sqrt{c} = \cos a \times \cos x : \sin a \times \sin x = \frac{\cos a}{\sin a} : \frac{\cos x}{\sin x} = \cot a : \tan x$.

Jam vero (Elem. 752) summa duarum quantitatum est ad eorum differentiam, ut radius ad tangentem arcus multiplicati 45° ; & tangens hujus arcus invenitur divisa majore quantitate per minorem.

ARTICULUS IV

Variae animadversiones in calculum cometarum tum in parabola, cum in ellipsi.

I. Si loco distantiarum curtatarum assumantur anguli ad Cometam, vel anguli commutationis, calculus nec longior evadet, nec diversus a priore, nisi quod ordo primarum analogiarum in quavis suppositione mutetur.

II. Postquam inventa est parabola, quæ fere congruat cum tribus observationibus selectis, inutile foret aliam quærere, quæ exacte iis responderet. Enimvero tria illa loca aut omnino accuratissime observata sunt, aut ad vera proxime accedunt; si primum, fieri nequit, ut exacte conveniant in parabolam, cum re ipsa sint in ellipsi. Si observationum accuratio summa non sit, non nisi casui tribuendum est, si incidant omnino in aliquam parabolam, quæ etiam tum ceteris observationibus perfecte satisfacere nequit.

III. Utile fuerit calculum rudiorum priorum quinque suppositionum præmittere, neglectis secundis, & angulis assumptis etiam pluribus gradibus, vel distantis curtatis $\frac{1}{4}$, $\frac{1}{3}$ aut $\frac{1}{2}$; imo & duplo, vel triplo &c mutatis. Quod si conferantur debite inter se, quæ ejusmodi calculus offert, facile propius ad veram orbitam accedetur; & tum instituetur calculus accuratus, quantitatibus assumptis non nisi parum admodum mutatis.

IV. Quod si observationes, e quibus elementa theoriæ deducenda sunt, sint admodum accuratæ, ante supremum, & exactiorem calculum corrigendæ sunt a parallaxi, & aberratione luminis. Adhibentur autem in hunc finem dimensiones orbitæ veræ propinquæ, in qua invenienda est pro singulis temporibus observationum distantia cometæ a terra:

& habebitur parallaxis horizontalis ex hac analogia : ut distantia cometæ a terra est ad 1, five distantiam mediam solis a terra ; ita est parallaxis horizontalis solis $10''$, 2 ad parallaxin horizontalem cometæ. Si parallaxis horizontalis inventa major sit $20''$, quærat^r etiam parallaxis in longitudinem, & latitudinem juxta formulas alias præscriptas. Ad inveniendam vero aberrationem luminis tum in longitudinem, tum in latitudinem, ufui erit regula a D. Clairaut tradita (788).

V. Si duæ latitudines geocentricæ in calculo adhibitæ sint altera borealis, altera australis, etiam correspondentes latitudines heliocentricæ diversi erunt nominis : & tum in fig. 79 puncta *n* & *m* ita collocanda sunt, ut alterum sit supra planum eclipticæ, alterum infra illud. Ceterum calculi ratio eadem est, ac fig. 80.

VI. Quod si reperta elementa theoriæ cometæ in parabolica orbita eadem fere sint cum elementis alterius cometæ pluribus annis antea observati, ut prudenter existimari possit, eum nunc rediisse, accipiatur intervallum temporis inter transitus per perihelium, ut habeatur tempus periodicum (modo ne probabiliter credi possit, eum interea jam semel rediisse). Hinc (170) calculetur axis major orbitæ ellipticæ, & subtracta distantia perihelia reperietur distantia aphelia, atque eccentricitas. Ut autem reliqua elementa in ellipfi obtineantur, sequente methodo uti licebit.

Cometa An. 1531, 1607, 1682, ac tandem 1759 apparuit de-nuo. Ex computo Halley per perihelium transivit A. 1682 d. 14 Sept. 21 h. 33' temp. med. ad meridianum Parisinum. Jam ex tribus accuratis observationibus 1759 diebus 13 Aprilis, 1 & 21 Maii habitis ejus elementa in parabola reperiuntur ; & quidem distantia perihelii = 0, 5835, posita distantia media solis a terra = 1 ; tempus transitus per perihelium d. 12 Martii media nocte ; hinc ejus tempus periodicum $27937\frac{1}{2}$ d. axis major ellipseos 36, 0377 ; distantia aphelii = 35, 4542 ; eccentricitas 17, 43535. Suppositis hisce elementis quærantur tam in parabola, quam in hac ellipfi osculatrice in eodem plano circa communem focum sita tres longitudes & latitudes Geocentricæ cometæ pro trium observationum tempore. Invenietur pro 13 Aprilis longitudo in parabola $1^{\circ} 7'$ minor quam in ellipfi, & latitudo $3' 46''$ major in illa, quam in hac. At pro 1 Maii longitudo in parabola excedet longitudinem in ellipfi $3^{\circ} 26' 26''$, latitudo vero in parabola deficiet a latitudine in ellipfi $1^{\circ} 1' 7''$. Pro 21 Maii longitudo in parabola rursus reperietur major $1^{\circ} 30' 50''$, & latitudo minor $5' 27''$, quam in ellipfi. Si jam perpendatur, motum observatum reapse factum fuisse in ellipfi illi non multum dissimili, cujus dimensiones jam repertæ sunt, clarum est, motum verum posse reduci ad motum, quem cometa habuisset in parabola osculatrice circa

ca eundem focum descripta, & eodem vertice, differentiis hinc emergentibus collatis cum observationibus factis. Unde sequitur, problema de inveniendis elementis theoriæ cometæ in ellipfi, reduci ad hoc, ut inveniantur elementa eadem in parabola osculatrice; eo tamen servato, ut postea iteretur calculus, ut differentiæ accutiores reperiantur, adeoque elementa certiora.

Peractis hisce calculis, sequens tabella construatur.

Tempus medium				Longitudo observata				Latitudo observata				Longitudo reducta ad parabolam				Latitudo reducta ad parabolam			
1759	H	'	"	S	G	'	"	G	'	"		S	G	'	"	G	'	"	
13 April.	16	12	0	10	20	51	42	2	8	27	A	10	19	44	42	2	12	13	A
1 Maii	9	23	20	5	22	31	40	31	26	32	A	5	25	58	6	30	25	25	A
21 Maii	9	6	0	5	7	35	22	15	4	0	A	5	9	6	12	14	58	33	A

Restat jam tantummodo, ut calculentur methodo superius exposita elementa parabolæ, quæ præbeat longitudes & latitudes ita reductas, quippe quæ eadem omnino futura sint cum illis, quæ invenientur in ellipfi, adhibitis observationibus factis.

Tempus periodicum hunc in modum repertum haud omni ex parte certum est, cum facile actione Planetarum viciniorum cometæ in ejus apparitione mutari possit. Interea tamen, etsi error plurimum mensium sit, non tamen sensibilibus influit in calculum elementorum orbitæ ellipticæ, cum aberrationes ab ellipfi respectu parabolæ osculatricis, quæ mutatione temporis periodici inducuntur, sensibiles esse nequeant, nisi in distantis admodum magnis a perihelio.



TABULA I Theoriæ cometarum, de quibus sufficientes observationes colligi
 potuerunt ad invenienda elementa in orbitis parabolicis.

Anni ap- partitionis	Locus Ω			Inclinatio orbis			Locus perihelii			Logari- thmus di- stant. Peri- helii	Transitus per perih. temp. med. ad Merid. Parifi- num	Directio motus	Nomen calulatoris orbis	Orbitae mi- nus certae			
	S	G	M. S.	G	M	S	S	G	M. S.								
1264	7	28	45	0	30	25	0	9	5	45	0	9.	613640	Jul. 17 6 10	Direct.	Pingré	prope
1337	2	24	21	0	32	11	0	1	7	59	0	9.	609236	Jun. 2 6 34	Retrog.	Halley	prope
1472	9	11	46	20	5	20	0	1	15	33	30	9.	734584	Febr. 28 22 33	Retrog.	Halley	prope
1532	2	20	27	0	32	36	0	3	21	7	0	9.	706803	Octo. 19 22 21	Direct.	Halley	prope
1533	4	5	44	0	35	49	0	4	27	16	0	9.	307068	Jun. 16 19 39	Retrog.	Douwes	prope
1556	5	25	42	0	32	6	30	9	8	50	0	9.	666424	April. 21 20 11	Direct.	Halley	prope
1577	0	25	52	0	74	32	45	4	9	22	0	9.	263447	Octob. 26 18 54	Retrog.	Halley	
1580	0	18	57	20	64	40	0	3	19	5	50	9.	775450	Nov. 28 15 9	Direct.	Halley	
1585	1	7	42	30	6	4	0	0	8	51	0	10.	033850	Octob. 7 19 29	Direct.	Halley	
1590	5	15	30	40	29	40	40	7	6	54	30	9.	760882	Hebr. 8 3 54	Retrog.	Halley	
1593	5	14	15	0	87	58	0	4	26	19	0	9.	949926	Jul. 18 13 47	Direct.	La Caille	
1596	10	12	12	30	55	12	0	7	18	16	0	9.	710058	Aug. 10 20 4	Retrog.	Halley	
1618	9	23	25	0	21	28	0	10	18	20	0	9.	710100	Aug. 17 5 12	Direct.	Pingré	
1618	2	16	1	0	37	34	0	0	2	14	0	9.	579498	Nov. 8 12 32	Direct.	Halley	
1652	2	28	10	0	79	28	0	0	28	18	40	9.	928140	Nov. 12 15 49	Direct.	Halley	
1661	2	22	30	30	32	35	50	3	25	58	40	9.	651772	Jan. 26 23 50	Direct.	Halley	
1664	2	21	14	0	21	18	30	4	10	41	25	10.	011044	Dec. 4 12 3	Retrog.	Halley	
1665	7	18	2	0	76	5	0	2	11	54	30	9.	027309	April. 24 5 24	Retrog.	Halley	
1672	9	27	30	30	83	22	10	1	16	59	30	9.	843476	Mart. 1 8 46	Direct.	Halley	
1677	7	26	49	10	79	3	15	4	17	37	5	9.	448072	Maii. 6 0 46	Retrog.	Halley	
1678	5	11	40	0	3	4	20	10	27	46	0	10.	092724	Aug. 26 14 12	Direct.	Struyck	prope
1680	9	2	2	0	60	56	0	8	22	39	30	7.	787106	Dec. 18 0 15	Direct.	Halley	
1683	5	23	23	0	83	11	0	2	25	29	30	9.	748343	Jul. 13 2 59	Retrog.	Halley	
1684	8	28	15	0	65	48	40	7	28	52	0	9.	982339	Jun. 8 10 25	Direct.	Halley	

Contin. TAB. I Theoriæ Cometarum.

Annus ap- partitionis	Locus \odot			Inclinatio orbite			Locus Perihelii			Logari- thmus Di- stantiæ Peri- helii	Transitus per Perihel. temp. med. ad merid. Parifinum	Directio motus	Nomen calulatoris Orbitæ	Orbitæ mi- nus certa
	S	G	M S	G	M S	S	G	M S	D	H. M				
1686	11	20	34 40	31	21 40	2	17	0 30	9.	511883	Sept. 16 14 42	Direct.	Halley	prope
1689	10	23	45 20	69	17 0	8	23	44 45	8.	227612	Dec. 1 15 5	Retrog.	Pingré	prope
1698	8	27	44 15	11	46 0	9	0	51 15	9.	839660	Oct. 18 17 6	Retrog.	Halley	prope
1699	10	21	45 35	69	20 0	7	2	31 6	9.	871570	Jan. 13 8 32	Retrog.	La Caille	prope
1702	6	9	25 15	4	30 0	4	18	41 3	9.	819165	Mart. 13 14 22	Direct.	La Caille	prope
1706	0	13	11 40	55	14 10	2	12	29 10	9.	629218	Jan. 30 4 32	Direct.	La Caille	
1707	1	22	46 35	88	36 0	2	19	54 56	9.	934 68	Dec. 11 23 39	Direct.	La Caille	
1718	4	8	43 0	30	20 0	4	1	30 0	10.	011380	Jan. 14 23 48	Retrog.	La Caille	
1723	0	14	16 0	49	59 0	1	12	52 20	9.	999414	Sept. 27 16 20	Retrog.	Bradley	
1729	10	10	32 37	76	58 4	10	22	40 0	10.	629552	Jan. 25 11 6	Direct.	La Caille	
1737	7	16	22 0	18	20 45	10	25	55 0	9.	347960	Jan. 30 8 30	Direct.	Bradley	
1739	6	27	25 14	55	42 44	3	12	38 40	9.	828388	Jun. 17 10 9	Retrog.	La Caille	prope
1742	6	5	38 29	66	59 14	7	7	35 13	9.	884049	Febr. 8 4 48	Retrog.	La Caille	
1743	2	18	21 15	2	19 33	3	2	41 45	9.	921690	Jan. 10 20 35	Direct.	La Caille	
1743	0	5	16 25	45	48 20	8	6	33 52	9.	716480	Sept. 20 21 26	Retrog.	Klinkenberg	prope
1744	1	15	46 11	47	5 18	6	17	10 0	9.	347325	Mart. 1 8 13	Direct.	La Caille	
1747	4	27	18 50	79	6 20	9	7	2 0	10.	342128	Mart. 3 7 20	Retrog.	La Caille	
1748	7	22	52 16	85	26 57	7	5	0 50	9.	924620	April. 28 19 34	Retrog.	Maraldi	
1748	1	4	49 43	56	59 3	9	6	9 24	9.	816410	Jun. 18 1 33	Direct.	Struyck	prope
1757	7	4	5 50	12	39 6	4	2	39 0	9.	530288	Oct. 21 9 42	Direct.	La Caille	
1758	7	20	50 9	68	19 0	8	27	37 45	9.	333148	Jun. 11 3 27	Direct.	Pingré	
1759	4	19	39 24	78	59 22	1	23	24 20	9.	902280	Nov. 27 2 28	Direct.	La Caille	
1759	2	19	50 45	4	51 32	4	18	24 35	9.	984972	Dec. 16 21 13	Retrog.	La Caille	
Elementa Cometæ Halleyani pro singulis revolutionibus														
1456	1	18	30 0	17	56 0	10	1	0 0	9.	767540	Jun. 8 22 10	Retrog.	Pingré	prope
1531	1	19	25 0	17	56 0	10	1	39 0	9.	753583	Aug. 24 21 27	Retrog.	Halley	prope
1607	1	20	21 0	17	2 0	10	2	16 0	9.	768490	Oct. 26 3 59	Retrog.	Halley	prope
1682	1	20	48 0	17	42 0	10	1	36 0	9.	765295	Sept. 14 21 31	Retrog.	Halley	
1759	1	23	49 0	17	39 0	10	3	16 0	9.	766039	Mart. 12 13 41	Retrog.	La Caille	

TABULA II Exhibens correctiones Anomalix veræ & radii vectoris in Parabola, ut reducantur ad ellipsin ejusdem foci, & verticis.

An. Ver.	Correct. Anomal.	Correct. Rad. Vect.	An. Ver.	Correct. Anomal.	Correct. Rad. Vect.	An. Ver.	Correct. Anom.	Correct. Rad. Vect.
G	Addit.	Subtract.	G	Addit.	Subtract.	G	Subtract.	Subtract.
1	3. 2551	5. 8200	41	4. 7001	9. 0006	81	3. 9608	9. 4777
2	3. 5551	6. 4220	42	4. 7010	9. 0195	82	4. 0920	9. 4851
3	3. 7314	6. 7735	43	4. 7013	9. 0378	83	4. 1951	9. 4924
4	3. 8559	7. 0242	44	4. 7009	9. 0555	84	4. 2802	9. 4996
5	3. 9521	7. 2178	45	4. 6998	9. 0727	85	4. 3531	9. 5067
6	4. 0302	7. 2759	46	4. 6981	9. 0894	86	4. 4167	9. 5138
7	4. 0959	7. 5095	47	4. 6957	9. 1056	87	4. 4732	9. 5207
8	4. 1526	7. 6250	48	4. 6926	9. 1215	88	4. 5251	9. 5275
9	4. 2023	7. 7269	49	4. 6888	9. 1369	89	4. 5717	9. 5342
10	4. 2464	7. 8178	50	4. 6842	9. 1520	90	4. 6154	9. 5409
11	4. 2855	7. 8998	51	4. 6788	9. 1666	91	4. 6557	9. 5475
12	4. 3212	7. 9747	52	4. 6726	9. 1808	92	4. 6933	9. 5540
13	4. 3541	8. 0437	53	4. 6655	9. 1947	93	4. 7287	9. 5605
14	4. 3839	8. 1074	54	4. 6576	9. 2083	94	4. 7618	9. 5670
15	4. 4112	8. 1666	55	4. 6489	9. 2215	95	4. 7935	9. 5734
16	4. 4364	8. 2217	56	4. 6391	9. 2344	96	4. 8236	9. 5797
17	4. 4597	8. 2735	57	4. 6281	9. 2469	97	4. 8523	9. 5860
18	4. 4813	8. 3222	58	4. 6159	9. 2592	98	4. 8797	9. 5923
19	4. 5014	8. 3682	59	4. 6024	9. 2712	99	4. 9060	9. 5986
20	4. 5201	8. 4116	60	4. 5876	9. 2829	100	4. 9312	9. 6050
21	4. 5375	8. 4528	61	4. 5713	9. 2943	101	4. 9555	9. 6113
22	4. 5536	8. 4921	62	4. 5535	9. 3055	102	4. 9789	9. 6176
23	4. 5687	8. 5295	63	4. 5338	9. 3163	103	5. 0017	9. 6239
24	4. 5827	8. 5652	64	4. 5119	9. 3270	104	5. 0237	9. 6302
25	4. 5957	8. 5994	65	4. 4876	9. 3374	105	5. 0451	9. 6366
26	4. 6078	8. 6320	66	4. 4608	9. 3477	106	5. 0661	9. 6430
27	4. 6191	8. 6634	67	4. 4308	9. 3576	107	5. 0863	9. 6495
28	4. 6295	8. 6934	68	4. 3968	9. 3674	108	5. 1059	9. 6560
29	4. 6391	8. 7224	69	4. 3586	9. 3769	109	5. 1250	9. 6627
30	4. 6479	8. 7502	70	4. 3144	9. 3863	110	5. 1437	9. 6694
31	4. 6560	8. 7770	71	4. 2638	9. 3954	111	5. 1621	9. 6763
32	4. 6634	8. 8030	72	4. 2029	9. 4044	112	5. 1800	9. 6831
33	4. 6701	8. 8280	73	4. 1318	9. 4132	113	5. 1976	9. 6901
34	4. 6761	8. 8521	74	4. 0420	9. 4218	114	5. 2149	9. 6972
35	4. 6815	8. 8755	75	3. 9239	9. 4303	115	5. 2319	9. 7044
36	4. 6862	8. 8980	76	3. 7548	9. 4386	116	5. 2485	9. 7119
37	4. 6903	8. 9198	77	3. 4621	9. 4468	117	5. 2647	9. 7195
38	4. 6937	8. 9409	78	Subtract.	9. 4546	118	5. 2819	9. 7272
39	4. 6965	8. 9614	79	3. 4691	9. 4624	119	5. 2969	9. 7352
40	4. 6986	8. 9813	80	3. 7787	9. 4701	120	5. 3126	9. 7433

CAPUT III.

De mutationibus observatis in motibus Planetarum , & Cometarum.

Et si superius (§. 174 Art. XIV Append.) exposuerimus theoriam, & generales formulas calculandi mutationes motuum Planetarum variatione rationis virium, quibus urgentur ea corpora, inductas; haud tamen hic licet nobis ea in particularibus circumstantiis applicare, quæ univérse diximus, ne extra principiorum Astronomiæ elementaris limites egrediamur. Quare hujus rei notionem tantummodo generalem adferemus. Observationes recentiores tum inter se, tum etiam cum antiquioribus collatæ, ostendunt 1^{mo}, lineam apsidum in orbitis Planetariis respectu fixarum habere aliquem motum directum, quamvis admodum lentum; lineam item nodorum habere motum valde exiguum retrogradum. Ex quo conficitur, debere exiguas quasdam mutationes, sed constantes, induci in rationem vis tangentialis ad vim centram, quæ inter has vires intercedere debet, ut corpora Planetaria temporibus periodicis semper æqualibus describant singula suas ellipses immobiles, & invariata in plano fixo positas, quarum alterum focum sol constanter occupet, eo scilicet modo, quem Sectione I exposuimus.

2^{do} Animadversum est, Saturnum & Jovem, quorum volumina comparate ad alios Planetas admodum magna sunt, & in magnis item a Sole distantibus revolvuntur, perturbationibus esse subiectos, quæ quidem ex parte periodicæ sunt, cum hi planetæ ad conjunctionem inter se redeunt; has porro perturbationes in Saturno esse multo majores, ita, ut inde in tempora periodorum consequentium etiam plurium dierum discrimen redundet.

Ex his, similibusque animadversionibus, maxime factis, cum accuratius in motum Lunæ inquireretur, univérse tandem conclusum est, ex maxime accuratis observationibus sequi evidenter, quod vis corpus cæleste esse respectu alterius id, quod est sol respectu alicujus Planète, hoc est, quod vis corpus cæleste esse originem alicujus vis centralis respectu omnium aliorum, ita, ut præter primum suum impulsu, quodlibet fidus urgeatur re ipsa tot peculiaribus viribus centralibus, quot reliqua sunt astra. Tendunt hæ vires singulæ in singula corpora cælestia, sed effectus particularis cujusvis sentiri nequit, nisi pro ratione massæ majoris illius fideris, in quo hæc vis residet, comparatæ cum massa alterius, in quod agit, & ratione quadrati distantiae utriusque minoris. Itaque singulæ hæ vires centrales exprimuntur fractione, in

qua massa corporis, e quo oritur vis, per quadratum distantiae alterius, quod ea vi urgetur, est divisa. Sol ipse huic legi subest; sed enim ingens ejus massa facit, ut ejus emotio, quamvis reapse aliqua sit, vix tamen percipi possit, dum interim motus planetarum primariorum, & cometarum circa eum revolutorum peraguntur in trajectoriis tanto magis a veris, & accuratis ellipsis degenerantibus, quanto summa omnium fractionum vires centrales aliorum siderum exprimentium majorem rationem habet ad massam solis per quadratum distantiae cujusvis planetæ ejusmodi trajectoriam describentis, divisam.

Sed quoniam planetæ orbitas suas diversis in planis, ac diversimode inter se inclinatis describunt, directiones virium centralium, quæ in singulis resident, sunt itidem singulæ in diversis planis, neque per regulas compositionis virium ad pauciores, quam tres, reduci possunt. Quare quilibet planeta ita quovis momento considerandus est, velut qui triplici simul vi urgeatur. Harum prima est *tangentialis*, natura sua uniformis tempusculo minimo, & quæ determinatur ex omnibus motibus, quos planeta tempusculo præcedente habuit. Altera est vis *acceleratrix*, composita ex omnibus viribus centralibus omnium planetarum, & ad unicam reductis, cujus directio est recta sita in plano, cujus positio determinatur per centrum solis, & directionem vis tangentialis. Differentia inter hanc vim ita compositam, & vim centalem simplicem, quæ in sole tantum residet, quamque Articulo XIII Cap II Sect. I consideravimus, appellatur *vis perturbatrix*. Vis tertia est itidem acceleratrix, quam *deturbatricem* vocabo; componitur vero rursus ex omnibus viribus centralibus planetarum ad unicam reductis directione ad planum, de quo modo diximus, perpendiculari. Est hæc comparate ad priores duas in nostro systemate planetario admodum exigua, cum plana orbitarum planetarum modicam inter se inclinationem habeant, neque sol quidquam (qui in communi horum planorum intersectione positus est) ad eam vim deturbatricem conferat.

Si planeta primis tantummodo duabus viribus esset præditus, iis compositis definiri posset natura trajectoriæ, quæ in eodem semper plano sita spectari posset instar ellipsis parum admodum variabilis, quod vis centralis in solem vim perturbatricem immensum excederet: atque hinc cognita ratione massarum aliorum planetarum, e principiis superius (§. 174 Art. XIV Append.) stabilitis ad calculum revocari posset tum quantitas, cum directio motus lineæ apsidum, variatio eccentricitatis, & temporis periodici.

At enim vis deturbatrix cum reliquis simul in planetam agens, in causa est, ut planum hujus ellipseos variabilis constans non sit.

Fin-

Fingamus in systemate planetario planum quoddam absolute immotum, positione medium inter ea omnia, ad quæ trajectory Telluris per vim deturbatricem transire potest, vocemusque illud *planum verum eclipticæ*: Evidens est, cum hoc planum sit parum admodum ad planum alterius cujusvis planetæ inclinatum, posset tanquam parallelum censerī, ut propterea vis deturbatricis directio sit ad sensum semper perpendicularis ad planum verum eclipticæ. Jam vero quisque facile intelligit, effectum hujus vis in eo consistere, ut nitatur ea directione, qua agit, planetam vel a plano vero eclipticæ remove, vel ad illud admove, consequenter inclinationem arcus exigui, quem tali tempusculo planeta describit, ad planum verum eclipticæ mutare. Positio itaque plani, in quo est planetæ trajectory, variatur e proportionē quantitatis vis deturbatricis, & quidem in eam partem, versus quam vis illa exeritur. Exempli causa dum vis deturbatrix planetam admovet plano vero eclipticæ, planeta citius attingit suum nodum, quam citra eam vim, five, quod eodem redit, nodus versus planetam promovetur celeritate exigua quidem, sed quæ crescit, minuitur, aut penitus evanescit, prout actio vis deturbatricis augetur, decrescit, aut nulla est. Atqui hoc si fiat, nodus nequit versus planetam moveri, nisi tendat in plagam oppositam illi, quam motus planetæ spectat: atque adeo si motus heliocentricus planetæ directus sit, motus nodi semper erit aut retrogradus, aut nullus; & ex opposito quando motus heliocentricus sideris est retrogradus, qualis in bene multis cometis deprehenditur, motus nodi erit directus. Contrarium eveniret, vi deturbatrice planetam a vero plano eclipticæ dimovente.

Atque ex hac virium compositione unice petendæ sunt causæ omnium perturbationum motuum cœlestium: singularum nempe prius efficacitas quærenda, tum omnes simul colligendæ sunt, si quis non modo eas aberrationes explicare velit, quæ jamjam observatæ sunt, verum etiam alias prædicere, quæ deinceps sese prodent. At enim quis non vel e paucis hisce, quæ diximus, videat, quantum laboris, sagacitatis, & experientiæ versandi in omnem partem Analysis maxime sublimem, id genus disquisitiones poscant? Et nihilominus cum fieri vix possit, ut plurium, quam trium, corporum in planis diversis fitorum vires centrales accurate simul combinentur, investigatio inæqualitatum planetæ, aut cometæ fructu caret, nisi singulæ perturbationes, aliæ post alias, quæ ab actione singulorum aliorum planetarum pendent, ad calculum revocentur, expendaturque, quantum quævis mutationis in vim centram versus focum, quem sol occupat, inducere possit.

Illustrioribus tantummodo Geometris adhuc licuit id genus problemata, quorum argumentum ejusmodi sit perveſtigatio, cum ſucceſſu aggredi. Scilicet Eulerus mutuas Jovis, & Saturni perturbationes explicatas dedit; Clairaut oſtendit, cometæ Annis 1531, 1607 & 1682 conſpicui periodos inæquales eſſe debuiſſe, quæque $913\frac{1}{2}$ & $898\frac{1}{2}$ menſium fuerint, poſtremam autem, qua labente Sæculo ruruſus redderetur aſpectabilis, 919 menſes requirere; id, quod eventus comprobavit. Alembertus (& poſt hunc Eulerus, & Simpson) exakte demonſtravit præceſſionem æquinocetiorum, quin ipſas etiam ejus variationes intra 18 annorum periodum motui nodorum Lunæ analogas, quas nempe obſervationibus detexerat Bradleyus. Idem quatuor primi ſubſelii Geometræ veram omnium anomaliarum lunæ theoriam condiderunt. Eulerus oſtendit, cur obliquitas eclipticæ lentæ cuidam imminutioni ſit obnoxia, evicitque eam in præſens per centum annos ad $47''$ pertingere, ſed inæqualem eſſe ſæculis a labente remotioribus. Mac-Laurinus, Eulerus, Bernoullius ex hujus theoriæ principiis phænomena, qualia obſervantur, æſtus maris reciproci deduxerunt. Omnia fere quidem hæc problemata jam antea a Newtono reſoluta ſunt, at methodo quadam vaga, nimisque indirecta. Verum reſolutiones, de quibus modo diximus, legem generalem virium centralium adverſus omnes objectiones, quibus antea vexari ſolebat, in tuto collocarunt.

Pag. 235 §. 698. Poſthunc §. ſequentia adde. Obſervatur 1^{mo} generatim, lunæ celeritatem augeri aut minui, ut ejus diameter apparens augetur, vel minuitur, conſequenter etiam ut ejus diſtantia a terra decreſcit, vel creſcit. Et quoniam limites maximæ, minimæque celeritatis ſunt in punctis ſuperficie ſphæræ cœleſtis ad ſenſum oppoſitis, hæc inæqualitas citra dubium oritur ex eccentricitate orbitæ lunaris: exhibetur vero in calculo *per æquationem centri*. 2^{do} Quantitates abſolutæ celeritatum maximæ & minimæ in una revolutione obſervatæ non ſunt eadem in ſequentē: & animadverſum eſt, quod quo ſol magis eſt elongatus a linea apſidum lunæ (in cujus nempe lineæ extremis ſunt termini maximæ illius & minimæ celeritatis) eo major ſit inæqualitas inter extremas hæc velocitates. Ex quo ſequitur, primam inæqualitatem lunæ eſſe obnoxiam alteri inæqualitati annuæ, pendenti a poſitione lineæ apſidum lunæ reſpectu ſolis. Appellant hanc ſecundam inæqualitatem *evectionem Lunæ*, quæ nequidem (uti nec prima) antiquos Aſtronomos Græcos latuit: verum ultra has illi progreſſi haud ſunt.

3^{tia}. Eſſi linea apſidum in elongatione 45° a ſole poſita, ſecundæ inæqualitati locuſeſſe non videatur, ac prima deberet eandem æquationem dare, ideoque & eadem celeritas lunæ eſſe in ſyzygia & quadratura; nihilomi-

hilominus tamen notavit Tycho - Brahe, velocitatem in syzygia majorem. Quare recipienda fuit tertia inæqualitas in theoria lunæ, quæ ejus *variatio* dicitur. Ejus æquatio in quadraturis, & syzygiis nulla est; sed maxima in punctis intermediis, five *obstantibus* lunæ.

4^{to} Cum Astronomi sub principium superioris sæculi intervalla temporum inter eclipses cum cura, & exacte observatas contulissent, deprehenderunt, revolutiones periodicas lunæ haudesse æque longas, nisi quæ iisdem anni tempestatibus fiunt. Longissimas eas repererunt, quæ fiunt mensibus Decembri & Januario; quæ vero contingunt Junio & Julio, brevissimas. Causam hujus inæqualitatis alii tribuebant revolutionibus diurnis Telluris, quam velocius circa axem converti existimabant in perihelio, quam dum versatur in aphelio. Verum præterquam quod hæc opinio pugnet cum theoria rotationis planetarum superius exposita, penitus everfa est experimentis horologiorum pendulis instructorum. Alii discriminis rationem inde petendam putarunt, quod luna facilius, difficiliusve circa terram revolvatur, prout hæc longius, propiusve a sole abest. Sed quidquid de hoc sit, observata inæqualitas tres exiguas æquationes annuas requirit, proportionales æquationi centri solis. Una harum pertinet ad motum lunæ in sua orbita; altera ad motum ejus apogæi; tertia ad motum ejus nodi.

§. 699. V. Planum orbitæ lunæ non semper eadem quantitate inclinatur ad planum ellipticæ; & primus observavit Tycho, latitudines maximas lunæ, quæ in quadraturas incidunt, vix 5° æquare, cum tamen ad 5° 18' ascendant, dum in syzygias incidunt.

700. VI. Distantia lunæ a terra ex ejus parallaxibus observatis deducta, mutatur a 55,72 usque ad 64,74 semidiametros æquatoris terrestris. Distantia ejus media æquat 60,23 ejusmodi semidiametros, quarum singulæ 19686078 ped. Reg. Paris. fere continent, uti ex mensuris in Peruvio captis deducitur; atque hinc distantia lunæ a terra media est circiter 1185692478 pedum, five si numero rotundo uti velimus, 1185700000 pedum.

801. VII. Luna est fere 340 vicibus propior telluri, quam sol; quippe cum solis distantia media a terra sit plus quam 20000 semidiametrorum terrestrium.

702. VIII. Luna est saltem &c, *adde in fine*: imo multæ suppetunt rationes existimandi, massam lunæ esse fere $\frac{1}{80}$ massæ Telluris.

Pag. 236 §. 705. *de hoc articulo notet Lector, adhibendam esse distantiam mediam lunæ a terra, ut §. 700 est definita. Hinc aliquod exiguum discrimen in calculo oritur, sed quod ad summam rei nihil facit.*

Pag. 239 Lin. 15 & 16 deleantur ST, vel DL — ST : ST = 2 HL : ST; & hinc DL — ST = 2 HL, ac horum loco inserantur sequentia,

tia, $ST - 2HL$, & hinc $DL - ST = \frac{ST \times 2HL}{ST - 2HL}$; & peracta
 divisione, $DL - ST = 2HL + \frac{4HL^2}{ST - 2HL} = 2HL$ tantum, pro-
 pter terminum $\frac{4HL^2}{ST - 2HL}$ prope nullum.

Pag. 241 §. 728 *Lege*: cum distantia lunæ a sole circiter $\frac{1}{176}$ minor sit &c.

Pag. 243 §. 739 *Adde*: atque hæc est quarta inæqualitas lunæ.

Pag. 245 §. 744 *Adde*. Non licet nobis, omnes hæc variationes minutim expendere, tum quod ultra brevitatis præfixæ limites excurrere necesse foret, tum quod secundum theoriam recentius de luna constitutam haud amplius supponatur orbita lunæ manere elliptica, quemadmodum id sumpserunt Halleyus & Newtonus post Horroxium. Id tantummodo observamus, in hac hypothese ex principiis alias stabilitis, neglecto effectu vis per LB expressæ, & habita solum ratione vis LE, ad Halley & Newtoni exemplum, incrementum, & decrementum eccentricitatis orbitæ lunæ respectu primæ ejus conditionis, & magnitudinis reperiri; motum lineæ apsidum tam directum, quam retrogradum, celeritatisque illius augmentum ac decrementum, pendere a prolongatione, aut contractione axis majoris orbitæ respectu primi status, quem haberet seclusa perturbatione.

Pag. 249 §. 758 *lege*: Interea tamen hæ inæqualitates in motu telluris annuo exiguæ sunt, quippe quæ alias in motu apparente solis perciperentur. Inæqualitates lunæ, quæ ex combinatione gravitatis mutux lunæ, solis, & telluris oriuntur (non habita ratione ejus, quæ ab eccentricitate provenit) & quarum summa ad duos & dimidium fere gradum exurgit, non essent nobis sensibiles, nisi tanta esset lunæ ac terræ vicinia; itaque eadem inæqualitates e sole spectatæ 340 vicibus minores videri debent, consequenter 26'' aut 27'' summum. Si igitur luna omnes suas inæqualitates in terram actione sua transferret, motus annuus apparens solis inde non posset plus turbari, quam 27'', quæ quantitas exigua prorsus est. Verum cum luna sit 70^{ies} minor quam terra, manifestum est, actione lunæ in terram has inæqualitates multo minores effici.

§. 759 *Lin. 6 loco 10 vel cum maxima est, 12 secundorum, lege* 8'' $\frac{1}{2}$ cum maxima est.

Pag. 256 §. 782 *Post hunc § adde*. Præter hanc deviationem alia adhuc est, cujus ratio habenda, quando longitudines stellarum reducendæ sunt ad annos ab epocha magis distantes. Notavimus enim, obliquitatem eclipticæ intra sæculum 46'' ferre minui; & theoria
 mo-

motus, constansque poli ubivis altitudo suadent, polum eclipticæ semper paullum accedere ad polum æquatoris. Ex quo liquet, ea imminutione non affici ascensionem rectam, & declinationem fixarum, sed tantum earum longitudinem, & latitudinem. Jam vero ope formularum differentialium (Trigon. 178 & 177), posita ascensione recta, & declinatione constante, facile invenientur mutationes in longitudinem & latitudinem competentes variationi datæ obliquitatis eclipticæ.

Pag. 267 post §. 818 adde: Ut major habeatur accuratio, calculandæ sunt parallaxes in sphæroide ad polos depresso (434 Append.), quæ methodi rationem non mutant, sed tantum calculi laborem aliquantum augent. Quomodo res hæc peragenda, hic non indicamus, cum id jam loc. cit. præstiterimus. Observavimus etiam idem in dispositione calculi mox subjungenda. Monemus tantummodo, si in ellipti (Fig. 77. Append.) CQ & CP exprimantur numeris integris unitate differentibus, uti 215 & 214, haberi $OK = \frac{CQ + \int^2 \text{latit.}}{CP}$

$$\& CK = \frac{2 \int \text{latit.}}{CP}$$

Pag. 276 §. 822 adde. Eadem methodus adhiberi potest, dum transitus planetarum inferiorum per discum solis calculandus est: & siquidem ratio eorum parallaxeos habenda fit, accipienda erit pro parallaxi planetæ differentia parallaxeos horizontalis planetæ, & solis. Constructio Graphica eadem fieri potest, quæ pro eclipsibus solis. At si parallaxeos planetæ nulla fit habenda ratio, & calculus & constructio graphica ab iis non differet, quæ pro eclipsibus lunæ adhibentur, modo loco umbræ substituatur discus solis.



Dispositio Calculi Eclipsis Solis pro die 25 Octob. An. 1753.

Temp. medium	20h. 20'	20h. 50'	21h. 20'	21h. 50'	22h. 20'	22h. 50'
locus verus ☉	213° 4' 32"	213° 5' 47"	213° 7' 2"	213° 8' 17"	213° 9' 32"	213° 10' 48"
locus verus ☽	211 47 0	212 4 42	212 22 25	212 40 8	212 57 51	213 15 35
Dist. ☽ a polo B	89 32 43	89 31 5	89 29 27	89 27 49	89 26 11	89 24 33
Parall. cor. ☽	58 31	58 31	58 30	58 30	58 29	58 29
Tem. med. in gr.	305 0	312 30	320 0	327 30	335 0	342 30
Longit. med. ☉	214 50	214 51	214 52	214 53	214 54	214 56
Pun. æq. in mer.	159 50	167 21	174 52	182 23	189 54	197 26
Punct. culmin.	158 11	166 15	174 24	182 36	190 47	198 54
An. ecl. cum mer.	68 2	67 7	66 37	66 32	66 53	67 39
Decl. punct. cul.	8 32 B	5 26 B	2 14 B	1 2 A	4 17 A	7 25 A
alt. punct. culm.	49 41	46 35	43 23	40 7	36 52	33 34
altit. nonages.	53 7	50 43	48 9	45 27	42 38	39 43
Nonagesimus	140 34	146 3	151 38	157 18	163 9	169 14
Dist. ☽ a nonag.	71 13	66 2	60 44	55 22	49 49	44 2
Paral. in long.	44 50	41 54	38 32	34 48	30 42	26 23
Paral. in latit.	35 24	37 24	39 23	41 23	43 24	45 24
Longit. appar. ☽	212 31 50	212 46 36	213 0 57	213 14 56	213 28 33	213 41 58
Lat. appar. ☽ A	8 7	8 29	8 50	9 12	9 35	9 57
Correct. longit.	— 8	— 8	— 8	— 8	— 8	— 8
Correct. latitud.	— 23	— 23	— 23	— 23	— 23	— 23
Long. ap. ☽ red.	212 31 50	212 46 28	213 0 49	213 14 48	213 28 25	213 41 50
Lat. ap. ☽ red.	7 44	8 6	8 27	8 49	9 12	9 34
diff. long. ☉ & ☽	+ 32 50	+ 19 19	+ 6 13	— 6 31	— 18 53	— 31 2
Dist. centrorum	33 44	20 57	10 29	10 58	21 1	32 28
Altit. ☽ circiter	14 10					26 38
Semid. horiz. ☽	16 8					16 8
Semid. appar. ☽	16 12		16 14			16 16
Semidiam. ☉	16 11		16 11			16 11
Summa semidia.	32 23		32 25			32 27

Temp. med.

Temp. vero & civili

Initium — — 20 h 23' 1" — — — — die 26 Octobr. 8 h. 38' 51" mane
 Medium — — 21 33 26 — — — — — — — — 9 49 16
 Finis — — 22 49 58 — — — — — — — — 11 5 49

Quantitas 8 dig. 31 minut. ex parte Australi Solis.

Pag. 280 § 852 adde. Fieri quoque potest, ut sol habeat motum translationis in spatio universi absoluto, id, quod motus particularis stellarum magis illustrium suadere videtur. Verum hoc conjecturæ meræ limites non excedit, quam dies cum longa observatio- num admodum subtilium serie, vel confirmabit, vel evertet.

Pag. ead. §. 853 adde. Certiores de hac re effemus, si antiqui Astronomi observationes tam exactas nobis reliquissent, ut hodie fiunt. Itaque notitia certior de medii ætherei resistentia futuris reservata est sæculis.

Corrigenda in Lectionibus Astronomiæ.

- Pag. 6 lin. 37 loco $DBC = ECB$ legatur $BDC = CEB$
 Pag. 25 Num. 166 in tangentis BC utriusque formulæ denominatore loco signi $-$ fiat $+$.
 30 *Ad Notam addatur.* Verum fit hoc ob neglectas binas postremas notas logarithmorum.
 48 Lin. 11 & sequentibus loco $\frac{\infty}{u}$ legatur $\frac{u}{\infty}$.
 111 Lin. 27 loco borealem lege Australem
 222 Lin. 35 loco dum primarius lege dum sol & primarius

ERRATA IN APPENDICE.

Pag. 8 *Distantia Mercurii a prima stella Arietis pro Aug. die 19 ponatur* $9^s 11^o 3' 46''$.

ERRATA

CORRIGE

Pag. 27	Lin. 19	ratione	—	—	rotatione
29	2	rectum	—	—	rectam
35	24	tellulis	—	—	telluris
37	10	oblig.	—	—	obliq.
38	2	fit fiat	—	—	fi fiat
45	27	$1^o 55''$	—	—	$1^o 55'$
48	ult.	logarithmum	—	—	logarithmus
53	antepenult.	Maii	—	—	Martii
54	12	nNL	—	—	LNS
56	31	harum	—	—	horum

Pag. 64. *Cometæ An. 1556 transitus per perihel. ponatur April. d. 21 20 h. 12'; primi vero An. 1618 transitus contingit Aug. d. 17 3 h. 12'.*

Cometarum item An. 1593 & primi 1618 orbitæ sunt minus certæ.

